



New Testament

Themne Language

Themne - Bible - New Testament

Mathiu	3	
Mark	59	
Luk	94	
Yon	153	
Mayos Ma Ansom	198	
Anrom	254	
1 Ankorinth	279	
2 Ankorinth	303	
Ankaletia	319	
Anefisos	328	
Anfilipai	337	
Ankolosi	343	
1 Anthesalonika	349	
2 Anthesalonika	354	
1 Timothi	357	
2 Timothi	364	
Taytos	369	
Faylimon	372	
Anhibru	379	
Yemas	392	
1 Pitar	398	
2 Pitar	405	
1 Yon	409	
2 Yon	415	
3 Yon	416	
Yud	417	
Kanjaibine	419	



Themne - Bible - New Testament

Mathiu

Mathiu 1

- ¹Ákáfá ka rákom ra Yisós Krayst óWan ka Debid, ówan ka Ebrahim, ki ake.
- ²Ebrahimánj ó kom Aysakán, Aysak ó kom Yekóbán, Yekób ó kom Yudasán yi aṅwont ḡṅ aruni.
- ³Yudasán ó kom Ferés yi Sara ka Temar; Ferésán ó kom Hēsron; ka Hēsronánj ó kom Aram;
- ⁴Eramánj ó kom Aminadab; ka Aminadabánj ó kom Neson; ka Nesonánj ó kom Salmón;
- ⁵ówa Salmónánj ó kom Bowas ka Rehab; ka Bowasánj ó kom Obéd ka Ruth; ka Obédánj ó kom Yési;
- ⁶Yésiánj ó kom Debidánj óbáy; ka Debid óbáy ó kom Solómón ka orani ka Urayas;
- ⁷Solómónánj ó kom Rihoboam; ka Rihoboamánj ó kom Abaya; ka Abayanj ó kom Asa;
- ⁸Asanj ó kom Yehosafat; ka Yehosafatánj ó kom Yoram; ka Yoramánj ó kom Osaya;
- ⁹ka Osayanj ó kom Yotham; ka Yothamánj ó kom Ehas; ka Ehasánj ó kom Hēsikaya;
- ¹⁰ka Hēsikayanj ó kom Manasé; ka Manasénj ó kom Emós; ka Amanánj ó kom Yosaya;
- ¹¹ka Yosayanj ó kom Yekonaya, yi aṅwont ḡṅ aruni ka aṅlókó a kera ḡa ro Babilón.
- ¹²Kédaránj ka ma a kera ḡa ro Babilón-e, Yekonayanj ó kom Salathiyel; ka Salathielánj ó kom Siróbabel;
- ¹³ka Siróbabelánj ó kom Abiud; ka Abiudánj ó kom Ilayakim; ka Ilayakimánj ó kom Asór;
- ¹⁴ka Asór ó kom Sedók; ka Sedókánj ó kom Akim; ka Akimánj ó kom Ilayud;
- ¹⁵ka Ilayudánj ó kom Eliyesar; ka Eliyesaránj ó kom Máthan; ka Máthanánj ó kom Yekób;
- ¹⁶ka Yekóbánj ó kom Yosef ówos ka Meri ówe kom Yisósánj, ówe a bont Krayst.
- ¹⁷Ówa takomra be kətəp ka Ebrahim haṅ ka Debid tə yi təkoma təfət tanle; ówa kətəp ka Debid haṅ ka kakera ḡa ro Babilón tə yi təkoma təfət tanle; ówa kətəp ka kakera ḡa ro Babilón haṅ ka Kraist-e, tə yi təkoma təfət tanle.



¹⁸Ɔwa kakom ka Yisɔs kɛ yi yaŋ; ma Yosef ɔ po fath Meriãŋ ɔkara ka Yisɔs, yeŋka aŋ yiranɛ-e, a fir kɛpa ɔ yi ukor ka ɔYina mɛsɛm.

¹⁹Kɛrɛ Yosefãŋ ɔwos kɛŋ-e, ma ɔ yi wuni lompi-e, ɔ yema hɛ wɔŋã kɛ mɛlap-e, ɔ nane tɛ kɛtɛr kɛ sɔy.

²⁰Kɛrɛ ma ɔ tãmtãmnɛ mätãy ame-e, kɛla, ɔmaleka ka ɔMarki ɔ tɔrine ro ŋɔŋ rɛ mɛrei, kɛ pa, Yosef, munɔ ɔwan ka Debid, tɛ nesa tɛ kɛba ro mu Meriãŋ, ɔrani ka mu-e, kotãy-e ɔ yi ukor ka ɔYina mɛsɛm.

²¹Ɔ tɛ kom wath uruni. Ɔwa mɛ yi tɛ kɛbont kɛ ŋɛs Yisɔs, kotãy-e kɛnɔ mɛ kisis aŋfɛm ŋɔŋ ka ɛhake yaŋ.

²²Àtɛ bɛ tɛ yɔnɛ kãmã àrim ra ɔMarki rɛ lasɛr ka tapa ta aŋnabi-e, kepa

²³Kɛla, ufane ɔ tɛ gbasi kor, Ɔ tɛ kom wath uruni, Ɔwa a tɛ bont kɛ ŋɛs, Imanuel, (aŋa a tepa kɛpa Kuruãŋ ɔ yi dɛ yi saŋ).

²⁴Ɔwa ma Yosef ɔ thɛmɛ ka mãrey mɔŋ-e, ɔ yɔ mɔ mɛ ɔmaleka ka ɔMarki ɔ yamari kɛ, kɛ gbasi ɔrani kɛŋ ro seth kɛŋ.

²⁵Kɛrɛ ɔ tɛ hɛ kɛ haŋ ɔ po kom ɔwan kɛŋ uruni utɔtɔkɔ. Ka a bont kɛ ŋɛs Yisɔs.

Mathiu 2

¹Ɔwa ma a kom Yisɔsãŋ ro Bethlihem áke ro Yudia ka mãrey ma Hɛrɔd ɔbay-e, kɛla, afɛm atɛmpi aŋ der ro Yerusalem kɛyɛfã ro thɔrɔŋ,

²kãŋ pa, Kɛn-a ɔwe a kom ubãy ka aŋYuda-a? kotãy-e sɛ po nɛnk akɔs kɛŋ ro thɔrɔŋ, ɔwa sɛ der tɛ kɛbatho kɛ.

³Ma Herodãŋ ɔbãy ɔ tɛl ti-e, pɛ sɔmpa kɛ yi aŋfɛm bɛ ro Yerusalem.

⁴kɛ thɔŋkla aŋfode ábana yi aŋkarmɔkɔ ŋa aŋfɛmɛ, ɔ yifɛth ŋa ta ro a yi tɛ kɛkom ɔKrayst.

⁵kãŋ pa ro ŋɔŋ, Ro Bethlihem áke ka aŋthɔf ŋa ro Yudia; kotãy-e yaŋ ɔnãbi ɔ gbal kɛpa,

⁶Munɔ Bethlihem, ka aŋthɔf ŋa Yuda, Mɛ yi hɛ ulɔl pɛthas aŋkɛrbomp ŋa aŋ Yuda; kotãy-e ugbɛkã ɔ tɛwɔr ro mu Ɔwe mɛ yi ɔbumɛr ka aŋfɛm a mi aŋIsrel.

⁷Ka Herodãŋ ɔ tela aŋfɛm atɛmpi sɔy, kɛ yifɛth ŋa finɔ ta aŋlɔkɔ aŋa akɔs kɛ tɔrine.

⁸kɛ som ŋa ro Bethlihem, kɛ pa, Kɛnɛ nu, thɛns ɔfinɔ ta ɔwath. Bɛpi nɛ po fir kɛ-e, dɛ nu tɔri mi, kãmã minɛ sɔ i gbɛli kɛ bátho kɛ.

⁹Maŋ po tɛla ɔbay-e, aŋ kɛnɛ ro Bethlihem, ka akɔs áke aŋ nɛnk ro thɔrɔŋ kɛ tɛma ŋa kɛdi haŋ kɛ rɛ tɛma rokɔm ka ɔdɛr ro ɔwath ɔ yi.

¹⁰Maŋ nɛnk akɔs-e, aŋ selanɛ mɛbɔnɛ mɛbana.



¹¹Maŋ po wɔŋ ka aŋseth-e, aŋ nɔnk ɔwath yi ɔkara kɔŋ Meriãŋ, kaŋ gbɔpsa, aŋ bãtho kɔ. Ɖwa maŋ po kanthi ebenene yaŋ-e, aŋ sɔŋ kɔ eboya; mɛbɔŋɔ-o, agbɔŋgbo-o yi aŋma.

¹²Ɖwa, ma Kuruãŋ ɔ maŋ ŋa rɔ mɔrei kãmã aŋ te kãlane ka Herod-e, aŋ kãlane ka aŋthɔf ŋaŋ rɔ rɔŋ dɛlɔm.

¹³Ɖwa maŋ po kɔne-e, kɔla, umãleka ka ɔMarki ɔ tɔrine ka Yosef rɔ mɔrei, ɔ pa, Yokane mɔ gbasi ɔwath yi ɔkara kɔŋ, mɔ gbuke mɔ kɔ ro Iyipt, kãmã mɔ yi ri haŋ i kane mu; kotãy-e Herodãŋ ɔ tɔ thens tɔ kɛdif ɔwath.

¹⁴kɔ yokane, ɔ gbasi ɔwath yi ɔkara kɔŋ ka tãtãk, ɔ kɔne ro Iyipt.

¹⁵kɔ yi ri haŋ rafi ra Herɔd; kãmã árim ra ɔMarki rɔ lasɔr ara ɔ pa ka kasɔŋ ka ɔnãbi, I po tela ɔwan kãmi tɔ kɔwɔr ro Iyipt.

¹⁶Herodãŋ, ma ɔ nɔnk kɔpa aŋfɛm atempi aŋ po pɔŋis kɔ-e, ɔ bansã haŋ, kɔ som afɛm tɔ kɛdifɛth aŋfɛth aruni bɛ ro Bethlehem yi ka mãgbãp mati bɛ, aŋfɛth aŋa bãk tɔren tɔrɔŋ yi aŋa te tha bekã yi-e, mɔ mɔ aŋlɔkɔ aŋ yi aŋa ɔ gbɛleŋ aŋfɛm atempi.

¹⁷Ka aŋlɔkɔ ŋati árim ra Yerimaya ɔnãbi rɔ lasɔr, ara pa,

¹⁸A tɛla rim ro Rama, Kɔbok yi rɔbora rɔbana. Retɛl ɔ bok ta aŋwuth ŋɔŋ; Ɖ selɔ hɛ a thɔnthɔ kɔ, pɔkasifɛ aŋ yi hɛ sɔ.

¹⁹Kɛrɛ ma Herodãŋ ɔ fi-e, umalek ka ɔMarki ɔ tɔrine ka Yosef ro Iyipt rɔ mɔrey,

²⁰kɔ pa, Yokane mɔ gbasi ɔwath yi ɔkara kɔŋ, mɔ kãlane ka aŋthɔf ŋa Isrɛl, kotãy-e aŋfɛm aŋa thens tɔ kɛdif ɔwath-e aŋ po fi thɔŋ.

²¹Kɔ yokane ɔ gbasi ɔwath yi ɔkara kɔŋ-e, kɔ der ka aŋthɔf ŋa Isrɛl.

²²Kɛrɛ ma ɔ tɛl kɔpa Arkiliyɔsãŋ ɔ sara ka aŋni ŋa ɔkas kɔŋ Herod-e, ɔ nesa tɔ kɔkɔ ri. Ɖwa ma Kuru ɔ maŋ kɔ rɔ mɔrey-e, ɔ kɔne ka mãgbãp ma ro Kalili.

²³kɔ der, ɔ yirã ka kãpet áke ma tela Nasarɛth; kãmã árim ra ɔnãbi rɔ lasɔr ara pa, A ba kɔbont kɔ uNasarɛth.

Mathiu 3

¹Ka mãrey mati Yɔnãŋ ɔBaftays ɔ wur gbafɛth, kɔ tamɔs ka aŋwula ŋa ro Yudia, ɔ pa,

²Thupi nu, kotãy-e rãbãy ra ro riyana rɔ po fat.

³kotãy-e ta ɔwe ɔnãbi Aysayaŋ ɔ fɔf ma ɔ pa, Árim ra ukin ɔwe gbɛlegbɛle ro wula, ɔ pa, Bɛnɛnɛ nu aroŋ da ɔMarki, Lompɔs nu asoŋ tɔŋ.

⁴Yɔnãŋ ɔ wɔŋ ruma ra aŋfon ŋa áyɔkme, ɔwa ɔ senɛ áthɛbɛŋ ŋa areka. Ɖdi yɔŋ ɛ yi elama yi rɔmai.

⁵Aŋlɔkɔ ŋati afɛm agbãthi aŋ kɔ ro ŋɔŋ kɔwɔr ro Yerusalem yi ro Yudia bɛ, yi ka aŋgbaŋ bɛ aŋa fatɔr ro Yɔrdan.



- ⁶kɔ baftays ɲa ro Yɔrdan maɲ gbithane ehake yaɲ.
- ⁷Kere ma ɔ nɔnk aFaresi yi aSadusi agbathi aɲ der kama ɔ baftays ɲa, ɔ pa ro ɲaɲ, Naɲ, na rakomra ra egboro, kane maɲ nu te kagbuke rabaɲ ara ma der-e?
- ⁸Tiyaɲ kara nu makomi mabeki ta kethupi.
- ⁹Owa te nu nane ka emerã ε nu kɔpa, Sɔ ba Ebrahim ta okas kasu; kotay-e i kane nu Kuruãɲ ɔ gbali yokas awuth ta Ebrahim ka masar ame.
- ¹⁰Owa ka-ake a po tho bot kabap ka anthɔnk ɲa eyint. Tiyaɲ, ɲent o ɲent aɲa ma te wur makomi mafino-e, a te tap ɲi, a te fitha ɲi ro nant.
- ¹¹Mineɲ yathi, i baftays nu yi mant ka kethupi, kere owe ma der kedarɔɲ kami konɔ thasi mi afoso. I bek he te kawop ekoftha yɔɲ. O te baftays nu yi oYina masem yi nant.
- ¹²Anfuɲa ɲɔɲ aɲ yi ka kata konɔ, ɔ te gbɛl angbethe ɲɔɲ gberaɲ, owa ɔ te thɔnkla apɛla pɔɲ ro fuɲk, kere efuk-e, ɔ te thɔi yi rɛ nant nɛte dimse.
- ¹³Åɲlɔkɔ ɲati Yisosãɲ ɔ wur ro Kalili, ɔ der ro Yɔrdan ka Yɔn, kama ɔ baftays kɔ.
- ¹⁴Kere Yonãɲ ɔ yema bent kɔ, ɔ pa, Pɛ mar munɔ ma baftays mi, kere ma der ro mi-i?
- ¹⁵Ka Yisosãɲ ɔ pa ro ɲɔɲ, Ta pɛ yi yaɲ ka-ake, kotay-e ya pɛ mar sɔ lasɛr malompi bɛ. Kɔ selɔ ɔ baftays kɔ.
- ¹⁶Ma a po baftays Yisos-e, ɔlɛmp wati ɔ wur ro mant; ka akariyana kɛ kanthe, kɔ nɔnk oYina ka Kuru ɔ thor mɔ kɛpɛrɛm ɔ thorɛr kɔ,
- ¹⁷ka rim rɛ wur ka Kuru, rɛ pa, Owe-e, konɔ yi oWan kami uboθɛr, ka owe i ba mɛbɔne.

Mathiu 4

- ¹Åɲlɔkɔ ɲati oYina ɔ kera Yisosãɲ ro wula kama Sethani ɔ gbɔns kɔ.
- ²Ma ɔ po wop asum mɛrei tɛgba tɛrɔɲ pali gbesãɲ, dor rɛ wop kɔ.
- ³Ka ɔgbɔns ɔ bek-e, ɔ pa ro ɲɔɲ, Bepi munɔ yi oWan ka Kuru-e, yamari kama masar ame ma sɛkɛ tɛbo.
- ⁴Kere Yisos ɔ pa, A po gbɛl kɛpa, Wuni ɔ ɲesɛm he rɛ kɛbo gbo son, kere rɛ rim o rim ara wur ka kasɔɲ ka Kuru.
- ⁵Ka Sethianiãɲ ɔ kera kɔ ka kãpet kɛsɛm, kɔ tɛmɛr kɔ rokɔm ka anseth ɲa Kuru, ɔ pa ro ɲɔɲ,
- ⁶Bepi ma yi oWan ka Kuru-e, tɛlpɛ roratha, kotay-e a po gbɛl kɛpa, O te yamari anmãleka ɲɔɲ ta atã mu, Owa aɲ te kekɛr mu ka mãta maɲ Ta thani ma gbuɲane akatɛk ka mu rɛ asar.
- ⁷Yisos ɔ pa ro ɲɔɲ, A po sɔ gbɛl kɛpa, Te memɛr oMarki oKuru ka mu.



- ⁸Ka Sethaniān ɔ kera kɔ sɔ ka kɛtɛŋ kɛbɔli rɛkɔm, kɔ tɔri kɔ tabɔy bɛ ta ɔdɔru, yi eyiki yati.
- ⁹kɔ pa ro ŋɔŋ, I ti sɔŋ mu mayɛt amɛ bɛ-e bɛpi mɛ gbɛpsa, ɔwa mɛ bɔtho mi.
- ¹⁰Ka Yisɔs ɔ pa ro ŋɔŋ, Sethani, sɛk mi rɔŋ! kɔtɔy-e a po gbal kɛpa, Mɛ yi tɛ kɛbatho ɔMarki ɔKuru ka mu, ɔwa kɔnɔ gbo son mɛ mɛ yɔna.
- ¹¹Ka Sethaniān ɔ ter kɔ, ka aŋmɔleka aŋ der aŋ yɔna kɔ.
- ¹²Ma Yisɔsɔŋ ɔ tɛl kɛpa a bot Yɔnɔŋ ka aŋseth ŋa tɛrɛŋka-e, ɔ kɔnɛ ro Kalili.
- ¹³kɔ wur ro Nasareth, ɔ der yirɔ ro Kɛpaniyɔm ɔke yi ro baŋ rayer, ka mɔnɛnkɛra ma ro Sɛbulɔn yi Nafthalim.
- ¹⁴Kama tɛ lasɛr ɔte Isaya ɔnɔbi ɔ pa, kɛpa,
- ¹⁵Aŋthɔf ŋa ro Sɛbulɔn, yi aŋthɔf ŋa ro Nafthalim, Kɛbalɛr ro baŋ Yɔrdan mɔri, Ka Kalili ka tɔbona tɛlɔm,
- ¹⁶Aŋfɛm aŋa yirɔ ka aŋsum Aŋ nɛnk kɛwale kɛbana; ɔwa kɛwale kɛ put ro ŋaŋ Aŋa yirɔ ka ɔder yi ka aŋmumpɛl ŋa rɛfi.
- ¹⁷Kɛtɛp ka aŋlɔkɔ ŋati Yisɔsɔŋ ɔ tɛp kɛtam, ɔ pa, Thupi nu kɔtɔy-e rɔbɔy ra ro riyana rɛ po fat.
- ¹⁸ɔwa ma Yisɔsɔŋ ɔ kɔth kɔth rayer ka kɔbɔŋ ka ro Kalili-e ɔ nɛnk awɔnt aruni ŋarɛŋ, Symɔnɔŋ ɔwe a bont Pita, yi Andrɔŋ ɔwɔnt kɔŋ, aŋ bɔ fitha kɛpɛl ro baŋ, kɔtɔy-e aŋ yi alɔm.
- ¹⁹kɔ pa ro ŋaŋ, De nu tɔŋ mi, i ti yɔ nu nɛ lɛm afɛm.
- ²⁰ɔlɛmp wati aŋ tey tapɛl ta naŋ, kaŋ tɔŋ kɔ.
- ²¹Ma ɔ wur ri-e, ɔ nɛnk awɔnt aruni ŋarɛŋ alɔm, Yemɔsɔŋ ɔwan ka Sɛbidi, yi ɔwɔnt kɔŋ Yɔnɔŋ, aŋ yi ro bil dɛ yi Sɛbidi ɔkas ka ŋaŋ, aŋ bɔ gbɛŋgbɔlɛ tapɛl taŋ. Kɔ tela ŋa.
- ²²ɔlɛmp wati aŋ tey aŋbil yi ɔkas ka ŋaŋ, kaŋ tɔŋ kɔ.
- ²³Ka Yisɔsɔŋ ɔ kɔth ro Kalili bɛ, ɔ thɛksa ka ɛseth ɛgbane, ɔ tamɛs ɔkɛra kɛfinɔ ka rɔbɔy, ɔ yɛnkɛs rɛtu o rɛtu kɛtɔŋ ka aŋfɛm.
- ²⁴Ka aŋɛs ŋɔŋ aŋ gbanthɛnɛ ro Siria bɛ; kaŋ kɔrɔ ro ŋɔŋ aŋboma bɛ aŋa ba tɛtu yi ɛsɔmpane ɛbaŋ ɛgbanthe tɛtɛp, ŋaŋ aŋa ba akɛrɛfi-o, tatuk-o, mɔthanthaŋ-o, ɔwa ɔ yɛnkɛs ŋa bɛ.
- ²⁵Ka suniya tɛbana tɛ tɔŋ kɔ kɔyɛfɔ ro Kalili, ro Dikapɔlis, ro Yerusalem, ro Yudia dɛ yi ro Yɔrdan mɔri.

Mathiu 5



- ¹Ma Yisósān ɔ nɛnk ásuniya-e, ɔ gbep ka kɛtɛŋ rokɔm. Ma ɔ po yira-e, aŋkarande ŋɔŋ aŋ fatɛr kɔ.
- ²kɔ tɛp kɛthɛksa ŋa, ɔ pa,
- ³Aruba ŋaŋ aŋa yi amɔnɛ rɛ ámerá, kotáy-e ŋa ba rábáy ra ro riyana.
- ⁴Aruba ŋaŋ aŋa saŋ amɔl, kotáy-e a ba kɛthɔnthɔ ŋa.
- ⁵Aruba ŋaŋ aŋa ba emerá ethoranɛ, kotáy-e aŋ tɛ ba aŋthɔf mɔ kɛŋ.
- ⁶Aruba ŋaŋ aŋa ba afela ta málompi mɔ dor, kotáy-e aŋ ba kɛnámrá.
- ⁷Aruba ŋaŋ aŋa ba áney, kotáy-e a tɛ ba ŋa áney.
- ⁸Aruba ŋaŋ aŋa ba emerá efɛra, kotáy-e aŋ ba kɛnɛŋk Kuru.
- ⁹Aruba ŋaŋ aŋa yi awom, kotáy-e a tɛ bont ŋa aŋwuth ŋa Kuru.
- ¹⁰Aruba ŋaŋ aŋa a po sɔmpa salata málompi, kotáy-e ŋa ba rábáy ra ro riyana.
- ¹¹Nɛ ba aruba bepi a sambos nu, ɔwa a sɔmpa nu, thalɔm a fɔf nu ɔlɛs rɛ rɛyem salata mi.
- ¹²Sɛl nu mɛbɔnɛ, ta pɛ bɔnɛ nu ɔthasɛr, kotáy-e aŋram a nu aŋ yi ábana ro riyana; átesoma-e ya a sɔmpa aŋnabi aŋa yi thɛpaŋ.
- ¹³Naŋ nɛ yi amer ma ádárú, kɛrɛ bepi amer mɛ dim mabɔthi mati-e, ko rɛka rɛ mɛ bɔthɛs ma sɔ-e? Mɛ thesa hɛ sɔ ta rɛka o rɛka thambe a fitha ma, ɔwa afɛm aŋ nas ma.
- ¹⁴Naŋ nɛ yi aŋmothá ŋa ádárú. Kápet áke yi ka kɛtɛŋ rokɔm-e kɛ gbɛli hɛ maŋkɛ.
- ¹⁵ɔwa afɛm aŋ moth hɛ kɛmule tɛ kɛbot ki rɛ áthunthá roratha-e, thambe aŋ bot ki rɛ ɔtɛmɛr, kámá kɛ mothɛr ŋa bɛ ro seth.
- ¹⁶Yɔ nu kámá aŋmothá a nu aŋ gbentha rodi ka aŋfɛm, kámá aŋ nɛnk máyɔs ma nu mɛfínɔ, ɔwa aŋ yikis ɔKas ka nu ɔwe yi ro riyana.
- ¹⁷Te nu nanɛ kɛpa i der tɛ kɛlɛsɛr aŋthɔ, thalɔm tapa ta aŋnabi. I de hɛ tɛ kɛlɛsɛr, kɛrɛ tɛ kɛlasɛr.
- ¹⁸Tɛntɛnɛ i pa ro rɛnu, Haŋ ákariyana yi ádárú ɛ thas-e, hali táy tɛlɔl thalɔm agbal ŋin ŋa aŋthɔ aŋ gbɛli hɛ dinɛ haŋ a po lasɛr ŋi bɛ.
- ¹⁹Tiyáŋ wuni o wuni ɔwe mɛ sim ágbáp alɔl ŋin ŋa ɛthɔ eye, ama ɔ thɛksa afɛm yaŋ-e, a tɛ bont kɛ ulɔl ka rábáy ra ro riyana; kɛrɛ ɔwe mɛ wop ama ɔ thɛksa yi-e, a tɛ bont kɛ ubana ka rábáy ra ro riyana.
- ²⁰Tiyáŋ i pa ro rɛnu, Thambe málompi ma nu mɛ thas málompi ma aŋkarmɔkɔ yi aŋFarisi-e, rɛ roŋ o roŋ nɛ gbɛli hɛ wɔŋ ka rábáy ra ro riyana.
- ²¹Nɛ po tɛl kɛpa a pa ka aŋbáki thɛpaŋ, Te dif wuni. Wuni o wuni ɔwe mɛ dif wuni kɛsias-e, ɔ beki kámá ɔ sɔthɔ áthálɛr ka aŋthonkas.



- 22** Kere mineŋ i pa ro ronu, Wuni o wuni owe ba mɔbaŋ ta ɔwont kɔŋ-e, ɔ tɔ fumpɔ kasi ro bare; ɔwa wuni o wuni owe mɔ farki ɔwont kɔŋ-e, ɔ tɔ fumpɔ kasi ka aŋSanhedrin; kere wuni o wuni owe mɔ pa, Mun pɔŋk, ɔ tɔ fumpɔ kasi ro yahanama.
- 23** Tiyɔŋ bepi mɔ kɔrɔ aŋboya a mu ka aŋbɛsɛ-e, ɔwa mɔ kala ɔmerɔ kɔpa ɔwont mu ɔ ba mɔbaŋ ta ɔtɔ mu-e;
- 24** tey ri aŋboya a mu, kɔnɛ mɔ mɔtha kɔl mane yi ɔwont mu, kɔdarɔŋ kati mɔ der, mɔ sɔŋ aŋboya a mu.
- 25** Mane yi ɔtheranɛ ka mu ka aŋlɔkɔ na mɔ taŋanɛ ro roŋ yi kɔn; ta thani ɔtheranɛ ka mu ɔ lɔnki mu ka ɔthonkas, ɔwa ɔthonkas ɔ lɔnki mu ka aŋbɔy, ɔwa a tand mu ka aŋseth ŋa tɔrɔŋka.
- 26** Tentɛnɛ i kanɛ mu, mɔ ba hɛ kɔwur ri rɔ roŋ o roŋ haŋ mɔ pɔŋ ram aŋwankɔpɔ alɔpsɔ.
- 27** Nɔ po tɔl kɔpa a pa, Te yɔ kɔrɔp.
- 28** Kere mineɔŋ i pa ro ronu, Wuni o wuni owe mɔ kɔli wuni bom tɔ kɔfela kɔ-e, ɔ po yɔ kɔrɔp ka aŋmerɔ ŋɔŋ.
- 29** Bepi rafɔr ra mu rɔdiɔ rɔ yɔ mu mɔ pɔnthɔla-e, kothi ri, fitha ri, kotɔy-e pɔ tɔ fisa mu bepi abem ŋin ŋa aŋder a mu aŋ lɔsɔ-e, pɔthasi kɔfitha aŋder a mu alolok ro yahanama.
- 30** ɔwa bepi kɔta ka mu kɔdiyɔ kɔ yɔ mu mɔ pɔnthɔla-e, gbɔk ki, fitha ki, kotɔy-e pɔ tɔ fisa mu bepi abem ŋin ŋa aŋder a mu aŋ lɔsɔ pɔthasi kɔfitha aŋder a mu alolok ro yahanama.
- 31** A po pa sɔ, Bepi wuni o wuni ɔ ter ɔrani kɔŋ-e, ta ɔ sɔŋ kɔ areka ŋa kasakanɛ;
- 32** kere mineɔŋ i pa ro ronu, Wuni o wuni owe mɔ ter ɔrani kɔŋ pɔ yi hɛ tɔ kɔrɔp-e, ɔ yɔ ɔbera ɔ sɔkɛ urɔpi, ɔwa wuni o wuni owe mɔ nɔntɔ kɔ owe a po ter-e, ɔ yɔ kɔrɔp.
- 33** Nɔ po tɔl kɔpa a pa ka aŋbɔki thɔpaŋ, Te gbɔŋ kɔgbɔŋ ka rɔyem, kere lasɔr ɛgbɔŋ ɛ nu ka ɔMarki.
- 34** Kere mineɔŋ i pa ro ronu, Te gbɔŋ hali, pɔ yi hɛ ka ɔkariyana, kotɔy-e kɔ yi kawaŋ ka rɔbɔy ra Kuru Mɔsaba,
- 35** pɔ yi hɛ ka ɔdaru, kotɔy-e kɔ yi kɔpet ka ɔBɔy ubana.
- 36** Te gbɔŋ ka rɔbomp ra mu, pɔkasifɛ mɔ gbɔli hɛ sɔki rafɔn ra mu rin rɔferɔ thalɔm rɔbi.
- 37** Kere ta mapa ma mu mɔ yi Yao, Yao, thalɔm Yi thahɔ, Yi thahɔ; kotɔy-e tɔy o tɔy ɔte thas ɔte tɔ wur ka ɔlɔs.
- 38** Nɔ po tɔl kɔpa a pa, Rɔfɔr ta rɔfɔr, rɔsek ta rɔsek;



³⁹Kere mineañ i pa ro ronu, Te kasi mælæs. Bepi wuni o wuni o gbantha mu ka aṅkos ádiyo-e, láfthe kó aṅlóm sò.

⁴⁰Ɔwa bepi wuni o wuni o kera mu ro bare-e, ɔwa o nɔy mu aruma ra mu-e, yo kámá o ba sò kafól ka mu.

⁴¹Bepi wuni o wuni o kithine mu tɔ kɔpáyá kó ámayl ñin-e, páyá kó yerəṅ.

⁴²Səṅ ka ɔwe mə tholir mu, te pensa ɔwuni ɔwe yema bər mu.

⁴³Nə po təl kɔpa a pa, Bother ɔfatane ka mu, ɔwa gbeṅa ɔtherane ka mu.

⁴⁴Kere mineañ i pa ro nu, Bother aṅtherane a nu, ɔwa ramne nu ta átá ṅaṅ aṅa sɔmpa nu,

⁴⁵kámá nə yi aṅwuth ṅa ɔKas ka nu ɔwe yi ro riyana. Kotáy-e o yo aret rəṅ rə putər ka aṅlæs yi ka aṅfinɔ, o somra akóm ka aṅlompɔ yi ka aṅkəná.

⁴⁶Átesoma-e bepi nə bothər gbo aṅa bothər nu-e, ko áram ṅaṅ mə nə sɔtho-e? Yaṅ tha aṅthonkla éfák aṅ yo sɔ-e?

⁴⁷Bepi nə kori aṅwont nu gbo-e, ko táy təfinɔ tṅ nə yo pəthas alóm-e? Yaṅ tha tábona təlóm mə aṅ yo sɔ-e?

⁴⁸Tiyāṅ yi nu agbenthis mə mə ɔKas ka nu ɔwe yi ro riyana o yi ugbenthis.

Mathiu 6

¹Botne nu kámá nə te yo málompɔ ma nu rodi ka aṅfəm kámá aṅ nənk nu. Bepi pə yi yaṅ-e, nə sɔtho he áram kəwur ka ɔKas ka nu ɔwe yi ro riyana.

²Tiyāṅ ma mə nə səṅ eboya-e, te nu fəṅ kəthema rodi ka nu mə mə aṅmunafáki mə aṅ yo ka eseth egbane yi ka asoṅ-e, kámá aṅ sɔtho ayiki ka aṅfəm. Tə tentene i kane nu, aṅ po sɔtho aṅram ṅaṅ.

³Kere ma mə mə səṅ eboya-e, te selo káta ka mu kəmero kə tará áte káta ka mu kədiyo kə yo;

⁴kámá eboya e nu e yi rə agbundu, ɔwa ɔKas ka nu ɔwe nənk rə agbundu o tə ram nu gbafəth.

⁵Ɔwa ma nə ramne-e, te nu yi mə aṅmunafáki, kotáy-e aṅ bother kətəma ka eseth egbane yi ka asoṅ təsakane kámá aṅfəm aṅ nənk ṅa. Tentene i kane nu, aṅ po sɔtho aṅram ṅaṅ.

⁶Kere munəṅ, bepi mə ramne-e, wəṅ ka aṅkonko a mu, ɔwa ma mə po kantha kadare ka mu-e, ramne ka ɔKas ka mu ɔwe yi rə ɔmaṅkne, ɔwa ɔKas ka mu ɔwe nənk rə ɔmaṅkne o tə ram mu gbafəth.

⁷Kere ma nə ramne-e, te nu fəf sim təgbathi təyai, mə mə tábona təlóm mə tə yo; kotáy-e aṅ nane kɔpa a tə təla ṅa ta tafəf taṅ təgbathi.



- ⁸Tiyàŋ te nu yi mɔ ɲaŋ, átesoma-e ɔKas ka nu ɔ tãrà eyet eye nɔ yema yeŋka nɔ yif kɔ.
- ⁹Tiyàŋ ramne nu yaŋ; ɔKas kãsu ɔwe yi ro riyana, kanka aŋes a mu aŋ yi ásɛm.
- ¹⁰Kaŋkɔ rábáy ra mu rɔ bek. Kaŋkɔ mäsɛlɔ ma mu mɔ yɔne nɔru mɔ mɔ mɔ yɔne ro riyana.
- ¹¹Yer su thonɔŋ eyet edi ebeki su.
- ¹²Tera su mätáy ma su mälɔs, mɔ saŋ mɔ sɔ tera ɲaŋ aŋa yɔ su ɔlɔs.
- ¹³Te su wɔŋá rɔ táy tɔgbɔns kere wurɔ su ka mätáy mälɔs; átesoma-e munɔ ba rábáy yi aŋfɔsɔ yi aŋyiki thánkàŋ thɔbana, Amina.
- ¹⁴kotáy-e, bepi nɔ tera afɛm mätáy maŋ mälɔs-e, ɔKas ka nu ro riyana ɔ tɔ tera nu sɔ,
- ¹⁵kere bepi nɔ tera he afɛm mätáy maŋ mälɔs-e, ɔKas ka nu ɔ ba he kɔtera nu mätáy ma nu mälɔs.
- ¹⁶ɔwa ma pɔ thas ri-e, bepi nɔ wop asum-e, te nu suma mɔ aŋyɔr; kotáy-e aŋ lɛsɛr aser taŋ kámá aŋfɛm aŋ nɔnk kɔpa aŋ wop asum. Tɔ tentene i kanɛ nu kɔpa aŋ po sɔthɔ aŋrám ɲaŋ.
- ¹⁷Kere munɔŋ, bepi mɔ wop asum, sɔp rábomp ra mu yi máro, ɔwa yak áder a mu,
- ¹⁸kámá afɛm aŋ te nɔnk kɔpa mɔ wop asum-e, kere ɔKas ka mu ɔwe yi rɔ ɔmaŋkne. ɔwa ɔKas ka mu ɔwe nɔnk rɔ agbundu ɔ tɔ ram mu.
- ¹⁹Te nu thonklane tɛŋ ka ádãru ro amɔrka yi magbak má mɔ sɔm ti, de yi akey mɔ aŋ bes tɔ kɔkeya.
- ²⁰Thonklane nu gbo tɛŋ ro riyana, ro amɔrka yi mɔgbak mɔ gbɛli he sɔm ti, ɔwa ro akey aŋ te bes, aŋ keya.
- ²¹Átesoma-e ro atɛŋ ta nu tɔ yi-e, rɔ emerá ε nu ε tɔ yi sɔ.
- ²²aŋmothá ɲa aŋder aŋ yi rafɔr. Tiyàŋ bepi rafɔr ra mu rɔ yi rɔtempi-e, rɔ tɔ mothɔr aŋder a mu be.
- ²³Kere bepi rafɔr ra mu rɔ yi rɔlɔs-e, aŋder a mu be aŋ tɔ la asum. Tiyàŋ bepi aŋmothá aŋa yi mu aŋ yi asum-e, aŋsum ɲati a bana!
- ²⁴Wuni ɔ wuni ɔ gbɛli he bátho amarki ɲarɔŋ, kotáy-e ɔ tɔ gbɛŋa ɔkin ɔwa ɔ tɔ bɔthɔr ɔlɔm; thalɔm ɔ tɔ gbapsa ɔkin, ɔwa ɔ tɔ sai ɔlɔm. Nɔ gbɛli he bátho Kuru de yi mɔbɔŋɔ.
- ²⁵Tiyàŋ i kanɛ nu, te nu ba asoli ta eŋesɛm ε nu, ta ara mɔ nɔ di-e, thalɔm ta ara mɔ nɔ mun-e, ta a pa ras ta aŋder a nu ta ara mɔ nɔ wɔŋ. Aŋesɛm aŋ thas he yet edi-i, ɔwa aŋder aŋ thas he eloprá-i?
- ²⁶Kɔli ebãmp rokɔm-a, aŋ sak he, aŋ rɔk he, aŋ thonkla he rɔ tɔfunk: kere ɔKas ka nu ro riyana ɔ wɔnthɔr ɲa. Naŋ-e, nɔ thas he ɲa márɔŋ márɔŋ-i?



- ²⁷Wuni reke kətɔŋ kánu mə gbəli bār alonk ŋin ka kasaŋa kɔŋ, hali ɔ ba ti afela-e?
- ²⁸Ɔwa kɔyɛŋ nə ba asoli ta yet eloprà-e? Tàmtámne táyaba ta ro lal ma mə tə lɔkɔ; tə yɔ he məpanth, tə sərəm he,
- ²⁹kere i kanɛ nu-e, hali Sólómɔn ka aŋyiki ŋɔŋ be ɔ lopra he mə malɛŋi mati ame.
- ³⁰Ɔwa bepi Kuruáŋ ɔ lonsər akereŋ ka ro lal yaŋ-e, áke yi thonɔŋ, ɔwa ninaŋ a fitha ki rə nánt nəbana; thamsine naŋ-e, nia afəm ŋa kəlana kəthan.
- ³¹Tiyáŋ te nu soli kəpa, Ko mə sə di-e, thalɔm ko mə sə mun-e, ta a pa ras ko mə sə wɔŋ-e?
- ³²kotáy-e eyet eye be-e, ye tábona təlɔm mə tə thens, kere ɔKas ka nu ro riyana ɔ tára kəpa nə yema eyet eye be.
- ³³Kere mɔtha nu thens rábáy ra Kuru, de yi málompi mɔŋ, ɔwa ɔ tə bára nu eyet eye be.
- ³⁴Tiyáŋ te nu ba asoli ta ninaŋ, átesoma-e rasɔk ra ninaŋ rə tə ba aŋsoli ŋati. Máləs ma aŋrey mə beki ta aŋrey ŋati.

Mathiu 7

- ¹Te nu thonkas wuni, kámá a te thonkas nu.
- ²kotáy-e kathonkas áke mə nə thonkas-e kə mə a thonkas nu; ɔwa aŋthuntha aŋa mə nə thunth-e, ŋə mə a kál thuntha nu.
- ³Ko táy táŋ mə nɛnk aŋpol aŋa yi ka rafɔr ra ɔwɔnt mu kere mə te nɛnk kagboŋ áke yi ka rafɔr ra mu gbeŋ-e?
- ⁴Thalɔm to mə gbəli pa ka ɔwɔnt mu, Yɔ kámá i wurɔ aŋpol ka rafɔr ra mu, ma mə ba kagboŋ ka rafɔr ra mu-e?
- ⁵Mun wuni yɔr, mɔtha wurɔ kagboŋ ka rafɔr ra mu, ɔwa kədarəŋ kati mə tə gbəli nɛnk gbəraŋ tə kəwura aŋpol ka rafɔr ra ɔwɔnt mu.
- ⁶Te nu sɔŋ rəka rəsəm ka etən, ɔwa te fitha máthəni ma nu ka təsɔp, ta thani aŋ nas ma ka átátək taŋ, ɔwa aŋ fələ aŋ gbarigbari nu.
- ⁷Yif nu, a tə sɔŋ nu. Thens nu, ɔwa nə tə fir. Gbátgbát nu ka kádare, a tə kanthe nu;
- ⁸kotáy-e wuni ɔ wuni ɔwe mə yif-e, ɔ tə sɔthɔ, ɔwe mə thens-e, ɔ tə fir, ɔwa ɔwe mə gbatgbat-e, a tə kanthe kɔ.
- ⁹Wuni reke kətɔŋ ka nu-e, bepi ɔwan kɔŋ ɔ tholir kɔ kəbo-e, mə ɔ sɔŋ kɔ asar-e?
- ¹⁰Thalɔm bepi ɔ tholir kɔ kəlop-e, mə ɔ sɔŋ kɔ abok-e?
- ¹¹Bepi naŋ ma nə yi aləs-e, nə tára kəsɔŋ eboya efino ka aŋwuth a nu-e, pə tha gbethi ɔKas ka nu ɔwe yi ro riyana mə ɔ sɔŋ he eyet efino ka ŋaŋ aŋa mə tholir kɔ-i?



- ¹²Tiyán tày o tày áte nà yema kámá afém aṅ yò nu-e, ya nà yi tə kəyò sò ro ṅaṅ; kotáy-e áte tə yi aṅthò yi émaṅ ya aṅnabi.
- ¹³Wəṅ nu ka kadare kəthiṅkané, kotáy-e kadare kə yi kəbana ówa aroṅ rə yi rəbana ara lomane ka kadine, ówa ṅa agbáthi aṅa wəṅ ri.
- ¹⁴Pəkasiṫe kadare kə thiṅkané ówa aroṅ rə lol ara lomane ka aṅesəm, ówa ṅa athán aṅa fir ri.
- ¹⁵Botne nu rə ámerá ta aṅnabi ayem aṅa mə der ro nu rə elopra ya təlómé, kere rokor aṅ yi tətholu alukəs.
- ¹⁶Nə tə tárá ṅa ka məkomi maṅ. Afém aṅ gbəli pim mətiti rə təbánk-i, thalóm məgbəno rə təsənduku-i?
- ¹⁷Ya pə yi sò-e, ṅənt o ṅənt afinó aṅ kom məkomi məfinó, kere ṅənt aləs aṅ kom məkomi mələs.
- ¹⁸Ḍənt afinó aṅ gbəli he kom məkomi mələs, ya pə yi sò, ṅənt aləs aṅ gbəli he kom məkomi məfinó.
- ¹⁹Ḍənt o ṅənt aṅa te kom məkomi məfinó-e, a tə tap ṅi, ówa a tə fiṫa ṅi ro nánt.
- ²⁰Tiyán nà tə tárá ṅa ka məkomi maṅ.
- ²¹Pə yi he wuni o wuni ówe mə pa ro mi, Pa, Pa, kəno mə wəṅ ka rábáy ra ro riyana, kere ṅaṅ gbo son aṅa mə yò məselə ma óKas kámi ówe yi ro riyana.
- ²²Agbáthi aṅ tə pa ro rəmi ka aṅrey ṅati, Pa, Pa, saṅ-e, sə la he nábi ka aṅes a mu-i? Sə la he wuró akərəfi-i, sə la he yò məyós məkabane məgbathi ka aṅes a mu-i?
- ²³Ka aṅlókó ṅati i ti kané ṅa gbafəth kəpa, Thánkəṅ i tə he nu. Wur nu ro rəmi, naṅ aṅa yò məyós mələs.
- ²⁴Tiyán wuni o wuni ówe təl ásim ta mi-e, ówa ó wop ti-e, ó báláne mə wuni tempí ówe təmər aṅseth ṅəṅ ka aṅbalaṅ rokóm.
- ²⁵Ka akóm kə thuf, ówa ámánt məfól mə der, ka aṅfəf aṅ səṅ aṅ sápəth aṅseth ṅati; kere aṅ fumpó he, átesoma-e a təmər ṅi ka aṅbalaṅ rokóm.
- ²⁶Kere wuni o wuni ówe mə təl ásim ta mi áte, ówa ó wop he ti-e, ó báláne mə wuni pəṅk ówe təmər aṅseth ṅəṅ ka kásənt.
- ²⁷Ka akóm kə thuf, ówa ámánt məfól mə der, ka aṅfəf aṅ səṅ, aṅ sápəth aṅseth ṅati. Kaṅ fumpó, ówa káfumpó kati kə yi kəbana.
- ²⁸Ka pə re yi ma Yisós ó gbanti ásim áte, aṅfém aṅ kabane ta kathəksa kəṅ,
- ²⁹kotáy-e ó thəksa ṅa mə wuni ówe ba afósó, pə yi he mə aṅkarmókó aṅ yò.

Mathiu 8



- ¹Ɔwa ma ɔ thor ka kateŋ-e, suniya tɔbana tɔ tan kɔ.
- ²Ka wuni ka rɔlel ɔ der ro ŋɔŋ, ɔ sɔna kɔ tɔwu, kɔ pa, Pa, bepi mɔ selɔ-e, mɔ gbɛli fethɔr mi.
- ³Ka Yisɔsɔŋ ɔ thanthi kɔta kɔŋ, ɔ gboŋ kɔ, kɔ pa, I selɔ. Yi mun gbɔraŋ. Ka ɔlemp wati ralel rɔ pond kɔ.
- ⁴Ka Yisɔsɔŋ ɔ pa ro rɔŋɔŋ, Botnɛ kɔmɔ mɔ te kanɛ ti wuni o wuni, kɛrɛ kɔnɛ mɔ tɔrine ka aŋfode, kɔmɔ mɔ wurɔ asathka ɔte Mosisɔŋ ɔ yamari tɔ kɔyi mɔseri ro ŋaŋ.
- ⁵Ɔwa ma ɔ wɔŋ ro Kapɔrneɔm-e, ukaptin ɔ der ro ŋɔŋ, kɔ nɛmthene kɔ, ɔ pa,
- ⁶Pa, aŋbɔy a mi ɔ fɛntha ro seth kɔmi, ɔ po gbethkɛ, ɔwa ɔ nakasi ɔthasɔr.
- ⁷Ka Yisɔsɔŋ ɔ pa ro ŋɔŋ, I ti der yeŋkɔs kɔ.
- ⁸Ka ɔkaptin ɔ pa, Pa, i bek hɛ kɔpa munɔ mɔ wɔŋ ka aŋseth a mi. Pa gbo ɔrim, ɔwa aŋbɔy a mi ɔ tɔ yeŋk.
- ⁹kotɔy-e mine sɔ i yi wuni ka afɔsɔ ratha, i ba aturgba roratha kɔmi. Ma i pa ka ɔkin ɔwe, Kɔnɛ, ɔwa ɔ tɔ kɔ. Ka ɔlɔm, Der, ɔwa ɔ tɔ der. Ka aŋbɔy a mi, Yɔ ɔte, ɔwa ɔ tɔ yɔ ti.
- ¹⁰Ma Yisɔs ɔ tɔl ɔte, ɔ kabane, kɔ pa ka ŋaŋ aŋa tɔŋ kɔ-e, Tɔ tentene i pa ro rɔnu, i tha bɔp hɛ kɔlane kɔbana kɔwunɔŋ, hali kɔtɔŋ ka aŋIsrɛl bɛ.
- ¹¹Ɔwa i kanɛ nu, agbɔthi aŋ tɔ wur ro thɔrɔŋ yi ro pil, aŋ tɔ yirɔ yi Ebraham, yi Aysak dɛ yi Yekɔb ka rɔbɔy ra ro riyana,
- ¹²kɛrɛ a tɔ fitha aŋwuth ŋa rɔbɔy ka aŋsum rokaŋ, ro kɔkulo yi kɔŋɔkɔŋɔk ɛsek kɔ yi.
- ¹³Ka aŋbɔy ŋɔŋ ɔ yeŋk ka aŋlɔkɔ ŋati gbɛŋ.
- ¹⁴Ma Yisɔsɔŋ ɔ wɔŋ ka aŋseth ŋa Pitar-e, ɔ nɔnk ɔniŋkara kɔŋ ɔ fɛntha, ɔ tu mɔder mɔgbipane.
- ¹⁵kɔ gboŋ kɔta kɔŋ, ka mader mɔgbipane mɔ ter kɔ, kɔ yokane, ɔ yɔna kɔ.
- ¹⁶Ma rɔfɔy rɔ bek-e, a kɔrɔ kɔ afɔm agbɔthi aŋa ba akɔrɔfi. Kɔ wurɔ aŋkɔrɔfi rɔ rim, ɔ kɔl yeŋkɔs aŋa yi aboma bɛ;
- ¹⁷kɔmɔ ɔte Isaya ɔnɔbi ɔ pa tɔ lasɔr, kɔpa, Kɔn kɔnɔne ɔ gbasi mɔrɔnt ma su, ɔwa ɔ sara tatu ta su.
- ¹⁸Ɔwa, ma Yisɔs ɔ nɔnk suniya tɔbana tɔ gbɔtɔsne kɔ-e, ɔ yamari tɔ kɔfɔsi romɔri.
- ¹⁹Ka ukarmɔkɔ ulɔm ɔ der, ɔ pa ro ŋɔŋ, Karmɔkɔ i ti tɔŋ mu der o der ro maŋ kɔ.
- ²⁰Ka Yisɔsɔŋ ɔ pa ro rɔŋɔŋ hɔ, Ɔgbogboro aŋ ba tɔyaŋka-e, ɛbɔmp ya aŋfena aŋ ba ɛseth. Kɛrɛ ɔWan ka wuni ɔ ba hɛ der ro mɔ ɔ bot rɔbomp rɔŋ.
- ²¹Ka ulɔm ka aŋkarande ɔ pa ro ŋɔŋ, Pa, ter mi kɔmɔ i mɔtha kɔ maŋk ɔkas kɔmi.



- ²²Kere Yisós ɔ pa ro ɲɔɲ, Tɔ́n mi, ɔwa tey aɲfi kámá aɲ kɔ maɲk aɲfi ɲaɲ.
- ²³Ɔwa ma ɔ po báká rə abil-e, aɲkarande ɲɔɲ aɲ tɔ́n kɔ.
- ²⁴Kere ka ɔlemp wati kənkəl kəbana kə yokane ro baɲ, haɲ emuɲkəl ε gbəpər aɲbil: kere Yisósɔ́n ɔ bə dirá.
- ²⁵kaɲ kɔ thəmi kɔ, aɲ pa, Pa, kisis su, sə dine.
- ²⁶Kɔ pa ro ɲaɲ, kɔyey mə nə nesa-e, naɲ aɲa ba kəlane kəthan-e? Kɔ yokane, ɔ ɲal aɲfef yi kábɔ́n. Ka pə re yi ɔthɔ́fəl bəm.
- ²⁷Ka aɲfəm aɲ kabane, aɲ pa, Kɔ wuni wɔ́ɲ ɔwe-e, ɔwe pə yi hali aɲfef yi kábɔ́n aɲ təla kɔ-e?
- ²⁸Ma ɔ po fəsi roməri ka aɲthɔ́f ɲa aɲKadarin-e, afəm ɲarəɲ aɲa ba akərəfi aɲ wur ka taboma, aɲ gbane kɔ. Aɲ yi aninis ɔthasər, ɔwa wuni ɔ wuni ɔ gbəli hɛ thas ka aroɲ dati.
- ²⁹kaɲ sel ɛrɔɲ, aɲ pa, Kɔ táy tɔ́n saɲ sə ba yi munɔ́ɲ-e, munɔ́ Yisós ɔWan ka Kuru-e? Mə po der nə tə kəsɔmpa su yeɲka aɲlɔ́kɔ aɲ bek-i?
- ³⁰Ɔwa kuthi ka təsɔp agbáthi kə yi ri, kə bə wənth der ɔbɔ́lane poɲ.
- ³¹Ka aɲkərəfi aɲ nɛmthene kɔ aɲ pa, Bepi mə wurɔ su-e, ter su kámá sə kɔ wɔ́ɲ ka akuthi ka təsɔp.
- ³²kɔ pa ro ɲaɲ, Kɔne. Kaɲ wur, kaɲ wɔ́ɲ ka təsɔp. Ɔwa akuthi ka təsɔp kə gbunɲle kəder ka aɲtəmp ɲa ro baɲ, kaɲ dine ro mánt.
- ³³Ka ɲa aɲa bumər ɲa-e aɲ gbuke aɲ kɔ ro pet, aɲ təri koko bɛ, de yi áte yɔ́ne ɲaɲ aɲa la ba aɲkərəfi.
- ³⁴Ka aɲfəm bɛ ro pet aɲ wur tə kəgbans Yisósɔ́n. Maɲ nənk kɔ-e, aɲ nɛmthene kɔ kámá ɔ wur ka aɲthɔ́f ɲaɲ.

Mathiu 9

- ¹kɔ báká ka abil, ɔ fəsi roməri, kɔ der ka kápet kɔɲ.
- ²Kaɲ kára ulaɲgba ro ɲɔɲ ugbeɲkɛ ɔ fənthə rə kəfənt. Ma Yisós ɔ nənk kálane ka ɲaɲ-e, ɔ pa ka ɔlaɲgba, Wan, bák kəbuth. A po tera mu ehake ε mu.
- ³Ka aɲkarmɔ́kɔ aləm aɲ pa ka emerá yaɲ, Ɔlaɲgba ɔwe ɔ thunthəra Kuru.
- ⁴Ma Yisósɔ́n ɔ tára enane yaɲ-e, ɔ pa, To pə som mə nə nane ɔlɛs ka emerá ε nu-e?
- ⁵Rə reke tha yi rəfəi tai-e, tə kəpa, A po tera mu ehake ε mu, thaləm tə kəpa, Yokane, mə kəth-e?
- ⁶Kere kámá nə tára kəpa ɔWan ka wuni ɔ ba afɔ́sɔ nɔ́ru tə kətera wuni ehake-e, (kɔ pa ka ɔwe po gbethəke-e) Yokane, mə gbasi kafənt ka mu, mə kɔ ro seth ka mu.



⁷Ko yokane, o kone ro seth kon.

⁸Kere ma asuniya an nank ti-e, an kabane, kan yikis Kuruan owe po son afoso awunon ka afem.

⁹Owa ma Yisosan o wur ri-e, o nank wuni owe a bont Mathiu, o yira ka oder ro ma a gbasi efak. Ko pa ro ronon, Tan mi. Ko yokane, o tan ko.

¹⁰Ka pe re yi ma Yisosan o yira ka kadi ro seth-e, afem ana gbasi efak yi afem na ehake agbathi an der an yira yi kon de yi ankarande non.

¹¹Ma anFarisi an nank ti-e, an pa ka ankarande non, To pe som okarmoko ka nu ma o di yi nan ana gbasi efak de yi afem na ehake-e?

¹²Ma Yisosan o tel ti-e, o pa, Dan ana yi ayenki mader an yema he udamer, kere antui na yema udamer.

¹³Kere kone nu kamá ne ko thakos ate, I yema aney, sathka thaho; atesoma-e i der he te komuti anlompi-e, kere i der te komuti anfem na ehake te kethupi.

¹⁴Ka anloko nati ankarande na Yon an der ro non, an pa, To som san yi anFarisi se wop asum katkat, kere ankarande a mu an wop he asum-e?

¹⁵Ka Yisosan o pa ro nan, Anyathki na onanta an gbali san amol ma onanta o yi ras yi nan-i? Kere marey ma te der ma ma a noy na onanta, owa ka anloko nati an te wop asum.

¹⁶Wuni o gbar he arombo na kotha kafu re ruma rukur, kotay-e anrombo nati an te pim aruma, owa opima o te bar gbo lesa.

¹⁷Owa a bot he mawain mafeth re tabos takur; bepi pe yi ti-e, tabos te te puta, owa mawain ma te lonja, de yi tabos te te lesa; kere a bot mawain mafeth re tabos tefu, owa yi yeron e te won.

¹⁸Ma o kane na matay ame-e, ugbeka ulom o der, o sona ko tewu, o pa, Owan kami ubera o fi ka-ake, kere der ren ko kata kamu kamá o te keli.

¹⁹Ka Yisosan yi ankarande non an yokane, an tan ko.

²⁰Ka wuni bom ulom anbowurne metir ta teren tefot teron-e, o der rodaron kon, o gbon amese ma aruma ron.

²¹kotay-e o pa ka anmerá non, Bepi i gbon gbo aruma ron-e, i ti yenk.

²²Ma Yisos o fele o nank ko-e, o, pa, Wan ka mi ubera, bak kabuth. Kalane kamu ko po mu yenkos. Ka owuni bom o yenk ka anloko nati gben.

²³Ma Yisosan o bek ka anseth na ogbeka-e, o nank anfen tulen yi aruniya an bok,

²⁴ko pa ro nan, Wur nu kotay-e owath ubera o fi he, o dirá gbo. Kan sel ko be.

²⁵Kere ma a po wur anfem-e, o won, ko wop kata ka owath ubera, ko yokane.



- ²⁶Ka tagbuŋ tati tɔ gbanthene ka aŋthɔf ŋati be.
- ²⁷Ɔwa ma Yisɔs ɔ wur ri-e, alaŋgba afith ŋarɔŋ aŋ tɔŋ kɔ, aŋ sel ɛrɔŋ kaŋ pa, Muno ɔwan ka Debid, ba su ɔney.
- ²⁸Ma Yisɔsɔŋ ɔ po wɔŋ ro seth-e, aŋlaŋgba afith aŋ der ro ŋɔŋ. Ka Yisɔs ɔ pa ro ŋaŋ, Nɔ lane kɔpa i gbɛli yɔ ɔte-i? kaŋ wosɔne kɔ, aŋ pa, Yao Pa.
- ²⁹kɔ gboŋ ɛfor yaŋ, ɔ pa, Ta pɛ yi nu mɔ mɔ kɔlane ka nu kɔ yi.
- ³⁰Ka ɛfor yaŋ ɛ kanthe. Ka Yisɔsɔŋ ɔ maŋ ŋa kirinj kirinj kɔmɔ aŋ te ti tɔri wuni o wuni.
- ³¹Kere maŋ wur-e, aŋ gbanthene ɔŋes ŋɔŋ ka aŋthɔf ŋati be.
- ³²Ɔwa maŋ wur ri-e, a kɔrɔ ulaŋgba kɔbobo ro ŋɔŋ ɔwe ba ukɔrɛfi.
- ³³Ma ɔ wurɔ ɔkɔrɛfi-e, kabobo ɔ fɔf, ka ɔruniya rɔ kabane, rɔ pa, Thankɔŋ a tha nɔnk he tɔy tɔwunɔŋ kɔtɔŋ ka aŋIsrɛl.
- ³⁴Kere aŋFarisi aŋ pa, Ɔ wurɔ akɔrɛfi ka kɔta ka ɔbɔy ka aŋkɔrɛfi.
- ³⁵Ka Yisɔs ɔ kɔth kɔth ka tapet yi ka tagbɔm be, ɔ thɔksa aŋfɔm ka ɛseth yaŋ ɛgbane, kɔ tamɔs ɔkɛra kɛfɔnɔ ka rɔbɔy, ɔ yenkɔs rɔtu o rɔtu ara yi kɔtɔŋ ka ŋaŋ.
- ³⁶Kere ma ɔ nɔnk ɔsuniya-e, ɔney aŋ wop kɔ ta ɔtɔ ŋaŋ, pɔkasife aŋ sɔmpane, ɔwa aŋ sakane mɔ tɔlɔme aŋa te ba utɔl.
- ³⁷kɔ pa ka aŋkarande ŋɔŋ, Tɔ tentene karɔk kɔ yi kɔbana, kere aŋrɔk a than.
- ³⁸Tiyɔŋ nemthene nu ɔMarki ka karɔk, kɔmɔ ɔ somra akump ka karɔk kɔŋ.

Mathiu 10

- ¹kɔ tela ro ŋɔŋ aŋkarande ŋɔŋ tɔfɔt ŋarɔŋ, ɔ sɔŋ ŋa afɔsɔ rokɔm ka aŋkɔrɛfi alɔs tɔ kɔwura ŋa ka afɔm, de yi tɔ kɔyenkɔs rɔtu o rɔtu.
- ²Ɔwa ames ma aŋsom tɔfɔt ŋarɔŋ mi ame; Ɔtɔtɔkɔ, Saymɔnɔŋ, ɔwe a bont Pita, yi ɔwɔnt kɔŋ Andru. Yemɔsɔŋ ɔwan ka Sebidi, de yi Yɔn ɔwɔnt kɔŋ.
- ³Filipɔŋ, Barthɔlɔmiyuɔŋ, Thɔmɔsɔŋ yi Mathyɔŋ, ɔthonkla ɛfɔk. Yemɔsɔŋ, ɔwan ka Alfɔs, yi Thɔdiyɔsɔŋ.
- ⁴Saymɔnɔŋ ɔwe ro Kenan, yi Yudas Iskariyɔt ɔwe sɔnd kɔ.
- ⁵Antɔfɔt ŋarɔŋ aŋe-e, ŋa Yisɔs ɔ som, ɔ yamari ŋa, kɔ pa, Te nu kɔ ka tɔbona tɔlɔm, te nu wɔŋ rɔ kɔpet o kɔpet ka aŋSamariya,
- ⁶kere kɔne nu gbo ka talɔme tɔsɔkar ta aŋseth ŋa aŋIsrɛl.
- ⁷Ɔwa ma nɔ kɔne-e, tam nu, nɔ pa, Rɔbɔy ra ro riyana rɔ po fat.
- ⁸Yenkɔs nu aŋtuy, fethɔr nu aŋa ba arom-e, yokas nu aŋfi-e, wurɔ nu aŋkɔrɛfi. Naŋ nɔ po sɔthɔ rɔ kɔte ram, ɔwa sɔŋ nu rɔ kɔte gbasi ɔram.



- ⁹Te nu kerane aboŋo, akala áferà, thalòm akem ka ebuthu e nu.
- ¹⁰Te nu kerane egbanfa ka àŋbiyas, te nu kerane suma tərəŋ, te nu kerane ekoftha thalòm tətək, kotáy-e wuni yə məpanth o mar sotho eyet yəŋ edi.
- ¹¹Rə kəpet o kəpet thalòm təgbəm o təgbəm má nə wəŋ-e, thens ri nu wuni finə; owa rə mə nə yiane haŋ nə wur ri.
- ¹²Ma nə wəŋ rə aseth-e, kori ŋi.
- ¹³Bepi àŋseth aŋ yi afinə-e, yə mathəfəl ma nu mə rensa ŋi, kere bepi aŋ yi he afinə-e, yə mathəfəl ma nu mə kál ro nu.
- ¹⁴Owa wuni o wuni owe te malane nu, owa o te təl ásim ta nu-e, ma nə wur ka àŋseth ŋati-e, thalòm ka kápet kati-e, koŋkoŋ kabof ka átátək ta nu.
- ¹⁵Tentene i kanə nu, pə tə yi ofisa ta àŋthof ŋa ro Sədom yi ro Kómora ka àŋrey ŋa kagbək epa, pəthasi ta kápet kati.
- ¹⁶Kəla, i som nu mə təlome kətəŋ ka tátholu. Tiyáŋ, yi nu na atempi yereŋ mə ebok, owa yi nu na athəfəl bəm mə təpərəm.
- ¹⁷Kere pendaf nu afəm, átesoma-e aŋ tə lánki nu ka aŋgbəka, owa aŋ tə sapa nu nəket ka eseth yaŋ egbanə.
- ¹⁸Aŋ tə kera nu sə rodi ka aŋbəy yi aŋbəki salata mi, kámá nə yi məseri ro ŋaŋ yi ka tábona təlóm.
- ¹⁹Kere ma a lánki nu-e, te nu soli ta áte mə nə fəf, kotáy-e ka àŋlókə ŋati a tə səŋ nu áte mə nə fəf.
- ²⁰kotáy-e naŋ tha mə fəf, kere oYina məsəm ka oKas ka nu kəno mə fəf rokor ka nu.
- ²¹Owont o tə lánki owont ka rəfi, owa okas o tə lánki owan kəŋ. Owa awuth aŋ tə yokar aŋa kom ŋa kámá aŋ yə a dif ŋa.
- ²²Afəm be aŋ tə gbəŋa nu salata àŋes a mi, kere owe mə muyu haŋ ka othalne-e, kəno kati o tə kisi.
- ²³Bepi a sompa nu ka kápet ake-e, gbuke nu nə kə ka kálóm. Tə tentene i kanə nu, nə gbəli he po kori tapet ta aŋIsrəl be haŋ oWan ka wuni o po der.
- ²⁴Ukarande o thas he okarməkə kəŋ, thalòm áboý o thas he omarki kəŋ.
- ²⁵Obeke ta okarande tə kəyi mə okarməkə kəŋ, de yi àŋboý mə omarki kəŋ. Bepi a po bont omarki kəŋ, de yi àŋboý mə omarki kəŋ. Bepi a po bont omarki ka àŋseth Biyelsibəb-e, pə tha gbethi ŋaŋ aŋa yi ka kabər kəŋ.
- ²⁶Tiyáŋ te nu nesa ŋa, kotáy-e táy təgbəpər tə yi he áte mə a te ba kəgbəpəri; owa táy təmaŋkne tə yi he áte mə a te ba kəŋaibi.



27 Átà i kané nu ka ɔbi-e, pa ti nu ka ɔwan. Ɖwa áte nə təl ro ləns-e, tam ti nu ka eseth rokəm.

28 Te nesa aɲa mə dif aɲder, kere aɲ gbəli he dif aɲesəm. Kere nesa nu kən ɔwe gbəli dim aɲesəm de yi aɲder ro yahanama.

29 A thila he egbaɲa ɲarəɲ ta apeni-i? Ɖwa hali ukin ka ɲaɲ ɔ fumpɔ he ro thɔf thambe ɔKas ka nu ɔ tãrà ti.

30 Ɖwa hali aɲfon ɲa tabomp ta nu-e, a po ləm ɲa be.

31 Tiyaɲ te nu nesa, nə ba mɔlɔ pəthasi egbaɲa agbáthi.

32 Wuni o wuni ɔwe mə seri ta áta mi rodi ka aɲfəm, mine sɔ i ti seri ta atəɲ rodi ka ɔKas kámi ɔwe yi ro riyana.

33 Kere wuni o wuni ɔwe mə pensanə mi rodi ka aɲfəm-e, mine sɔ i ti pensanə kɔ rodi ka ɔKas kámi ɔwe yi ro riyana.

34 Te nanə kəpa i der tə kəsəɲ məthɔfəl ka ádàru. I der he tə kəsəɲ məthɔfəl, kere i karane agbathɔ.

35 kotáy-e i der tə kəbot məputhanə kətəɲ ka ɔwan uruni yi ɔkas kəɲ, kətəɲ ka ɔwan ubera yi ɔkara kəɲ, de yi kətəɲ ka ɔwe balá ka ɔwan kəɲ uruni yi ɔniɲkara kəɲ.

36 Ɖwa aɲtherane ɲa wuni aɲ tə yi ka rákomra rəɲ gbeɲ.

37 Wuni o wuni ɔwe bəthər ɔkas thaləm ɔkara pəthasi mineáɲ, ɔ bek he ta áta mi. Ɖwa wuni o wuni ɔwe bəthər ɔwan uruni thaləm ɔwan ubera pəthasi mineáɲ, ɔ bek he ta áta mi.

38 Ɖwa kən ɔwe te gbasi akənt kəɲ kəpəɲkinə, ɔ tãɲ mi-e, ɔ bek he ta áta mi

39 Ɖwe mə bene aɲesəm ɲəɲ ɔ tə dim ɲi, ɔwa ɔwe mə dim aɲesəm ɲəɲ salata mi ɔ tə fir ɲi.

40 Ɖwe malanə nu ɔ malanə mi, ɔwa ɔwe malanə mi-e, ɔ malanə ɔwe som mi.

41 Ɖwe mə malanə unabi pəkasife ɔ yi unabi-e, ɔ tə sɔthɔ áɲrám ɲa unabi, ɔwa ɔwe mə malanə wuni lompi pəkasife ɔ yi wuni lompi-e, ɔ tə sɔthɔ áɲrám ɲa wuni lompi.

42 Wuni o wuni ɔwe mə səɲ apəthi ɲa mánt mətəɲk tə kəmun ka ukin ka aɲləl aɲe pəkasife ɔ yi ukarande-e, i kanə nu tentenə ɔ ba he kədim áɲrám ɲəɲ.

Mathiu 11

1 Ka pə re yi ma Yisəsáɲ ɔ po yamari aɲkarande ɲəɲ tɔfɔt ɲarəɲ-e, ɔ wur ri tə kəthəksa de yi tə kətam ka tapet taɲ.

2 Ma Yɔnàɲ ɔ təl ka áɲseth ɲa tãrəɲka máyɔs ma Kraist-e, ɔ som akarande ɲəɲ ɲarəɲ.

3 kaɲ pa ro ɲəɲ, Munɔ yi kən ɔwe ba kəder-i, thaləm sə ba tə kəkəli ta uləm-i?



- ⁴Ka Yisósàŋ ɔ lasi ɔ pa ro ŋaŋ, Kɔnɛ nɛ tɔri Yɔn mātáy ama nɛ tɛl dɛ yi ama nɛ nɔnk.
- ⁵Aŋfith aŋ sɔthɔ kakɛli ka ŋaŋ, aŋtɔtke aŋ kɔth, aŋa ba rɛlɛl-e, a fethɛr ŋa, aŋtáŋa aŋ tɛl, a yokas aŋfi-e, ɔwa a tɔri ákɛra kɛfɛnɔ ka Kuru ka áŋmɔnɛ.
- ⁶ɔwa wuni ka aruba wɔŋ ɔwe te fir táy tɔpɛnthbɛla ro rɔmi.
- ⁷Maŋ po kɔnɛ-e, Yisós ɔ tɔp kɛpa ka ásuniya ta salata Yɔn, Ko táy táŋ nɛ kɔ ro wula tɔ kɛkɛli-e? Kɛtháŋkɛ ákɛ aŋfɛf aŋ yinktha-i?
- ⁸Kɛrɛ ko táy táŋ nɛ wur tɔ kɛkɛli-e? Wuni ɔwe lopra elopra ɛnɔfthɔ-i? Kɛla, ŋaŋ aŋa wɔŋ elopra ɛnɔfthɔ aŋ yi ka ɛseth ya aŋbáy.
- ⁹Kɛrɛ kɔyɛŋ gbɛŋ nɛ wur-e? Tɔ kɔnɔŋk unabi-i? Aŋko i kanɛ nu-e, uthasi unabi.
- ¹⁰Kɔn ɔwe ta ɔwe a gbal kɛpa, Kɛla i som ɔsom kámi roder ka mu kɛdi, ɔwe mɛ bɛmpa aroŋ da mu rodi kámu.
- ¹¹Tɔ tentɛnɛ i kanɛ nu, kɛtɔŋ ka ŋaŋ aŋa afɛm abom aŋ kom wuni ɔ tha yokanɛ hɛ ɔwe yi ubana uthasi Yɔnánŋ ɔBaftays. Kɛrɛ ɔwe yi ɔlɔl thɔŋ bɛ ka rábáy ra ro riyana ɔ yi ubana uthasi kɔ.
- ¹²Kɛtɔp ka márey ma Yɔn ɔBaftays haŋ ka áŋlɔkɔ aŋe rábáy ra ro riyana rɛ tɛlnɛ afɔsɔ-e, ɔwa aŋfɛm ŋa afɔsɔ aŋ gbasi ŋi rɛ afɔsɔ.
- ¹³kotáy-e aŋnabi yi aŋthɔ aŋ nábi haŋ ka káder ka Yɔn.
- ¹⁴ɔwa bɛpi nɛ selɔ tɔ kɛmalanɛ ti-e, Ilaya kɔn ɔwe, ɔwe ba tɔ káder.
- ¹⁵ɔwe ba ɛlɔns ta ɔ tɛl.
- ¹⁶Ko rɛka raŋ mɛ i lomɔ rákomra are-e? Rɛ bálánɛ mɛ afɛth aŋa yirá ka ɔdɛr ɔthila, aŋ muti aŋkos ŋaŋ,
- ¹⁷kaŋ pa, Sɛ fɛŋa nu tɛlɛŋ, nɛ thɔmɔ hɛ; sɛ lɛŋa nu mɛlɛŋ ma rɛbora, kɛrɛ nɛ bok hɛ.
- ¹⁸kotáy-e Yɔnánŋ ɔ der hɛ rɛ kɛdi thalɔm rɛ kɛmun, kaŋ pa, ɔ ba ukɛrɛfi.
- ¹⁹ɔWan ka wuni ɔ der rɛ kɛdi dɛ yi rɛ kɛmun, ɔwa aŋ pa, Kɛli uláŋgba uwɔnthi rɛ umun ubana-e, uyathki ka aŋthoŋkla ɛfák yi aŋfɛm ŋa ɛhake. Kɛrɛ kɛtemp kɛ tɔ sɔthɔ mɛmari ka máyɔs mati.
- ²⁰Ka áŋlɔkɔ ŋati ɔ tɔp kɛthɛkɛ tapɛt ro ɔ tha po yɔ máyɔs mɔŋ mɛkabanɛ, pɛkasifɛ aŋ thupi hɛ, kɔ pa,
- ²¹Mɔnɛ ro mu Korasin! Mɔnɛ ro mu Bethsayda! kotáy-e bɛpi máyɔs mɛkabanɛ ama a po yɔ kɛtɔŋ ka nu-e, a yɔ ma naŋ ro Tair dɛ yi ro Sidon-e, aŋ tɔ po naŋ thupi ɔwoni rɛ kɔtha kɛnɛthɛ dɛ yi rɛ ros.
- ²²Kɛrɛ i kanɛ nu, pɛ tɔ yi ɔfisa ta ro Tair yi ro Sidon ka áŋrɛy ŋa kɛthoŋkas pɛthasi nu.



²³Ɔwa munɔ Kepaniyɔm, a tɛ ɲata mu ro riana-i? A tɛ thora mu ro kɛrɛfi! kotɔy-e bepi aɲ po naɲ yɔ mɔyɔs mɛkabane ro Sɔdɔm ama a po yɔ ro mu-e, kɛ tɛ tɛma naɲ haɲ ka-ake.

²⁴Kɛrɛ i kane nu, pɛ tɛ yi ɔfisa ta aɲthɔf ɲa ro Sɔdɔm ka aɲrey ɲa kɛthɔɲkas pɛthasi munɔ.

²⁵Ka aɲlɔkɔ ɲati Yisɔsɔɲ ɔ pa, I mɔmɔ mu, ɔKas ɔMarki ka ro riyana yi adaru, pɛkasife mɔ po maɲk matay ame ka aɲtempɛ yi aɲtara tay, ɔwa mɔ ɲaibi ma ka tɛlenth.

²⁶Aɲko, ɔKas, atesoma-e ya pɛ yi ɔfinɔ ka kakɛli ka mu.

²⁷ƆKas kɔmi ɔ po sɔɲ mi mɛtay be, ɔwa wuni o wuni ɔ tɛ he ɔWan thambe ɔKas; ɔwa wuni o wuni ɔ tɛ he ɔKas thambe ɔWan de yi ka ɔwe ɔWan ɔ yema tɛ kɛɲaibi kɔ.

²⁸Der nu ro rɔmi, naɲ be aɲa mɔ thɔrɔ de yi aɲa ba tothe tɛlel, ɔwa i ti sɔɲ nu kɛfothane.

²⁹Gbasi karonke kɔmi nɛ rɛnɔ ki, kɔmɔ nɛ thɛkɛs ro rɔmi; kotay-e min thɔfɛl bɛm, i kɔl ba amɛrɔ athorane, ɔwa nɛ tɛ fir kɛfothane ka eɲesɛm e nu.

³⁰kotay-e karonke kɔmi kɛ tui he tay, ɔwa akothe kɔmi kɛ fɔɲf.

Mathiu 12

¹Ka aɲlɔkɔ ɲati Yisɔsɔɲ ɔ gbɛkinɛ ator ka aɲsabath. Ɔwa ma aɲkarande ɲɔɲ aɲ yi ador-e, aɲ tɛp kɛsimɛth magbas, kaɲ di ma.

²Kɛrɛ ma aɲFarisi aɲ nɛnk ti-e, aɲ pa ro ɲɔɲ, Kɛli aɲkarande a mu aɲ yɔ ate pɛ te mar yɔ ka aɲrey ɲa aɲsabath.

³kɔ pa ro ɲaɲ, Nɛ tha karaɲ he ate Debid ɔ yɔ ma dor rɛ bɔk kɔ de yi ɲaɲ aɲa yi yi kɔn-i?

⁴Ma ɔ wɔɲ ka aɲseth ɲa Kuru, kɔ di kabo kɛsɛm ake pɛ te mar di ta atɔɲ thalɔm ta ate ɲaɲ aɲa yi yi kɔnɔ, thambe gbo ta aɲfode-i?

⁵Thalɔm nɛ tha karaɲ he ka aɲthɔ kɛpa ka aɲsabath aɲfode ɲa aɲseth ɲa Kuru aɲ lɛsɛr aɲsabath, kɛrɛ aɲ ba he mɛthɛkɛ-i?

⁶Kɛrɛ i kane nu kɛpa, ukin ɔwe yi ubana pɛthasi aɲseth ɲa Kuru ɔ yi nɔ.

⁷Ɔwa bepi nɛ tarɔ naɲ aɲlɔkthi ɲa asim ate, I fela aney, pɛ yi he sathka, nɛ gbɛli he naɲ sɔɲ mɛtheri ka ɲaɲ aɲa yi apani tay.

⁸kotay-e ɔWan ka wuni ɔ yi ɔMarki ka aɲsabath.

⁹Ma ɔ wur ri-e, ɔ kɔnɛ ka aɲseth ɲaɲ agbane.

¹⁰Ka wuni ɔ yi ri ɔwe ba kɛta kɛfi. Kaɲ yif kɔ, aɲ pa, Pɛ yi ɔlɔmpi tɛ kɛyɛɲkɛs wuni ka aɲrey ɲa aɲsabath-i? (kɔmɔ aɲ ba tay tɛ kɛgbanthir kɔ).



- 11kɔ pa ro ŋaŋ, Wuni reke kətɔŋ ka nu ɔwe mə ba kəlɔmɛ kin, bepi ɔ fumpɔ rə abi ka aŋsabath-e, mə ɔ te wop kɔ tɛ kəwura kɔ-e?
- 12Thamsine wuni kəpɛt ɔ ba amɔlɔ pəthasi kəlɔmɛ! Tiyəŋ pə yi ɔlɔmpi tɛ kəyɔ tày tɛfɪnɔ ka aŋrey ŋa aŋsabath.
- 13kɔ pa ka ɔlaŋgba, Thanthi kàta ka mu. Kɔ thanthi ki, ka kə kəl yeŋk mə kalɔm.
- 14Ka aŋFarisi aŋ wur, aŋ nɛŋkanɛ ta atɔŋ, to mə aŋ yɔ tɛ kədɪf kɔ.
- 15Yisɔsəŋ ma ɔ tārà ti-e, ɔ wur ri, ka agbàthi aŋ tɔŋ kɔ, kɔ yeŋkəs ŋa bɛ.
- 16Kɛrɛ ɔ maŋ ŋa kàmà aŋ te yɔ a tārà kɔ,
- 17kàmà àte Isaya ɔnàbi ɔ pa tɛ lasɛr, kəpa,
- 18Kəla, aŋbɔy a mi ɔwe i po thith, Ɔbɔthər kàmi ka ɔwe aŋmerà a mi aŋ ba məbɔnɛ. I ti bot ɔYina kàmi ro ŋɔŋ, Ɔwa ɔ tɛ tɔri məlɔmpi ka tábɔna təlɔm.
- 19Ɔ ba hɛ kəgbəl, thalɔm kəŋtá àrim rɔŋ, Ɔwa wuni o wuni ɔ ba hɛ kətəl àrim rɔŋ ka asɔŋ təbana.
- 20Ɔ ba hɛ kəsɪm kəthánkɛ kənulà, Ɔ ba hɛ kədɪmsi awik aŋa mə wur kimà, Haŋ ɔ somrà kəthɔŋkas tɛ kətham.
- 21Ɔwa ka aŋes ŋɔŋ tábɔna təlɔm tɛ tɛ gbak àmerà.
- 22kaŋ kàrà wuni ɔwe ba ukərəfi ro ŋɔŋ, ɔ yi ufith dɛ yi kəbobo. Kɔ yeŋkəs kɔ, ɔwa ɔlaŋgba kəbobo ɔ nɛnk, ɔ kəl fɔf.
- 23Ka àsuniya bɛ aŋ kabanɛ, aŋ pa, ƆWan ka Debid, kɔn tha ɔwe-i?
- 24Kɛrɛ ma aŋFarisi aŋ təl ti-e, aŋ pa, Ɔwuni ɔwe ɔ wurɔ akərəfi ka aŋfɔsɔ ŋa Biyelsibɔb, ɔbày ka aŋkərəfi.
- 25Ma Yisɔsəŋ ɔ tārà ɛnane yaŋ-e, ɔ pa ro ŋaŋ, Rəbai o rəbai ro məputhane mə wɔŋ rə tɛ sakthe; ɔwa kəpɛt o kəpɛt thalɔm aseth o seth ro məputhane mə yi aŋ gbəli hɛ tɛma.
- 26Bepi Sethani ɔ wurɔ Sethani-e, ɔ timnɛ, ɔwa to rábày rɔŋ mə rə gbəli tɛma-e?
- 27Bepi i wurɔ akərəfi ka aŋfɔsɔ ŋa Biyelsibɔbàŋ, rə kàta ka kanɛ aŋwuth a nu mə aŋ wurɔ ŋa-e? Tiyəŋ ŋa mə gbəka nu aŋpa.
- 28Kɛrɛ bepi i wurɔ akərəfi ka aŋfɔsɔ ŋa ɔYina ka Kuru Məsaba-e, rábày ra Kuru rə derər nu.
- 29Thalɔm to wuni mə ɔ gbəli wɔŋ rə aŋseth ŋa wuni ba afɔsɔ tɛ kəlukəs ɛyɛt yɔŋ thambe ɔ mɔtha sek ɔwuni kati-e? Kədarəŋ kati ɔ tɛ gbəli tɛn lukəs ɛyɛt ya aŋseth ŋɔŋ.
- 30Ɔwe te yi ka aŋgbàp a mi ɔ tɛma kəŋamnɛ mi. Ɔwe te thɔŋkla dɛ yi mineàŋ, ɔ sakthi.



- 31 Tiyāŋ i kanē nu, ehake be-e, de yi āsim tēlēs be āte afēm mē aŋ fōf kəŋamne Kuruāŋ, a tē tera ŋa ti, kere a ba he kōtera ōwuni ōwe mē fōf kəŋamne ōYina mēsēm.
- 32 Wuni o wuni ōwe mē fōf ōlēs ta ōWan ka wuni, a tē tera kō ti; kere ōwe mē fōf ōlēs ta ōYina mēsēm, a ba he kōtera kō ti hali ka ādāru are, ta a pa ras ka ādāru ara mē derāŋ.
- 33 Yō hō kāmā aŋent aŋ thesa, yi mākomi mati mē thesa, thalōm yō aŋent aŋ lēsō yi mākomi mati mē lēsō; kotāy-e a tārā aŋent ka mākomi mati.
- 34 Naŋ rēkomra ra egbōrō, to mē nē gbēli fōf mētāy mēfīnō ma nē yi alēs-e? kotāy-e kasēŋ kē tē fōf kēwur ka kala ka āŋmerā.
- 35 Ōwuni fīnō ō wurō mētāy mēfīnō ka ebenene yōŋ efinō, ōwa ōwuni lēs ō wurō mētāy mēlēs ka ebenene yōŋ elēs.
- 36 Kere i kanē nu kēpa-e, rim o rim rēyai ara afēm mē aŋ fōf aŋ ba tē kēgbaki ti ka āŋrey ŋa kōthōŋkas.
- 37 kotāy-e ka āsim ta mu rē mē a sōŋ mu mēmari, ōwa ka āsim ta mu rē mē a sōŋ mu mētheri.
- 38 Ka aŋkarmōkō de yi aŋFarisi alōm aŋ pa, Karmōkō, sē yema nēnk amisali ka kātā ka mu.
- 39 Kere ō wosa ō pa ro ŋaŋ, Rēkomra rēlēs, rēte lanē rē thens amisali, kere a sōŋ he ŋa amisali, thambe āŋmisali ŋa ōnābi Yona.
- 40 kotāy-e mē mē Yonaāŋ ō ba mērei mēsas pali gbēs ka akor ka kalop kēbana-e, ya ōWan ka wuni mē ō yi rokor ka āŋthōf mērei mēsas pali gbēsāŋ.
- 41 Aŋfēm ŋa ro Ninifē aŋ tē tēma yi rākōmra are ka kōthōŋkas-e, aŋ tē sōŋ ri mētheri, kotāy-e aŋ thupi ka kakawandi ka Yona, ōwe yi ubana uthasi Yonaāŋ ō yi nō.
- 42 Ōbāy ubera ka āŋthōf ādiyō ō tē yokanē yi rākōmra are ka kōthōŋkas-e, ō tē sōŋ ri mētheri, kotāy-e ō wur ōbōli tē kētēl kātēmp ka Sōlōmōn, ōwe yi ubana uthasi Sōlōmōn ō yi nō.
- 43 Ma ōkērēfi ulēs ō wur ka wuni-e, ō yanta yanta dēr ro mānt mē te yi, ō thens kēfothane kere ō fir he ki.
- 44 Ka āŋlōkō ŋati ō tē pa, I ti kālanē ka āŋseth a mi ro i wur. Ma ō bek ri-e, ō fir ŋi afoth, agbēl, ōwa ayesi.
- 45 Āŋlōkō ŋati ō kōnē, ō karanē akērēfi tamthōderōŋ alōm aŋa yi alēs athasi kō, kaŋ wōŋ aŋ yirā ri. Ōwa mālēpsō ma ōwuni kati mē yi mēlēs mēthasi matōtōkō. Ya pē yi sō yi rākōmra rēlēs are.
- 46 Ma ō bō fōfānē aŋfēm-e, ōkara kōŋ yi aŋwōnt ŋōŋ aŋ tēma rokaŋ, aŋ yema kē fōfānē kō.



- ⁴⁷Ka ukin ɔ pa ro ŋɔŋ, Ɔya ka mu yi aŋwɔnt mu aŋ tɔma rokaŋ, aŋ yema kɔfɔfane mu.
- ⁴⁸Kere ɔ lasi, ɔ pa ka ɔwe kane kɔ-e, Kane yi ɔkara ka mi-e, ɔwa kane ŋaŋ yi aŋwɔnt a mi-e?
- ⁴⁹kɔ thanthi káta kɔŋ, ɔ lomane ki ka aŋkarande ŋɔŋ, kɔ pa, Kɔli ɔkara kámi de yi aŋwɔnt a mi!
- ⁵⁰Átesoma-e wuni o wuni ɔwe mə yɔ məselɔ ma ɔKas kámi ɔwe yi ro riana-e, kɔnɔ yi ɔwɔnt mi uruni yi ɔwɔnt mi ubera de yi ɔkara kámi.

Mathiu 13

- ¹Ka aŋrey ŋati Yisɔs ɔ wur ka aŋseth, ɔ kɔ yirá ro baŋ rayer.
- ²Ka suniya tɔbana tɔ thonklane ro ŋɔŋ, haŋ ɔ wɔŋ ka abil, ɔ yirá. Ka áruniya be rɔ tɔma ro gbaŋ.
- ³kɔ fɔfáne ŋa mətáy məgbathi rɔ elomɔ, ɔ pa, Kɔla, usak ɔ wur tɔ kɔsak.
- ⁴Ma ɔ sak-e, mater mɔlɔm mə fumpɔ ro roŋ dayer, ka ebámp aŋ der aŋ gbáməs ma.
- ⁵Mɔlɔm mə fumpɔ rɔ agbalaŋ, ro mə te ba ethɔf egbathi. Ɔlɔmp gbo mə lɔkɔ-e, átesoma-e mə ba he ethɔf ebɔlɔŋ.
- ⁶Ɔwa ma aret rɔ gbep-e, áney nə gbaŋar ma, mə wela pɔkasifɛ mə ba he ethənk.
- ⁷Mɔlɔm mə fumpɔ ka tábánk ratɔŋ, ka tábánk tɔ lɔkɔ, tɔ thiŋkane ma.
- ⁸Kere mɔlɔm mə fumpɔ ka aŋthɔf afinɔ, ka mə kom məkomi, mɔlɔm mɔlɔ ma keme kin, mɔlɔm tɔgba tɔsas, mɔlɔm kɔgba tɔfɔt.
- ⁹Ɔwe ba eləns ta ɔ tɔl.
- ¹⁰Ka aŋkarande aŋ der aŋ pa ro ŋɔŋ, To pɔ som mə fɔfáne ŋa rɔ elomɔ-e?
- ¹¹kɔ lasi ɔ pa ro ŋaŋ, Ro rɔnu a sɔŋ kátarà ka egbundu ya rábáy ra ro riyana, kere ro rɔŋaŋ a sɔŋ he ki.
- ¹²kotáy-e wuni o wuni ɔwe ba, kɔnɔ mə a sɔŋ, ɔ tɔ ba agbáthi, kere wuni o wuni ɔwe te ba, a tɔ nɔy kɔ hali ara ɔ ba.
- ¹³Tásom i fɔfáne ŋa rɔ elomɔ, pɔkasifɛ hali aŋ kɔli aŋ nənk he, ɔwa hali aŋ su eləns aŋ tɔl he, ɔwa pɔ sɔk he ŋa.
- ¹⁴A lasɔr tapa ta Isaya ro rɔŋaŋ, áte pa ye, Rɔ kəsɔ eləns nə tɔ tɔl, kere pɔ gbɔli he sɔk nu, Rɔ kəkəli nə tɔ nənk, kere nə gbɔli he gbenthas ti.
- ¹⁵kotáy-e emerá ya aŋfəm aŋe ε gbolŋane, Ɔwa eləns yaŋ ε tui tɔl, Ɔwa aŋ po mɔp efɔr yaŋ, Ta thani aŋ ti nənk yi efɔr yaŋ, Ɔwa aŋ tɔl yi eləns yaŋ, Pɔ tɔ kál sɔk ŋa rɔ ámerà, Ɔwa aŋ kál lafthe Kama, i yeŋkəs ŋa.
- ¹⁶Kere efɔr ε nu ε ba aruba, átesoma-e ε nənk, de yi eləns ε nu sɔ, átesoma-e ε tɔl.



17Tə tentene i kanē nu-e, anābi yi afəm alompi agbāthi aṅ fela tə kənəṅk mātāy ama naṅ nə nən̄k kere aṅ nən̄k he ma: de yi tə kətəl mātāy ama naṅ nə təl, kere aṅ təl he ma.

18I ti lokthe nu aṅlomō ḡa osak.

19Bepi wuni o wuni o təl ārim ra rabāy-e, owa pə sək he kə-e, Sethani o der, o kathi kə āte a po sak ka aṅmerā ḡoṅ. Owe-e, kəno a sak ro roṅ dayer.

20Kere kəno owe a sak ka aṅbalaṅ-e, kəno yi owe mə təl ārim yi məbōne, owa o malane ri.

21Kere ma o te ba athənk-e, o tēma gbo ta alōkō agbut. Owa ma mōne thalōm asōmpane aṅ bek salata ārim, lemp o tə pənthbēla.

22Owa kəno owe a sak ka tabaṅk ratōṅ-e, kəno yi owe mə təl ārim, kere aṅsoli ḡa ādāru yi matōns ma rāyola mə təkər ārim, owa o kom he sō məkomi.

23Kere kəno owe a sak ka aṅthōf afinō o yi kəno owe mə təl ārim, owa pə sək kə. O kom məkomi tentene, kə kom mələm mələ ma kemē kin, mələm mələ ma tēgba tēsas, mələm mələ ma kēgba tōfot.

24kə bot alomō alōm rodi ka ḡaṅ, o pa, Rābāy ra ro riyana rə bālāne mə wuni owe sak mēter mēfinō ka akər kōṅ,

25kere ka tatak-e, otherane kōṅ o der o sak kəpika kətōṅ apēla, kə kōne.

26Owa ma mə lōkō-e, mə wur egbas-e, kapika sō kə wurne.

27Ka ebōy ya okas ka aṅseth aṅ der aṅ pa ro ḡoṅ, Pa, mēter mēfinō tha mə sak ro kər kamu-i? To pə tēp kəpika kə yi ri-e?

28kə pa ro ḡaṅ, Utherane ulōm kəno po yō āte. Ka ebōy aṅ pa ro ḡoṅ, Mə yema sə kə tusi kapika-i?

29Kere o pa, Sako, ta thani bepi nə tusi kapika-e, nə tə tusiane sō apēla.

30Ter yi yerəṅāṅ ε lōkō der okin haṅ ka karək, owa ka aṅlōkō ḡa karək i ti pa ka aṅrək, Mōtha nu thonkła kapika, owa sekəth ki rə elik tə kəthōy. Kere thonkła apēla pa mi ro funk.

31kə bot sō alomō alōm rodi ka ḡaṅ, o pa, Rābāy ra ro riyana rə bālāne mə aluka ḡa amustard aṅa wuni o gbasi, o tēp ka akər kōṅ.

32Aṅ yi aləl athasi maluka be, kere bepi aṅ po bāk-e, aṅ yi ābana athasi ebuma be, aṅ səkē ḡont, owa ebāmp ya aṅfena aṅ der, kaṅ seth ka mara mati.

33kə fōf sō alomō alōm ro ḡaṅ, o pa, Rābāy ra ro riyana rə bālāne mə egbith eyē wuni bom o gbasi o maṅk rə rēkē ra ethunth esas, haṅ yi be ε səkē egbith.

34Yisōsāṅ o fōf mātāy ame be ka āsuniya rə elomō, owa o fōfāne he ḡa koko pēthas rə alomō,



- ³⁵kámá árim ra ɔnàbi rə lasər ara pa, I ti fɔf rə ɛlomɔ, I ti thəksa mātáy ama a maŋk rə agbundu kəbi ka ɔtɔpɛr wa ádàru.
- ³⁶Ma Yisɔsán ɔ tey ásuniya-e, ɔ wɔŋ ro seth, ka aŋkarande nɔŋ aŋ der ro nɔŋ aŋ pa, Lokthia su aŋlomɔ nà kapika ro kɔr.
- ³⁷kɔ wosa, ɔ pa ro nɔŋ, Ɖwe sak mater mɛfínɔ kɔnɔ yi ɔWan ka wuni.
- ³⁸Ɖwa akɔr-e, kə yi ádàru. Mater mɛfínɔ mə yi aŋwuth nà rábáy, kɛrɛ kapika kə yi aŋwuth nà ɔwuni ləs.
- ³⁹Ɖtheranɛ ɔwe sak ki-e, Sethani kɔnɔán. Áŋlɔkɔ nà karɔk aŋ yi ɔthalnɛ wa ádàru, ɔwa aŋrɔk, nà yi aŋmáleka.
- ⁴⁰Tiyán mɔ mə a thoŋkla kapika, ɔwa a thɔi ki ro nant-e, ya mə pə yi ka ɔthalnɛ wa ádàru.
- ⁴¹ƉWan ka wuni ɔ ba kəsom aŋmáleka nɔŋ kámá aŋ wurɔ ka rábáy rɔŋ matáy bɛ ama sɔŋ kəyɛthá, dɛ yi nɔŋ aŋa yɔ ɔləs.
- ⁴²Ɖwa a tɔ fitha nà rə aton nà nánt ro kəkulo yi kánákŋák ɛsek kə yi.
- ⁴³Ka áŋlɔkɔ nati aŋlompi aŋ tɔ gbentha mɔ aret ka rábáy ra ɔKas ka nɔŋ. Ɖwe ba ɛlɛns ta ɔ təl.
- ⁴⁴Rábáy ra ro riyana rə bálánɛ mɔ kɛŋ kəbaki mɔlɔ ákɛ a maŋk ro lal, ákɛ wuni ɔ fir, ɔ kál maŋk ki, ɔwa ɔ kɔnɛ ɔ thila ara ɔ ba bɛ salata mabɔnɛ mati, kámá ɔ gbɛli wai aŋlal nati.
- ⁴⁵Ɖwa sɔ-e, rábáy ra ro riyana rə bálánɛ mɔ wuni səkínɛ ɔwe thɛns məsar məbaki mɔlɔ.
- ⁴⁶Ɖwa ma ɔ po fir ásar nɔŋ abáki mɔlɔ-e, ɔ kɔ thila ara ɔ ba bɛ-e, kámá ɔ wai nɔŋ.
- ⁴⁷Ɖwa rábáy ra ro riyana rə bálánɛ sɔ mɔ kəpɛl kəgboya ákɛ a fak ro baŋ, ɔwa kə gbip ɛlop agbaske gbaske.
- ⁴⁸Ma kə po la-e, a liŋ ki ro gbaŋ, kaŋ yirá aŋ thoŋkla aŋfínɔ rə tɔbəlai, kaŋ fitha aŋlɔs.
- ⁴⁹Ya mə pə yi ka ɔthalnɛ wa ádàru. Aŋmáleka aŋ tɔ der, aŋ tɔ gbaski aŋlɔs ka aŋlompi,
- ⁵⁰aŋ tɔ fitha nà ka aŋton nà nánt, ro kəkulo yi kánákŋák ɛsek kə yi.
- ⁵¹Kɔ pa ro nɔŋ, Mātáy amɛ bɛ mə sək nu-i? Aŋ lasi, kaŋ pa, Aŋko, Pa.
- ⁵²Kɔ pa ro nɔŋ, Tiyán ukarmɔkɔ ɔ karmɔkɔ ɔwe a thəksa ta rábáy ra ro riyana ɔ bálánɛ mɔ ulangba ɔwe ba aseth-e, ɔwe mə wur ka ɔbenɛnɛ wɔŋ yet ɛfu yi yet ɛkur.
- ⁵³Ka pə re yi ma Yisɔs ɔ po gbanthi ɛlomɔ ɛye-e, ɔ wur ri.
- ⁵⁴Ma ɔ der ka aŋthɔf nɔŋ-e, ɔ thəksa nà ka aŋseth nɔŋ agbanɛ haŋ aŋ kabanɛ, aŋ pa, Reke ɔlangba ɔwe ɔ sɔthɔ kátɛmp ake, dɛ yi máyɔs ma afɔsɔ amɛ-e?



⁵⁵Ɔwan ka ɔkamder kɔn tha ɔwe-i? Ɔwa a bont he ɔkara kɔn Meri-i? Anɔwɔnt nɔn, na tha yi Yemɔs, Yosef, Saymɔn yi Yudaɔn-i?

⁵⁶Ɔwa anɔwɔnt nɔn abera na be an yi he yi saɔn-i? Reke thɔn ɔwuni ɔwe ɔ sothɔ mɔtɔy ame be-e?

⁵⁷Ka pɔ ketha na ta atɔn. Kere Yisɔsɔn ɔ pa ro naɔ, Unabi ɔ paɔ he ayiki, thambe ka anɔthɔf nɔn gben, ɔwa ro seth kɔn sɔ.

⁵⁸Tiyɔn ɔ yɔ he ri mɔyɔs ma afɔsɔ mɔgbathi salata kate ka naɔ lanɛ.

Mathiu 14

¹Ka anɔlɔkɔ nati Herodɔn ɔtɛtrark ɔ tɔl tɔgbuɔ ta Yisɔs.

²kɔ pa ka ebɔy yɔn, Ɔwe-e, Yɔnɔn ɔBaftays kɔnɔn. Ɔ po yokanɛ ka rafi, te ba ti mɔyɔs mɔkabanɛ ame mɔ tɔrine ro nɔn.

³Ɔtesoma-e Herodɔn ɔ po wɔp Yɔnɔn, ɔ sek kɔ, kɔ bot kɔ ka anɔseth na tɔrɔnka salata Herodias, ɔrani ka Filip ɔwɔnt kɔn.

⁴Ɔtesoma-e Yɔn ɔ pa ro nɔn, Pɔ yi he ɔlompi ta munɔ tɔ kɔba kɔ.

⁵Ɔwa ma ɔ yema dif kɔ-e, ɔ nesa anɔfɔm, pɔkasife an nane Yɔnɔn tɔ kɔyi unabi.

⁶Kere ka amet ma anɔrey anɔ a kom Herodɔn-e, ɔwan ubera ka Herodiyɔs ɔ thɔmɔ kɔtɔn ka naɔ, ka pɔ bɔne Herodɔn.

⁷Ta anɔsabu nati ɔ lahiri rɔ agbiɔ rokɔm tɔ kɔsɔn ɔbɔrkɔ koko ɔ thola.

⁸Kɔnɔn, mɔ mɔ ɔya kɔn ɔ kanɛ kɔ-e, ɔ pa, Sɔn mi nɔ rɔ alefa rɔbomp ra Yɔn ɔBaftays.

⁹Ka pɔ ketha ɔbɔy, kere salata anɔgbiɔ nɔn-e, de yi naɔ anɔ yirɔ yi kɔn ka kɔdi-e, ɔ yamari tɔ kɔsɔn kɔ ri.

¹⁰kɔ som kɔmɔ a gbetha rɔbomp ra Yɔn ka anɔseth na tɔrɔnka.

¹¹Ka a kɔrɔ rɔbomp rɔn ka alefa, ɔwa a sɔn ri ka ɔwath bera, kɔ kera ri ka ɔkara kɔn.

¹²Ka anɔkarande na Yɔn an de gbasi kabel, kan mank kɔ, kan kɔ kanɛ ti ka Yisɔs.

¹³Ma Yisɔsɔn ɔ tɔl ti-e, ɔ gbasi abil, kɔ kɔ rɔ der ɔyɛn. Ma anɔfɔm an tɔl ti-e, an tɔn kɔ ro gban kɔwur ka tapet.

¹⁴kɔ wur ka anɔbil, ɔ nɔnk aruniya rɔbana, kɔ nɔnka na aney, ɔ damɔr anɔboma naɔ.

¹⁵Ɔwa ma rɔfɔy rɔ bek-e, anɔkarande nɔn an der ro nɔn, an pa, Ɔder ɔwe ɔ yɛn, ɔwa anɔlɔkɔ an po thɔn thas. Ter anɔfɔm an kɔnɛ, kɔmɔ an kɔ ka tagbɔm, an wayanɛ yet edi.

¹⁶Kere Yisɔsɔn ɔ pa ro naɔ, An ba he tɔ kɔkɔ, sɔn na nu yet edi.

¹⁷kan pa ro nɔn, Sɔ ba gbo anɔ tɔbo tamath de yi elop naɔnɔ.

¹⁸kɔ pa, Kara yi nɔ ro rɔmi.



¹⁹Ko yamari aɲfɛm kāmà aɲ yirà ka akereɲ, ko gbasi tabo tamath yi elop ɲarɛɲ, owa o keli rokɔm ka àkàriyana, o ruba yi, ko simɛth tabo, o soɲ ti aɲkarande ɲoɲ, ka aɲkarande aɲ soɲ aɲfɛm.

²⁰Ka ɲa be aɲ di, aɲ namra. Kaɲ gbas ebem etiane aɲ lasɛr tɛbɛlai tɔfɔt tɛrɛɲ.

²¹Owa ɲaɲ aɲa di-e, aɲ yi mɔlo ma afɛm aruni ewul tamath kɛte lɔmane bom-ɲaɲ de yi afɛth.

²²Ka olemɲ wati Yisɔsɔɲ o tɔri aɲkarande ɲoɲ tɛ kɛbaka ka aɲbil kāmà aɲ tɛma ko kɛdi romɔri, haɲ o po ter aɲfɛm aɲ kɔnɛ.

²³Ma o po ter aɲfɛm-e, o gbep ka kateɲ, kɔn son tɛ kɛramnɛ. Owa ma rafɔy rɛ bek-e, o yirà ri kɔn son.

²⁴Kere aɲbil aɲ yi thɔɲ ro baɲ ratɔɲ, ka emuɲkɛl ɛ sɔmpa ɲi, kotáy-e aɲfɛf aɲ wurɛr ɲa rodi.

²⁵Ma pɛ yema sɔk-e, Yisɔsɔɲ o der ro ɲaɲ, o kɔth ka kábàɲ rokɔm.

²⁶Ma aɲkarande aɲ nɛnk ko mɔ mɔ o kɔth ka kábàɲ rokɔm-e, aɲ nesa, kaɲ pa, Ayina ɲaɲ. Kaɲ sel ɛrɔɲ yi rɛnes.

²⁷Ka olemɲ wati Yisɔsɔɲ o pa ro ɲaɲ, Bák nu tɛbuth; mineáɲ. Te nu nesa.

²⁸Ka Pitaráɲ o pa, Pa, bepi munɔáɲ-e, yamari mi i der ro romu ka ámant rokɔm.

²⁹ko pa, Der. Ka Pitaráɲ o wur ro bil, o kɔth ka ámant rokɔm tɛ kɛder ka Yisɔs.

³⁰Kere ma o nɛnk aɲfɛf abáki-e, o nesa. O tɛp kɛmɔta, ko sel ɛrɔɲ o pa, Pa, kisis mi.

³¹Ka olemɲ wati Yisɔsɔɲ o thanthi káta kɔɲ, o wop ko, o pa ro ɲoɲ, Munɔ, mun ba kɛlane kɛthan, kɔyɛɲ mɛ sike-e?

³²Owa maɲ po wɔɲ ka aɲbil-e, aɲfɛf aɲ thɔfɔla.

³³Ka ɲaɲ aɲa yi ro bil aɲ bátho ko, aɲ pa, Tentɛnɛ munɔ yi oWan ka Kuru.

³⁴Maɲ po fəsi romɔri-e, aɲ bek ka aɲgbaɲ ɲa ro Kenesaret.

³⁵Ma aɲfɛm ɲa ɔder wati aɲ tára ko-e, aɲ som ka aɲthɔf ɲati be, aɲ kára ro ɲoɲ aɲfɛm be aɲa yi atuy.

³⁶kaɲ nemthene ko kāmà aɲ gboɲ hali gbo amese ma aruma rɔɲ. Owa ɲaɲ be aɲa gboɲ ko-e, aɲ sothɔ kɔyɛɲk mɛder.

Mathiu 15

¹Ka aɲFarisi yi aɲkarmako kɛwur ro Yerusalem aɲ der ka Yisɔs, aɲ pa,

²kɔyɛɲ aɲkarande a mu aɲ lɛsɛr makur ma aɲbáki ma aɲ te yane yeɲka aɲ di-e?

³ko lasi o pa ro ɲaɲ, kɔyɛɲ naɲ sɔ nɛ lɛsɛr aɲyamari ɲa Kuru salata makur ma nu-e?



- ⁴kotáy-e Kuruáŋ ɔ pa, Yikis ɔkas ka mu yi ɔkara ka mu, de yi; Kɔn ɔwe mə fɔf ɔlɛs ta ɔkas thalɔm ta ɔkara-e, ta ɔ fi rafi.
- ⁵Kere naŋ nə pa, Wuni ɔ wuni ɔwe mə pa ka ɔkas kɔŋ thalɔm ɔkara kɔŋ, Arɛka ra mi ara gbɛli naŋ munafas mu-e, a sɔŋ ri Kuru-e,
- ⁶ɔ ba he sɔ tɛ kɔyikis ɔkas kɔŋ thalɔm ɔkara kɔŋ. ɔwa nə po wop árim ra Kuru ɔyai salata makur ma nu.
- ⁷Na amunafaki, pɛ yi ɔlompi áte ɔnábi Isaya ɔ nábi ta átá nu ma ɔ pa,
- ⁸Aŋfɛm aŋe aŋ yikis mi yi tasɔŋ taŋ, Kere emerá yaŋ ɛ bɔláne mi.
- ⁹Kere aŋ bátho mi gbo kɔtiŋ, aŋ thɛksa emáŋ ya afɛm a kɔpet mə máthɛksá maŋ.
- ¹⁰Má ɔ po tela aŋfɛm ro rɔŋɔŋ-e, ɔ pa, Tɛl nu, ɔwa tá pɛ sɔk nu.
- ¹¹Pɛ yi he arɛka ara mə wɔŋ ka kasɔŋ ara mə nɔkɔs wuni, kere ara mə wur ka kasɔŋ, rɛ mə nɔkɔs wuni.
- ¹²Ka aŋkarande ŋɔŋ aŋ der kaŋ pa ro rɔŋɔŋ, Mɛ tárá kɛpa aŋFarisi aŋ bansá maŋ tɛl ásim áte-i?
- ¹³Kere ɔ lasi ɔ pa, Dɔnt ɔ ŋɔnt aŋa ɔKas kámi ro riyana ɔ te tɛp-e, a ba kɔtusi ŋi.
- ¹⁴Tey ŋa, aŋ yi gbo afith aŋa kɔtha aŋfith. ɔwa bepi ufith ɔ kɔtha ufith-e, ŋa ŋarɔŋ aŋ tɛ fumpɔ ro fo.
- ¹⁵Ka Pita ɔ pa, Lokthia su aŋlomɔ aŋe.
- ¹⁶Ka Yisɔs ɔ pa, Naŋ sɔ nə tha ba he kɛsɔthne-i?
- ¹⁷Nɛ tɛ he kɛpa rɛka ɔ rɛka ara mə wɔŋ ro sɔŋ rɛ thas rokor-i, ɔwa a lɛpsɔ fitha ri-i?
- ¹⁸Kere mátáy ama wur ka kasɔŋ mə wur ka áŋmerá; ɔwa ame-e, mə mə nɔkɔs wuni.
- ¹⁹Átesoma-e enane ɛlɛs-o, kádifɛth-o, kɛrɛp-o, rɛkeiyo, məseri ma rɛyem-o yi kɛfɔf Kuru ɔlɛs-e, ɛ wur ka áŋmerá.
- ²⁰Mátáy ame mə mə nɔkɔs wuni, kere tɛ kádi kɛte yanɛ kɛ nɔkɔs he wuni.
- ²¹Ka Yisɔs ɔ wur ri, ɔ kɔ ka egbap ya ro Tair yi ro Sidon.
- ²²ɔwa wuni bom ka ro Kenan ɔ wur ka egbap yati, ɔ sel ɛrɔŋ ɔ pa, Pa, munɔ ɔwan ka Debid, ba mi áney. Ukɛrɛfi ɔ sɔmpa ɔwan kámi ubera.
- ²³Kere ɔ lasiane he kɔ hali dim din. Ka aŋkarande ŋɔŋ aŋ der aŋ nemthene kɔ, aŋ pa, Yɔ ɔwath ubera ɔ kɔne, kotáy-e ɔ bokɛr su.
- ²⁴Kere ɔ pa, A som mi gbo ka talɔmɛ tɛsɔkar ta áŋseth ŋa Isrɛl.
- ²⁵Ka ɔya ɔ der ɔ sɔna kɔ tɔwu, ɔ pa, Pa, mar mi.
- ²⁶Ka Yisɔs ɔ pa, Pɛ mar he tɛ kɛgbasi kabo ka aŋfeth tɛ kɛfitha ki ka ɛtɔn.



²⁷Kere ɔwath ubera ɔ pa sɔ, Tɔteŋ Pa, kere hali etɔn aŋ di atɔmp ɔte mɛ fumpɔ ro thɔf kɛwɔr ka aŋthebɛl ŋa aŋmarki ŋaŋ.

²⁸Ka Yisɔsɔŋ ɔ pa ro ŋɔŋ, Bithaŋ, kɔlane ka mu kɛ bana. Ta pɛ yɔne mu mɔ mɛ mɛ yema. Ka ɔwan kɔŋ ubera ɔ yeŋk ka aŋlɔkɔ ŋati gbeŋ.

²⁹Ka Yisɔs ɔ wur ri, ɔ kɔ fatɛr kɔbɔŋ ka ro Kalili. Kɔ gbep ka kateŋ rokɔm, ɔ yirɔ ri.

³⁰Ka suniya tɛbana tɛ der ro ŋɔŋ tɛ banɔne aŋtɛtke-o, aŋfith-o, tabobo-o, aŋlopane-o yi alɔm agbɔthi, ka a bot ŋa ka ɔtɔtɛk tɔŋ. Kɔ yeŋkɛs ŋa be,

³¹haŋ ɔruniya rɛ kabane maŋ nɛnk tabobo aŋ fɔf, aŋlopane aŋ yeŋk, aŋtɛtke aŋ kɔth yi aŋfith aŋ nɛnk. Kaŋ yikis ɔKuru ka Isrɛl.

³²Ka Yisɔs ɔ tela ro ŋɔŋ aŋkarande ŋɔŋ, ɔ pa, I ba ɔney ta ɔruniya, ɔtesoma-e aŋ po yi yi mineŋ mɔrei mɔsas, aŋ ba he ra rɛdi. I yema he tey ŋa ŋa ador, ta thani aŋ pika ro roŋ.

³³Ka aŋkarande ŋɔŋ aŋ pa ro ŋɔŋ, Reke mɛ sɛ sɔthɔ tɛbo tɛgbathi tɛbeki namsɛr ɔruniya rɛbana are ka ɔder ɔyeŋ ɔwe-e?

³⁴Ka Yisɔs ɔ yif ŋa, Mɔlɔ tɛbo nɛ ba-a? kaŋ pa, Tamthɛderɛŋ, de yi elop athɔn.

³⁵kɔ kane ɔruniya tɛ kɔyira yirɔ ro thɔf.

³⁶kɔ gbasi tɛbo tamthɛderɛŋ yi elop-e, kɔ muti mɔmɔ, ɔ simɛth yi, kɔ sɔŋ aŋkarande ŋɔŋ kɔmɔ aŋ sɔŋ ɔruniya.

³⁷Ka ŋa be aŋ di aŋ namra, ɔwa aŋ gbas tɛbɛlai tamthɛderɛŋ ka ebem etiane.

³⁸ɔwa ŋaŋ aŋa di aŋ yi mɔlɔ ma afɛm aruni ewul yanle, kɛte lɔmane aŋfɛm abom yi aŋfethɔŋ.

³⁹kɔ ter ɔruniya, ɔ bɔkɔ ka aŋbil, kɔ der ka aŋgbɔp ŋa ro Makadan.

Mathiu 16

¹Ka aŋFarisi yi aŋSadusi aŋ der ro ŋɔŋ tɛ kɛmɛm kɔ, kaŋ yif kɔ tɛ kɔtɔri ŋa amisali kɛwɔr ro riyana.

²Kere Yisɔsɔŋ ɔ lasi, ɔ pa ro ŋaŋ, Ma rɔfɔy rɛ bek-e, nɛ pa, Kɔsalaŋ kɛ tɛ yi ɔtesoma-e ɔkuru kɛ yim.

³ɔwa, ka rabɛth nɛ pa sɔ-e, Kɛnkɛl kɛ tɛ der thonɔŋ ɔtesoma-e ɔkuru kɛ kulɔŋane kɔyim-o yi kɛbiɔŋ. O naŋ amunafaki, nɛ tɔrɔ tɛ kɛgbaski ɔder ra akuru-e, kere nɛ tɛ he gbaski emisali ya elɔkɔ.

⁴Rɛkomra rɛlɛs rɛrɛpi rɛ thens emisali, kere a ba he kɔsɔŋ ri amisali thambe aŋmisali ŋa Yona. Kɔ tey ŋa ɔ kɔne.

⁵Ma aŋkarande aŋ fɛsi romɔri-e, aŋ pɔne tɛ kɛbanane tɛbo.



- ⁶Ka Yisós ɔ pa ro ɲaɲ, Botne nu, ɔwa pendaf nu egbith ya aɲFarisi yi aɲSadusi.
- ⁷kaɲ fɔfɛranɛ, aɲ pa, Sə karane he tɔbo.
- ⁸Ma Yisósɲ ɔ tãrà ti-e, ɔ pa ro ɲaɲ, O naɲ nə ba kɛlanɛ kɛthan, to som mə nə fɔfɛranɛ ta ma nə te ba tɔbo-e?
- ⁹Pə tha sɔk he nu-i, ɔwa nə kala he emerá ta tabo tamath ta ɛwul tamath, yi amɔlo tɛbɛlai nə gbasi-i?
- ¹⁰Thalɔm tabo tamthɛderɛɲ ta ɛwul yanɛ sɔ, yi amɔlo tɛbɛlai nə gbasi-i?
- ¹¹To som nə te tãrà kɛpa i fɔfãne he nu ta tɔbo-e? Kere pendaf nu ta egbith ya aɲFarisi yi aɲSadusi.
- ¹²Ka pə sɔk ɲa kɛpa ɔ yamari he ɲa tɔ kɛpendaf egbith ya tɔbo, kere ɔ yamari ɲa ta kathɛksa ka aɲFarisi yi aɲSadusi.
- ¹³Ma Yisósɲ ɔ bek ka aɲgbáp ɲa ro Sisaria Filipay-e, ɔ yif aɲkarande ɲɔɲ, ɔWan ka wuni, kanɛ aɲfɛm mə aɲ pa ɔ yi-e?
- ¹⁴kaɲ pa, Alɔm aɲ pa Yɔnɲ ɔBaftays; alɔm Ilayaɲ, alɔm Yerimayaɲ, thalɔm ukin ka aɲnabi.
- ¹⁵ɔ pa ro ɲaɲ, Kere naɲ, kanɛ nə pa mineɲɲ i yi-e?
- ¹⁶Ka Saymɔn Pitarɲ ɔ lasi, ɔ pa, Munɔ yi ɔKrayst, ɔWan ka ɔKuru ukɛli.
- ¹⁷Ka Yisós ɔ pa ro ɲɔɲ, Munɔ mə ba aruba Saymɔn ɔwan ka Yona, pɛkasife wuni kɛpɛt ɔ tɔri he ti ro mu, kere ɔKas kãmi ɔwe yi ro riyana.
- ¹⁸I kál sɔ pa ro rɔmu, Munɔ yi Pita, ɔwa rokɔm ka aɲgbalaɲ aɲɛ rɔ mə i tɛmɛr aɲchɔch a mi; ɔwa tadare ta ro kɛrɛfi tɔ ba he kɛtham ɲi.
- ¹⁹I ti sɔɲ mu mäsapɔ ma rãbãy ra ro riyana, ɔwa koko ara mə sek ka ádãru-e a tɔ sek ri ro riyana, de yi koko ara mə sɛli ka ádãru-e a tɔ sɛli ri ro riyana.
- ²⁰kɔ yamari aɲkarande ɲɔɲ kãmá aɲ te tɔri wuni o wuni kɛpa kɔnɔ yi ɔKrayst.
- ²¹Ka aɲlɔkɔ ɲati Yisósɲ ɔ tɛp kɛtɔri aɲkarande ɲɔɲ kɛpa ɔ ba kɛkɔ ro Yerusalem tɔ kɛnákãsi mɛtãy mɛgbãthi ka mãta ma aɲbãki yi aɲfode ábana yi aɲkarmɔkɔ, ɔwa aɲ tɔ dif kɔ, ɔwa ka aɲɲrey aɲa beká mɛsas a tɔ kál yokas kɔ.
- ²²Kã Pita ɔ kera kɔ rayer, kɔ ɲal kɔ, ɔ pa, Ta pə bɔlãne mu Pa. Áte tɔ ba he kɛyi mu.
- ²³Kere ɔ fɔɛ, ɔ pa ka Pita, Tɔne mi raɲ Sethani. Mə yi mi da rɛpɛnthbɛla átesoma-e munɔ mə kɛli he ta mãtãy ma Kuru, mə kɛli gbo ta mãtãy ma afɛm a kɛpɛt.
- ²⁴Ka Yisósɲ ɔ pa ka aɲkarande ɲɔɲ, Bepi wuni ɔ wuni ɔ yema tãɲ mi-e, ta ɔ pensanɛ, ɔ gbasi akɛnt kɔɲ kɛpɛɲkinɛ, ɔ tãɲ mi.
- ²⁵kotãy-e wuni o wuni ɔwe yema kisis aɲɛsɛm ɲɔɲ-e, ɔ tɔ dim ɲi; ɔwa wuni o wuni ɔwe mə dim aɲɛsɛm ɲɔɲ salata mi ɔ tɔ fir ɲi.



²⁶To mə pə nanfas wuni bepi ɔ sotho ádàru bɛ, kɛrɛ ɔ dim aɲesəm ɲɔɲ-e? Thalɔm ko wuni mə ɔ gbɛli sɔɲ tɛ kəsinkar aɲesəm ɲɔɲ-e?

²⁷koṭáy-e ɔWan ka wuni ɔ tɛ der ka aɲyiki ɲa ɔKas kɔɲ yi aɲmáleka ɲɔɲ. ɔwa ka aɲlɔkɔ ɲati ɔ tɛ sɔɲ wuni o wuni amɔlɔ ma máyɔs mɔɲ mə yi.

²⁸Tentene i kanɛ nu, alɔm aɲ tɛma nɔ aɲa te ba kənɔɲk rɛfi, haɲ aɲ nɔnk ɔWan ka wuni ɔ der ka rábáy rɔɲ.

Mathiu 17

¹ɔwa kɛdarɔɲ ka mɔrei tamthərugin-e, Yisɔsɔɲ ɔ keranɛ Pitarɔɲ, Yemɔsɔɲ yi Yɔnɔɲ ɔwɔnt kɔɲ, kɔ gbepa ɲa rɛ kɔtɛɲ kɛbɔli rɛkɔm, ɲa son.

²Ka rabalanɛ rɔɲ rɛ lafthe rodi ka ɲaɲ. Ader rɔɲ rɛ gbentha mɔ aret, ɔwa ásuma tɔɲ tɛ fera mɔ ɔwaɲ.

³ɔwa kɛla, Mosisɔɲ yi Ilayaɲ aɲ tɔrine ro ɲaɲ, kaɲ fɔfáne kɔ.

⁴Ka Pitɔɲ ɔ pa, Pa, ɔfino ta áta su tɛ kɔyi nɔ. Bepi mə selɔ-e, i ti bɛmpa nɔ egbɔm esas, ɲin ta áta mu, ɲin ta Mosis, de yi ɲin ta Ilaya.

⁵Ma ɔ yi ka kɛfɔf-e, kɛrɛnt kɛfera kɛgbentha kɛ derɛr ɲa; ɔwa rim rɛ wur ka karɛnt, rɛ pa, ɔWan kámi ubɔthər kɔnɔ ɔwe, ta ɔwe pɛ thesanɛ mi fino. Tɛla kɔ nu.

⁶Ma aɲkarande aɲ tɛl ti-e, aɲ gbɔpsa, aɲ nesa ɔthasɛr.

⁷Kɛrɛ Yisɔsɔɲ ɔ der ɔ gboɲ ɲa, ɔ pa, Yokanɛ nu, te nu nesa.

⁸Maɲ ɲata ɛfɔr yaɲ-e, aɲ nɔnk hɛ wuni o wuni thambe Yisɔsɔɲ son.

⁹ɔwa mɔ mə aɲ thor ka kateɲ-e, Yisɔs ɔ yamari ɲa, ɔ pa, Te kanɛ wuni o wuni mánɔnk ama nɔ po nɔnk haɲ ɔWan ka wuni ɔ kál yokanɛ ka rafi.

¹⁰Ka aɲkarande ɲɔɲ aɲ yif kɔ, aɲ pa, kɔyɛɲ aɲkarmɔkɔ aɲ pa Ilaya ɔ ba kəmɔtha der-e?

¹¹Ka Yisɔsɔɲ ɔ lasi ɔ pa ro ɲaɲ, Tɛ tentene Ilaya ɔ ba tɛ kɛder, ɔwa ɔ tɛ lompɔs mətáy bɛ.

¹²Kɛrɛ i kanɛ nu kɔpa, Ilaya ɔ po thɔɲ der, kɛrɛ aɲ tɛ hɛ kɔ, ɔwa aɲ po yɔ kɔ táy o táy áte aɲ yema. ɔwa yaɲ sɔ ɔWan ka wuni ɔ tɛ nakasi ka máta maɲ.

¹³Ka pɛ sɔk aɲkarande ɲɔɲ kɔpa ɔ fɔfáne ɲa ta Yɔn ɔBaftays.

¹⁴Maɲ bek ka áruniya-e, ulaɲgba ɔ der ro ɲɔɲ, ɔ sɔna kɔ tɔwu, kɔ pa,

¹⁵Pa, ba áney ta ɔwan kámi uruni, ɔ ba kɛtuk, ɔ sɔmpanɛ ɔbaɲ, koṭáy-e ɛlɔkɔ egbathi ɔ fumpɔ ro nánt, ɔwa sɔ-e, ɛlɔkɔ egbathi ɔ fumpɔ ro mánt.

¹⁶Ka i po kárá kɔ ka aɲkarande a mu, kɛrɛ aɲ gbɛli hɛ damɛr kɔ.



¹⁷Ka Yisosàŋ ɔ wosa ɔ pa, O rəkomra ara te lanɛ, rəgbolŋanɛ, to mə i ba kəwon yi naŋ-e? To mə i ba kəwon tə kəmuɣu nu-e? Kara kɔ nɔ ro mi.

¹⁸Ka Yisos ɔ ŋal əkərəfi, kɔ gbapɛ kɔ, ka ɔwath ɔ sɔthɔ kəyɛŋk mədɛr ka ɔŋlɔkɔ ŋati gbɛŋ.

¹⁹Ka aŋkarande aŋ der ka Yisos mənəŋkanɛ, aŋ pa, kəyɛŋ saŋ sɛ te gbəli wurɔ kɔ-e?

²⁰kɔ pa ro ŋaŋ, Salata kate lanɛ ka nu. Tɛntɛnɛ i kanɛ nu, Bepi gbo nɔ ba kəlɛnɛ mɔ aluka ŋa amustard nɔ gbəli pa ka kateŋ ake, Tɔnɛ nɔ mə kɔ ro, ɔwa kə tɔ tɔnɛ. ɔwa koko rə tui hɛ nu tày.

²¹Kɛrɛ awunɔŋ aŋ wur hɛ thambe rə kəramnɛ yi kəwop asum.

²²ɔwa maŋ yirə ro Kalili-e, Yisosàŋ ɔ pa ro ŋaŋ, A ba kəlanŋkli ɔWan ka wuni ka mātə ma aŋfəm,

²³ɔwa aŋ tɔ dif kɔ, kɛrɛ ka ɔŋrɛy aŋa bekə məsas-e, a tɔ yokas kɔ. Ka pə nəsine ŋa ɔthasɛr.

²⁴Maŋ bek ro Kepaniyom-e, ŋaŋ aŋa thoŋkla ɛfək ya ɔŋseth ŋa Kuru aŋ der ka Pita, kaŋ pa, ɔkarmokɔ ka mu ɔ la hɛ ram ɔdiyɔ?

²⁵kɔ pa, Aŋko. Ma ɔ wɔŋ ro seth-e yɛŋka ɔ fɔf rim-e, Yisosàŋ ɔ pa, To mə nanɛ-e, Saymɔn? aŋbày ŋa ɔdāru-e ka kanɛ mə aŋ sɔthɔ ɛfək-e, ka aŋwuth ŋaŋ gbɛŋ thalɔm ka atik-e?

²⁶ɔwa ma ɔ pa, Ka atik, Yisos ɔ pa ro ŋɔŋ, Tiyāŋ aŋwuth aŋ ba hɛ kəsɔŋ.

²⁷Kɛrɛ kāmā sɛ te yɔ ŋa aŋ pənthbɔla-e, kɔnɛ ro baŋ mə fitha anəmp, liŋ kalop ɔwe mɔtha der. Ma mə pɔ kanthi kasəŋ kɔŋ-e mə tɔ fir ri akala. Gbasi ŋi ɔwa sɔŋ ŋa ta ɔtā mi yi ta ɔtā mu.

Mathiu 18

¹Ka ɔŋlɔkɔ ŋati aŋkarande aŋ der ka Yisos, ka aŋ pa, Kanɛ mə tha yi ubana bɛ ka rābày ra ro riana-e?

²kɔ tela uwath ulɔl ro ŋɔŋ, ɔ tɛmɛr kɔ kətɔŋ ka ŋaŋ,

³kɔ pa, Tɛntɛnɛ i kanɛ nu, Thambe nɔ lāfthi ɛmerə ɛ nu-e, nɔ səkɛ mɔ afɛth alɔl-e, nɔ gbəli hɛ wɔŋ ka rābày ra ro riyana.

⁴Tiyāŋ wuni ɔ wuni ɔwe mə sanɛ mə ɔwath ulɔl ɔwe-e, kɔnɔ tha yi ubana ka rābày ra ro riyana.

⁵ɔwa bepi wuni ɔ wuni ɔ malanɛ uwath ulɔl ukin uwunɔŋ ka ɔŋɛs a mi-e, minɛ ɔ malanɛ.

⁶Kɛrɛ bepi wuni ɔ wuni ɔ yɔ ukin ka aŋlɔl aŋɛ aŋa lanɛ mi ɔ pənthbɔla-e, pə tɔ yi kɔ fisa bepi a gbak kɔ ɔsar ɔgbɔlā ɔbana ka kalim kɔŋ, a mɔtas kɔ ka ɔbɔlɔŋ wa kābāŋ.



- ⁷Mõne ka ádàru ta mètáy mæpænthbæla, kotáy-e mätáy mati mæ ba kæder; kere mõne ka õwuni kati õwe mæ kàrà ma!
- ⁸Tiyån bepi káta ka mu thalóm akatæk ka mu kə yɔ mu mæ pænthbæla-e, gbæk ki, mæ fitha ki kámá kə bəláne mu. Pə tə yi mu fisa bepi mæ wəŋ ka aŋesəm mun lopáne thalóm mun tətke pəthasi kəba mæta mārəŋ thalóm tatæk tərəŋ, ɔwa a fitha mu ka anant nəthəbana.
- ⁹ɔwa bepi räfər ra mu rə yɔ mu mæ pænthbæla-e, kothi ri, mæ fitha ri kámá rə bəláne mu. Pə tə yi mu fisa bepi mæ wəŋ ka aŋesəm yi räfər rin-e, pəthasi kəba efər yerəŋ ɔwa a fitha mu ka anant na ro yahanama.
- ¹⁰Botne nu kámá nə te sai ukin ka aŋləl aŋe, kotáy-e, i kanə nu kəpa ro riyana aŋmáleka ŋaŋ aŋ kəli ləkɔ o ləkɔ áder ra ɔKas kámi ɔwe yi ro riyana.
- ¹¹Átesoma-e ɔWan ka wuni ɔ der tə kəkisis aŋa po dine.
- ¹²To nə nanə-e? Bepi wuni ɔ ba təlómə kemə kin, ɔwa ukin ka ŋaŋ ɔ səkər-e, ɔ tey he antəgba tanle tɔfɔt tamthəreŋanle, ɔ kənə ka táteŋ tə kəthens ɔwe səkər-i?
- ¹³ɔwa bepi pə yi ɔ fir kə-e, i kanə nu tentenə ɔ tə selər kə mæbənə pəthasi ta antəgba tanle tɔfɔt tamthəreŋanle aŋa te səkər.
- ¹⁴Ya pə yi sə-e, pə yi he mäsəlɔ ma ɔKas ka nu ɔwe yi ro riyana kámá ukin ka aŋləl aŋe ɔ dine.
- ¹⁵ɔwa bepi ɔwənt mu ɔ yɔ mu ɔləs-e, kə təri kə ɔləs wəŋ na ŋarəŋ son; bepi ɔ sua mu eləns-e, mæ po sɔthɔ ɔwənt mu,
- ¹⁶kere bepi ɔ sua he mu eləns-e, banáne wuni kin thalóm ŋarəŋ kámá ka tasəŋ ta mæseri ŋarəŋ thalóm asas-e, rim o rim rə təma.
- ¹⁷ɔwa bepi ɔ kasi kəsuwa ŋa eləns-e, kanə ti ka aŋchɔch. Bepi ɔ selɔ he sua eləns ka aŋchɔch-e, ta ɔ yi ro mu mæ wuni tel de yi ugvasi efək.
- ¹⁸Tə tentenə i kanə nu, rəka o rəka ara mæ nə sek nɔru rə tə yi rəsek ro riyana, ɔwa rəka o rəka ara mæ nə səli ka ádàru-e rə tə yi rəsəli ro riyana.
- ¹⁹I kanə nu sɔ, bepi ŋarəŋ kətəŋ ka nu aŋ ba dim dín ka ádàru ta táy o táy átá mæ nə yif-e, ɔKas kámi ɔwe yi ro riyana ɔ tə yɔna nu ti.
- ²⁰kotáy-e, ro ŋarəŋ thalóm asas-e mæ aŋ gbanə der rəkin ka aŋes a mi-e, rə i yi kətəŋ ka ŋaŋ.
- ²¹Ka Pitarəŋ ɔ der ɔ pa ro ŋəŋ, Mariki, amɔlɔ ɔwənt mi mæ ɔ yɔ mi ɔləs, ɔwa i tera kə-a? Haŋ kətəma tamthəderəŋ-a?
- ²²Ka Yisəsəŋ ɔ wosa ɔ pa ro ŋəŋ, I pa he ro mu haŋ tamthəderəŋ, kere haŋ eləkɔ təgba təsas tɔfɔt kətəma tamthəderəŋ.
- ²³Tiyån rábáy ra ro riyana rə bəláne mæ ubáy ulóm ɔwe yema ləməsne yi ebɔy yəŋ.



- ²⁴Ma ɔ tɔp kɛlɔmɛs-e, a kɛrɛ ukɛn ro ŋɔŋ ɔwe ba kɛram kɔ etalent ewul tɔfɔt.
- ²⁵Kɛrɛ ma ɔ te ba rɛka tɔ kɛrɛm-e, ɔmarki kɔŋ ɔ yamari kɛmɛ a thila kɔ, ɔrani kɔŋ-o, aŋwuth ŋɔŋ-o yi ara ɔ ba be kɛmɛ aŋrɛm aŋ wur.
- ²⁶Tiyɛŋ aŋbɔy ɔ gbɛpsa, kɔ nɛmthɛnɛ kɔ, ɔ pa, Pa, muyu mi ɔwa i ti po ram mu be.
- ²⁷Ka ɛney aŋ wop ɔmarki ka aŋbɔy ŋati, kɔ ter kɔ, ɔ tera kɔ sɔ rabei.
- ²⁸Kɛrɛ aŋbɔy ukɛn kati ɔ wur, kɔ fir ɔkos kɔŋ ɛbɔy ɔwe ba kɛram kɔ ɛsilɛŋ kɛmɛ kin. Kɔ wop kɔ, ɔ tɔker kɔ ro bolo, ɔ pa, Ram mi ara mɛ ba kɛram mi.
- ²⁹Ka ɔkos kɔŋ ɛbɔy ɔ gbɛpsa ɔ nɛmthɛnɛ, kɔ pa, Muyu mi, ɔwa i ti ram mu.
- ³⁰Kɛrɛ ɔ selɔ hɛ, ɔ kɔ bot kɔ ka aŋseth ŋa tɔrɛŋka haŋ ɔ ram rabei rɔŋ.
- ³¹Ma aŋkos ŋɔŋ ɛbɔy aŋ nɛnk ɛte po yɔnɛ-e, ɛney ɛbana aŋ wop ŋa, kaŋ der aŋ der aŋ tɔri ɔmarki ka ŋaŋ ɛte yɔnɛ be.
- ³²Ka ɔmarki kɔŋ ɔ tela kɔ ro ŋɔŋ, ɔ pa, Munɔ, mun ɛbɔy ulɛs, i tera mu rɛbɔy araŋ be, pɛkasifɛ mɔ nɛmthɛnɛ mi.
- ³³Munɔ, mɛ gbɛli hɛ sɔ ba ɛney ta ɔkos mu ɛbɔy-i, mɔ mineɛŋ i ba mu ɛney-i?
- ³⁴Ka ɔmarki kɔŋ ɔ bansɛ, kɔ lɛnki kɔ kia aŋa mɛ thalɛr afɛm haŋ ɔ po ram be ara ɔ ba tɔ kɛram.
- ³⁵Ya ɔKas kɛmi ro riyana mɛ ɔ yɔ nu sɔ bepi naŋ be nɛ tera hɛ wuni o wuni ɔwɔnt kɔŋ ka ɛmerɛ ɛ nu.

Mathiu 19

- ¹Ka pɛ re yi ma Yisɔsɛŋ ɔ gbanthi ɛsim ɛte-e, ɔ wur ro Kalili, ɔ der ka aŋgbɔp ŋa ro Yudia aŋa yi ro Yɔrdan mɔri.
- ²Ka suniya tɔbana tɔ tɛŋ kɔ, kɔ yeŋkɛs ŋa ri.
- ³AŋFarisi sɔ aŋ der ro ŋɔŋ, kɛmɛ aŋ gbɛns kɔ, kaŋ pa, Pɛ yi ɔlompi ta wan duni tɔ kɛtɛr ɔrani kɔŋ ta tɛy o tai-i?
- ⁴kɔ wosa ɔ pa ro ŋaŋ, Nɛ tha karaŋ hɛ kɛpa kɔnɔ ɔwe bɛmpa ŋa kɛbi ka ɔtɛpɛr ɔ bɛmpa ŋa uruni dɛ yi ubɛra-i?
- ⁵kɔ pa, Ta aŋsabɛ aŋe wan duni mɛ ɔ tey ɔkas kɔŋ yi ɔkara kɔŋ, ɔ gbapsa ɔrani kɔŋ; ɔwa ŋa ŋarɛŋaŋ aŋ sɛkɛ adɛr ŋin-i?
- ⁶Tiyɛŋ aŋ yi hɛ sɔ ŋarɛŋ kɛrɛ ukɛn. ɔwa ɛrɛ Kuru ɔ po tɔsa der ɔkin-e, tɛ wuni ɔ te ri tɔsi.
- ⁷kaŋ pa ro ŋɔŋ, kɔyɛŋ mɛn Mosis ɔ yamari tɔ kɛsɔŋ ɛrɛka ŋa kɛsakɛnɛ dɛ yi tɔ kɛtɛr kɔ-e?



⁸Ko pa ro rɔŋaŋ, Ta salata kabak ka nu emerà Mosis o selo nu tɔ kɔter aŋrani a nu, kere ka katɔp pɔ yi he yaŋ.

⁹Owa i kanɛ nu, wuni o wuni owe mɔ ter ɔrani kɔŋ, thambe ta aŋsabu ŋa kɔrɔp, o kál nántà ulóm-e, o yɔ kɔrɔp. Kɔnɔ sɔ owe mɔ nántà ɔbera owe a ter-e, o yɔ kɔrɔp.

¹⁰Ka aŋkarande ŋɔŋ aŋ pa ro ŋɔŋ, Bepi ya pɔ yi kɔtɔŋ ka ɔwan duni yi ɔrani kɔŋ-e, pɔ tɔ yi naŋ fisa tɔ kɔte nántà.

¹¹Ko pa ro ŋaŋ, Afɔm be tha mɔ gbɛli malanɛ aŋpa aŋe, thambe ŋaŋ ka aŋa a sɔŋ ŋi.

¹²kotáy-e afɔm agbáy aŋ yi aŋa a kom yaŋ kɔbi ka ator ta aŋkara ŋaŋ; afɔm agbáy alóm aŋ yi aŋa afɔm a kɔpet aŋ gbai; owa alóm aŋ yi aŋa sɔkinɛ agbáy salata rábáy ra ro riyana. Kɔnɔ owe gbɛli wop ti ta o wop ti.

¹³Ka a kárà afɛth ka Yisɔs kámà o reŋ máta mɔŋ ro ŋaŋ, o ramnɛ; kere aŋkarande aŋ ŋal ŋa.

¹⁴Kere Yisɔsáŋ o pa, Ter aŋfɛth kámà aŋ der ro mi, te nu bent ŋa, kotáy-e, awunɔŋ ŋa ba rábáy ra ro riyana.

¹⁵ko reŋ ŋa máta mɔŋ, kɔ wur ri o kɔnɛ.

¹⁶Owa kɔla, wuni kin o der ro ŋɔŋ, kɔ pa, Karmáko, ko táy tɔfinɔ tɔ mɔ i yɔ kámà i sɔthɔ aŋesɔm thɔbana-e?

¹⁷Ka Yisɔsáŋ o pa, kɔyɛŋ mɔ mɔ bont mi ufinɔ-e? Ukin gbo kɔnɔ yi ufinɔ, kɔnɔ yi mɔ Kuruáŋ. Kere bepi mɔ yema wɔŋ ka aŋesɔm, wop ethɔ.

¹⁸ko yif kɔ, Ereke-e? Ka Yisɔsáŋ o pa, Te dif, te yɔ kɔrɔp, te keya, te sɔŋ mɔseri ma rɔyem.

¹⁹Yikis ɔkas ka mu yi ɔkara ka mu, owa mɔ yi tɔ kɔbɔthɔr ɔfatane ka mu mɔ mɔ bɔthɔrɛ.

²⁰Ka ɔlangba o pa ro ŋɔŋ, Mátáy ame be i po wop kɔbi ka rafɛth ra mi. Ko i paŋ ras-e?

²¹Ka Yisɔsáŋ o pa ro ŋɔŋ, Bepi mɔ yema yi ugbenhis-e, kɔnɛ mɔ thila ara mɔ ba, owa mɔ sɔŋ aŋmɔnɛ. Mɔ tɔ ba keŋ ro riyana, owa der, mɔ táŋ mi.

²²Kere ma ɔlangba o tɔl ásim áte o kɔnɛ yi ɔnɔsine, átesoma-e o ba yet egbathi.

²³Ka Yisɔs o pa ka aŋkarande ŋɔŋ, Tentɛnɛ i kanɛ nu, táy tɔbaki mɔder táŋ ta uyola tɔ kɔwɔŋ ka rábáy ra ro riyana.

²⁴I kanɛ nu sɔ, táy tɔyai táŋ ta áyɔkme tɔ kɔsɔnthɔs rafɔr ra aŋseni, pɔthasi uyola tɔ kɔwɔŋ ka rábáy ra Kuru.

²⁵Ma aŋkarande ŋɔŋ aŋ tɔl ti-e, aŋ kabane ɔthasɔr, kaŋ pa, Kanɛ thɔŋ mɔ gbɛli kisi-e?

²⁶Ka Yisɔsáŋ o kɔli ŋa tɔŋ, kɔ pa, Ka afɔm aŋfɔsɔ ŋati aŋ yi he, kere ka Kuru aŋfɔsɔ ŋati be aŋ yi.



²⁷Ka Pitarān ɔ pa ro nɔn, Kɔla, saŋ sɛ po tey bɛ kāmā sɛ tāj mu; tiyān ko ārām njan mɛ sɛ sɔthɔ-e?

²⁸Ka Yisɔsān ɔ pa, Tɛ tentɛnɛ i kanɛ nu-e, ka ádāru rɛfu ma ɔWan ka wuni mɛ ɔ yirā ka kawaŋ ka rābāy ka aŋyiki nɔn-e, naŋ aŋa po tāj mi, naŋ sɛ nɛ tɛ yirā ka tɔwaŋ ta rābāy tɔfɔt tɔrɛn, nɛ tɛ thonkas ebɔnsɔn tɔfɔt yerɛn ya aŋIsrɛl,

²⁹ɔwa wuni o wuni ɔwe po tey ɛseth, thalɔm awɔnt aruni, thalɔm awɔnt abera, thalɔm ukas, thalɔm ukara, thalɔm urani, thalɔm awuth, thalɔm tɔthɔf salata aŋes a mi-e, ɔ tɛ bār sɔthɔ mɔlɔ ma kɛtɛma kɛmɛ kin, ɔwa ɔ tɛ sɔthɔ sɛ aŋesɛm thɛbana.

³⁰Kɛrɛ agbāthi aŋa yi átɔtɔkɔ aŋ tɛ yi alɛpsɔ. ɔwa aŋa yi alɛpsɔ aŋ tɛ yi átɔtɔkɔ.

Mathiu 20

¹Átesoma-e rābāy ra ro riyana rɛ bālānɛ mɛ wuni ɔwe ba kɔfus, kɔ wur bəth bəth tɛ kɔyamɔ afɛm tɛ kɔyɔ mɛpanth ka akɔr kɔn ka yet ɛtɛp ɛgbam.

²Ma ɔ po gbane mɔlɔ yi aŋyɔ mɛpanth ta asiliŋ ta arey njin-e, ɔ som ŋa ka akɔr kɔn.

³Ma ɔ wur ka aŋhawa aŋa bekā mɛsas-e, ɔ nɛnk alɔm aŋ tɛma ka ɔder ɔthila kɛtɛ ba mɛpanth.

⁴kɔ pa ro rɔŋaŋ, Naŋ sɛ-e, kɔ nu ka mapanth ro kɔr, ɔwa i ti sɔn nu ara yi rɛlɔmpi. Kaŋ kɔnɛ.

⁵kɔ wur sɛ ka aŋhawa aŋa bekā tamthɛrukin yi tamthɛrɛŋanɛ, kɔ yɔ yi sɛ.

⁶Ka aŋhawa aŋa bekā tɔfɔt njin, ɔ wur sɛ-e, kɔ bɛp alɔm aŋ tɛma tɛma gbo, ɔ pa ro njan, kɔyɛŋ mɛ nɛ tɛma nɛ pali nɛ te yɔ mɛpanth-e?

⁷kaŋ pa ro nɔn, Pɛkasifɛ wuni o wuni ɔ tha yamɔ hɛ su. Kɔ pa ro njan, Kɔnɛ nu sɛ ro kɔr, ɔwa ara yi rɛlɔmpi, rɛ i ti sɔn nu.

⁸ɔwa ma rāfɔy rɛ bek-e, ɔmarki ka akɔr ɔ pa ka aŋbɔy nɔn ubaki, Tela aŋyɔ mɛpanth, mɛ ram ŋa aŋkala njan, mɛ tɛp ka ɔlɛpsɔ mɛ gbanthi ka ɔtɔtɔkɔ.

⁹Ka njan aŋa lɛpsɔ wɔn ka mapanth aŋ der, aŋ sɔthɔ ukin o kin asiliŋ.

¹⁰Ma aŋtɔtɔkɔ aŋ der-e, aŋ nanɛ kɔpa a tɛ bārā ŋa, kɛrɛ njan sɛ aŋ sɔthɔ ukin o kin asiliŋ.

¹¹Maŋ wop nji-e, aŋ fɔfthɛnɛ ta ɔwe yamɔ ŋa,

¹²aŋ pa, Aŋe-e, ŋa lɛpsɔ wɔn ka mapanth, aŋ bulɔ gbo ahawa njin. ɔwa mɛ po yɔ ŋa aŋ thɛnanɛ yi saŋ-e, saŋ aŋa thɔrɔ ɔlɛl ka ɔwon wa aŋrɛy.

¹³Kɛrɛ ɔ wosa, ɔ pa ka ukin ka njan, Yathki, i yɔ hɛ mu ɔlɛs. Sɛ gbane hɛ yi munɔ ta asiliŋ-i?

¹⁴Gbasi ara yi ara mu, mɛ kɔnɛ. Māsɛlɔ ma mi miyɛn tɛ kɔsɔn aŋlɛpsɔ aŋe mɛ mɛ i po sɔn mu.



- 15Pə lomp hē ta átā mi tē kəyɔ mə mə i yema yi akɛŋ ka mi-i? thalɔm mə ba kətut ta mafinɔ ma mi-i?
- 16Tiyánŋ aŋlɔpsɔ aŋ tē yi átótókɔ ɔwa aŋtótókɔ aŋ tē yi alɔpsɔ. Kotáy-e a tela agbáthi, kere a thith athán.
- 17Ɔwa ma Yisósánŋ ɔ bɔ kɔ ro Yerusalem-e, ɔ gbasi aŋkarande tɔfɔt ŋarəŋ rayer ka arəŋ, kɔ pa ro ŋaŋ,
- 18Ɔwa sɔ kɔ ro Yerusalem. A tē lánki ɔWan ka wuni ka aŋfode ábana yi aŋkarmókɔ ɔwa a tē sɔŋ kɔ mətheri tē kəfi.
- 19Aŋ tē lánki kɔ ka tábona tɔlɔm kámá aŋ sel kɔ, ɔwa aŋ tē sap kɔ, aŋ tē tán kɔ ka kənt kəpəŋkine. Ɔwa ka aŋrey aŋa beká mɔsas-e, ɔ tē yokané.
- 20Ka ɔkara ka aŋwuth ŋa Sɛbidi ɔ der ka Yisós yi aŋwuth ŋəŋ aruni, kaŋ bátho kɔ, kɔ tholir kɔ táy.
- 21kɔ pa ka ɔya, Ko mə yema-e? Ka ɔya ɔ pa ro ŋəŋ, Yamari kámá aŋwuth a mi aruni ŋarəŋ aŋe aŋ yirá, ukin ka kádiyɔ ka mu, ɔwa ukin ka kámérɔ ka mu ka rábáy ra mu.
- 22Kere Yisósánŋ ɔ wosa ɔ pa, Nə tɛ hē áte nə yif. Nə gbəli mun ka ampóthi mə i re mun-i? A gbəli baftays nu yi aŋbaftisəm aŋa a baftays mi-i? kaŋ pa ro ŋəŋ, Sə gbəli.
- 23kɔ pa ro ŋaŋ, Tɛntɛnɛ nə tē mun ka ampóthi a mi, ɔwa a tē baftays nu yi aŋbaftisəm aŋa a baftays mi. Kere tē kəyira ka kádiyɔ kámi yi ka kámérɔ ka mi-e, táy ta mi tē kəsəŋ thahɔ, kere a tē sɔŋ ti ka ŋaŋ ta aŋa ɔKas kámi ɔ bɛnɛ ti.
- 24Ma aŋtɔfɔt aŋ tɔl ti-e, pə bansáne ŋa ta aŋwənt ŋarəŋ.
- 25Kere Yisós ɔ tela ŋa ro ŋəŋ, kɔ pa, Nə tǎrá kəpa aŋbáki ŋa tábona tɔlɔm aŋ gbəka ŋa, ɔwa aŋfəm ŋaŋ ábana aŋ yɔ ŋa afɔsɔ.
- 26Kere ya tha mə pə yi kətəŋ ka nu. Wuni o wuni ɔwe yema yi ubana kətəŋ ka nu, ta ɔ yi ábɔy a nu.
- 27Ɔwa wuni o wuni ɔwe yema yi utótókɔ, ta ɔ yi utar ka nu;
- 28mə mə ɔWan ka wuni ɔ te der kámá a yɔna kɔ, kere tē kəyɔna afəm, de yi tē kəsənd aŋesəm ŋəŋ tē kəbani afəm alai.
- 29Maŋ wur kəyɛfə ro Yeriko-e, runiya rəbana rə tán kɔ.
- 30Ɔwa afəm afíth ŋarəŋ aŋ yirá ro rəŋ rayer, ma aŋ tɔl kəpa Yisósánŋ ɔ thas-e, aŋ sel erəŋ, aŋ pa, Pa, ba su áney, muno ɔwan ka Debid.
- 31Ka áruniya rə ŋal ŋa kámá aŋ taŋk, kere aŋ bār sel erəŋ, aŋ pa, Pa, ba su áney, muno ɔwan ka Debid.
- 32Ka Yisós ɔ tɛma son, ɔ tela ŋa ɔ pa, Ko nə yema i yɔna nu-e?
- 33kaŋ pa ro ŋəŋ, Pa, kámá a kanthi ɛfɔr ɛ su.



³⁴Ka Yisosàŋ ɔ ba ɲa àney, ɔ gboŋ efɔr yaŋ. Ɖwa ka ɔlɛmp wati aŋ sothɔ kakɛli ka ɲaŋ, kaŋ tãŋ kɔ.

Mathiu 21

¹Maŋ fatɛr ro Yerusalem-e, ɔwa aŋ bek ro Bɛthfeki ka kateŋ ka Ɖlif-e, Yisosàŋ ɔ som aŋkarande ɲarɛŋ,

²ɔ pa ro rɔŋaŋ, Kɔ nu ka kagbɔm àke lomane nu, ɔwa nɛ tɛ bɛp ri asofali ukotɛr, yi ɔwan kɔŋ ufɛth. Sɛli ɲa nu kãmá nɛ kárà ɲa ro mi.

³Bepi wuni ɔ wuni ɔ pa rim ro rɔnu, pa nu, ƉMariki kɔnɔ yema ɲa, kɛrɛ ɔ tɛ kál somra ɲa.

⁴Áte bɛ tɛ po yi kãmá árim ra ɔnàbi rɛ lasɛr ara pa,

⁵Kane nu ɔwan ubera ka ro Sayɔn, Kɛli ɔbáy ka mu ɔ der ro rɔmu, Uthɔfɛl bɛm, ɔ rensa asofali, Asofali ufɛth.

⁶Ka aŋkarande aŋ kɔnɛ, aŋ yɔ mɔ mɔ Yisos ɔ kane ɲa,

⁷kaŋ kárà aŋsɔfali yi ɔwan kɔŋ ufɛth, kaŋ reŋ ɲa ásuma taŋ, kɔ yirá rokɔm kati,

⁸Ka agbáthi ka áruniya aŋ ren ásuma taŋ ro roŋ. Alɔm aŋ gbɛk mara ka eyint-e, kaŋ ren ma ro roŋ.

⁹Ka ásuniya áte yi kɔ rodi yi ɲaŋ aŋa tãŋ kɔ, aŋ sel ɛrɔŋ, kaŋ pa, Hosana ka ɔwan ka Debid. Uruba wɔŋ ɔwe der ka áŋes ɲa ɔMarki, Hosana ka rokɔm kɔm bɛ!

¹⁰Ma ɔ po bek ro Yerusalem-e, kápet bɛ kɔ yagba, kɔ pa, Kane ɔwe-e?

¹¹Ka ásuniya tɛ pa, Yisosàŋ, ɔnàbi ka ro Nasareth ake ro Kalili, kɔnɔaŋ.

¹²Ka Yisosàŋ ɔ wɔŋ ka áŋseth ɲa Kuru, kɔ wurɔ ɲa bɛ aŋa thila dɛ yi aŋa wais ka áŋseth ɲa Kuru, kɔ thunŋkli ethebul ya aŋsinkar ɛkala, dɛ yi ɔyira wa ɲaŋ aŋa thila tɛpɛrɛm.

¹³kɔ pa ro ɲaŋ, A po gbal kɛpa, Áŋseth a mi a tɛ bont ɲi áseth ɲa kɛramnɛ, kɛrɛ naŋ-e, nɛ po sɛki ɲi kɔyanka ka akey.

¹⁴Ɖwa aŋfith yi antɛtke aŋ der ro ɲɔŋ ka áŋseth ɲa Kuru, kɔ yeŋkɔs ɲa.

¹⁵Ma aŋkɛrbomp kɛtɔŋ ka aŋfode yi aŋkarmɔkɔ aŋ nɛnk mátáy mɛkabane ama ɔ yɔ-e, yi aŋfɛth aŋa lensir ka áŋseth ɲa Kuru, aŋ pa, Hosana ka ɔwan ka Debid; pɛ bansáne ɲa,

¹⁶kaŋ pa ro ɲɔŋ, Mɛ tɛl áte aŋe aŋ pa-i? Ka Yisosàŋ ɔ pa ro ɲaŋ, Aŋko; naŋ nɛ la hɛ karaŋ kɛpa, Mɛ po gbenthis kɛthɔkɔs kɛwur ka tasɛŋ ta afɛth yi tɛlɛnth-i?

¹⁷kɔ tey ɲa, ɔ wur ro pet ɔ kɔnɛ ro Bɛthani, kɔ yiane ri.

¹⁸Ɖwa ka rɛbɛth rɛlɔm mɔ mɔ ɔ kál ro pet-e, dor rɛ wop kɔ.



- 19**Ma ɔ nɛnk nɛnt nɛ aɔgbɔnɔ ro roŋ dayɛr-e, ɔ fatɛr nɛi, kɛrɛ ɔ bɛp hɛ ri koko pɛthas gbo ɛbɔpɛr son, kɔ kanɛ nɛi, Ta akomi aɔ te sɔ wur mu thɛnkɔn. Ka ɔlɛmp wati aɔnt nɛ aɔgbɔnɔ aɔ wɛla.
- 20**Ma aɔkarande aɔ nɛnk ti-e, aɔ kabanɛ, kaɔ pa, To som aɔnt nɛ aɔgbɔnɔ aɔ wɛla lɛmp-e?
- 21**Ka Yisɔsɔn ɔ wosa, ɔ pa ro nɛn, Tɛntɛnɛ i pa ro nu, Bɛpi nɛ ba kɛlanɛ-e, ɔwa nɛ sike hɛ-e, nɛ ba hɛ gbo kɛyɔ ɛtɛ i yɔ aɔnt nɛ aɔgbɔnɔ-e, kɛrɛ hali nɛ pa ka kateɔ ake, Yokanɛ mɛ fithanɛ ro ban, pɛ tɛ yɔnɛ.
- 22**ɔwa koko ara mɛ nɛ yif rɛ kɛramnɛ, bɛpi nɛ lanɛ-e, nɛ tɛ sɔthɔ.
- 23**Ma ɔ po wɔn ka aɔseth nɛ Kuru-e, aɔkɛrbomp kɛtɔn ka aɔfode yi aɔbaki nɛ aɔfɛm aɔ der ro nɔn mɛ mɛ ɔ thɛksa, kaɔ pa, Rɛ afɔsɔ areke mɛ mɛ yɔ mɛtɛy amɛ-e, ɔwa kanɛ sɔn mu aɔfɔsɔ aɔnɛ-ɔ?
- 24**Ka Yisɔsɔn ɔ wosa ɔ pa, Minɛ sɔ i ti yif nu ɛyif nɛn. Bɛpi nɛ gbakia mi nɛi-e, minɛ sɔ i ti tɛri nu aɔfɔsɔ aɔnɛ mɛ i yɔ mɛtɛy amɛ.
- 25**Aɔbaftisɛm nɛ Yɔn-e, reke aɔ wur-e? Ka Kuru thalɔm rɛ afɛm-i? kaɔ fɔfɛranɛ aɔ pa, Bɛpi sɛ pa, Ka Kuru-e, ɔ tɛ pa ro rɛsu, ɔwa kɛyɛn nɛ tɛ lanɛ kɔ-e?
- 26**Bɛpi sɛ pa, Rɛ afɛm, sɛ nɛsa ɛruniya, kotɛy-e afɛm bɛ aɔ wop Yɔnɔn mɛ unabi.
- 27**kaɔ wosɛnɛ Yisɔsɔn, aɔ pa, Sɛ tɛ hɛ. Ka Yisɔs ɔ pa ro nɛn, Minɛ sɔ i tɛri hɛ nu aɔfɔsɔ aɔnɛ mɛ i yɔ mɛtɛy amɛ.
- 28**Kɛrɛ to nɛn nɛ nanɛ-e? Wuni lɔm ɔ ba awuth aruni nɛrɔn. ɔ der ka ɔtɔtɔkɔ, kɔ pa, Wan kɛmi, kɔ thonɔn yɔ mɛpanth ro kɛr kɛmi.
- 29**kɔ lasi ɔ pa, I sɛlɔ hɛ; kɛrɛ kɛdarɔn kati ɔ sɔnkɛr aɔnɛrɛ nɔn, ɔ kɔnɛ.
- 30**kɔ der ka ɔwɛ bekɛ nɛrɔn-e, kɔ pa yan sɔ, kɔ wosa ɔ pa, I sɛlɔ Pa; kɛrɛ ɔ kɔ hɛ bɛ.
- 31**Ka nɛ nɛrɔn aɔnɛ-e, kanɛ yɔ mɛsɛlɔ ma ɔkas kɔnɛ-e? kaɔ pa ro nɔn, ɔtɔtɔkɔ. Ka Yisɔsɔn ɔ pa ro nɛn, Tɛntɛnɛ i kanɛ nu kɛpa aɔnthɔnkla ɛfɛk yi aɔbɛra arɛpi aɔ tɛ mɔtha nu wɔn ka rɛbɛy ra Kuru.
- 32**kotɛy-e Yɔnɔn ɔ der ro nu ka arɔn da mɛlɔmpi, ka nɛ tɛ kɔ lanɛ; kɛrɛ aɔnthɔnkla ɛfɛk yi aɔbɛra arɛpi aɔ lanɛ kɔ. ɔwa nɛn-e, hali ma nɛ nɛnk ti-e, nɛ sɔnkɛr hɛ ɛmɛrɛ ɛ nu kɛmɛ nɛ lanɛ kɔ.
- 33**Tɛl nu alɔmɔ alɔm. Ukas ka asɛth ɔ yi ri ɔwɛ tɛp kɛr ka yɛt ɛgbam, kɔ gbɛtɛr ki ɛkunk-e, ɔ bɛmpa der ɔyɛkɛs, ɔ tɛmɛr ri asɛth abɔli rɛkɔm, kɔ sɔn ki rɛ ɛbɛf, ɔ kɔnɛ rɛ athɔf alɔm.
- 34**ɔwa ma aɔnɔkɔ nɛ mɛkomi aɔ fat-e, ɔ som ɛbɔy yɔn ka aɔbɛf tɛ kɛsɔthɔ mɛkomi mɔn.
- 35**Ka aɔbɛf aɔ gbasi ɛbɔy yɔn aɔ sap ukin, aɔ dif ukin, aɔ lɛmɛs ulɔm mɛsar.



- ³⁶kɔ kál som ebɔy alɔm agbáthi athasi aɲtɔtɔkɔ. Kaɲ kál sɔ yɔ ɲa yaɲ.
- ³⁷Kɔdarəɲ kati ɔ som ɔwan kɔɲ uruni ro ɲaɲ, ɔ pa, Aɲ tɔ tárá ɔwan kámi uruni rɔka.
- ³⁸Kere aɲbáf maɲ nɔnk ɔwan-e, aɲ fɔfɔranɛ, kaɲ pa, Ɔwe mə re ba akeɲ, kɔnɔ ɔwe. Der, maɲ dif kɔ nu kámá sɔ gbasi akeɲ kɔɲ.
- ³⁹kaɲ wop kɔ, aɲ wurɔ kɔ ro kɔr, kaɲ dif kɔ.
- ⁴⁰Tiyáɲ ma ɔmarki ka akɔr ka eyet eɲbam ɔ der-e, to mə ɔ yɔ aɲbáf ɲati-e?
- ⁴¹kaɲ pa ro ɲɔɲ, Ɔ tɔ dif aɲfɔm alɔs ɲati kɔdif kɔlɔs, ɔ tɔ sɔɲ akɔr ka eyet eɲbam rɔ ábáf alɔm aɲa mə sɔɲ kɔ mákomi ka aɲlɔkɔ ɲati.
- ⁴²Ka Yisɔsáɲ ɔ pa ro ɲaɲ, Nɔ la he karaɲ ka mágbal məsəm, Aɲsar aɲa aɲsál aɲ pensá-e, gbeɲ, a səki ɲi rábomp ra aɲkɔɲ. Aɲe aɲ wur ka Kuru, Ɔwa táy táɲ ka efɔr ε su-i?
- ⁴³Tiyáɲ i pa ro rɔnu, A tɔ nɔy nu rábáy ra Kuru, a tɔ sɔɲ ri abona aɲa mə wurɔ mákomi mati.
- ⁴⁴Ɔwa wuni o wuni ɔwe mə fumpɔ ka aɲsar aɲe a tɔ siməth kɔ yekəth yekəth. Kere wuni o wuni ɔwe mə aɲ fumpɔr-e, aɲ tɔ gbəm kɔ sir mə kəbof.
- ⁴⁵Ma aɲkərbomp kətɔɲ ka aɲfode yi aɲFarisi aɲ tɔl elomɔ yɔɲ-e, aɲ sɔthnɛ kɔpa ɔ fɔf ta áte ɲaɲ.
- ⁴⁶Kere maɲ thens tɔ kəwop kɔ-e, aɲ nesa ásuniya, kotáy-e aɲ gbasi kɔ tɔ kəyi unabi.

Mathiu 22

- ¹Ka Yisɔsáɲ ɔ wosa, ɔ fɔf ro ɲaɲ rɔ elomɔ, kɔpa ye,
- ²Rábáy ra ro riyana rɔ yi mə ubáy ulɔm ɔwe bɛmpa met ma kanantɔ ta ɔwan kɔɲ uruni,
- ³kɔ som ebɔy yɔɲ tɔ kətela ɲaɲ aɲa a muti ka amet ma kanantɔ. Kere aɲ selɔ he der.
- ⁴kɔ kál som ebɔy alɔm, ɔ pa, Kane ɲaɲ aɲa a muti kɔpa ye, Kɔla, i po benene aɲfantha a mi. A po fai tana ta mi yi esəm ε mi ebɔy, ɔwa eyet bɛ ε po benene. Der nu ka amet ma kanantɔ.
- ⁵Kere aɲ sai ti, aɲ kɔnɛ ka átáy taɲ, ukin ka akɔr kɔɲ, ulɔm ka məsəkinɛ mɔɲ.
- ⁶Ɔwa aɲa tia-e, aɲ lesa ebɔy yɔɲ, kaɲ sambos ɲa, aɲ difəth ɲa.
- ⁷Ma ɔbáy ɔ tɔl ti-e, ɔ bansá, ɔ somra asəfá tɔɲ, kɔ dim aɲfɔm aɲa difəth ebɔy yɔɲ, kɔ thɔi kápet ka ɲaɲ.
- ⁸Kɔdarəɲ kati ɔ pa ka ebɔy yɔɲ. A po benene aɲfantha ta kanantɔ, kere aɲa a muti-e, aɲ yi he amari ti.
- ⁹Tiyáɲ kɔ nu ka asɔɲ tɔsakane kámá nɔ muti ɲaɲ bɛ aɲa mə nɔ bɔp ri ka amet ma kanantɔ.



- 10 Ebɔy ɲati aɲ kɔnɛ ka asoɲ tɛsakane, kaɲ thoɲkla aɲa aɲ bɛp ri bɛ, aɲlɛs-o, aɲfɪnɔ-o; ka aɲseth ro amet ma kanantɔ mɔ yi aɲ la yi afɛm.
- 11 Ma ɔbɔy ɔ wɔɲ tɔ kɛkɛli aɲa a muti-e, ɔ nɔnk ri wuni ɔwe te wɔɲ ruma ra kanantɔ.
- 12 kɔ pa ro ɲɔɲ, Yathki, kɔyɛɲ mɔ mɔ wɔɲ nɔ, mɔ te wɔɲ ruma ra kɔnɔntɔ-e? kɔ taɲk thɛm.
- 13 Ka ɔbɔy ɔ pa ka ebɔy yɔɲ, Sek kɔ nu mɔta yi ɔtɔtɔk, kɔmɔ nɔ fitha kɔ rokaɲ ka ɔɲsum, ro kɔkulɔ yi kɔɲakɲak ɛsek kɔ yi.
- 14 kotɔy-e a muti agbɔthi kɛrɛ a thith athɔn.
- 15 Ka aɲFarisi aɲ kɔnɛ aɲ nɔɲkanɛ to mɔ aɲ gbɛli sapɛs kɔ ka kafɔf kɔɲ.
- 16 kaɲ som aɲkarande ɲaɲ yi aɲHerodian ro ɲɔɲ, aɲ pa, Karmɔkɔ sɔ tɔrɔ kɔpa mɔ yi utɔtɛɲ, ɔwa mɔ thɛksa aroɲ da Kuru tɔtɛɲ. Mɔ ba hɛ agbɔy kotɔy-e mɔ kɛli hɛ ɔder ra wuni.
- 17 Tiyɔɲ kanɛ su ba ɔte mɔ nanɛ. Pɔ yi ɔlompi tɔ kɔsoɲ ɛfɔk ka Sisar-i, thalɔm pɔ lomɲ hɛ ti-i?
- 18 Kɛrɛ Yisɔsɔɲ ɔ nɔnk mɔlɛs maɲ, kɔ pa, kɔyɛɲ mɔ nɔ gbɔns mi naɲ amunafaki-i?
- 19 Tɔri mi nu aɲkala ɲa ɛfɔk. Kaɲ kɔrɔ kɔ akɔpɛr ɲin.
- 20 kɔ pa ro ɲaɲ, Kanɛ ba mɔbɔlɔnɛ yi mɔgbal amɛ-e?
- 21 kaɲ pa ro ɲɔɲ, Sisarɔɲ. Kɔ pa ro ɲaɲ, ɔwa sɔɲ nu Sisarɔɲ mɔtɔy ma Sisar, ɔwa sɔɲ nu Kuru mɔtɔy ma Kuru.
- 22 Maɲ tɔl ɔte-e, aɲ kabanɛ, kaɲ tey kɔ, aɲ kɔnɛ.
- 23 Ka ɔɲrɛy ɲati gbɛɲ, aɲSadusi aɲa pa kɔyokanɛ kɔ yi hɛ, aɲ der, kaɲ pa ro ɲɔɲ,
- 24 Karmɔkɔ, Mosis ɔ pa, Bɛpi wuni ɔ fi ɔ ba hɛ awuth-e, ɔwɔnt kɔɲ uruni ɔ ba tɔ kɔnɔntɔ ɔrani kɔɲ kɔmɔ ɔ komɛs awuth ta ɔwɔnt kɔɲ.
- 25 ɔwa sɔ sa ba awɔnt aruni tamthɔdɛrɔɲ. Ka ɔtɔtɔkɔ ma ɔ nɔntɔ-e, ɔ fi, ɔwa ma ɔ te ba awuth-e, ɔ tey ɔrani kɔɲ ka ɔwɔnt kɔɲ.
- 26 Ya pɔ yi sɔ ɔwe bekɔ ɲarɔɲ, yi ɔwe bekɔ asas, haɲ kɛbɛk ka ɔwe bekɔ tamthɔdɛrɔɲ.
- 27 ɔwa ɔbera ɔ fi kɔdarɔɲ ka ɲaɲ bɛ.
- 28 Tiyɔɲ, ka kɔyokanɛ, ureke kɔtɔɲ ka aɲtamthɔdɛrɔɲ mɔ ba ɔbera-e, ma pɔ yi ɲaɲ bɛ aɲ la pɔ ba kɔ-e?
- 29 Kɛrɛ Yisɔsɔɲ ɔ wosa ɔ pa ro ɲaɲ, Nɔ yethɔ ma nɔ te tɔrɔ mɔgbal thalɔm aɲfɔsɔ ɲa Kuru.
- 30 kotɔy-e ka kɔyokanɛ aɲ nɔntɔ hɛ, ɔwa a sɔɲ hɛ kɔnɔntɔ, kɛrɛ aɲ yi gbɔ mɔ aɲmɔleka ro riyana.



- ³¹Kere ta káyokane ka anfi-e, nɔ karaŋ he áte Kuru ɔ pa ro nu mɔ ɔ pa,
- ³²Mine yi ɔKuru ka Ebrahim, ɔKuru ka Aysak yi ɔKuru ka Yekɔb-i? Kuruáŋ ɔ yi he ɔKuru ka anfi kere ɔka ankáli.
- ³³Ma ásuniya tɔ tɔl áte-e, aŋ kabane ta kathaksa kɔŋ.
- ³⁴Ma aŋFarisi aŋ tɔl kɔpa Yisɔsáŋ ɔ po yɔ aŋSadusi aŋ taŋk-e, aŋ thonklane der rɔkin.
- ³⁵Ka ukin ka ŋaŋ ɔwe tára aŋthɔ ɔ yif kɔ áyif kámá ɔ mem kɔ, ɔ pa,
- ³⁶Karmɔkɔ, areke yi aŋyamari ábana thon be ka aŋthɔ-e?
- ³⁷Ka Yisɔsáŋ ɔ pa ro ŋɔŋ, Mɔ yi tɔ kɔbɔthɔr ɔMarki ɔKuru ka mu yi aŋmerá a mu be, de yi aŋesɔm a mu be, de yi anane a mu be.
- ³⁸Aŋe, ŋɔ yi aŋyamari ábana átotɔkɔ ŋa aŋthɔ.
- ³⁹Ɔwa, aŋa beká yerɔŋ-e aŋ báláne ŋi, ŋi aŋe, Mɔ yi tɔ kɔbɔthɔr ɔfatane ka mu mɔ mɔ mɔ bɔthɔrne.
- ⁴⁰Ka eyamari yerɔŋ eye rɔ aŋthɔ yi ásim ta aŋnabi be tɔ gbasa.
- ⁴¹Ma aŋFarisi aŋ po thonklane der rɔkin-e, Yisɔs ɔ yif ŋa,
- ⁴²kɔ pa, To nɔ nanɔ ta Kraist-e? Wan uruni ka kanɔ-e? kaŋ pa ro ŋɔŋ, Ɔwan ka Debid.
- ⁴³kɔ pa ro ŋaŋ, To som Debidáŋ, ka aŋfɔsɔ ŋa ɔYina ɔ tela kɔ Mariki ma ɔ pa,
- ⁴⁴ƆMariki ɔ pa ka ɔmarki kámi, Yirá ka káta kámi kádiyɔ Haŋ i bot aŋtherane a mu roratha ka átatɔk ta mu-e?
- ⁴⁵Bepi Debidáŋ ɔ bont kɔ Mariki, to ɔ gbɔli yi ɔwan kɔŋ-e?
- ⁴⁶Ɔwa wuni ɔ wuni ɔ gbɔli he sɔ gbakia kɔ dim din. Ɔwa kɔtɔp ka aŋrey ŋati wuni ɔ wuni ɔ mintha he sɔ yif kɔ áyif ɔ yif.

Mathiu 23

- ¹Ka Yisɔsáŋ ɔ fɔfáne ásuniya yi aŋkarande ŋɔŋ,
- ²kɔpa, Aŋkarmɔkɔ yi aŋFarisi aŋ yirá ka ɔyira wa Mosis.
- ³Tiyáŋ mátaý be ama aŋ yamari nu-e, yɔ, ɔwa wop ma nu. Kere te nu tansane máyɔs maŋ, kotáy-e aŋ pa kere aŋ yɔ he.
- ⁴Aŋ sek elik elɔl etuy gbane, aŋ bot yi ka tákɔnkla ta aŋfɔm, kere ŋaŋ ŋane aŋ yema he borá yi hali yi ásel ŋaŋ ŋin.
- ⁵Máyɔs maŋ be aŋ yɔ ma kámá afɔm aŋ nɔnk ma. Aŋ bondɔs mábani maŋ, aŋ bondɔs elɔmpɔ ya ásuma taŋ.
- ⁶Aŋ bɔthɔr ɔder ɔtotɔkɔ ka emet, de yi ɔyira ɔfinɔ ka eseth egbane,



- ⁷Yi ekori ka ɔder ɔthila de yi kama aɲfɛm aɲ bont ɲa Karmoko.
- ⁸Te nu selo a bont nu Karmoko, kotay-e ukin konɔ yi akarmoko ka nu, konɔ yi Kraistɔn. Na be ne yi awont.
- ⁹Te bont wuni o wuni noru ukas ka nu, kotay-e ukin konɔ yi akas ka nu, konɔ yi ro riyana.
- ¹⁰Te selo a bont nu amarki kotay-e ukin konɔ yi amarki ka nu, konɔ yi Kraistɔn.
- ¹¹Ɔwe yi ubana thon be keton ka nu-e, ɔ te yi aboy a nu.
- ¹²Ɔwa wuni o wuni owe me natane, a te thora ko, ɔwa wuni o wuni owe me thorane, a te nata ko.
- ¹³Kere mene ro nu nan akarmoko yi aFaresi, amunafaki! Atesoma-e ne kantha rabay ra ro riyana ka aɲfɛm. Kotay-e nan ne won he, ɔwa ne selo he nan nja yema te kawon, aɲ won.
- ¹⁴Mene ro nu nan akarmoko yi aFaresi, amunafaki! Atesoma-e ne lesar eseth ya anbori, ɔwa re kakonthosne ne ramne karamne kaboli. Tiyan na me tha sotho metheri mel.
- ¹⁵Mene ro nu nan akarmoko yi aFaresi, amunafaki! Atesoma-e ne koth koth ro ban yi ro gban te kalafthi anmeri na wuni kin. Ɔwa ma ɔ po lafthe-e, ne saki ko wan ka yahanama maron maron pathasi nu.
- ¹⁶Mene ro nu nan atema kadi aɲfith! Ne pa, Wuni o wuni owe gbin ka anseth na Kuru-e, tay thaho, kere wuni o wuni owe me gbin ka mabon ma anseth na Kuru-e, ɔ sekene.
- ¹⁷Na aponk de yi afith. Areke thas-e, mabon thalom anseth na Kuru nja semes mabon-e?
- ¹⁸Ɔwa ne pa so, Wuni o wuni owe me gbin ka anbesi, tay thaho, kere wuni o wuni owe me gbin ka anboya rokum kati-e, ɔ sekene.
- ¹⁹Na aponk de yi afith. Areke thas-e, anboya thalom anbesi nja semes anboya-e?
- ²⁰Tiyan, owe me gbin ka anbesi-e, ɔ gbin ka anbesi de yi ka eyet be eye yi rokum kati.
- ²¹Ɔwa owe me gbin ka anseth na Kuru-e, ɔ gbin ka anseth de yi ka konɔ owe yira ri.
- ²²Ɔwa owe me gbin ka ariyana-e, ɔ gbin ka kawan ka rabay ra Kuru, yi ka konɔ owe yira ri.
- ²³Mene ro nu, nan akarmoko yi aFaresi, amunafaki! Pəkasi fe ne son eyaka ya esoro yi anisi, de yi kamin, kere ne tey keyo matay mabana ma anho, pe yi mo-e kagbak epa olompi, kaba aney de yi kelane. Ne yi te keyo ate, ɔwa pe mar he ne tey talom.
- ²⁴Nan atema kadi afith, ne sais mant te kawura amenthel, kere ne mer ayokme.



²⁵Mɔnɛ ro nu, naŋ akarmɔkɔ yi aFaresi, amunafaki! kotáy-e nə yak ampɔthi yi aŋbɔl romuth, kɛrɛ rokor ɛ la yet ɛnɔy rá áfɔsɔ yi məfela mələs.

²⁶Munɔ ɔFaresi ufith, mətha gbɛrɔns rokor ka ampɔthi yi aŋbɔl, kámá kamuth kati sɔ kə yi kəgbɛraŋ.

²⁷Mɔnɛ ro nu, naŋ akarmɔkɔ yi aFaresi, amunafaki! Átesoma-e nə bálánɛ mə tɔboma tɔferá áte tɔrine ɔfinɔ romuth, kɛrɛ rokor tɔ la tɔbanth ta afɛm afi, yi mənɔkɔ bɛ.

²⁸Ya pə yi sɔ mə naŋ, nə tɔrine nɔru kəyi na alompi ka aŋfɛm, kɛrɛ rokor nə la rɛmunafaki yi məkəná.

²⁹Mɔnɛ ro nu, naŋ akarmɔkɔ yi aFaresi, amunafaki! Pəkasiɛ nə bɛs taboma ta aŋnabi, ɔwa nə yesi tapali ta aŋlompi,

³⁰nə pa, Bepi sɔ yi naŋ thɔpaŋ ka aŋyamana ŋa aŋkas a su-e, sɔ gbɛli hɛ naŋ kasa yi ŋaŋ tɔ kəloŋ mətir ma aŋnabi.

³¹Tiyáŋ nə gbakɛnɛ kəpa nə yi awuth ŋa ŋaŋ aŋa difɔth Aŋnabi.

³²Tiyáŋ, lasɛr nu aŋthuntha ŋa aŋkas a nu.

³³Naŋ ɛbok, naŋ rəkomra ra ɛgbɔrɔ, to mə nə gbɛli kisi ka aŋthoŋka ŋa ro yahanama-e?

³⁴Te ba ti, kəla, i somra nu anábi, afɛm atempi yi akarmɔkɔ; alɔm ŋati nə tɔ dif, nə tɔ tɔŋ ŋa rə tɔnt tɔpəŋkinɛ, alɔm nə tɔ sapa ŋa nəket ka ɛseth ɛ nu ɛgbane, nə tɔ bál ŋa kəwur ka kəpet kin kəkɔ ka kəlɔm,

³⁵kámá a rɛŋ nu matheke ma mətir məpaŋi táy bɛ ama a loŋ ka aŋthɔf kətɔp ka mətir ma Ebɛl ɔlompi haŋ ka mətir ma Sakaraya ɔwan ka Barakaya ɔwe nə dif kətɔŋ ka aŋseth ŋa Kuru yi aŋbɛsɛ.

³⁶Tɛntɛnɛ i kanɛ nu, mətáy amɛ bɛ mə ba tɔ kəder ka rəkomra are.

³⁷O Yerusalem, Yerusalem, munɔ mə difɔth aŋnabi, ɔwa mə ləmɔs ŋa məsar aŋa a som ro mu, amɔlɔ ɛlɔkɔ naŋ i fela tɔ kəthoŋkla aŋwuth a mu der rəkin, mə kábɛt mə thonkla aŋwuth ŋoŋ ka ɛkufna yɔŋ ratha, kɛrɛ mə selɔ hɛ.

³⁸Kəla, a tey aŋseth a mu yeŋ.

³⁹Tiyáŋ i kanɛ nu, nə ba hɛ kənəŋk mi kətɔp ka-ake haŋ nə pa, Uruba wɔŋ ɔwe mə der ka aŋɛs ŋa ɔMarki.

Mathiu 24

¹Ka Yisəsáŋ ɔ wur ka aŋseth ŋa Kuru tɔ kəkɔnɛ, ɔwa aŋkarande aŋ der kámá aŋ tɔri kɔ mabɛmpa ma aŋseth ŋa Kuru.

²Ka Yisəs ɔ pa ro ŋaŋ, Nə nənɔk ɛye bɛ-i? Tɛntɛnɛ i kanɛ nu a ba hɛ kətɛy nə ásar ŋin rokɔm ka alɔm aŋa mə a te fak.



- ³Ɔwa ma ɔ yirã ka kateŋ ka Ɖlif-e, aŋkarande ŋɔŋ aŋ der ro ŋɔŋ soɔy, aŋ pa, Kane su aŋlɔkɔ aŋa mätây ame mə tə yi-e, de yi ko mə yi aŋmisali ŋa kãder ka mu, yi ɔthalne wa raru-e?
- ⁴Ka Yisɔsãŋ ɔ wosa ɔ pa ro rɔŋaŋ, Botne nu kãmã wuni o wuni ɔ te nu yethəs.
- ⁵kotây-e agbãthi aŋ tə der ka aŋes a mi, aŋ tə pa, Mine yi ɔKrayst, ɔwa aŋ tə yethəs agbãthi.
- ⁶Ɔwa nə tə təl ta tətım yi tibari ta tətım, kere ta pə te sɔmpa nu kotây-e mätây ame be mə ba kəyɔne. Kere ɔlɔpsɔ ɔ tha bek he.
- ⁷Abona aŋ tə yokar abona, rəbai rə tə yokar rəbai, dor rə tə yi, afithina ŋa tətı de yi kəyer ka aŋthɔf rə der ɔgbaske gbaske.
- ⁸Kere mätây ame be mə yi gbo ɔtəper wa aŋsɔmpaneŋ.
- ⁹Ka aŋlɔkɔ ŋati a tə lánki nu rə asɔmpane, a tə dif nu, ɔwa təbona be tə tə gbɛŋa nu salata aŋes a mi.
- ¹⁰Ɔwa afəm agbãthi aŋ tə pənthɔla, aŋ tə sɔndane, ɔwa aŋ tə gbɛŋane.
- ¹¹Ɔwa anãbi ayem agbãthi aŋ tə yokane, aŋ tə yethəs agbãthi.
- ¹²Ɔwa mãbɔthər ma agbãthi mə tə gbənke pəkasiŋe mələs mə tə bärne gbo.
- ¹³Kere ɔwe mə muyu haŋ ka ɔthalne, kɔnɔ kati ɔ tə kisi.
- ¹⁴Ɔwa àkera kəfɔnɔ ka rãbây ake-e, a ba kətaməs ki ka àdãru be ta məseri ka təbona be. Kədarəŋ kati ɔthalne ɔ der tene.
- ¹⁵Tiyãŋ, bepi nə nənɔk ɔtherane ka kadine ɔwe Danel ɔnãbi ɔ lei, ɔ tɔma ka ɔder ɔsəm-e, (ɔwe mə karaŋ ta pə sɔk kɔ)
- ¹⁶ka aŋlɔkɔ ŋati ta ŋaŋ aŋa yi ro Yudia aŋ gbuke ka tãteŋ.
- ¹⁷Kɔnɔ ɔwe yi ka aŋseth rokɔm ta ɔ te thor tə kəwura eyet eye yi ro seth kəŋ.
- ¹⁸Ɔwa kɔnɔ ɔwe yi ro kor ta ɔ te kãlane tə kəgbasi aruma rəŋ.
- ¹⁹Ɔwa mɔne ro ŋaŋ aŋa yi ator, de yi ŋaŋ aŋa mə masər afeth ka märeɔ mati!
- ²⁰Kere ramne nu kãmã kagbuke ka nu kə te yi ka adarəŋ thalɔm ka aŋsabath,
- ²¹kotây-e ka aŋlɔkɔ ŋati asɔmpane àbana aŋ tə yi awunəŋ aŋa te tha la yi kəbi àdãru rə tɔpɛ haŋ ka-ake, de yi aŋa te sɔ ba kəyi thəbana.
- ²²Ɔwa thambe a gbəŋki märeɔ mati-e, wuni o wuni ɔ ba he kəkisi; kere salata aŋthith ŋa Kuru a tə gbəŋki märeɔ mati.
- ²³Bepi wuni o wuni ɔ pa ro nu, Kəlo, Kraistãŋ ɔ yi nɔ, thalɔm ɔ yi ro, te ti lane.
- ²⁴kotây-e aKrayst ayem yi anãbi ayem aŋ tə yokane, aŋ tə tɔri emisali ebana yi mätây məkabane, kãmã a yethəs aŋthith ŋa Kuru bepi pə fɔi tãɔ.



- ²⁵Kəla i po yeŋk kanɛ nu.
- ²⁶Tiyəŋ bepi a pa ro nu, Kəli, ɔ yi ro wula, te kɔ ri. Thalɔm, Kəli, ɔ yi ka təkɔŋko rokor, te ti lanɛ.
- ²⁷kotáy-e mə mə ɔnakthine mə ɔ wur ro thɔrɔŋ-e, ɔwa a nənk ŋi haŋ ro pil-e, ya káder ka ɔWan ka wuni mə kə yi.
- ²⁸Der o der rə kabel kə yi-e, rə eyiba mə aŋ thɔŋklanɛ der rəkin.
- ²⁹Ka ɔlɛmp wati, kədarəŋ ka kasɔmpanɛ ka márey mati, aret rə tɔ biyá, ɔwa aŋof aŋ ba he kəsɔŋ kawalɛ kati, de yi atɔs tɔ tɔ fumpɔ kəwur ka ákuru, ɔwa efɔsɔ ya áтуру ε tɔ yiŋkthanɛ.
- ³⁰ɔwa ka áŋlɔkɔ ŋati áŋmisali ŋa ɔWan ka wuni aŋ tɔ tɔrine ka ákuru. Tábona be ka ádáru tɔ tɔ kulɔ, ɔwa aŋ tɔ nənk ɔWan ka wuni ɔ der ka karənt ka ákuru rə afɔsɔ yi ayiki ábana.
- ³¹ɔ tɔ som aŋmáleka ŋɔŋ yi rim rəbana rə kəthema, ɔwa aŋ tɔ thɔŋkla aŋthith ŋɔŋ der rəkin kəwur ka ekɔŋ yanle ya ádáru, kəwur ka ɔthalne wa aŋfena haŋ kəkɔ ka ɔthalne ɔlɔm.
- ³²ɔwa thəkəs aŋlomɔ ŋa aŋənt ŋa aŋgbɔnɔ. Ma aŋra ŋati aŋ po fətháne-e, aŋ wur ebɔpər, nə tără ti kəpa rawok rə fat.
- ³³Ya pə yi sɔ naŋ-e, ma nə nənk mátáy ame be-e, tără ti nu kəpa ɔ yi ɔfati, hali ka tadare.
- ³⁴Tentene i pa ro nu, rákomra are rə ba he kəthas haŋ mátáy ame be mə gbenthis.
- ³⁵Ákəriyana yi ádáru ε ba kəthas, kere ásim ta mi tɔ ba he kəthas.
- ³⁶Kere ta aŋrey ŋati yi áŋlɔkɔ ŋati wuni o wuni ɔ tɔ he, hali aŋmáleka ŋa ro riyana, thalɔm ɔWan. ɔKas kámi son kɔnɔ tără.
- ³⁷ɔwa mə márey ma Noaəŋ mə sa yi-e, ya mə pə kál sɔ yi ka káder ka ɔWan ka wuni.
- ³⁸kotáy-e ka márey mati ama yi yeŋka ámánt məfɔl mə der, aŋ di-o, aŋ mun-o, aŋ nantá-o, aŋ sɔŋ tənántə haŋ ka aŋrey aŋa Nowaŋ ɔ wɔŋ ka áŋbil.
- ³⁹ɔwa aŋ tɔ he ti haŋ ámánt məfɔl mə der, ɔwa mə dim ŋa be; ya mə pə yi ka káder ka ɔWan ka wuni.
- ⁴⁰Ka áŋlɔkɔ ŋati alaŋgba ŋarəŋ aŋ tɔ yi ro kɔr; a tɔ gbasi ukin, a tɔ tey ukin.
- ⁴¹Afəm abom ŋarəŋ aŋ tɔ tɔ; a tɔ gbasi ukin, a tɔ tey ukin.
- ⁴²Tiyəŋ, kəlɛnɛ nu, kotáy-e nə tɔ he áŋlɔkɔ ɔMarki ka nu mə ɔ der.
- ⁴³Kere tără nu áte kəpa bepi ɔmarki ka áŋseth ɔ tără áŋlɔkɔ aŋa ɔkei mə ɔ der-e, ɔ tɔ kəlɛnɛ, ɔ gbəli he selɔ a bes áŋseth ŋɔŋ.
- ⁴⁴Tiyəŋ yi nu a benɛnɛ kotáy-e ka áŋlɔkɔ aŋa mə nə tɔ nanɛ ɔWan ka wuni ɔ tɔ der.



⁴⁵Kanɛ yi thɔŋ aɳbɔy ubɔthi lanɛ yi atɛmpi, ɔwe ɔmarki kɔŋ ɔ po bot kɔ rokɔm ka kabɔr kɔŋ, kámá ɔ sɔŋ ŋa yet ɛdi ka aɳlɔkɔ ŋati-e?

⁴⁶Aɳbɔy ŋati ɔ ba aruba ɔwe ɔmarki kɔŋ ɔ bɛp ɔ yɔ mɔ yaŋ bepi ɔ der-e.

⁴⁷Tɛntɛnɛ i kanɛ nu kɔpa ɔ tɔ sɔŋ kɔ afɔsɔ rokɔm ka ara ɔ ba bɛ.

⁴⁸Kɛrɛ bepi aɳbɔy ulɔs ŋati ɔ pa ka aɳmɛrɔ ŋɔŋ, ɔmariki kámi ɔ tɔ won.

⁴⁹ɔwa ɔ tɔp kɔsɔpɔth aɳkos ŋɔŋ ɛbɔy, ɔwa ɔ di, ɔ mun dɛ yi antis-e.

⁵⁰ɔmariki ka aɳbɔy ŋati ɔ tɔ der ka aɳrɛy aɳa mɔ ɔ te nanɛ kɔ-e, ɔwa ka aɳlɔkɔ aɳa mɔ ɔ te tɔrɔ.

⁵¹ɔwa ɔ tɔ sɔp kɔ kɔsɔp kɔbana, ɔ tɔ bot kɔ der yi aɳmunafáki, ro kákulo yi káŋákŋák ɛsek kɔ yi.

Mathiu 25

¹Ka aɳlɔkɔ ŋati rábáy ra ro riyana rɔ tɔ bálánɛ mɔ afanɛ tɔfɔt aɳa gbasi tamulɛ taŋ, aɳ wur tɔ kɔgbans ɔnántá ufu.

²Antamath aɳ yi atɛmpi, ɔwa aɳtamath aɳ yi apɛŋk,

³átesoma-e aɳpɛnk aɳ gbasi tamulɛ taŋ kɔtɛ keranɛ máro.

⁴Kɛrɛ aɳtɛmpi aɳ keranɛ máro yi tamulɛ taŋ.

⁵ɔwa ma ɔnántá ufu ɔ te der-e, ŋa bɛ aɳ rɔns, kaŋ dirá,

⁶kɛrɛ ka kɔrɛndatɔŋ a tam kɔpa, Kɔlo, ɔnántá ufu ɔ bek! Wur nu nɔ kɔ gbans kɔ.

⁷Aɳlɔkɔ ŋati aɳfanɛ ŋati bɛ aɳ yokanɛ, aɳ bɛmpa bɛmpa tamulɛ taŋ.

⁸Ka aɳpɛnk aɳ pa ka aɳtɛmpi, Yer su nu ámáro ma nu mɔlɔm, kotáy-e tamulɛ ta su tɔ yema dimɛ.

⁹Kɛrɛ aɳtɛmpi aɳ wosa aɳ pa, Thalɔm mɔ gbɛli hɛ bek ta áta su yi naŋ-e. Pɔ tɔ yi ɔfisa bepi nɔ kɔ wayanɛ ka ŋaŋ aɳa mɔ thila.

¹⁰ɔwa maŋ kɔnɛ tɔ kɔway-e, ɔnántá ufu ɔ der. ɔwa ŋaŋ aɳa po benɛnɛ aɳ wɔŋ yi kɔnɔ ka amet ma kanantɔ; ka a kantha kadare.

¹¹Kɔdarɔŋ kati aɳfanɛ alɔm aɳ der sɔ, aɳ pa, Pa, Pa, kanthɛ su.

¹²Kɛrɛ ɔ wosa ɔ pa, Tɔ tɛntɛnɛ i kanɛ nu, i tɛ hɛ nu.

¹³Tiyáŋ kɔlɛnɛ nu kotáy-e nɔ tɛ hɛ aɳrɛy thalɔm aɳlɔkɔ aɳa ɔWan ka wuni mɔ der.

¹⁴kotáy-e pɔ yi mɔ wuni ɔwe mɔ kɔ rɔ athɔf alɔm, ɔ tela ɛbɔy yɔŋ, kɔ laɳkɔlia ŋa ɛyɛt yɔŋ.

¹⁵kɔ sɔŋ ukin ɛtalɛnt tamath, ka ulɔm ɛtalɛnt yerɔŋ, ka ulɔm sɔ atalɛnt ŋin; rɔ ukin ɔ kin mɔ mɔ kagbɛli kɔŋ kɔ yi-e. Kɔ kɔnɛ ka aɳbiyas ŋɔŋ.



- 16** Ka ɔləmp wati-e, ɔwe sɔthɔ etalent tamath-e, ɔ kɔnɛ ɔ sɛkinɛ yi, kɔ sɔthɔ tamath rokɔm kati.
- 17** Ya pɛ yi sɔ ta ɔwe sɔthɔ etalent yerɛŋ-e, ɔ sɔthɔ yerɛŋ rokɔm kati.
- 18** Kɛrɛ kɔnɔ ɔwe sɔthɔ atalent ŋin-e, ɔ kɔnɛ ɔ bɛs ro thɔf, ɔ maŋk aŋkala ŋa ɔmarki kɔŋ.
- 19** ɔwa ma pɛ won haŋ-e, ɔmarki ka ɛbɔy yati ɔ der, ka ɛbɔy aŋ kanɛ ro ŋɔŋ.
- 20** Ka ɔwe sɔthɔ etalent tamath ɔ der ɔ kàrà etalent tamath ɛlɔm, kɔ pa, Pa, mɛ laŋklia mi etalent tamath. Kɔla, i po sɔthɔ etalent tamath rokɔm kati.
- 21** ɔmariki kɔŋ ɔ pa ro ŋɔŋ, Mɛ yɔ ɔlompi, munɔ mun bɔy ufinɔ ubɔthi lanɛ. Mɛ po yi ubɔthi lanɛ rɛ yet ɛthan. I ti bot mu rokɔm ka yet ɛgbathi. Wɔŋ ka mabɔnɛ ma ɔmarki ka mu.
- 22** Kɔnɔ sɔ ɔwe sɔthɔ etalent yerɛŋ-e, ɔ der ɔ pa, Pa, mɛ laŋklia mi etalent yerɛŋ. Kɔla, i po sɔthɔ etalent yerɛŋ rokɔm kati.
- 23** ɔmariki kɔŋ ɔ pa ro ŋɔŋ, Mɛ yɔ ɔlompi, munɔ mun bɔy ufinɔ ubɔthi lanɛ; mɛ po yi ubɔthi lanɛ rɛ yet ɛthan, i ti bot mu rokɔm ka yet ɛgbathi. Wɔŋ ka mabɔnɛ ma ɔmarki ka mu.
- 24** Ka kɔnɔ ɔwe sɔthɔ atalent ŋin-e, ɔ der sɔ, ɔ pa, Pa, i tàrà mu kɔyi wuni bàk mɛder, mɛ rɔk ro mɛ te sak, mɛ thɔŋkla ro mɛ te sakthi.
- 25** Tɛ i nesa, i kɔnɛ maŋk aŋkala a mu ro thɔf. Kɔla, mɛ ba ara mu.
- 26** Kɛrɛ ɔmarki kɔŋ ɔ pa, Munɔ mun bɔy ulɛs dɛ yi uyai. Mɛ tàrà kɔpa i rɔk ro i te sak, i thɔŋkla ro i te sakthi.
- 27** Mɛ yi naŋ tɛ kɔsɔŋ aŋkala a mi ka aŋsinkanɛ ɛkala, kàmà ma i der-e, i gbɛli sɔthɔ kɛthekɛ rokɔm kati.
- 28** Tiyàŋ nɔy kɔ nu aŋtalent ŋin kàmà nɛ sɔŋ ŋi ka ɔwe ba etalent tɔfɔt.
- 29** kotáy-e rɛ wuni ɔ wuni ɔwe ba-e a tɛ bàrà kɔ, ɔwa ɔ tɛ ba ɔgbáthi. Kɛrɛ ka ɔwe te ba-e, hali ara ɔ ba-e, a tɛ nɔy kɔ ri.
- 30** Kama nɛ fitha aŋbɔy uyai ɔwe ka aŋsum rokaŋ. Ro kɛkulo yi kàŋakŋàk ɛsek kɛ yi.
- 31** Kɛrɛ ma ɔWan ka wuni ɔ po der ka aŋyiki ŋɔŋ, yi aŋmàleka aŋa yi yi kɔnɔaŋ, ka aŋlɔkɔ ŋati ɔ tɛ yirà ka kawaŋ ka ràbáy ka aŋyiki ŋɔŋ-e,
- 32** ɔwa ɔ tɛ thɔŋkla tɛbona bɛ rodi kɔŋ. ɔ tɛ gbaski ŋa kɛtɔŋ mɔ utɔl tɛlɔmɛ mɛ ɔ gbaski talɔmɛ ka atiràŋ.
- 33** ɔ tɛ tɛmɛr talɔmɛ ka kádiyɔ kɔŋ, kɛrɛ atir ka kàmɛrɔ kɔŋ.
- 34** Ka aŋlɔkɔ ŋati ɔBáy ɔ tɛ pa ro ŋaŋ ka kádiyɔ kɔŋ, Der nu naŋ aruba ŋa ɔKas kàmi, wɔŋ nu ka ràbáy ara a benɛnɛ ta átà nu kɔbi ma àdàru rɛ tɛpɛ.



³⁵kotáy-e ma i yi udor-e, nə sɔŋ mi da rədi. Ma rəmun rə bák mi-e, nə sɔŋ mi i mun. Ma i yi utik-e, nə yia mi.

³⁶Ma i yi utiŋ-e, nə lonsər mi. Ma i yi utuy-e, nə kori mi. Ma i yi ka ɔŋseth ŋa tərɛŋka-e, nə der ro mi.

³⁷Ɔwa aŋlɔmpi aŋ tɔ pa ro ŋɔŋ, Pa, alɔkɔ areke sə nɛnk mu mun dor-e, sə fantha mu-e, thalɔm mə fela tɔ kəmun sə yer mu mant-e?

³⁸Ɔwa alɔkɔ areke sə nɛnk mu utik-e, sə yia mu-e? Thalɔm, mun tiŋ-e, sə lonsər mu-e?

³⁹Alɔkɔ areke sə nɛnk mu mun tuy-e, thalɔm ka ɔŋseth ŋa tərɛŋka, ka sə der ro mu-e?

⁴⁰Ɔwa ɔbáy ɔ tɔ pa ro ŋaŋ, Tɛntɛnɛ i kanɛ nu kɔpa, kɔbi ma nə po yɔ yi ka ukin ka aŋwɔnt mi-e, hali aŋlɔl lɔl aŋe-e, nə po yɔ ti ro rɔmi.

⁴¹Ɔŋlɔkɔ ŋati ɔ tɔ pa ro ŋaŋ aŋa yi ka kámɛrɔ kɔŋ, wur mi nə naŋ aŋa ba ɔranka, kɔnɛ nu ka anant na tɔbana ana a bɛnɛnɛ ta ɔkɛrɛfi yi aŋmáleká ŋɔŋ.

⁴²kotáy-e, ma i yi udor-e, nə sɔŋ hɛ mi da rədi. Ma rəmun rə bák mi-e, nə sɔŋ hɛ mi i mun.

⁴³Ma i yi utik-e nə yer hɛ mi. Ma i yi utiŋ-e, nə lonsər hɛ mi. Ma i yi utui thalɔm ka ɔŋseth ŋa tərɛŋka-e, nə kori hɛ mi.

⁴⁴Ɔŋlɔkɔ ŋati aŋ tɔ pa, Pa, alɔkɔ areke sə nɛnk mu udor-e, thalɔm mə yema mun, thalɔm mə yi utik, thalɔm mə yi utiŋ, thalɔm mə yi utui, thalɔm mə yi ka ɔŋseth ŋa tərɛŋka-e, ɔwa sə te mu yɔna-e?

⁴⁵Ɔwa ɔ tɔ pa ro ŋaŋ, Tɛntɛnɛ i kanɛ nu kɔpa, kɔbi ma nə te yɔ yi ka ukin ka aŋlɔl lɔl aŋe-e, nə yɔ hɛ ti ro rɔmi.

⁴⁶Ɔwa aŋe aŋ tɔ kɔ ka athalɔr ŋa thɔbana, kɛrɛ aŋlɔmpi aŋ tɔ kɔ ka aŋesəm thɔbana.

Mathiu 26

¹Ka pə re yi ma Yisɔsɔŋ ɔ po gbanthi ɔsim áte bɛ-e, ɔ pa ka aŋkarande ŋɔŋ,

²Nə tɔrɔ kɔpa ka mɛrɛi marɛŋ kapainɛ kɔ bek, ɔwa a tɔ lánki ɔWan ka wuni kámá a tɔŋ kɔ ka akɛnt kɔpɛŋkine.

³Ɔŋlɔkɔ ŋati aŋkɛrbomp kɔtɔŋ ka aŋfode, aŋkarmɔkɔ yi aŋbáki ŋa aŋfɔm aŋ thonklane der rɔkin ka aŋbare ŋa ɔfode ubana, ɔwe a bont Kayafas.

⁴Ɔwa aŋ nɛŋkanɛ der rɔkin kámá aŋ gbɛli wop Yisɔsɔŋ rə mɛsɔth tɔ kɔdif kɔ.

⁵Kɛrɛ aŋ pa, Ta pə te yi ka amet, ta thani atotok aŋ yokanɛ kɔtɔŋ ka aŋfɔm.

⁶Ɔwa ma Yisɔs ɔ yi ro Bethani ka ɔŋseth ŋa Saymɔn ɔwe ba arom-e,



- ⁷wuni bom ɔ der ro ɲɔŋ, ɔ ba kəbos ka m̄aro m̄əsopa m̄əbaki m̄əlɔ, kɔ lond ma ka r̄abomp r̄ɔŋ ma ɔ yir̄a ka k̄ədi.
- ⁸Kere ma aŋkarande aŋ n̄ənk ti-e, p̄ə bans̄ane ɲa, aŋ pa, Ko asabu m̄ə a l̄əsər ame-e?
- ⁹kot̄ay-e a gb̄eli thila ame ta akala agb̄athi, ɔwa a s̄ɔŋ aŋm̄one.
- ¹⁰Kere ma Yis̄os̄aŋ ɔ s̄ɔthne ti-e, ɔ pa ro ɲaŋ, k̄oyeŋ m̄ə n̄ə s̄ɔmpa ɔb̄orko-e? Atesoma-e ɔ po ȳona mi apanth afino.
- ¹¹kot̄ay-e n̄ə ba aŋm̄one yi nan̄aŋ l̄okɔ o l̄okɔ, kere mine i yi h̄e yi nan̄aŋ l̄okɔ o l̄okɔ.
- ¹²Ma ɔ sop aŋder a mi yi ām̄aro m̄əsopa ame-e, ɔ ȳo ti t̄ə k̄emaŋk mi.
- ¹³T̄ə tentene i kane nu der o der ro m̄ə a tam̄əs ākera k̄əfino ake ka ād̄aru be-e, āte ɔya ɔwe ɔ po ȳo a t̄ə f̄ɔf ti t̄ə k̄ənan̄e ta at̄ɔŋ.
- ¹⁴ɔwa ukin ka aŋt̄ɔf̄ɔt ɲar̄eŋ ɔwe a bont Yudas Iskariȳɔt, ɔ k̄one ka aŋk̄erbomp k̄ət̄ɔŋ ka aŋfode, ɔ pa,
- ¹⁵Ko m̄ə n̄ə sel̄ɔ t̄ə k̄əs̄ɔŋ mi k̄am̄a i l̄anki k̄o ro nu-e? kaŋ l̄oma k̄o ebem ya akala āfer̄a k̄əgba t̄ɔf̄ɔt.
- ¹⁶K̄ət̄əp ka aŋl̄okɔ ɲati ɔ thens afere t̄ə k̄elaŋkli k̄o.
- ¹⁷ɔwa ka aŋrey āt̄ɔt̄okɔ ɲa k̄əbo k̄əpaŋi egbith-e, aŋkarande aŋ der ka Yis̄os̄aŋ, aŋ pa ro ɲɔŋ, Reke m̄ə yema s̄ə benene ta āt̄a mu t̄ə k̄ədi kapaine-e?
- ¹⁸k̄o pa, K̄one nu ro pet ka wuni wun̄ɔŋ, n̄ə pa ro ɲɔŋ, ɔKarm̄okɔ ɔ pa, Aŋl̄okɔ a mi aŋ fat. I ti wop amet ma kapaine ro seth ka mu yi aŋkarande a mi.
- ¹⁹Ka aŋkarande aŋ ȳo m̄ə m̄ə Yis̄os̄ ɔ kane ɲa, ka aŋ benene amet ma kapaine.
- ²⁰Ma r̄af̄oy r̄ə bek-e, ɔ yir̄a ka k̄ədi yi aŋt̄ɔf̄ɔt ɲar̄eŋ.
- ²¹ɔwa ma m̄ə aŋ di-e, ɔ pa, Tentene i kane nu k̄əpa ukin ka nu ɔ t̄ə s̄ond mi.
- ²²Ka animisa aŋ wop ɲa, aŋ t̄əp k̄əyif k̄o ukin o kin, Pa, mineŋ-i?
- ²³k̄o wosa ɔ pa ro ɲaŋ, ɔwe t̄oka k̄ata k̄ɔŋ ka aŋb̄ɔl yi minēaŋ, k̄on̄ɔ gb̄eŋ ɔ t̄ə s̄ond mi.
- ²⁴ɔWan ka wuni ɔ k̄o m̄ə m̄ə a gbal ta at̄ɔŋ, kere m̄one ka ɔwuni kati ɔwe m̄ə s̄ond ɔWan ka wuni. P̄ə t̄ə yi ɔfino naŋ ta ɔwuni kati bepi a kom h̄e k̄o naŋ.
- ²⁵Ka Yudas̄aŋ ɔwe s̄ond k̄o ɔ yif, Mine-i Karm̄okɔ? k̄o pa ro ɲɔŋ, Mun̄o pa yi.
- ²⁶ɔwa m̄ə m̄ə aŋ di-e, Yis̄os̄aŋ ɔ gbasi k̄əbo, ɔ ruba ki k̄o sim ki, ɔ s̄ɔŋ ki ka aŋkarande, ɔ pa, Gbasi nu, n̄ə di. Ake-e, k̄ə yi aŋder a mi.
- ²⁷k̄o gbasi amp̄othi, ɔ muti m̄om̄o, ɔ s̄ɔŋ ɲa, k̄o pa, Mun ri nu be.
- ²⁸kot̄ay-e ame m̄ə yi m̄atir ma mi ma aŋlemrane afu, ama a lon̄ ta agb̄athi ta kater̄o ka ehake.



- 29I kanɛ nu, i mun hɛ sɔ mākomi ame ma ɛyɛt ɛgbam, haŋ ka aŋrey aŋa mə i mun ma ɔfu yi naŋ ka rábáy ra ɔKas kámi.
- 30Ɔwa maŋ po leŋ aleŋ-e, aŋ wur, aŋ kɔ ka kateŋ ka Ɖlif.
- 31Ka Yisósáŋ ɔ pa ro ŋaŋ, Naŋ bɛ nə tə pənthbɛla ta átá mi thonɔŋ táták. Kotáy-e a po gbal kəpa, A tə gbantha ɔtol, ɔwa talɔmɛ ŋa akuthi aŋ tə sakane.
- 32Kɛrɛ kədarəŋ ka káyokanɛ ka mi-e, i ti tɛma nu kədi ro Kalili.
- 33Kɛrɛ Pitarəŋ ɔ wosa ɔ pa ro ŋɔŋ, Hali afɛm bɛ aŋ pənthbɛla ta átá mu-e, mineəŋ i gbəli hɛ pənthbɛla thəbana.
- 34Ka Yisósáŋ ɔ pa ro ŋɔŋ, Tɛntɛnɛ i kanɛ mu, Rárɔy are gbeŋ, yeŋk katəpi ɔ tam-e, mə tə pensanɛ mi mɛsas.
- 35Ka Pitarəŋ ɔ pa ro ŋɔŋ, Hali i ba kəfi yi munɔŋ-e, i gbəli hɛ pensanɛ mu. Yaŋ aŋkarande sɔ bɛ aŋ pa.
- 36Ka Yisósáŋ ɔ der yi ŋaŋ ka ɔder a bont Kethsemanɛ, kɔ pa ka aŋkarande ŋɔŋ, Yirá nu nə, ma mə i kɔ ro tə kəramnɛ.
- 37kɔ bananɛ Pitarəŋ yi aŋwuth aruni ŋarəŋ ŋa Sɛbidi, kɔ tɛp kəsəŋ amɔl, ɔwa, aŋmerá ŋɔŋ aŋ lela kɔ.
- 38kɔ pa ro ŋaŋ, Aŋmerá mi aŋ ba ɔnɔsine ɔthasər haŋ ka rəfi. Kar nu nə, nə kələnɛ yi mineəŋ.
- 39kɔ kɔ rodi ɔthan, ka ɔgbəps a ro thɔf, ɔ ramnɛ, ɔ pa, O Pa kámi, bepi pə fɔi táy yo ampɔthi aŋe aŋ painɛ mi; kɛrɛ ta pə te yi măsəlɔ ma mi-e, ta pə yi gbo măsəlɔ ma mu.
- 40kɔ der ka aŋkarande, ɔ bəp ŋa aŋ dirá, kɔ pa ka Pitarəŋ, kɔyɛŋ nə te gbəli kələnɛ yi mine ahawa ŋin-e?
- 41Kələnɛ nu, ɔwa ramnɛ nu kámá nə te wɔŋ rə táy təgbɔns; aŋmerá aŋ selɔ tentɛnɛ, kɛrɛ aŋder a rant.
- 42kɔ kál kɔnɛ kəbeka marəŋ, ɔ ramnɛ, ɔ pa, O Pa kámi, bepi aŋe aŋ gbəli hɛ painɛ mi thambe i mun ŋi-e, ta măsəlɔ ma mu mə yɔnɛ.
- 43Ma ɔ kál der-e, ɔ bəp ŋa aŋ dirá sɔ kotáy-e ɛfər yaŋ ɛ lel.
- 44kɔ tey ŋa, ɔ kɔnɛ sɔ, ɔ ramnɛ kəbeka mɛsas, ɔ kál pa ásim tin tati.
- 45Ɖ kál der ka aŋkarande ŋɔŋ, ɔ pa ro ŋaŋ, Dirá nu ka-ake, ɔwa fothanɛ nu. Kəla, aŋlɔkɔ aŋ bek, ɔwa a sɔŋ ɔWan ka wuni ka máta ma afɛm ŋa ɛhake.
- 46Yokanɛ nu, maŋ kɔnɛ; kəlo, kɔnɔ ɔwe sɔnd mi ɔ fat.
- 47Mɔ mə ɔ bɔ fɔf-e, kəla, Yudasáŋ, ukin ka aŋtɔfɔt ŋarəŋ ɔ der, yi runiya rəbana, aŋ ba ɛgbathɔ yi təgbeŋgbeŋ, aŋ wur ka aŋkərbomp kətəŋ ka aŋfode yi aŋbáki ŋa aŋfɛm.



- 48 Ɔwa, kɔnɔ ɔwe mə sɔnd kɔ ɔ po sɔŋ ŋa alomar, ɔ pa, Ɔwe mə i muməl-e, kɔnɔŋ. Wop kɔ nu.
- 49 Ka ɔlɛmp wati ɔ der ka Yisɔsɔŋ, ɔ pa, Kori mu Karmɔkɔ! kɔ muməl kɔ.
- 50 Ka Yisɔsɔŋ ɔ pa, Yathki, yɔ ɔte mə der tɔ kɔyɔ. Kaŋ der aŋ wop Yisɔsɔŋ, kaŋ kera kɔ.
- 51 Ɔwa kɔla, ukin ka ŋaŋ aŋa yi yi Yisɔsɔŋ, ɔ thanthi kɔta kɔŋ, ɔ tali aŋgbathɔ ŋɔŋ, ɔ tap aŋbɔy ŋa ɔfode ubana, ɔ gbɛk aŋlɔns ŋɔŋ.
- 52 Ka Yisɔsɔŋ ɔ pa ro ŋɔŋ, Kala aŋgbathɔ a mu ka aŋbom, kotáy-e ŋa bɛ aŋa mə gbasi aŋgbathɔ-e, aŋ ba kɔdine rɛ aŋgbathɔ.
- 53 Thalɔm mə nanɛ kɔpa i gbɛli hɛ nɛmthɛnɛ ɔKas kɔmi, ɔwa ɔ tɔ som mi ka-ake amɔleka athasi ɛsɔfɔ tɔfɔt yerɔŋ-i?
- 54 Kɛrɛ to mɔgbal mə gbɛli lasɛr, kɔpa ya pɔ ba kɔyi-e?
- 55 Ka aŋlɔkɔ ŋati Yisɔs ɔ pa ka ɔsuniya, Nɛ der ro mi yi ɛgbathɔ dɛ yi tɔgbɛŋgbɛŋ tɔ kɔwop mi mə ukey-i? I yirɔ ɔrey ɔ rei ka aŋseth ŋa Kuru tɔ kɔthɛksa, ɔwa nɛ wop hɛ mi.
- 56 Kɛrɛ ɔte bɛ tɔ yɔnɛ kɔmɔ mɔgbal ma aŋnabi mə lasɛr. Aŋlɔkɔ ŋati aŋkarande ŋɔŋ bɛ aŋ tey kɔ aŋ gbukɛ.
- 57 Ɔwa, aŋa po gbip Yisɔsɔŋ aŋ kera kɔ ka Kayafas ɔfode ubana, ro aŋkarmɔkɔ yi aŋbɔki aŋ po thonklane.
- 58 Ɔwa Pitarɔŋ ɔ tɔŋ kɔ ɔbɔli poŋ, kɔkɔ ka aŋbare ŋa ɔfode ubana, kɔ wɔŋ, ɔ yirɔ yi aŋkurgba tɔ kɔnɔŋk ɔthalnɛ.
- 59 Ɔatɔbomp kɔtɔŋ ka aŋfode yi aŋbɔki ŋa aŋfɛm, yi aŋSanhedrin bɛ aŋ thɛns mɛseri ma rɔyem ta Yisɔsɔŋ, kɔmɔ aŋ dif kɔ,
- 60 kɛrɛ aŋ thamrɔ, hali ma mɛseri ma rɔyem agbɔthi aŋ der. Kɔdarɔŋ kati ŋarɔŋ aŋ der,
- 61 aŋ pa, Ɔlaŋgba ɔwe ɔ pa, Mine i gbɛli lɛsɛr aŋseth ŋa Kuru, ɔwa, i kɔl tɔmɛr ŋi rɛ mɛrei mɛsas.
- 62 Ka ɔfode ubana ɔ tɔma, ɔ pa ro ŋɔŋ, Mɔ ba hɛ ɔte maŋ gbaki-i? Kɔ tɔy tɔŋ ɔte aŋɛ aŋ seri ta ɔtɔ mu-e?
- 63 Kɛrɛ Yisɔsɔŋ ɔ tɔnk thɛm. Ka ɔfode ubana ɔ pa ro ŋɔŋ, I yema mu mə gbip ka ɔKuru ukɔli kɔmɔ mə kanɛ su bepɛ mə yi ɔKrayst ɔWan ka Kuru.
- 64 Ka Yisɔsɔŋ ɔ pa ro ŋɔŋ, Mɔ po pa ti, kɛrɛ i kanɛ nu, alɔkɔ alɔm nɛ ba kɔnɔnk ɔWan ka wuni ɔ yirɔ ka kɔta kɔdiyɔ ka afɔsɔ, ɔ tɔ der ka tɔrɛnt tɔfɛra ka ɔkuru.
- 65 Ka ɔfode ubana ɔ gbari ɔsuma tɔŋ, ɔ pa, Ɔ po ŋamɛ Kuru! Kɔ mɛseri mɔlɔm mə sɔ yema sɔ-e? Kɔla, naŋ nɛ po tɔl mə ɔ ŋamɛ Kuruɔŋ ɔlɛs.



- 66 To naŋ nə nanɛ-e? Aŋ wosa aŋ pa, Ubek tə kədif!
- 67 kaŋ thufər kɔ ro der, aŋ tuns kɔ ɛbɔfthar, alɔm aŋ gbantha kɔ yi m̄ata maŋ,
- 68 kaŋ pa, Munɔ ɔKrayst, tɔri su ba; Kane gbantha mu-e?
- 69 ʌŋlɔkɔ ŋati Pitarəŋ ɔ yir̄a rokaŋ ro bare, ka ʌŋbɔy ubera ɔ der ro ŋəŋ, ɔ pa, Munɔ sɔ m̄ə sa yi yi Yisɔs ɔKalilian.
- 70 Kɛrɛ ɔ pensa rodi ka ŋaŋ bɛ-e, ɔ pa, i tɛ hɛ ʌt̄a m̄ə pa.
- 71 ɔwa ma ɔ wur ɔ kɔ ro gbənthəŋ-e, ʌbɔy ubera ulɔm ɔ nɛnk kɔ, kɔ pa ka ŋaŋ aŋa yi ri-e, ɔlaŋgba ɔwe sɔ ɔ la yi yi Yisɔs ɔwe ro Nasareth.
- 72 kɔ pensa sɔ ɔwa ɔ gbiŋ kɔpa, I tɛ hɛ ɔlaŋgba.
- 73 ɔwa pɛ won hɛ ɔthasɛr-e, aŋfɛm aŋa tɔma ri aŋ der aŋ pa ka Pita, Ka tɔtɛŋ, munɔ sɔ m̄ə yi ukin ka ŋaŋ, mafɔf ma mu m̄ə ŋaibi mu.
- 74 kɔ tɔp kɛnal yi kɛgbiŋ, ɔ pa, I tɛ hɛ ɔlaŋgba. Ka ɔlɛmp wati katɔpi ɔ tam.
- 75 Ka Pitarəŋ ɔ kala ʌmɛr̄a ka tapa ʌtɛ Yisɔsəŋ ɔ pa, Yɛŋka katɔpi ɔ tam-e, m̄ə tɔ pensane mi m̄əsas. Kɔ wur, ɔ bok ɔbaŋ.

Mathiu 27

- 1 ɔwa, ma pɛ sɔk-e, aŋkɛrbomp kɔtɔŋ ka aŋfode bɛ yi aŋb̄aki ŋa aŋfɛm aŋ kɔ nɛŋkane ta Yisɔs tə kədif kɔ.
- 2 Maŋ po sek kɔ-e, aŋ kera kɔ, kaŋ l̄anki kɔ ka Paylet ɔgb̄aka.
- 3 ʌŋlɔkɔ ŋati-e, Yudasəŋ ɔwe sɔnd kɔ-e, ma ɔ nɛnk kɔpa a po sɔŋ kɔ m̄ətheri-e, ɔ thupine kɔ kala ɛbɛm ya aŋkala ʌfɛr̄a kɛgba tɔfɔt ka aŋkɛrbomp kɔtɔŋ ka aŋfode yi aŋfɛm ab̄aki,
- 4 ɔ pa, I po yɔ ahake pɛkasife i po sɔnd m̄ətir m̄əpaŋi t̄ay. Kɛrɛ ŋaŋ, aŋ pa, To ʌtɛ tɔ yi ro r̄ɔsu-e? Munɔ ba kɛkɛl̄ane ti.
- 5 kɔ fitha ɛbɛm ya aŋkala ʌfɛr̄a kɛgba tɔfɔt ka ʌŋseth ŋa Kuru, ɔ wur, ɔ kɔ gbakne.
- 6 Ka aŋkɛrbomp kɔtɔŋ ka aŋfode aŋ gbasi aŋkala ʌfɛr̄a, aŋ pa, Pɛ lomp hɛ tɔ kɛbot ŋi rɔ ɔbene, ʌtesoma-e aŋkala ŋa m̄ətir ŋaŋ.
- 7 kaŋ nɛŋkane, aŋ wai ʌkay ka ɛyɔftha tɔ kɛmaŋk ri atik.
- 8 Tasom a bont ɔder wati, Akay ka m̄ətir, haŋ thonɔŋ.
- 9 Ka a lasɛr̄ ʌtɛ Yerimaya ɔn̄abi ɔ fɔf-e, ma ɔ pa, A gbasi ɛbɛm ya aŋkala ʌfɛr̄a kɛgba tɔfɔt, amɔlɔ ma ɔwe aŋwuth ŋa Isrɛl aŋ bot m̄əlɔ,
- 10 aŋ sɔŋ yi ta ʌkay ka ɛyɔftha, m̄ə m̄ə ɔMarki ɔ tɔri mi.



- 11Ka Yisósànj ɔ tɔma rodi ka ɔgbəka, ka ɔgbəka ɔ yif kɔ, ɔ pa, Munɔ yi ɔbày ka aŋYuda-i? Ka Yisósànj ɔ pa ro ŋɔŋ, Munɔ mə po ti thɔ pa.
- 12Ma aŋkərbomp kətɔŋ ka aŋfode yi aŋbàki aŋ gbanthir kɔ-e, ɔ wosa hɛ táy o táy.
- 13Ka Paylet ɔ pa ro ŋɔŋ, Mə təl hɛ mətáy məgbathi ama a seri ta átá mu-i?
- 14Kɛrɛ ɔ wosa hɛ hali rim rin, haŋ ɔgbəka ɔ kabane ti.
- 15Ɔwa ka aŋlɔkɔ ŋa amet mati ɔgbəka ɔ la tera áruniya wuni tand ukin, ɔwe aŋ yema.
- 16Ka ukərəŋka ugbuŋi ɔ yi ri ka aŋlɔkɔ ŋati, aŋes ŋɔŋ aŋ yi Barabas.
- 17Tiyàŋ, maŋ po thoŋkɔlanɛ dɛr rəkin-e, Pailatàŋ ɔ pa ro rɔŋaŋ, Kanɛ nə yema i tera nu-e, Barabasàŋ thalɔm Yisósànj ɔwe a bont Kraist-e?
- 18kotáy-e ɔ tără kəpa ta kətut tə aŋ lánki kɔ.
- 19Ma ɔ yirá ka kawaŋ ka kəthoŋkas-e, ɔrani kɔŋ ɔ somər kɔ, kɔ pa, Te ba táy o táy tɔ kəyɔ ɔlaŋgba ulompi ɔwɔŋ, kotáy-e i sɔmpane mətáy məgbathi thonɔŋ rə kəwɔrɔp ta sala tɔŋ.
- 20Ka aŋkərbomp kətɔŋ ka aŋfode yi aŋbàki aŋ pər áruniya kámá aŋ thola Barabasàŋ, dɛ yi kámá aŋ dif Yisósànj.
- 21Ka ɔgbəka ɔ pa ro rɔŋaŋ, Ureke ka ŋa ŋarəŋàŋ nə yema kámá i tera nu-e? kaŋ pa, Barabasàŋ.
- 22Ka Paylet ɔ pa ro ŋaŋ, To mə i yɔ thɔŋ Yisósànj-e, ɔwe a bont Krayst-e? kaŋ pa ro ŋɔŋ, Tàŋ kɔ ka akənt kəpəŋkine!
- 23Ka ɔgbəká ɔ pa, kəyɛŋ, ko ɔlɔs wɔŋ ɔ po yɔ-e? Kɛrɛ aŋ bər gbo woŋa, aŋ pa, Ta a tàŋ kɔ ka akənt kəpəŋkine.
- 24Ka Pailatàŋ ma ɔ nənɔ kəpa ɔ gbəli hɛ koko-e, kɛrɛ atotok aŋ tɔp kəfumpɔ-e, ɔ gbasi mánt ɔ yak mətá mɔŋ rodi ka áruniya bɛ, ɔ pa, Mine min paŋi táy ka mətir ma ɔwuni lompi ɔwe. Kələnɛ ti nu.
- 25Ka aŋfəm bɛ aŋ wosa, aŋ pa, Ta mətir mɔŋ mə rensa su, yi aŋwuth a su.
- 26kɔ tera ŋa Barabasàŋ; kɛrɛ ɔ sap Yisósànj kɔ lánki kɔ tɔ kətəŋ tàŋ kɔ ka akənt kəpəŋkine.
- 27Ka aŋtim ŋa ɔgbəka aŋ kərə Yisósànj ro seth ro aŋ gbanɛ, kaŋ thoŋkla aŋtim bɛ ro ɔ yi.
- 28kaŋ bus kɔ ásuma tɔŋ, aŋ wɔns kɔ ruma rəyim.
- 29Maŋ po ru ániyɔ ŋa tɔbánk-e, aŋ rɛŋ ŋi ro bomp rɔŋ, kaŋ sɔŋ kɔ kəthánkɛ ka káta kɔŋ kədiyɔ, aŋ sɔna kɔ tɔwu, aŋ sel kɔ, aŋ pa, Kori mu-o, ɔbày ka aŋYuda!
- 30kaŋ thufər kɔ, aŋ nɔy kɔ kəthánkɛ, aŋ gbantha gbantha kɔ ro bomp.



- 31 Ɔwa maŋ po sel kɔ-e, aŋ bus kɔ aruma, aŋ kala kɔ ásuma tɔŋ, aŋ kera kɔ tɔ kɛtaŋ kɔ ka akɛnt kɛpɛŋkine.
- 32 Maŋ wur-e, aŋ nɛnk ulanŋba ka ro Sirini, a bont kɔ Saymɔn. Kɔnɔ aŋ fɔs kámá ɔ gbanɛ akɛnt kɔŋ kɛpɛŋkine.
- 33 Ɔwa maŋ bek ka ɔɔɛr mɛ a bont Kɔlkɔtha-e, ara a tepa tɔ kɛpa, Ɔɔɛr wa kɛgbɛŋkɛt-e,
- 34 aŋ sɔŋ kɔ afinika tɔ kɛmun-e, a kulunɛ ma yi ɔrɔŋkɛth. Ma ɔ tham ma-e, ɔ selɔ hɛ sɔ mun ma.
- 35 Maŋ po tɔŋ kɔ ka akɛnt kɛpɛnkinɛ-e, aŋ yeranɛ ásuma tɔŋ yi kɛfák tɛfánt, kámá áte ɔnábɪ ɔ pa tɔ lasɛr kɛpa, Aŋ yeranɛ ásuma ta mi, ɔwa ta kafɔl kámi aŋ fak tɛfánt.
- 36 kaŋ yirá aŋ kɛláne kɔ ri.
- 37 Rokɔm ka rábomp rɔŋ aŋ bot mágbal ama tɔri áte a gbanthir kɔ, mɛ pa, YISƆS KƆNƆ ƆWE ƆBÁY KA ADYUDA.
- 38 Ka a tɔŋ tɔŋ ri rɛ tɛnt tɛpɛŋkine yi kɔnɔŋaŋ, akey ŋarɛŋ, ukin ka kádiyɔ, ukin ka kámerɔ.
- 39 Ɔwa aŋa thas ri aŋ nals kɔ aŋ fil fil tabomp taŋ,
- 40 kaŋ pa, Munɔ ɔwe mɛ lɛsɛr naŋ aŋseth ŋa Kuru, ɔwa mɛ kál tɛmɛr ŋi ka mɛrei mɛsas-e, kisisnɛ. Bepi mɛ yi ɔWan ka Kuru-e, wur, mɛ thor ka akɛnt kɛpɛŋkine.
- 41 Ya pɛ yi sɔ aŋkɛrbomp kɛtɔŋ ka aŋfode yi aŋkarmɔkɔ yi aŋbáki aŋ sel kɔ, aŋ pa,
- 42 Ɔ la kisis alɔm, kɛrɛ ɔ gbɛli hɛ kisisnɛ. Bepi ɔ yi ɔbáy ka aŋIsrɛl-e, ta ɔ thor ka akɛnt kɛpɛŋkine ka-ake kámá sɔ lanɛ kɔ.
- 43 Ɔ pɛlɛnɛ Kuru; ta ɔ tafi kɔ ka-ake bepi ɔ yema kɔ-e, kotáy-e ɔ pa, Minɛ yi ɔWan ka Kuru.
- 44 Aŋkey sɔ aŋa a tɔŋ ka atɛnt tɛpɛŋkine yi kɔnɔ aŋ kanɛ kɔ ásim tati sɔ.
- 45 Ɔwa kɛtɛp ka aŋhawa aŋa beká tamthɛrukin kɛkɔ ka aŋhawa aŋa beká tamthɛrɛŋanlɛ asum aŋ yi ka aŋthɔf bɛ.
- 46 Kɛrɛ mɔlɔ ma aŋhawa aŋa beká tamthɛrɛŋanlɛ-e, Yisɔsán ɔ sel ɛrɔŋ lɛɔ, ɔ pa, Ila, Ila, lama sabakthani? Átá a tepa kɛpa, Kuru ka mi, Kuru kámi, kɔyɛŋ mɛ tey mi-e?
- 47 Alɔm aŋa tɛma ri-e, maŋ tɛl ti-e, aŋ pa, Ɔlanŋba ɔwe ɔ tela Ilaya.
- 48 Ka wuni kin ɔ gbukɛ ka ɔlɛmp wati, ɔ gbasi asponge, ɔ lasɛr ŋi yi afinika, kɔ bot ŋi ka kɛthánkɛ ɔ sɔŋ kɔ tɔ kɛmun.
- 49 Aŋlɔm aŋ pa, Tey thɔŋ, ta sɔ kɛli bepi Ilaya ɔ tɛ re kisis kɔ.
- 50 Yisɔsán ma ɔ po wurɔ sɔ rim rɛbɔli rɛkɔm-e, ɔ terne.



- 51 Kəla, aṅkunkla ɲa aṅseth ɲa Kuru aṅ pima kətəp rokɔm haṅ kəbek roratha. Aṅthəf aṅ yer, ɔwa masar mə gbaya,
- 52 ɔwa taboma tə kanthe, ɔwa aṅfəm ɲa Kuru agbathi aṅa sa po fi aṅ yokane.
- 53 Kədarəṅ ka káyokane kəṅ-e, aṅ wur ka taboma ta ɲaṅ aṅ kəne ka kápet kəsəm, kaṅ tərine rə afəm agbathi.
- 54 Ɔkaptin yi ɲaṅ aṅa yi yi kənoṅ aṅa bumər Yisəsəṅ, maṅ nənk kaye ka aṅthəf-e yi mātáy ama yəne-e, aṅ nesa ɔthasər aṅ pa, Təntene ɔwe ɔ yi ɔWan ka Kuru.
- 55 Afəm abom agbathi aṅ yi ri aṅa po tṅ Yisəsəṅ kəwur ro Kalili, tə kəyona kə, aṅ təma ɔboli poṅ aṅ kəli.
- 56 Meri ɔwe ro Makdala ɔ yi kətəṅ ka ɲaṅ yi Meriṅ ɔkara ka Yeməs yi Yoses, de yi ɔkara ka aṅwuth ɲa Sebidi.
- 57 Ɔwa ma ráfəy rə po bek-e, uyola ɔ wur ro Arimathia ɔ der, aṅes ɲəṅ aṅ yi Yosef, kəno sɔ ɔ yi ukarande ka Yisəs.
- 58 Ɔ kəne ka Paylet ɔ thola kabel ka Yisəs. Ka Paylet ɔ yamari kámá a səṅ kə kə.
- 59 Ka Yosef ɔ gbasi kábel-e, ɔ rapər kə kotha kəfera kəgbəraṅ,
- 60 kə bot kə ka káboma kəṅ kəfu áke a bes rə agbalaṅ, a bənkli ásar ábana ka kadare ka káboma, kə kəne.
- 61 Meri ɔwe ro Makdala yi Meri uləm aṅ yi ri, kaṅ yirá aṅ lomane káboma.
- 62 Ka rabəth ara tand aṅrey ɲa kabənene, aṅkərbomp kətəṅ ka aṅfode ábana yi aṅFarisi aṅ thoṅklane der rəkin ka Pailatṅ, aṅ pa,
- 63 Pa, sə kala ámerá kəpa ɔwuni təns táy ɔwəṅ ma ɔ yi ras ukəli-e, ɔ pa, Kədarəṅ ka mərəi məsas-e i ti kál yokane.
- 64 Tiyṅ yamari kámá a bumər káboma haṅ aṅrey aṅa beká məsas, ta thani aṅkarande ɲəṅ aṅ der təták kámá aṅ keya kə, ɔwa aṅ pa ka aṅfəm, Ɔ po yokane ka rafi; ɔwa kayetha kələpsə kə tə yi kələs kəthasi katətəkə.
- 65 Ka Pailatṅ ɔ pa ro ɲaṅ, Nə ba ubumər. Kəne nu nə bəksər ki nu mə mə nə tərá.
- 66 kaṅ kəne aṅ bəksər káboma, aṅ mathle aṅsar, ɔwa aṅbumər aṅ yi ri sɔ.

Mathiu 28

- 1 Mba ma aṅsabath aṅ poṅ-e, ka pə yema sək-e, ka aṅrey átətəkə ɲa aṅyik, Meri ɔwe ro Makdala yi Meriṅ uləm, aṅ der tə kəkəli káboma.
- 2 Ɔwa aṅthəf aṅ yer kəyer kəbana kotáy-e umaleka ka Kuru ɔ thor kəyefə ro riyana, ɔ der ɔ bənkli aṅsar kəwur ka kadare, kə yirər ɲi.
- 3 Mábálane məṅ mə yi mə ɔnakthine, elopra yəṅ e yi efəra mə epəmpə.



- ⁴Ɔwa ta ranes ara aɲbumər aɲ ba ta atɔŋ-e aɲ yer yer, kaɲ səkɛ mɔ afəm afi.
- ⁵Kɛrɛ ɔmaleka ɔ pa ka aɲfəm abom, Te nu nesa, i tãrà kɔpa nə thens Yisɔsãɲ ɔwe a tãɲ ka akɛnt kɔpɔɲkine.
- ⁶Ɔ yi hɛ nɔ; ɔ po yokanɛ mɔ mɔ ɔ po pa. Der nɔ, kɛli ɔdɛr rɔ ɔMarki ɔ sa fɛntha.
- ⁷Ɔwa kɔnɛ nu lɛmp lɛmp kãmá nə kanɛ aɲkarande ɲɔɲ kɔpa ɔ po yokanɛ ka rafi. Kɛla, ɔ tɔma nu kɛdi ro Kalili, ro mɔ nə nɛnk kɔ. Kɛla i po kanɛ nu.
- ⁸kaɲ kɔnɛ lɛmp lɛmp kɔyɛfɔ ka káboma yi rɛnes dɛ yi mɛbɔnɛ mɛbana, kaɲ gbukɛ tɔ kɛtɔri árim are ka aɲkarande ɲɔɲ.
- ⁹Ka Yisɔs ɔ gbanɛ ɲa, ɔ pa, Kori nu-o. Kaɲ der aɲ wop átátɛk tɔɲ, aɲ bátho kɔ.
- ¹⁰Ka Yisɔsãɲ ɔ pa ro ɲaɲ, Te nu nesa; kɔ nu kanɛ aɲwɔnt mi kãmá aɲ kɔ ro Kalili ro mɔ aɲ nɛnk mi.
- ¹¹Ɔwa mɔ aɲ bɔ kɔ-e, alɔm ka aɲbumər aɲ der ro pet, kaɲ kanɛ aɲkərbomp kɛtɔɲ ka aɲfode mátáy bɛ ama po yɔnɛ.
- ¹²Ɔwa ɲaɲ-e, maɲ po thonɲklanɛ yi aɲbáki-e, ɔwa aɲ po nɔɲkanɛ-e, aɲ sɔɲ akala agbáthi ka aɲkurgba,
- ¹³aɲ kanɛ ɲa kãmá aɲ pa, Aɲkarande ɲɔɲ aɲ der táták, kaɲ keya kɔ ma sɔ dirá.
- ¹⁴Bepi áte tɔ bek ka elɔns ya ɔgbɔka-e, sɔ tɔ thonthɔ kɔ kãmá sɔ wurɔ nu.
- ¹⁵kaɲ nɔy aɲkala, kaɲ yɔ mɔ mɔ a kanɛ ɲa. Ka aɲpa aɲɛ aɲ gbanthɛnɛ kɛtɔɲ ka aɲYuda haɲ thonɔɲ.
- ¹⁶Kɛrɛ aɲkarande tɔfɔt ukin aɲ kɔnɛ ro Kalili ka kateɲ ákɛ Yisɔsãɲ ɔ tɔri ɲa.
- ¹⁷Ɔwa maɲ nɛnk kɔ-e, aɲ bátho kɔ kɛrɛ aɲlɔm aɲ sikɛ.
- ¹⁸Ka Yisɔsãɲ ɔ der ɔ fɔfánɛ ɲa, ɔ pa, A po sɔɲ mi afɔsɔ bɛ ro riyana yi ka ádãru.
- ¹⁹Tiyãɲ kɔnɛ nu ka tɔbona bɛ-e, nə səki ɲa akarande, nə baftays ɲa ka áɲɛs ɲa ɔKas, yi aɲa ɔWan, yi aɲa ɔYina mɛsɛm;
- ²⁰ɔwa thɛksa ɲa tɔ kɔwop mátáy bɛ ama i po yamari nu. Ɔwa minɛãɲ i yi yi naɲãɲ alɔkɔ o lɔkɔ, haɲ ka ɔthalnɛ wa ádãru. Amina.



Mark

Mark 1

- ¹Ɖtɔpɛr wa ákera kɛfínɔ ka Yisɔs Krayst, ɔWan ka Kuru.
- ²Mɔ mɛ a gbal ka ákáfá ka ɔnábi Isaya kɛpa, Kɛla, i som ɔsom kámi rodi ka mu, Ɖwe mɔ bɛmpa aroŋ da mu.
- ³Árim ra wuni ro wula ara pa, Bɛmpa nu aroŋ da ɔMarki, Lompɔs nu asoŋ tɔŋ.
- ⁴Yɔnánŋ ɔwe baftays aŋfɛm ro wula, ɔ tamɔs áŋbaftisɛm ŋa kathupi ta katerɔ ka ehake.
- ⁵Ka aŋfɛm ŋa áŋthɔf ŋa ro Yuda bɛ, yi ŋaŋ aŋa ro Yerusalem, aŋ wur, kaŋ kɔ ro ŋoŋ kámá ɔ baftays ŋa ka kábánŋ ka Yɔrdan, kɛgbithane ehake yaŋ.
- ⁶Yɔnánŋ ɔ wɔŋ ruma ra aŋfon ŋa áyɔkme, ɔwa ɔ sene áthɛbɛŋ ŋa areka. Ɖ di elama yi rɛmai ra ro kanth.
- ⁷kɔ tam kɛpa, Ukin ɔ tɔ der kɛdarɔŋ kámi, ɔ thasi mi afɔsɔ, ɔwa mine i bek hɛ sane tɔ kɛsɛli rabeŋa ra ekɔftha yɔŋ.
- ⁸Mineŋ i baftays nu yi mánt, kɛre kɔnɔ ɔ tɔ baftays nu yi ɔYina mɛsɛm.
- ⁹Ka pɛ re yi ka márey mati-e, Yisɔsánŋ ɔ wur ro Nasareth ake ro Kalili, ka Yɔnánŋ ɔ baftays kɔ ka kábánŋ ka Yɔrdan.
- ¹⁰Ka ɔlɛmp wati ɔ wur ro mant-e, ɔ nɛnk ákáriyana kɛ kanthe, ɔwa ɔYina mɔ kɛpɛrɛm ɔ thorɛr kɔ.
- ¹¹Ka rim rɛ wur ka ákáriyana, rɛ pa, Munɔ yi ɔWan kámi uboθhɛr, ɔwe po thesis áŋmerá a mi.
- ¹²Ka ɔlɛmp wati ɔYina ɔ bál kɔ ro wula.
- ¹³kɔ yi ro wula mɔrey tɔgba tɔrɔŋ, ka Sethani ɔ gbɔns kɔ. Ɖ yi kɛtɔŋ ka ɛsɛm ya ro kanth, kɛre aŋmáleka aŋ yɔna kɔ.
- ¹⁴Kɛdarɔŋ ka mɛ a po bot Yɔnánŋ ka áŋseth ŋa tɔrɔŋka-e, Yisɔsánŋ ɔ der ro Kalili, ɔ tamɔs ákera kɛfínɔ ka Kuru,
- ¹⁵kɔ pa, Áŋlɔkɔ aŋ lasɛr, ɔwa rábáy ra Kuru rɛ po fat. Thupi nu, ɔwa lane nu ákera kɛfínɔ.
- ¹⁶Ma ɔ bɔ thas ka kábánŋ ka ro Kalili rayer-e, ɔ nɛnk Saymɔnánŋ yi Andrɔŋ ɔwɔnt kɔŋ, aŋ fitha kɛpɛl ro baŋ, kotáy-e aŋ yi alɛm.
- ¹⁷Ka Yisɔsánŋ ɔ pa ro ŋaŋ, Der nu tán mi, ɔwa i ti sɛki nu alɛm afɛm.
- ¹⁸Ɖwa ka ɔlɛmp wati aŋ tey tapɛl taŋ, aŋ tán kɔ.
- ¹⁹Ma ɔ thas rodi ɔthan-e, ɔ nɛnk Yemɔsánŋ yi ɔwɔnt kɔŋ Yɔnánŋ, aŋwuth ŋa Sebidi, ɔwa ŋaŋ sɔ aŋ yi ro bil, aŋ bɛmpa bɛmpa tapɛl taŋ.



- 20Ka ɔlɛmp wati ɔ tela ɲa, kaɲ tey Sɛbidi-əɲ ɔkas ka ɲaɲ ro bil yi ɛbɔy ɛyamɔ, kaɲ tɔɲ kɔ.
- 21kaɲ kɔ ro Kepaniyɔm. Ɖwa ka ɔlɛmp wati ka ɳɲrey ɲa aɳsabath ɔ wɔɲ ka ɳɲseth agbanɛ, ɔ thɔksa.
- 22kaɲ kabanɛ ta kathɔksa kɔɲ, ɳtesoma-e ɔ thɔksa ɲa mɔ wuni ɔwe ba afɔsɔ, pɛ yi hɛ mɔ aɲkarmɔkɔ.
- 23Ɖwa wuni ɔ yi ka ɳɲseth ɲaɲ agbanɛ, ɔ ba ukɛrɛfi ulɛs.
- 24Ɖ woɲa, ɔ pa, Tey su, ko sɛ ba yi munɔɲ-a, munɔ Yisɔs ɔwe ro Nasareth-e? Mɛ der tɛ kɛdim su-i? I tɛrɔ ɔwe mɛ yi-e, ɔSɛm ka Kuru.
- 25Kɛrɛ Yisɔs ɔ ɲal kɔ, ɔ pa, Taɲk, wur ro ɲɔɲ.
- 26Ɖwa ɔkɛrɛfi ulɛs ma ɔ po yɔ kɔ ɔbaɲ-e, ɔ woɲa rɛ rim rɛbɔli rɛkɔm, kɔ wur.
- 27Aɲfɛm bɛ aɲ kabanɛ haɲ aɲ yifthanɛ, aɲ pa, Ko tɔy te-e? Ko kɛthɔksa kɛfu ka-ake-e? kotɔy-e rɛ afɔsɔ ɔ yamari aɲkɛrɛfi alɛs, kaɲ tɛlɔ kɔ.
- 28Ɖwa ka ɔlɛmp wati tɔgbuɲ tɔɲ tɛ gbanthene der o der ka ɳɲthɔf bɛ ro Kalili.
- 29Maɲ wur ka ɳɲseth agbanɛ-e, aɲ wɔɲ ka ɳɲseth ɲa Saymɔn yi Andrɔɲ, yi Yemɔsɔɲ dɛ yi Yɔnɔɲ.
- 30Kɛrɛ ɔniɲkara ka Saymɔn ɔ fɛnthɔ ɔ tu mɛdɛr mɛgbipanɛ. Ka ɔlɛmp wati aɲ kanɛ Yisɔsɔɲ ta atɔɲ.
- 31kɔ der ɔ wop kɔ ka kɔta, ɔ yɔ kɔ ɔ yokanɛ. Ka mɛdɛr mɛgbipanɛ mɛ ter kɔ, kɔ yokanɛ, ɔ yɔna ɲa.
- 32Ka rɔfɔy-e, ma aret rɛ po wɔɲ-e, aɲ kɔrɔ ro ɲɔɲ afɛm atuy bɛ-e, yi aɲa ba akɛrɛfi.
- 33Ɖwa aɲfɛm ɲa kɔpɛt bɛ aɲ thonklane ka kadare.
- 34kɔ yenkɛs afɛm agbɔthi aɲa ba tɛtu tɛtɔp tɛtɔp, ɔ wurɔ akɛrɛfi agbɔthi. Ɖ selɔ hɛ aɲkɛrɛfi aɲ fɔf, kotɔy-e aɲ tɛrɔ kɔ.
- 35Ka bɛth, ma pɛ te tha sɔk-e, Yisɔsɔɲ ɔ yokanɛ ɔ wur, ɔ kɔnɛ rɛ der ɔyɛɲ, ɔ ramnɛ.
- 36Ka Saymɔnɔɲ yi ɲaɲ aɲa la yi kɔnɔɲ aɲ tɔɲ kɔ.
- 37Maɲ fir kɔ-e, aɲ pa ro ɲɔɲ, Aɲfɛm bɛ aɲ thens mu.
- 38kɔ pa ro ɲaɲ, Maɲ kɔnɛ nu der ulɔm ka tapɛt tɛlɔm, kɔmɔ i tamɛs ri sɔ, ɳtesoma-e ta ɳte tɛ i der.
- 39Ɖwa ɔ tamɛs ka ɛseth yaɲ ɛgbanɛ ro Kalili bɛ, kɔ wurɔ akɛrɛfi.
- 40Ka wuni ɔwe ba arom ɔ der ro ɲɔɲ, ɔ nɛmthene kɔ, ɔ sɔna kɔ tɔwu, ɔ pa ro ɲɔɲ, Bɛpi mɛ selɔ-e, mɛ gbɛli fɛthɛr mi.



⁴¹Ma áney aŋ wop Yisósáŋ-e, ɔ thanthi káta kɔŋ, ɔ gboŋ kɔ, kɔ pa ro rɔŋɔŋ, I selɔ. Yi ugbɔraŋ.

⁴²Ka ɔlɛmp wati arom aŋ gbapɛ kɔ, kɔ yi ugbɔraŋ.

⁴³Ka Yisósáŋ ɔ maŋ kɔ kiriŋ kiriŋ kɔpa,

⁴⁴Botnɛ kámá mɛ te lɔm ti rɔ wuni o wuni, kɛrɛ kɔnɛ mɛ tɔrinɛ ka ɔfode, ɔwa mɛ sɔŋ mayɛt ama Mosisáŋ ɔ yamari ta kagbili, tɔ kɛseri ro ŋaŋ.

⁴⁵Kɛrɛ ma ɔ wur-e, ɔ tɔp kɛtamɛs ti ɔgbathi, ɔ gbanthɛnɛ áŋpa haŋ Yisósáŋ ɔ gbɛli hɛ sɔ wɔŋ ro pet gbafɔth, kɛrɛ ɔ yi gbo dɛr ɔyɛŋ. Rɔ aŋfɛm aŋ kál bɔp kɔ kɔwɔr dɛr o dɛr.

Mark 2

¹Ma mɔrɛy mɛlɔmanɛ mɛ thas-e, Yisósáŋ ɔ kál wɔŋ ro Kepaniyɔm. Ka a tɔri ti kɔpa ɔ yi ro seth.

²ɔwa afɛm agbáthi aŋ thonklanɛ dɛr ɔkin haŋ dɛr ɔ yi hɛ sɔ rodi ka kadare, kɔ fɔfánɛ ŋa árim ra Kuru.

³Ka afɛm aŋ dɛr ro ŋɔŋ, aŋ kárá kɔ wuni ɔwe ba mɛthanthaŋ, afɛm ŋanlɛ aŋ gbánɛ kɔ.

⁴Maŋ te gbɛli fat kɔ salata áruniya-e, aŋ sɛli ɔgbak wa áŋseth ro ɔ yi, ɔwa maŋ po buli ri-e, aŋ thora kafɛnt ro ɔwuni tu mɛthanthaŋ ɔ fɛnthá.

⁵Ma Yisósáŋ ɔ nɛnk kálanɛ ka ŋaŋ-e, ɔ pa ka ɔwe ba mathanthaŋ, Wan, a po tera ɛhake ɛ mu.

⁶Kɛrɛ akarmɔkɔ alɔm aŋ yirá ri, aŋ fɔfnɛ ka ɛmerá yaŋ,

⁷To som ɔlanɔba ɔwe mɛ fɔf Kuru ɔlɛs-e? Kanɛ gbɛli tera wuni ɛhake thambe Kuru Mɛsaba son-e?

⁸Ka ɔlɛmp wati ma Yisós ɔ sɔthnɛ ka áŋmerá ŋɔŋ kɔpa ya aŋ fɔfnɛ ka ɛmerá yaŋ-e, ɔ pa ro rɔŋaŋ, kɔyɛŋ mɛ nɛ nanɛ mátáy amɛ ka ɛmerá ɛ nu-e?

⁹Areke tha yi atuy táy, tɔ kɔpa ka ɔwe tu mɛthanthaŋ, A po tera mu ɛhake ɛ mu-e, thalɔm tɔ kɔpa, Yokanɛ, gbasi kafɛnt ka mu, mɛ kɔth-e?

¹⁰Kɛrɛ kámá nɛ tárá kɔpa ɔWan ka wuni ɔ ba afɔsɔ ka ádáru tɔ kɔtera wuni ɛhake yɔŋ-e, ɔ pa ka ɔwe ba mathanthaŋ,

¹¹I kanɛ mu, Yokanɛ, gbasi kafɛnt ka mu mɛ kɔ ro seth ka mu.

¹²Ka ɔlɛmp wati ɔ gbasi kafɛnt, ɔ wur, ɔ kɔth rodi ka ŋaŋ bɛ, haŋ ŋa bɛ aŋ kabanɛ, kaŋ yikis Kurɔŋ, aŋ pa, Sɔ la hɛ nɛnk táy tɔwunɔŋ.

¹³kɔ wur, ɔ kɔnɛ sɔ ro baŋ rayer, ka áruniya bɛ rɔ dɛr ro ŋɔŋ, kɔ thɛksa ŋa.

¹⁴Mɔ mɔ thas ri-e, ɔ nɛnk Libay, ɔwan ka Alfíɔs, ɔ yirá ka ɔdɛr ro mɛ a gbasi ɛfák, ɔ pa ro ŋɔŋ, Tán mi. Kɔ yokanɛ ɔ tán kɔ.



¹⁵Ka pə re yi ma Yisósàŋ ɔ yirà ka kədi ka àŋseth ɲa Libay-e, anthonkla efàk yi anɲəm ɲa ehake agbàthi an yirà yi Yisósàŋ de yi ankarande ɲɔŋ, kotáy-e ɲa agbàthi anja tɔŋ kɔ.

¹⁶Ma ankarande yi anɲarisi an nənɲ kəpa ɔ di yi anɲəm ɲa ehake yi anthonkla efàk-e, an pa ka ankarande ɲɔŋ, To som mɔ di ɔwa ɔ mun yi anthonkla efàk yi anɲəm ɲa ehake-e?

¹⁷Ma Yisós ɔ təl ti-e, ɔ pa ro ɲan, ɔan anja yi ayenki mæder an yema he ubolomba, kere ante yenki mæder, ɲa yema ubolomba. I der he tɔ kəmuti anɲompi, kere i der tɔ kəmuti anɲəm aləs tɔ kəthupi.

¹⁸Ankarande ɲa Yɔn yi anɲarisi an wop asum, kan der ka Yisós, an pa ro ɲɔŋ, To som ankarande ɲa Yɔn yi anja anɲarisi an wop asum, kere ankarande a mu an wop he-e?

¹⁹Ka Yisósàŋ ɔ pa ro ɲan, Anɲathki ɲa amet ma kanantə an gbəli wop asum-i ma ɔnantə ɔ yi yi ɲan-i? Fani ɔruni ɔwe ba kanantə ɔ yi yi ɲan-e an gbəli he wop asum.

²⁰Kere mærey mɔ tɔ der ma a ba kənɔi ɲa ɔnantə, ɔwa an tɔ wop asum ka mærey mati.

²¹Wuni ɔ gbap he arombo ɲa kotha kəfu rə ruma rəkur. Bepi pə yi yi-e, anrombo an tɔ pim aruma, ɔwa ɔpima ɔ bār gbo ləsà.

²²Wuni ɔ bot he mæber mæfeth rə təbos təkur. Bepi pə yi yi-e, maber mɔ tɔ gbai tabos, ɔwa maber mɔ tɔ kasara yi tabos. Tiyán mæber mæfeth mɔ mar gbo təbos təfu.

²³Ka pə re yi Yisósàŋ ɔ bɔ gbəkinɛ atɔr ka anɲey ɲa anɲabath-e. ɔwa ankarande ɲɔŋ man kɔ-e, an tɔp kəsimeh mægbas.

²⁴Ka anɲarisi an pa ro ɲɔŋ, Kəla, kəyey mɔ an yɔ àte te yi təlompi ka anɲey ɲa anɲabath-e?

²⁵Ka Yisós ɔ pa ro ɲan, Nə tha karan he àte Debid ɔ yɔ-i, ma ɔ paŋ rəka, ɔwa dor rə wop kɔ yi ɲan anja yi de yi kənɔ-i?

²⁶Mɔ ɔ wɔŋ ka anɲseth ɲa Kuru ka anɲlɔkɔ ɲa Abiyathar ɔfode ubana, kɔ di kabo kəsəm àke te mar di thambe anɲfode gbo-i, ɔwa ɔ kál sɔ sɔŋ anja yi yi kənɔ-i?

²⁷kɔ pa ro ɲan, A bempa anɲabath ta wuni kəpet, pə yi he wuni kəpet ta anɲabath.

²⁸Tiyán ɔWan ka wuni ɔ yi sɔ ɔMarki ka anɲabath.

Mark 3

¹Ka Yisósàŋ ɔ wɔŋ sɔ ka anɲseth agbanɛ, kɔ bəp ri ulanɲba ɔwe ba kəta kəfi.

²Ka anɲəm an kəli kɔ tɔŋ, bepi ɔ tɔ yenkəs kɔ ka anɲey ɲa anɲabath, kámà an gbəli gbánthir kɔ.

³kɔ pa ka ɔlanɲba ɔwe ba kàta kəfi, Təmà nɔ.



- ⁴kɔ yif aɲfɛm, Olompi ka aɲrey ɲa aɲsabath tɛ kɛyɔ tɔy tɛfɛnɔ-i, thalɔm tɛ kɛyɔ tɔy tɛlɛs-i? Tɛ kɛkɛsis ɲɛsɛm-i thalɔm tɛ kɛdif wuni-i? Kɛrɛ aɲ taɲk.
- ⁵Pɛ yi kɔ ɔnɔsɛnɛ ma ɔ nɛnk aɲ gbolɲas tabuth taɲ, kɔ kɛli ɲa yi mɛbaɲ, kɔ pa ka ɔlaɲgba, Thanthi kɔta ka mu. Kɔ thanthi ki ka kɔta kɔɲ kɔ yɛɲk.
- ⁶Ma aɲFarisi aɲ wur-e, aɲ kɔnɛ lɛmp ka aɲHerodian kɔmɔ aɲ nɛɲkanɛ to mɛ aɲ yɔ kɔmɔ aɲ dif kɔ.
- ⁷Kɛrɛ Yisɔs ɔ wur ri yi aɲkarande ɲɔɲ, ka aɲ kɔnɛ ro baɲ. Ka runiya rɛbana kɛwɔr ro Kalili yi ka Yudia rɛ tɔɲ kɔ.
- ⁸ɔwa runiya rɛbana sɔ kɛwɔr ro Yerusalem, ro Idɔm yi ka kɔbɔɲ ka Yɔrdan mɔri, yi ka aɲthɔf aɲa gbɛtɔ ro Tair yi ro Sidon, aɲ der ro ɲɔɲ maɲ tɛl ta mɔtɔy mɛbana ama ɔ po yɔ.
- ⁹ɔ pa ka aɲkarande ɲɔɲ, ta aɲ bɛnɛnɛ kɔ abil alɔl salata ɔruniya, kɔmɔ aɲ tɛ thiɲkanɛ kɔ,
- ¹⁰ɔtesoma-e ɔ po yɛnkɛs agbɔthi. Tiyaɲ ɲa bɛ aɲa ba tɛtu aɲ fumpɛr kɔ kɔmɔ aɲ gbɔɲ kɔ.
- ¹¹ɔwa aɲkɛrɛfi alɛs, alɔkɔ o lɔkɔ aɲ nɛnk kɔ-e, aɲ gbapsa ro thɔf, aɲ wɔɲa, aɲ pa, ɔWan ka Kuru munɔɲ.
- ¹²Kɛrɛ ɔ maɲ ɲa asɔbɛ kɔmɔ aɲ tɛ ɲaibi kɔ.
- ¹³kɔ gbɛp ka kateɲ, ɔ tela ro ɲɔɲ aɲa kɔn kɔnɔnɛ ɔ yema, kaɲ kɔnɛ ro ɲɔɲ.
- ¹⁴kɔ thithɛs afɛm tɛfɔt ɲarɛɲ kɔmɔ aɲ yi ro ɲɔɲ, ɔwa kɔmɔ ɔ somɛth ɲa tɛ kɛtamɛs,
- ¹⁵yi tɛ kɛba afɔsɔ tɛ kɛyɛɲkɛs aɲtuy, dɛ yi tɛ kɛwura akɛrɛfi alɛs.
- ¹⁶kɔ sɔɲ Saymɔn aɲɛs ɲa Pita;
- ¹⁷ɔwa Yemɔs ɔwan ka Sɛbidi yi Yɔn ɔwɔnt ka Yemɔs, aɲa ɔ sɔɲ mes Bowanakes, ɲɔ yi kɛpa, aɲwuth ɲa arɛɲ.
- ¹⁸Andru, Filip, Barthɔlɔmiyu, Mathiu, Thɔmɔs, Yemɔs ɔwan ka Alfiyɔs, Thadiyus, Saymɔn ɔwɛ ro Kena,
- ¹⁹yi Yudas Iskariyɔt ɔwɛ sɔnd kɔ. kaɲ wɔɲ rɔ ɔsɛth.
- ²⁰ɔwa ɔruniya rɛ kɔl thɔɲkɛlanɛ sɔ, haɲ pɛ fɔyɛ sɔ di bɛ.
- ²¹Ma aɲyathki ɲɔɲ aɲ tɛl ti-e, aɲ wur tɛ kɛwɔp kɔ, aɲ pa, ɔ po wɔɲ mɛmɛl.
- ²²Aɲkarmɔkɔ aɲa wur ro Yerusalem-e, aɲ pa, ɔ ba Biyɛlsibɔb, ɔwa ɔ wurɔ aɲkɛrɛfi ka aɲfɔsɔ ɲa ɔbɔy ka aɲkɛrɛfi.
- ²³kɔ tela ɲa ro ɲɔɲ, ɔ pa ro ɲaɲ rɔ ɛlomɔ, To Sethani mɔ gbɛli wurɔ Sethani-e?
- ²⁴Bɛpi mɛputhanɛ mɛ wɔɲ rɔ rɛbɔy, rɔbɔy rati rɛ gbɛli hɛ won.



- ²⁵Bepi məputhane mə wəŋ rā əseth-e, əŋseth ŋati aŋ gbəli he təmə.
- ²⁶Ɔwa bepi Sethani ɔ po yokar kən kənəne, ɔwa ɔ gbayane, ɔ gbəli he təmə, ɔthalne wəŋ ɔ bek.
- ²⁷Wuni o wuni ɔ gbəli he wəŋ ka əŋseth ŋa wuni ɔwe ba afɔsɔ, ɔ ləsər eyet yəŋ, thambe ɔ mɔtha sek ɔwe ba aŋfɔsɔ. Kədarəŋ kati ɔ tɔ ləsər əŋseth ŋəŋ.
- ²⁸Tentene i pa ro nu, A tɔ tera ehake be ya aŋwuth ŋa aŋfəm, yi táfɔf taŋ tələs ate maŋ fɔf,
- ²⁹kere wuni o wuni ɔwe mə fɔf ɔləs kəŋamne ɔ Yina məsəm a tera he kɔ ti thəbana, ɔ ba mətheri ma ahake thəbana.
- ³⁰Pəkasiƒe aŋ po pa, Ɔ ba ukərəfi uləs.
- ³¹Ɔkara kəŋ yi aŋwənt ŋəŋ aŋ der, aŋ təmə rokaŋ, kaŋ som kətela kɔ.
- ³²Ɔwa runiya rə yirə rə gbətɔ kɔ, aŋ pa ro ŋəŋ, Ɔkara ka mu yi aŋwənt mu aŋ yi rokaŋ aŋ thens mu.
- ³³kɔ pa ro ŋaŋ, Kane yi ɔkara kəmi yi aŋwənt mi-e?
- ³⁴kɔ kəli kəli ŋa aŋa yirə ri, ɔ pa, Kəli ɔkara kəmi yi aŋwənt mi!
- ³⁵Ātesoma-e wuni o wuni ɔwe mə yɔ məselɔ ma Kuru-e kənɔ yi ɔwənt mi runi, yi ɔwənt mi bera, yi ɔkara kəmi.

Mark 4

- ¹Ka Yisəsəŋ ɔ tɔp sɔ kəthəkɔsa ro baŋ rayer. Ka runiya rəbana rə thoŋklane ro ŋəŋ, kɔ wəŋ ka abil alɔl, ɔ yirə ri ro baŋ ka aŋfəm be aŋ yirə ro gbaŋ ka kəbāŋ dayer.
- ²kɔ thəkɔsa ŋa mətəy məgbathi rə elomɔ, kɔ pa ro rəŋaŋ ka kəthəkɔsa kəŋ,
- ³Su nu eləns. Kəla, usak ɔ wur tɔ kəsak,
- ⁴ka pə re yi, mə mə sak-e, məter mələm mə fumpɔ ro roŋ dayer, ka ebəmp aŋ der aŋ gbaməs ma.
- ⁵Ɔwa mələm mə fumpɔ rə agbalaŋ aŋa te ba əthɔf egbathi. Ɔləmp wati mə ləkɔ, ma mə te ba əthɔf ebɔləŋ-e,
- ⁶kere ma aret rə put-e, mə fianɛ, ɔwa mə wela ma mə te ba əthəŋk.
- ⁷Mələm mə fumpɔ rə təbaŋk, ɔwa ma tabaŋk tɔ ləkɔ-e, tɔ thiŋkane ma haŋ mə kom he məkomi.
- ⁸Ka mələm mə fumpɔ rə athɔf afinɔ, ka mə kom məkomi, mə bək, mə fui. Mələm mə kom məkomi mələ ma kəgba tɔfɔt, mələm təgba təsas, mələm keme kin.
- ⁹kɔ pa ro ŋaŋ, Ɔwe ba eləns ta ɔ təl.



- 10** Ɔwa ma Yisɔsɔn ɔ tiyà kɔn son-e, aɲtɔfɔt ɲarɔn yi aɲa yi yi ɲaɲ-e, aɲ yif kɔ tɔ kɔlɔkthia ɲa aɲlomɔ.
- 11** kɔ pa ro ɲaɲ, A sɔn nu tɔ kɔtara aɲgbundu ɲa rɔbɔy ra Kuru, kere ka ɲaɲ aɲa yi rokɔɲ-e, mɔtɔy ame be mɔ yɔne rɔ elomɔ,
- 12** kɔmɔ bepi aɲ kɔli-e aɲ nɔnk kere aɲ sɔthne he. Ɔwa kɔtɔl aɲ tɔ tɔl kere pɔ sɔk he ɲa; ta thani aɲ kɔl lafthe, ɔwa a tera ɲa ehake yaɲ.
- 13** kɔ pa ro ɲaɲ, Nɔ te he aɲlomɔ aɲe-i? Ɔwa to mɔ nɔ yɔ nɔ tɔrɔ elomɔ be-a?
- 14** Ɔsak ɔ sak ɔrim.
- 15** Aɲa yi ro rɔn ɔayer ro a sak ɔrim, ɲa yi aɲa bepi aɲ pɔ tɔl-e, Sethani ɔ der ɔlemp wati ɔ nɔy ɔrim ara a sak ro rɔnɔn.
- 16** Ya pɔ yi sɔ mɔ aɲlom aɲa a sak ka aɲgbalaɲ-e, maɲ tɔl ɔrim, ka ɔlemp wati aɲ malane ri yi mɔbɔne,
- 17** kere maɲ te ba ethɔnk rokor ka ɲaɲ-e, aɲ muyu ɔthan gbo; kɔdarɔn kati bepi mɔne-e, thalɔm asɔmpane aɲ der salata ɔrim, ka ɔlemp wati aɲ tɔ pɔnthɔla.
- 18** Alɔm-e, a sak ɲa ka tabaɲk. Ɔaɲ ɲa yi aɲa tɔl ɔrim,
- 19** kere esoli ya ɔdaru, yi matɔns ma rɔyola, ɔwa mafela ma mɔtɔy mɔlom mɔ der-e, mɔ thiɲkane ɔrim, ɔwa rɔ ba he mɔkomi.
- 20** Ɔwa aɲa a sak ka aɲthɔf afino, maɲ tɔl ɔrim aɲ malane ri, ɔwa aɲ kom mɔkomi mɔlo ma kɔgba tɔfɔt, mɔlom tɔgba tɔsas, mɔlom keme kin.
- 21** kɔ pa ro rɔnɔn, A kɔrɔ kɔmule tɔ kɔbot ki ka ɔthunthɔ roratha ba, thalɔm ka kɔfɔnt roratha-i, a kɔrɔ he ki tɔ kɔbot ki ka ɔtɔmɔr wati-i?
- 22** kɔtɔy-e koko ara a maɲk rɔ yi he ara mɔ a te ba kɔwur gbafɔth; amurare aɲ yi he aɲa mɔ a te ba kɔtara.
- 23** Bepi wuni ɔ wuni ɔ ba elɔns-e, ta ɔ tɔl.
- 24** kɔ pa ro ɲaɲ, Bot nu rɔ ɔmerɔ ɔte nɔ tɔl. Anthuntha aɲa nɔ thunth-e, ɲɔ mɔ a thuntha nu. Ɔwa a tɔ kɔl bɔrɔ nu sɔ.
- 25** Ɔtesoma-e kɔnɔ ɔwe ba-e, ɔ tɔ bɔr sɔthɔ, ɔwa kɔnɔ ɔwe te ba-e, a tɔ nɔy kɔ ara ɔ ba.
- 26** kɔ pa sɔ, Rɔbɔy ra Kuru rɔ yi mɔ ulaɲgba mɔ ɔ sak mɔter ka aɲthɔf.
- 27** Ɔwuni ɔ dirɔ, ɔ thɔme tɔtɔk yi rɔyaɲ, ɔwa ma mater mɔ lɔkɔ, ɔwa mɔ bɔk-e, ɔ te he aroɲ dati.
- 28** Aɲthɔf gben aɲ wur mɔkomi; kɔtɔtɔkɔ kɔpotɔn. Kɔdarɔn kati mɔkomi, kɔdarɔn kati mɔkomi mɔbaki.
- 29** Kere bepi mɔkomi mɔ bɔk-e, ka ɔlemp wati ɔ kɔrɔ aɲthis arɔka, pɔkasife aɲlɔkɔ ɲa karɔk aɲ bek.



- ³⁰kɔ pa, Ko rɛka raŋ mə sə bálàné rábáy ra Kuru-e? Thalóm ko alomɔ mə sə lomɔ ri-e?
- ³¹Rə yi mə aluka ŋa amustard, aŋa pə yi bepi a tɛp ŋi ka aŋthɔf-e, hali maŋ yi alɔl athasi maluka bɛ ka ádàru-e
- ³²kɛrɛ ma a tɛp ŋi-e, aŋ lɔkɔ-e, aŋ səkɛ ábana pəthasi ebuma bɛ, aŋ wur mərə məbana, haŋ ebámp ya aŋfena aŋ gbəli yianɛ roratha ka aŋfɔyr ŋati.
- ³³Ɔwa ɔ fɔfáne ŋa árim rə elomɔ egbathi ewunɔŋ, mə mə aŋ gbəli təl.
- ³⁴Ɔ fɔfáne hɛ ŋa thambe rə alomɔ, kɛrɛ ka aŋkarande ŋɔŋ ɔ yɛksi mátáy bɛ, maŋ tiyá ŋa son.
- ³⁵Ka aŋrɛy ŋati ma ráfɔy rə po bek-e, ɔ pa ro ŋaŋ, Maŋ fəsi nu roməri ka aŋgbáp alóm.
- ³⁶Maŋ po tey áruniya-e aŋ keranɛ kɔ ka aŋbil mə ɔ yi. Ka təbil təlóm tə kɔ yi kɔnɔ.
- ³⁷Ka kəŋkəl kəbana kə yokanɛ, ɛmunkəl ɛ wɔŋ ka aŋbil, ka aŋbil aŋ yema la mánt.
- ³⁸Kɛrɛ kɔnɔ ɔ yi rodarəŋ ka aŋbil-e, ɔ dirá ka aŋpila, kaŋ thəmi kɔ, aŋ pa ro ŋɔŋ, Karməkɔ, tə ba hɛ mu táy bepi sə dinɛ-i?
- ³⁹kɔ thəmə, ɔ ŋal aŋfɛf, ɔ pa ka kábáŋ, Taŋk, thɔfəla thɔŋ. Ka aŋfɛf aŋ poŋ, ka pə kál yi ɔthɔfəl bɛm.
- ⁴⁰kɔ pa ro ŋaŋ, kɔyɛŋ nə nesa-e? Nə tha ba hɛ kələnɛ-i?
- ⁴¹kaŋ nesa haŋ aŋ pa ukin yi ulóm, Kanɛ yi ɔwe-e, ɔwe pə yi hali aŋfɛf yi kábáŋ, ɛ tələ kɔ-e?

Mark 5

- ¹kaŋ fəsi kábáŋ məri, ka aŋthɔf ŋa aŋKarasin.
- ²Ma ɔ wur ka aŋbil-e, ka ɔlɛmp wati ulanŋba ɔwe ba ukərəfi uləs ɔ wur ka taboma ɔ gbənɛ kɔ.
- ³Ɔlanŋba ɔwe ɔ ba mayira mɔŋ kətɔŋ ka taboma, ɔwa wuni o wuni ɔ gbəli hɛ sek kɔ, hali rə tɔrɛntha,
- ⁴átesoma-e ɛlɔkɔ egbathi a seka kɔ egbete yi tɔrɛntha-e, kɛrɛ ɔ piməs atɔrɛntha-e, ɔ siməth egbete. Wuni o wuni ɔ ba hɛ afɔsɔ tə kətham kɔ.
- ⁵Lɔkɔ o lɔkɔ, tatak-o, rəyaŋ-o, ɔ yi ka táteŋ yi ka taboma, ɔ sɔŋkɔ, ɔ gbəkəsɛ yi məsaraŋ.
- ⁶Kɛrɛ ma ɔ nənɔk Yisəs ɔbəli poŋ, ɔ gbukɛ ɔ bátho kɔ,
- ⁷kɔ sɔŋkɔ yi rim rəbəli rəkóm, ɔ pa, Ko táy táŋ i ba yi munɔ-e, Yisəs munɔ ɔWan ka Kuru ɔBəlirəkóm bɛ-e? Ka aŋɛs ŋa Kuru, i nɛmthɛnɛ mu kámá mə te sɔmpa mi.
- ⁸kotáy-e ɔ po pa ro ŋɔŋ, Wur ka ɔlanŋba, munɔ ɔkərəfi uləs ɔwe.



- ⁹kɔ yif kɔ ʌŋes ŋɔŋ, kɔ wosa, ɔ pa, ʌŋes a mi ʌŋ yi Runia, ʌtesoma-e sa agbáthi.
- ¹⁰kɔ nɛmthɛnɛ kɔ kámá ɔ te bál ŋa ka ʌŋthɔf.
- ¹¹ʌŋlɔkɔ ŋati, kuthi kɛbana ka tɛsɔp kɛ bɔ wɔnth ri ka kateŋ rayer.
- ¹²Ka ʌŋkɛrɛfi ʌŋ nɛmthɛnɛ kɔ ʌŋ pa, Somra su ka tasɔp kámá sɛ wɔŋ ŋa.
- ¹³Ka Yisɔsɔŋ ɔ malanɛ. Ka ʌŋkɛrɛfi alɛs ʌŋ wur kɔ ʌŋ wɔŋ ka tasɔp, ka akuthi (mɔlo ma ɛwul yerɔŋ) kɔ gbunɔklɛ ka ʌŋtɔmp ŋa kábáŋ, kaŋ po fi ro mánt.
- ¹⁴Ka ŋaŋ ʌŋa wɔnthɔr ŋa ʌŋ gbukɛ, ʌŋ kanɛ ti ro pɛt, yi ka ʌŋthɔf. Kaŋ der tɔ kɛkɛli ʌte po yɔnɛ.
- ¹⁵Maŋ der ka Yisɔs-e, kaŋ nɛnk ɔlanɔgba ɔwe la ba ʌŋkɛrɛfi alɛs-e, ɔ yirá, ɔ lopra, ɔwa ɔ ba ʌmɛrɔ akɛnɛ-e, ʌŋ nesa.
- ¹⁶Ɖaŋ ʌŋa nɛnk ti-e, ʌŋ tɔri ŋa ʌte yɔnɛ kɔ ɔwe la ba ʌŋkɛrɛfi alɛs, yi ta tasɔp.
- ¹⁷kaŋ wɔŋ kɛnɛmthɛnɛ kɔ kámá ɔ wur ka ʌŋthɔf ŋaŋ.
- ¹⁸Mɔ mɔ wɔŋ ro bil-e, kɔnɔ ɔwe la ba ʌŋkɛrɛfi ɔ nɛmthɛnɛ kɔ kámá ɔ yi ro ŋɔŋ.
- ¹⁹Kɛrɛ ɔ selɔ hɛ, ɔ kanɛ kɔ, Kɔnɛ ro seth ka mu ka ʌnyathki a mu, kámá mɔ kanɛ ŋa máty mɛbana ama ɔMarki ɔ yɔna mu, ɔwa mɔ mɔ ba ʌney ta ʌtá mu.
- ²⁰kɔ kɔnɛ, ɔ tɔp kɛtamɛs ro Dikapɔlis máty mɛbana ama Yisɔsɔŋ ɔ po yɔna kɔ. Ka ʌŋfɛm bɛ ʌŋ kabanɛ.
- ²¹Ma Yisɔsɔŋ ɔ baká ka ʌŋbil ɔ kál fɛsi romɔri-e, runiya rɛbana rɛ thɔŋklanɛ ro ŋɔŋ. ʌŋlɔkɔ ŋati ɔ yi ro baŋ rayer.
- ²²Ka ukin ka ʌŋkɛrbomp ka ʌŋseth agbanɛ ɔ der, ʌŋes ŋɔŋ ŋɔ yi Yairɔs. Ma ɔ nɛnk kɔ, ɔ fumpɔ ka ʌtátɛk tɔŋ,
- ²³ɔ nɛmthɛnɛ kɔ ɔthasɔr, ɔ pa, Ɖwan kámi ubɛra ɔ yema fi, ɔmari mu, der kámá mɔ dɛŋ kɔ máta ma mu, kámá ɔ kál yɛŋk, ɔwa ɔ kɛli.
- ²⁴Ka Yisɔsɔŋ ɔ paya kɔ; ka ʌruniya rɛbana rɛ tɔŋ kɔ, rɛ thɛŋkanɛ kɔ.
- ²⁵Ka wuni bom ɔwe wur mɛtir ka tɔrɛn tɔfɔt tɔrɔŋ,
- ²⁶ɔwa ɔ po thas máty mɛgbáthi ka máta ma ʌŋbolomba, ɔ po lɛsɔr ara ɔ ba bɛ, kɛrɛ pɔ fisa hɛ kɔ, ɔ bɔr gbo nakasi;
- ²⁷ma ɔ tɛl ta Yisɔsɔŋ, ɔ der rodarɔŋ ka ʌruniya, ɔ gbɔŋ aruma rɔŋ.
- ²⁸kotáy-e ɔ pa, Hali gbo i gbɔŋ ʌsuma tɔŋ i ti yɛŋk.
- ²⁹Ɖwa ka ɔlɛmp wati mátir mɔŋ mɔ tey kɛwɔr, kɔ tɛlnɛ ka ʌŋdɛr ŋɔŋ kɛpa ratu rɔŋ rɔ pɔŋ.
- ³⁰Ka ɔlɛmp wati-e, ma Yisɔsɔŋ ɔ tɛlnɛ kɛpa ʌŋfɔsɔ ʌŋ wur kɔ, ɔ fɛlɛ ka ʌruniya, kɔ pa, Kanɛ gbɔŋ ʌsuma ta mi-e?



31Ka ankarande nɔɔ aɔ pa ro nɔɔ, Mə nənɔk ɔruniya rə thiŋkane mu, mə kəl yif, Kane gboɔ mi-e?

32kɔ kəli kəli kámá ɔ nənɔk ɔya ɔwe po yɔ áte.

33Ka ɔya ɔ nesa, ɔ yer ma ɔ tárá átá a po yɔna kɔ, ɔ der, ɔ gbəpsa rodi kɔɔ, ɔ kane kɔ táteɔ be.

34kɔ pa ro nɔɔ, Wan kámi ubera, Kálane ka mu kə po mu yenkəs. Kəne yi məthɔfəl yi kəyeɔk ka ratu ra mu.

35Ma Yisəsán ɔ yi ras ka kəfɔf-e, afəm aɔ der kəwur ka ɔɔseth ɔya ɔwe yi rábomp ka ɔɔseth agbanɛ-e, aɔ pa, ɔwan ka mu bera ɔ fi. Kəyeɔ má mə sɔmpa sɔ ɔkarmɔkɔ kətiɔ-e?

36Kere Yisəsán ma ɔ təl ɔrim ara a fɔf-e, ɔ pa ka ɔwe yi rábomp ka ɔɔseth agbanɛ-e, Te nesa, lane gbo.

37Kere ɔ selo he wuni o wuni ɔ paya kɔ, thambe Pitaɔ, Yeməsán yi Yɔnán, ɔwɔnt ka Yeməs.

38Maɔ bek ka ɔɔseth ɔya ɔwe yi rábomp ka ɔɔseth agbanɛ-e, ɔ bəp asɔnkɔ ábana, ɔwa afəm agbáthi aɔ bok, ɔwa aɔ kulɔ kəkulɔ kəbana.

39Ma ɔ po wɔɔ-e, ɔ pa ro nɔɔ, kəyeɔ mə nə wɔɔa-e, ɔwa nə bok-e? ɔwath ɔ fi he, ɔ dirá gbo.

40kaɔ sel kɔ kəsəl kəbana. Kere ma ɔ po wurɔ ɔya be-e, ɔ kera ɔkas ka ɔwath yi ɔkara kɔɔ, yi nɔɔ aɔya paya kɔ, kámá aɔ wɔɔ ro ɔwath ɔ yi.

41kɔ wop káta ka ɔwath-e, kɔ pa ro nɔɔ, Wath bera, i kane mu, Yokane.

42Ka ɔlɛmp wati ɔwath bera ɔ yokane, ɔ kəth, kotáy-e ɔ ba thɔɔ tərən tɔfɔt tərɔɔ. ɔwa aɔ kabane kəkabane kəbana.

43kɔ yamari ɔya ɔbaksər kámá wuni o wuni ɔ te tárá ti. Kɔ kane ɔya kámá aɔ sɔɔ kɔ da rədi.

Mark 6

1kɔ wur ri, ɔ der ka ɔɔthɔf nɔɔ, ka ankarande nɔɔ aɔ tɔɔ kɔ.

2Ma ɔɔrey ɔya ɔnsabath aɔ bek-e, ɔ təp kəthəksa ka ɔɔseth agbanɛ. ɔwa ɔya agbáthi aɔya təlá kɔ aɔ kabane, aɔ pa, Reke ɔlaɔgba ɔwe ɔ sɔthɔ mátáy ame-e? ɔwa kɔ kətemp kaɔ a sɔɔ ɔlaɔgba ɔwe-e, kámá ɔ yɔ məyɔs məbana məwunɔɔ ka máta mɔɔ-e?

3ɔkamder thahɔ ɔwe-i? ɔwan uruni ka Meri, ɔwɔnt uruni ka Yeməs, Yoses, Yuda yi Saymɔnán-i? ɔwa aɔwɔnt nɔɔ abera aɔ yi he sɔ nə yi saɔ-i? kaɔ ba məbaɔ ta atɔɔ

4Kere Yisəs ɔ pa ro nɔɔ, Unabi ɔ paɔ he yiki, thambe ka ɔɔthɔf nɔɔ, kətɔɔ ka aɔfəm nɔɔ, yi ka ɔɔseth nɔɔ gbeɔ.



- ⁵Ɔwa ɔ gbɛli hɛ yɔ mɛyɔs mɛbana ri, ɔ deŋ gbo mɛta mɔŋ rɛ aboma athɛn, ɔ yenkɛs ɲa.
- ⁶kɔ kabane salata kate lane ka ɲaŋ. Kɔ kɔnɛ kɛthɛksa ka tagbɔm bɛ.
- ⁷kɔ tela aŋtɔfɔt ɲarɛŋ ro ɲɔŋ, ɔ tɛp kɛsom ɲa ɲarɛŋ ɲarɛŋ, kɔ sɔŋ ɲa afɔsɔ rokɔm ka aŋkɛrɛfi alɛs.
- ⁸Ɔ yamari ɲa kɛmɛ aŋ te kera rɛka o rɛka ka aŋbiyas, thambe kɛtɛk, hali kɛbo, agbaŋfa, hali akala ka ebuthu yaŋ.
- ⁹Kɛrɛ ta aŋ wɔŋ ɛkɔftha, ɔwa ɔ kɛl pa, Te wɔŋ suma tɛrɛŋ.
- ¹⁰kɔ pa ro ɲaŋ, Rɛ aseth o seth nɛ wɔŋ-e, yi ri nu haŋ nɛ wur ɔder wati.
- ¹¹Ɔwa dɛr ro a te malane nu-e thalɔm a te tɛlɛ nu-e, ma nɛ wur ri-e, kɔŋkɔŋ kabɔf ɛke yi ka ɛtɛtɛk ta nu ratha tɛ kɛseri ro ɲaŋ. Tɛntɛnɛ i pa ro nu, Pɛ tɛ yi fisa ta Sɔdɔm yi Kɔmɔra ka aŋrɛy ɲa kathonkas pɛthasi kɛpet kati.
- ¹²kaŋ kɔnɛ, aŋ tamɛs kɛpa afɛm aŋ yi tɛ kɛthupi.
- ¹³kaŋ wurɔ akɛrɛfi agbɛthi, kaŋ sop atuy agbɛthi mɛro, kaŋ yenkɛs ɲa.
- ¹⁴Ka ɔbɛy Herɔdɛŋ ɔ tɛl ta atɔŋ, pɛkasife aŋɛs ɲɔŋ aŋ po gbanthɛnɛ dɛr o dɛr, kɔ pa, Yɔn ɔBaftays ɔ po yokane ka rafi. Tiyɛŋ mɛyɔs mɛkabane ame mɛ tɔrine ro ɲɔŋ.
- ¹⁵Alɔm aŋ pa, Ilaya, kɔnɔŋ. Ka aŋlɔm aŋ pa, Unabi wɔŋ mɛ aŋnabi abana.
- ¹⁶Kɛrɛ ma Herɔdɛŋ ɔ tɛl ti-e ɔ pa, Yɔnɛŋ ɔwe i gbetha rabomp-e, ɔ po yokane.
- ¹⁷ɛtesoma-e Herɔdɛŋ kɔn kɔnɔnɛ ɔ po som tɛ kɛwɔp Yɔnɛŋ, ɔ sek kɔ ka aŋseth ɲa tɛrɛŋka salata Herodias, ɔrani ka Filip ɔwɔnt kɔŋ uruni, kotɛy-e ɔ po nɛntɛ kɔ.
- ¹⁸ɛtesoma-e Yɔnɛŋ ɔ pa ka Herɔd, Pɛ yi hɛ ɔlompi tɛ kɔnanta ɔrani ka ɔwɔnt mu.
- ¹⁹Tɛ Herodias ɔ bansɛ ta atɔŋ, ɔ yema naŋ tɛ kɛdif kɔ, kɛrɛ ɔ gbɛli hɛ.
- ²⁰ɛtesoma-e Herɔd ɔ nesa Yɔnɛŋ, ma ɔ tɛrɛ kɛpa ɔ yi wuni lompi, ɔwa usɛm-e. Kɔ bɛnɛ kɔ. Ma ɔ tɛlɛ kɔ-e, pɛ kɛtha kɔ rɛ ɛmerɛ, kɛrɛ pɛ bɔnɛ kɔ tɛ kɛtɛla kɔ.
- ²¹Ma ɛrɛy ɛfɔy tɛy aŋ bek-e, Herɔdɛŋ ɔ fak met salata aŋrɛy aŋa a kom kɔ ta aŋyola-o, aŋkurgba-o, yi aŋfɛm abana ɲa ro Kalili bɛ.
- ²²Ma ɔwan ubera ka Herodias gbɛŋ ɔ wɔŋ ɔ thɔmɔ-e, pɛ bɔnɛ Herodɛŋ yi ɲaŋ aŋa yirɛ yi kɔnɔŋ-e. Kɔ pa ka ɔwan ubera, Koko mɛ tholir mi bɛ-e i ti sɔŋ mu ri.
- ²³kɔ gbɛŋ ka ɔwan ubera, Koko mɛ yif mi i ti sɔŋ mu, hali ras aŋthɔf a mi-e, i gbai ɲi ratɔŋ.
- ²⁴Ka ɔwath ubera ɔ wur, ɔ yif ɔkara kɔŋ, Kɔ rɛka raŋ mɛ i thola-e? Ka ɔkara kɔŋ ɔ pa, Rabomp ra Yɔn ɔBaftays.



- 25Ka ɔwath ubera ɔ timɔne kəkɔ ka ɔbay-e, ɔ pa, I yema kāmá mə sɔŋ mi thethe rə alefa rábomp ra Yɔn ɔBaftays.
- 26Ka ɔbáy ɔ ba ɔnɔsine ɔbana, kere ta egbiŋ yɔŋ-e, yi ta ŋaŋ aŋa yirá yi kɔnɔ-e, ɔ gbəli he pensane kɔ.
- 27Ka ɔlemp wati ɔbáy ɔ som utim ukin, ɔ yamari kɔ kāmá ɔ kára rábomp rɔŋ; kɔ kɔne, ɔ gbetha rábomp rɔŋ ka aŋseth ŋa tərɔŋka,
- 28kɔ kára rábomp rɔŋ rə alefa, ɔ sɔŋ ŋi ka ɔwath ubera, ka ɔwath ubera ɔ sɔŋ ŋi ka ɔkara kɔŋ.
- 29Ma aŋkarande ŋɔŋ aŋ təl ti-e, aŋ der aŋ gbasi kabel kɔŋ, aŋ bot ki ka káboma.
- 30Ma aŋsom aŋ kál thɔŋklane der rəkin ka Yisɔsɔŋ, aŋ kanɛ kɔ táy ɔ táy áte aŋ po yɔ, yi áte aŋ po thɛksa.
- 31kɔ pa, Der nu na son rə der ɔyeŋ, kāmá nə fothane ɔthan. Átesoma-e afəm agbáthi aŋ der, aŋ kɔne, ɔwa aŋ ba he ras alɔkɔ tɔ kədi.
- 32kaŋ báká rə abil kaŋ kɔne der ɔyeŋ ŋa son.
- 33ɔwa aŋfəm aŋ nɛnk ŋa maŋ kɔne-e, ka agbáthi aŋ tára kɔ, ɔwa aŋ gbuke kəwur ka tapet be-e, kaŋ mɔtha bek ri.
- 34Ma Yisɔsɔŋ ɔ wur ro bil-e, ɔ nɛnk runiya rəbana ka áney abana aŋ wop kɔ, pəkasife aŋ yi mə təlɔme aŋa te ba utɔl, kɔ tɔp kəthɛksa ŋa mátáy məgbathi.
- 35Ma aret rə yema wɔŋ-e, aŋkarande ŋɔŋ aŋ der ro ŋɔŋ, aŋ pa, ɔder ɔwe-e, der ɔyeŋ wɔŋ, ɔwa aret rə yema wɔŋ.
- 36Ter ŋa aŋ kɔne kāmá aŋ kɔ ka atɔr yi ka tagbɔm, aŋ wayane yet edi.
- 37Ka Yisɔsɔŋ ɔ pa, Sɔŋ ŋa nu yet edi. Kaŋ pa ro ŋɔŋ, Sə kɔ wai tɔbo ta esiliŋ teme tərɔŋ-i kāmá sə sɔŋ ŋa aŋ di-i?
- 38kɔ yif ŋa, Mɔlɔ tɔbo nə ba-a? Kɔ kəli. Ma aŋ tara-e, aŋ pa, Tamath, yi elop ŋarəŋ.
- 39kɔ yamari ŋa kāmá aŋ yɔ aŋfəm aŋ yirá rə eniŋki ka akereŋ kəŋeseŋ.
- 40kaŋ yirá rə təkɔs rə teme teme yi rə tɔgba tərɔŋ tɔfɔt tɔgba tərɔŋ tɔfɔt.
- 41Ma ɔ po gbasi tabo tamath yi elop ŋarəŋ-e, ɔ lakthe ka Kuru, ɔ ruba, kɔ siməth tabo, ɔ sɔŋ ti aŋkarande tɔ kəbot rodi ka aŋfəm. Kɔ yerəs elop ŋarəŋ ka ŋa be.
- 42Ka ŋa be aŋ di, aŋ namra.
- 43kaŋ lasɔr tɔbəlai tɔfɔt tərɔŋ yi ebem ya tabo yi elopəŋ.
- 44ɔwa ŋa aŋa di tabo yi elopəŋ aŋ yi afəm aruni ewul tamath.
- 45Ka ɔlemp wati ɔ yɔ aŋkarande ŋɔŋ aŋ báká ka aŋbil kāmá aŋ tɔmá kədi kəkɔ roməri ro Bethsayda, ma kɔnɔ ɔ tiyá yɔ áruniya rə sakane.



- ⁴⁶Ma ɔ po tiyà ŋa aŋ kɔnɛ-e, ɔ kɔnɛ ka kateŋ tɔ kɔramnɛ.
- ⁴⁷Ma ráfɔy rɔ bek-e, áŋbil aŋ yi ka kábáŋ ratɔŋ, ɔwa kɔn son ɔ yi ro gbaŋ.
- ⁴⁸kɔ nɔnk kɔpa aŋ sɔmpañe ɔthasɔr ka kɔŋas-e, kotáy-e aŋfɛf aŋ tɔmà ŋa rodi. ɔwa ma rasɔk rɔ yema bek-e, ɔ der ro ŋaŋ, ɔ kɔth ka kábáŋ rokɔm, ɔwa ɔ yema thas ŋa.
- ⁴⁹Kɛrɛ maŋ nɔnk ɔ kɔth ka kábáŋ rokɔm-e, aŋ nanɛ kɔpa amɔmpila wɔŋ, kaŋ sel ɛrɔŋ,
- ⁵⁰átesoma-e ŋa bɛ aŋ nɔnk kɔ ɔwa pɔ ketha ŋa. Ka ɔlɛmp wati ɔ fɔfáne ŋa, ɔ pa, Bák nu tɔbuth, minɛŋ; te nu nesa.
- ⁵¹kɔ wɔŋ ro ŋaŋ ro bil, ka aŋfɛf aŋ thɔfɔla, kaŋ kabane ɔthasɔr,
- ⁵²kotáy-e pɔ sɔk hɛ ŋa ta amisali ŋa tabo kɛrɛ a bákɔs tabuth taŋ.
- ⁵³Maŋ po fəsi-e, aŋ bek ka aŋgbaŋ ro Kɛnɛsaret-e, kaŋ sɔ ro gbaŋ.
- ⁵⁴Kɛrɛ maŋ po wur ka áŋbil-e, ka ɔlɛmp wati aŋfɛm aŋ tárà kɔ,
- ⁵⁵kaŋ gbuke gbuke ka ɔder wati bɛ-e, aŋ tɔp kəkera ŋaŋ aŋa tu ka tafɛnt taŋ ro aŋ tɔl kɔpa ɔ yi.
- ⁵⁶ɔwa der o der ro ɔ wɔŋ-e, rɔ tɔgbɔm-e, rɔ tɔpet-e, thalɔm ka aŋthɔf-e, aŋ bot aŋtui ka ason, aŋ nɛmthɛnɛ kɔ kámà aŋ gbons gbo ɛlɛmpɛ ya aruma rɔŋ. ɔwa ukin o kin ɔwe gboŋ kɔ ɔ sɔthɔ kɔyɛŋk mɔder.

Mark 7

- ¹Ka aŋFarisi yi aŋkarmɔkɔ alɔm aŋa wur ro Yerusalem aŋ thonklane der rɔkin ka Yisɔsáŋ,
- ²aŋ po nɔnk aŋkarande ŋɔŋ alɔm aŋ di ɛdi yaŋ kɔtɛ yak máta maŋ, aŋ thɛkɛ ŋa.
- ³kotáy-e aŋFarisi yi aŋYuda bɛ aŋ wop ɛmaŋ ya aŋbáki, aŋ di hɛ thambe aŋ yak máta maŋ finɔ.
- ⁴ɔwa, maŋ wur ka ɔder ɔthila-e, aŋ di hɛ thambe aŋ bukɔ, ɔwa mátáy mɔgbathi mɔlɔm mɔ yi ama aŋ selɔ wop, mɔ kayakɔs ɛpɔthi, ɛfát yi ɛyɛt ɛkɛm.
- ⁵Ka aŋFarisi yi aŋkarmɔkɔ aŋ yif kɔ, To som aŋkarande a mu aŋ te táŋ makur ma aŋbáki-e, kɛrɛ aŋ di ɛdi yaŋ yi mɔta mɔnɔkɔ-e?
- ⁶kɔ pa ro ŋaŋ, Ka táteŋ Isaya ɔ nábi ta na amunafaki ma ɔ gbal kɔpa, Aŋfɛm aŋɛ aŋ yikis mi yi tasɔŋ taŋ, Kɛrɛ ɛmerá yaŋ ɛ bɔláne mi;
- ⁷Kɛrɛ aŋ bátho mi kɔtiŋ, Maŋ thɔksa mathɔksa ma aŋyamari ŋa afɛm.
- ⁸Nɔ tey aŋyamari ŋa Kuru, nɔ wop makur ma afɛm ɔbaki mɔder.
- ⁹kɔ pa ro ŋaŋ, Nɔ kasi aŋyamari ŋa Kuru kámà nɔ wop makur ma nu.



- 10** kotáy-e Mosisánj ɔ po pa, Yikis ɔkas ka mu yi ɔkara ka mu, de yi, Kɔnɔ ɔwe mə fɔf ɔkas yi ɔkara ɔlɔs-e, ta ɔ fi rafi,
- 11** kere naŋ nə pa, Bepi wuni ɔ pa ka ɔkas kɔŋ thalɔm ka ɔkara kɔŋ, Arəka ra mi ara mə naŋfas mu-e rə yi Kɔrban, (rə yi tə kəpa-e, Sɔnd ka Kuru)
- 12** ɔ ba he sɔ tə kəyɔ koko ta ɔkas kɔŋ thalɔm ta ɔkara kɔŋ.
- 13** Nə dim ɔrim ra Kuru salata mākur ma nu ama nə po bot. ɔwa təy təgbáthi təwunɔŋ tə mə nə yɔ sɔ.
- 14** kɔ kál tela aŋfəm ro ŋɔŋ sɔ, ɔ pa ro ŋaŋ, Təla mi nu na be, ɔwa ta pə sɔk nu.
- 15** Rəka o rəka rə yi he ara yi rokaŋ ka wuni ara pə yi-e, bepi rə wɔŋ kɔ rokor-e, rə nɔkɔs kɔ; kere eyet eye mə wur ka ɔwuni-e, yə yi eye mə nɔkɔs kɔ.
- 16** Bepi wuni o wuni ɔ ba eləns-e, ta ɔ təl.
- 17** Ma ɔ wur ka aŋfəm-e, ɔ kɔne ka aŋseth, aŋkarande ŋɔŋ aŋ yif kɔ ta aŋlomɔ.
- 18** kɔ pa ro ŋaŋ, Naŋ sɔ nə ba he kəsɔthne-i? Nə te he kəpa rəka o rəka ara yi rokaŋ ka wuni rə gbəli he nɔkɔs kɔ-i bepi rə wɔŋ kɔ rokor-i?
- 19** Pəkasiɔfə rə wɔŋ he ka aŋmerá ŋɔŋ, kere ka akor kɔŋ, ɔwa rə ləpsɔ wur kɔ. ɔ pa áte tə kəfethər eyet edi be.
- 20** kɔ kál pa, Arəka ara mə wur ka wuni-e, rə mə nɔkɔs kɔ.
- 21** kotáy-e, kəwur rokor-e, kəwur ka ɛmerá ya aŋfəm-e, ɛnane eləs-o, kəba ɛpure-o, kárəp-o,
- 22** tákey-o, afela ŋa yet ya wuni lɔm-o, məkar mələs-o, kátut-o, ɛyanfa-o, ɛfər ɛmara-o, táfɔf tələs-o, kábone təy-o, yi aŋpənk-o;
- 23** mətáy mələs ame be mə wur ka aŋmerá, ɔwa mə mə nɔkɔs wuni.
- 24** Kədarəŋ kati ɔ yokane kɔ wur ri, ɔ kɔne ka manəŋkəra ma ro Tair yi ro Sidon. Kɔ wɔŋ rə aseth, ɔ yema he wuni o wuni ɔ tără ti, kere ɔ gbəli he maŋkne.
- 25** kotáy-e ka ɔləmp wati wuni bom ulɔm-e, ɔ ba wath bera ɔwe ba ukərəfi uləs, ma ɔ təl ta atɔŋ-e, ɔ der, ɔ fumpɔ ka átátək tɔŋ.
- 26** ɔwuni bom ɔwe ɔ yi uKrik, aŋbona ŋɔŋ ŋə yi uSairofinisiyan; kɔ nemthene Yisəsánj kámá ɔ wurɔ ɔkərəfi ka ɔwan kɔŋ ubera.
- 27** Kere Yisəsánj ɔ pa ro ŋɔŋ, Ta aŋfeth aŋ mɔtha ras namra, kotáy-e pə lomp he tə kəgbasi edi ya aŋfeth tə kəfaka etən.
- 28** ɔya ɔ wosa ɔ pa ro ŋɔŋ, Tátəŋ Pa, kere hali ras etən ka aŋthebəl roratha aŋ di atɔmp ta aŋfeth.
- 29** kɔ pa ka ɔya, Ta áte mə pa-e, kɔne, ɔkərəfi ɔ po wur ka ɔwan ka mu ubera.



- ³⁰Ɔwa ma ɔ kál ka ànseth ñɔɔ, ɔ bəp ɔwath ɔ fənthà ro fənt, ɔkərəfi ɔ po wur kɔ.
- ³¹Ma Yisɔsàɔ ɔ wur ka àngbàp ña ro Tair-e, ɔ thas ro Sidon tɔ kəkɔ ka kábàɔ ka ro Kalili, ɔ gbəkinɛ manəɔkɔra ma ro Dikapòlis.
- ³²Ka a kàrà kɔ ri wuni taɔa, ɔ kál ba tɔbethe; ka aɔ nɛmthɛnɛ kɔ tɔ kədəɔ kɔ kàta kɔɔ.
- ³³kɔ kera kɔ rayer kəwur ka àruniya datɔɔ, kɔ wɔɔà māsəl mɔɔ ka eləns yɔɔ, ɔ thuf, kɔ gboɔ ramer rɔɔ.
- ³⁴Ɔ kəli ka àkàriyana, ɔ laɔ, ɔ pa ro ñɔɔ, Efatha, pə yi mɔ, Kanthe.
- ³⁵Ka eləns yɔɔ ɛ kanthe, ɔwa ramer rɔɔ rə sələ, kɔ fɔf gbəraɔ.
- ³⁶kɔ ma ña kàmà aɔ te kanɛ ti wuni o wuni, kɛrɛ ma ɔ bār maɔ ña, ya aɔ bār taməs ti.
- ³⁷Aɔ kabane ɔthasar aɔ pa, Ɔ pons mātáy bɛ ɔfinɔ, ɔ yɔ hali aɔtáɔ aɔ təl, ɔwa tabobo aɔ fɔf.

Mark 8

- ¹Ka märeɔ mati ma runiya rəbana rə yi sɔ-e, ɔwa aɔ te ba da rədi-e, Yisɔsàɔ ɔ tela aɔkarande ñɔɔ, ɔ pa ro ñaɔ,
- ²I ba àney ta àruniya àtesoma-e aɔ yi thɔɔ yi mine ta märeɔ məsas, ɔwa aɔ ba hɛ da rədi.
- ³Ɔwa bepi i ter ña aɔ kɔnɛ ka mayira maɔ yi dor-e, aɔ tɔ pika ro rɔɔ, ɔwa aɔlɔm aɔ wur ɔbɔli.
- ⁴Ka aɔkarande ñɔɔ aɔ pa, Reke sɔ gbəli sɔthɔ tɔbo tɔbeki tɔ kənàmsir aɔfəm ka ɔder ɔyeɔ ɔwe-e?
- ⁵kɔ yif ña, Mɔlɔ tɔbo nɔ ba-a? kaɔ pa, Tàmthəderəɔ.
- ⁶kɔ yamari aɔfəm kàmà aɔ yirà ro thɔf, kɔ gbasi tɔbo tàmthəderəɔ, ɔwa ma ɔ po muti məmə-e, ɔ siməth ti, kɔ sɔɔ ti ka aɔkarande ñɔɔ kàmà aɔ botəs ti rodi ka ñaɔ; kaɔ botəs ti rodi ka aɔfəm.
- ⁷Ɔwa aɔ ba elop ɛthan. Ma ɔ po ruba ña-e, ɔ yamari kàmà aɔ botəs aɔ sɔ rodi ka aɔfəm.
- ⁸kaɔ di, aɔ namra; kaɔ gbas ɛbɛm ɛye tiyà tɔbəlai tàmthəderəɔ.
- ⁹Ɔwa aɔfəm aɔa po di-e aɔ yi ɛwul yanlɛ. Kɔ yɔ ña aɔ kɔnɛ.
- ¹⁰Ka ɔlɛmp wati ɔ bákà ka àɔbil yi aɔkarande ñɔɔ kaɔ der ka ɛgbap ya ro Dalmanutha.
- ¹¹Ka aɔFarisi aɔ der, aɔ tɔp kəyifàne kɔ, aɔ thens amisali kəwur ro ñɔɔ kəwur ro riyana, aɔ gbɔns kɔ.
- ¹²Ɔ laɔ ka àɔmerà ñɔɔ ɔ pa, To som rəkomra are rə thens amisali-e? Təntɛnɛ i kanɛ nu, a ba hɛ kəsɔɔ amisali ka rəkomra are.



- 13kɔ tey ɲa ɔwa ɔ kál báká ro bil ɔ fəsi roməri.
- 14kaɲ pəne tə kəkeraɲe təbo; ɔwa aɲ ba he pəthas kəbo kin gbət ro bil.
- 15kɔ maɲ ɲa kámá aɲ botne, ɔ pa, Pəndaf nu eɲbith ya aɲFarisi yi eɲbith ya Hərɔd.
- 16kaɲ fɔflaɲe, aɲ pa, Ma sə te ba kəbo, tesom.
- 17Ma Yisɔsáɲ ɔ sɔthne ti-e, ɔ pa ro ɲaɲ, kɔyey mə nə fɔflaɲe-e? Átesoma-e nə ba he kəbo-i? Naɲ nə tha nənɲ he-i, thalɔm nə tha sɔthne he-i? Eɲerá ε nu ε gbolɲaɲe-i?
- 18Ma nə ba efor nə gbəli he nəɲk-i? Ma nə ba eləns nə gbəli he təl-i? Nə kala he amera-i?
- 19Ma i siməth tabo tamath kətɔɲ ka ɛwul tamath-e, amɔlɔ təbəlai təlá ta eɲem nə gbasi-a? Aɲ pa ro ɲɔɲ, Tɔfɔt tərɔɲ.
- 20Ma i siməth tabo támthəderɔɲ kətɔɲ ka ɛwul yanle-e, amɔlɔ təbəlai təlá ta eɲem nə gbasi-a? Aɲ pa ro ɲɔɲ, Támthəderɔɲ.
- 21kɔ pa ro ɲaɲ, Pə tha sək he nu-i?
- 22kaɲ bek ro Bethsayda. Kaɲ kára ro ɲɔɲ ulanɲba ufith, ɔwa aɲ nəmthene kɔ kámá ɔ gboɲ kɔ.
- 23kɔ wop káta ka ɔwuni fith, ɔ wurɔ kɔ ro pet. Ma ɔ po thufər efor yɔɲ-e, ɔ gboɲ kɔ máta mɔɲ, ɔ yif kɔ, Mə nənɲ rəka-i?
- 24kɔ lakthe, ɔ pa, I nənɲ afəm kere aɲ yi mə yint, aɲ kɔth kɔth.
- 25kɔ kál bot máta mɔɲ ka efor yɔɲ, ka ɔlanɲba ɔ kəli tɔɲ, ɔwa ɔ yeɲk, ɔ nənɲ eyet be gbərəɲ.
- 26kɔ ter kɔ ɔ kɔne ro seth kɔɲ, ɔ pa, Te ras wɔɲ ro pet.
- 27Ka Yisɔsáɲ yi aɲkarande ɲɔɲ aɲ kɔ ka kápet ta ro Sisiriya Filipay; ɔwa maɲ yi ro roɲ-e, ɔ yif aɲkarande ɲɔɲ, ɔ pa, Kane aɲfəm aɲ pa mineɲ i yi-e?
- 28kaɲ wosa aɲ pa, Yɔnánɲ, ɔBaftays, alɔm aɲ pa, Ilayaɲ, kere aɲlɔm aɲ pa ukin ka aɲnabi.
- 29kɔ yif ɲa, Kere naɲ-e, kane nə pa mineɲ i yi-e? Ka Pitaɲ ɔ wosa ɔ pa, Munɔ mə yi ɔKrayst.
- 30kɔ maɲ ɲa kámá aɲ te kane wuni ɔ wuni ta atɔɲ.
- 31kɔ tɔp kəthəkɔsa ɲa kəpa ɔ Wan ka wuni ɔ ba kənakasi mátaɲ məgbathi; aɲbáki aɲ tə pensa kɔ, yi aɲkərbomp ka aɲfode, yi aɲkarməkɔ sɔ, ɔwa aɲ tə dif kɔ, kədarɔɲ ka mərəy məsas ɔ tə kál yokane.
- 32ɔ fɔf áɲpa aɲe gbafəth. Ka Pitaɲ ɔ gbipne kɔ, ɔ tɔp kəɲál kɔ.



³³Kere ma o fole ka ankarande non-e, o nal Pitan o pa, Kone rodareh kami Sethani; kotay-e anane a mu an yi he anane na Kuru, an yi gbo anane na wuni ket.

³⁴Owa ma o po tela aruniya yi ankarande non-e, o pa ro nan, Bepi wuni o wuni o yema tan mi-e, ta o kasisne, kama o gbasi akent keh kephkine, o tan mi.

³⁵kotay-e wuni o wuni owe yema kisis anesam non, o te dim ni, kere wuni o wuni owe me dim anesam non salata mi yi salata akera kefino ka Kuru-e, o te kisis ni.

³⁶To me pe munafa wuni bepi o sotho adaru be-e, kere o dim anesam non-a?

³⁷kotay-e ko wuni me gbali son te kashkar ta anesam non-a?

³⁸Atesoma-e wuni o wuni owe me lap mi yi asim ta mi-e, ka rakomra roropi are yi ehake eye-e; oWan ka wuni o te lap ko so, ka anloko ma o der ka anyiki na oKas keh yi anmaleka asem.

Mark 9

¹ko pa ro nan, Te tentene i kane nu, alom an toma no ana ba he kofi han an nenk rabay ra Kuru re der yi afoso.

²Kadarah ka morey tamtharukin-e, Yisosan o kera Pitan, Yemosan yi Yonan, o gbepa na ka keteh kebali rakom, na son; ka a shkar ader roh rodi ka nan.

³Eyet yoh elopra e sake egbentha, efera per, owa e fera han uyak o yi he noru owe me gbali fether yi yan.

⁴Ka Ilaya yi Mosisan an torine ro nan kan fofane Yisosan.

⁵Ka Pitan o pa ka Yisos, Karmoko, ofino ti ta kayi kasu no. Ta se bempa egbom esas, nin ta ata mu, nin ta Mosis owa nin ta Ilaya.

⁶Atesoma-e o te he ata me pa, kotay-e ranes re wop na.

⁷Ka kerent kera ke thorah na, ka rim re wur ka kerent kera-e, re pa, Owan kami ubother, kono owe; tala ko nu.

⁸Ka olomp wati, an keli keli kere an nenk he wuni thambe Yisos son yi nan-ah.

⁹Owa me me an thor keteh-e, Yisosan o yamari na kama an te tori wuni o wuni matay ama an po nenk han oWan ka wuni o kal yokane kewur ka anfi.

¹⁰kan bene anpa ane, an yifethane ko kayokane ka anfi ke yi.

¹¹kan yif ko, To som ankarmoko an pa Ilayan o ba kemotha der-e?

¹²ko wosa o pa ro nan, Ka teteh Ilayan tentene o ba kemotha der, kama o lompas matay be. Owa to som a gbal ta oWan ka wuni kera o ba kankasi matay megbathi, owa a ba keday ko-e?



- 13 Kere i kanɛ nu kɛpa, Ilaya ɔ po thɔŋ der, ɔwa aŋ po yɔ kɔ átáy be átá a bot kɛpa a ba kɛyɔ kɔ, mɔ mɔ a gbal ta atɔŋ.
- 14 Ma ɔ der ka aŋkarande ŋɔŋ-e, ɔ nɛnk áruniya rɛbana rɛ gbɛtɔr ŋa, ɔwa aŋkarmɔkɔ aŋ thɔŋkanɛ ŋa.
- 15 ɔwa ka ɔlɛmp wati ma aŋfɛm aŋ nɛnk kɔ-e, aŋ kabanɛ, aŋ kɔ kɛgbukɛŋ, kaŋ kori kɔ.
- 16 kɔ yif ŋa, Ko táy tǎŋ mɛ nɛ yifɛthanɛ-e?
- 17 Ka ukin ka áruniya ɔ wosa ɔ pa, Karmɔkɔ i po kárá ɔwan kámi uruni ro mu, ɔ ba ukɛrɛfi ubobo,
- 18 ɔwa der o der ɔ wop kɔ-e, ɔ napanɛ kɔ ro thɔf; ɔwa ɔ wur kɛfoth, ɔ tɔmne ɛsek yɔŋ, ɔ bákɛrɛnɛ santháni. I kanɛ aŋkarande a mu kámá aŋ wurɔ kɔ, kɛrɛ aŋ ba hɛ aŋfɔsɔ ŋati.
- 19 kɔ lasianɛ ŋa ɔ pa, O na rɛkomra rɛte ba kɛlanɛ, mɔlɔ alɔkɔ mɛ i ba kɛyi yi naŋ-a? Mɔlɔ alɔkɔ mɛ i ba kɛmuyu nu-a? Kara ɔwath ro mi.
- 20 kaŋ kárá kɔ ro ŋɔŋ, ka ɔkɛrɛfi-e, ma ɔ nɛnk Yisɔsɔŋ, ka ɔlɛmp wati ɔ sɔmpa ɔwath ɔthasɛr, ɔ fumpɔ ro thɔf, ɔ sapɛthnɛ kɔ wur kɛfoth.
- 21 kɔ yif ɔkas kɔŋ, To pɛ won thɔŋ-e, kábi ma áte mɛ tɛ yɔnɛ kɔ-e? kɔ pa Kɛbi ka rafɛth rɔŋ.
- 22 ɛlɔkɔ ɛgbathi ɔ napanɛ kɔ ka anánt yi ka ámánt tɛ kɛdif kɔ, kɛrɛ bepi mɛ gbɛli yɔ táy o tai-e, ba su áney, mar su.
- 23 Ka Yisɔsɔŋ ɔ pa, Bepi mɛ gbɛli lanɛ-e, táy o táy be tɛ gbɛli yi ka ɔwe mɛ lanɛ.
- 24 Ka ɔlɛmp wati ɔkas ka ɔwath ɔ pa yi mantɛr, Mariki i lanɛ; mar kate lanɛ kámi.
- 25 Ma Yisɔsɔŋ ɔ nɛnk kɛpa áruniya rɛ der kɛgbukɛ der rɛkin-e, ɔ ŋal ɔkɛrɛfi ulɛs, ɔ pa ro ŋɔŋ Munɔ ukɛrɛfi ubobo yi utaŋa, i yamari mu, wur ro ŋɔŋ, ɔwa te sɔ wɔŋ kɔ.
- 26 Ka ɔkɛrɛfi ɔ woŋa, ɔ sɔmpa kɔ ɔthasɛr, kɔ wur kɔ. ɔwath ɔ yi mɔ ɔ po fi, ɔwa afɛm agbáthi aŋ pa kɛpa ɔ po fi.
- 27 Kɛrɛ Yisɔsɔŋ ɔ wop káta kɔŋ, ɔ ŋata kɔ, kɔ tɛmá.
- 28 Ma ɔ wɔŋ ro seth-e, aŋkarande ŋɔŋ aŋ yif kɔ sɔy, To som saŋ sɛ te gbɛli wurɔ kɔ-e?
- 29 kɔ pa ro ŋaŋ, Katɛp ake kɛ gbɛli hɛ wur, thambe rɛ kɛramnɛ yi kɛwop asum.
- 30 kaŋ wur ri, aŋ gbɛkinɛ ro Kalili. ɔwa ɔ yema hɛ wuni o wuni ɔ tárá ti.
- 31 Pɛkasifɛ ɔ thɛksa aŋkarande ŋɔŋ, ɔ pa ro ŋaŋ, A tɛ lánki ɔWan ka wuni ka máta ma aŋfɛm, ka aŋ tɛ dif kɔ; bepi a po dif kɔ-e, kɛdarɛŋ ka mɛrey mɛsas ɔ tɛ kál yokanɛ.
- 32 Kɛrɛ áŋpa aŋ sɔk hɛ ŋa, ɔwa aŋ nesa tɛ kɛyif kɔ.
- 33 Kɔ der ro Kepaniyɔm; ɔwa ma ɔ yi ro seth-e, ɔ yif ŋa, Ko táy tǎŋ mɛ nɛ bɔ thɔŋka ro rɔŋ-e?



- ³⁴Kere aŋ taŋk thəm, átesoma-e aŋ thonkas ro roŋ ta ɔwe mə yi ubana kətɔŋ ka ŋaŋ.
- ³⁵kɔ yirá ɔ tela aŋtɔfɔt ŋarəŋ, kɔ pa ro ŋaŋ, Bepi wuni o wuni ɔ yema yi utɔtɔkɔ-e, ɔ ba kəyi ɔləpsɔ be, ɔwa yi aŋbɔy ŋa be.
- ³⁶kɔ gbasi uwath fəth-e, ɔ təmər kɔ kətɔŋ ka ŋaŋ. Ma ɔ manthlanɛ kɔ-e, ɔ pa ro ŋaŋ,
- ³⁷Wuni o wuni ɔwe mə malanɛ ukin ka aŋfəth mə ɔwe ka aŋɛs a mi-e, mine ɔ malanɛ; ɔwa wuni o wuni ɔwe mə malanɛ mi, min thahɔ ɔ malanɛ, kere ɔwe som mi-e.
- ³⁸Yɔnəŋ ɔ pa ro ŋəŋ, Karmɔkɔ, sɛ nənɔk wuni kin ɔ wurɔ akərəfi ka aŋɛs a mu, ka sɛ gbiŋa kɔ ti pəkasiɛ ɔ tɔŋ he su.
- ³⁹Kere Yisɔsəŋ ɔ pa, Te nu gbiŋa kɔ, kotáy-e wuni o wuni ɔ gbəli he yɔ məyɔs məbana ka aŋɛs a mi ɔwe mə kál sɔ fɔf mi ɔləs.
- ⁴⁰Átesoma-e ɔwe te ŋamne su ɔ yi ta átá su.
- ⁴¹Wuni o wuni ɔwe mə sɔŋ nu mánt rə apɔthi tɔ kəmun ka aŋɛs a mi pəkasiɛ nə yi aŋa Kraist-e, tɛntɛnɛ i kanɛ nu aŋrám ŋəŋ aŋ ba he kədine.
- ⁴²ɔwa wuni o wuni ɔwe mə yɔ aŋgbət gbət aŋe aŋa lanɛ mi aŋ pənthbɔla-e, pə tɔ yi kɔ ɔfisa bepi a gbak kɔ ásar aŋbɔlá ka kalim kɔŋ, a fitha kɔ ro baŋ.
- ⁴³ɔwa bepi káta ka mu kə yɔ mu mə pənthbɔla-e, gbək ki, pə tɔ yi mu fisa tɔ kəwɔŋ ka aŋɛsəm thəbana ulopanɛ, pəthasi kəba mətá mărəŋ, ɔwa a fitha mu ro yahanama, ka anant ana te dimse.
- ⁴⁴ro ebilonŋ yaŋ aŋ te fi, ɔwa anant nə dimsi he.
- ⁴⁵Bepi akatək ka mu kə yɔ mu mə pənthbɔla-e, gbək ki, pə tɔ yi mu fisa tɔ kəwɔŋ ka aŋɛsəm thəbana mun tətke, pəthasi kəba tatək tərəŋ, ɔwa a fitha mu ro yahanama ka anant ana te dimse,
- ⁴⁶ro ebilonŋ yaŋ aŋ te fi, ɔwa anant nə dimse he.
- ⁴⁷ɔwa bepi rafər ra mu rə yɔ mu mə pənthbɔla-e, kothi ri; pə tɔ yi mu fisa bepi mə wɔŋ ka rábáy ra Kuru yi rəfər rin-e, pəthasi kəba efər yerəŋ, ɔwa a fitha mu ka anant na ro yahanama,
- ⁴⁸ro ebilonŋ yaŋ aŋ te fi, ɔwa anant nə dimse he.
- ⁴⁹kotáy-e, wuni o wuni a tɔ mɛm kɔ yi nánt, sathka o sathka-e, a tɔ bəthəs ti yi mɛr.
- ⁵⁰Amer mə finɔ, kere bepi mə rant-e, kɔ rəka rə mə bəthəs ma-e? Nia gbeŋ nə ba kəyi mɛr ka eyethɛ nu, ɔwa yirá yi məthɔfəl ukin yi ulóm.

Mark 10

- ¹kɔ wur ri-e, ɔ der ka manəŋkəra ma ro Yudia ro Yɔrdan məri. Ka afəm agbáthi aŋ thonklane ro ŋəŋ sɔ, kɔ thəksa ŋa mə mə la yɔ.



- ²Ka aŋFarisi aŋ der ro ŋoŋ, aŋ yif kɔ rə athensane, Pə yi ti ɔlɔmpi ta wan duni tɔ kɔter ɔrani kɔŋ-i?
- ³kɔ gbaki ɔ pa ro ŋaŋ, To Mosisaŋ ɔ yamari nu-e?
- ⁴kaŋ pa, Mosisaŋ ɔ tɔri tɔ kɔgbal areka ŋa kɔsakanɛ, ɔwa tɔ kɔter kɔ kɔnɛ.
- ⁵Ka Yisɔsaŋ ɔ pa ro ŋaŋ, Ta kabak ka nu emera tɔ ɔ gbala nu aŋyamari aŋe.
- ⁶Kere kabi ka ɔtɔper wa adaru-e Kurɔŋ ɔ bempa ŋa, uruni yi ubera.
- ⁷Ka aŋsabu aŋe, wan duni ɔ tɔ tey ɔkas kɔŋ yi ɔkara kɔŋ, ɔ tɔ gbapsa ɔrani kɔŋ;
- ⁸ɔwa ŋa ŋarəŋaŋ aŋ tɔ sɔke mader min.
- ⁹Tiyaŋ ara Kurɔŋ ɔ pant der rɔkin, ta wuni ɔ te ri gbaski.
- ¹⁰Maŋ wɔŋ ro seth-e, aŋkarande ŋoŋ aŋ yif kɔ ta aŋpa aŋe.
- ¹¹kɔ pa ro ŋaŋ, Wuni o wuni ɔwe ter ɔrani kɔŋ, ɔ nanta ulom-e, ɔ yɔ kərəp, ɔ ponthne ɔrani kɔŋ.
- ¹²Bepi wuni bom ɔ ter ɔwos kɔŋ-e, ɔ balá rə ulom-e, ɔ yɔ kərəp.
- ¹³kaŋ kára afeth agbət ro ŋoŋ, kama ɔ gboŋ ŋa, kere aŋkarande ŋoŋ aŋ ŋal ŋa.
- ¹⁴Kere ma Yisɔsaŋ ɔ nɔnk ti-e, ɔ bansá, ɔ pa ro ŋaŋ, Ter aŋfeth agbət kama aŋ der ro mi; te nu bent ŋa, atesoma-e, ka awunɔŋ rábáy ra Kuru rə yi.
- ¹⁵Tentene i kanɛ nu, Wuni o wuni ɔwe mə te malane rábáy ra Kuru mə uwath-e, ɔgbəli he wɔŋ ri.
- ¹⁶kɔ mampɔlane ŋa, ɔ ruba ŋa ukin kin, kɔ reŋ ŋa mata mɔŋ.
- ¹⁷Ma ɔ wur tɔ kəkɔ ka aŋbiyas ŋoŋ-e, wuni kin ɔ der ro ŋoŋ kɔgbukɛŋ, ɔ sɔ tɔwu, ɔ yif kɔ, Karməkɔ ufinɔ, to mə i yɔ kama i sɔthɔ aŋesəm thəbana-e?
- ¹⁸Ka Yisɔsaŋ ɔ pa ro ŋoŋ, kɔyɛŋ mə bont mi ufinɔ-e? Wuni o wuni ɔ yi he ufinɔ thambe ukin gbət, kɔnɔ yi Kurɔŋ.
- ¹⁹Mə tara ethɔ, Te yɔ kərəp, te dif wuni, te keya, te sɔŋ məseri ma rəyem, te tɔns wuni, yikis ɔkas ka mu yi ɔkara ka mu.
- ²⁰kɔ pa, Karməkɔ, matáy ame be i po wop kabi ka rafeth ra mi.
- ²¹Ma Yisɔsaŋ ɔ kəli kɔ-e, ɔ bɔthər kɔ-e, kɔ pa ro ŋoŋ, Táy tin tɔ mə paŋ; kɔnɛ, thila rəka o rəka ara mə ba, mə sɔŋ ka aŋmone, ɔwa mə tɔ ba kɛŋ ro riyana; ɔwa der, tán mi.
- ²²Ma ɔ po təl mapa ame-e, ɔ saŋ aməl, ɔ kɔnɛ yi ɔnɔsine, kotáy-e wuni wɔŋ ɔwe ba kɛŋ kəbana.
- ²³Ka Yisɔsaŋ ɔ kəli kəli, ɔ pa ka aŋkarande ŋoŋ, ɔbaki ta átá ŋaŋ aŋa ba rəyola tɔ kəwɔŋ ka rábáy ra Kuru!



- 24** Ka ankarande aŋ kabane asim tɔŋ. Ka Yisɔsɔŋ ɔ pa ro ŋaŋ, Awuth, ɔbaki ka ŋaŋ aŋa ba rɔyola tɔ kɔwɔŋ ka rɔbɔy ra Kuru!
- 25** ɔyay ta ayɔkme tɔ kɔsɔnthɔs rafɔr ra aseni, pɔthasi ta wuni yola tɔ kɔwɔŋ ka rɔbɔy ra Kuru!
- 26** kaŋ kabane ɔthasɔr, aŋ pa ro ŋɔŋ, Kane thɔŋ mɔ gbɛli kisi-e?
- 27** Ma Yisɔsɔŋ ɔ kɛli ŋa ɔ pa, Ka anɔfɛm pɔ fɔye tɔy, kere pɔ tui he tɔy ta Kuru, kotɔy-e Kurɔŋ ɔ gbɛli yɔ tɔy o tɔy.
- 28** Pitaŋ ɔ tɔp kɔpa ro ŋɔŋ, Saŋ sɔ po tey be, ɔwa sɔ po tɔŋ mu.
- 29** Yisɔsɔŋ ɔ pa, Tentene i kane nu, Wuni o wuni ɔ yi he ɔwe po tey mayira mɔŋ-o, awɔnt ŋɔŋ aruni-o, awɔnt ŋɔŋ abera-o, ɔkas kɔŋ-o, ɔkara kɔŋ-o, ɔrani kɔŋ-o, awuth ŋɔŋ-o, yi tɔkay tɔŋ-o, salata mi, yi akera kɛfinɔ ka Kuru,
- 30** kere ɔ tɔ sɔthɔ ka koko be keme kin kin ka anɔlɔkɔ aŋe, eseth-o, awɔnt aruni-o, awɔnt abera-o, akara-o, awuth-o, yi tɔkai, yi esɔmpane; yi anɔsɔm thɔbana ka adaru ara mɔ der-e.
- 31** Kere agbathi aŋa yi anɔtɔkɔ aŋ tɔ yi alɔpsɔ, ɔwa anɔlɔpsɔ aŋ tɔ yi atɔkɔ.
- 32** Maŋ yi ro rɔŋ kɔkɔ ro Yerusalem-e, Yisɔsɔŋ ɔ tɔmɔ ŋa kɛdi; kaŋ kabane, ɔwa aŋa tɔŋ kɔ aŋ wɔŋ rɔnes. Kɔ gbasi sɔ anɔtɔfɔt ŋarɔŋ, kɔ tɔp kɔkane ŋa matay ama ba kɔbɔp kɔ,
- 33** ɔ pa, Kɛli, sɔ kɔ ro Yerusalem, ɔwa ɔWan ka wuni, a tɔ lɔnki kɔ ka anɔfode abana yi anɔkarmɔkɔ; aŋ tɔ sɔŋ kɔ mɔtheri tɔ kɛfi, ɔwa aŋ tɔ lɔnki kɔ ka tabona tɔlɔm.
- 34** ɔwa aŋ tɔ sel kɔ, aŋ tɔ sapɔth kɔ, aŋ tɔ thufɔr kɔ, ɔwa aŋ tɔ dif kɔ. Kere kɛdarɔŋ ka mɔrey mɔsas ɔ tɔ kɔl yokane ka rafi.
- 35** Ka Yemɔsɔŋ yi Yɔnɔŋ, anɔwuth ŋa Sɛbidi, aŋ der ro ŋɔŋ, aŋ pa, Karmɔkɔ, sɔ yema mɔ yɔna su tɔy o tɔy ate sɔ yif mu.
- 36** kɔ pa ro ŋaŋ, Ko nɔ yema i yɔna nu-e?
- 37** kaŋ pa ro ŋɔŋ, Yɔ su sɔ yira, ukin ka kɔta ka mu kɛdiɔ, ɔwa ulɔm ka kɔta ka mu kɛmerɔ ka anɔyiki a mu.
- 38** Kere Yisɔsɔŋ ɔ pa ro ŋaŋ, Nɔ te he ate mɔ nɔ yif. Nɔ gbɛli mun ka anɔpɔthi aŋa mɔ i muna-i? Thalɔm tɔ kɔbaptais nu yi anɔbaftisɔm aŋa a baftaysɔ mi-i?
- 39** kaŋ pa ro ŋɔŋ, Sɔ gbɛli. Ka Yisɔsɔŋ ɔ pa ro ŋaŋ, Tentene nɔ tɔ mun ka anɔpɔthi aŋa mɔ i muna; ɔwa yi anɔbaftisɔm aŋa a baftaysɔ mi-e a tɔ baftaysɔ nu ŋi.
- 40** Kere tɔ kɔyira ka kɔta kɔmi kɛdiɔ, thalɔm ka kɔta kɔmi kɛmerɔ-e, tɔy ta mi thahɔ tɔ kɔsɔŋ, kere tɔ yi ta atɔ ŋaŋ aŋa a benene ti.
- 41** Ma anɔtɔfɔt aŋ tɔl ti-e, aŋ wɔŋ kɔbansa ta Yemɔsɔŋ yi Yɔnɔŋ.



- ⁴²Ka Yisósànj ɔ tela ña ro ñoñ, ɔ pa, Nə tǎrà kǎpa aña a bot tǎ kǎgbǎka tǎbona tǎlɔm, añ gbǎka ña rǎ afɔsɔ, ɔwa añfɛm abana añ yɔ ña kǎmǎ añ tǎrà añfɔsɔ ñañ;
- ⁴³kere pǎ yi he yi kǎtɔñ ka nu. Wuni o wuni ɔwe yi ubana kǎtɔñ ka nu, ɔ tǎ yi añbɔy a nu,
- ⁴⁴ɔwa wuni o wuni ɔwe yema yi utɔtɔkɔ kǎtɔñ ka nu, ɔ tǎ yi ǎbɔy a nu be.
- ⁴⁵Àtesoma-e ɔWan ka wuni ɔ der he kǎmǎ a yɔna kɔ, ɔ der tǎ kǎyɔna, ɔwa tǎ kǎsɔñ añesɛm ñoñ tǎ kǎbani afɛm agbǎthi.
- ⁴⁶kañ der ro Yeriko. ɔwa ma ɔ wur ro Yeriko yi añkarande ñoñ yi ǎruniya rǎbana, Bartimiyósànj, ɔwan ka Timiyós, uthola ufith, ɔ yirǎ ro roñ dayɛr.
- ⁴⁷ɔwa ma ɔ tǎl kǎpa Yisósànj ɔwe ro Nasareth kǎnɔñ, ɔ tǎp kǎsel ɛrɔñ, ɔ pa, Yisós, munɔ ɔwan ka Debid, ba mi aney.
- ⁴⁸ɔwa agbath añ ñal kɔ kǎmǎ ɔ tañk, kere ɔ bǎr gbo sel ɛrɔñ, Munɔ ɔwan ka Debid, ba mi ǎney.
- ⁴⁹Ka Yisósànj ɔ tǎmǎ, ɔ yamari kǎmǎ añ tela kɔ. Kañ tela ɔwuni ufith, añ pa ro ñoñ, Bǎk kǎbuth, yokanɛ, ɔ tela mu.
- ⁵⁰kɔ fitha aruma rɔñ, ɔ yokanɛ, ɔ der ka Yisós.
- ⁵¹Yisósànj ɔ yif kɔ, Ko mǎ yema i yɔna mu-e? Ka ɔwuni ufith ɔ pa, Karmɔkɔ, ta i sɔthɔ kakǎli kǎmi.
- ⁵²Ka Yisósànj ɔ pa ro ñoñ, Kɔnɛ, kǎlanɛ ka mu kǎ po mu yenkǎs. Ka ɔlɛmp wati ɔ sɔthɔ kakǎli kɔñ, kɔ tǎñ Yisósànj ro roñ.

Mark 11

- ¹Mañ fatɛr ro Yerusalem yi ro Bethfeki yi ro Bethani, ka kateñ ka ɔlif-e, ɔ som añkarande ñoñ ñarɔñ,
- ²ɔ pa ro ñañ, Kɔnɛ nu ka kǎpet ǎke lomanɛ, ɔwa ma nə wɔñ ri-e, nə tǎ bǎp ri asofali ufeth ukotǎr, ɔwe wuni o wuni ɔ te tha rensa. Sǎli kɔ nu kǎmǎ nə kǎrà kɔ nɔ.
- ³Bepi wuni o wuni ɔ pa ro nu, To som nə yɔ ǎte-e? Pa nu, ɔMariki kǎnɔ yema kɔ kere ɔ tǎ kǎl somra kɔ nɔ.
- ⁴kañ kɔnɛ añ bǎp añsɔfali ufeth ukotǎr ka kadare rokañ, kañ sǎli kɔ.
- ⁵Ka alɔm aña tǎmǎ ri-e añ pa ro ñañ, Ko mǎ nə yɔ-e ma nə sǎli añsɔfali ufeth-e?
- ⁶kañ lasianɛ ña mǎ mǎ Yisós ɔ pa; kañ ter ña añ kɔnɛ.
- ⁷kañ kǎrà añsɔfali ufeth ka Yisósànj, kañ reñ kɔ ǎsuma tañ; ka Yisósànj ɔ rensa kɔ.
- ⁸ɔwa afɛm agbǎthi añ rens ǎsuma tañ ro roñ, añlɔm-e mǎra ama añ gbǎkǎs ro kanth.



- ⁹Ɔwa ɲaɲ aɲa tɔmá rodi yi ɲaɲ aɲa tɔɲ aɲ sɔɲkɔ, Hosana, uruba wɔɲ ɔwe mə der ka ɲɲes ɲa ɔMarki;
- ¹⁰aruba aɲ yi ka rábáy ara mə derɔɲ, rábáy ra ɔkas kásu Debidáɲ. Hosana rokɔm kɔm.
- ¹¹kɔ wɔɲ ro Yerusalem ka ɲɲseth ɲa Kuru. Ma ɔ po kɔli kɔli eyet be-e, ráfɔy rə bek, kɔ wur ɔ kɔne ro Bethani yi aɲkarande ɲɔɲ.
- ¹²Ka rəbəth rəlɔm maɲ wur ro Bethani-e, dor rə wop kɔ.
- ¹³Ma ɔ nɔnk aɲɔnt ɲa agbɔnɔ ɔbɔli pɔɲ, aɲ ba ebɔpɔr, ɔ kɔ kɔli bepi ɔ gbɔli bɔp ri rəka; kere ma ɔ bek ri-e, ɔ bɔp he rəka o rəka thambe ebɔpɔr. Átesoma-e, ɲɲlɔkɔ ɲa məgbɔnɔ me thahɔ.
- ¹⁴kɔ pa ka aɲɔnt, Wuni o wuni ɔ di he sɔ məkomi ma mu kətɔp ka ɲɲlɔkɔ aɲe haɲ thɔnkáɲ thəbana. Ka aɲkarande ɲɔɲ aɲ tɔl ti.
- ¹⁵kaɲ bek ro Yerusalem, kɔ wɔɲ ka ɲɲseth ɲa Kuru, ɔ tɔp kəwura wurɔ ɲaɲ aɲa thila yi aɲa wai ka ɲɲseth ɲa Kuru, kɔ thɲkli thɲkli ethebəl ya aɲa sɲɲkar ekala, yi ɔyira wa aɲa thila tɔpɔrɔm.
- ¹⁶Ɔwa ɔ selɔ he wuni o wuni ɔ kera rəka ka ɲɲseth ɲa Kuru.
- ¹⁷kɔ thəksa ɲa, ɔ pa, A gbal he kəpa, ɲɲseth a mi-e a ba kəbont ɲi ɲɲseth ɲa kəramne ta tábona be-i? Kere ɲaɲ nə po səki ɲi kəyaɲka ka akey.
- ¹⁸Ɔwa aɲkərbomp kətɔɲ ka aɲfode yi aɲkarmɔkɔ aɲ tɔl, kaɲ thens roɲ tɔ kədif kɔ, átesoma-e aɲ nesa kɔ pəkasife aɲfəm be aɲ kabane mathəksa mɔɲ.
- ¹⁹Ɔwa rəfɔi o rəfɔi ɔ wur ka kápet.
- ²⁰Maɲ thas rəbəth rəlɔm-e, aɲ nɔnk kəpa aɲɔnt ɲa aɲgbɔnɔ aɲ po wos kətɔp ka ethəɲk.
- ²¹Ma Pitaɲ ɔ kál nane ti-e, ɔ pa ro ɲɔɲ, Karmɔkɔ, kɔli aɲɔnt ɲa aɲgbɔnɔ aɲa mə raɲka aɲ po wela.
- ²²Ka Yisəsáɲ ɔ pa ro ɲaɲ, Ba nu kálane ka Kuru.
- ²³Tə tentene i kane nu, Wuni o wuni ɔwe mə pa ka kateɲ ake, Yokane, mə fithane ro baɲ, kəte ba asike ka ɲɲmerá ɲɔɲ, kere ɔ lane kəpa áte ɔ pa tɔ tɔ yi-e, ɔ tɔ sɔthɔ ti.
- ²⁴Tiyáɲ i kane nu, mátáy be nə yif rə kəramne, bepi nə lane kəpa nə sɔthɔ ma-e, ɔwa nə tɔ ba ma.
- ²⁵Ɔwa alɔkɔ o lɔkɔ be nə tɔmá rə kəramne-e, bepi nə ba táy o táy yi wuni, tera kɔ; kámá ɔKas ɔwe yi ro riyana ɔ tera nu máyɔs ma nu mələs.
- ²⁶Kere bepi nə tera he, ɔKas ka nu ɔwe yi ro riana-e, ɔ tera he nu mən.
- ²⁷kaɲ bek ro Yerusalem; ɔwa ma ɔ bɔ kɔth ka ɲɲseth ɲa Kuru-e, aɲkərbomp kətɔɲ ka aɲfode-e, aɲkarmɔkɔ yi aɲbáki-e, aɲ der ro ɲɔɲ;



²⁸kaŋ pa ro ŋŋ, Ko afɔsɔ ŋaŋ mə yɔna mātáy ame-e? Kane sɔŋ mu aŋfɔsɔ tɛ kəyɔ átáy áte-e?

²⁹Ka Yisɔsán ɔ lasiane ŋa, ɔ pa, I ti yif nu táy tin, ɔwa gbakia mi nu, kámá i tɔri nu aŋfɔsɔ mə i tɔp i yɔna mātáy ame.

³⁰Áŋbaftisəm ŋa Yɔn-e, reke aŋ wur-e? Ro riyana, thalɔm ka afəm a kəpet-e? Gbake mi nu.

³¹kaŋ fɔflane kətɔŋ ka ŋaŋ, aŋ pa, Bepi sɔ pa aŋ wur ro riana-e, ɔ tɛ pa, kəyɛŋ tɛnɛ nɔ te lane kɔ-a?

³²Kere bepi sɔ pa aŋ wur ka afəm-e aŋ nesa aŋfəm; kotáy-e ka tətɛŋ aŋfəm aŋ kəli Yɔnán mə unabi.

³³kaŋ wosa aŋ pa, Sɔ tɛ hɛ. Ka Yisɔsán ɔ pa ro ŋaŋ, Mine sɔ i tɔri hɛ nu aŋfɔsɔ mə i tɔp kəyɔna mātáy ame.

Mark 12

¹kɔ tɔp kəfɔfane ŋa rɛ elomɔ. Uthem ukin ɔ tɔp kɔr ka yet egbam, ɔ gbətɔr ki ákunk, ɔ bempa der ɔwɛkəs, ɔ raf ri aseth abɔli rəkɔm, kɔ sɔŋ ki rɛ abáf, kɔ kɔnɛ rɛ athɔf alɔm.

²Ka aŋlɔkɔ ŋa məkomi kəbák, ɔ som ábɔy ka aŋbáf kámá ɔ sɔthɔ məkomi mɔlɔm ka aŋbáf.

³kaŋ gbasi kɔ, aŋ sapɔth kɔ aŋ ter kɔ ɔ kɔnɛ ɔ ba hɛ koko.

⁴kɔ kál somɛr ŋa ábɔy ulɔm; ɔwa kɔnɔ, aŋ yɔ kɔ ɔbaŋ ro bomp, kaŋ pinthane kɔ ɔlɛs.

⁵kɔ kál som ulɔm, ɔwa kɔnɔ aŋ dif, yi agbáthi sɔ, aŋ sapɔth alɔm, aŋ dif alɔm.

⁶Halisa, ɔ ba ras ɔwan kɔŋ uruni ukin ubɔthɛr. Kɔnɔ ɔ lɛpsɔ som ro ŋaŋ, ɔ pa, Aŋ tɛ tárá ɔwan kámi rɛka.

⁷Kere aŋbáf ŋati aŋ fɔf kətɔŋ ka ŋaŋ, aŋ pa, ɔbaki kɔnɔ ɔwe, der maŋ dif kɔ nu, ɔwa akɛŋ kɔ tɛ yi áke su.

⁸kaŋ gbasi kɔ, aŋ dif kɔ, kaŋ fitha kɔ kəwur ka akɔr ka eyet egbam.

⁹Tiyán, to ɔkas ka akɔr ka eyet egbam mə yɔ-e? ɔ tɛ der dif aŋbáf ɔ tɛ sɔŋ akɔr ka eyet egbam ka afəm alɔm.

¹⁰Nɛ la hɛ karanj mágbal ame-i? Aŋsar aŋa aŋsál aŋ pɛnsa-e, ɔdi gbɛŋ a kál sɛki ŋi rábomp ra aŋkɔŋ;

¹¹Aŋɛ aŋ wur ka ɔMarki, ɔwa táy təkabane tánj ka ɛfɔr ɛ su.

¹²kaŋ thens tɛ kəwɔp kɔ, kere aŋ nesa aŋfəm, átesoma-e aŋ tárá kəpa ɔ fɔf aŋlomɔ ta átá ŋaŋ. Kaŋ tey kɔ, aŋ kɔnɛ.



- 13kaŋ som ro ŋoŋ aFaresi alom yi aHerodian alom, kama aŋ gbipar ko naŋ ka mafof moŋ.
- 14Maŋ bek-e, aŋ pa ro ŋoŋ, Karmoko so tara kopa munon me yi teten, me nesa he wuni o wuni, me keli he wuni to ander ŋoŋ aŋ yi, me thaksa aron da Kuru ka taten. Olompi ti te kafaka Sisarang, thalom pe lomp he-i?
- 15So son-i, thalom so te son-i? Kere ma konso o tara masoth ma nan-e, o pa ro nan, koyen me ne gbons mi-e? Kara mi akopar abana nin kama i keli ni.
- 16kaŋ kara ni. Ko pa ro nan, Kane ba mabalane ame yi magbal ame-e? kaŋ pa ro ŋoŋ, Sisar.
- 17Ka Yisosan o pa ro nan, Son Sisar eyet eye yi ta Sisar, yi ka Kuru eyet eye yi ta Kuru. Ka aŋ kabane ko othasor.
- 18Ka aŋSadusi ana pa kayokane ka aŋfi ko yi he-e, aŋ der ro ŋoŋ aŋ pa,
- 19Karmoko, Mosisan o gbalor su, Bepi owont uruni ka wuni o fi-e, o tey urani, o tey he wan-e, kama owont kon o gbasi orani kon, o komos awuth ta owont kon.
- 20Awont tamthederen aŋ la yi ri; ototoko o gbasi urani, ko fi, o tey he awuth.
- 21Ka owe beka naren o gbasi ko, ko fi, o tey he awuth, owa owe beka asas so.
- 22Owa antam-thederen be aŋ gbasi ko kere aŋ tey he awuth, kalapsa ka oborko o fi so.
- 23Ka kayokane ka aŋfi-e, orani ka kane mo yi-e, ma antamthederen aŋ po nanta ko-e?
- 24Ka Yisosan o pa ro nan, Ta ansabu ane-e, ti tha ne yetha-i, ma ne te tara magbal, thalom anfoso na Kuru-i?
- 25kotay-e man po yokane ka aŋfi-e, aŋ nanta he, a balos he na, aŋ te yi gbo mo anmaleka ana yi ro riyana.
- 26Kere salata aŋfi-e, kopa aŋ te kal yokane; ne tha la he karan ka akafa ka Mosisan ka oder re a gbal ta angbofon, ma Kuron o pa ro ŋoŋ ho, Mine yi oKuru ka Ebrahim, oKuru ka Aysak yi oKuru ka Yekob-i?
- 27O yi he oKuru ka aŋfi, o yi oKuru ka ankeli. Ne yetha koyetha kabana.
- 28Ukin ka ankarmoko o der, ko tel man yifethane-e, owa ma o tara kopa o po gbakia na fin-e, o yif ko, Atho areke aŋ yi antotoko ka etho be-e?
- 29Yisosan o pa, Antotoko aŋ yi, Tel O Isrel, oMarki oKuru kasu o yi oMarki ukin gbo;
- 30owa me yi te kabatho oMarki oKuru ka mu yi annan a mu be, yi anesam a mu be, yi anmer a mu be, yi anfoso a mu be.
- 31Ana beka maran, ni ane; me yi te kabother ofatane ka mu me ma me botherne. Atho alom athasi eye aŋ yi he.



- ³²Ka ankarmoko o pa ro non, Karmoko me lom teten kopa oMarki ukin gbo o yi, ulom o yi he so pethas konon.
- ³³Owa te kabother ko yi anmerá be, yi anpane be, yi anesam be, yi anfaso be, yi te kabother ofatane kon mo mo botherne, pe thasi sathka telolok tethoi yi esathka be.
- ³⁴Ma Yisosan o nank kopa o gbaki yi ketemp-e ko pa ro non, Me bolane he rabay ra Kuru. Kedaron kati wuni o wuni o mintha he so yif ko tay o tay.
- ³⁵Ma Yisosan o thaksa ka anseth na Kuru-e, o pa, koyen ankarmoko an pa kopa Krastan o yi owan ka Debid-a?
- ³⁶Debid kon konone o pa ka oYina mesam, oMariki o pa ka oMarki kami, Yira ka kadiyo kami Han i saki antherane a mu agbeth na atatok ta mu.
- ³⁷Debidan kon konone o bont ko Mariki; to pe tep kon o gbali yi owan kon-e? Ka aruniya rebana re tela ko yi mebone.
- ³⁸Owa ka kathaksa kon o pa, Pendaf nu ankarmoko ana bother kekoth an won suma taboli, ana bother kekori na ka oder othila,
- ³⁹yi oyira ototoko ka eseth egbane yi oder ototoko ka emet.
- ⁴⁰Dan ana me lesar eseth ya abora, owa yi kekonthosne an ramne owoni; ane gben an te sotho katiyafu kabana.
- ⁴¹ko yira o lomane ro a bene ankala, owa agbathi ana yi ayola an fak ogbathi.
- ⁴²Ka ubora umone o der, ko fak afadin.
- ⁴³ko tela ankarande non, o pa ro nan, Tentene i kane nu kopa, obora owe o fak pethasi na be ana fak ka oder ro a bene ankala;
- ⁴⁴atesoma-e na be an son ka kagbali ka nan kabana, kere obora ka kapan kon o fak eye o ba be, hali ara o ba ta kadi kon.

Mark 13

- ¹Owa ma o wur ka anseth na Kuru-e, ukin ka ankarande non o pa ro non, Karmoko, keli, ko masar owa ko eseth yeye!
- ²Ka Yisos o pa ro non, Me nank eseth ebana eye-i? A ba he kete yasar nin rokom ka alom ana me a te fak.
- ³Ma o yira ka katen ka Olif o lomane anseth na Kuru, ka Pitan, Yemesan, Yonan yi Andron an yif ko so-e,
- ⁴Kane su anloko matay ame me ba keyi, owa ko yi amisali ana me yi bepi matay ame me yone-e?
- ⁵Ka Yisosan o tep kopa ro nan, Botne nu re amerá kama wuni o wuni o te nu tons.



- ⁶Agbathi aŋ tɛ der ka aŋes a mi, aŋ tɛ pa, Mine yi kɔnɔ; ɔwa aŋ tɛ tons agbathi.
- ⁷Ma nɛ tɛl ta sɛfa yi tɛgbuŋ ta sɛfa-e, te nu nesa. Mɛtɛy ame mɛ ba kɛyɔnɛ, kɛrɛ ɔthalnɛ ɔ tha bek hɛ.
- ⁸kotɛy-e abona aŋ tɛ fumpɔ abona, ɔwa rɛbɛy rɛ tɛ fumpɔ rɛbɛy; kɛyer ka aŋthɔf kɛ tɛ der ɔgbathi. Dor rɛbana rɛ tɛ yi. Mɛtɛy ame mɛ tɛ yi ɔtɛpɛr wa kasɔmpanɛ.
- ⁹Kɛrɛ botnɛ nu rɛ ɛmerɛ, ɛtesoma-e a tɛ lɛnki nu ka ɛbare ya rɛbɛy; a tɛ sapɛth nu ka ɛseth ɛgbanɛ; a tɛ kɛrɛ nu rodi ka aŋbɛy salata mi, tɛ kɛseri ro ŋaŋ ta ɛtɛ mi.
- ¹⁰Kɛrɛ a ba kɛmɔtha tamɛs ɛkɛra kɛfɛnɔ ka Kuru ka tɛbona bɛ yɛŋka ɔthalnɛ ɔ bek.
- ¹¹Maŋ kɛra nu tɛ kɛlɛŋkli nu-e, te nu ba asoli ta ɛtɛ mɛ nɛ fɔf, kɛrɛ tɛy ɔ tɛy ɛtɛ a sɔŋ nu ka ɛŋlɔkɔ ŋati-e, tɛ mɛ nɛ fɔf, kotɛy-e, pɛ yi hɛ naŋ nɛ mɛ fɔf, kɛrɛ ɔ Yina mɛsɛm kɔnɔ mɛ fɔf.
- ¹²ɔwa uwɔnt ɔ tɛ lɛnki uwɔnt tɛ kɛfi, ɔwa ɔkas ɔwan kɔŋ; ɔwa aŋwuth aŋ tɛ fumpɛr aŋa kɔmɛs ŋa, aŋ tɛ yɔ a dif ŋa.
- ¹³Aŋfɛm bɛ aŋ tɛ gbɛŋa nu salata aŋes a mi; kɛrɛ kɔnɔ ɔwe mɛ muyu haŋ ka ɔthalnɛ-e, mɛ kisi.
- ¹⁴Kɛrɛ ma nɛ nɛnk ɔtheranɛ ka kɛdinɛ ta ɔwe ɔnɛbi Danel ɔ fɔf-e ɔ tɛmɛ ro ɔ te mar tɛmɛ, (ta ɔwe mɛ karanɔ ɔ sɔthnɛ) ɔwa ta ŋaŋ aŋa yi ro Yuda aŋ gbukɛ aŋ kɛ ka tɛtɛŋ;
- ¹⁵ɔwa kɔnɔ ɔwe yi ka aŋseth rokɔm ta ɔ te thor, thalɔm ɔ te wɔŋ ro seth tɛ kɛwura rɛka ɔ rɛka.
- ¹⁶ɔwa kɔnɔ ɔwe yi ro kɛr ta ɔ te kɛlanɛ tɛ kɛgbasi aruma rɔŋ.
- ¹⁷Mɛnɛ ro ŋaŋ aŋa yi ator yi ŋaŋ aŋa masɛr ka mɛrey mati!
- ¹⁸ɔwa ramnɛ nu kɛmɛ kagbukɛ ka nu kɛ te yi ka ɛdɛrɔŋ.
- ¹⁹ɛtesoma-e ka mɛrey mati kɛsɔmpanɛ kɛ tɛ yi, kɛwunɔŋ ɛkɛ te tha yi kɛbi ɛdɛru rɛ tɛpɛ ara Kuru ɔ tɛpi haŋ ka-ɛkɛ, ɔwa kɛ ba hɛ sɔ kɛyi.
- ²⁰ɔwa, thambe ɔMarki ɔ gbɛŋki mɛrey mati, wuni ɔ wuni ɔ ba hɛ naŋ tɛ kɛkisi; kɛrɛ salata aŋthith aŋa ɔ po thithɛs-e, ɔ tɛ gbɛŋki ma.
- ²¹Ka ɛŋlɔkɔ ŋati bepi wuni ɔ wuni ɔ pa, Kɛli, ɔKrayst ɔ yi nɔ; thalɔm ɔ yi ro. Te nu lanɛ ti,
- ²²kotɛy-e aKrayst ayem yi anɛbi ayem aŋ tɛ yokanɛ, aŋ tɛ yɔ ɛmisali yi tɛy tɛkabanɛ, kɛmɛ bepi pɛ gbɛli yi-e, aŋ tɛ yethɛs aŋthith.
- ²³Kɛrɛ botnɛ nu rɛ ɛmerɛ. Kɛla i po mɔtha kanɛ nu mɛtɛy bɛ.
- ²⁴Ka mɛrey mati, kɛdarɔŋ ka kasɔmpanɛ kati, arɛt rɛ tɛ biyɛ, ɔwa aŋɔf aŋ ba hɛ kɛsɔŋ ɔwan wati.
- ²⁵ɔwa atɔs ka ɛkuru tɛ tɛ fumpɔ ɔwa aŋfɔsɔ aŋa yi ka ɛkuru aŋ tɛ yɛŋkthanɛ.



- 26 Ɔwa àṅlòkò ɲati aṅ tə nən̄k ɔWan ka wuni ɔ tə der ka aturu rə afɔsɔ yi ayiki abana.
- 27 Ɔwa àṅlòkò ɲati ɔ tə som aṅmàleka, ɔ tə thoṅkla der rəkin aṅthith ɲoṅ kəwur ka egbap yanle ya àdàru, kəwur ka ɔthalne wa àdàru kəkò ka ɔthalne wa àkuru.
- 28 Thəkəs nu alomò ɲa aṅənt ɲa aṅgbɔnɔ; bepi mara məfəth mati mɛ wur ebəpər efu-e, nə tārà ti kəpa rawok rə fat.
- 29 Ya pə yi sɔ naṅ, bepi nə nən̄k mātáy ame mə yɔnɛ-e, tārà nu kəpa ɔ po fat, hali ka tadare ta nu.
- 30 Tentene i kanɛ nu, rākomra are rə ba hɛ kəthas haṅ mātáy ame bɛ mə gbenthis.
- 31 Àkuru yi àdàru ɛ ba kəthas; kere àsım ta mi tə ba hɛ kəthas.
- 32 Kere aṅrey ɲati yi àṅlòkò ɲati-e wuni o wuni ɔ ba hɛ kətara, hali aṅmàleka ro riyana thalòm ɔWan, kere ɔKas gbo son.
- 33 Botne nu rə àmerà, bumər ɔwa ramne, àtesoma-e nə tɛ hɛ àṅlòkò ɲati.
- 34 Pə yi mɔ wuni ɔwe kò rə àbiyas abəli ɔ tey aṅseth ɲoṅ, ɔwa ɔ sɔṅ afɔsɔ ka ebɔy yɔṅ, ukin o kin ɔ ba mapanth mɔṅ, kò yamari ɔbumər tə kəbum.
- 35 Tiyàṅ bumər nu, àtesoma-e nə tɛ hɛ àṅlòkò aṅa ɔkas ka aṅseth mɔ der, pə yi rəfɔy-e, kəren datɔṅ-e, ka àṅlòkò kətəpi mɔ tam-e, thalòm rəbəth;
- 36 ta thani ɔ der kəthəna ɔ bəp nu nə dirà.
- 37 Ɔwa àte i pa ro nu, i pa ka aṅfəm bɛ. Bumne nu.

Mark 14

- 1 Kədarəṅ ka mərəy mārəṅ amet ma kapainɛ yi kabo kəpaṅi egbith mə yi, ka aṅfode abana yi aṅkarmòkò aṅ thens roṅ rə məsəth tə kəwop, ɔwa tə kədif kò;
- 2 kere aṅ pa, Ta pə te yi ka àṅlòkò ɲa amet ta kəthəna məgbɔṅktha mə yi ka aṅfəm kətəṅ.
- 3 Ma Yisəs ɔ yi ro Bəthani ka aṅseth ɲa Saymən ɔwe ba arom-e, ma ɔ yirà tə kədi-e, wuni bom ɔ der ɔ ba kəbos ka mārò məsopa məbaki mələ. Ɔ sunti kəbos, kò lond ma ka rəbomp rəṅ.
- 4 Kere alòm ri-e, pə bansáne ɲa, aṅ pa, kəyey mɔ ləsər àmàro ame-e?
- 5 kotáy-e a gbəli naṅ thila àmàro ame ta akala athasi esiliṅ tɛmɛ təsas, a sɔṅ ma ka aṅmɔnɛ. Kaṅ bansər ɔbərko.
- 6 Ka Yisəsàṅ ɔ pa, Tey kò nu. Kəyey mə kira kò-e? Ɔ po yɔ məyɔs məfinɔ ro rəmi.
- 7 Aṅmɔnɛ aṅ yi yi naṅàṅ alòkò o lòkò, ɔwa alòkò bɛ ma nə yema nə gbəli yɔ ɲa ɔfinɔ. Kere mineṅ i yi hɛ yi naṅàṅ lòkò o lòkò.
- 8 Ɔ po yɔ àte ɔ gbəli; ɔ po sop aṅder a mi tə kəmànk mi.



- ⁹Tentene i kanɛ nu, Der o der ro mɛ a tamɛs akera kɛfinɔ ka Kuru ka adaru be-e, ate oya ɔ po yo-e, a ba kɛfɔf ti sɔ tɛ kɛnanɛ kɔ.
- ¹⁰Ka Yudas Iskariyɔtɔn, ukin ka aɲtɔfɔt njarɛn, ɔ kɔnɛ ka aɲfode abana kɛmɔ ɔ lɛnki kɔ ro rɔnɔn.
- ¹¹Maɲ tɛl ti-e, pɛ bɔnɛ nja, kaɲ lahiri tɛ kɛsɔn kɔ akala. Kɔ thens roɲ dɛfɔy tɛy tɛ kɛlankli kɔ ro nɔn.
- ¹²Ka aɲrey atɔtɔkɔ nja kabo kɛpani egbith-e, maɲ fai kalɔmɛ ka kapainɛ-e, aɲkarande nɔn aɲ pa ro nɔn, Reke mɛ yema sɔ kɔ bɛnɛnɛ kɛmɔ mɛ di kapainɛ-e?
- ¹³kɔ som akarande nɔn njarɛn, ɔ pa ro rɔnɔn, Kɔnɛ nu ro pet, ɔwa nɛ tɛ gbanɛ ulanɲba ɔ gbanɛ abɔl akutha aɲ la mɛnt; tɛn kɔ nu.
- ¹⁴Der o der ɔ wɔn, pa ka ɔkas ka aɲseth, Okarmɔkɔ ɔ pa, Areke yi aɲkonko nja aɲtik-a, ro mɛ i di kapainɛ yi aɲkarande a mi-e?
- ¹⁵ɔwa kɔn kɔnɔnɛ ɔ tɛ tɔri nu akonko abana rokɔm aɲa a po yesi ro mɛ nɛ bɛnɛnɛ ta atɔ su.
- ¹⁶Ka aɲkarande aɲ kɔnɛ aɲ der ro pet, kaɲ bɛp ti mɛ mɛ pa, kaɲ bɛnɛnɛ kapainɛ.
- ¹⁷Ma rɛfɔy rɛ bek-e, ɔ der yi aɲtɔfɔt njarɛn.
- ¹⁸Maɲ yirɔ ka kɛdi-e, Yisɔsɔn ɔ pa, Tɛ tentene i kanɛ nu, ukin kɛtɔn ka nu ka kadi ake-e ɔ tɛ sɔnd mi.
- ¹⁹Animisa aɲ tɛp kɛwop nja, kaɲ yif kɔ ukin kin, Minɛn-i?
- ²⁰kɔ wosa ɔ pa ro rɔnɔn, Ukin ka na atɔfɔt njarɛn, ɔwe mɛ tɔka kɛta kɔn ka aɲbɔl yi minɛn.
- ²¹Atesoma-e ɔWan ka wuni ɔ kɔ mɛ mɛ a po gbal ta atɔn; kɛrɛ mɔnɛ ka ɔwuni ɔwe mɛ sɔnd ɔWan ka wuni! Pɛ tɛ yi ɔfinɔ ta ɔwuni kati bepi a kom hɛ kɔ nɔn.
- ²²Mɛ mɛ aɲ di-e, ɔ gbasi kabo, ɔwa ma ɔ po ruba ki-e, ɔ simɛth ki, kɔ sɔn ki ro rɔnɔn, ɔ pa, Gbasi nu ake, nɛ di. Ake kɔ yi aɲdɛr a mi.
- ²³kɔ gbasi ampɔthi, ɔwa ma ɔ po sɔn mɛmɛ-e, ɔ sɔn nji ro nɔn, ka nja bɛ aɲ muna ri.
- ²⁴kɔ pa ro nɔn, Ame mɛ yi mɛtir ma mi ma aɲlemranɛ afu ama a loɲ ta afɛm alai.
- ²⁵Tentene i kanɛ nu, i ba hɛ sɔ kɛmun mɛkomi ma ralek haɲ ka aɲrey nati aɲa mɛ i mun ma ɔfu ka rɛbɔy ra Kuru.
- ²⁶Maɲ po leɲ aleɲ-e, aɲ wur aɲ kɔnɛ ka kateɲ ka Olif.
- ²⁷Ka Yisɔsɔn ɔ pa ro nɔn, Naɲ bɛ nɛ tɛ pɛnthbɛla salata mi rɛfɔy are; kotɔy-e a gbal ti kɛpa, I ti gbantha ɔtɔl, ɔwa talɔmɛ aɲ tɛ sakanɛ.
- ²⁸Kɛrɛ ma i po yokanɛ ka rafi-e, i ti tɛmɔ nu kɛdi ro Kalili.



- 29Pitaŋ ɔ pa ro ŋɔŋ, Hali ŋa be aŋ pɛnthɔla-e, kere mine tha.
- 30Ka Yisɔs ɔ pa ro ŋɔŋ, I kanɛ mu tɛ tentene, thonɔŋ, hali ka rɔtɔtak are-e, munɔ mɛ tɛ pensane mi mɛsas, yenka katɔpi ɔ tam mɔrɔŋ.
- 31Kere Pitaŋ ɔ pa asɔbe, Hali i ba tɛ kɛfi yi munɔŋ, i gbɛli he pensane mu. Ya aŋkarande be aŋ pa sɔ.
- 32kaŋ der ka ɔder ro a bont Kethsemane; kɔ pa ka aŋkarande ŋɔŋ, Yirɔ nu nɔ ma mɛ i ramne.
- 33ɔ banene Pitaŋ, Yemɔs yi Yɔnɔŋ kɔ tɔp kɔsaŋ amɔl, ɔwa aŋmerɔ ŋɔŋ aŋ lela kɔ.
- 34kɔ pa ro ŋaŋ, Aŋmerɔ a mi aŋ ba ɔnɔsine ɔbana haŋ ka rɛfi. Bɔker nu nɔ, ɔwa kɛlene nu.
- 35kɔ kɔ rodi ɔthan, kɔ gbɛpsa, ɔ ramne kɔpa bepi naŋ pɛ gbɛli yi-e ta aŋlɔkɔ aŋe aŋ paine kɔ.
- 36kɔ pa Aba, Pa, ro rɔmu mɔtɔy be mɛ selɔne. Tɔŋa ampɔthi ŋa aŋsɔmpanɛŋ aŋe ro mi, kere ta pɛ te yi ka mayema ma mi, ta pɛ yi mɔ mɛ munɔ mɛ yema.
- 37kɔ der ɔ bɛp ŋa aŋ dirɔ, kɔ pa ka Pitaŋ, Saymɔn, mɛ dira-i, mɛ gbɛli he kɛlene ta alɔkɔ ŋin-i?
- 38Kɛlɔne nu ɔwa nɔ ramne kɔmɔ nɔ te wɔŋ rɔ tɔy tɔgbɔns. Tentene aŋmerɔ aŋ selɔ kere aŋder a rant.
- 39kɔ kɔl kɔne ɔ ramne, ɔ pa ɔsim tati sɔ.
- 40kɔ kɔl sɔ der, ɔ bɛp ŋa aŋ dirɔ, kotɔy-e efor yaŋ e lel; ɔwa aŋ te he ɔte mɛ aŋ wosane kɔ.
- 41kɔ kɔl der kɔbeka mɛsas, ɔ pa ro ŋaŋ, Dira nu thɔŋ ka-ake, nɔ fothane. ɔbeki, aŋlɔkɔ aŋ bek. Kɛla, a po sɔnd ɔWan ka wuni ka mɔta ma afɛm alɔs.
- 42Yokane nu kɔmɔ sɔ kɔne. Kɛli, ɔwe mɛ sɔnd mi ɔ bek.
- 43Ka ɔlemp wati, ma ɔ bɔ fɔf-e, Yudasɔŋ, ukin ka aŋtɔfɔt ŋarɔŋ-e, ɔ der yi runiya rɔbana, aŋ ba egbathɔ yi tɔgbɛŋgbɛŋ, aŋ wur ka aŋfode abana, aŋkarmɔkɔ yi aŋbaki.
- 44Kɔn ɔwe mɛ sɔnd Yisɔsɔŋ ɔ po sɔŋ ŋa alomar, ɔ pa, ɔwe mɛ i mumɛl-e, kɔnɔ yi ɔkin kati. Wop kɔ nu, nɔ kera kɔ ɔthɔfɛl.
- 45Ma ɔ bek-e, ka ɔlemp wati ɔ der ro ŋɔŋ ɔ pa, Karmɔkɔ, Karmɔkɔ; kɔ mumɛl kɔ.
- 46kaŋ wop kɔ yi tɔmthɛderɔŋ maŋ, aŋ kera kɔ.
- 47Ka ukin ka ŋaŋ aŋa tɔmɔ rayer ɔ tali aŋgbathɔ ŋɔŋ, ɔ tap aŋbɔy ŋa ɔfode ubana, ɔ gbɛk aŋlɔns ŋɔŋ.
- 48Ka Yisɔs ɔ pa ro ŋaŋ, Nɔ po der yi egbathɔ de yi tɔgbɛŋgbɛŋ tɛ kɛwop mi mɛ wuni key-i?



- 49 I yi yi nanjan arey o rei ka anseth na Kuru, i thaksa, kere ne wop he mi. Kere ate to yone kama magbal ma lasar.
- 50 Ka na be an tey ko, an gbuke.
- 51 Ka ulangba ulom o tanane ko, o gbanthane kotha kalinen ka ander non, ka a wop ko.
- 52 Kere o tey akotha kalinen, o gbuke ketin.
- 53 kan kera Yisosan ka ofode ubana. Ka ankorbomp ka anfode, anbaki yi ankarmoko an thonklane der rokin yi kon.
- 54 Owa Pitan o tan ko oboli pon han ka anbare na ofode ubana. Ko yira yi ebay, o saya.
- 55 Ka anfode abana yi anSanhedrin be an thens aseri ta Yisosan to kadif ko kere an fir he ko.
- 56 Agbathi an son maseri ma røyem, kere ma bejane he.
- 57 Owa alom an tama an seri røyem ta aton,
- 58 an pa, Sa tela ko o pa, I ti sakthi anseth na Kuru ane ana a bempene meta, owa ka morey masas i ti kal tamer alom ana a te bempene meta.
- 59 Kere maseri man ma bejane he so.
- 60 Ka ofode ubana o yokane keton ka nan, o yif Yisosan, o pa, Ma gbaki he be-i? Ko tay ate ata an seri ta ata mu-e?
- 61 Kere o tan thom, o gbaki he. Ka ofode ubana o yif ko so, o pa, Mun o yi oKraist-i, oWan ka oRuba-i?
- 62 Ka Yisos o pa, Minej, owa ne to nenk oWan ka wuni o yira ka kata kadio ka afoso, o to der ka tarant tefera ta akuru.
- 63 Ka ofode ubana o piməs asuma ton, o pa, Ko maseri melom ma sa yema so-e?
- 64 Na be ne po tel ma o namne Kuron. To ne nane-e? Ka na be an son ko metheri to kafi.
- 65 Alom an thufar ko, kan gbaper ader ron, an tuns ko, an pa ro non, Tori su owuni bepi ma yi unabi. Ka ebay an napas ko yi mata man.
- 66 Ma Pitan o yi ro bare-e, ukin ka ebay abera na ofode ubana o der.
- 67 Ma o nenk Pitan o saya-e, o keli ko ko pa, Mun so ma sa yi yi Yisosan owe ro Nasareth.
- 68 Kere o pensa o pa, I te he, owa ate ma pa to sok he mi. Ko wur ro gbenthon, ka katopi o tam.
- 69 Ka abay ubera o nenk ko so, ko kal tep kopa ka nan ana tama rayer, Ukin ka nan kon owe.



⁷⁰Kere ɔ pensa so. Kedarɛn kati nan ana tɛmɔ rayer an pa ka Pita, Ka tetɛn munɔ yi ukin ka nan, mɛ yi uKalili, mafɔf ma mu mɛ tɔri ti.

⁷¹Ɔ tɔp kɛnal yi kɛgbin, ɔ pa, I tɛ hɛ ɔlanɔba ɔwe mɛ nɔ bont.

⁷²Ka ɔlɛmp wati katɔpi ɔ tam kɛbeka mɔrɛn. Ka Pita ɔ kala ɔmerɔ ka ɔrim ara Yisɔs ɔ pa ro rɛnɛn, Yɛnka katɔpi ɔ tam marɛn-e, mɛ tɛ pensa mi mɛsas. Ma ɔ tɔmtɔmne ti-e, ɔ bok.

Mark 15

¹Ma pɛ sɔk-e, ka ɔlɛmp wati anɔfode abana an nɔnkanɛ yi anɔbaki yi anɔkarmɔkɔ dɛ yi anɔSanhedrin bɛ, kan sek Yisɔsɔn, an kera kɔ, kan lanɔki kɔ ka Paylet.

²Ka Payletɔn ɔ yif kɔ, Munɔ yi ɔbɔy ka anɔYuda-i? kɔ wosa kɔpa, Ya mɛ pa.

³Ka anɔfode abana an gbanthir kɔ ta mɔtɔy mɛgbathi, kɛrɛ ɔ wosa hɛ.

⁴Ka Paylet ɔ yif kɔ sɔ, ɔ pa, Mɛ gbaki hɛ-i? Kɛli mɔtɔy mɛgbathi a gbanthir mu-a.

⁵Kɛrɛ Yisɔs ɔ wosa hɛ han Paylet ɔ kabanɛ.

⁶Ɔwa ka anɔlɔkɔ na amet amɛ Payletɔn ɔ la tera na wuni utand ukin, ɔwe anɔYuda an tholir kɔ.

⁷Ka ulanɔba a bont Barabas ɔ yi utand yi nan ana fak atotok, ɔwe dif wuni ka anɔtotok.

⁸Ka ɔruniya rɛ tɔp kɛyif Paylet tɛ kɛyɔ mɛ mɛ la tane tɛ kɛyɔnɔ nan.

⁹Ka Payletɔn ɔ pa, Nɛ yema kɔmɔ i tera nu ɔbɔy ka anɔYuda-i?

¹⁰kotɔy-e ɔ tɔrɔ kɔpa anɔfode abana an lanɔki kɔ ta kɛtut.

¹¹Kɛrɛ anɔfode abana an gbisɛna ɔruniya kɔmɔ ɔ tera na Barabasɔn.

¹²Ka Paylet ɔ pa ro nan, To nɛ yema kɔmɔ i yɔna kɔ ɔwe nɛ bont ɔbɔy ka anɔYuda-e?

¹³kan wona sɔ, Tɔn kɔ rɛ akɛnt kɛpɛnkine.

¹⁴Ka Payletɔn ɔ pa ro rɛnan, Kɔɛn-a? Ko ɔlɛs wɛn ɔ po yɔ-e? kan bɔr wona kɛwonan kɛbana, Tɔn kɔ rɛ akɛnt kɛpɛnkine.

¹⁵Ɔwa Payletɔn, ma ɔ yema thesis ɛmerɔ ya ɔruniya-e, ɔ tera na Barabas, ɔwa ma ɔ po sap Yisɔsɔn, ɔ lanɔki kɔ kɔmɔ a tɔn kɔ ka akɛnt kɛpɛnkine.

¹⁶Antim an kera kɔ rokor ka anɔbare ana a bont Pritoriom, kan tela antim bɛ dɛr rɔkin.

¹⁷kan wɛns kɔ ruma rɛyim, kan ru ɔniyɔ na tɔbanɔk, an rɛn kɔ ni.

¹⁸kan wɛn kɛkɔri kɔ an pa, To pɛ, ɔbɔy ka anɔYuda-e?

¹⁹kan sapa kɔ ro bomp yi kɛthanɔkɛ, an thufɛr kɔ, an sɔna kɔ tɔwu, an bɔtho kɔ.



- 20Mañ po sel kɔ-e, aɲ bus kɔ aruma rɛyim, aɲ wɔns kɔ ʔsuma tɔɲ, kaɲ kera kɔ tɔ kɛtaɲ kɔ ka akɛnt kɛpɛɲkine.
- 21Ɔwa Saymɔn ro Sirini, ɔkas ka Aleksanda yi Rufɔs-e, ma ɔ bɔ thas ri kɛwur ro gbaɲ-e, aɲ fumpɛr kɔ tɔ kɛgbane akɛnt kɛpɛɲkine.
- 22kaɲ kàrà kɔ ka ɔder a bont Kɔlkɔtha, ro pɛ yi ma a tepa, a bont ɔder wa kɛgbɛɲkɛt.
- 23Aɲ sɔɲ kɔ mɛber mɛkuluɲane ʔɲma, kere ɔ mun he ma.
- 24Mañ po tɔɲ kɔ ka akɛnt kɛpɛɲkine-e, aɲ yerane ʔsuma tɔɲ, aɲ fak mɛthɛɲ ta ti, tɔ kɛtara ara wuni o wuni mɔ ba.
- 25Ka a tɔɲ kɔ ka akɛnt kɛpɛɲkine ka ʔɲlɔkɔ ɲa ʔɲgbelen ʔɲa bekà mɛsas.
- 26Ka a gbal mâtáy ama a gbanthir kɔ rokɔm kɔɲ kɔpa, ƆBÁY KA ADYUDA.
- 27kaɲ tɔɲ sɔ afɛm akey ɲarɛɲ rɔ tɛnt tɛpɛɲkine; ukin ka kádiyɔ kɔɲ, ɔwa ukin ka kámɛrɔ kɔɲ.
- 28Ɔwa a lasɛr mágbal ama pa, A kuluɲ kɔ ka ʔɲfɛm alɛs.
- 29Ɔwa ʔɲfɛm ʔɲa thas ri-e, aɲ nal kɔ, aɲ fil fil tabomp taɲ, aɲ pa, Yɔ! Munɔ mɔ lɛsɛr ʔɲseth ɲa Kuru, mɔ kál tɛmɛr ɲi rɔ mɛrey mɛsas,
- 30kisisne kámá mɔ thor ka akɛnt kɛpɛɲkine.
- 31ʔɲfode abana sɔ yi ʔɲkarmɔkɔ aɲ sel kɔ, aɲ pa ukin ka ulɔm, Ɔ la kisis alɔm, kere ɔ gbɛli he kisisne.
- 32Ta ɔKrayst ɔbáy ka ʔɲIsrɛl ɔ thor ka-ake ka akɛnt kɛpɛɲkine kámá sɔ nɔnk, sɔ lane. Hali ʔɲa a tɔɲ yi kɔnɔ rɔ tɛnt tɛpɛɲkine ʔɲ sambos kɔ.
- 33Ma ʔɲgbelen ʔɲa bekà tamthɛrukin ʔɲ bek-e, asum ʔɲ wɔɲ ka ʔɲthɔf bɛ, haɲ ka ʔɲgbelen ʔɲa bekà támthɛɲɛɲanlɛ.
- 34Ɔwa ka ʔɲgbelen ʔɲa bekà tamthɛɲɛɲanlɛ-e, Yisɔsɔɲ ɔ sel ɛrɔɲ lɛɔ, ɔ pa, Ilɔi, Ilɔi, lama Sabakthani? ʔtá a tepa kɔpa, ƆKuru kámi, ɔKuru kámi, kɔyɛɲ mɔ ter mi-e?
- 35ʔɲlɔm ʔɲa tɛmá ri maɲ tɛl ti-e, aɲ pa, Kɛli, ɔ tela Ilaya.
- 36Ka wuni kin ɔ gbuke ɔ lasɛr asponge yi afinika, ɔ bot ɲi rɔ kɛthaɲkɛ, ɔ sɔɲ kɔ tɔ kɛmun, ɔ pa, Kar, ta sɔ kɛli bepi Ilayaɲ ɔ tɔ der thora kɔ.
- 37Kere Yisɔsɔɲ ɔ wurɔ rim rɛbɔli rɛkɔm, kɔ ternɛ.
- 38Ka ʔɲkunklane ɲa ʔɲseth ɲa Kuru ʔɲ gbayane ratɔɲ kɛtɔp rokɔm haɲ roratha.
- 39Ma ɔkurgba ɔwe tɛmá ɔ lomane kɔ ɔ nɔnk kɔpa ɔ po ternɛ-e, ɔ pa, Tentene ɔlangba ɔwe ɔ yi ɔWan ka Kuru.
- 40ʔɲfɛm abom sɔ ʔɲ tɛmá ɔbɔli pɔɲ, ʔɲ kɛli; Meri ɔwe ro Makdala, Meri ɔkara ka Yemɛs ɔfɛth yi Yoses, yi Salome, ʔɲ yi kɛtɔɲ ka ɲaɲ;



⁴¹Maŋ yi ro Kalili-e, aŋ tãŋ kɔ aŋ yɔna kɔ. Ka afɛm abom alɔm sɔ aŋ paya kɔ haŋ aŋ bek ro Yerusalem.

⁴²Ma ráfɔy rɔ po bek-e, maŋ yi áŋrey ŋa kabɛnɛnɛ, áŋrey aŋa tɛmá aŋsabath kɛdi-e,

⁴³Yosɛf ɔwe ro Arimathia, wuni ka aŋSanhedrin ɔwe a wop yiki, ɔwa kɔn kɔnɔnɛ ɔ kɛlɛnɛ rábáy ra Kuru, ɔ der, ɔwa ɔ wɔŋ yi kɛmintha ka Paylet kámá ɔ thola kabel ka Yisɔs.

⁴⁴Kɛrɛ Payletãŋ ɔ kabanɛ ma ɔ tɛl kɔpa ɔ po thɔŋ fi. Kɔ tela ɔkurgba ɔ yif kɔ bepi ɔ po fi ɔwoni.

⁴⁵Ma ɔ tɛl ti ka ɔkurgba-e, ɔ sɔŋ kabel ka Yosɛf.

⁴⁶kɔ wai kotha kɛlinɛn, ɔ thora kɔ, kɔ rapɛr kɔ ka akotha kɛlinɛn, ɔ bot kɔ ka kɛboma ákɛ a bɛs rɔ ásar, kɔ bɛnkli ásar ka kadare ka káboma.

⁴⁷Ka Meri ɔwe ro Makdala yi Meri ɔkara ka Yosɛs aŋ nɛnk ro a bot kɔ.

Mark 16

¹Ma aŋsabath aŋ thas-e, Meri ɔwe ro Makdala yi Meri ɔkara ka Yemɛs yi Salome, aŋ wais mɛpos mɛfɔlfɔl tɔ kɛsopa Yisɔsãŋ.

²ɔwa ka bɛth bɛth ka áŋrey áttɔtkɔ ŋa áŋyik, aŋ der ka káboma ma aret rɔ put.

³Aŋ fɔfãnɛ aŋ pa, Kanɛ mɔ bɛnkɛ su áŋsar ka kadare ka kaboma-e?

⁴Kɛrɛ maŋ kɛli-e, aŋ nɛnk kɔpa a po bɛnkli aŋsar; átesoma-e aŋ yi abana ɔthasɛr.

⁵Maŋ wɔŋ ka kaboma-e, aŋ nɛnk ulãŋgba ɔ yirá ka áŋgbáp ádiyɔ, ɔ wɔŋ ruma rɛfɛra rɛbɔli, kaŋ nesa.

⁶kɔ pa ro rɔŋaŋ, Te nu nesa; nɔ thɛns Yisɔs ɔwe ro Nasarɛth, ɔwe a tãŋ ka akɛnt kɛpɛŋkine. ɔ po yokanɛ; ɔ yi hɛ nɔ. Kɛli ɔder ro a bot kɔ.

⁷Kɛrɛ kɔnɛ nu, kanɛ aŋkarande ŋɔŋ yi Pitaŋ kɔpa ɔ tɛmá nu kɛdi ro Kalili, rɔ mɔ nɔ nɛnk kɔ mɔ mɔ kanɛ nu.

⁸kaŋ wur lɛmp ka káboma aŋ gbukɛ, átesoma-e kɛyɛr yi akɔnthɔfɔli aŋ derɛr ŋa, ɔwa aŋ pa hɛ táy ɔ táy ka wuni ɔ wuni átesoma-e rɛnɛs rɔ wop ŋa.

⁹Ma Yisɔsãŋ ɔ bɔra yokanɛ ka áŋrey áttɔtkɔ ŋa áŋyik-e, ɔ mɔtha tɔrine ka Meri ɔwe ro Makdala, ka ɔwe ɔ wurɔ akɛrɛfi tãmthɔderɛŋ.

¹⁰kɔ kɔnɛ ɔ kanɛ ŋa aŋa la yi yi kɔnɔ maŋ nimisa ɔwa aŋ bok.

¹¹ɔaŋ, maŋ tɛl kɔpa ɔ kɛli-e, ɔwa kɔpa ɔya ɔ nɛnk kɔ-e aŋ lanɛ hɛ ti.

¹²Kɛdarɛŋ ka mátáy amɛ ɔ tɔrine rɔ mɔyi mɛlɔm ka akarande ŋarɛŋ ka áŋbiyas ŋaŋ kɛkɔ ro gbaŋ.

¹³kaŋ kɔnɛ aŋ kanɛ ti ka aŋlɔm, kɛrɛ aŋ lanɛ hɛ ŋa sɔ.



14Kɔdarɛŋ kati ɔ tɔrine sɔ ka aŋtɔfɔt ukin ma aŋ yirɔ ka kɔdi, kɔ fɔfɔr ŋa ta kate lane ka ŋaŋ yi kagbolŋane ka emerɔ yaŋ pɔkasife aŋ lane he ŋa aŋa po nɔnk kɔ kɔdarɛŋ ka kɔyokane kɔŋ ka rafi.

15kɔ pa ro ŋaŋ, Kɔne nu ka ɔdaru be, ɔwa tamɔs nu ɔkera kɔfinɔ ka Kuru ka wuni o wuni.

16Kɔnɔ ɔwe mɔ lane, ɔwa a baftays kɔ-e, ɔ tɔ kisi, kere kɔnɔ ɔwe mɔ te lane-e, ɔ ba mɔtheri.

17ɔwa emisali eye e tɔ tɔŋ ŋa aŋa lane; aŋ tɔ wurɔ akɔrɔfi ka ɔŋes a mi; aŋ tɔ fɔf tɔnt tɔfu;

18aŋ tɔ gbasi ebok; ɔwa bepi aŋ mun mɔkɔn o kɔn-e, mɔ ba he tɔ kɔyɔ ŋa ɔbaŋ; aŋ ba kɔreŋ aŋtui mɔta, ɔwa aŋ tɔ yeŋk.

19ɔwa kɔdarɛŋ ka ɔMarki Yisɔsɔŋ ɔ po fɔfane ŋa-e, a ŋata kɔ rokɔm ro riyana, kɔ yirɔ ka kɔta kɔdiɔ ka Kuru.

20kaŋ kɔne, aŋ tamɔs ɔkera kɔfinɔ ka Kuru der o der, ka ɔMarki ɔ mar ŋa, ɔwa ɔ bɔksɔr ɔrim yi emisali eye tanda. Amina.



Luk

Luk 1

- ¹Ma afəm agbáthi aṅ po pai tə kəgbal mapa ama saṅ sə lane tentene,
- ²hali mə mə aṅ po laṅklia ma ro rəsu, ṅaṅ gbeṅ aṅa nəṅka ti rəfər kábi ka katəp aṅa yi aṅsom ṅa árim.
- ³Mine sə i nənk ti əfinə, ma i po səthə kətara kəfino ka mātáy be kábi ka katəp-e, kámá i gbalər mu Pa Thiofilos
- ⁴kámá mə tārà kəpa áte a po thəksa mu tə yi tātəṅ.
- ⁵Ka aṅyamana ṅa Herəd əbáy ka ro Yudia, ufode uləm ə sa yi ri, aṅes ṅəṅ ṅə yi Sakarayas, ə yi ka aṅbənshəṅ ṅa Abaya, ərani kəṅ ə yi ka aṅwuth abera ṅa Erən, əwa aṅes ṅəṅ ṅə yi Elisabeth.
- ⁶Da ṅarəṅ aṅ yi alompi rodi ka Kuru, aṅ wop ethə yi magbək ma əMarki kəte ba məthekə.
- ⁷Kere aṅ ba he wan átesoma-e Elisabeth-əṅ ə yi ukəṅfere, əwa ṅa ṅarəṅaṅ aṅ po bək kəbak kəbana.
- ⁸Ret rin-e mə Sakarayas mə yə mapanth ma rafode rodi ka Kuru ka aṅləkə ṅəṅ-e,
- ⁹mə mapanth ma rafode mə yi-e, káber kəṅ kə yi tə kəwəṅ ka aṅseth ṅa əMarki tə kəthəi aṅboṅgbo.
- ¹⁰Əwa ka aṅləkə ṅa kəthəi aṅboṅgbo-e, aṅfəm be aṅ ramne rokaṅ.
- ¹¹Ka wurə ka Kuru ə tərine ka Sakarayas ka kádiyə ka aṅbesə ṅa aṅboṅgbo.
- ¹²Ma ə nənk kə-e, pə səkane kə, ka rənes rə wop kə.
- ¹³Ka əmaleka ə pa ro ṅəṅ, Te nesa Sakarayas, kotáy-e a po təlā karamne ka mu. Ərani ka mu Elisabeth-əṅ ə tə koma mu wan uruni, əwa mə tə bont aṅes ṅəṅ Yən.
- ¹⁴Munə mə tə sel məbəne; əwa pə tə bəne afəm agbáthi ka kakom kəṅ.
- ¹⁵Átesoma-e ə tə yi ubana roder kəri ka Kurəṅ, əwa ə yi he tə kəmun məber məfeth thaləm məber məbaki. Əwa əYina məsəm ə tə la kə kətəp rokor ka əkara kəṅ.
- ¹⁶Ə tə láfthi aṅwuth ṅa Isrel agbáthi ka əMarki əKuru ka ṅaṅ.
- ¹⁷Ə ba kətəma kə kədi ka əYina yi aṅfəsə ṅa Ilaya, tə kəlafthi emerá ya aṅkas ka aṅwuth, yi tə kəlafthi ante təl ka kátəmp ka aṅlompi, de yi tə kətəmərə əMarki afəm abenene.
- ¹⁸Ka Sakarayas-əṅ ə yif əmaleka, To mə i tārà ti-e? Ma i yi uthem ubaki-e, əwa ərani kámi sə ə po bək kəbak kəbana.



- 19** Ka ɔmaleka ɔ lasi ɔ pa ro ɲɔɲ, Mine yi Kebriel, ɔwe mə tɔmá rodi ka Kuru; ɔwa a som mi tɔ kɔfɔfane mu yi tɔ kɔtɔri mu mapa mɔfinɔ ame.
- 20** Ɔwa kɔla, mə tɔ yi kɔbobo, mə gbɛli hɛ fɔf haɲ ka ɔɲɲey aɲa mátáy ame mə tɔ yɔnɛ, pɔkasifɛ mə lane hɛ ásim ta mi áte ba kɔlasɛr ka ɔɲlɔkɔ ɲati.
- 21** Ɔwa aɲfɔm aɲ bɔ kar Sakarayas-ɔɲ, kaɲ kabane ta ma ɔ won ka ɔɲseth ɲa Kuru.
- 22** Ɔwa ma ɔ wur-e, ɔ gbɛli hɛ sɔ fɔfáne ɲa. Ka aɲ sɔthnɛ kɔpa ɔ po nɔnk mɔnɔɲk ka ɔɲseth ɲa Kuru, kotáy-e ɔ ɲakɛr ɲa katkat, ɔwa ɔ tiyá kɔbobo.
- 23** Ka pɛ re yi-e, ma ɔ po lasɛr márey ma rafode rɔɲ-e, ɔ kálane ka ɔɲseth ɲɔɲ.
- 24** Kɔdarɔɲ ka márey ame-e, Elisabeth ɔrani kɔɲ ɔ gbasi kor, kɔ maɲkne yof tamath, ɔ pa,
- 25** Ya Kuru ɔ kiranɛ mi ka márey ama ɔ nane mi tɔ kɔnɔi málap ma mi ka aɲfɔm kɔtɔɲ.
- 26** Ma yof tamthɛrukin ɛ thas-e, Kuru ɔ som Kebriel rɔ kɔpet ka ro Kalili, a bont ki Nasareth,
- 27** ka uwath ubera ufane, ɔɲes ɲɔɲ ɲɔ yi Merɛɲ, ɔwe ulaɲgba, a tela Yosef, kɔwɔr ka rákomra ra Debid, ɔ fath.
- 28** Ɔmaleka ɔ wɔɲ ka ɔɲseth ɲa ɔwath ubera, kɔ pa, Kori mu-o, mun ba aboɲa abana, Kuru ɔ yi yi munɔɲ.
- 29** Ma ɔwath ubera ɔ nɔnk kɔ-e, tafɔf tɔɲ tɔ sɔmpa kɔ, kɔ támtámne to aɲkɔri aɲe aɲ yi-e.
- 30** Ka ɔmaleka ɔ pa ro ɲɔɲ, Meri, te nesa, átesoma-e mə po fir aboɲa ka Kuru.
- 31** Ɔwa mə tɔ gbasi kor, mə tɔ kom wath uruni, mə tɔ bont kɔ ɲes Yisɔs.
- 32** Ɔ tɔ yi ubana, a tɔ bont kɔ ɔWan ka ɔBɔli rɔkɔm bɛ; ɔwa ɔMarki Kuru ɔ tɔ sɔɲ kɔ kawaɲ ka rábáy ra ɔkas kɔɲ Debid.
- 33** Ɔ tɔ gbɔka ɔɲseth ɲa Yekɔb thɔbana. Ɔwa rábáy rɔɲ rɔ ba hɛ kɔpɔɲ.
- 34** Merɛɲ ɔ pa ka ɔmaleka, To áte mə tɔ gbɛli yɔnɛ-e ma i te tára wan duni-e?
- 35** Ka ɔmaleka ɔ pa ro ɲɔɲ, ɔYina mɔsɛm ɔ tɔ thorɛr mu, aɲfɔsɔ ɲa ɔBɔli rɔkɔm aɲ tɔ gbɔpɛr mu. Tiyáɲ arɛka rɛsɛm ara mə tɔ re kom-e, a tɔ bont kɔ, ɔWan ka Kuru.
- 36** Ɔwa kɔla, Elisabeth-ɔɲ, ɔwuni ka mu, kɔnɔ sɔ ɔ po gbasi kor ka wath uruni ka rabáki rɔɲ; aɲe ɲɔ beká ɛyof támtthɛrukin ta ɔwe a pa, ukɔnfere.
- 37** kotáy-e, koko bɛ rɔ thamrɔnɛ hɛ ka Kuru.
- 38** Ɔwa Meri ɔ pa, Kɔli mi ɔɲbɔy ubera ɲa Kuru Mɔsaba, ta pɛ yi mə pa-e. Ka ɔmaleka ɔ tey kɔ.



- 39 Ɔwa Merɛɲ ka ʌŋlɔkɔ ɲati ɔ yokanɛ, kɔ kɔnɛ ka ʌŋthɔf ɲa tʌtɛɲ yi kɛgbukɛɲ, rɔ kɛpɛt ka ro Yuda.
- 40 kɔ wɔɲ ka ʌŋset ɲa Sakarayas, kɔ kori Elisabeth-ɛɲ.
- 41 Ka pɛ re yi ma Elisabeth ɔ tɛlʌ ʌŋkori ɲa Meri-e, kalenth ɔ pai rokor kɔɲ, ka ɔYina mɛsɛm ɔ lasɛr Elisabeth-ɛɲ,
- 42 ɔwa ɔ fɔf rɛ rim rɛbana, ɔ pa, Mɛ ba aruba kɛtɔɲ ka bom-ɲaɲ, ɔwa aruba ʌɲ yi sɛ ka ʌŋkomi ɲa ʌŋpɔru a mu.
- 43 Reke ʌtɛ tɔ wurɛr mi-e, soma ɔkara ka ɔMarki kʌmi mɔ der ro rɔmi-e?
- 44 kotʌy-e ma ʌrim ra ʌŋkori a mu rɔ wɔɲ ka ɛlɔns ɛ mi-e, kalenth ɔ pai rokor kʌmi yi mɛbɔnɛ.
- 45 Ɔwa ɔwe lanɛ ɔ ba aruba, ʌtesoma-e ʌtʌy ʌtɛ ɔMarki ɔ kanɛ kɔ tɔ tɔ lasɛr.
- 46 Ɔwa Merɛɲ ɔ pa, Ɔfɛm ɔka mi ɔ bondɔs ɔMarki,
- 47 Ɔwa ʌɲyina a mi ʌɲ yasannɛ yi mɛbɔnɛ ta Kuru ɔKisis kʌmi,
- 48 kotʌy-e ɔ po nanɛ ʌŋbɔy ɲɔɲ ubɛra ka mayira mɔɲ mɛthoranɛ.
- 49 ʌtesoma-e ɔwe ba ʌŋfɔsɔ bɛ-e ɔ po yɔna mi tʌy tɛbana; ʌɲɛs ɲɔɲ ʌɲ yi ɔSɛm.
- 50 ʌɲɲey ɲɔɲ ʌɲ yi ka ɲaɲ ʌɲa nɛsa kɔ, Kɛwɛr ka rɛkomra kɛkɔ ka rɛkomra.
- 51 Ɔ po tɔrine ʌfɔsɔ abana yi ʌŋlonk ɲɔɲ. Ɔ po sakthi ʌɲbone tʌy ka ɛnanɛ ya ɛmerʌ yɔɲ.
- 52 Ɔ po thora ʌbʌy kɛwɛr ka tawaɲ taɲ; Ɔ ɲata ʌɲfɛm ʌmɔnɛ.
- 53 Ɔ po namsir ʌɲfɛm ador yi yet ɛfinɔ, Kɛrɛ ʌɲyola-e, ɔ bʌl ɲa afoth.
- 54 Ɔ po mar ʌŋbɔy ɲɔɲ Isrɛl salata ʌɲɲɛi ɲɔɲ,
- 55 Kama ɔ lasɛr ɛlahiri yɔɲ ka ʌɲbɛmba a su, Ka Ebrahim, yi ka rɛkomra rɔɲ thɛbana.
- 56 Merɛɲ ɔ yianɛ yi Elisabeth-ʌɲ mɔlɔ ma yof ɛsas, kɔ kʌlanɛ ka ʌɲseth ɲɔɲ.
- 57 Ɔwa ʌŋlɔkɔ ʌɲ lasɛr ta Elisabeth tɔ kɛkom, kɔ kom wath uruni.
- 58 ʌɲfatannɛ ɲɔɲ yi ʌɲfɛm ɲɔɲ ʌɲ tɛl kɛpa Kurɔɲ ɔ po tɔri kɔ ʌɲɲɛi ɲɔɲ abana, kaɲ yɔ mɛbɔnɛ yi kɔnɔɲ.
- 59 Ka ʌɲɲɛy ʌɲa bɛkʌ tamthɛrɛsas-e, ʌɲ der tɔ kɛbironɛs ɔwath, kaɲ yɛma bont kɔ Sakarayas, kɛtɛmɛrɛnɛ ɔkas kɔɲ.
- 60 Kɛrɛ ɔkara kɔɲ ɔ pa, Yi thahɔ, thambe a bont kɔ Yɔn.
- 61 kaɲ pa ro ɲɔɲ, Wuni ba ʌɲɛs ʌɲɛ ɔ yi hɛ ka rɛkomra ra mu bɛ.
- 62 kaɲ yif ɔkas kɔɲ yi kɔɲakɛr, ʌɲɛs ʌrɛkɛ ɔ yɛma a bont kɔ.



- ⁶³kɔ yif ta awalka, kɔ gbal kɔpa, Anjes nɔŋ nɔ yi Yɔn. Ka ŋa be aŋ kabane.
- ⁶⁴ɔlɛmp wati kāsəŋ kɔŋ kə kanthe, ramer rɔŋ rə səle, kɔ fɔf, ɔ thəkəs Kurɔŋ.
- ⁶⁵Ka rənes rə wop aŋfəm be aŋa yirā ɔfati; ka mapa ame be mə gbanthene ka aŋthɔf ŋa tāteŋ ŋa ro Yudia be.
- ⁶⁶Ka aŋfəm be aŋa təl ti-e, aŋ bot ti ka emerā yaŋ, aŋ yif. To ɔwath ɔwe mə re yi-e? Owa kàta ka Kuru kə yi yi kɔnɔŋaŋ.
- ⁶⁷ɔkas kɔŋ Sakarayaŋ ɔ la yi ɔYina məsəm, ɔ pa,
- ⁶⁸Ta ɔMarki ɔKuru ka Isrəl ɔ ba aruba, Pəkasiŋ ɔ po nanɛ afəm nɔŋ, ɔ bani ŋa.
- ⁶⁹ɔ po sɔŋ uKisis ubana ta àtā su Ka aŋseth ŋa Debid aŋbɔy nɔŋ.
- ⁷⁰Mɔ mə fɔf ka tasəŋ ta aŋnabi nɔŋ asəm, kabi ka thəpaŋ.
- ⁷¹Kama ɔ kisis su ka aŋtherane a su, Yi ka kàta ka ŋaŋ aŋa gbɛŋa su be.
- ⁷²Kama ɔ tɔri àney ka aŋkas a su, Kama ɔ nanɛ aŋlemrane nɔŋ asəm.
- ⁷³Aŋgbij aŋa ɔ gbij ka Ebrahim ɔkas kàsɔ,
- ⁷⁴kɔpa, Bepi ɔ po wurɔ su ka mātā ma aŋtherane a su-e, Sə tə bātho kɔ rə kəte ba rənes,
- ⁷⁵Rə məsəm yi məlompi roder kɔŋ kədi ka märey ma su be.
- ⁷⁶Owa munɔŋ, wath, a tə tela mu unabi ka ɔBɔli rəkɔm, Àtesoma-e mə tə tɔmā ɔMarki kədi tə kəbempa asɔŋ tɔŋ;
- ⁷⁷Tə kəsɔŋ aŋfəm nɔŋ kātārā ka kəkisi, Ka katerɔ ka ehake yaŋ;
- ⁷⁸Salata aŋney abana ŋa ɔKuru kàsɔ, Soma rasɔk ra rokɔm rə der ro rɔsu.
- ⁷⁹Tə kəsɔŋ kəwale ka ŋaŋ aŋa yirā ka aŋsum yi ka aŋfɔyr ŋa rəfi, Tə kəkora àtātək ta su ka aroŋ ra məthɔfəl.
- ⁸⁰Owa ɔwath ɔ tɛŋa, ɔ bāk ka aŋyina, kɔ yi ro wula haŋ ka aŋrey aŋa ɔ tɔrine ka Isrəl.

Luk 2

- ¹Ka pə re yi ka märey mati Sisar Akɔstɔs-əŋ ɔ tam kɔpa a ba tə kəgbal ames ma aŋfəm ka àdāru be.
- ²Kagbal ames ma aŋfəm ake kə yi kətɔtɔkɔ be ka kasara ka Siriniyɔs ro Siriya.
- ³Owa wuni ɔ wuni ɔ kɔne ka kàpet kɔŋ, kāmā a gbal aŋes nɔŋ.
- ⁴Yosefāŋ sɔ ɔ wur ro Nasareth ka aŋthɔf ŋa ro Kalili, ɔ kɔ ro Yudiya ka kàpet ka Debid àke a bont Bəthlihem, àtesoma-e ɔ yi ka aŋseth yi aŋbɔnshɔ ŋa Debid,
- ⁵kāmā a gbal aŋes nɔŋ yi Meri ɔwe ɔ fath; ɔwa ɔ ba kor kəbaki.



- ⁶Kere maŋ yi ri-e, marey ma Meri mə lasər ta kákom kəŋ.
- ⁷Ɔwa ɔ kom ɔwan kəŋ utətəkɔ uruni, kɔ rapər kɔ totha tɔbɔli, ɔ bot kɔ dər ro mə a bot ɛdi ya ɛsem, ma aseth ayiyane aləm aŋ te sɔ yi ta átá ŋaŋ-e.
- ⁸Ka afəm atɔl tɔlɔmɛ aŋ yi ka áŋthɔf ŋati, aŋ bákər ro lal tɔ kəbumər akuthi ka ŋaŋ táták.
- ⁹Ɔwa ɔmaleka ka Kuru ɔ wurər ŋa pus, ka aŋyiki ŋa Kuru aŋ gbenthar ŋa, kaŋ nesa.
- ¹⁰Ka ɔmaleka ɔ pa ro ŋaŋ, Te nu nesa, átesoma-e i kárá nu kera kəfínɔ ka məbɔne məbana, ama mə yi ta afəm bɛ.
- ¹¹kotáy-e a po koma nu thonəŋ ka kápet ka Debid uKisis ɔwe yi Krayst ɔMarki.
- ¹²Ɔwa aŋe aŋ tɔ yi alomar ro rɔnu; nə tɔ bəp kalenth a rapər kɔ totha tɔbɔli, ɔ fənthá dər ro mə a bot ɛdi ya ɛsem.
- ¹³Ka ɔlɛmp wati runiya ra aŋyama ŋa ro riyana rə yi yi ɔmaleka, rə thəkəs Kuru, rə pa,
- ¹⁴Ta Kuru ɔwe yi rokəm ɔ ba ayiki, Ta məthɔfəl mə yi nɔru ka aŋfəm aŋa mə thesis kɔ.
- ¹⁵Ma aŋmáleka aŋ wur ro ŋaŋ aŋ kálane ro riana-e, aŋtɔl ɛsem aŋ pa kətəŋ ka ŋaŋ, Maŋ kɔ nu ro Bethlihem kámá sɔ nənɔk átáy áte átá po yɔnɛ, áte ɔMarki ɔ po tɔri su.
- ¹⁶kaŋ kɔnɛ ri yi kəgbukɛ, aŋ bəp Merəŋ yi Yosef-əŋ, ɔwa kalenth ɔ fənthá ka ɔder ro mə a bot ɛdi ya ɛsem.
- ¹⁷Ɔwa maŋ nənɔk ɔwath-e, aŋ tɔri aŋpa aŋa a kanɛ ŋa ta ɔwath ɔwe.
- ¹⁸Ka aŋfəm bɛ aŋa təl ti-e aŋ kabane ta mátáy ama aŋtɔl aŋ kanɛ ŋa.
- ¹⁹Kere Merəŋ ɔ bənɛ mátáy ame bɛ-e, ɔ támtámne ma ka aŋmerá ŋəŋ.
- ²⁰Ɔwa aŋtɔl ɛsem aŋ kálane rə kəyikis yi rə kəthəkəs Kuru ta mátáy bɛ ama aŋ po təl yi ama aŋ po nənɔk, mə mə a kanɛ ŋa.
- ²¹Ɔwa ma mərey tamthəresas mə po thas-e, aŋlɔkɔ aŋ bek tɔ kəbironɔs kɔ, ka a bont kɔ ŋes Yisɔs, aŋes aŋa ɔmaleka ɔ səŋ kɔ yəŋka ɔkara ɔ gbasi akor kəŋ.
- ²²Ɔwa ma marey ma kəgbili ka ŋaŋ mə po lasər məlɔ ma aŋthɔ ŋa Mosis aŋ pa, aŋ kárá ɔwath ro Yerusalem tɔ kəlaŋkli kɔ ka ɔMarki,
- ²³(mə mə a gbal ka aŋthɔ ŋa ɔMarki kəpa, Uruni ɔ runi ɔwe kanthi aŋpɔru a tɔ bont kɔ usəm ka ɔMarki),
- ²⁴dɛ yi tɔ kəwura sathka mə mə a pa ka aŋthɔ ŋa ɔMarki, təfop ŋarəŋ, thalɔm tɔpərəm tɔfeth ŋarəŋ.
- ²⁵Ɔwa, kəla, wuni ɔ yi ro Yerusalem, aŋes ŋəŋ ŋə yi Simiyɔn; wuni ɔwe yi ulompi, ɔ nesa Kuru, ɔ kar kábəfəth ka Isrəl. Ɔwa ɔYina məsəm ɔ rensa kɔ.



- 26 Ɔyina mäsəm ɔ po tɔri kɔ kɔpa ɔ ba he tɔ kənɛŋk rɛfi haŋ ɔ po nɛnk ɔKrayst ka ɔMarki.
- 27 Ka ɔYina mäsəm ɔ kora kɔ ka aŋseth ŋa Kuru; ɔwa ma Yosef yi Merɛŋ aŋ wɔŋá ɔwath Yisɔsán, kámá aŋ yɔ matane ma aŋthɔ-e,
- 28 Simiyɔn ɔ gbasi ɔwath ka malɔŋk mɔŋ, ɔ ruba Kuru, ɔ pa,
- 29 ƆMariki, ka-ake ter aŋbɔy a mu ɔ kɔne yi mɔthɔfɛl Mɔ mɔ árim ra mu rɔ pa-e.
- 30 kotáy-e, ɛfɔr ɛ mi ɛ po nɛnk kakisis ka mu.
- 31 Áke mɔ po benene roder kɔdi ka tɔbona be;
- 32 Amotha tɔ kɔmotha tɔbona tɔlɔm Yi aŋyiki ŋa aŋfɛm a mu Isrel.
- 33 Ɔwa Yosef-ɛŋ yi ɔkara ka ɔwath aŋ kabane ka mátáy ama a fɔf ta atɔŋ.
- 34 Ɔwa Simiyɔn ɔ ruba ŋa, ɔ pa ka Meri ɔkara kɔŋ, Kɔla, a bot ɔwath ɔwe ta kafumpɔ yi káyokane ka agbáthi ro Isrel; ɔwa ta alomar sɔ aŋa mɔ a pensa;
- 35 kámá enane ya emera egbathi ɛ ŋaibe. Yao, agbathɔ aŋ tɔ raf kabuth ka mu sɔ.
- 36 Ɔwa Ana, unabi ubera ɔ yi ri, ɔwan bera ka Fanuel, ka aŋbɔnshɔ ŋa Asar; ɔ po bák kɔbak kɔbana, ɔ yirá ka ɔwos kɔŋ tɔren támthɔderɔŋ ka káfane kɔŋ.
- 37 Ɔ tiyá ubora tɔren tɔgba tanle tɔren tanle. Ɔya ɔwe ɔ gbape he aŋseth ŋa Kuru, kere ɔ bátho Kuru gbɛs pali-ɛŋ, rɔ kɔramne yi kɔwop asum.
- 38 Ɔ wɔŋ ri aŋlɔkɔ ŋati gbɛŋ, ɔ muti Kuru mɔmɔ, ɔ fɔf ta ɔwath ka ŋa be aŋa kar ta kabani ka Yerusalem.
- 39 Maŋ po yɔ mátáy be mɔ mɔ aŋthɔ ŋa Kuru aŋ pa-e, aŋ kálane ro Kalili, ka kápet ka ŋaŋ ro Nasareth.
- 40 Ɔwa ɔwath ɔ tɛŋa, kɔ bák mader ka ɔYina, ɔ la kɔtemp, ka aŋboŋa ŋa Kuru aŋ yi kɔ.
- 41 Ɔwa aŋfɛm ŋɔŋ aŋ la kɔ ro Yerusalem kɔren o kɔren ka amet ma kapaine.
- 42 Ma Yisɔsán ɔ po bák tɔren tɔfɔt tɔrɛŋ-e, aŋ kɔ ro Yerusalem mɔ matane ma amet mɔ yi.
- 43 Maŋ po lasɔr marey-e, aŋ kálane, ɔwa ɔwath Yisɔsán ɔ tiyá rodarɔŋ ro Yerusalem, kere Yosef yi ɔkara kɔŋ aŋ te he ti;
- 44 kere maŋ nane ɔ yi yi ŋaŋ ka aŋyama-e, aŋ básɔr aŋbiyas árey ŋin, kaŋ thens kɔ kɔtɔŋ ka rákomra yi antarane ŋaŋ.
- 45 Ɔwa maŋ te nɛnk kɔ-e, aŋ kálane ro Yerusalem tɔ kɔthens kɔ.
- 46 Ka pɔ re yi kɔdareŋ ka mɔrey mɔsas aŋ bɔp kɔ ka aŋseth ŋa Kuru, ɔ yirá kɔtɔŋ ka aŋkarmɔkɔ, ɔ sua ŋa elɛns, ɔ yifɔth yifɔth ŋa sɔ.
- 47 Ɔa be aŋa tɔlá kɔ aŋ kabane ka kátára kɔŋ yi egbaki yɔŋ.



⁴⁸Ɔwa maŋ nən̄k kɔ-e, aŋ kabane; ka ɔkara kɔŋ ɔ pa ro ŋɔŋ, Wan kām̄i, to som mɔ yɔ su yaŋ-e? Kɔla, ɔkas ka mu yi minɛŋ, sɛ thens mu rɛ asoli abana.

⁴⁹Ɔ pa ro ŋɔŋ, To som mɔ nɛ thens mi-e? Nɛ tɛ hɛ kɔpa i ba kɔyɔ mapanth ma ɔKas ka mi-i?

⁵⁰Kɛrɛ pɛ sɔk hɛ ŋa ta ɛtɛ ɔ pa ro rɔŋaŋ.

⁵¹kɔ kɔlanɛ yi ŋaŋ ro Nasareth, ɔwa ɔ yi usanɛ ro ŋaŋ, kɛrɛ ɔkara kɔŋ ɔ bɛnɛ mapa amɛ bɛ ka ɛŋmerà ŋɔŋ.

⁵²Ɔwa Yisɔsɔŋ ɔ b̄ar sɔthɔ kɛtemp yi kɔsaŋa. Ɔ ba kɛmar t̄ay ka Kuru yi ka afɛm.

Luk 3

¹Ka karen ɛkɛ bekà tɔfɔt tamath ka kagbɛka ka Tiberias Sisar, ma Paylet ɔ gbɛka ro Yudia, Herɔdɔŋ ɔ gbɛka ro Kalili, ɔwa ɔwɔnt kɔŋ Filip-e ɔ gbɛka ro Ituriya yi ka ɛŋgb̄ap ŋa ro Trakɔnitɔs, ɔwa Lisaniyasɔŋ ɔ gbɛkà ro Abilini,

²ɔwa Anas yi Kayafas aŋ yi afode abana-e, ɛrim ra Kuru rɛ der ka Yɔn ɔwan ka Sakarayas ro wula.

³kɔ der ka ɛŋthɔf ɛŋa gbɛtɔ ka Yɔrdan, ɔ kawandi ɛŋbaftisɛm ŋa kɛthupi ta katerɔ ka ɛhake;

⁴mɔ mɔ a gbal ka ɛkɛfà ka Isaya ɔnɛbi kɔpa, ɛrim rɛgbɛŋklo ra wuni ro wula ara pa, Bɛmpa nu arɔŋ da ɔMarki, Lompɛs nu asɔŋ tɔŋ.

⁵A tɛ lasɛr tagbɔŋkɛl bɛ, a tɛ thora tɛtɛŋ bɛ, tɛbana-o, tɛlɔl-o, Asɔŋ tɛkɛnɛ a tɛ lompɛs ti, ɔwa a tɛ thɛnɛpɛs asɔŋ tɛgbɔpɛ gbɔpɛ.

⁶Ɔwa afɛm sɛŋk aŋ tɛ nən̄k kakisi ka Kuru.

⁷Ɔwa Yɔn ɔ pa ka ɛsuniya ɛtɛ wur kɛmà ɔ baftays ŋa, Naŋ rɛkomra ra ɛgbɔrɔ, kanɛ maŋ nu kɛmà nɛ gbukɛ rabaŋ ara mɔ der-e?

⁸Wurɔ nu mɛkomi ama bek ta kɛthupi, ɔwa te nu tɔp kɔpa ka ɛmerà ɛ nu, Sɛ ba Ebrahim ta ɔkas kɛsu, kot̄ay-e i kanɛ nu kɔpa, Kuru ɔ gbɛli yɔ awuth aŋ wur ka masar amɛ ta Ebrahim.

⁹Ɔwa ka-ake a po bot kabap ka ɛthɛŋk ya ɛyint. Tiyɔŋ ŋɛnt o ŋɛnt ɛŋa mɔ te wurɔ mɛkomi mɛfɛnɔ a tɛ tap ŋi, ɔwa a tɛ fitha ŋi ro nɛnt.

¹⁰Ka ɛŋfɛm aŋ yif kɔ, aŋ pa, To mɔ sɛ yɔ-e?

¹¹kɔ wosɛnɛ ŋa ɔ pa, Kɔnɔ ɔwe ba suma tɛrɛŋ, ta ɔ sɔŋ ɔwe te ba-e, ɔwa kɔnɔ ɔwe ba ra rɛdi ta ɔ tansanɛ yi.

¹²Ka ɛŋthɔŋkla ɛfɛk aŋ der kɛmà ɔ baftays ŋa sɔ, aŋ pa ro ŋɔŋ, Pa, saŋ, to mɔ sɛ yɔ-e?

¹³kɔ pa ro ŋaŋ, Te nu yɔ a fak pɛthas amɔlɔ ama a bonta nu.



- 14Ka aŋtim sɔ aŋ yif kɔ, aŋ pa, Ɔwa saŋ-e, to mə sɔ yɔ-e? kɔ pa ro ŋaŋ, Te nu sɔmpa wuni o wuni, te nu yɔ wuni o wuni yaŋfa, ɔwa ta aŋrām a nu aŋ bek nu.
- 15Ma aŋfəm aŋ kar yi emerà egbasa-e, ɔwa maŋ yi be aŋ tàm-tàmne ka emerà yaŋ ta Yɔnàŋ bepi ɔ yi ɔKraist-e, Yɔn ɔ lasi ɔ pa ro ŋaŋ,
- 16Mine i baftays nu yi mânt, kere kɔnɔ ɔwe mə der ɔ thasi mi afɔsɔ, i yi he ubeki tɔ kəsəli nabeŋa na ekɔftha yɔŋ. Kɔnɔ tɔ baftays nu yi ɔYina məsəm yi nânt.
- 17Katheme kɔŋ kə yi ka kàta kɔŋ, ɔwa ɔ tɔ fuŋa aŋgbethe ŋɔŋ gbəraŋ, ɔ tɔ thoŋkla àpəla ro fuŋk kɔŋ, kere ɔ tɔ thɔi egbəftha rə nânt ana mə te dimsɛ.
- 18Ɔwa Yɔnàŋ ɔ kawandi àkera kəfɪnɔ ka aŋfəm, yi emaŋ elɔm egbathi.
- 19Kere ma Yɔnàŋ ɔ ŋal Herɔdàŋ ɔbày salata Herodias ɔrani ka ɔwɔnt kɔŋ-e, yi ta mātáy mələs be ama ɔ po yɔ,
- 20ɔ kál bār àte sɔ ka maləs mɔŋ, ma ɔ bot Yɔn ka aŋseth ŋa tərəŋka.
- 21Ɔwa ma ɔ baftays aŋfəm be-e, ka pə re yi a baftays Yisɔs sɔ. Ɔwa ma ɔ yi ras ka kəramne-e, àkàriyana kə kanthe,
- 22ka ɔYina məsəm ɔ thor ɔ ba ader mə kəpərəm, kɔ rensa kɔ, ɔwa rim rə wur ka àkuru ara pa, Munɔ yi ɔWan kàmi ubəthər; mə thesis aŋmerà a mi finɔ.
- 23Ma Yisɔs kɔn kɔnɔne ɔ tɔp mapanth mɔŋ ɔ ba tərən kəgba tɔfɔt; aŋfəm aŋ nanɛ ɔ yi ɔwan ka Yosef ɔwe yi ɔwan ka Heli,
- 24ɔwan ka Mathat, ɔwan ka Lifay, ɔwan ka Meliki, ɔwan ka Yanay, ɔwan ka Yosef,
- 25ɔwan ka Mathathayas, ɔwan ka Emɔs, ɔwan ka Nahum, ɔwan ka Esli, ɔwan ka Nàkay,
- 26ɔwan ka Màyath, ɔwan ka Mathathayas, ɔwan ka Semein, ɔwan ka Yosef, ɔwan ka Yoda,
- 27ɔwan ka Yoanan, ɔwan ka Resa, ɔwan ka Serobabel, ɔwan ka Sialthiel, ɔwan ka Neri.
- 28ɔwan ka Məlki, ɔwan ka Adi, ɔwan ka Kosam, ɔwan ka Elmadam, ɔwan ka Er,
- 29ɔwan ka Yisa, ɔwan ka Eliyesa, ɔwan ka Yorim, ɔwan ka Mathat, ɔwan ka Libay,
- 30ɔwan ka Simiyɔn, ɔwan ka Yuda, ɔwan ka Yosef, ɔwan ka Yonan, ɔwan ka Eliakim,
- 31ɔwan ka Milia, ɔwan ka Menan, ɔwan ka Məthatha, ɔwan ka Nethan, ɔwan ka Debid,
- 32ɔwan ka Yesi, ɔwan ka Obed, ɔwan ka Bowas, ɔwan ka Salmon, ɔwan ka Neson,
- 33ɔwan ka Aminadab, ɔwan ka Aram, ɔwan ka Həsɔn, ɔwan ka Fares, ɔwan ka Yuda,
- 34ɔwan ka Yekɔb, ɔwan ka Aysak, ɔwan ka Ebrahim, ɔwan ka Tera, ɔwan ka Nahor,



- ³⁵ɔwan ka Seruk, ɔwan ka Reu, ɔwan ka Pilek, ɔwan ka Heba, ɔwan ka Sela,
³⁶ɔwan ka Kenan, ɔwan ka Arfaksad, ɔwan ka Sem, ɔwan ka Noa, ɔwan ka Lemek,
³⁷ɔwan ka Methusala, ɔwan ka Inok, ɔwan ka Yerɛd, ɔwan ka Malɛl, ɔwan ka Kenan,
³⁸ɔwan ka Enos, ɔwan ka Seth, ɔwan ka Adám, ɔwan ka Kuru Məsaba.

Luk 4

- ¹Ka Yisɔs ɔ la ɔYina məsəm, ɔ wur ro Yɔrdan, ɔwa ɔYina ɔ kera kɔ ro wula,
²Mərey tɛgba tərɔŋ-e, Sethani ɔ gbɔns kɔ. Ka mərey mati ɔ di hɛ rəka o rəka, ɔwa ma
mə pɔŋ-e, dor rə wop kɔ.
³Ka Sethani ɔ pa ro ŋɔŋ, Bepi mə yi ɔWan ka Kuru-e, yamari aŋsar aŋe kámá aŋ səkɛ
kəbo.
⁴Ka Yisɔs ɔ wosáne kɔ, ɔ pa, A po gbal kəpa, Pə yi hɛ rə kəbo gbo son rə wuni kəpet
mɔ ŋesəm-e, kɛrɛ rə rim o rim ra Kuru.
⁵Ka Sethani ɔ gbepa kɔ ka kəteŋ kəbɔli rəkɔm, ɔ tɔri kɔ tabáy bɛ ta ádaru rə kəgbáləp
win.
⁶kɔ pa ro ŋɔŋ, I ti sɔŋ mu aŋfɔsɔ aŋe bɛ yi aŋyiki ŋati, kotáy-e a po laŋkliá ŋi ro rəmi;
ɔwa i gbəli sɔŋ ŋi wuni o wuni ɔwe i yema.
⁷Tiyáŋ bepi mə bátho mi-e, i ti sɔŋ mu ŋi bɛ.
⁸ɔwa Yisɔs ɔ wosa ɔ pa, Sək mi rəŋ Sethani. A po gbal kəpa, Mə tə bátho ɔMarki
ɔKuru ka mu, ɔwa kɔn son kɔnɔ mə yi tə kəbátho.
⁹Ka Sethani ɔ kera kɔ ro Yerusalem, ɔ təmər kɔ rə ágbáp ŋin ɔbɔli rəkɔm ka aŋseth ŋa
Kuru, kɔ pa ro ŋɔŋ, Bepi mə yi ɔWan ka Kuru-e təlpe roratha;
¹⁰kotáy-e a po gbal kəpa, ɔ tə yamari aŋmáleka ŋɔŋ ta áta mu, tə kəbumər mu,
¹¹ɔwa Ka máta maŋ aŋ tə kəkər mu Kama mə te pəth rə ásar.
¹²ɔwa Yisɔs ɔ wosa, ɔ pa ro ŋɔŋ, A po pa, Te memər ɔMarki ɔKuru ka mu.
¹³Ma Sethani ɔ pɔŋ egbɔns bɛ-e, ɔ ter Yisɔs haŋ alɔkɔ alɔm.
¹⁴Ka Yisɔs ɔ kálanɛ ro Kalili ka aŋfɔsɔ ŋa ɔYina məsəm, kɔ ba ŋes abana ka aŋthɔf
ŋati bɛ.
¹⁵kɔ thəkɔsa aŋfəm ka ɛseth yaŋ egbanɛ, ka ŋa bɛ aŋ yikis kɔ.
¹⁶Ka Yisɔs ɔ der ro Nasareth rə a rusəm kɔ. ɔwa mɔ mə matanɛ mɔŋ mə yi-e, ɔ wɔŋ
ka aŋseth agbanɛ ka aŋsabath, kɔ tɔmá tə kəkaraŋ.
¹⁷Ka a sɔŋ kɔ ákáfá ka Isaya tə kəkaraŋ. ɔ kanthi ki, kɔ bəp ɔder rə a gbal kəpa,



- 18 ƆYina ka ɔMarki ɔ rensa mi, Pəkasiɛ ɔ po sɛmɛs mi tɛ kɛtɔri ɔkɛra kɛfɛnɔ ka Kuru ka ɔnmɔnɛ. Ɔ som mi tɛ kɛtamɛs kasɛli ka atɛndɛbira, Yi kakal kɛli ka ɔɲfith, Tɛ kɛsɔŋ rɔwankom ka ɔɲa a thɛnkɛr rɛ afɔsɔ rɛkom.
- 19 Tɛ kɛtamɛs karen kɛfɛnɔ ka ɔMarki.
- 20 kɔ kantha ɔkɛfɛ, ɔ kala ki ka ɔɲbɔy, kɔ yirɔ. Ɔwa ɛfɔr ya ɲa bɛ ɔɲa yi ka ɔɲseth agbanɛ ɛ tansa kɔ.
- 21 kɔ tɛp kɛpa ro ɲaɲ, Thonɔɲ a po lasɛr mɔgbal amɛ ka katɛl ka nu.
- 22 Ɔwa ɔɲfɛm bɛ ɔɲa bɛpɛr-e, ɔɲ fɔf finɔ ta atɔɲ, ɔwa ɔɲ kabanɛ ta ɔsim tɛfinɔ ɔtɛ wur ka kɛsɔŋ kɔɲ; ɔɲ yif, Ɔwan uruni ka Yosɛf kɔn thahɔ ɔwɛ-i?
- 23 kɔ pa ro ɲaɲ, Tɛntɛnɛ nɛ tɛ tɔri mi ɔɲlomɔ ɔɲɛ, Bolomba, ramɔrnɛ; tɔy o tɔy ɔtɛ sɛ tɛl mɛ po yɔ ro Kɛpaniyɔm-e, yɔ ti sɛ nɔ ka ɔɲthɔf a mu.
- 24 kɔ pa ro ɲaɲ, Tɛntɛnɛ i kanɛ nu, a malanɛ hɛ unabi o nɔbi ka ɔɲthɔf ɲɔɲ.
- 25 Kɛrɛ i kanɛ nu ka tɛtɛɲ kɛpa, Abora agbɔthi ɔɲ yi ro Isrɛl ka mɔrɛy ma Ilaya, ma a kantha ɔkuru tɛrɛn tɛsas yi yof tamthɛrukɛn, ka ɔɲlɔkɔ ma dor rɛbana rɛ yi ka ɔɲthɔf bɛ.
- 26 Kɛrɛ a som hɛ Ilaya ka ukin ka ɲaɲ thambe ka ubora ro Sareptha, ka ɔɲthɔf ɲa Sidon.
- 27 Ɔwa afɛm agbɔthi ɔɲa ba arom ɔɲ yi ro Isrɛl ka ɔɲlɔkɔ ɲa Ilasha ɔnɔbi, kɛrɛ a fɛthɛr hɛ ukin ka ɲaɲ thambe Nemɔn ɔSirian.
- 28 Ka ɲaɲ bɛ ɔɲa yi ka ɔɲseth agbanɛ maɲ tɛl mɔtɔy amɛ ɔɲ bora bansɔ,
- 29 ɔɲ yokanɛ ɔɲ bɔl kɔ ka kɔpɛt, ɔɲ kɛra kɔ ka ɔthalnɛ wa kateɲ ro a tɛmɛr kɔpɛt ka ɲaɲ, kɔmɔ a fitha kɔ roratha.
- 30 Kɛrɛ Yisɔs ɔ thas ka kɛtɔɲ ka ɲaɲ ɔ kɔnɛ.
- 31 kɔ thor ro Kɛpaniyɔm, kɛpɛt ka ro Kalili, kɔ thɛksa ɲa ka ɔɲsabath.
- 32 kaɲ kabanɛ mathɛksa mɔɲ, ɔtesoma-e ɔrim rɔɲ rɛ yi yi afɔsɔ.
- 33 Ɔwa wuni ɔ yi ka ɔɲseth agbanɛ, ɔ ba ukɛrɛfi ulɛs, ɔ sel ɛrɔɲ,
- 34 ɔ pa, Kɔ tɔy tɔɲ sɛ ba yi munɔɲ-a? Munɔ Yisɔs ɔwɛ ro Nasareth! Mɛ der tɛ kɛlɛsɛr su-i? I tɔrɔ ɔwɛ mɛ yi-e, ɔSɛm ka Kuru.
- 35 Ka Yisɔs ɔ ɲal kɔ, ɔ pa, Tanɲk, ɔwa wur ro ɲɔɲ. Ma ɔkɛrɛfi ɔ po napanɛ kɔ kɛtɔɲ ka ɲaɲ-e, ɔ wur, ɔ yɔ hɛ kɔ ɔbaɲ.
- 36 Ɔwa ɲa bɛ ɔɲ kabanɛ, ɔɲ fɔflanɛ ɔɲ pa, Kɔ rim raɲ are-e, kotɔy-e, rɛ afɔsɔ ɔ yamari ɔɲkɛrɛfi alɛs, ɔwa ɔɲ wur-e?
- 37 Ka tɔgbuɲ tɔɲ tɛ gbanthɛnɛ der o der ka ɔɲthɔf ɲati.



³⁸Ma Yisósàŋ ɔ wur ka àŋseth agbané-e, ɔ wɔŋ ka àŋseth ŋa Saymɔn. Ɖwa mæder mægbipane mælel mæ wop ɔniŋkara ka Saymɔn, ka aŋfɛm aŋ nemthene kɔ ta atɔŋ.

³⁹kɔ bákær kɔ, ɔ ŋal ratu, ka rə ter kɔ. Ka ɔlemp wati ɔya ɔ yokane ɔ yɔna ŋa.

⁴⁰Ma aret rə yema wɔŋ-e, aŋfɛm be aŋa ba afɛm atuy rə rətu o rətu, aŋ kára ŋa ka Yisós; ɔ rend máta mɔŋ ka ŋa be, ɔ yenkəs ŋa.

⁴¹Ɖwa aŋkərəfi aləs sɔ aŋ wur rə afɛm agbáthi, aŋ woŋa, aŋ pa, Munɔ mæ yi ɔWan ka Kuru; kɔ ŋal ŋa, ɔ seloye aŋ fɔf átesoma-e aŋ tára kəpa kɔnɔ yi ɔKrayst.

⁴²Ma pə sək-e, Yisós ɔ wur ɔ kɔne der ɔyeŋ. Ɖwa aŋfɛm aŋ thens kɔ. Maŋ fir kɔ aŋ yema kali kɔ kəwur ro rɔŋaŋ.

⁴³Kere ɔ pa ro ŋaŋ, I ba tə kətəri ákera kəfino ka rábáy ra Kuru ka tapet təlɔm sɔ, kotáy-e ta áte tə a som mi.

⁴⁴Ɖwa Yisósàŋ ɔ taməs ka eseth egbane ro Kalili.

Luk 5

¹Ka pə re yi ma aŋfɛm aŋ thiŋkane kɔ tə kətəl árim ra Kuru-e, ɔ bɔ tɔmá rayer ka aŋbonka ŋa Kenesaret.

²kɔ nɛnk tɔbil tɔrɔŋ tɔ tɔmá ro bonka rayer; aŋlɔm aŋ po wur ri, aŋ bɔ yak tapel taŋ.

³Ɖwa Yisósàŋ ɔ wɔŋ ka abil ŋin aŋa yi aŋa Saymɔn, kɔ nemthene kɔ tə kəwura aŋbil ka aŋgbaŋ othan. Kɔ yirá ri, ɔ thəksa aŋfɛm.

⁴Ma ɔ tey kəfɔf-e, ɔ pa ka Saymɔn, Wɔŋ ka ɔbɔlɔŋ kámá mæ thora tapel ta nu tə kəlɔm.

⁵Ka Saymɔn ɔ wosa, ɔ pa, Pa, sə səkɔ thɔrɔne gbes, sə gbip hɛ koko; kere salata árim ra mu-e, i ti thora tapel.

⁶Maŋ po yɔ yi-e, aŋ gbip elop kəgbath kəbana, haŋ tapel taŋ tə pimsa.

⁷kaŋ kapane aŋkos ŋaŋ aŋa yi ka aŋbil alɔm kámá aŋ der mar ŋa. Kaŋ der, aŋ lasɔr tabil tɔrɔŋ haŋ tə tɔp kəmɔta.

⁸Ma Saymɔn Pita ɔ nɛnk áte-e, ɔ gbɔpsa ka tawu ta Yisós, ɔ pa, Sək ro mi ɔMarki, átesoma-e mine wuni ka ehake wɔŋ.

⁹Pəkasifɛ ɔ kabane, yi aŋa yi yi kɔnɔ, ta kagbath ka elop aŋa aŋ gbip.

¹⁰Ya pə yi sɔ Yeməsàŋ yi Yɔnàŋ, aŋwuth ŋa Sɛbedi, aŋa yi aŋkos ŋa Saymɔn. Yisós ɔ pa ka Saymɔn, Te nesa, kətɔp ka-ake mæ tə gbip afɛm.

¹¹Maŋ po liŋ tabil taŋ ro gbaŋ-e aŋ tey mayet be aŋ taŋ kɔ.

¹²Ka pə re yi ma ɔ yi ka kəpet kəlɔm ɔ nɛnk ri wuni ɔwe la arom. Ma ɔlaŋgba kati ɔ nɛnk Yisósàŋ-e, ɔ gbɔpsa, ɔ nemthene kɔ, ɔ pa, Pa, bepi mæ selɔ-e, mæ gbəli fethər mi.



- 13** Ka Yisósàṅ ɔ thanthi káta kɔ́ṅ, ɔ gboṅ kɔ́, ɔ pa, I selɔ; yi ugbɔraṅ. Ka ɔlɛmp wati aṅrom aṅ gbapɛ kɔ́.
- 14** kɔ́ yamari kɔ́ kámá ɔ te kanɛ ti wuni ɔ wuni. Kɔ́nɛ gbo, tɔ́rinɛ ka ɔfode, kámá mɔ́ wurɔ sathka ta kafethɔ́r ka mu mɔ́ mɔ́ Mosis ɔ yamari, tɔ́ kɔ́yi mɛseri ro rɔ́ṅaṅ.
- 15** Kɛrɛ tágbuṅ tɔ́ṅ tɔ́ bār gbo gbanthɛnɛ, ka tey tɔ́bana tɔ́ thonḡklane tɔ́ kɛtɛl dɛ yi kámá ɔ damɔ́r tatu taṅ.
- 16** Kɛrɛ Yisós ɔ kate kɛtɔ́ṅ ka ṅaṅ, ɔ kɔ́ ro wula tɔ́ kɔ́ramnɛ.
- 17** Ka pɔ́ re yi ka aṅrɛy alóm-e, ma ɔ bɔ́ thɔ́ksa-e, aFaresi yi akarmɔ́kɔ́ ṅa aṅthɔ́ aṅ yirá rayɛr, aṅ wur ka tapet bɛ áte yi ro Kalili, Yudia, yi ro Yerusalem. Ɔwa aṅfɔ́sɔ́ ṅa Kuru aṅ yi ri tɔ́ kɔ́yɛṅkɔ́s ṅa.
- 18** Ɔwa kɔ́la, aṅfɔ́m aṅ kárá wuni ɔwe ba mɔ́thanthaṅ rɔ́ kɛfɛnt. Kaṅ thɛns tɔ́ kɔ́wɔ́ṅa kɔ́ kámá aṅ bot kɔ́ rodi ka Yisósàṅ.
- 19** Maṅ te sɔ́thɔ́ rɔ́ṅ tɔ́ kɔ́wɔ́ṅa kɔ́ salata áruniya-e, aṅ gbep ka aṅseth rokɔ́m, kaṅ sɔ́nthɔ́s kɔ́ ka aṅfɛṅk yi kafɛnt kɔ́ṅ kɛtɔ́ṅ ka áruniya rodi ka Yisós.
- 20** Ma ɔ nɛnk kálane ka ṅaṅ-e, ɔ pa, Langba, a po tera mu ehake ɛ mu.
- 21** Aṅkarmɔ́kɔ́ yi aṅFarisi aṅ tɔ́p kɛfɔ́flane, aṅ pa, Kanɛ ɔwe-e, ɔwe mɔ́ ṅamnɛ Kuru-e? Kanɛ gbɛli tera wuni ehake thambe Kuru son-e?
- 22** Ma Yisós ɔ tárá kɔ́pa aṅ fɔ́flane-e, ɔ wosa ɔ pa ro ṅaṅ, Ko mɔ́ nɔ́ támtámnɛ ka emera ɛ nu-e?
- 23** Areke tha yi áfɔ́y táy tɔ́ kɔ́pa-e, A po tera mu ehake ɛ mu-o, thalóm kɔ́pa-e, Yokanɛ mɔ́ kɔ́th-o?
- 24** Kɛrɛ kámá nɔ́ tárá kɔ́pa ɔWan ka wuni ɔ ba afɔ́sɔ́ ka ádárú tɔ́ kɔ́tera ehake-e, ɔ pa ka ɔwe ba mathanthaṅ, I kanɛ mu, yokanɛ, mɔ́ gbasi kafɛnt ka mu, mɔ́ kálane ro seth ka mu.
- 25** Ka ɔlɛmp wati ɔ yokanɛ rodi ka ṅaṅ, ɔ gbasi kafɛnt, ɔ kɔ́nɛ ro seth kɔ́ṅ rɔ́ kɔ́thɔ́kɔ́s Kuru.
- 26** Ɔwa ṅa bɛ aṅ kabane, aṅ thɔ́kɔ́s Kuru, ka rɛnes rɔ́ wop ṅa, aṅ pa, Sɔ́ po nɛnk mátáy mɔ́kabane thonɔ́ṅ.
- 27** Kɔ́darɔ́ṅ ka mátáy ame-e, ɔ wur ri, kɔ́ nɛnk uthonḡkla ɛfák, aṅɛs ṅɔ́ṅ ṅɔ́ yi Libay, ɔ yirá ka ɔder rɔ́ mɔ́ a ram ɛfák. Kɔ́ pa ro ṅɔ́ṅ, Tán mi.
- 28** kɔ́ tey mayɛt bɛ, ɔ yokanɛ, kɔ́ tán kɔ́.
- 29** Ɔwa Lifayán ɔ benɛnɛ kɔ́ afantha abana ka aṅseth ṅɔ́ṅ gbɛṅ, ɔwa aṅfɔ́m aṅa thonḡkla ɛfák yi afɔ́m alóm aṅ yirá yi ṅaṅ ka kadi.
- 30** Kɛrɛ aṅFarisi yi aṅkarmɔ́kɔ́ aṅa yi yi ṅaṅ aṅ fɔ́fɔ́thane ka aṅkarande ṅɔ́ṅ, aṅ pa, To som mɔ́ nɔ́ di, ɔwa nɔ́ mun yi aṅthonḡkla ɛfák-e, yi aṅfɔ́m ṅa ehake-e?



- ³¹Ka Yisós ɔ wosa, ɔ pa ro rɔŋaŋ, Ɖaŋ aŋa yi ayenki mæder aŋ yema he ubolomba, ante yenki mæder ŋa gbo ŋa yema ubolomba.
- ³²I de he tɔ kɔmuti aŋlɔmpi, i re muti aŋfɔm ŋa ehake kámá aŋ thupi.
- ³³kaŋ pa ro rɔŋɔŋ, Aŋkarande ŋa Yɔn aŋ wop asum katkat, aŋ ramne, ya pɛ yi sɔ yi aŋkarande ŋa aŋFarisi, kere aŋa mu aŋ di ɔwa aŋ mun.
- ³⁴Ka Yisós ɔ pa ro ŋaŋ, Nɛ gbɛli yɔ aŋyathki ŋa ɔnantɔ aŋ wop asum ma ɔnantɔ ɔ yi yi ŋaŋ-i?
- ³⁵Kere márey mɔ tɔ der ma a tɔ nɔy ŋa ɔnantɔ, ɔwa ka márey mati aŋ tɔ wop asum.
- ³⁶ɔwa ɔ tɔri ŋa sɔ alomɔ, kɔ pa, Wuni ɔ gbari he ka ruma rɔfu tɔ kɛgbáp arombo ka ruma rɛkur; bepi ɔ yɔ yi-e, ɔ gbari gbo rafu, ɔwa arombo afu aŋ mar he aruma rɛkur.
- ³⁷ɔwa wuni ɔ bot he mæber mæfeth ka tɔbos tɔkur, ta thani maber mæfeth mɔ gbai tabos, ɔwa maber mɔ loŋa, de yi tabos tɔ lɛsɔ,
- ³⁸kere a yi tɔ kɔbot mæber mæfeth ka tɔbos tɔfu.
- ³⁹ɔwa ɔwuni ɔ yi he ɔwe po mun mæber mækur, ɔ yema sɔ mæfeth; kotáy-e ɔ pa, makur mɔ tha yi mæfinɔ.

Luk 6

- ¹Ka pɛ re yi ka asabath alom ma ɔ thas ka atɔr-e, aŋkarande ŋɔŋ aŋ simɔth magbas, aŋ nɔtha ma ka máta maŋ, kaŋ di ma.
- ²Kere aŋFarisi alom aŋ pa, kɔyey mɔ nɛ yɔ áte aŋthɔ aŋ bent tɔ kɔyɔ ka aŋrey ŋa aŋsabath-e?
- ³ɔwa Yisósáŋ ɔ gbakia ŋa, ɔ pa, Nɛ la he karaŋ áte Debid ɔ yɔ ma dor rɔ wop kɔ yi aŋa paya kɔ-i?
- ⁴ɔ wɔŋ ka aŋseth ŋa Kuru, kɔ gbasi, ɔ di tabo tɔsɛm áte aŋfode, ŋa gbo son aŋ ba mamari tɔ kɔdi, ɔwa ɔ di ti kɔ sɔŋ sɔ aŋfɔm aŋa yi yi kɔnɔ.
- ⁵ɔ pa sɔ ro ŋaŋ, ɔWan ka wuni ɔ yi ɔMarki ka aŋsabath sɔ.
- ⁶Ka pɛ kál sɔ yi ka aŋsabath alom-e, ɔ wɔŋ ka aŋseth agbanɛ, kɔ thɛksa aŋfɔm. Ka wuni ɔ yi ri ɔwe pɛ yi-e, káta kɔŋ kɔdiɔ kɔ yi kɔfi.
- ⁷ɔwa aŋkarmɔkɔ yi aŋFarisi aŋ kɔli kɔ, bepi ɔ tɔ gbɛli yenkɛs kɔ ka aŋsabath, kámá aŋ gbɛli fir rɔŋ tɔ kɛgbanthir kɔ.
- ⁸Kere Yisós ɔ tárá enanɛ yaŋ, kɔ pa ka ɔwuni ɔwe ba káta kɔfi, Yokanɛ, mɔ tɔmá su ratɔŋ. Kɔ yokanɛ, ɔ tɔmá.
- ⁹Ka Yisósáŋ ɔ pa ro ŋaŋ, I yif nu, ɔlɔmpi tɔ kɔyɔ ɔfinɔ ka aŋsabath-i, thalɔm ɔlɛs-i? Tɔ kɔkisis aŋesɛm-i, thalɔm tɔ kɔlɛsɔr ŋi-e?



- 10**Ma ɔ po kɛli ɲa bɛ-e, ɔ pa ka ɔlanɲba. Thanthi káta ka mu. Kɔ yɔ ti, ɔwa káta kɔŋ kɔ kál yenk.
- 11**Kere aɲkarmɔkɔ yi aɲFarisi aɲ la mɛbaɲ, ka aɲ nɛɲkane ta áte aɲ gbɛli yɔ Yisɔsɔɲ.
- 12**Ka pɛ re yi ka márey mati-e, ɔ kɔ ka kateɲ tɔ kɔramne. ɔwa ɔ sɔkɔ ramne ka Kuru gbes.
- 13**Ma pɛ sɔk-e, ɔ tela aɲkarande ɲɔɲ, kɔ thith tɔfɔt ɲarɔɲ kɔtɔɲ ka ɲaɲ, kɔ bont ɲa asom.
- 14**Saymɔnɔɲ, (ɔwe a bont Pita) Andrɔɲ, ɔwɔnt kɔɲ uruni, Yemɔsɔɲ yi Yɔnɔɲ, Filipɔɲ yi Bartholɔmiyuɔɲ,
- 15**Mathiu de yi Thɔmɔsɔɲ, Yemɔsɔɲ ɔwan uruni ka Alfios, Saymɔnɔɲ ɔwe a bont Selɔt,
- 16**Yudasɔɲ ɔwan uruni ka Yemɔs, yi Yudas Iskariyɔt ɔwe sɔnd Yisɔs.
- 17**ɔ thor yi ɲaɲ ka abethkɔ, kɔ bɛp áruniya ra aɲkarande ɲɔɲ yi afɛm agbáthi aɲa wur ro Yudia bɛ yi ro Yerusalem, yi ka aɲthɔf ɲa ro Tair yi ro Sidon, aɲa der tɔ kɔtɔla kɔ, ɔwa kámá ɔ damɛr tatu taɲ.
- 18**kɔ yenkɔs aɲfɛm aɲa akɛrɔfi alɔs aɲ sɔmpa-e.
- 19**ɔwa aɲfɛm bɛ aɲ mɛm tɔ kɔgbɔɲ kɔ, pɛkasife afɔsɔ aɲ wur kɔ, aɲ yenkɔs ɲa bɛ.
- 20**kɔ ɲata ɛfɔr yɔɲ ka aɲkarande ɲɔɲ, ɔ pa, Naɲ amɔne nɔ ba aruba, kotáy-e na ba rábáy ra Kuru.
- 21**Naɲ aɲa yi ador ka-ake nɔ ba aruba, kotáy-e nɔ ba kɔnamra. Naɲ aɲa kulɔ ka-ake nɔ ba aruba, kotáy-e nɔ ba kɔsel.
- 22**Na aruba, ma afɛm aɲ gbɛɲa nu, ɔwa maɲ gbaskine nu, ɔwa aɲ sambos nu, aɲ wurɔ ames ma nu mɔ táy tɔlɔs salata ɔWan ka wuni.
- 23**Tɔ pɛ bɔne nu ka áɲrey ɲati, ɔwa pais nu yi mɛbɔne; átesoma-e áɲrám a nu aɲ yi abana ro riyana. Kotáy-e ya aɲkas a ɲaɲ aɲ yɔ aɲnabi.
- 24**Kere mɔne ro nu na yi ayola, kotáy-e nɔ po thɔɲ sɔthɔ kábefɔth ka nu.
- 25**Mɔne ro nu aɲa namra ka-ake, kotáy-e dor rɔ tɔ wop nu. Mɔne ro nu aɲa sel ka-ake, kotáy-e nɔ tɔ saɲ amɔl, ɔwa nɔ tɔ kulɔ.
- 26**Mɔne ro nu ma afɛm bɛ aɲ fɔf nu ɔfinɔ, kotáy-e ya aɲkas a ɲaɲ aɲ yɔ aɲnabi ayem.
- 27**Kere ka ɲaɲ aɲa tɔl i pa, Bɔthɛr aɲtherane a nu, yɔ ɔfinɔ ka ɲaɲ aɲa mɔ gbɛɲa nu,
- 28**ruba ɲaɲ aɲa mɔ nal nu, ramne nu ta ɲaɲ aɲa mɔ yɔ nu ɔlɔs.
- 29**Ma wuni ɔ gbantha mu ka aɲkos ɲin-e, laɲkliá kɔ sɔ aɲlɔm; ɔwa ɔwe mɔ nɔy aruma ra mu rɔbana-e, te bent kɔ aruma ra mu rɔratha sɔ.



- 30 Səŋ wuni o wuni ɔwe tholir mu, ɔwa ma wuni o wuni ɔ nɔy eyet ε mu-e, te yif kɔ ti sɔ.
- 31 Mɔ mǎ nə yema aŋfəm aŋ yɔ nu yaŋ sɔ mǎ nə yɔ ŋa.
- 32 Bepi nə bɔthər gbo ŋaŋ aŋa bɔthər nu-e, ko mɔmɔ mǎ nə ba-e? kotáy-e hali aŋfəm aləs aŋ bɔthər ŋaŋ aŋa mǎ bɔthər ŋa.
- 33 ɔwa bepi nə yɔ ɔfinɔ gbo ka ŋaŋ aŋa mǎ yɔ nu ɔfinɔ-e, ko mɔmɔ mǎ nə ba-e? Hali aŋfəm aləs aŋ yɔ yi.
- 34 Bepi nə bɔ yet ka ŋaŋ gbo aŋa əŋ nane tɔ kəkál sɔthɔ yi sɔ-e, ko mɔmɔ mǎ nə ba-e? Hali aŋfəm aləs aŋ bɔ afəm aləs, tɔ kəkál sɔthɔ amɔlɔ mati sɔ.
- 35 Tiyǎŋ bɔthər aŋtherane a nu, yɔ ŋa ɔfinɔ, bɔ ŋa kate gbak ámerà tɔ kəkál sɔthɔ; ɔwa áŋrám a nu aŋ tɔ yi abana, ɔwa nə tɔ yi aŋwuth ŋa ɔBɔli rəkóm. Kotáy-e ɔ yɔ ɔfinɔ ka aŋfisrɔwali yi aŋləs.
- 36 Ba áney mǎ mǎ ɔKas ka nu ɔ ba áney.
- 37 Te nu thonkas apa, ɔwa a ba he tɔ kəthoŋkas nu. Te səŋ wuni mətheri. ɔwa a ba he tɔ kəsəŋ nu mətheri. Tera, ɔwa a tɔ tera nu.
- 38 Səŋ, ɔwa a tɔ səŋ nu, kəthunth kəfinɔ, kəthiŋkər, kəyinktha, kəlon, a tɔ səŋ yi ka mǎta mǎnu. Kotáy-e, ka aŋthuntha aŋa mǎ nə thunth-e, ŋa mǎ a kál thuntha nu.
- 39 kɔ fɔf alomɔ ro ŋaŋ, ɔ pa, ɔfith ɔ gbəli kɔtha ufith-i? Da ŋarəŋ aŋ fumpɔ he ro fo-i?
- 40 Ukarande ɔ thas he ɔkarməkɔ kəŋ, kere wuni o wuni ɔwe pons kətara, ɔ tɔ yi mǎ ɔkarməkɔ kəŋ.
- 41 ɔwa to som mǎ nə nənk áŋpol aŋa yi ka rafər ra ɔwənt mu-e, kere mǎ nənk he kagboŋ áke yi ka rafər ra mu-e?
- 42 To mǎ gbəli pa ka ɔwənt mu, Wənt mi, yɔ kámá i wurɔ áŋpol ka rafər ra mu, ma mǎ te nənk kagboŋ áke yi ka rafər ra mu-e? Mun munafaki, mǎtha wurɔ kagboŋ ka rafər ra mu, ɔwa mǎ tɔ nənk gbərəŋ tɔ kəwura áŋpol aŋa yi ka rafər ra ɔwənt mu.
- 43 kotáy-e, ŋənt áfinɔ aŋ kom he məkomi mələs, thaləm ŋənt ələs aŋ kom he məkomi məfinɔ.
- 44 ɔwa a tǎrá ŋənt o ŋənt ka məkomi mati. Afəm aŋ pim he məgbɔnɔ rə təbɔŋk, ɔwa mətiti rə təsənduku.
- 45 Wuni finɔ ka ebene efinɔ ya áŋmerà ŋəŋ ɔ wurɔ áte yi təfinɔ; ɔwa wuni ləs ka ebene ələs ya áŋmerà ŋəŋ ɔ wurɔ áte yi tələs. Kotáy-e ka kala ka áŋmerà kəsəŋ kəŋ kɔ tɔ fɔf.
- 46 To som nə bont mi, Pa, Pa, kədarəŋ ka nə yɔ he áte i kanə nu-e?
- 47 Wuni o wuni ɔwe der ro rəmi, ɔ təl ásim ta mi, ɔ wop ti, i ti təri nu ɔwe ɔ báláne.



⁴⁸Ɔ yi mə wuni ɔwe mə təmər aseth. Ɔ bes ɔbɔlɔŋ, ɔ raf ɔtəmər wa ɔŋseth rə agbalaŋ. Ma ɔmánt məfɔl mə der-e, mə sap ɔŋseth ɔti, kere mə gbəli he yiŋktha ɔti, ɔtesoma-e a po təmər ɔti ɔfiɔ.

⁴⁹Kere kɔnɔ ɔwe mə təl, ɔ wop he, ɔ yi mə wuni ɔwe təmər aseth ka ɔŋthɔf kəte bes. Ma ɔmánt məfɔl mə sap ɔti-e, ka ɔlɛmp wati ɔŋ fumpɔ, ɔwa kafumpɔ ka ɔŋseth ɔti kə yi kəbana.

Luk 7

¹Ma ɔ po gbanthi kəfɔfane ɔŋfəm be-e, ɔ wɔŋ ro Kepaniyɔm.

²Ka ɔŋbɔy ɔŋ ukaptin ulɔm, ɔwe ɔ bɔthər, ɔ tu, kə fənthà tə kəfi.

³Ɔwa ma ɔkaptin ɔ təl ta Yisɔsɔŋ, ɔ som ɔŋbaki ɔŋ ɔŋYuda tə kənəmthene kə kámá ɔ der, ɔ ramər ɔŋbɔy ɔŋ.

⁴Ɔwa maŋ bek ka Yisɔs-e, ɔŋ nəmthene kə tentene, kaŋ pa, Kɔn ɔ yi ubeki kámá mə yɔna kə ɔte,

⁵pəkasife ɔ bɔthər ɔŋbona a su, ɔwa kɔn kɔnɔne ɔ po təmər su aseth agbane.

⁶Ka Yisɔs ɔ kə yi ɔŋ. Ma ɔ fatər ɔŋseth-e, ɔkaptin ubana ɔ som ayathki ro rɔŋɔŋ kəpa, Pa, te sɔmpane tə kəder; kɔtáy-e i bek he kámá munɔ mə wɔŋ ka ɔŋseth a mi.

⁷Tásom sɔ-e, i támtámne he kəpa i yi min beki tə kəder ro rɔmu, kere pa gbo ɔrim, ɔwa ɔŋbɔy a mi ɔ tə yeŋk.

⁸kɔtáy-e mine sɔ i yi wuni ka afɔsɔ ratha, ɔwa i ba atim roratha kámi. I kane ukin ka ɔŋ, Kɔ, ɔwa ɔ kɔne; ka ulɔm, Der, ɔwa ɔ der; ka ɔŋbɔy a mi, Yɔ ɔte, ɔwa ɔ yɔ ti.

⁹Ma Yisɔs ɔ təl mátáy ame, ɔ kabanɛ, kə fəle ka ɔŋfəm ɔŋa táŋ kə, ɔ pa ro ɔŋ, I tha bəp he kəlane kəbana mə ake hali kətɔŋ ka ɔŋIsrəl.

¹⁰Ɔwa ɔŋsom-e, maŋ kálane ro seth-e, ɔŋ bəp ɔŋbɔy ɔ po yeŋk.

¹¹Ka pə re yi ka ɔŋrey alɔm ɔ kɔne ka kápet áke a bont Nen, ka ɔŋkarande ɔŋ ɔŋ paya kə yi afəm agbáthi.

¹²Ɔwa, ma ɔ fat ka kadare ka kapet-e, kəla, a wurɔ wuni ɔwe po fi, wan runi ukin ka ɔkara kɔŋ, ɔwa kɔnɔ ɔ yi ubora. Ka afəm agbáthi ɔŋ kápet ɔŋ yi yi ɔyaŋ.

¹³Ma ɔMarki ɔ nɔnk ɔya-e, ɔ bana kə ɔney, kə pa ro rɔŋɔŋ, Te bok.

¹⁴Ka Yisɔsɔŋ ɔ fatər ɔŋ, kə gbɔŋ ɔŋgbatha, ka ɔŋfəm ɔŋa gbane kabel ɔŋ tɔmá. Kə pa, Langba, i kane mu, yokane.

¹⁵Ɔwa kɔnɔ ɔwe po fi ɔ yokane, ɔ tɔp kəfɔf. Ka Yisɔs ɔ lánki kə ka ɔkara kɔŋ.

¹⁶Ka rənes rə wop ɔŋfəm be; ɔwa ɔŋ yikis Kuru, ɔŋ pa, Unabi ubana ɔ po yokane kətɔŋ kásu, ɔwa Kuru ɔ pəne he ɔŋfəm ɔŋ.



- 17 Ɔwa mapa ame mə gbanthene ro Yudia be yi ka an̄thof aña gbeto ri.
- 18 Ankarande ña Yon an̄ t̄ori k̄o mat̄ay ame be.
- 19 Ka Yon̄an̄ ɔ tela akarande ñon̄ ñar̄on̄ ɔ som ña ka Yis̄os t̄o k̄eyif, Mun̄o yi k̄ono ɔwe yi t̄o k̄eder-i, thal̄om s̄o k̄eliane ul̄om-i?
- 20 Ma an̄langba an̄ bek ro ñon̄, an̄ pa, Yon̄ ɔbaptist ɔ som su ro r̄omu, ɔ pa, Mun̄o yi k̄ono ɔwe yi t̄o k̄eder-i, thal̄om s̄o k̄eliane ul̄om-i?
- 21 Ka an̄l̄oko ñati gber̄ Yis̄os ɔ ram̄er af̄em agb̄athi aña ba t̄etu-o, es̄ompane eban̄-o, yi ak̄er̄efi al̄os, ɔwa ɔ s̄on̄ k̄ek̄eli ka afith agb̄athi.
- 22 Ka Yis̄os ɔ wos̄ane ña ɔ pa, K̄one nu, ɔwa t̄ori Yon̄ mat̄ay ama n̄o po n̄enk yi ama n̄o po t̄el; an̄fith an̄ s̄oth̄o kak̄eli ka ñan̄, an̄gbethke an̄ k̄oth, aña ba arom a feth̄er ña, an̄t̄an̄a an̄ t̄el, an̄fi an̄ k̄al yi ak̄eli, ɔwa a t̄ori ak̄era k̄efino ka Kuru ka an̄m̄one.
- 23 Ɔwa wuni ka aruba w̄on̄ ɔwe te fir asabu ña k̄ep̄enth̄bela ro r̄omi.
- 24 Ma an̄som ña Yon̄ an̄ k̄one-e, Yis̄os ɔ t̄ep̄ k̄ef̄ofane an̄f̄em ta Yon̄, k̄o pa, Ko t̄ay t̄an̄ n̄o k̄o ro wula t̄o k̄ek̄eli-e? K̄ethan̄ke ak̄e an̄f̄ef an̄ yin̄ktha-i?
- 25 Ko t̄ay t̄an̄ n̄o wur t̄o k̄ek̄eli-e? Wuni ɔ lopra elopra en̄ofth̄o-i? An̄f̄em aña w̄on̄ elopra en̄ofth̄o yi aña mə di edi et̄ak-e an̄ yi ka at̄ama ta an̄b̄ay.
- 26 Ko t̄ay t̄an̄ n̄o wur t̄o k̄ek̄eli-e? Unabi-i? Yao, i kan̄e nu, uthasi unabi.
- 27 K̄ono ɔwe ta ɔwe a gbal k̄ep̄a, I som ɔsom k̄ami rodi ka mu, ɔwe mə bempa aron̄ da mu rodi ka mu.
- 28 I kan̄e nu, k̄et̄on̄ ka ñan̄ aña af̄em abom an̄ kom-e, ubana uthasi Yon̄ ɔ yi h̄e; k̄ere k̄on̄ ɔwe yi ul̄ol th̄on̄ be ka r̄ab̄ay ra Kuru-e, ɔ yi ubana uthasi k̄o.
- 29 An̄f̄em be yi an̄thon̄kla ef̄ak man̄ t̄el-e, an̄ wosa ta m̄al̄ompi ma Kuru, man̄ po malane an̄baftis̄em ña Yon̄.
- 30 K̄ere an̄Farisi yi an̄tara an̄th̄o an̄ pensa t̄o k̄ewop am̄an̄ ña Kuru ta ate ñan̄, man̄ kasi an̄baftis̄em ña Yon̄.
- 31 ƆMariki ɔ pa, Ko r̄eka ran̄ mə i lom̄o an̄f̄em ña r̄akomra are, mba, ko r̄eka ran̄ mə an̄ bal̄ane-e?
- 32 An̄ yi mə afeth aña yira ka ɔder ɔthila, an̄ mutiane, kan̄ pa, S̄o po f̄er̄a nu atuleñ, n̄o th̄om̄o h̄e; s̄o po bok, n̄o kul̄o h̄e.
- 33 Yon̄ ɔbaptist ɔ der ɔ di h̄e k̄ebo, ɔ mun̄ h̄e m̄ober, ka n̄o pa, Ɔ ba uk̄er̄efi.
- 34 ƆWan ka wuni ɔ der yi k̄edi de yi k̄emun̄an̄, ɔwa n̄o pa, K̄eli, wuni wonthi w̄on̄, ɔ ba k̄emun̄ k̄ebana, ɔwa ɔ yi uyathki ka an̄thon̄kla ef̄ak yi an̄f̄em ña ehake!
- 35 K̄ere k̄etemp k̄o s̄oth̄o m̄emari ka an̄wuth ñon̄ be.



- ³⁶Ka ukin ka aŋFarisi ɔ muti Yisɔs tɔ kɛdi yi kɔnɔ, kɔ wɔŋ ka aŋseth ŋa ɔFaresi, ɔ yirɔ tɔ kɛdi.
- ³⁷Ɔwa kɛla, wuni bom ɔ yi ka kɔpet, ɔ yi wuni lɛs. Ma ɔ tɔrɔ kɛpa Yisɔs ɔ yirɔ tɔ kɛdi ka aŋseth ŋa ɔFarisi-e, ɔ kɔrɔ ɔbithɔrɔ ŋa mɛsopa mɛfɔlfɔl,
- ³⁸kɔ tɔmɔ rodarɛŋ ka ɔtɔtɛk tɔŋ, ɔ bok, kɔ tɔp kɛbɔyis ɔtɔtɛk tɔŋ yi ɔmɔntɔr mɔŋ, ɔ nasi ti yi aŋfon ŋa rɔbomp rɔŋ, ɔ mumɛl ɔtɔtɛk tɔŋ, kɔ sop ti masopa mɛfɔlfɔl ame.
- ³⁹Ma ɔFaresi ɔwe muti kɔ ɔ nɔnk ti-e, ɔ fɔfnɛ ka aŋmerɔ ŋɔŋ kɛpa, Bepi ɔwuni ɔwe ɔ yi unabi-e, ɔ tɔ tɔrɔ naŋ ko wuni ɔwuni bom ɔwe ɔ yi ɔwe gbɔŋ kɔ; ɔ tɔ tɔrɔ kɛpa ɔ yi wuni ka ɛhake.
- ⁴⁰Ka Yisɔsɔŋ ɔ wosɔnɛ kɔ ɔ pa, Saymɔn, i ba tɔy tɔ kɛkanɛ mu. Kɔ pa, Pa, fɔf gbo.
- ⁴¹Afɛm ŋarɔŋ aŋ ba tɔbey ka wuni lɔm; ɔkin ɔ ba kɛram kɔ ɛpɔn tɔfɔt tɔmthɛdɛrɔŋ, ɔwa ɔlɔm ɔ ba kɛram kɔ apɔn ŋin ɛsiliŋ tɔfɔt tamath.
- ⁴²Maŋ te ba rɛka tɔ kɛrɔm-e, ɔ tera ŋa ŋarɔŋɔŋ. Kane mi ureke ka ŋa ŋarɔŋɔŋ mɔ tha bɔthɔr kɔ-e?
- ⁴³Ka Saymɔn ɔ lasi ɔ pa, I nanɛ kɔn ɔwe ɔ tha tera ɔgbthi. Ka Yisɔs ɔ pa, Mɔ po gbɛk ɔlɔmpi.
- ⁴⁴kɔ fɛlɛ ka ɔya ɔ pa, Saymɔn, mɔ nɔnk ɔya ɔwe-i? I wɔŋ ka aŋseth a mu; mɔ sɔŋ hɛ mi mɔnt ta ɔtɔtɛk ta mi, kɛrɛ kɔnɔ ɔ po bɔyis ɔtɔtɛk ta mi yi mantɔr, ɔ nasi ti yi aŋfon ŋɔŋ.
- ⁴⁵Mɔ mumɛl hɛ mi, kɛrɛ kɔnɔ kɔbi ma i wɔŋ nɔ-ɔŋ, ɔ tey hɛ kɔmumɛl ɔtɔtɛk ta mi.
- ⁴⁶Mɔ sop hɛ rɔbomp ra mi mɔrɔ, kɛrɛ ɔya ɔwe ɔ po sop ɔtɔtɛk ta mi yi mɛsopa mɛfɔlfɔl.
- ⁴⁷Tiyɔŋ i kanɛ mu, ɛhake yɔŋ ɛyɛ yi ɛgbathi, a po kɔ yi tera, kɔtɔy-e ɔ bɔthɔr ɔbana; kɛrɛ ɔwe a tera ɔthan, kɔnɔ bɔthɔr ɔthan.
- ⁴⁸kɔ pa ka ɔya, A tera mu ɛhake ɛ mu.
- ⁴⁹Ka ŋaŋ aŋa yirɔ ka kadi yi kɔnɔ aŋ tɔp kɛpa ka ɛmerɔ yaŋ, Kane yi ɔwe ɔwe mɔ tera ɛhake sɔ-e?
- ⁵⁰Ɔwa ɔ pa ka ɔya, Kɔnɛ yi mɔthɔfɔl; kɔlanɛ ka mu kɔ po mu kisis.

Luk 8

- ¹Ka pɛ re yi kɛdarɔŋ kati ɔthan-e, Yisɔs ɔ kɔnɛ ka tapet yi tagbɔm bɛ, ɔ tamɛs, ɔwa ɔ tɔri ɔkɛra kɛfinɔ ka rɔbɔy ra Kuru, ka aŋkarande ŋɔŋ tɔfɔt ŋarɔŋ aŋ paya kɔ,
- ²yi afɛm abom ɔlɔm aŋa a po ramɔr rɔ akɔrɔfi alɛs yi ka tɔtu; Meri ɔwe a bont Makdala, ka ɔwe akɔrɔfi tɔmthɛdɛrɔŋ aŋ wur,



- ³Yoana ɔrani ka Kusa, aɲbɔy ɲa Herɔd, yi Susana, yi agbáthi alóm sɔ, aɲa mar kɔ yi eyet yaɲ.
- ⁴Ma afəm agbáthi aɲ thonklane rɔkin, aɲfəm ɲa kəpet o pet aɲ kɔ ka Yisɔsáɲ, kɔ fɔf rɔ alomɔ, ɔ pa,
- ⁵Usak ɔ wur tɔ kəsak mater mɔɲ; ma ɔ sak mələm mə fumpɔ ro roɲ, ka a nas ma, ɔwa ebəmp ya aɲfena aɲ gbaməs ma.
- ⁶Mələm mə fumpɔ rɔ agbalaɲ; ma mə lɔkɔ-e, ɔləmp wati mə wela, átesoma-e mə ba he mánt.
- ⁷Ka mələm mə fumpɔ rɔ tɔbaɲk ratɔɲ; ɔwa tabaɲk tɔ lɔkɔ yi máteráɲ, ɔwa tɔ tɔkər ma.
- ⁸Mələm mə fumpɔ rɔ athɔf afinɔ, mə lɔkɔ, mə kom məkomi mɔlɔ ma keme kin. Ma Yisɔs ɔ po fɔf mátáy ame-e, ɔ ɲata árim rɔɲ, kɔ pa, Ɔwe ba eləns ta ɔ təl.
- ⁹Aɲkarande ɲɔɲ aɲ yif kɔ, To aɲlomɔ aɲe an yi-e?
- ¹⁰kɔ pa, Ro rɔnu a sɔɲ ti tɔ kətara aɲgbundu ɲa rábáy ra Kuru, kere alóm-e, a thəksa ɲa rɔ elomɔ, kámá hali aɲ kəli aɲ nənk he; hali aɲ təl-e, pə sɔk he ɲa.
- ¹¹Aɲlomɔ ɲi aɲe. Mater mə yi árim ra Kuru.
- ¹²Ɖaɲ ka aroɲ ɲa yi ɲaɲ aɲa təl. Áɲlɔkɔ ɲati Sethani ɔ der, ɔ nɔy árim ka emerá yaɲ kámá aɲ te lane, ɔwa aɲ te sɔthɔ kakisi.
- ¹³Ɖaɲ ka aɲgbalaɲ, maɲ təl-e, aɲ malane árim yi məbɔne, kere maɲ te ba eθhənk-e, aɲ lane alɔkɔ agbut gbo; ma aɲgbɔnsane aɲ bek-e, aɲ bárá kəmuth.
- ¹⁴Ama fumpɔ rɔ tabaɲk ratɔɲ, mə yi ɲaɲ aɲa po təl. Ɔwa maɲ kɔne ka asoɲ ta ɲaɲ-e, esoli, yi rayola, yi mabɔthi ma ádáru, eye be e θhɲkane ɲa, ɔwa aɲ kom he məkomi məgbenthis.
- ¹⁵Kere ama ka aɲthɔf afinɔ-e, mə yi ɲaɲ aɲa po təl árim, ɔwa maɲ təl-e, aɲ wop ri ɔbaksər ka táteɲ de yi ka ámerá áferá, kaɲ kom məkomi rɔ kəmuyu.
- ¹⁶Bepi wuni ɔ moth kəmule, ɔ gbəpər he ki yi rəka, ɔwa ɔ bot he ki ka kəfənt ratha, kere ɔ tɔ bot ki ka ɔtəmər kámá ɲaɲ aɲa mə wɔɲ ro seth aɲ gbəli nənk ɔwaɲ wati.
- ¹⁷kotáy-e, táy tɔmaɲkne tɔ yi he, áte mə a te ɲaibi; amurare aɲ yi he aɲa mə a te tára, ɔwa mə a te wurɔ gbəraɲ.
- ¹⁸Tiyáɲ bot nu ámerá ka mátəl ma nu, kotáy-e wuni o wuni ɔwe ba, a tɔ bár sɔɲ kɔ; ɔwa wuni o wuni ɔwe te ba, a tɔ nɔy kɔ hali ara ɔ ba.
- ¹⁹Ka ɔkara kɔɲ yi aɲwənt ɲɔɲ aɲ der ro ɲɔɲ, kere aɲ gbəli he fatər kɔ salata áruniya.
- ²⁰Ɔwa a kane kɔ kəpa, Ɔkara ka mu yi aɲwənt a mu aɲ tɔmá rokaɲ, aɲ yema nənk mu.
- ²¹kɔ lasi ɔ pa ro ɲaɲ, Ɔkara kámi yi aɲwənt mi aɲ yi aɲa mə təl árim ra Kuru-e, ɔwa aɲ wop ri.



- 22Ka pə re yi ka ɔ̃nɔy alom, Yisɔs yi aɔ̃karande ɔ̃nɔy aɔ̃ bɔkɔ ka ɔ̃nbil, kɔ pa ro ɔ̃nɔy, Maɔ̃ fɛsi nu ɔ̃nbonka. Kaɔ̃ wur kɔkɔ romɔri.
- 23Mɔ mɔ aɔ̃ ɔ̃nas-e, mɔrey mɔ wop kɔ, ɔ̃wa kɔ̃nkɔl kɔ thor ka ɔ̃nbonka. Ka ɔ̃nbil aɔ̃ la mɔnt, kaɔ̃ tɔmɔ ɔ̃lɔs.
- 24ɔ̃wa aɔ̃ der ro ɔ̃nɔy, aɔ̃ thɔmi kɔ, aɔ̃ pa, Pa, Pa, sɔ̃ dinɛ. Kɔ thɔmɛ, ɔ̃ ɔ̃nal aɔ̃fɛf yi rabaɔ̃ ra ɔ̃mɔnt. Ka ɔ̃lɛmp wati-e, pɔ̃ thɔfɔla.
- 25kɔ pa ro ɔ̃nɔy, Kiya kɔlanɛ ka nu-a? ɔ̃wa rɔnes yi kɔkabanɛ kɔ wop ɔ̃nɔy, aɔ̃ pa kɔtɔy ka ɔ̃nɔy, Kanɛ ɔ̃we mɔn, ma ɔ̃ yamari hali aɔ̃fɛf yi ɔ̃mɔnt, ɔ̃wa ɛ tɔlɔ kɔ-e?
- 26kaɔ̃ bek ka ɔ̃nthɔf ɔ̃nɔy aɔ̃Kadarin aɔ̃nɔy lomanɛ ro Kalili.
- 27Ma Yisɔs ɔ̃ wur ka ɔ̃nbil-e, ɔ̃ bɔp ɔ̃lanɔba ka ro pet ɔ̃we ba ukɔrɔfi. ɔ̃wa ɔ̃woni thɔy ɔ̃ yi gbo utiɔy, ɔ̃ yi hɛ rɔ aseth, ɔ̃ yi gbo ka taboma.
- 28Ma ɔ̃ nɔnk Yisɔsɔ̃nɔy, ɔ̃ sel ɛrɔy, kɔ fumpɔ rodɔ kɔy, ɔ̃wa yi rim rɔbana ɔ̃ pa, Kɔ tɔy tɔy i ba tɔ kɔyɔ yi munɔ-ɔ̃ Yisɔs, munɔ ɔ̃Wan ka Kuru ɔ̃Bɔli rɔkɔm-e? ɔ̃mari mu, te sɔmpa mi.
- 29ɔ̃tesoma-e ɔ̃ po yamari ɔ̃kɔrɔfi ulɔs tɔ kɔwur ka ɔ̃lanɔba. Kɔtɔy-e ɔ̃ la gbip kɔ katkat; ka a tand kɔ yi tɔrɛntha yi ɛgbete, kɛrɛ ɔ̃ pimɔs atɔrɛntha, ɔ̃wa ɔ̃kɔrɔfi ɔ̃ bɔlɔr kɔ ro wula.
- 30Ka Yisɔs ɔ̃ yif kɔ, Aɔ̃nɔy a mu-a? kɔ pa, Runia, ɔ̃tesoma-e akɔrɔfi agbɔthi aɔ̃ wɔy kɔ.
- 31kaɔ̃ nɛmthɛnɛ kɔ kɔmɔ ɔ̃ te yamari ɔ̃nɔy tɔ kɔkɔ ka ɔ̃nbil aɔ̃nɔy te ba ɔ̃thɔlɛnɛ.
- 32ɔ̃nɔlɔkɔ ɔ̃nɔy kuthi ka tɔsɔp tɔgbɔthi kɔ bɔ wɔnth ri ka katenɔy, kaɔ̃ nɛmthɛnɛ kɔ kɔmɔ ɔ̃ ter ɔ̃nɔy kɔmɔ aɔ̃ wɔy ɔ̃nɔy. Kɔ selɔ.
- 33Ka aɔ̃kɔrɔfi aɔ̃ wur ka ɔ̃lanɔba aɔ̃ wɔy ka tasɔp; ka akuthi kɔ gbunɔy kɔtɔlɔpɛ aɔ̃ntɔmp ɔ̃nɔy ro bonka, kaɔ̃ mɔta.
- 34Ma aɔ̃fɛm aɔ̃nɔy bumɔr ɔ̃nɔy aɔ̃ ɔ̃nɔy ti-e, aɔ̃ gbukɛ, aɔ̃ kanɛ ti ro pet, yi ka ɔ̃nthɔf.
- 35ɔ̃wa aɔ̃fɛm aɔ̃ wur kɔmɔ aɔ̃ nɔnk ɔ̃tɔ po yɔnɛ, ka aɔ̃ der ka Yisɔsɔ̃nɔy, aɔ̃ bɔp ɔ̃lanɔba ɔ̃we aɔ̃kɔrɔfi aɔ̃ po wur-e, ulopra, utempi, ɔ̃ yirɔ ka ɔ̃tɔtɔk ta Yisɔs. Kaɔ̃ nɛsa.
- 36ɔ̃wa, ɔ̃nɔy aɔ̃nɔy nɔnk ti-e, aɔ̃ tɔri aɔ̃nɔy mɔ ɔ̃ yɔ ɔ̃ yenkɔs kɔnɔ ɔ̃we la ba akɔrɔfi.
- 37Maɔ̃ tɔl ti-e, aɔ̃fɛm ka ɔ̃nthɔf bɛ aɔ̃ nɛmthɛnɛ Yisɔs kɔmɔ ɔ̃ wur ro ɔ̃nɔy, pɔkasifɛ rɔnes rɔbana rɔ wop ɔ̃nɔy; kɔ bɔkɔ ka ɔ̃nbil ɔ̃ kɔlanɛ.
- 38ɔ̃wa, ɔ̃lanɔba ɔ̃we la ba aɔ̃kɔrɔfi ɔ̃ nɛmthɛnɛ Yisɔs kɔmɔ ɔ̃ yi ro ɔ̃nɔy, kɛrɛ ɔ̃ som kɔ, ɔ̃ pa,
- 39Kɔlanɛ ro seth ka mu, ɔ̃wa tɔri ɔ̃nɔy ko mɔtɔy mɔbana ama Kuru ɔ̃ po yɔna mu. Kɔ kɔnɛ, ɔ̃ tamɔs ka kɔpɛt bɛ mɔtɔy mɔbana ama Yisɔs ɔ̃ po yɔna kɔ.
- 40Ma Yisɔsɔ̃nɔy ɔ̃ kɔlanɛ-e, aɔ̃fɛm bɛ aɔ̃ binya kɔ; ɔ̃tesoma-e ɔ̃nɔy bɛ aɔ̃ bɔ kar kɔ.



- ⁴¹Ɔwa kɛla, ulanɔba ɔwe yi rɔbomp ka anseth agbanɛ, ɔ ba anɛs na Yairɔs, ɔ der, kɔ fumpɔ ka atatak ta Yisɔs, ɔ nemthene kɔ kama ɔ won ka anseth non,
- ⁴²kotay-e ɔ ba wan ubera ukin gbo, ɔ bak molo ma teren tofot teren, ɔ fenthah to kafi. Kere mo mo ko-e, asuniya to thinkanɛ ko.
- ⁴³Ka wuni bom ɔwe matir ma wur teren tofot teren-e, ɔ po son ara ɔ ba be ka anbolomba, kere hali ukin ɔ gboli he ramor ko,
- ⁴⁴Ɔ der rodaren kon, ko gbon amese ma aruma ron. Olomp wati matir mon ma tey kawur.
- ⁴⁵Ka Yisɔs ɔ yif, Kane gbon mi-e? Ma nan be an pensa-e, Pita yi nan ana yi yi konɔ an pa, Pa, asuniya to thinkanɛ mu, ma kal yif kane gbon mu-e?
- ⁴⁶Yisɔs ɔ pa, Wuni lom ɔ gbon mi, atesoma-e i tɔne afoso an po wur mi.
- ⁴⁷Ma oya ɔ nenk kɛpa ɔ gboli he mankne-e, ɔ der yi kaye, ɔ sane rodi kon, ɔ kane ka kabepor ka anfam be ansabu ana yo ɔ gbon ko, owa to ɔ sotho kayenjk mader ka olomp wati.
- ⁴⁸Ɔwa ɔ pa ka oya, Wan kami ubera, kalane ka mu ko po mu yenkes. Ko yi methofol.
- ⁴⁹Ma Yisɔs ɔ yi ras ka kefɔf-e, wuni ɔ der, ɔ wur ka anseth na ɔwe yi rɔbomp ka anseth agbanɛ, ɔ pa ro non, Owan ka mu bera ɔ po fi. Te so kira okarmoko.
- ⁵⁰Kere Yisɔsan ma ɔ tel ti-e, ɔ pa, Te nesa, lane gbo. Owa ɔ to kal sotho nesam.
- ⁵¹Ɔwa ma ɔ bek ka anseth-e, ɔ selo he wuni ɔ won yi konɔ thambe Pitan, Yonan, Yemesan, okas ka owath ubera yi okara kon.
- ⁵²Anfam be an bok, an kulɔ ta aton, kere konɔ ɔ pa, Te bok, owath ɔ fi he, ɔ dirah gbo.
- ⁵³kan sel ko fino man tara kɛpa ɔ po fi.
- ⁵⁴Kere ɔ wurɔ na be, ɔ gbasi kata ka owath, ɔ tela, Wath bera, yokane.
- ⁵⁵Ka anesam non an kalane, ka olomp wati ɔ yokane; owa Yisɔs ɔ yamari na to keson ko ra redi.
- ⁵⁶Ka nan ana kom ko an kabane, kere Yisɔsan ɔ yamari na kama an te kane wuni o wuni ate ɔ po yo.

Luk 9

- ¹Ka Yisɔs ɔ tela ankarande non tofot naron, ko son na afoso rokɔm ka akerefi be, yi to kedamer totu.
- ²ko som na to ketames rabay ra Kuru, owa, to kayenkes anboma.
- ³ko pa ro nan, Te nu kera raka o raka ka anbiyas a nu, ketak-o, agbanfa-o, kabo-o, akala-o; owa ta ukin ka nu ɔ te ba suma teren.



- ⁴Ɔwa rə aseth o seth nə wəŋ-e, yiane ri nu haŋ nə kálane.
- ⁵Ɔwa aŋfəm aŋa mə te malane nu-e, ma nə wur ka kápet kati, koŋkoŋ nu kabof ka átátək ta nu ta məseri ro rəŋaŋ.
- ⁶kaŋ kəne, aŋ kəth ka tapet be, aŋ təri ákera kəfínə ka Kuru, kaŋ yenkəs aŋboma der o der.
- ⁷Heródánj əbáy ɔ təl be áte ɔ yɔ, ɔwa pə ketha kə pəkasiɛ afəm alóm aŋ pa, Yónánj ɔ po yokane ka rafi.
- ⁸Alóm aŋ pa, Ilaya kəno kál der; alóm aŋ pa, Ukin ka aŋnabi akur ɔ kál yokane.
- ⁹Heródánj ɔ pa, Yónánj i po gbetha rábomp rəŋ, kere kane ɔwe ta ɔwe mə i təl mátáy məwunəŋ-e? Kə fela tə kənəŋk kə.
- ¹⁰Ma aŋsom aŋ po kalane-e, aŋ təri kə mátáy be ama aŋ po yɔ. Kə wur ri ɔ kera ŋa der ɔyeŋ ɔfati ka kápet áke a bont ro Bethsayda.
- ¹¹Ɔwa ma aŋfəm aŋ tárà ti-e, aŋ tən kə. Ɔ malane ŋa finə, kə kane ŋa ta rábáy ra Kuru, kə damər ŋaŋ aŋa yema kámá ɔ damər ŋa.
- ¹²Ma aret rə yema wəŋ-e, aŋtəfət ŋarəŋ aŋ der aŋ pa ro ŋəŋ, Lemne aŋfəm kámá aŋ kəne ka tapet yi ka aŋthəf aŋa gbətə nə tə kəyiane de yi tə kəthens ra rədi, kotáy-e saŋ sə yi nə ka ɔder ɔyeŋ.
- ¹³Kere kəno ɔ pa ro rəŋaŋ. Səŋ ŋa nu yet ɛdi. Kaŋ pa, Sə ba gbo təbo tamath yi elop ŋarəŋ; thambe sə kə wai yet ɛdi ta aŋfəm aŋe be.
- ¹⁴kotáy-e aŋfəm aruni aŋ yi mələ ma ɛwul tamath. Kə pa ka aŋkarande ŋəŋ, Yə ŋa aŋ yirá eniŋki mələ ma təgba tərəŋ təfət, təgba tərəŋ təfət.
- ¹⁵kaŋ yə yaŋ, aŋ yə ŋa be aŋ yirá.
- ¹⁶kə gbasi tabo tamath yi elop ŋarəŋ, kə lakthi ɛfər ka Kuru, ɔ ruba ti, kə siməth ti, ɔ səŋ ti ka aŋkarande tə kəbot ti rodi ka aŋfəm.
- ¹⁷Ɔwa aŋ di, ka ŋa be aŋ namra. Ka a gbas ɛbem ɛye tiane, a lasər təbəlai təfət tərəŋ.
- ¹⁸Ka pə re yi ma ɔ ramne kən son-e, aŋkarande ŋəŋ aŋ der ro ŋəŋ, kə yif ŋa, ɔ pa, Kane aŋfəm mə aŋ pa mine i yi-e?
- ¹⁹kaŋ lasiane kə, aŋ pa, Yən ɔbaptist, kere alóm aŋ pa, Ilaya; ɔwa alóm aŋ pa, Ukin ka aŋnabi akur ɔ yokane.
- ²⁰kə pa ro rəŋaŋ, Kere naŋ, kane nə pa mine i yi-e? Ka Pitaŋ ma ɔ lasiane kə ɔ pa, ƆKrayst ka Kuru.
- ²¹kə maŋ ŋa, ɔ yamari ŋa kámá aŋ te kane wuni o wuni;



- 22 Ɔ tɔri ŋa kɛpa ɔWan ka wuni ɔ ba tɛ kɛnakasi mɛtɔy mɛlai, aŋbaki yi aŋfode yi aŋkarmɔkɔ aŋ tɛ kasi kɔ, ɔwa a tɛ dif kɔ. Ka aŋrey aŋa bekɔ mɛsas-e ɔ ba tɛ kɛkal yokanɛ.
- 23 Ka Yisɔs ɔ pa ka ŋa bɛ, Bepi wuni o wuni ɔ yema tɔŋ mi-e, ta ɔ kasisnɛ, ɔ gbasi akɛnt kɔŋ kɛpɛŋkinɛ ɔrey o rei, ɔ tɔŋ mi.
- 24 kotɔy-e wuni o wuni ɔwe yema kisis aŋesɔm ŋɔŋ, ɔ tɛ dim ŋi; kɛrɛ wuni o wuni ɔwe mɛ dim aŋesɔm ŋɔŋ salata minɛ, ɔkati ɔ tɛ kisis ŋi.
- 25 Ko ŋani aŋ yi ta wuni bepi ɔ sɔthɔ ɔdɔru bɛ, ɔwa ɔ dim thalɔm ɔ sɔnd aŋesɔm ŋɔŋ-e?
- 26 Tiyɔŋ wuni o wuni ɔwe mɛ lap mi yi ɔsim ta mi-e, ɔWan ka wuni ɔ tɛ lap kɔ ma mɔ der ka aŋyiki ŋɔŋ, yi aŋa ɔKas kɔŋ, yi aŋa aŋmɔleka asɔm.
- 27 Kɛrɛ i kanɛ nu tɔtɛŋ, afɛm alɔm aŋ tɛmɔ nɔ, aŋ ba hɛ kɛtham rɛfi haŋ aŋ nɔnk rɔbɔy ra Kuru.
- 28 Ka pɛ re yi mɔlɔ ma mɔrey tamthɛresas kɛdarɔŋ ka mapa amɛ, ɔ kɔnɛ ka kateŋ tɛ kɛramnɛ, ɔwa ɔ ba Pitaŋ, Yɔnɔŋ yi Yemɔsɔŋ.
- 29 Ɔwa ma ɔ ramnɛ-e, ader rɔŋ rɔ lafthɛ, ɔwa ɔsuma tɔŋ tɛ sɔkɛ tɔferɔ tɔgbɛnthɔ.
- 30 Ɔwa kɛla, afɛm ŋarɔŋ aŋ fɔfɔnɛ kɔ, aŋ yi Mosisɔŋ yi Ilayaŋ.
- 31 Aŋ tɔrine yi ayiki, aŋ fɔf ta rafi rɔŋ ara ɔ ba tɛ kɛfi ro Yerusalem.
- 32 Kɛrɛ mɔrey mɛ bɔk Pitaŋ yi aŋa yi yi kɔnɔ; kɛrɛ maŋ po thɛmɛ-e, aŋ nɔnk aŋyiki ŋɔŋ yi aŋfɛm ŋarɔŋ aŋa tɛmɔ yi kɔnɔŋ-e.
- 33 Ka pɛ re yi maŋ bɔ kɔnɛ-e Pita ɔ pa ka Yisɔsɔŋ, Pa, pɛ yi ɔfinɔ ta ɔtɔ su tɛ kɔyi nɔ; ta sɛ bɛmpa ɛgbɔm ɛsas, ŋin ta ɔtɔ mu, ŋin ta Mosis, ɔwa ŋin ta Ilaya; ɔ tɛ hɛ ɔtɛ ɔ pa.
- 34 Mɔ mɔ fɔf mɛtɔy amɛ-e, kɛrɛnt kɛ thor, kɛ gbɛpɛr ŋa, kaŋ nɛsa maŋ wɔŋ ka karɛnt.
- 35 Ka rim rɔ wur ka karɛnt, rɔ pa, ƆWan kɔmi kɔnɔ ɔwe, ɔthith kɔmi. Tɔla kɔ nu.
- 36 Ma ɔrim rɔ thas-e, Yisɔsɔŋ ɔ tiyɔ kɔn son. Ka aŋ taŋk, aŋ kanɛ hɛ wuni o wuni ka mɔrey mati ta ɔtɔy ɔtɛ aŋ po nɔnk.
- 37 Ka pɛ re yi ka aŋrey aŋa tanda-e, maŋ thor ka kateŋ-e, afɛm agbɔthi aŋ bɛp kɔ.
- 38 Ɔwa kɛla, ulanŋba kɛtɔŋ ka ɔruniya ɔ ŋata rim, ɔ pa, Karmɔkɔ, ɔmari mu kɛli ɔwan uruni kɔmi; kotɔy-e kɔnɔ yi ɔwan kɔmi gbo son.
- 39 Ɔwa kɛla, ukɛrɛfi ɔ tɛ wop kɔ, ɔwa ka ɔlɛmp wati ɔ tɛ sel ɛrɔŋ; ɔ tɛ gbɔsi gbɔsi kɔ haŋ ɔ wur kɛfoth, ɔwa kɛtɛr kɔ pɛ yi ɔbaki mɛdɛr thas gbo ɔ po yɔ kɔ ɔbaŋ sɔbɛ.
- 40 Ɔwa i nɛmthɛnɛ aŋkarande a mu tɛ kɔwura kɔ, kɛrɛ aŋ gbɛli hɛ.
- 41 Ɔwa Yisɔs ɔ pa, O rɛkomra rɛlɛs rɛtɛ ba kɔlanɛ, to mɛ i ba kɔwon yi naŋ-e, ɔwa i muyu nu-e? Kara ɔwan ka mu nɔ.



- 42Ma ɔ yi ras ka kɛder-e, ɔkɛrɛfi ɔ napane kɔ ro thɔf, ɔ yɔ kɔ ɔbaŋ. Ɔwa Yisɔs ɔ ŋal ɔkɛrɛfi ulɔs, kɔ yenkɔs ɔwath uruni, kɔ kál lánki kɔ ka ɔkas kɔŋ.
- 43Ɔwa afɛm be aŋ kabane aŋfɔsɔ abana ŋa Kuru. Kere ma ŋa be aŋ kabane ka mátáy ama Yisɔs ɔ po yɔ, ɔ pa ka aŋkarande ŋɔŋ,
- 44Yɔ ásim áte tɔ wɔŋ ka elɔns ε nu, pɛkasife a tɔ lánki ɔWan ka wuni ka máta ma aŋfɛm.
- 45Kere pɛ sɔk he ŋa ta áŋpa aŋe, a maŋk ŋa ŋi kámá aŋ te ŋi tárá. Kaŋ nesa tɔ káyif kɔ ta áŋpa aŋe.
- 46Ɔwa áthonka aŋ bɔ yi kɛtɔŋ ka ŋaŋ ta ɔwe yi ubana uthasi be.
- 47Kere ma Yisɔsáŋ ɔ tárá enane ya emera yaŋ-e, ɔ gbasi wath ufeth, kɔ tɛmɛr kɔ rayer kɔŋ,
- 48ɔ pa ro rɔŋaŋ, Wuni ɔ wuni ɔwe malane ɔwath ufeth ɔwe ka áŋes a mi, mineŋ ɔ malane; ɔwa wuni ɔ wuni ɔwe mɔ malane mi ɔ malane kɔn ɔwe som mi, kotáy-e ɔwe tha yi ulɔl be kɛtɔŋ ka nu, kɔnɔ yi ubana.
- 49Ka Yɔnánŋ ɔ lasi ɔ pa, Pa, sɔ nɛnk ulɔm ɔ wurɔ akɛrɛfi ka áŋes a mu, ɔwa sɔ ŋal kɔ kotáy-e ɔ tɔŋ he su.
- 50Ka Yisɔsáŋ ɔ pa ro ŋɔŋ, Te ŋal kɔ, kotáy-e wuni ɔwe te su ŋamne, ɔ yi ta átá su.
- 51Ka pɛ re yi ma áŋlɔkɔ aŋ po fat kámá a malane kɔ rokɔm, ɔ báksɛr tɔ kɛkɔ ro Yerusalem.
- 52kɔ som asom tɔ kɛtɔma kɔ kɛdi, kaŋ kɔne, aŋ wɔŋ rɔ kɛpet ka aŋSameriya tɔ kɛbenene ta atɔŋ.
- 53Kere aŋ malane he kɔ átesoma-e ader rɔŋ rɔ lomanɛ ro Yerusalem.
- 54Ma aŋkarande ŋɔŋ Yeməsáŋ yi Yɔnánŋ aŋ nɛnk ti-e, aŋ pa, Pa, mɔ yema sɔ yamari nánt nɔ thor kɛwur ka ákuru tɔ kɛdim ŋa ri-i?
- 55kɔ fɛle ɔ ŋal ŋa, ɔ pa, Nɔ te he ko ayina nɔ ba,
- 56kotáy-e ɔWan ka wuni ɔ der he tɔ kɛdim afɛm kere tɔ kɛkisis ŋa. Kaŋ kɔne rɔ kɛpet kɔlɔm.
- 57Ka pɛ re yi maŋ yi ro rɔŋ-e, wuni lɔm ɔ pa ro ŋɔŋ, Pa, i ti tɔŋ mu der ɔ der má mɔ kɔ.
- 58Yisɔsáŋ ɔ pa ro ŋɔŋ, Egbogboro aŋ ba tɔyaŋka, ebámp ya aŋfena aŋ ba eseth, kere ɔWan ka wuni ɔ ba he der ro mɔ bot rábomp rɔŋ.
- 59kɔ pa ka ulɔm, Tɔŋ mi, kere ɔ pa, Pa, ter mi kámá i mɔtha kɔ maŋk ɔkas kámi.
- 60Yisɔsáŋ ɔ pa ro ŋɔŋ, Tey aŋfi tɔ kɛmáŋk aŋfi ŋaŋ, kere munɔŋ, kɔne mɔ kɔ tamɔs rábáy ra Kuru.



⁶¹Ulóm sɔ ɔ pa, Pa, minɛ i ti tãŋ mu, kɛrɛ ter mi ras kãmá i kɔ lemne ŋaŋ aŋa yi ro seth kãmí.

⁶²Yisósãŋ ɔ pa ro ŋɔŋ, Wuni o wuni ɔwe mɛ kɛli rarəŋ ma ɔ po bot káta kɔŋ ka katala-e, ɔ bek hɛ ta rábáy ra Kuru.

Luk 10

¹Kɛdarəŋ ka mătáy ame ɔMarki ɔ thith akarande alóm sɔ, tɛgba tɛsas tɔfɔt, kɔ som ŋa ŋarəŋ ŋarəŋ tɛ kətɛma kɔ kɛdi rɛ kɛpet o kɛpet yi rɛ dɛr o dɛr ro kɔn kɔnɔne ɔ ba kɛkɔ.

²kɔ pa ro rɔŋaŋ, Karɔk kɔ bana kɛrɛ aŋrɔk a than. Tiyãŋ nɛmthene nu ɔMarki ka karɔk kãmá ɔ somra arɔk ka karɔk kɔŋ.

³Kɔne nu. Kɛla i som nu mɛ tɛlɔmɛ tɔfɛth kɛtɔŋ ka tathɔlu.

⁴Te nu kerane abuthu-o, agbaŋfa-o, thalóm ɛkɔftha. ɔwa te kori wuni o wuni ro rɔŋ.

⁵Rɛ aseth o seth mɛ nɛ wɔŋ-e, mɔtha pa, Ta mɛthɔfɛl mɛ yi ka aŋseth aŋɛ.

⁶ɔwa bepi uwan ka mɛthɔfɛl ɔ yi ri-e, mathɔfɛl ma nu mɛ tɛ rensa kɔ, kɛrɛ bepi ɔ yi hɛ ri-e, mɛ tɛ kál ro rɔnu.

⁷Tia nu ka aŋseth ŋati, di ɔwa mun ɛyɛt ɛwunɔŋ ɛyɛ mɛ a sɔŋ nu, kotáy-e ɔyɔ mɛpanth ɔ mari tɛ kɛsɔthɔ aŋrám ŋɔŋ. Te nu tepne tepne ɛseth.

⁸Rɛ kɛpet o pet nɛ wɔŋ-e, bepi a malane nu-e, di nu ɛyɛt ɛwunɔŋ ɛyɛ mɛ a tɛmɛra nu.

⁹ɔwa yenkɛs aŋtui aŋa yi ri, tɔri ŋa kɛpa, Rábáy ra Kuru rɛ po nu fat.

¹⁰Kɛrɛ rɛ kɛpet o pet mɛ nɛ wɔŋ-e, bepi aŋ te malane nu-e, wur nu rokaŋ kati, ɔwa pa nu,

¹¹Hali kabof ka kápet ka nu áke gbapsa átátɛk ta su, sɛ nasi ki; kɛrɛ tãrà nu kɛpa, tentene rábáy ra Kuru rɛ po nu fat.

¹²I kane nu, Pɛ tɛ yi ɔfisa ta Sɔdɔm ka aŋrey ŋati pɛthasi kápet kati.

¹³Mɔne ro mu, Korasin! Mɔne ro mu Bɛthsayda! kotáy-e bepi máyɔs mɛkabane ama a yɔ kɛtɔŋ ka nu mɛ po yɔne ro Tair yi ro Sidon-e, aŋ tɛ po thupi ɔwoni, kɛyira rɛ kotha kɛkasa yi rɛ ros.

¹⁴Kɛrɛ pɛ tɛ yi ɔfino ta ro Tair yi ro Sidon ka karɔk ɛpa, pɛthasi ta átá nu.

¹⁵ɔwa munɔ, Kepaniyɔm, mɛ tɛ ŋatanɛ ro riana-i? A tɛ thora mu ro kɛrɛfi.

¹⁶ɔwe mɛ tɛlá nu ɔ tɛlá mi, ɔwa ɔwe mɛ pensa nu ɔ pensa mi sɔ. ɔwa ɔwe mɛ pensa mi ɔ pensa kɔnɔ ɔwe som mi.

¹⁷Ma aŋkarande tɛgba tɛsas tɔfɔt aŋ kalane-e, aŋ pa yi mɛbɔne, Pa, hali aŋkɛrɛfi alɛs aŋ sane ro rɔsu ma sɛ bont aŋɛs a mu.

¹⁸kɔ pa ro ŋaŋ, I nɛnk Sethani ɔ fumpɔ mɛ ɔnakthine kɛwɔr ka ákuru.



- 19 Ɖwa i po sɔŋ nu afɔsɔ tɛ kɛnas ebok yi atulis, de yi kɛtham rokɔm ka aŋfɔsɔ be ŋa ɔtherane; ɔwa koko be rɛ gbɛli he yɔ nu ɔbaŋ.
- 20 Kere te ti ba mɛbɔne ta ma nɛ po tham aŋkɛrɛfi, kere ta pɛ bɔne nu pɛkasife a po gbal ames ma nu ro riyana.
- 21 Ɔŋlɔkɔ ŋati ɔYina mɛsɛm ɔ lasɛr Yisɔsɔŋ yi mɛbɔne, kɔ pa, I mɔmɔ mu ɔKas, ɔMarki ka ro riyana yi ɔdɔru, ma mɛ po maŋk mɔtɔy ame ka aŋtempɛ yi aŋtara tɔy, ɔwa mɛ tɔri ma ka aŋfeth. Yao ɔKas pɛkasife ame mɛ yi mɔselɔ ma mu.
- 22 ƉKas kɔmi ɔ po maŋkɛr mi mɔtɔy be, ɔwa wuni o wuni ɔ tɔrɔ he ɔWan thambe ɔKas; yi ɔ tɔrɔ he ɔKas thambe ɔWan yi kɔnɔ ka ɔwe ɔWan mɔ ŋaibia kɔ.
- 23 Ka Yisɔsɔŋ ɔ fɔle ka aŋkarande, kɔ pa ro rɔŋŋ sɔy, Aruba aŋ yi ka efɔr eye nɛnk mɔtɔy ama naŋ nɛ nɛnk,
- 24 kɔtɔy-e i kanɛ nu anɔbi yi abɔy agbɔthi aŋ fela tɛ kɛnɛŋk mɔtɔy ama naŋ nɛ nɛnk, kere aŋ nɛnk he ma. Ɖwa tɛ kɛtɛl mɔtɔy ama naŋ nɛ tɛl, kere aŋ tɛl he ma.
- 25 Ɖwa kɛla ukarmɔkɔ ka aŋthɔ ɔ yokane, ɔ mem Yisɔsɔŋ ɔ pa, Karmɔkɔ, to mɛ i yo kɔmɔ i sɔthɔ aŋesɛm thɔbana-e?
- 26 kɔ pa ro ŋɔŋ, To a gbal ka aŋthɔ-e? To mɛ karaŋ ri-e?
- 27 kɔ wosa ɔ pa, Ta mɛ bɔthɛr ɔMarki ɔKuru ka mu yi aŋmerɔ a mu be, yi aŋesɛm a mu be, yi aŋfɔsɔ a mu be, yi aŋnane a mu be; ɔwa ɔfatane ka mu sɔ mɔ mɔ mɔ bɔthɛrne.
- 28 Ka Yisɔsɔŋ ɔ pa ro ŋɔŋ, Mɛ po gbaki ɔlompɛ. Yɔ ɔte, mɛ tɛ sɔthɔ aŋesɛm.
- 29 Kere kɔnɔ, ma ɔ yema lompɛsne-e, ɔ yif sɔ, Kanɛ yi ɔfatane ka mi-e?
- 30 Yisɔsɔŋ ɔ lasi ɔ pa, Ulaŋgba ulɔm ɔ thor kɛwur ro Yerusalem tɛ kɛkɔ ro Yeriko. Ma ɔ yi ro rɔŋ-e, ɔ fumpɔ ka mɔta ma aŋkey abana, kaŋ bus ɔsuma tɔŋ, aŋ sap kɔ, aŋ kɔne, kaŋ tey kɔ ɔ bun fi.
- 31 Ka pɛ beŋane ufode ulɔm ɔ thor ri; ma ɔ nɛnk kɔ-e, ɔ thas rolenken.
- 32 Ya pɛ yi sɔ uLibay, ma ɔ bek ka ɔder ɔwe, ɔ kɛli kɔ kere kɔnɔ sɔ ɔ thas rolenken.
- 33 Kere uSamaria ulɔm, ma ɔ yi ka aŋbiyas ŋɔŋ-e, ɔ bek ro ɔ yi. Ma ɔ nɛnk kɔ-e, ɔney aŋ wop kɔ,
- 34 kɔ der ro ŋɔŋ, ɔ sek tɔsam tɔŋ, ɔ kus ri mɔro yi mɛber mɛfeth, kɔ reŋ kɔ ka aŋsoy ŋɔŋ, ɔ kera kɔ rɛ aseth ayiya, kɔ kɛliane kɔ.
- 35 Ka rabeth rɛlɔm ɔ wurɔ esiliŋ yerɔŋ, ɔ sɔŋ yi ɔkas ka aŋseth ayiya, ɔ pa, Kɛlɔne kɔ, ɔwa ara mɛ lɛsɛr pɛthas are, ma i kɛl der-e, i ti ram mu ti.
- 36 Ka aŋsas aŋe-e, kanɛ mɛ nane kɛpa ɔ yi ufɔtane ka kɔn ɔwe fumpɔ ka mɔta ma aŋkey abana-e?
- 37 kɔ pa, Kɔnɔ ɔwe ba kɔ ɔney. Ka Yisɔsɔŋ ɔ pa Kɔne, mɛ yɔ yaŋ.



³⁸Maŋ kɔnɛ ka aŋbiyas ŋaŋ, ɔ wɔŋ ka kápet kɛlɔm. Ka ubera ulɔm, áŋes ŋɔŋ ŋɛ yi Martha-e, ɔ wɔŋá kɔ ka aŋseth ŋɔŋ.

³⁹Ɔ ba wɔnt bera, áŋes ŋɔŋ ŋɛ yi Meri, ɔwe yirá ka átátɛk ta Yisósáŋ, kɔ su elɔns ka tafɔf tɔŋ.

⁴⁰Kere Mathaŋ ɔ ba asoli ta kɛbenɛnɛ kɛbana. Ɔ der ro ŋɔŋ, ɔ pa, Pa, tɛ ba he mu táy kɔpa ɔwɔnt kámi ubera ɔ tey mi son tɛ kɛbenɛnɛ-i? Tiyáŋ kanɛ kɔ kámá ɔ mar mi.

⁴¹Ka Yisósáŋ ɔ pa ro ŋɔŋ, Matha, Matha mɛ soli, ɔwa aŋmerá a mu aŋ sɔmpanɛ ta mátáy mɛgbathi.

⁴²Kere táy tin gbo mɛ paŋ, ɔwa Meri ɔ po thith áte yi tɛfinɔ, áta mɛ a te kɔ nɔy.

Luk 11

¹Ka pɛ re yi ma ɔ bɔ ramnɛ ka ɔder ulɔm, ma ɔ poŋ-e, ukin ka aŋkarande ŋɔŋ ɔ pa ro ŋɔŋ, Mariki thɛksa su tɛ kɛramnɛ mɔ mɛ Yɔnán ɔ thɛksa aŋkarande ŋɔŋ.

²kɔ pa ro ŋaŋ, Ma nɛ ramnɛ-e, pa nu, ƆKas kásu ɔwe yi ro riyana, ta áŋes a mu aŋ yi asɛm. Ta rábáy ra mu rɛ bek. Ta máselɔ ma mu mɛ yɔnɛ nɔru mɔ má mɛ yɔnɛ ro riyana.

³Yer su thonɔŋ edi ebeki su,

⁴ɔwa tera su malɛs ma su kotáy-e saŋ sɔ sɛ tera ŋaŋ bɛ aŋa yɔ su ɔlɛs. Te su wɔŋá rɛ táy ta mɛgbɔns, kere wurɔ su ka mátáy mɛlɛs.

⁵kɔ pa ro ŋaŋ, Kanɛ ka nu ɔwe ba uyathki, mɔ kɔ ro rɔŋɔŋ kɛren datɔŋ, mɔ yif kɔ, Yathki, bɔ mi tɛbo tɛsas,

⁶kotáy-e, uyathki kámi ɔ yi rɛ ábiyas, kɔ po der ro rɔmi, ɔwa i ba he koko tɛ kɛsɔŋ kɔ tɛ kɛdi.

⁷Ɔwa kɔnɔ ɔwe yi ka aŋseth rokor ɔ tɛ wosa kɔpa, Te mi sɔmpa. A po kantha kadare, ɔwa aŋfeth a mi aŋ yi rɛ yi minɛŋ ro fɛnt. I gbɛli he yokanɛ tɛ kɛsɔŋ mu ti.

⁸I kanɛ nu, Hali ɔ selɔ he yokanɛ tɛ kɛsɔŋ kɔ pɛkasife ɔ yi ɔyathki kɔŋ-e, kere salata kakithinɛ kɔŋ, ɔ tɛ yokanɛ tɛ kɛsɔŋ amɔlɔ mɔ yema.

⁹Ɔwa i pa ro rɔnu, Yif, ɔwa a ba tɛ kɛsɔŋ nu ti; thens, ɔwa nɛ tɛ fir; gbátgbát, ɔwa a tɛ kanthe nu.

¹⁰kotáy-e wuni ɔ wuni ɔwe mɛ yif, ɔ tɛ sɔthɔ; ɔwe mɛ thens ɔ tɛ fir; ɔwa ɔwe mɛ gbátgbát, a tɛ kanthe kɔ.

¹¹Ukas ureke kɛtɔŋ ka nu-i, bepi ɔwan kɔŋ ɔ yif kɔ ta kɛbo-e, ɔ tɛ sɔŋ kɔ asar-e? Thalɔm bepi ɔ yif ta kɛlɔp-e, ɔwa kɔnɔ-e, ta kɛlɔp, ɔ tɛ sɔŋ kɔ ábok-i?

¹²Thalɔm bepi ɔ yif ta rɛmɛs-e, ɔ tɛ sɔŋ kɔ ukulis-i?



- 13 Bepi nan, ma nə yi aləs-e, nə tārā tə kəsəŋ əboya əfino ka aŋwuth a nu-e, thamsine əKas ka nu əwe yi ro riana-e, ə tə səŋ əYina məsəm ka ŋaŋ aŋa mə yif kə-i?
- 14 Əwa, ə bə wurə ukərəfi ka kəbobo. Ka pə re yi ma əkərəfi ə wur-e, kabobo ə fəf, əwa aŋfəm be aŋ kabane.
- 15 Kere afəm aləm aŋ pa, Ə wurə akərəfi ka aŋfəsə ŋa Biyelsibəb, əbāy ka aŋkərəfi.
- 16 Əwa aləm-e, maŋ yema məm kə-e, aŋ yif kə ta amisali kəwur ro riyana.
- 17 Kere kəno, ma ə tārā enane yaŋ-e, ə pa ro ŋaŋ, Rəbāy o rəbāy bepi məputhane mə wəŋ di-e, rə tə sakthe; bepi məputhane mə wəŋ rə aseth-e, aŋseth ŋati aŋ tə fumpə.
- 18 Bepi Sethani sə ə timne-e, to rəbāy rəŋ mə rə gbəli təma-e? kotāy-e nə pa i wurə akərəfi ka aŋfəsə ŋa Biyelsibəb.
- 19 Əwa bepi i wurə akərəfi ka aŋfəsə ŋa Biyelsibəb-e, ka aŋfəsə ŋa kane aŋwuth a nu aruni mə aŋ wurə ŋa-e? Tiyaŋ ŋaŋ gbəŋ aŋ tə gbəka nu aŋpa.
- 20 Kere bepi mine i wurə akərəfi yi aŋsəl ŋa Kuru-e, pə yi kəpa rəbāy ra Kuru rə po der ro rənu.
- 21 Bepi wuni bək məder ə wəŋ eyet etima-e, ə bumər aŋseth ŋəŋ-e, eyet yəŋ ə tə tiya yi məthəfəl;
- 22 kere bepi uləm ə der əwe ba afəsə athasi kə-e, ə tham kə, ə tə nəy kə eyet yəŋ etima be eyə ə səline, ə tə yerəs eyet eluk yəŋ.
- 23 Kən əwe te yi ta átā mi ə yi utherane kəmi; əwa kəno əwe te mar mi tə kəthonkla-e, ə sakthi.
- 24 Bepi ukərəfi uləs ə po wur rə wuni-e, ə tə kəth ro der rə mənt mə te yi kəmə ə thens kəfothane; ma ə te fir ki-e, ə pa, I ti kəlane ka aŋseth a mi ro i wur-e,
- 25 Əwa ma ə bek-e, ə bəp ŋi agbal yi ayesi.
- 26 Əwa ə kəne, ə gbasi akərəfi tāmthəderəŋ aləm aləs athasi kə, kaŋ wəŋ aŋ yirā ri; ka mayi mələpsə ma əlaŋgba kati mə yi mələs məthasi matətəkə.
- 27 Ma Yisəsəŋ ə fəf mətāy ame-e, wuni bom uləm ka aruniya ə ŋata arim rəŋ, ə pa ro ŋəŋ, Kor ka aruba kaŋ əke kom mu, yi aŋməsā əme mə məsā-e.
- 28 Kere kəno ə pa, Da tha ba aruba aŋa təl arim ra Kuru-e əwa aŋ wop ri.
- 29 Ma asuniya tə gbane ro ŋəŋ-e, ə təp kəpa, Rakomra are rə yi rələs, rə thens amisali, kere aŋ ba he tə kəsəthə amisali thambe aŋmisali ŋa Yona.
- 30 kotāy-e mə mə Yona ə səke amisali ka aŋNinife-e, yaŋ sə əWan ka wuni ə tə yi amisali ka rəkomra are.



- 31 Ɔbáy ubera ka aṅdiɔ ɔ tɛ yokanɛ ka aṅlɔkɔ ɲa karɔk ɛpa yi aṅfɛm ɲa rɔkomra are, ɔ tɛ sɔŋ ɲa mɛtheri, kotáy-e kɔnɔ ɔ der kɔwɔr ka ɔthalnɛ wa ádàru tɛ kɛtɛl kátemp ka Solòmɔn; ɔwa kɛla, ubana uthasi Solòmɔn ɔ yi anɔ.
- 32 Aṅfɛm ɲa ro Ninibɛ aṅ tɛ tɛmá ka aṅlɔkɔ ɲa karɔk ɛpa yi rɔkomra are ɔwa aṅ tɛ sɔŋ di mɛtheri, kotáy-e aṅ thupi ka ákera ka Yona; ɔwa kɛla, ubana uthasi Yona ɔ yi anɔ.
- 33 Wuni ɔ wuni bepi ɔ moth amotha-e, ɔ bot he ɲi der ɔmaṅkɛ thalɔm rɛ áthunthá rata, kɛrɛ ɔ tɛ bot ɲi rá ɔtɛmɛr, kámá ɲaṅ aṅa mɛ wɔŋ ri aṅ nɛnk kawale.
- 34 aṅmothá ɲa aṅder a mu aṅ yi rafɔr ra mu. Tiyáŋ bepi rafɔr ra mu rɛ yi rɛfinɔ, aṅder a mu be aṅ la ɔwan; kɛrɛ bepi rɛ yi rɛlɛs-e, aṅder a mu aṅ la asum.
- 35 Tiyáŋ kɛli bepi aṅmothá aṅa yi mu rokor aṅyi he asum.
- 36 Bepi aṅder a mu aṅla ɔwan-e mɛ ba he asum hali, mɛ tɛ la ɔwan be, mɛ mɛ amotha aṅ gbɛnthá aṅ sɔŋ mu ɔwan.
- 37 Ma ɔ bɔ fɔf-e, uFarisi ɔ muti kɔ tɛ kɛdi yi kɔnɔŋaṅ, kɔ wɔŋ, ɔ yirá tɛ kɛdi.
- 38 Ma ɔFaresi ɔ nɛnk ti, ɔ kabanɛ ta ma ɔ te mɔtha yanɛ.
- 39 Ka ɔMarki ɔ pa ro ɲɔŋ, Naṅ naṅ aFaresi nɛ fethɛr ampɔthi yi aṅbɔl romuth, kɛrɛ rokor ka nu nɛ la kansɔŋ yi mɛlɛs.
- 40 Naṅ apɛnk, kɔnɔ ɔwe bɛmpa romuth ɔ bɛmpa he sɔ rokor-i?
- 41 Sɔŋ ta ɛboya ɛyɛt ɛyɛ yi rokor, ɔwa kɛla, yet be ɛ tɛ yi ɛgbɛraṅ ro rɔnu.
- 42 Mɔnɛ ro nu, nia aFaresi! kotáy-e nɛ sɔŋ ɛyaka ya ɛnana yi ɛru yi ɛbuma ɔ buma, kɛrɛ nɛ painɛ kagbɛk ɛpa ɔlompi yi mabɔthɛr ma Kuru. Mátáy ame nɛ yi tɛ kɛyɔ, ɔwa te nu tey tɛ kɛyɔ malɔm sɔ.
- 43 Mɔnɛ ro rɔnu, naṅ aFaresi! kotáy-e, nɛ bɔthɛr tawaṅ tɛtɔtɔkɔ ka ɛseth ɛgbanɛ yi ɛkɔri ka ɔder ɔthila.
- 44 Mɔnɛ ro rɔnu naṅ akarmɔkɔ yi aFaresi, amunafaki! Átesoma-e nɛ yi mɛ taboma tɛmaṅkɛ, ɔwa aṅfɛm aṅa kɔth rokɔm kati aṅ tɛ he ti.
- 45 Ukin ka aṅtara ɛthɔ ɔ lasi ɔ pa, Karmɔkɔ, ma mɛ fɔf áte-e, mɛ sambos su sɔ.
- 46 Ka Yisɔs ɔ pa, Naṅ aṅtára aṅthɔ, mɔnɛ ro rɔnu sɔ! Átesoma-e nɛ sɔŋ aṅfɛm tothe tɛlɛl, kɛrɛ naṅ nɛ gboṅ he atothe tati, hali rɛ ásel a nu ɲin.
- 47 Mɔnɛ ro rɔnu! kotáy-e naṅ nɛ bɛmpa taboma ta aṅnabi, ɔwa aṅkas a nu aṅ dif ɲa.
- 48 Tentɛnɛ nɛ seri kɛpa nɛ selɔ ta máyɔs ma aṅkas a nu; pɛkasifɛ ɲa po dif ɲa, ɔwa naṅ nɛ bɛmpa taboma taṅ.
- 49 Tiyáŋ kátemp ka Kuru kɛ pa, I ti somra ɲa anábi yi asom; aṅ tɛ dif alɔm, aṅ tɛ sɔmpa alɔm,



⁵⁰kāmà a kōpra ka rākomra are mātir ma aṅnabi be ama a loṅ kābi ka kabot ɔtəmər wa adāru,

⁵¹kētɔp ka mātir ma Ebəl haṅ ka mātir ma Sakaraya ɔwe a dif kētɔṅ ka aṅbese yi aṅseth ṅa Kuru. Tentene i kanɛ nu, a tɔ kōpra ma ka rākomra are.

⁵²Mɔnɛ ro rɔnu na aṅtārà aṅthɔ, ma nə po nɔy aṅsapɔ ṅa kɛtara tày! Nan nə wɔṅ hɛ, ɔwa nə bent ṅaṅ aṅa yema wɔṅ.

⁵³Ma Yisɔs ɔ wur-e, aṅkarməkɔ yi aṅFarisi aṅ gbetɔnɛ kɔ kāmà ɔ fɔf ta mātáy mɔgbathi;

⁵⁴aṅ sɛth kɔ kāmà aṅ gbɛli wop átà ɔ pa tɔ kɛgbanthir kɔ.

Luk 12

¹Ka aṅlɔkɔ ṅati, ma afɛm ɛwul ɛgbathà aṅ thonklane rɔkin haṅ aṅ nasane, Yisɔsɔṅ ɔ mɔtha tɔp tɔ kɛfɔfane aṅkarande ṅɔṅ, ɔ pa, Botnɛ nu ta ɛgbith ya aṅFarisi, ɛye yi rɛmunafaki

²kotáy-e tày tɔgbɔpɛr tɔ yi hɛ áte mɔ a te ṅaibi, thalɔm tày tɔmanṅkne áte mɔ a te tārà.

³Tiyáṅ tày ɔ tày áte nə po pa ka aṅsum a tɔ tɔl ti ka ɔwan. ɔwa áte mɔ nə fɔfla ro lɛns ka tákɔnko-e, a tɔ tamɛs ti ka ɛseth rokɔm.

⁴ɔwa i kanɛ nu aṅyathki a mi, Te nu nesa ṅa aṅa gbɛli dif aṅɔer, kere kɛɔarɔṅ kati aṅ gbɛli hɛ yɔ koko.

⁵Kere i ti maṅ nu ɔwe mɔ nə nesa. Nesa kɔ nu ɔwe, ma a po dif-e, kɛɔarɔṅ kati ɔ ba aṅfɔsɔ tɔ kɛfitha ro yahanama. Aṅkɔ, i kanɛ nu, nesa kɔ nu.

⁶A thila hɛ ɛgbaṅa tamath ta afokɔpɔ-i? ɔwa Kurɔṅ ɔ pɔnɛ hɛ hali ukin ka ṅaṅ.

⁷Kere hali aṅfon ṅa tabomp ta nu a po lɔm. Tiyáṅ te nu nesa. Naṅ nə yi abàki mɔlɔ pɛthasi ɛgbaṅa alai.

⁸I kanɛ nu sɔ, wuni ɔ wuni ɔwe gbithane mi rodi ka aṅfɛm, kɔnɔ sɔ, ɔWan ka wuni ɔ tɔ gbithane kɔ rodi ka aṅmáleka ṅa Kuru,

⁹kere ɔwe mɔ pɛnsa mi rodi ka aṅfɛm, a tɔ pɛnsa kɔ rodi ka aṅmáleka ṅa Kuru.

¹⁰Bepi wuni ɔ wuni ɔ fɔf ɔlɛs ta ɔWan ka wuni-e, a tɔ tera kɔ ti, kere bepi wuni ɔ ṅamne ɔYina mɛsɛm-e a tera hɛ kɔ ti thɔbana.

¹¹ɔwa maṅ kārà nu rodi ka aṅfɛm abana ka ɛseth ɛgbane yi rodi ka ṅatɔbomp-e, yi rodi ka aṅbáy-e, te ba asoli ta áte nə ba kɛgbaki, yi ta áte nə ba kɔpa;

¹²kotáy-e ɔYina mɛsɛm ɔ tɔ tɔri nu ka aṅlɔkɔ ṅati gbɛṅ áte nə yi tɔ kɔpa.

¹³Ka ukin ka áruniya ɔ pa ro ṅɔṅ, Karməkɔ, kanɛ ɔwɔnt mi kāmà ɔ yer akɛṅ yi minɛṅ.

¹⁴kɔ pa ro ṅɔṅ, Wan, kanɛ bot mi tɔ kɛyi ugɔbɔka yi uyerɛs rokɔm ka nu-e?



- 15kɔ pa ro ŋaŋ, Botne nu, ɔwa bumne nu ta efɔr eyamari, átesoma-e aŋesəm ŋa wuni aŋ yi he ka máyet mɛgbathi ama ɔ ba.
- 16kɔ fɔf alomɔ ro ŋaŋ, ɔ pa, Akɔr ka uyola ulɔm kɔ wur ŋani ɔgbáthi.
- 17kɔ pa ka aŋmerá ŋɔŋ, To mə i yɔ-e? kotáy-e i ba he der ɔbeki tɔ kəbot mákomi ma mi.
- 18kɔ pa, Áte tɔ mə i yɔ; i ti yeksi táfunk ta mi, i ti kál tɔmər tɔbana tɔthasi áte, ro mə i bot ápɔla yi eyet ɛ mi bɛ.
- 19ɔwa i ti pa ka aŋmerá mi, Aŋmerá mi, fothane thɔŋ, di, mun, yɔ məbɔne, kotáy-e mə ba eyet ɛgbathi ta tɔren ɛgbathi.
- 20Kere Kurɔŋ ɔ pa ro ŋɔŋ, Munɔ wuni pɔŋk, thani táták a tɔ fak aŋsar a mu. ɔwa eyet eye mə po benene, kane mə ba yi-e?
- 21Ya ɔwuni ɔ yi ɔwe mə benene eyet ekeŋ ta kɔn kɔnɔne, ɔwa ɔ yi he uyola ka aŋgbáp ŋa Kuru.
- 22kɔ pa ka aŋkarande ŋɔŋ, I kane nu, te nu ba asoli ta eŋesəm ɛ nu, ta eye mə nə di, yi ta mader ma nu ta eye mə nə wɔŋ.
- 23Pəkasife aŋesəm aŋ thasi yet edi, ɔwa aŋder aŋ thasi yet elopra.
- 24Támtámne ewendema, aŋ sak he, aŋ rɔk he, aŋ ba he der ɔbenene, aŋ ba he tɔfunk, kere Kuru ɔ wɔnthɔr ŋa. Thamsine naŋ nə yi abáki mɔlɔ pɔthasi ebámp!
- 25Wuni reke ka nu ɔwe mə gbəli bār hali mɔlɔ ma alɔŋk ŋin ka kasaŋa kɔŋ-e?
- 26ɔwa bepi mə gbəli he yɔ áte yi tɔlɔl-e, kɔyeŋ mə nə soli ta mátáy mɔlɔm-e?
- 27Támtámne táyaba ta ro lal mə mə ɛ lɔkɔ, ɛ yɔ he məpanth, ɛ sərəm he, kere i kane nu, hali Sɔlɔmɔn ka aŋyiki ŋɔŋ bɛ ɔ lopra he mə ŋin ŋa eye.
- 28Bepi Kuru ɔ lonsɔr naŋ akereŋ áke yi thonɔŋ, kere ninaŋ a thɔi ki-e, pɔ tha gbethi ɔ tɔ lonsɔr nu, nia ŋa kɔlane kəthan!
- 29Te nu thens ara mə nə di, yi ara mə nə mun, ɔwa te sike ka emerá ɛ nu,
- 30kotáy-e tábona ta ádaru tɔ thens eyet eye bɛ; kere ɔKas ka nu ɔ tárá kɔpa nə yema eyet eye.
- 31Kere thens nu rábáy ra Kuru, ɔwa a tɔ bára nu eyet eye bɛ.
- 32Kuthi kɔlɔl, te nu nesa; pəkasife pɔ thesis ɔKas ka nu tɔ kəsɔŋ nu rábáy.
- 33Thila eye nə ba, ɔwa sɔŋ eboya ka aŋmɔne, bəmpane nu ɛbuthu eye mə te kura, keŋ ka ro riyana áke mə te pɔŋ ro ukei ɔ te fat ɔwa amɔrka aŋ te ləsɔr.
- 34Átesoma-e ro akereŋ ka nu kɔ yi-e, rɔ emerá ɛ nu ɛ yi sɔ.
- 35Ta nə yi na asene, ɔwa ta emothá ɛ nu ɛ mara;



- 36 ɔwa yi nu mɔ afɛm aɲa mɛ kar ɔMarki ka ɲaɲ, ma ɔ tɛ kálanɛ kɔwɔr ka amet ma kɛnantɛ, kámá ma ɔ bek, ɔ gbátgbát-e, a kanthe kɔ lɛmp.
- 37 Ɛbɔy ɲati aɲ ba áruɓa aɲa ɔMarki ɔ bɛp ɲa aɲ yi akɛli ma ɔ bek. Tɛntɛnɛ i kanɛ nu, ɔ tɛ bɛnɛnɛ, ɔ tɛ yɔ ɲa aɲ yirá tɛ kɛdi, ɔwa kɔn kɔnɔnɛ ɔ tɛ yɔna ɲa.
- 38 Bepi ɔ bek ka kɛren datɔɲ-e, thalɔm ma rasɔk rɛ bek-e, ɔ bɛp ɲa yaɲ, ɛbɔy ɲati aɲ ba aruba.
- 39 Tara nu kɛpa bepi kɔn ɔwe ba áɲseth ɔ tára áɲlɔkɔ aɲa ɔkei mɔ der-e, ɔ tɛ sɔkɔ naɲ, ɔwa ɔ selɔ hɛ naɲ kɛpa a bɛs áɲseth ɲɔɲ.
- 40 ɔwa yi nu abɛnɛnɛ kotáy-e ka áɲlɔkɔ aɲa nɛ te lanɛ ɔWan ka wuni ɔ tɛ der.
- 41 Pita ɔ pa ro ɲɔɲ, Pa, saɲ mɛ fɔfáne aɲlomɔ aɲɛ-i, thalɔm ka afɛm bɛ-i?
- 42 ɔMariki ɔ pa, Kanɛ yi thɔɲ áɲbɔy ubɔthi lanɛ ɔwa utempi-e, ɔwe ɔMarki kɔɲ ɔ tɛ bot rokɔm ka kabɔr kɔɲ-e, tɛ kɛsɔɲ ɲa ɛyɛt yaɲ ɛdi ka áɲlɔkɔ alompi-e?
- 43 Áɲbɔy ɲati uruba wɔɲ ɔwe ɔMarki kɔɲ ɔ bɛp kɔ ɔ yɔ yaɲ.
- 44 I kanɛ nu ka táteɲ, ɔ tɛ bot kɔ rokɔm ka ɛyɛt bɛ ɛyɛ ɔ ba.
- 45 Kɛrɛ bepi áɲbɔy ɲati ɔ pa ka áɲmɛrá nɔɲ, Pa-ɔɲ ɔ gbɛli hɛ yɛɲk der; ɔwa ɔ tɛp kɛsap ɛbɔy aruni yi ɛbɔy abera, ɔwa ɔ di, ɔ mun, ɔ tis,
- 46 ɔMarki ka áɲbɔy ɲati ɔ tɛ der ka áɲrɛy aɲa ɔ te nanɛ kɔ, ka áɲlɔkɔ aɲa ɔ te tára, ɔwa ɔ tɛ sap kɔ ɔlɛs, ɔwa ɔ tɛ botá kɔ ani ka ante lanɛ.
- 47 Áɲbɔy ɲati ɔwe tára másɛlɔ ma ɔMarki kɔɲ, kɛrɛ ɔ bɛnɛnɛ hɛ, ɔ yɔ hɛ másɛlɔ mɔɲ, a tɛ sap kɔ ɔgbáthi;
- 48 kɛrɛ ɔwe te tára, kɛrɛ ɔ yɔ mátáy mɛbeki tɛ kɛsɔthɔ kɛsap, a tɛ sap kɔ ɔthan. Kotáy-e rɛ wuni ɔ wuni ɔwe a sɔɲ ɔgbáthi a tɛ yɛmar kɔ ɔgbáthi; ɔwa ka ɔwe a maɲkɛr ɔgbáthi a tɛ yif ɔthasɛr.
- 49 I der tɛ kɛfak nánt ka ádáru; ɔwa i fɛla naɲ kámá nɛ po mara thɔɲ.
- 50 Kɛrɛ i ba ábaftisɛm aɲa a ba tɛ kɛbaftaysá mi; ɔwa áɲsɔmpanɛɲ a mi a bana haɲ aɲ pɔɲ!
- 51 Nɛ nanɛ kɛpa i der tɛ kɛsɔɲ mɛthɔfɛl ka raru-i? I kanɛ nu, yi thahɔ, i der tɛ kɛsɔɲ mɛputhanɛ.
- 52 Kɛtɛp ka áɲlɔkɔ aɲɛ afɛm tamath aɲ tɛ yi ka áɲseth ɲin, aɲsas aɲ tɛ puthanɛ yi aɲarɔɲ, ɔwa aɲarɔɲ aɲ tɛ puthanɛ yi aɲsas.
- 53 Aɲ tɛ gbayanɛ, ɔkas ɔ tɛ puthanɛ yi ɔwan kɔɲ uruni, ɔwa ɔwan uruni ɔ tɛ puthanɛ yi ɔkas; ɔwa ɔwan ubɛra ɔ tɛ puthanɛ yi ɔkara, ɔwa ɔkara ɔ tɛ puthanɛ yi ɔwan ubɛra; ɔniɲkara yi ɔwe balá ka ɔwan kɔɲ uruni, ɔwa ɔwe balá ka ɔwan kɔɲ uruni yi ɔniɲkara.



⁵⁴kɔ pa sɔ ka ʔsuniya, Ma nɛ nɛnk kɛrɛnt kabi kɛ ɲat ro pil, lɛmp nɛ pa, Kɔm kɛ tɛ der; ɔwa ya pɛ yɔnɛ.

⁵⁵Bepi aɲfɛf ɲa kadiyɔ aɲ fɛɲ-e, nɛ pa, Pɛ tɛ yi ɔwon ɔthasɛr, ɔwa ya pɛ yɔnɛ.

⁵⁶Naɲ amunafaki, nɛ tɔrɔ gbɛlɛɲ ʔɲthɔf yi ʔkuru, kɛrɛ to som naɲ nɛ tɛ tɔrɔ tɛ kɛgbɛlɛɲ ʔɲlɔkɔ aɲɛ-e?

⁵⁷ɔwa to som naɲ nɛ tɛ gbɛk ʔtɔ yi tɛlɔmpi-e?

⁵⁸kɔtɔy-e mɔ mɛ nɛ taɲanɛ yi ɔtheranɛ ka mu tɛ kɛkɔ rodi ka ɔgbɛk ɛpa, ma nɛ yi ras ro roɲ, mɛm kɔmɔ ɔ tera mu; ta thani ɔ liɲ mu ka ɔgbɛka, ɔwa ɔgbɛka ɔ lɔnki mu ka ʔɲbɔy, ɔwa ɔ bot mu ka ʔɲseth ɲa tɛrɛɲka.

⁵⁹I kanɛ mu mɛ wur hɛ ri rɛ roɲ o roɲ haɲ mɛ po ram ʔɲkɔpɔ alɛpsɔ.

Luk 13

¹Alɔm aɲ bɛpɛr ka ʔɲlɔkɔ ɲati aɲa kanɛ kɔ ta aɲKalili aɲa Paylet ɔ kulɔɲ mɔtir maɲ yi asathka ta ɲaɲ.

²Ka Yisɔsɔɲ ɔ lasia ɲa ɔ pa, Nɛ nanɛ aɲKalili aɲɛ aɲ yi alɔs pɛthasi aɲKalili bɛ-i pɛkasifɛ aɲ nakasi mɔtɔy amɛ-i?

³I kanɛ nu, sako, kɛrɛ thambe nɛ thupi-e, naɲ bɛ nɛ tɛ dinɛ yaɲ.

⁴ɔwa aɲtɔfɔt tamthɛsas, aɲa ʔɲseth abɔli rɛkɔm ro Silɔm aɲ fumpɛr ɲa, aɲ dif ɲa, nɛ nanɛ kɛpa aɲ yi alɔs pɛthasi aɲfɛm alɔm bɛ aɲa yirɔ ro Yerusalem-i?

⁵I kanɛ nu, sako, kɛrɛ thambe nɛ thupi-e, naɲ bɛ nɛ tɛ dinɛ yaɲ.

⁶ɔ fɔf sɔ ʔɲlɔmɔ aɲɛ, Wuni lɔm ɔ ba ɲɔnt ɲa aɲgbɔnɔ ro kuɲk kɔɲ, kɔ der tɛ kɛthɛns mɛkomi kɛrɛ ɔ fir hɛ ma.

⁷kɔ pa ka ʔɲbɔy ɲɔɲ, Kɛla, tɛrɛn tɛsas i der tɛ kɛthɛns mɛkomi ka aɲɔnt aɲɛ kɛrɛ i fir hɛ ma. Tap ɲi. To pɛ som aɲ lɛsɛr sɔ ʔɲthɔf-e?

⁸kɔ lasianɛ kɔ ɔ pa, Pa, ter ɲi kɛrɛn ake sɔ, ɔwa i ti bɛsɛr ɲi, i ti bɛmpar ɲi finɔ.

⁹Bepi aɲ kom mɛkomi kɛtɛp ka ʔɲlɔkɔ ɲati, ɔfinɔ. Bepi mɛn aɲ kom hɛ-e, mɛ gbɛli tap ɲi.

¹⁰ɔwa ɔ bɔ thɛksa ka asɛth agbanɛ alɔm ka ʔɲrɛy ɲa aɲsabath.

¹¹ɔwa kɛla, wuni bom ɔ yi ri ɔwɛ ba rɛtu tɛrɛn tɔfɔt tamthɛsas. ɔ po nuthɛ bɛ, ɔ gbɛli hɛ sɔ tɛmɔ toloɲ.

¹²ɔwa ma Yisɔs ɔ nɛnk kɔ, ɔ tela kɔ ro rɔɲɔɲ, kɔ pa, Ya, a po sɛli mu ka ratu ra mu.

¹³kɔ rɛɲ kɔ mɔta mɔɲ, ɔwa ɔlɛmp wati ɔya ɔ tɛmɔ toloɲ, ɔ thɛkɛs Kuru.



- 14 Ɖwa rábomp ka áñseth agbané ɔ bansá pəkásife Yisósán ɔ po yenkəs ɔya ka áñsabath, kɔ pa ka áñfəm, Mərey tamthərukin mə yi ta afəm tɔ kəyɔ məpanth; tiyán der ka márey mati kámá a ramər nu, kere ka áñsabath thahɔ.
- 15 Ka ɔMarki ɔ lasia kɔ ɔ pa, Nañ amunafaki, wuni ɔ wuni ka nu ɔ səli hɛ ɔna yi áñsofali ñɔñ ka áñsabath-i, ɔ kera kɔ tɔ kəmun-i?
- 16 Ɖwa ɔwuni bom ɔwe, ma ɔ yi wan ubera ka Ebrahim-e, ɔwe Sethani ɔ po sek ta tɔren tɔfɔt tamthəresas-e, pə mar hɛ tɔ kəsəli kɔ ka áñsabath-i?
- 17 Ma Yisós ɔ fɔf mătáy ame-e, áñtheranɛ ñɔñ bɛ áñ lap. Ɖwa áñfəm alóm bɛ áñ ba məbɔnɛ ta mătáy məkabanɛ ama ɔ yɔ.
- 18 Ka Yisós ɔ pa, Ko rəka rábáy ra Kuru rə bálánɛ-e? Ɖwa ko rəka rə i gbəli lomɔ ri-e?
- 19 Rə bálánɛ aluka ña amustard áña wuni ɔ gbasi ɔ tɛp ñi ro kuñk kɔñ, kañ ləkɔ, áñ səke ñənt. Ɖwa ebəmp áñ der yirá ka mara mati.
- 20 Yisós ɔ pa sɔ, Ko rəka rə mə i lomɔ rábáy ra Kuru-e?
- 21 Rə bálánɛ mə egbith eye wuni bom ɔ gbasi ɔ mañk yi ka areke ethunth esas, hañ egbith ɛ kuf ti bɛ.
- 22 kɔ thas ka tɔpet yi tɔgbóm, ɔ thəksa mə mə ɔ kɔth kɔth kəkɔ ro Yerusalem.
- 23 Ka wuni lom ɔ pa ro ñɔñ, Pa, afəm athán gbo ña mə kisi-i?
- 24 kɔ pa ro ñañ, Timnɛ nu tɔ kəwɔñ ka kadare kəthiñkanɛ, átesoma-e i kanɛ nu, agbáthi áñ tɔ thens aroñ tɔ kəwɔñ ri, kere áñ gbəli hɛ.
- 25 Ma ɔthem ka áñseth ɔ po yokanɛ-e, ɔ po kantha kadare-e, ɔwa nə tɔp kətəma rokañ, nə gbátgbát ka kadare, nə pa, Pa, kanthe su; ɔ tɔ wosánɛ nu kəpa, I tɛ hɛ nu. Nia tha yi ányathki a mi.
- 26 Ka mə nə tɔp kəpa, Sañ sə la di, sə la mun ro der ka mu kədi, ɔwa munɔ mə la thəksa ka takañ ta su.
- 27 Kere ɔ tɔ pa, I kanɛ nu, i tɛ hɛ ro nə wur; tɔnɛ mi rañ, nañ ányɔ məkəná.
- 28 Kəkulo yi kəñákñák esek kɔ tɔ yi ma mə nə nənɔk Ebrahim, Aysak, Yekəb, yi áñnabi bɛ ka rábáy ra Kuru, ɔwa nañ a fitha nu rokañ.
- 29 Áñ tɔ wur ro thɔrɔñ yi ro pil, yi ka áñdiɔ yi ka áñmɛrɔ, áñ tɔ yirá ka rábáy ra Kuru.
- 30 Ɖwa, kəla, áñlɛpsɔ áñ yi áña mə re yi áñtɔtəkɔ, ɔwa áñtɔtəkɔ áñ yi áña mə re yi áñlɛpsɔ.
- 31 Ka áñləkɔ ñati gbeñ aFaresi alóm áñ der áñ pa ro ñɔñ, Wur, mə wur nɔ; kotáy-e Herɔdán ɔ yema dif mu.



³²kɔ pa ro ŋaŋ, Kɔnɛ nu, nɛ kanɛ aŋgbogboro ŋati kɔpa, kɔla, minɛŋ i wurɔ akɛrɛfi, i ramɛr tɛtu thonɔŋ yi ninan, ɔwa ka aŋrey aŋa bekɔ mɛsas-e, i ti gbenthis mapanth ma mi.

³³Kɛrɛ i ba tɛ kɔkɔnɛ thonɔŋ, ninan yi rɛsɔkɔŋ; kotɔy-e pɛ gbɛli hɛ yi kɔpa unabi ɔ fi thambe ro Yerusalem.

³⁴O Yerusalem, Yerusalem, munɔ ɔwe mɛ dif aŋnabi, ɔwe mɛ lɛmɛr ŋa mɛsar aŋa a som ro rɔmu; ɛlɔkɔ ɛgbathi i yema nan thonkɔla aŋwuth a mu rɔkin, mɔ kɔbet mɔ thonkɔla aŋfɛth ŋɔŋ ka ɛkufna yɔŋ roratha, kɛrɛ nɛ selɔ hɛ.

³⁵ɔwa a tey aŋseth a mu yeŋ; ɔwa i kanɛ mu, mɛ ba hɛ kɔnɔŋk mi haŋ mɛ pa, Uruba wɔŋ ɔwe mɛ der ka aŋɛs ŋa ɔMarki.

Luk 14

¹Ka pɛ re yi ka asabath alɔm ma ɔ wɔŋ ka aŋseth ŋa ukin ka aŋkɛrbomp ka aŋFarisi tɛ kɔdi-e, aŋ pɛmple kɔ.

²ɔwa kɔla, wuni lɔm ɔ yi rodi kɔŋ ɔwe ba ayefu.

³Ka Yisɔs ɔ yif aŋtara aŋthɔ yi aŋFarisi, Pɛ yi ɔlompi tɛ kɔyɛŋkɔs wuni ka aŋsabath-i?

⁴Kɛrɛ aŋ taŋk thɛm. Kɔ gbasi kɔ, ɔ yenkɔs kɔ, ɔ ter kɔ ɔ kɔnɛ.

⁵kɔ pa ro ŋaŋ, Wuni reke ka nu bepi ɔ ba asofali thalɔm una ɔ fumpɔ rɛ kɔlɔmp-e, mɔ te wurɔ kɔ ɔlɔmp wati ka asabath-i?

⁶ɔwa aŋ gbɛli hɛ sɔ gbaki ka mɔtɔy ame.

⁷ɔwa ma ɔ nɔnk kɔpa aŋa a po muti aŋ thithɛs tawaŋ tɛtɔtɔkɔ-e, ɔ fɔfɔnɛ ŋa rɛ alomɔ, kɔ pa,

⁸Bepi wuni ɔ muti mu tɛ kɔkɔ rɛ met ma kɔnantɔ, te yirɔ ka kawaŋ kɔtɔtɔkɔ, pɔkasife sɔthlɔm ɔwe muti mu ɔ po muti wuni lɔm ɔwe thas mu,

⁹ɔwa kɔn ɔwe muti na ŋarɛŋɔŋ ɔ tɛ re pa ro mu, Sɔŋ ɔwuni ɔwe der. ɔwa munɔ mɛ tɛ tɔp rɛ mɔlap kɔgbasi ɔder ɔlɔpsɔ.

¹⁰Kɛrɛ ma a muti mu-e, kɔ yirɔ ka ɔder ɔlɔpsɔ, kɔmɔ ma kɔn ɔwe po muti mu ɔ der-e, ɔ tɛ pa ro mu, Yathki, sɛk rodi; ɔwa mɛ tɛ sɔthɔ yiki ka kabɛpɛr ka ŋa be aŋa yirɔ tɛ kɔdi yi munɔŋ.

¹¹kotɔy-e, wuni o wuni ɔwe mɛ ŋatane a tɛ thora kɔ, ɔwa kɔnɔ ɔwe mɛ thoranɛ a tɛ ŋata kɔ.

¹²kɔ pa sɔ ka kɔn ɔwe muti kɔ, Bepi mɛ yɔ met-e, te muti aŋyathki a mu, thalɔm aŋwɔnt mu, thalɔm aŋfatane a mu ayola; pɔkasife sɔthlɔm ninan aŋ tɛ muti mu sɔ, ɔwa a kala mu ti.

¹³Kɛrɛ ma mɛ yɔ met-e, muti aŋmɔnɛ, ŋa mɛbɛth, aŋtɔtke yi aŋfith.



- 14 Ɖwa munɔ mə tə yi uruba pəkasiƒe aŋ ba he koko tə kəkala mu; kere aŋ tə kala mu ti ka káyokane ka aŋlɔmpi.
- 15 Ɖwa ma ukin ka ŋaŋ aŋa yirá ka kədi yi kɔnɔ ɔ təl mātáy ame-e, ɔ pa ro ŋɔŋ, Uruba wɔŋ ɔwe mə di kəbo ka rábáy ra Kuru.
- 16 Kere kɔnɔ ɔ pa ro ŋɔŋ, Ulaŋgba ulɔm ɔ benene afantha abana, kɔ muti afəm agbáthi.
- 17 Ɖwa ma aŋlɔkɔ aŋ bek-e, ɔ som ebɔy yɔŋ tə kəpa ka ŋaŋ aŋa a muti, Der nu átesoma-e a po thɔŋ benene eyet be.
- 18 Ka ŋa be yi rim rin aŋ tɔp tə kəkət kere. Ɖtɔtɔkɔ ɔ pa, I po wai kɔr, i ba kəkɔ kəli ki. Ɖmari mu ta ɔ kabari mi.
- 19 Ulɔm ɔ pa, I po wai tɔna tɔfɔt, i ba kəkɔ mɛm ŋa. Ɖmari mu ta ɔ kabari mi.
- 20 Ulɔm ɔ pa, I po nántá ubera, tiyáŋ i gbəli he der.
- 21 Ka aŋbɔy ɔ der, ɔ kane ɔmarki kɔŋ mātáy ame. Ka ɔthem ɔwe ba aŋseth ɔ bansá, ɔ pa ka aŋbɔy ŋɔŋ, Kɔne lɛmp ka asɔŋ tɔbana yi təlɔl ta kápet, mə kárá nɔ aŋmone, ŋa məbəth, aŋfith yi aŋtətke.
- 22 Ka aŋbɔy ɔ pa, Pa a po yɔ áte mə yamari, kere halisa der ɔ yi ri ras.
- 23 Ɖwa ɔmarki ɔ pa ka aŋbɔy, Kɔne ka asɔŋ tɔbana yi ka ekunk, ɔwa yɔ kámá aŋ der kámá aŋseth a mi aŋ la.
- 24 kɔtáy-e i kane nu, wuni kin ka aŋfəm aŋa a mɔtha muti ɔ ba he kətham aŋfantha a mi.
- 25 Ɖwa suniya tɔbana tə paya kɔ, kɔ fələ ɔ pa ro ŋaŋ,
- 26 Bepi wuni o wuni ɔ der ro mi, ɔ gbɛŋa he ɔkas kɔŋ-o, ɔkara kɔŋ-o, ɔrani kɔŋ-o, aŋwuth ŋɔŋ-o, aŋwɔnt ŋɔŋ aruni-o, aŋwɔnt ŋɔŋ abera-o yi aŋesəm ŋɔŋ sɔ-e, ɔ gbəli he yi ukarande kámi.
- 27 Ɖwa wuni o wuni ɔwe te gbane akənt kɔŋ kəpəŋkine, ɔ tɔŋ mi, ɔ gbəli he yi ukarande kámi.
- 28 kɔtáy-e, kane ka nu ɔwe yema tɔmá aseth, ɔ mɔtha he yirá, ɔ yirka amɔlɔ mati, kámá ɔ tárá bepi ɔ ba ɔbeki tə kəpɔŋ ŋi-e?
- 29 Ta thani ma ɔ po rafəth-e, ɔ gbəli he ləpəs ŋi, ɔwa aŋfəm be aŋa nənɔk ti aŋ sel kɔ,
- 30 aŋ tə pa, Ɖwuni ɔwe ɔ tɔp kəseth, kere ɔ gbəli he pons ŋi.
- 31 Thalɔm ubáy ureke, mə mə po tim ubáy ulɔm rə rəfa-e, mə te mɔtha yirá tə kəkəli bepi kɔnɔ yi ɛwul tɔfɔt ɔ gbəli gbane kɔnɔ ɔwe mə der yi ɛwul kəgba.
- 32 Thalɔm ma ɔlɔm ɔ yi ras ɔbəli, ɔ tə som akapər kámá ɔ nɛmthene ta məthɔfəl.
- 33 Tiyaŋ ukin o kin ka nu ɔwe te tey be ara ɔ ba, ɔ gbəli he yi ukarande kámi.



³⁴Amer mə yi məfino, kere bepi mə dim mabothi mati-e, ko mə gbəli bəthəs ma sɔ-e?

³⁵Mə thesa he ta ɔ̄nthɔf, mə thesa he ta amuruŋ, tha a tɔ fitha ma. Ɔwe ba eləns ta ɔ təl.

Luk 15

¹Ɔwa ɔ̄nthɔŋkla efək yi ɔ̄nfəm ŋa ehake ɔ̄ fatər kɔ kāmā ɔ̄ təlā kɔ.

²Kere ɔ̄Farisi yi ɔ̄ŋkarməkɔ ɔ̄ fɔfəthane, ɔ̄ pa, Ɔwuni ɔwe ɔ malane ɔ̄nfəm ŋa ehake, ɔwa ɔ di yi ŋaŋ.

³kɔ fɔf ɔ̄ŋlomɔ ɔ̄ŋe ro ŋaŋ, ɔ pa,

⁴Wuni reke ka nu ɔwe mə ba təlome keme kin, ɔwa ukin ka ŋaŋ ɔ dine kɔ-e, mə te tey tɔgba tanle tɔfɔt tɔ̄mthəreŋanle ro wula, ɔ kɔ thens ɔkin ɔwe dine kɔ-e, haŋ ɔ fir kɔ-e?

⁵Ɔwa ma ɔ po fir kɔ-e, ɔ gbane kɔ ka ɔ̄ŋkəŋklā ŋəŋ yi məbɔne.

⁶Ɔwa ma ɔ bek ro seth kəŋ-e, ɔ tela ɔ̄nyathki yi ɔ̄nfatane ŋəŋ rəkin, ɔ pa ro ŋaŋ, Ba nu məbɔne yi mineŋ, ɔtesoma-e i po fir kalome kāmī ɔwe dine.

⁷I kane nu məbɔne mə tɔ yi ro riyana ta ɔwuni kin uləs ɔwe thupi pəthasi afəm alompi tɔgba tanle tɔfɔt tɔ̄mthəreŋanle ɔ̄ŋa te ba kəthupi.

⁸Thaləm wuni bom ureke ɔwe ba akala ɔferā tɔfɔt-e, bepi ŋin ɔ̄ dine kɔ-e, mə te moth kəmulɛ, ɔ gbəl ɔ̄ŋseth, ɔ thens thens fino haŋ ɔ fir ŋi-e?

⁹Ɔwa ma ɔ po fir ŋi-e, ɔ tela ɔ̄nyathki yi ɔ̄nfatane ŋəŋ rəkin, ɔ pa, Ba nu məbɔne yi mineŋ ɔtesoma-e i po fir ɔ̄nkala ɔ̄ŋa dine mi.

¹⁰I kane nu, ya pə yi sɔ-e, məbɔne mə tɔ yi ka kəbəprane ka ɔ̄ŋmāleka ŋa Kuru ta ɔwuni kin ɔwe thupi.

¹¹kɔ pa, Ulaŋgba uləm ɔ ba awuth aruni ŋarəŋ;

¹²ka ɔfeth ɔ pa ka ɔkas kəŋ, Pa, səŋ mi eyet ɛ mi eye i ba tɔ kəsɔthɔ. Ɔwa ɔ yerəs ŋa eyet yəŋ.

¹³Kədarəŋ ka mərey məthan-e, ɔwan uruni ufeth ɔ thɔŋkla eyet yəŋ be-e, ɔ kəne ɔbiyas rə ɔthɔf ɔbɔli, kɔ ləsər eyet yəŋ rə kəyɔ ɔləs.

¹⁴Ma ɔ po ləsər ɔ̄nkala ŋəŋ be-e, dor rəbana rə wəŋ ka ɔ̄nthɔf ŋati, ka amone mə təp kəwop kɔ.

¹⁵kɔ kɔ panthne ka udure ukin ka ɔ̄nthɔf ŋati, kɔ somra kɔ ka atər təŋ tɔ kəwənthər təsɔp.

¹⁶kɔ fela tɔ kəlasər akor kəŋ yi ɛwula eye tasɔp mə ɔ̄ di; ɔwa wuni ɔ wuni ɔ yer he kɔ.



¹⁷Ma ɔ kál sɔthɔ amera-e, ɔ pa, To ɛbɔy ɛyamɔ ya ɔkas kámi aɲ yi kəgbath bɛ, aɲ ba tɔbo tɔbeki haɲ tɔ kətiyanɛ, ɔwa minɛɲ i dɪnɛ nɔ yi doràɲ!

¹⁸I ti yokanɛ, i ti kál ka ɔkas kámi, i ti pa ro ɲɔɲ, Pa, i po yɔ ahakɛ ka áriyana yi rodi ka mu.

¹⁹I bek hɛ a bont mi uwan ka mu. Yɔ mi mɔ ukin ka ɛbɔy ɛ mu ɛyamɔ.

²⁰kɔ yokanɛ, ɔ der ka ɔkas kɔɲ, kɛrɛ ma ɔ yi ras ɔbɔli pɔɲ-e, ɔkas kɔɲ ɔ nɛnk kɔ, ɔwa áney aɲ wɔp kɔ, ɔ gbukɛ, kɔ fumpɛr kɔ ro lim, ɔ mumɛl kɔ.

²¹Ka ɔwan ɔ pa ro ɲɔɲ, Pa, i po yɔ ahakɛ ka áriyana, yi rodi ka mu, i bek hɛ sɔ a bont mi uwan ka mu.

²²Kɛrɛ ɔkas ɔ pa ka ɛbɔy yɔɲ, Kara aruma ara tha thesa lɛmp, wɔns kɔ ri. Sur kɔ asu, ɔwa wɔns kɔ ɛkɔftha;

²³ɔwa kárá ɔna ufɛth uboi, fai kɔ nu. Maɲ di nu, ɔwa sɔ yɔ mɔbɔnɛ!

²⁴Átesoma-e ɔwan kámi uruni ɔwe ɔ sa po fi, kɛrɛ ɔ kál yi ukɛli sɔ; ɔ sa dɪnɛ kɛrɛ a fir kɔ. Kaɲ tɔp kəyasane.

²⁵ɔwa ɔwan kɔɲ uruni ɔbaki ɔ yi ro kɔr. Ma ɔ der-e, ɔ fatɔr ro seth, ɔ tɛl a fer, ɔwa a thɔmɔ.

²⁶kɔ tela ukin ka ɛbɔy ro ɲɔɲ, ɔ yif to som mátáy ame mɔ yi.

²⁷Áɲbɔy ɔ pa ro ɲɔɲ, ɔwɔnt mu ɔ der, ɔwa ɔkas ka mu ɔ po fai ɔna ufɛth uboi pəkasife ɔ po malanɛ kɔ ukɛli yi uyeɲki mɛder.

²⁸kɔ bansá ɔ selɔ hɛ wɔɲ, kɛrɛ ɔkas kɔɲ ɔ wur, ɔ thɔnthɔ kɔ.

²⁹Kɛrɛ ɔ lasi ɔ pa ka ɔkas kɔɲ, Kɛla, tɔren tɔgbáthi i po yɔna mu, ɔwa i tha lɛsɛr hɛ aɲyamari a mu; kɛrɛ haɲ thonɔɲ mɔ sɔɲ hɛ mi uwir ufɛth kámá i yɔ mɔbɔnɛ yi aɲyathki a mi.

³⁰Kɛrɛ ma ɔwan ka mu ɔwe ɔ der-e, ɔwe po lɛsɛr ɛyɛt ɛ mu ka afɛm abom arɛpi-e, mɔ po fayá kɔ ɔna ufɛth uboi.

³¹kɔ pa ro ɲɔɲ, Wan kámi, munɔ mɔ yi yi minɛɲ thɔbana, ɔwa ɛyɛt bɛ ɛyɛ i ba, munɔ ba yi.

³²Pɔ yi ɔlompi tɔ kəyɔ met yi kɛsel mɔbɔnɛ, átesoma-e ɔwɔnt mu ɔwe ɔ sa po fi, kɛrɛ ɔ kál yi ukɛli, ɔ sa dɪnɛ, kɛrɛ a fir kɔ.

Luk 16

¹kɔ pa sɔ ka aɲkarande ɲɔɲ, Uyola ulɔm ɔ yi ɔwe ba ábɔy. Aɲlɔm aɲ gbanthir kɔ ro rɔɲɔɲ kɛpa ɔ lɛsɛr ɛyɛt yɔɲ.

²kɔ tela kɔ, ɔ pa ro ɲɔɲ, Ko apa aɲɛ aɲa i tɛl ta átá mu-e? Yirka ɛyɛt ɛ mi kámá mɔ tɔri mi amɔlɔ mati, átesoma-e mɔ gbɛli hɛ sɔ yi ábɔy a mi.



- ³Àñbøy ò pa ka àñmerà ñøy, To mè i yò thøy-e, ma òmarki ò nõy mapanth ma mi-e? I ba he afòsò tò kègbus; i ba mèlap tò kèthola.
- ⁴I tàrà àte mè i yò-e, kàmá, bepi a wurò mi ka rábøy-e, àñfèm àñ tò malané mi ka èseth yañ.
- ⁵Òwa ma ò tela ukin o kin òwe ba tò kèram òmarki køy-e ò pa ka òtòtòkò, Mòlò mè ba kèram òmarki ka mi-a?
- ⁶Ò pa, Màro mòlò ma èthuntha kème kin. Kò pa ro ñøy, Gbasi àñreka a mu, mè yirà lèmp mè gbal tégba tèrèñ tófòt.
- ⁷Ò pa ka ulòm, Munò mòlò mè ba kèram-a? kò pa, Pèla mòlò ma èthuntha kème kin. Kò pa ro ñøy, Gbasi àñreka a mu, mè gbal tégba tanlé.
- ⁸Ka òmarki køy ò korikori àñbøy ñøy ukènò pèkasife ò yò kètemp; kotáy-e àñwuth ña àdàru àñ yi atèmpì kètøy ka ñañ pèthasi àñwuth ña àñmothà.
- ⁹Ka i pa ro nu, Sekèrané nu røyathki yi rayola rækansøy, kàmá bepi rø pøy-e, a tò malané nu ka èseth ya thèbana.
- ¹⁰Kèrè òwe yi ubòthi lané ka òthan ò yi ubòthi lané ka ògbàthi; òwa kònò òwe yi ukènò ka òthan ò yi ukènò ka ògbàthi.
- ¹¹Tiyàñ bepi nè yi he abòthi lané ka røyola rækansøy-e, kané gbèli lané nu ka àte yi tateñ-e?
- ¹²Òwa bepi nè yi he abòthi lané ka àte wuni lòm ò ba-e, kané mè søy nu àtá nu gbey-e?
- ¹³Abøy o bøy ò gbèli he yóna amarki ñarèñ, kotáy-e tha ò gbèña òkin, ò bòthèr òlòm; thalòm ò tò wopné òkin, ò tò fèñfsir òlòm. Nò gbèli he bàtho Kuru yi røyola.
- ¹⁴ÀñFarisi sò àñ tøl mätáy ame bè; òwa mañ yi afèm àña bòthèr akala àñ sel kò.
- ¹⁵kò pa ro ñañ, Nañ nè yema yò kàmá afèm àñ nònk nu alompi kèrè Kuru ò tàrà emerà é nu, kotáy-e àte àñfèm mè àñ wop mè tàý tèbana tò yi tèfarke rodi ka Kuru.
- ¹⁶Àñthò yi àñnabi àñ yi hañ ka àñlòkò ña Yòn. Kètèp ka àñlòkò ñati a tamès rábáy ra Kuru, òwa wuni o wuni ò wøy ri rø afòsò.
- ¹⁷Kèrè pè tha yi àføy tàý ta àkuru yi àñthòf kèpøy pèthasi tàý tølòl tin ta àñthò tò kèdine.
- ¹⁸Wuni o wuni òwe mè ter òrani køy, ò kál nántá ulòm, ò yò kèrèp; òwa òwe mè nántá ukin òwe òwos køy ò ter-e, ò yò kèrèp.
- ¹⁹Òwa uyola ulòm ò yi ri òwe wøy elopra èfinò, ò di èyèt èták àrey o rei.
- ²⁰Òwa a bot umòné ulòm òwe mè a bont Lasarus ka kadare køy, ò la tèsam,
- ²¹ò fela tò kèsòthò ara mè fumpò ka àñthèbèl ña òyola; hali ètèn àñ der àñ thàmès tásam tøy.



- ²²Ka pə re yi əwuni mənɛ ɔ fi, əwa aŋməleka aŋ kera kɔ ka aŋkəpət ŋa Ebrahim. Əwa əyola sɔ ɔ fi, ka a maŋk kɔ.
- ²³Ma ɔ yi ka anakasi ro kərəfi-e, ɔ lakthi ɛfər yɔŋ, kāmá ɔ nənɔk Ebrahim əbɔli pɔŋ yi Lasarus ka aŋkəpət ŋɔŋ.
- ²⁴kɔ tela ɔ pa, Pa Ebrahim, ba mi áney, som Lasarus kāmá ɔ məth aŋsəl ŋɔŋ rə mánt, ɔ thɔfsəl ramer ra mi, kotáy-e i nakasi əbana ka anant nəmara ane.
- ²⁵Kere Ebrahim ɔ pa, Wan kámi, kala ámerá kəpa munɔ mə po sɔthɔ ɛyɛt ɛ mu ɛfɪno ma mə yi ka ádaru, əwa Lasarus ɔ sɔthɔ yet ɛlɔs; ka-ake mən ɔ sɔthɔ kəbɛfəth, əwa munɔ mə nakasi.
- ²⁶Pəthas áte, kətɔŋ ka mu yi saŋ a po bot akaŋ abana kāmá ŋaŋ aŋa yema wur nɔ tɔ kəfəsi ro nu aŋ gbəli hɛ; əwa kāmá ŋaŋ ri aŋ te gbəli fəsi ro rɔsu.
- ²⁷kɔ pa, Pa, əmari mu, som Lasarus ka aŋseth ŋa əkas kámi,
- ²⁸átesoma-e i ba awənt aruni tamath kāmá ɔ seri ta átaŋ, kāmá aŋ te der ka əder əbaŋ əwe.
- ²⁹Ebrahim ɔ pa ro ŋɔŋ, Aŋ ba Mosisáŋ yi aŋnabi. Ta aŋ tɔlá ŋa.
- ³⁰kɔ pa, Pa Ebrahim, yi thahɔ, kere bepi wuni kin ɔ wur ka aŋfi-e, ɔ maŋ ŋa, aŋ tɔ thupi.
- ³¹kɔ pa ro ŋɔŋ, Bepi aŋ selɔ hɛ tɔ kətəla Mosisáŋ yi aŋnabi-e, aŋ selɔ hɛ hali wuni kin ɔ yokanɛ ka aŋfi.

Luk 17

- ¹kɔ pa ka aŋkarande ŋɔŋ, Pə gbəli hɛ yi thambe ɛsabu ya kəpənthbɔla ɛ der, kere mənɛ ka əwuni əwe mə kərə yi!
- ²Pə tɔ yi kɔ fisa bepi a gbak kɔ ásar ágbɔlá ka kalim kɔŋ, a fitha kɔ ro baŋ pəthasi bepi ɔ yɔ ukin ka aŋlɔl aŋɛ ɔ pənthbɔla.
- ³Naŋ-e, botnɛ nu; bepi əwənt a mu ɔ yɔ ahakɛ, ŋal kɔ; bepi ɔ thupi, tera kɔ ti.
- ⁴Əwa bepi ɔ yɔ mu ahakɛ ɛlɔkɔ tāmthəderəŋ ta pali-e, əwa ɔ kál fələ ro rəmu ɛlɔkɔ tāmthəderəŋ, ɔ pa, I thupi, mə yi tɔ kətəra kɔ ti.
- ⁵Aŋsom aŋ pa ka əMarki, Bār kálanɛ kásu.
- ⁶Ka əMarki ɔ pa, Bepi nə ba kələnɛ mə aluka ŋa amustard-e, nə tɔ pa ka aŋənt aŋɛ, Tusine, mə tɛpɛ ro baŋ, aŋ tɔ wop árim ra mu.
- ⁷Wuni reke ka mu əwe ba ábɔy əwe mə kutha ro kər, thaləm əwe mə tɔl təlɔmɛ, bepi ɔ wur ro kər, ɔ pa ro ŋɔŋ, Der thɔŋ, yirá ka kədi,
- ⁸mɔ te mətha pa, Bənɛnɛ ta kadi kámi, əwa sənɛ sɔ kāmá mə taka mi ara mə i di haŋ i po di, i mun. Kədarəŋ kati, mə tɔ di, əwa mə tɔ mun-i?



- ⁹Ɔ tɛ mɔmɔ aɲbɔy pɛkasifɛ ɔ po yɔ ɛtɛ a yamari kɔ-i?
- ¹⁰Ya pɛ yi sɔ naɲ, ma nɛ po yɔ ɛtɛy bɛ ɛtɛ a yamari nu-e, pa gbo, Saɲ sɛ yi ɛbɔy ɛtɛ wur ɲani, sɛ po gbo yɔ ɛtɛ sɛ yi tɛ kɛyɔ.
- ¹¹Ma ɔ yi ro roɲ tɛ kɛkɔ ro Yerusalem-e, ɔ thas ro Samaria yi ro Kalili.
- ¹²Ma ɔ wɔɲ ka kagbɔm kɛlɔm-e, alaɲgba tɔfɔt aɲa ba arom aɲ gbanɛ kɔ, aɲ tɛmɔ ɔbɔli pɔɲ.
- ¹³kaɲ ɲata ɛsim taɲ gbanklo, aɲ pa, Yisɔs, Mariki, ba su ɛney.
- ¹⁴Ma ɔ nɛnk ɲa-e, ɔ pa ro ɲaɲ, Kɔnɛ nu nɛ kɔ tɔrine ka aɲfode. Ɔwa mɔ mɔ aɲ kɔnɛ-e, aɲ sɔthɔ kɛfethɔr.
- ¹⁵Ka ukin ka ɲaɲ ma ɔ nɛnk kɛpa a po yenkɛs kɔ-e, ɔ kɛlanɛ, ɔ thɔkɛs Kuru rɛ rim rɛbana,
- ¹⁶kɔ fumpɔ ka ɛtɛtɛk tɔɲ, ɔ mɔmɔ kɔ. Ɔwuni ɔwe ɔ yi uSamaria.
- ¹⁷Ka Yisɔsɛɲ ɔ pa, A fethɔr hɛ aɲtɔfɔt-i? Kɛɛ aɲtamthɔrɛɲanlɛ reke aɲ yi-e?
- ¹⁸Wuni ɔ yi hɛ ɔwe kɛlanɛ tɛ kɛsɔɲ Kuru yiki thambe ɔtik ɔwe-i?
- ¹⁹kɔ pa ro ɲɔɲ, Yokanɛ, kɔnɛ ro rɔmu. Kɛlanɛ ka mu kɔ po mu yenkɛs.
- ²⁰Ma aɲFarisi aɲ yif aɲlɔkɔ areke rɛbɔy ra Kuru rɛ tɛ der-e, ɔ lasia ɲa ɔ pa, Rɛbɔy ra Kuru rɛ de hɛ kɛmɔ a nɛnk ri.
- ²¹Aɲ gbɔli hɛ pa, Kɛli nɔ! Thalɔm, Kɛli ro! kotɛy-e rɛbɔy ra Kuru rɛ yi kɛtɔɲ ka nu.
- ²²Yisɔs ɔ pa ka aɲkarande, Mɛrey mɔ tɛ der ma nɛ yema nɛnk ɲin ɲa mɛrey ma ɔWan ka wuni, kɛɛ nɛ gbɔli hɛ nɛnk ɲi.
- ²³Ɔwa a tɛ kanɛ nu, kɛli nɔ; kɛli ro. Ɔwa tɛ nu kɔ, thalɔm tɛ tɛɲ ɲa,
- ²⁴ɛtesoma-e mɔ mɔ pɛ nakthine ka aɲgbɔp ɲin ka ɛkuru, ɔwa pɛ gbentha ka aɲgbɔp alɔm; yaɲ sɔ ɔWan ka wuni mɔ yi ka aɲɲrey ɲɔɲ.
- ²⁵Kɛɛ ɔ ba ras kɛnakasi rɛ mɛtɛy mɛgbathi, ɔwa rɛkomra are rɛ tɛ kasi kɔ.
- ²⁶Ɔwa mɔ mɔ pɛ sa yi ka mɛrey ma Noa-e, ya mɔ pɛ re yi sɔ ka mɛrey ma ɔWan ka wuni.
- ²⁷Aɲfɔm aɲ di, aɲ mun, aɲ nɛntɛ, aɲ balɛs haɲ aɲɲrey gbɛɲ aɲa Noa ɔ wɔɲ ka aɲbil, ɔwa ɛmɛnt mɛfɔl mɔ der mɔ dim ɲa bɛ.
- ²⁸Ɔwa mɔ mɔ pɛ sa yi sɔ ka mɛrey ma Lot-ɛɲ; aɲ di, aɲ mun, aɲ wai, aɲ thila, aɲ tɛp, aɲ seth.
- ²⁹Kɛɛ ka aɲɲrey gbɛɲ aɲa Lot-ɛɲ ɔ wur ro Sɔdɔm-e, kɔm ka mɛsar mɛnɛnt nɛ thor kɛwur ro Kuru, nɛ dim ɲa bɛ.
- ³⁰Ya pɛ tɛ yi sɔ ka aɲɲrey aɲa ɔWan ka wuni ɔ tɔrine.



³¹Ka ɔnɔreɣ ɔnɔti, bepi wuni ɔ yi ka ɔnɔseth rokɔm-e, ɔwa eyet yɔn ɛ yi ro seth rokor, ta ɔ te thor tɔ kɔkera yi der; ɔwa kɔnɔ ɔwe yi ro kɔr-e, ta ɔ te kɔlanɛ.

³²Nanɛ ɔrani ka Lot-ɔnɔ.

³³Wuni o wuni ɔwe mɔ thens tɔ kɔbɛnɛ ɔnɔsɔm ɔnɔn ɔ tɔ dim ɔnɔ; kɛrɛ wuni o wuni ɔwe mɔ dim ɔnɔ tɔ kisis ɔnɔ.

³⁴I kanɛ nu, ka ratatɔk rati afɔm aruni ɔnɔrɔn ɔnɔ tɔ yi rɔ kɔfɔnt kin; a tɔ gbasi ukin, a tɔ tey ɔlɔm.

³⁵Afɔm abom ɔnɔrɔn ɔnɔ tɔ tɔ der rɔkin; a tɔ gbasi ukin, a tɔ tey ɔlɔm.

³⁶Afɔm aruni ɔnɔrɔn ɔnɔ tɔ yi ro kɔr; a tɔ gbasi ukin, a tɔ tey ɔlɔm.

³⁷ɔnɔ yif kɔ, Mariki, reke-e? kɔ pa ro ɔnɔn, Ro kabel ɔ yi-e, rɔ eyiba mɔ ɔnɔ thonklane der rɔkin.

Luk 18

¹kɔ fɔf rɔ alomɔ ka ɔnɔkarande ɔnɔn kɔmɔ ɔnɔ tɔrɔ kɔpa ɔnɔ yi tɔ kɔramnɛ lɔkɔ o lɔkɔ, ɔwa kɔmɔ pɔ te bɔk ɔnɔ.

²kɔ pa, Uthonkas ɔ la yi rɔ kɔpet, ɔ nesa hɛ Kuru, ɔ kɔli hɛ ader ra wuni.

³ɔwa ubora ɔ yi ka kɔpet kati, kɔ kɔ kɔtkɔt ka ɔthonkas ɔwe, ɔ pa, Thonkas ɔnɔpa ɔnɔ sɔ ba yi ɔtheranɛ kɔmi.

⁴Kɛrɛ ɔ yenk hɛ selɔ. Kɔdarɔn kati ɔ pa ka ɔnɔmerɔ ɔnɔn, Hali ma i te nesa Kuru-e, thalɔm i te kolo wuni-e,

⁵ma ɔbora ɔwe ɔ sɔmpa mi-e, i ti thonkas ɔnɔpa ɔnɔn, pɔkasife kɔder kɔnɔ katkat kɔ tɔ lela mi.

⁶Ka ɔMarki ɔ pa, Tɔl nu ɔte ɔthonkas ukɔnɔ ɔ pa.

⁷ɔwa Kuru mɔ thonkas hɛ ɔnɔthith ɔnɔn ɔnɔ mɔ kulir kɔ pali gbes hali ɔ muyu ɔnɔ haɔn-i?

⁸I kanɛ nu ɔ tɔ thonkas ɔnɔ lɔmp. Kɛrɛ ma ɔWan ka wuni ɔ der-e, ɔ tɔ bɔp kɔlanɛ ka raru-i?

⁹kɔ fɔf ɔnɔlomɔ ɔnɔ ka ɔnɔfɔm ɔnɔ lanɛ ɔnɔ yi alompi, ɔwa ɔnɔ sai sai afɔm alɔm bɛ.

¹⁰Afɔm ɔnɔrɔn ɔnɔ kɔ ka ɔnɔseth ɔnɔ Kuru tɔ kɔramnɛ. Ukin ɔ yi uFarisi, ɔlɔm-e, uthonkla ɛfɔk.

¹¹ɔFaresi ɔ tɔmɔ ɔ ramnɛ yaɔ ka ɔnɔyethɛ ɔnɔn, Kuru i mɔmɔ mu ma i te yi mɔ afɔm alɔm, i ba hɛ kansɔn, i ba hɛ mɔkɔnɔ, i yɔ hɛ kɔrɔp, hali ɔthonkla ɛfɔk ɔwe-e, i yi hɛ mɔ kɔnɔ.

¹²ɔyik o yik i wop asum mɔrɔn, i sɔnɔ eyaka ka eyet mi bɛ.



- 13** Kere ɔthonkla efak ɔ tɛmà ɔbɔli pon, ɔ selo he tɔ kɛlakthi efɔr yonj ka ariyana, ɔ nap anjɛpɛt njon, kɔ pa, Kuru ba mi aney, mine i yi wuni lɛs.
- 14** I kanɛ nu ɔwuni ɔwe ɔ kɔ ka anjeth njon, ɔ po sotho mɛmari pɛthasi ɔlɔm; kotáy-e wuni o wuni ɔwe njatanɛ a tɔ thora kɔ, kere ɔwe thoranɛ, a tɔ njata kɔ.
- 15** Ka anjɛm anj kàrà sɔ talenth tanj ka Yisɔs kàmà ɔ gbonj nja, kere ma anjkarande njon anj nɛnk ti-e, anj njal nja.
- 16** Kere Yisɔsánj ɔ tela nja ro njon, ɔ pa, Te bent anjɛth tɔ kɛder ro mi, kotáy-e awunonj nja ba rábáy ra Kuru.
- 17** Tentɛnɛ i pa ro nu, wuni o wuni ɔwe te malanɛ rábáy ra Kuru mɔ wath ufeth ɔ gbɛli he wɔnj ri.
- 18** ɔwa urɛbomp ulɔm ɔ yif kɔ, ɔ pa, Karmɔkɔ uthoɔth, to mɔ i yɔ kàmà i sotho anjɛsɛm thɔbana-e?
- 19** Ka Yisɔs ɔ pa ro njon, kɔyɛnj mà mɔ bont mi uthoɔth-e? Uthoɔth ulɔm ɔ yi he thambe Kuru.
- 20** Mɔ tata eyamari, Te yɔ kɛrɛp, te dif, te keya, te sɔnj mɛseri ma rɔyem, yikis ɔkas ka mu yi ɔkara ka mu.
- 21** kɔ pa, I po wop mâtáy ame bɛ kábi ka rafeth ra mi.
- 22** ɔwa ma Yisɔs ɔ tɛl ti-e, ɔ pa ro njon, Táy tin tã mɔ panj ras; thila eyɛt bɛ eyɛ mɔ ba, mɔ yerɛs yi ka anjɛm amɔnɛ, ɔwa mɔ tɔ sotho kɛnj ro riyana. ɔwa der, mɔ tánj mi.
- 23** Kere ma ɔ tɛl mâtáy ame-e, ɔ sanj amɔl abana, kotáy-e uyola ubana wɔnj.
- 24** Ma Yisɔs ɔ nɛnk áte-e, ɔ pa, Pɔ tɔ yi ɔbaki mɛder ta njan nja ba tɛnj tɔbana tɔ kɔwɔnj ka rábáy ra Kuru!
- 25** Átesoma-e pɔ tha yi ɔfɔy táy ta áyɔkɛmɛ tɔ kɛsɔnthɔs anjɛnjɛk nja aseni, pɛthasi wuni yola tɔ kɔwɔnj ka rábáy ra Kuru.
- 26** ɔwa njan nja tɛl ti anj pa, Kanɛ mɔn mɔ gbɛli kisi-e?
- 27** Kere kɔnɔ ɔ pa, Mâtáy ama thas anjɛsɔ nja afɛm mɔ thas he anjɛsɔ nja Kuru.
- 28** Ka Pita ɔ pa, Kɔla, sanj sɔ po tey eyɛt ɛ su bɛ, sɔ tánj mu.
- 29** kɔ pa ro njan, Tentɛnɛ i kanɛ nu kɔpa, wuni ɔ yi he ɔwe po tey aseth-o, urani-o, uwɔnt-o, nja kom kɔ-o, thalɔm awuth salata rábáy ra Kuru-e,
- 30** ɔwe mɔ te sotho ɔgbáthi ka anjɛlɔkɔ anjɛ yi anjɛsɛm thɔbana ka ádàru ara mɔ der.
- 31** kɔ gbasi anjɛfɔt njan, ɔ pa ro njan, Kɔla, sɔ kɔ ro Yerusalem, ɔwa mâtáy bɛ ama anjɛnabi anj gbal ta ɔWan uruni ka wuni mɔ tɔ lasɛr.
- 32** kotáy-e a tɔ lánki kɔ ka tábona tɔlɔm, ɔwa a tɔ sel kɔ, a tɔ yɔ kɔ ɔlɛs, a tɔ thufɛr kɔ,



- ³³añ tə sàpà kò rəkət, añ tə dif kò; ɔwa ka àñrey añà bekà məsas ɔ tə kál yokanɛ.
- ³⁴Kɛrɛ pə sək hɛ ña ta mātáy amɛ; àñpa aɲɛ añ maɲkɛ ña, añ sòthnɛ hɛ áte ɔ pa.
- ³⁵Ka pə re yi, mɔ mɔ fat ro Yɛriko-e, wuni fith ulóm ɔ yirà ro roɲ rayer, ɔ tə thola.
- ³⁶Ɔwa ma ɔ tɛlà áruniya ara thas-e, ɔ yif aɲkolo ñati.
- ³⁷kaɲ kanɛ kò kəpa Yisəs ɔwe ro Nasareth-e, kɔnɔ mɔ thas.
- ³⁸kò sel ɛrɔɲ, ɔ pa, Yisəs, munɔ wan ka Debid, ba mi àney.
- ³⁹Aɲfəm añà tɛmá rodi añ ñal kò kámá ɔ taɲk, kɛrɛ ɔ bār gbo sel ɛrɔɲ, Munɔ wan ka Debid, ba mi àney.
- ⁴⁰Ka Yisəsàɲ ɔ tɛmá, ɔ yamari kámá a kàrà kò ro ñɔɲ. Ɔwa ma ɔ po fat-e, ɔ yif kò,
- ⁴¹Ko mɔ yema i yɔna mu-e? Ɔ pa, Pa, kámá i sòtho kakəli kámi.
- ⁴²Ka Yisəsàɲ ɔ pa ro ñɔɲ, Sòtho kakəli ka mu. Kálanɛ ka mu kə po mu yenkəs.
- ⁴³Ka ɔlɛmp wati ɔ sòtho kakəli kɔɲ, kò taɲ kò rə kəthəkəs Kurɔɲ; ɔwa aɲfəm bɛ maɲ nənɔk ti-e, aɲ yikis Kuru.

Luk 19

- ¹kò wɔɲ ro Yɛriko, ɔ gbəkine kápet,
- ²ɔwa kəla, ulanɲba ri ɔwe a bont Sakios, ɔ yi rábomp ka aɲthoɲkla ɛfák, uyola wɔɲ.
- ³Ɔwa ɔ thens tə kənəɲk Yisəs kámá ɔ tǎrà kò, kɛrɛ ma ɔ yi ugbut-e, ɔ gbəli hɛ salata áruniya rəbana.
- ⁴kò gbuke rodi, ɔ gbep ñənt asikimɔr kámá ɔ nənɔk kò, kotáy-e ɔ tə thas ka aroɲ dati.
- ⁵Ma Yisəsàɲ ɔ bek ka ɔdɛr wati-e, ɔ kəli rokəm, ɔ pa ro ñɔɲ, Sakios, thor lɛmp, átesoma-e i ba kəyianɛ ro seth ka mu thonɔɲ,
- ⁶kò timɔnɛ tə kəthor, ɔ malanɛ kò yi məbɔnɛ.
- ⁷Ma aɲfəm aɲ nənɔk ti-e, ña bɛ aɲ fəfthənɛ aɲ pa, Ɔ po wɔɲ tə kəyianɛ rə wuni ka ehake.
- ⁸Sakios ɔ tɛmá ɔ pa ka ɔMarki, Pa, i gbai ɛyɛt ɛ mi ratɔɲ tə kəsɔɲ aɲfəm amɔnɛ. Bepi i po nɔy rəka rə wuni o wuni rə yaɲfa, i ti kala kò amólɔ mati manlɛ.
- ⁹Ka Yisəsàɲ ɔ pa ro ñɔɲ, Thonɔɲ kakisi kə po der ka aɲseth aɲɛ, kotáy-e kɔnɔ sɔ ɔ yi wan uruni ka Ebrahim.
- ¹⁰kotáy-e ɔWan ka wuni ɔ der tə kəthens yi tə kəkisis ñaɲ añà po dine.
- ¹¹Maɲ təl mātáy amɛ-e, Yisəs ɔ bār fəf alomɔ pəkasife ɔ po fat ro Yerusalem, kaɲ nane kəpa rábáy ra Kuru rə tə tɔrine ɔlɛmp wati.



- 12kɔ pa, Uyola ulɔm ɔ kɔ rɛ athɔf abara kámá ɔ sɔthɔ rɛbáy, ɔwa tɛ kɛkalanɛ.
- 13kɔ tela ɛbɔy yɔŋ tɔfɔt, ɔ sɔŋ ŋa ɛpɔn tɔfɔt, ɔ pa ro ŋaŋ, Sɛkinɛ nu haŋ i der.
- 14Kɛrɛ aŋkos ŋɔŋ adurɛ aŋ gbɛŋa kɔ, kaŋ som usom kɛdarɛŋ kɔŋ aŋ pa, Sɛ yema hɛ ɔwuni ɔwe ɔ gbɛka su.
- 15Ka pɛ rɛ yi, ma ɔ po sɔthɔ rɛbáy ɔ kálanɛ, ɔwa ɔ yamari kɛtela ɛbɔy aŋa ɔ po sɔŋ aŋkala kámá ɔ tɔrɔ ko mɛkanya aŋ sɔthɔ ka kasɛkinɛ.
- 16Ɔtɔtɔkɔ ɔ der kɔ pa, Pa, aŋpɔn a mu ŋin aŋ bɔrɛ ɛpɔn tɔfɔt.
- 17kɔ pa ro ŋɔŋ, Mɛ yɔ ɔfinɔ, munɔ aŋbɔy ufinɔ; pɛkasifɛ munɔ mɛ yi ubɔthi lanɛ ka ɔthan-e, gbɛka ka tɔpɛt tɔfɔt.
- 18Ɔwa, ɔwe beká ŋarɛŋ ɔ der, ɔ pa, Pa, aŋpɔn a mu ŋin aŋ bɔrɛ ɛpɔn tamath.
- 19kɔ pa ro ŋɔŋ, Munɔ sɔ, gbɛka tɔpɛt tamath.
- 20Ka ɔlɔm ɔ der, ɔ pa, Pa, kɛli aŋpɔn ŋin a mu aŋa i la koth, ɔwa i bɛnɛ rɛ agbasa,
- 21átesoma-e i nesa mu ma mɛ yi wuni bák rɛfɔr; mɛ gbasi ara mɛ te bot, mɛ rɔk ara mɛ te sak.
- 22kɔ pa ro ŋɔŋ, Ɔwa ka kásɛŋ ka mu gbɛŋ i ti gbɛk aŋpa a mu, munɔ aŋbɔy ulɛs. Mɛ tɔrɔ kɛpa i yi wuni bák rɛfɔr, i gbasi ara i te bot, i rɔk ara i te sak.
- 23To som mɛn mɛ te sɔŋ aŋkala a mi rɛ ɔbɛnɛ, kámá ma i der i gbɛli sɔthɔ ŋi yi kɛthɛksɛ-e?
- 24kɔ pa ro ŋaŋ aŋa tɛmá rayɛr, Nɔi kɔ nu aŋpɔn ŋin, ɔwa sɔŋ ŋi ka ɔwɔŋ ɔwe ba ɛpɔn tɔfɔt.
- 25Aŋ pa, Pa, ɔ ba ɛpɔn tɔfɔt.
- 26Ɔ wosa ŋa ɔ pa, I kanɛ nu, wuni o wuni ɔwe ba-e, a tɛ bɔr sɔŋ kɔ; kɛrɛ kɔnɔ ɔwe te ba-e a tɛ nɔy kɔ hali ara ɔ ba.
- 27Kɛrɛ aŋtheranɛ a mi aŋa te yema kámá i gbɛka ŋa, kárá ŋa nɔ, nɛ dif ŋa rodi kámi.
- 28Ma ɔ po fɔf áte, ɔ tɛmá kɛdi tɛ kɛkɔ ro Yerusalem.
- 29Ka pɛ rɛ yi ma ɔ fat ro Bɛthfeki yi ro Bɛthani-e, ka kateŋ a bont Ɔlif, ɔ som akarande ŋarɛŋ
- 30ɔ pa, Kɔnɛ nu ka kagbɔm áke lomane nu. Bɛpi nɛ wɔŋ ri-e, nɛ tɛ bɛp asofali ufɛth ukotɔr, ɔwe wuni o wuni ɔ te tha sa rensa. Sɛli kɔ nu, nɛ kárá kɔ anɔ.
- 31Bɛpi wuni o wuni ɔ yif nu, kɔyɛŋ nɛ sɛli kɔ-e, ya mɛ nɛ pa, ƆMariki ɔ yema kɔ.
- 32Ɔwa ŋaŋ aŋa ɔ som aŋ kɔnɛ, aŋ bɛp ti mɛ mɛ ɔ kanɛ ŋa.
- 33Ɔwa maŋ sɛli aŋsofali ufɛth-e, aŋfɛm aŋa ba kɔ aŋ yif ŋa, kɔyɛŋ mɛ nɛ sɛli aŋsofali ufɛth-e?



³⁴kaŋ pa, ɔMariki ɔ yema kɔ.

³⁵kaŋ kàrà kɔ ka Yisɔs; aŋ bot ásuma taŋ rokɔm ka aŋsofali ufeth kaŋ deŋ Yisɔsàŋ rokɔm.

³⁶ɔwa ma ɔ bɔ kɔ-e, aŋ rens ásuma taŋ ro roŋ.

³⁷Ma ɔ fat ro Yerusalem-e, ro aroŋ ara thor ka kateŋ ka ɔlif-e, áruniya be ra aŋkarande ŋɔŋ aŋ tɔp kɔyɔ mɛbɔne yi kɛthɔkɛs Kuru rɛ rim rɛbana salata mɔyɔs mɛkabane ama aŋ po nɛnk.

³⁸kaŋ pa, Ubáy uruba wɔŋ ɔwe mɛ der ka áŋes ŋa ɔMarki; mɛthɔfɛl ro riyana, ɔwa yiki rokɔm kɔm.

³⁹AŋFarisi alɔm kɛtɔŋ ka áruniya aŋ pa ro ŋɔŋ, Karmɔkɔ, ŋal aŋkarande a mu.

⁴⁰kɔ lasi ɔ pa ro ŋaŋ, I kanɛ nu, bepi aŋe aŋ taŋk-e, masar gbeŋ mɛ tɔ lak dim.

⁴¹ɔwa ma ɔ fat ɔ nɛnk kápet, ɔ bokɛr ki, ɔ pa,

⁴²O munɔ, bepi mɛ po tãrà naŋ ka áŋrey aŋe, mátáy ama yi ta mathɔfɛl ma mu! Kere ka-ake a maŋk ma ka efor ɛ mu.

⁴³Átesoma-e mɔrey mɛ tɔ derɔr mu, ma aŋtherane a mu aŋ tɔ gbɛtɔr kápet ákunk abana kámá roŋ o roŋ rɛ gbɛli he yi tɔ kɛwur.

⁴⁴Aŋ tɔ napanɛ mu ro thɔf yi aŋwuth a mu rokor ka mu. Aŋ tey he ásar ŋin rokɔm ka alɔm pɛkasife mɛ te he áŋlɔkɔ ŋa aŋkɔri a mu.

⁴⁵kɔ wɔŋ ka áŋseth ŋa Kuru ɔ tɔp kɛbál aŋa thila.

⁴⁶kɔ pa ro ŋaŋ, A po gbal kɔpa, Áŋseth a mi aŋ yi aseth ŋa kɛramne, kere naŋ nɔ po sɔki ŋi kɔyaŋka ka akey.

⁴⁷ɔwa ɔ thɔksa árey o rei ka áŋseth ŋa Kuru, kere aŋfode abana yi aŋkarmɔkɔ ŋa aŋthɔ, yi aŋkɛrbomp ka aŋfɛm aŋ thens tɔ kɛdif kɔ,

⁴⁸kere aŋ gbɛli he fir áte aŋ gbɛli yɔ, átesoma-e aŋfɛm be aŋ gbapsa kɔ, aŋ sua kɔ elɛns.

Luk 20

¹Ka pɛ re yi ka árey ŋin mɔ mɔ thɔksa aŋfɛm ka áŋseth ŋa Kuru, ɔ tɔri ŋa sɔ ákera kɛfɛnɔ ka Kuru-e, aŋfode-o, aŋkarmɔkɔ-o yi aŋbáki aŋ der ro ŋɔŋ,

²kaŋ pa ro ŋɔŋ, Tɔri su afɔsɔ areke mɔ mɔ yɔ mátáy ame, thalɔm kanɛ yi kɔn ɔwe sɔŋ mu aŋfɔsɔ aŋe-e?

³kɔ lasi ɔ pa ro ŋaŋ, Mineŋ sɔ i ti yif nu apa ŋin, ɔwa gbakia mi nu.

⁴Áŋbaftisɛm ŋa Yɔn aŋ wur ro riyana thalɔm ka afɛm-i?

⁵kaŋ fɔflane aŋ pa, Bepi sɔ pa, Ka áriyana-e, ɔ tɔ pa, To som mɛn nɔ te kɔ lane-e?



- ⁶Kere bepi sə pa, Ka afəm-e, aḡfəm be aḡ tə ləməs su məsar, átesoma-e aḡ lané kəpa Yónáḡ ɔ yi unabi.
- ⁷kaḡ lasi kəpa aḡ tɛ he ro aḡ wur.
- ⁸Ka Yisósáḡ ɔ pa, Mine sə i tóri he nu ko afósó mə i yó mátáy ame.
- ⁹kó təp tə kəfóf aḡlomó aḡe ka aḡfəm. Wuni lóm ɔ tɛp yet egbam rə kór, kó tey akór kati rə abáf, kó kóné ka athóf alóm ta alókó awoni.
- ¹⁰Ɔwa ka aḡlókó ḡa kapim məkomi ɔ som áböy ka aḡbáf kámá aḡ yer kó məkomi məlóm ma akór kati; kere aḡbáf aḡ sap kó, aḡ ter kó ɔ kálane kəte ba koko.
- ¹¹kó kál som áböy alóm; kónó sə aḡ sap kó, aḡ sambos kó, aḡ ter kó ɔ kálane kəte ba koko.
- ¹²kó kál som ɔwe beká asas, kaḡ yó kó ɔbaḡ, aḡ wuró kó.
- ¹³Ɔmariki ka akór ka eyet egbam ɔ pa, To mə i yó-e? I ti som ɔwan uruni kámi ubóthər; sǔthlóm aḡ tə wop kó yiki.
- ¹⁴Kere ma aḡbáf aḡ nənk kó-e, aḡ kó nəḡkané, aḡ pa, Ɔwe mə re ba akór-e, kónó ɔwe, maḡ dif kó nu, kámá sə sǔthó akəḡ.
- ¹⁵Ɔwa aḡ wuró kó ka akór ka eyet egbam, kaḡ dif kó. To ɔmarki ka akór ka eyet egbam mə yó ḡa-e?
- ¹⁶Ɔ tə der, ɔ tə dim aḡbáf aḡe, ɔ tə sǔḡ akór ka eyet egbam rə afəm alóm. Maḡ təl ti-e aḡ pa, Saki ti Kuru.
- ¹⁷kó kəli ḡa ɔ pa, Ko yi áte mən áta a gbal kəpa, Aḡsar aḡa aḡsál aḡ pensa, Ɔi gbeḡ, a kál səki ḡi rábomp ra aḡkoḡ-e?
- ¹⁸Wuni o wuni ɔwe mə fumpó ka aḡsar ḡati, ɔ tə simǔtha, kere wuni o wuni ɔwe mə aḡ fumpər-e, aḡ tə gbəm kó sər mə kəbof.
- ¹⁹Ɔwa aḡfode abana yi aḡkarmókó aḡ thens tə kəwop kó ka aḡlókó ḡati gbeḡ, kere aḡ nesa aḡfəm kotáy-e aḡ sǔthné kəpa ɔ fóf aḡlomó aḡe ta áta ḡaḡ.
- ²⁰kaḡ sǔth kó, ɔwa aḡ som atombəla aḡa yó mə afəm alompi kámá aḡ gbəli gbip tapa tǔḡ, kámá aḡ lánki kó ka aḡfósó ḡa ɔgbəka.
- ²¹kaḡ yif kó aḡ pa, Karmókó, sə tǔrǔ ti kəpa mə fóf ɔwa mə thəksa ɔlompi, mə yó he agbáy ka wuni o wuni, kere mə thəksa aroḡ ra Kuru tətəḡ.
- ²²Pə yi ɔlompi ta áta su tə kəsǔḡ efák ka Sisar-i, thalóm pə lomp he-i?
- ²³Kere ma ɔ tǔrǔ masóth ma ḡaḡ-e, ɔ pa ro ḡaḡ, To som nə gbóns mi-e?
- ²⁴Tóri mi nu akópo abana ḡin. Ko mábaláne-e, yi mágbal ma kané aḡ ba-e? kaḡ pa, Ama Sisar.



- 25kɔ pa ro ŋaŋ, Tiyāŋ sɔŋ Sisarāŋ eyet eye yi eya Sisar, ɔwa ka Kuru eyet eye yi eya Kuru.
- 26Aŋ gbəli he wop mapa mɔŋ rodi ka aŋfəm, kaŋ kabane aŋgbaki ŋɔŋ, kaŋ taŋk.
- 27ASadusi alɔm aŋ der ka Yisɔs, aŋa pensa kɔpa káyokane kɔ yi he. Kaŋ yif kɔ,
- 28Karmɔkɔ, Mosis ɔ gbal ta átá su, Bepi uwɔnt ka wuni ɔ fi-e, ɔ ba ubera kere ɔ ba he wan, ta ɔwɔnt kɔŋ ɔ nántá ɔrani kati, kámá ɔ koməs awuth ta ɔwɔnt kɔŋ.
- 29ɔwa aŋ la yi awɔnt támthəderəŋ. ɔtɔtɔkɔ ɔ nántá, kɔ fi kəte ba awuth.
- 30ɔwa beká ŋarəŋ sɔ;
- 31ka ɔwe beká asas-e ɔ nántá kɔ; ya pə taŋane, ŋa támthəderəŋaŋ aŋ fi aŋ tey he awuth.
- 32Kədarəŋ kati ɔbera sɔ ɔ fi.
- 33Tiyāŋ ka káyokane ka aŋfi-e, ɔrani ka kanə mə yi-e? Átesoma-e ŋa támthəderəŋ aŋ nántá kɔ.
- 34Ka Yisɔsāŋ ɔ pa ro ŋaŋ, Aŋwuth ŋa ádàru are aŋ nántá, ɔwa a baləs ŋa;
- 35kere aŋfəm aŋa yi abeki tə kəsɔthɔ ádàru araŋ yi káyokane ka aŋfi-e, aŋ nántá he, ɔwa a baləs he ŋa;
- 36átesoma-e aŋ gbəli he sɔ fi, aŋ yi mə aŋmáleka; aŋ yi awuth ŋa Kuru, maŋ yi aŋwuth ŋa káyokane ka rafi.
- 37Kere hali Mosisāŋ ɔ tɔri ta káyokane ka aŋfi ka ɔder ka aŋgbɔfɔŋ, ma ɔ tela ɔMarki ɔKuru ka Ebrahim, ɔKuru ka Aysakāŋ yi ɔKuru ka Yekɔb.
- 38ɔwa kɔnɔ ɔ yi he ɔKuru ka aŋfi, kere ɔka aŋkəli, átesoma-e aŋfəm be aŋ ŋesəm ro rɔŋɔŋ.
- 39Ka aŋkarmɔkɔ alɔm aŋ lasi kɔ aŋ pa, Karmɔkɔ, mə po fɔf ɔfinɔ.
- 40Kədarəŋ kati aŋ mintha he sɔ yif kɔ tày ɔ tày.
- 41kɔ pa ro ŋaŋ, To som aŋfəm aŋ pa ɔKrayst ɔ yi ɔWan ka Debid-e?
- 42Debidāŋ kɔŋ kɔnɔne ɔ pa ka aŋSams, ɔMariki ɔ pa ka ɔMarki kámi, Yirá ka káta kámi kədiɔ,
- 43Haŋ i yɔ aŋtherane a mu aŋgbeth ŋa átátək ta mu.
- 44Debidāŋ ɔ bont kɔ Mariki. ɔwa to mə kál yi ɔwan kɔŋ-e?
- 45ɔwa ka katəl ka aŋfəm be, ɔ pa ka aŋkarande ŋɔŋ,
- 46Pendaf nu aŋkarmɔkɔ aŋa fela tə kəkɔth rə suma təbɔli, ɔwa aŋa bɔthər ekori ka ɔder ɔthila, yi tawaŋ tətɔtɔkɔ ka eseth egbane, yi ɔder ɔtɔtɔkɔ ka emet.



⁴⁷ Añ læsær eseth ya añbora, ðwa rə kəkənthəsne añ ramne ðwoni. Añe añ tə tha səthə mətheri məbana.

Luk 21

¹ kə lafthe ð nənk añfəm ayola mə mə añ fak əboya yañ ka ðder əbene.

² kə nənk sə ubora uməne uləm mə mə fak ri awankəpə,

³ kə pa, I kanə nu tə tentene, əbora uməne ðwe ð po fak pəthasi ña be;

⁴ ətesoma-e añfəm añe añ səñ ka kaba ka ñañ kəbana, kere əbora ðwe-e, ka kapañ kəñ ð po səñ be ara ð ba.

⁵ Ma añfəm aləm añ fəf ta añseth ña Kuru, to a yesi ñi məsar məfinə yi əboya, ð pa,

⁶ Ta eyet eye eye nə nəñk-e, mərey mə tə der ma a te tey nə əsar ñin rokəm ka aləm, aña mə a te fak.

⁷ kañ yif kə, Karməkə, aləkə areke mətáy ame mə tə yəne-e? ðwa ko amisali ñə mə yi bepi añləkə ñati añ fat-e?

⁸ kə pa ro ñañ, Bot əmerà kámà a te nu yethəs, kotáy-e agbáthi añ tə der ka añes a mi, añ tə pa, Mine yi kənə, ðwa añləkə añ bek; te nu tən ña.

⁹ Kere ma nə təl ta tətım yi etotok-e, te nu nesa, ətesoma-e mətáy ame mə ba tə kəyi; kere əthalne ð tha bek he ras.

¹⁰ kə pa ro rəñañ, Abona añ tə yokar abona, rəbáy rə tə yokar rəbáy.

¹¹ Kəyer kəbana ka añthəf kə tə yi, dor yi tətı tətəpər; átáy təninis yi emisali ebana ε tə wur ka akuru.

¹² Kere yenka mətáy ame be mə yi, añ tə wop nu, añ tə səmpa nu, añ tə lánki nu ka eseth egbanə yi ka eseth etərənka, añ tə kárà nu rodi ka añbáy yi añgbəka salata añes a mi.

¹³ Añləkə a nu tə kəsəñ məseri ñi añe.

¹⁴ Tiyəñ bot ti ka emerà ε nu kámà nə te gbak əmerà ta átà mə nə gbaki,

¹⁵ ətesoma-e i ti səñ nu kəsəñ yi kətemp əke añtherane a nu be añ te gbəli pənsa ðwa añ te gbəli wosa.

¹⁶ Kere hali ñañ aña kom nu, yi añwənt a nu, yi añfəm a nu, yi añyathki a nu, añ tə sənd nu; ðwa a tə yə a dif aləm kətəñ ka nu.

¹⁷ ðwa afəm be añ tə gbəña nu ta salata mi.

¹⁸ Kere hali rəfon rin ra tabomp ta nu rə ba he kədine.

¹⁹ Nə tə bene eñesəm ε nu ka kamuyu ka nu.



- ²⁰Kere ma nɔ nɔnk sɔfa tɔ gbɔtɔr ro Yerusalem-e, nɔ tɔ tɔrɔ kɔpa kadine kati kɔ fat.
- ²¹Àŋlɔkɔ ŋati ŋaŋ aŋa yi ro Yudiya-e, ta aŋ gbukɛ ka tɔten; ŋaŋ aŋa yi ka kɔpet kati-e, ta aŋ wur, yi ŋaŋ aŋa yi ro gbaŋ ta aŋ te sɔ wɔŋ ri,
- ²²àtesoma-e ame mɔ yi mɔrey ma kakala, kɔmɔ mɔtɔy be ama a gbal mɔ po lasɔr.
- ²³Mɔne ro ŋaŋ aŋa yi ator yi ŋaŋ aŋa mɔ masɔr afɛth ka mɔrey mati! kotɔy-e asɔmpane abana aŋ tɔ yi ka àŋthɔf, yi rɔbaŋ ka aŋfɛm aŋe.
- ²⁴Ɔwa a tɔ fumpɔ ka àran ra aŋgbathɔ, a tɔ kera ŋa tendɛbira ka tɔbona be, ɔwa tɔbona tɔlɔm tɔ tɔ nas Yerusalem haŋ àŋlɔkɔ ŋa tɔbona tɔlɔm aŋ la.
- ²⁵Emisali ɛ tɔ yi ka aret, yi aŋof, yi ka atɔs; ɔwa ka àdɔru esoli yi ekethane ɛ tɔ yi ka tɔbona salata kɔbansɔ ka kɔbɔŋ yi emunkɔl.
- ²⁶Emerà ya aŋfɛm ɛ gbɔgbɔthà rɔ rɔnes yi kɔkɔlɔne ta mɔtɔy ama mɔ thorɔr àdɔru, àtesoma-e a tɔ yinŋktha ɛfɔsɔ ya àkuru.
- ²⁷Àŋlɔkɔ ŋati aŋ tɔ nɔnk ɔWan ka wuni ɔ der ka karɛnt rɔ afɔsɔ yi ayiki abana.
- ²⁸Kere bepi mɔtɔy ame mɔ tɔp kɔyɔne-e, lakthe nu, ɔwa ŋata tabomp ta nu, kotɔy-e kabani ka nu kɔ po fat.
- ²⁹kɔ fɔfɔne ŋa alomɔ, Kɔli nu aŋgbɔnɔ, yi ɛyint be;
- ³⁰bepi ɛ po put-e, nɔ tɔrɔ kɔpa rɔwok rɔfɛth rɔ po fat.
- ³¹Ya pɔ yi sɔ naŋ, ma nɔ nɔnk mɔtɔy ame mɔ yɔne, tɔrɔ ti nu kɔpa rɔbɔy ra Kuru rɔ po fat.
- ³²I kanɛ nu tentene, Rakomra are rɔ thas he haŋ mɔtɔy ame be mɔ po yɔne.
- ³³Àkuru yi àdɔru ɛ tɔ thas kere àsim ta mi tɔ thas he.
- ³⁴Botne nu emerà ɛ nu kɔmɔ amet, yi kɔtis, yi esoli ya àdɔru are ɛ te yɔ emerà ɛ nu ɛ fi, kɔmɔ àŋrey ŋati aŋ thorɔr nu kɔthena mɔ mɔgbɔt.
- ³⁵kotɔy-e, aŋ tɔ der mɔ mɔgbɔt ka ŋaŋ be aŋa yirɔ ka àdɔru.
- ³⁶Tiyàŋ kɔlene nu, ɔwa ramne nu lɔkɔ o lɔkɔ kɔmɔ nɔ yi abeki tɔ kɔfisɔ ka mɔtɔy ame be ama ba kɔyi, yi tɔ kɔtɔma rodi ka ɔWan ka wuni.
- ³⁷Ɔwa àrey o rei ɔ bɔ thɛksa ka àŋseth ŋa Kuru, ka tɔtɔk ɔ wur ɔ kɔne ka kateŋ a bont Ɔlif.
- ³⁸Ɔwa aŋfɛm be aŋ der ro ŋɔŋ bɔth bɔth ka àŋseth ŋa Kuru kɔmɔ aŋ tɔlɔ kɔ.

Luk 22

- ¹Ɔwa amet ma kɔbo kɔpaŋi ɛgbith mɔ fat, ama a bont kapaine.
- ²Ka aŋfode abana yi aŋkarmɔkɔ aŋ thens roŋ kɔmɔ aŋ dif kɔ, kere aŋ nesa aŋfɛm.



- ³Ka Sethani ɔ wɔŋ ka Yudas ɔwe a bont Iskariyɔt, ukin ka aŋtɔfɔt ɲarəŋ.
- ⁴kɔ kɔnɛ, ɔ nɛŋkanɛ yi aŋfode abana yi aŋkaptin kámá ɔ lánki kɔ ro ɲaŋ.
- ⁵Ka pə bɔnɛ ɲa, ɔwa aŋ lahiri tɛ kəsɔŋ kɔ akala.
- ⁶kɔ malanɛ, ɔwa ɔ thens roŋ tɛ kəlaŋkli kɔ ro rɔŋaŋ ma áruniya rə te bɛpər.
- ⁷Ka aŋrey ɲa kəbo kəpaŋi egbith aŋ bek, ma a fai kalɔmɛ kəfɛth ka kapainɛ.
- ⁸ɔwa Yisɔsáŋ ɔ som Pitaŋ yi Yɔnán, kɔ pa, Kɔnɛ nu nɔ bɛnɛnɛ ta átá su amet ma kapainɛ, kámá sɔ di.
- ⁹kaŋ pa ro rɔŋɔŋ, Reke mə yema kámá sɔ bɛnɛnɛ ti-e?
- ¹⁰kɔ pa, Ma nɔ wɔŋ ka kapet-e nɔ tɛ gbanɛ ulanŋba ɔwe sara akaro ka mánt. Tán kɔ ka aŋseth ro mə wɔŋ.
- ¹¹ɔwa pa ka ɔwe ba aŋseth, ɔkarmɔkɔ ɔ pa ro mu, ɔia aŋkonko ro mə i di amet ma kapainɛ yi aŋkarande a mi-i?
- ¹²ɔwa ɔ tɛ tɔri nu ákonko abana rokɔm aŋa ba yet bɛ; rə mə nɔ bɛnɛnɛ.
- ¹³ɔwa aŋ kɔnɛ, aŋ bɛp ti mə mə kanɛ ɲa, ka aŋ bɛnɛnɛ amet ma kapainɛ.
- ¹⁴ɔwa ma aŋlɔkɔ aŋ po bek-e, ɔ yirá yi aŋsom ɲɔŋ tɔfɔt ɲarəŋ tɛ kədi.
- ¹⁵kɔ pa ro ɲaŋ, Tɛ tentɛnɛ i po ba afela abana tɛ kədi amet ma kapainɛ ame yi naŋ yɛŋka i nakasi,
- ¹⁶kotáy-e i kanɛ nu i ba hɛ tɛ kədi ɲi sɔ haŋ a po lasɛr ɲi ka rábáy ra Kuru.
- ¹⁷kɔ nɔy ampɔthi, ɔwa ma ɔ po muti məmɔ-e, ɔ pa, Gbasi ame, nɔ yerəs ma kətɔŋ ka nu,
- ¹⁸átesoma-e i kanɛ nu, i ba hɛ sɔ kɔmun ka mákomi ma ralek haŋ rábáy ra Kuru rə bek.
- ¹⁹kɔ gbasi kabo, ɔwa ma ɔ po muti məmɔ-e, ɔ sim ki, ɔ sɔŋ ɲa, kɔ pa, Ake kɔ yi aŋdɛr a mi aŋa a sɔŋ ta átá nu. Yɔ áte rə kɛnanɛ mi.
- ²⁰Maŋ po di-e ɔ gbasi ampɔthi, ɔ pa, Ampɔthi aŋe aŋ yi aŋlemrane afu ka mátir ma mi, ama a loŋ ta átá nu.
- ²¹Kɛrɛ kəla, káta ka kɔnɔ ɔwe mə sɔnd mi kɔ yi ro mi ka aŋthebəl.
- ²²Tentɛnɛ ɔWan ka wuni ɔ kɔnɛ mə mə a po gbək ti, kɛrɛ mɔnɛ ka ɔwuni kati ɔwe mə sɔnd kɔ!
- ²³kaŋ tɔp kəyifəthane kətɔŋ ka ɲaŋ, Kanɛ ba kɛrɛ yɔ átáy áte-e?
- ²⁴ɔwa agbal sɔ aŋ yi kətɔŋ ka ɲaŋ ta ɔwe mə yi ɔbana thɔŋ bɛ.



- 25kɔ pa ro rɔŋaŋ, aŋbáy ɲa tábona tɛlɔm aŋ tɛ gbɛka ɲa, ɔwa ɲaŋ aŋa mɛ gbɛka ɲa a bont ɲa afɛm ayɔ ɔfinɔ.
- 26Kɛrɛ te nu yi yaŋ. Kɔnɔ ɔwe mɛ yi ubana kɛtɔŋ ka nu-e, ta ɔ yi mɔ ufɛth; ɔwa kɔnɔ ɔwe yi rábomp, ta ɔ yi mɔ ɔwe mɛ yɔna.
- 27kotáy-e, kanɛ tha yi ubana-e, kɔnɔ ɔwe mɛ yirá tɛ kɛdi-e, thalɔm kɔnɔ ɔwe mɛ yɔna kɔ-e? Pɛ yi hɛ kɔnɔ ɔwe yirá tɛ kɛdi-e? Kɛrɛ mine i yi kɛtɔŋ ka nu mɔ ɔwe mɛ yɔna.
- 28Kɛrɛ naŋ nɛ yi ɲaŋ aŋ tiyá yi mine ka egbɔnsanɛ ɛ mi,
- 29ɔwa i ti sɔŋ nu rábáy mɔ mɔ ɔKas kámi ɔ sɔŋ mi,
- 30kámá nɛ gbɛli di, ɔwa nɛ mun ka aŋthebɛl a mi ka rábáy ra mi. ɔwa nɛ tɛ yirá rɛ tawaŋ ta rɛbáy, nɛ tɛ thonkas ɛbɔnsɔŋ tɔfɔt yerɔŋ ya Isrɛl.
- 31Saymɔn, Saymɔn, Sethani ɔ yema ba mu kámá ɔ fɛk mu mɔ pɛla,
- 32kɛrɛ i po ramne ta átá mu kámá kálanɛ ka mu kɛ te ranta. ɔwa ma mɛ po lafthe-e, báksɛr aŋwɔnt a mu.
- 33kɔ pa ro rɔŋɔŋ, Pa, i po benɛnɛ tɛ kɛpaya mu ka aŋseth ɲa tɛrɔŋka yi ka rɛfi.
- 34kɔ pa, Pita, i kanɛ mu, katɛpi ɔ tam hɛ thonɔŋ haŋ mɛ po pensa mɛsas kɛpa mɛ tɛ hɛ mi.
- 35kɔ pa ro ɲaŋ, Ma i som nu nɛ te ba abuthu, thalɔm agbaŋfa, thalɔm ɛkɔftha-e, nɛ paŋ rɛka-i? Ka aŋ lasi, Hali.
- 36kɔ pa ro ɲaŋ, Kɛrɛ ka-ake, kɔnɔ ɔwe ba abuthu, ta ɔ kera ɲi, yi agbaŋfa sɔ; ɔwa kɔnɔ ɔwe te ba agbathɔ, ta ɔ thila aruma rɔŋ, kámá ɔ wai ɲin.
- 37kotáy-e i kanɛ nu kɛpa, áte átá a gbal-e, a ba kɛlasɛr ti ro rɔmi kɛpa, ɔwa, a kuluŋ kɔ yi aŋfɛm alɛs; kotáy-e áte a po pa ta átá mi-e, tɛ ba kɛgbenthis.
- 38kaŋ pa, Pa, kɛla, ɛgbathɔ yerɔŋ ɛ yi nɔ. Kɔ pa, ɔwa ɔbeki.
- 39kɔ wur, ɔ kɔnɛ ka kateŋ ka ɔlif mɔ mɔ sa yɔ, ka aŋkarande ɲɔŋ aŋ paya kɔ.
- 40ɔwa ma ɔ bek ka ɔder-e, ɔ pa ro rɔŋaŋ, Ramne kámá nɛ te wɔŋ rɛ táy tɛgbɔns.
- 41kɔ bɔláne ɲa mɔlɔ ma kɛlɔm ásar, ɔ sɔ tɔwu, ɔ ramne,
- 42ɔ pa, Pa, bepi mɛ selɔ-e, tɔŋa ampɔthi aŋe ro mi, kɛrɛ ta pɛ te yi máselɔ ma mi, kɛrɛ ama mu mɛ yɔnɛ.
- 43ɔwa wurɔ kɛwur ro riyana ɔ der ro rɔŋɔŋ, ɔ bákɛs kɔ mɛder.
- 44ɔwa ma ɔ yi ka anakasi abana-e ɔ ramne thuŋ, ɔwa máranɛ mɔŋ mɛ path mɛ ɛbálɛk ya mátir mɛ fumpɔ ro thɔf.
- 45Ma ɔ yokanɛ ka karamne kɔŋ-e, ɔ kɔ ka aŋkarande ɲɔŋ, kɔ bɛp ɲa aŋ dirá ta ɔnɔsine.



- 46kɔ pa ro ɲaɲ, kɔyɛɲ nɛ dirá-e? Yokanɛ nu nɛ ramnɛ kámá nɛ te wɔɲ rɛ táy ta mɛgbɔns.
- 47Mɔ mɔ fɔf ras-e, kɔla, runiya rɛ der, ɔwa, ɔwe a bont Yudasán, ukin ka aɲtɔfɔt ɲarɛɲ ɔ tɛmá ɲa kɔdi, kɔ fatɔr Yisɔsán tɛ kɛmumɛl kɔ.
- 48Kɛrɛ Yisɔsán ɔ pa ro ɲɔɲ, Yudas, mɛ sɔnd ɔWan ka wuni yi kɛmumɛl-i?
- 49Ma aɲkarande ɲɔɲ aɲ nɛnk áte mɛ yɔnɛ-e, aɲ pa ro ɲɔɲ, Pa, sɛ tapa aɲgbathɔ-i?
- 50Ka ukin ka ɲaɲ ɔ tap aɲbɔy ɲa ɔfode ubana, kɔ gbɛk aɲlɛns ɲɔɲ ádiyɔ.
- 51Ka Yisɔsán ɔ pa, ɔbeki thɔɲ. Kɔ gboɲ aɲlɛns ɲɔɲ, ɔ yenkɛs kɔ.
- 52Ka Yisɔsán ɔ pa ka aɲkɛrbomp ta aɲfode yi aɲkaptin ka aɲseth ɲa Kuru, yi aɲbáki aɲa der ro ɲɔɲ, Nɛ der mɔ nɛ re táɲ ukei, yi ɛgbathɔ yi tɛgbɛɲgbɛɲ-i?
- 53Ma i yi ro rɔnu árey o rei ka aɲseth ɲa Kuru-e, nɛ thanthi hɛ máta ma nu tɛ kɔwop mi. Kɛrɛ aɲlɔkɔ a nu ɲi aɲɛ yi aɲfɔsɔ ɲa aɲsum.
- 54kaɲ wop kɔ, aɲ kera kɔ ka aɲseth ɲa ɔfode ubana, kɛrɛ Pitaɲ ɔ táɲ kɔ ɔbɔli pɔɲ.
- 55ɔwa maɲ po tɔlɛr nánt rokaɲ ratɔɲ-e, ɲa bɛ aɲ yirá ri, ɔwa Pita ɔ yirá kɔtɔɲ ka ɲaɲ.
- 56Ka ábɔy ubera ulɔm ɔ nɛnk kɔ mɔ mɔ yirá ka anant rayer, ɔ kɛli kɔ tɔɲ, kɔ pa, ɔlaɲgba ɔwe sɔ ɔ la yi yi kɔnɔ.
- 57Pitaɲ ɔ pɛnsa ɔ pa, Wath bera i tɛ hɛ kɔ.
- 58ɔwa pɛ won hɛ ulɔm ɔ kál nɛnk kɔ, ɔ pa, Munɔ sɔ mɛ yi ukin ka ɲaɲ. Pitaɲ ɔ pa, Wan, min thahɔ.
- 59Kɔdarɛɲ kati pɛ tɔp gbo won ɔthan-e, ulɔm ɔ báksɛr ti, ɔ pa, Ka tɔtɛɲ ɔlaɲgba ɔwe sɔ ɔ la yi yi kɔnɔ, kotáy-e uKalili wɔɲ.
- 60ɔwa Pitaɲ ɔ pa, Mbɔ, i tɛ hɛ áte mɛ pa. Ka ɔlɛmp wati mɔ mɔ fɔf-e, katɔpi ɔ tam.
- 61Ka ɔMarki ɔ fɔlɛ, ɔ kɛli Pitaɲ. ɔwa Pita ɔ kala ámerá ka árim ra ɔMarki ma ɔ pa ro rɔɲɔɲ, Yɛɲka katɔpi ɔ tam thonɔɲ mɛ tɛ pɛnsa mi mɛsas.
- 62kɔ wur, ɔ bok ɔbaɲ.
- 63Ka aɲlaɲgba aɲa wop Yisɔsán aɲ sel kɔ, ɔwa aɲ gbantha kɔ.
- 64ɔwa maɲ po gbɛpɛr ɛfɔr yɔɲ-e, aɲ gbantha kɔ ro der, aɲ pa, Tɔri su ba, kanɛ gbantha mu-e?
- 65ɔwa táy tɛgbáthi tɔlɔm tɛ aɲ fɔf ta atɔɲ tɛ kɛsambos kɔ.
- 66ɔwa ma pɛ sɔk-e, aɲgbanɛ ɲa aɲbáki ɲa aɲfɛm aɲ thonklane rɔkin, aɲfode abana-o yi aɲkarmɔkɔ, ka aɲ kera kɔ ka aɲnɔɲkanɛ ɲaɲ, aɲ pa,
- 67Bepi munɔ mɛ yi ɔKraist-e, kanɛ su. Kɛrɛ kɔnɔ ɔ pa ro ɲaɲ, Bepi i kanɛ nu-e nɛ lane hɛ.



⁶⁸Ɔwa bepi i yif nu-e, nə selɔ he tɔ kɛgbakia mi.

⁶⁹Kere kɛtɔp ka ɔnlɔkɔ aɲe ɔWan ka wuni ɔ tɔ yirɔ ka kɔta kɛdiɔ ka aɲfɔsɔ ɲa Kuru.

⁷⁰Ka ɲa be aɲ pa, Mɔ yi hɔ ɔWan ka Kuru-i? kɔ pa ro rɔɲaɲ, Pɔ yi mɔ mɔ nə pa-e, minɛɲ.

⁷¹kaɲ pa, Ko məseri məlɔm sɔ mɔ sɔ yema-e? Ɔtesoma-e saɲ sɔ po tɔl ka kɔsɔɲ kɔɲ gbeɲ.

Luk 23

¹Ɔruniya be rɔ yokanɛ, rɔ kera kɔ ka Paylet.

²kaɲ tɔp kɛgbanthir kɔ, aɲ pa, Sɔ bɔp ɔwuni ɔwe ɔ yethɔs ɔɲbona a su, ɔwa ɔ bent aɲfɔm tɔ kɔsɔɲ ɛfɔk ka Sisar, kɔ pa kɔn kɔnɔnɛ ɔ yi ɔKrayst ɔbɔy.

³Ka Paylet ɔ yif kɔ, ɔ pa, Munɔ yi ɔbɔy ka aɲYuda-i? kɔ wosɔnɛ kɔ ɔ pa, Mɔ po thɔ pa ti.

⁴Paylet ɔ pa ka aɲfode abana yi ka aɲfɔm, I fir he atheke ka ɔlaɲgba ɔwe.

⁵Kere aɲ bɔsɔr gbanthir kɔ aɲ pa, Ɔ thayos aɲfɔm mɔ mɔ thɔksa ro Yudia be, kɛtɔp ro Kalili haɲ ka ɔder ɔwe.

⁶Ma Paylet ɔ tɔl ɔte-e, ɔ yif bepi ɔlaɲgba ɔ yi uKalili.

⁷Ɔwa ma ɔ tɔrɔ kɔpa ɔ yi ka aɲfɔsɔ ɲa Herɔdɔn, ɔ somra kɔ ka Herɔd, pɔkasife ɔ yi ro Yerusalem ka ɔnlɔkɔ ɲati.

⁸Ɔwa ma Herɔd ɔ nɔnk Yisɔsɔn, pɔ bɔnɛ kɔ ɔthasɔr, kotɔy-e ɔwoni thɔɲ ɔ fela tɔ kɔnɔɲk kɔ, pɔkasife ɔ po tɔl tɔy tɔgbɔthi ta atɔɲ. Ɔwa ɔ yema naɲ tɔ kɔnɔɲk kɔ ɔ yɔ tɔy tɔkabanɛ.

⁹kɔ yifɔth kɔ ɛpa ɛgbathi, kere ɔ lasianɛ he kɔ.

¹⁰Aɲfode abana yi aɲkarmɔkɔ aɲ tɔmɔ, aɲ gbanthir kɔ yi kagbɔli ka ɲaɲ be.

¹¹Ka Herɔd yi aɲtim ɲɔɲ aɲ sai kɔ, aɲ sel kɔ, ka aɲ wɔns kɔ ruma rɔkabanɛ, kaɲ kala kɔ ka Paylet.

¹²Ɔwa ka aɲrey ɲati gbeɲ Paylet yi Herɔdɔn aɲ manɛ, ɔtesoma-e mɔputhanɛ mɔ sa yi kɔtɔɲ ka ɲaɲ.

¹³Ka Paylet ɔ thɔɲkla aɲfode abana, yi aɲgbɔka, yi aɲfɔm der rɔkin,

¹⁴kɔ pa ro ɲaɲ, Nɔ po kɔrɔ mi ɔlaɲgba ɔwe mɔ wuni ɔwe yethɔs aɲfɔm; ɔwa kɔla, ma i gbeɲgbeɲ kɔ rodi ka nu-e, i fir he ro rɔɲɔɲ mɔtɔy mɔwunɔɲ ama nə gbanthir kɔ.

¹⁵Hali ras Herɔdɔn, ɔtesoma-e ɔ kɔl somra su kɔ. Ɔwa kɔla, ɔ yɔ he tɔy ɔtɔ mɔ bek tɔ kɔsɔthɔ rɔfi.

¹⁶Tiyɔn i ti sap kɔ, ɔwa i ti ter kɔ.



- 17(kotáy-e ɔ ba tɛ kɛtɛra ŋa ukin ka amet.)
- 18Kɛrɛ ŋa bɛ aŋ sɔŋkɔ yawin-ɛŋ, aŋ pa, Tɔŋa ɔlaŋgba ɔwe, ɔwa tera su Barabasɔŋ,
- 19(ɔwe a bot ka aŋseth ŋa tɛrɛŋka ta kafak atotok ka kɔpɛt, dɛ yi ta kadif wuni kɛsias).
- 20ɔwa Paylet ɔ fɔfɛnɛ ŋa sɔ pɛkasifɛ ɔ fɛla tɛ kɛtɛr Yisɔsɔŋ.
- 21Kɛrɛ aŋ bɔr sɔŋkɔ aŋ pa, Tɔŋ tɔŋ kɔ ka akɛnt kɛrɛŋkɛnɛ.
- 22kɔ pa ro rɔŋaŋ aŋlɔkɔ aŋa bɛkɔ mɛsas, kɔyɛŋ, kɔ mɛlɛs ɔlaŋgba ɔwe mɔ yɔ-e? I fir hɛ akolo abeki dif kɔ; tiyɔŋ i ti sap kɔ, ɔwa i ti ter kɔ.
- 23Kɛrɛ aŋ kat kɛnapɪ yi sim tɛbɔli rɛkɔm aŋ yif kɔmɔ a tɔŋ kɔ ka akɛnt kɛrɛŋkɛnɛ. ɔwa tapa taŋ tɛ wɔpɛ.
- 24Ka Paylet ɔ yamari kɔmɔ aŋ yɔ mɔ mɔ aŋ yema.
- 25kɔ ter kɔnɔ ɔwe a bot ka aŋseth ŋa tɛrɛŋka salata kafak atotok yi kadif wuni kɛsias, ɔwe aŋ yema; kɛrɛ ɔ lɔnki Yisɔs ka mayema maŋ.
- 26ɔwa maŋ wurɔ kɔ-e, aŋ wɔp wuni, Saymɔnɔŋ ka ro Sirini, ɔ bɔ wur ro gbaŋ, kaŋ dɛŋ kɔ akɛnt kɛrɛŋkɛnɛ kɔmɔ ɔ gbane ki rodarɛŋ ka Yisɔs.
- 27ɔwa, runiya rɛbana rɛ tɔŋ kɔ yi aŋfɛm abɔm aŋa bok ta atɔŋ.
- 28Kɛrɛ Yisɔsɔŋ ɔ fɛlɛ ro ŋaŋ, ɔ pa, Awuth abɛra ŋa Yerusalem, te nu bok ta ɔtɔ mi, bok nu ta ɔtɔ nu yi aŋwuth a nu.
- 29kotáy-e mɔrɛy mɔ tɛ der ma a tɛ pa-e, Aŋkɔŋfɛrɛŋ aŋ yi aruba, yi ator ɔtɔ te kom, yi ɔmɔsɔ ɔmɛ te mɔsɛr awuth.
- 30Aŋlɔkɔ ŋati aŋ tɛ tɔp kɛpa ka tɔtɛŋ tɛbana, Fumpɛr su; yi ka tɔtɛŋ tɛlɔl, Gbɛpsɛr su.
- 31Atesoma-e bɛpi aŋ yɔ mɔtɔy amɛ ka aŋɛnt akɛli-e, to mɔ pɛ yi ka aŋɛnt awosi-e?
- 32Aŋ ba sɔ afɛm alɛs ŋarɛŋ aŋa a kɛra tɛ kɛdif yi kɔnɔ.
- 33ɔwa maŋ bɛk ka ɔdɛr ro a bont aŋgbɛŋkɛt-e, rɛ a tɔŋ kɔ ka akɛnt kɛrɛŋkɛnɛ, ɔwa aŋfɛm alɛs ŋarɛŋ, ukin ka kɔdiyɔ, ɔlɔm ka kɔmɛrɔ.
- 34Ka Yisɔsɔŋ ɔ pa, ɔKas kɔmi, tera ŋa atesoma-e aŋ tɛ hɛ ɔtɛ mɔ aŋ yɔ. Kaŋ fak mɛthɛŋ ta ɔsuma tɔŋ.
- 35Aŋfɛm aŋ tɛmɔ aŋ tɛ kɛli. ɔwa aŋgbɛka sɔ aŋ sel kɔ, aŋ pa, ɔ kisis afɛm alɔm; ta ɔ kisisnɛ bɛpi kɔnɔ yi ɔKrayst ka Kuru-e, ɔthith kɔŋ.
- 36Antim sɔ aŋ sel kɔ; maŋ der ro ŋɔŋ aŋ yema sɔŋ kɔ afinika,
- 37aŋ pa, Bɛpi mɔ yi ɔbɔy kaŋ Yuda-e, kisisnɛ.
- 38ɔwa a gbak mɛgbal rokɔm kɔŋ kɛpa, ɔWE ɔ YI ɔBɔY KA AɔYUDA.



- 39 Ɔwa ukin ka aɲlɛs ɲarəŋ aɲa a gbak ɔ nal kɔ, ɔ pa, Bepi mə yi ɔKraist-e, kisisnɛ de yi saɲ sɔ.
- 40 Kɛrɛ ɔlɔm ɔ ɲal kɔ, ɔ pa, Mə nesa hɛ Kuru-i, ma mə nɛnk kɛpa mə yi ka matheke mati gbeɲ-i?
- 41 Ɔwa pə yi ɔlɔmpi tɔ kəthalɛr su ɔtesoma-e saɲ sɔ sothɔ ɔɲrɔm ɲa məyɔs ma su, kɛrɛ ɔlaɲgba ɔwe ɔ yɔ hɛ tɔy ɔ tɔy tɔlɛs.
- 42 kɔ pa, Yisɔs, Nanɛ mi ma mə bek ka rɔbɔy ra mu.
- 43 kɔ pa ro ɲɔɲ, Tentɛnɛ i kanɛ mu, thonɔɲ mə tɔ yi yi minɛɲ ka ɔdɛr ɔthɔfɔl wa Kuru.
- 44 Ɔwa pə yi mɔlɔ ma kagbat tamthərugin ka aɲgbeleɲ, ka asum abana aɲ thor ka ɔɲthɔf bɛ haɲ ka ɔɲlɔkɔ ɲa kagbat tɔmthərəɲanlɛ ka aɲgbeleɲ.
- 45 Aret rɔ biyɔ, ka ɔɲkunkla ɲa ɔɲseth ɲa Kuru aɲ gbaya ratɔɲ.
- 46 Ka Yisɔsɔɲ ɔ sel ɛrɔɲ yi rim rɔbɔli rɔkɔm, ɔ pa, Kas ka mi-e, ka mɔta ma mu i lɔnki aɲesəm a mi. Ma ɔ po pa ɔte-e, ɔ ternɛ.
- 47 Ɔwa ma ɔkaptin ɔ nɛnk ɔte po yɔnɛ-e, ɔ thɔkɔs Kuru, ɔ pa, Tentɛnɛ ɔwe-e, wuni lɔmpi wɔɲ.
- 48 Ka ɔsuniya bɛ ɔtɔ thɔɲklanɛ tɔ kɔnɔɲk ɔte-e ma aɲ nɛnk mɔtɔy ama po yɔnɛ-e, aɲ kɔlanɛ yi kɔtɔɲ ɛkɔpɔt yaɲ.
- 49 Aɲyathki ɲɔɲ bɛ yi aɲfɔm abom aɲa tɔɲ kɔ kɔwɔr ro Kalili, aɲ tɔmɔ ɔbɔli pɔɲ, aɲ kɔli mɔtɔy amɛ.
- 50 Ɔwa kɔla, ulaɲgba a bont Yosɛf-ɔɲ, ukin ka aɲgbonli, wuni finɔ wɔɲ, ɔwa ulɔmpi,
- 51 (kɔnɔɲ ɔ kasa hɛ ka ɔɲpa yi mayɔ maɲɔɲ), wuni ka ro Arimathia, kɔpɛt ka ro Yuda, ɔwe mə kar rɔbɔy ra Kuru.
- 52 Ɔthem ɔwe ɔ kɔnɛ ka Payletɔɲ, ɔ thola kabel ka Yisɔs.
- 53 kɔ thora kɔ, ɔ rapɛr kɔ rɔ kotha kɔfɛra, ɔ bot kɔ rɔ apali aɲa a lol rɔ ɔsar ro a te tha la bot wuni.
- 54 Ka pə yi ɔɲrɛy ɲa kabɛnɛnɛ, ɔwa aɲsabath aɲ fat.
- 55 Aɲfɔm abom aɲa paya kɔ kɔwɔr ro Kalili-e, aɲ tɔɲ rodarɔɲ, aɲ kɔli ɔɲpali, yi to a bot kabel kɔɲ.
- 56 kaɲ kɔlanɛ, aɲ bɛnɛnɛ ɛyɛt ɛfɔlfɔl yi mɔro mɔsɔpa. Ɔwa ka aɲsabath-e aɲ fothanɛ mɔ mə aɲyamari aɲ pa.

Luk 24

- 1 Ɔwa ka ɔɲrɛy ɔtɔtɔkɔ ɲa ɔɲyik, ma pə yema sɔk-e, aɲfɔm abom aɲ der ka ɔɲpali, aɲ kɔrɔ ɛyɛt ɛfɔlfɔl ɛyɛ aɲ po bɛnɛnɛ.



- ²kaŋ bəp a po bənkli aŋsar kəwur ka aŋpáli.
- ³Maŋ wəŋ ri-e, aŋ bəp hɛ kabel ka ɔMarki Yisəs.
- ⁴Ka pə re yi-e, ma pə səkane ŋa ta ti-e, kəla afəm aruni ŋarəŋ aŋ tɔmá rayɛr ka ŋaŋ rə suma tɔgbentha.
- ⁵Ɔwa ma rənes rə wop ŋa-e aŋ saŋ aser taŋ ro thɔf, aŋ pa ro ŋaŋ, To som mə nə thens ɔkəli kətəŋ ka aŋfi-e?
- ⁶Ɔ yi hɛ nə, ɔ po yokane. Kala nu emərə ta áte ɔ kane nu ma ɔ yi ras ro Kalili,
- ⁷kəpa a ba kəlaŋkli ɔWan ka wuni ka mática ma aŋfəm aləs, a tɔ tɔŋ kɔ ka akənt kəpəŋkine, ɔwa ɔ tɔ kál yokane ka aŋrey aŋa beká məsas.
- ⁸kaŋ kala emərə ka ásim təŋ,
- ⁹ɔwa aŋ kálane kəwur ka aŋpáli, aŋ kane mática ame be ka aŋkarande tɔfɔt ukin yi ka aŋlɔm be.
- ¹⁰Ɔwa aŋ yi Meri ɔwe ro Makdala, Yoana, yi Meri ɔkara ka Yeməs; ŋaŋ yi aŋfəm abom alɔm aŋ kane mática ame ka aŋsom.
- ¹¹Ɔwa aŋ nənɔk ásim áte mə məgbati; aŋ lane hɛ ti.
- ¹²Ka Pita ɔ yokane, ɔ gbukɛ, ɔ bálər aŋpáli. Kɔ sane ɔ kəli rokor, ɔ nənɔk atotha tɔfɛra tɔ fənthá thɔkɔ, kɔ kálane, ɔ kabane ta áte po yɔne.
- ¹³Ɔwa kəla, ka aŋrey ŋati gbəŋ afəm ŋarəŋ aŋ bɔ kɔ rə kəgbɔm a bont ki Emeus, kə yi email támthəderəŋ kəwur ro Yerusalem.
- ¹⁴Aŋ fɔfáne ta mática ame ama po yɔne.
- ¹⁵Ka pə re yi, mə mə aŋ fɔfáne-e, ɔwa aŋ yifəthane-e, Yisəsəŋ, kən kənɔne ɔ fat ŋa.
- ¹⁶Kere a wop ɛfɔr yaŋ kámá aŋ te tára kɔ.
- ¹⁷kɔ pa ro ŋəŋ, Ko məfɔf maŋ ama nə ba ukin yi ulɔm mə mə nə kɔth-e? kaŋ tɔmá son, aŋ kəli ɔnɔsine.
- ¹⁸Ka ukin ka ŋaŋ ɔwe a bont Kleopasəŋ, ɔ lasia kɔ, ɔ pa, Mun utik ro Yerusalem-i? Mə tɛ hɛ áte po yɔne ri ka mərəy ame-i?
- ¹⁹Ɔ pa ro ŋaŋ, Ko tai-e? kaŋ pa ro ŋəŋ, Mática salata Yisəs ɔwe ro Nasareth, ɔwe la yi unabi uba afɔsɔ ka məyɔs yi tɔfɔf rodi ka Kuru yi ka aŋfəm be:
- ²⁰Ɔwa aŋfode abana yi aŋgbəka a su aŋ lánki kɔ kámá a dif kɔ, ɔwa a po tɔŋ kɔ ka akənt kəpəŋkine.
- ²¹Kere saŋ sɔ gbak ámerá naŋ kəpa kənɔ yi ɔwe mə bani Isrəl, ɔwa ma pə thas ri-e, aŋe ŋə yi aŋrey aŋa beká məsas kábi ma mática ame mə po yɔne.



- 22Ma pə kál thas ri-e, afəm abom alóm ka aɲniŋki a su aɲ yɔ su sə kabanɛ. Maɲ bɔra kɔnɛ ka aɲpáli-e,
- 23maɲ te nɔnk kabel kɔɲ-e, aɲ der, aɲ pa aɲ po nɔnk amaleka rə mənɔɲk aɲa pa ɔ yi ukəli.
- 24Ɔwa aɲfəm a su alóm aɲ kɔnɛ ka aɲpáli, kaɲ bəp ti mɔ mə aɲfəm abom aɲ pa, kɛrɛ aɲ nɔnk hɛ kɔ.
- 25Ka Yisɔs ɔ pa ro rɔɲaɲ, O naɲ apɔnk, nə ba ɛmerá ɛlɛl tɔ kəlɛnɛ bɛ áte aɲnabi aɲ po pa.
- 26ƆKrayst ɔ mar hɛ tɔ kɔnakasi mătáy ame dɛ yi tɔ kəwɔɲ ka aɲyiki ɲɔɲ-i?
- 27Ɔwa, kətɔp ka Mosis yi aɲnabi bɛ, ɔ sɔkəs ɛmerá yaɲ ka mágbal bɛ ama a gbal ta atɔɲ.
- 28Maɲ fatɔr ka aɲgbɔm ro mə aɲ kɔ-e, Yisɔs ɔ yɔ mə ɔ yema thas rodi
- 29kɛrɛ aɲ thɔnthɔ kɔ, aɲ pa, Yirá ras ro rɔsu, átesoma-e aɲsum aɲ yema wɔɲ, ɔwa aɲrey aɲ bora kɔpɔɲ. Kɔ wɔɲ tɔ kəyianɛ yi ɲaɲ.
- 30Ka pə re yi ma ɔ yirá yi ɲaɲ tɔ kədi-e, ɔ gbasi kəbo, ɔ ruba ki, ɔ sim ki, kɔ yerəs ɲa.
- 31Ka a kanthi ɛfɔr yaɲ, kaɲ tără kɔ; kɛrɛ ɔ dinɛ ɲa.
- 32kaɲ pa ukin ka ɔlóm, Tabuth ta su tɔ mara hɛ rokor kásu ma ɔ bɔ fɔfáne su ro rɔɲ-i, ɔwa ma ɔ tɔri su mágbal-i?
- 33Ka ɔlɛmp wati aɲ yokanɛ aɲ kálɛnɛ ro Yerusalem, kaɲ bəp aɲsom tɔfɔt ukin yi aɲkɔs ɲaɲ dɛr rɔkin,
- 34kaɲ pa, ƆMariki ɔ po yokanɛ tɛntɛnɛ, ɔ po tɔrinɛ ka Saymɔn.
- 35kaɲ kanɛ ɲa mătáy ama yɔnɛ ro rɔɲ, ɔwa to aɲ pɛski kɔ-e ka kasiməth kabo.
- 36Ɔwa mə mə aɲ fɔf mătáy ame-e, Yisɔsɔɲ kɔn kɔnɔnɛ ɔ tɔmá kətɔɲ ka ɲaɲ, kɔ pa ro rɔɲaɲ, Ta məthɔfəl mə yi ro rɔnu.
- 37Kɛrɛ aɲ nesa yi rɛnɛs rəbana, aɲ nanɛ kəpa aɲ nɔnk amɔmpila.
- 38kɔ pa ro ɲaɲ, kəyɛɲ mə nə sɔmpɛnɛ-e? To som ɛsike ɛ der ka ɛmerá ɛ nu-e?
- 39Kəli mătá ma mi yi átátək ta mi kámá mə tără ti minɛɲ! Gboɲ mi nu, ɔwa kəli mi nu, átesoma-e amɔmpila aɲ ba hɛ adɛr yi tɔbánth mə mə nə nɔnk minɛ i ba.
- 40Ma ɔ po pa áte-e, ɔ tori ɲa mătá mɔɲ yi átátək tɔɲ.
- 41Ɔwa maɲ kabanɛ, aɲ gbəli hɛ lanɛ ras hali tɔsalata mábɔnɛ, ɔ yif ɲa, Nə ba hɛ nə da rədi-i?
- 42kaɲ sɔɲ kɔ kəlop kəthɔyis.
- 43kɔ gbasi kɔ ɔ di kɔ rodi ka ɲaɲ.



⁴⁴kɔ pa ro rɔŋaŋ, Ásim ta mi ti áte, áte i la kanɛ nu ka áŋlɔkɔ aŋa i yi ras yi naŋaŋ kɔpa mátáy be mɔ ba tɔ kɔlasɛr ama a gbal ta átá mi ka aŋthɔ ŋa Mosis, yi ka aŋnabi, yi ka áŋSams.

⁴⁵kɔ kanthi emerá yaŋ kámá mágbal mɔ sɔk ŋa.

⁴⁶ɔwa ɔ pa ro ŋaŋ, Ya a po gbal kɔpa ɔKrayst ɔ yi tɔ kɔnakasi de yi tɔ kɔkal yokanɛ ka rɛfi ka áŋrey aŋa beká mɔsas,

⁴⁷kámá a tamɔs kathupi yi katerɔ ka ehake ka áŋes ŋɔŋ ka tábona be, kɔtɔp ro Yerusalem.

⁴⁸Naŋ nɔ yi mɔseri ta mátáy ame.

⁴⁹ɔwa kɔla, i som ro rɔnu aŋlahiri ŋa ɔKas kámi, kɛrɛ te nu bɔnɛ ro pet haŋ a lonsɛr nu afɔsɔ kɔwɔr rokɔm.

⁵⁰ɔwa Yisɔsáŋ ɔ kera ŋa haŋ aŋ lomane ro Bethani, kɔ ŋata máta mɔŋ, ɔ ruba ŋa.

⁵¹Ka pɛ re yi-e, ma ɔ yi ka karuba ŋa-e, ɔ tey ŋa, a ŋata kɔ rokɔm ro riyana.

⁵²kaŋ bátho kɔ, ɔwa aŋ kálane ro Yerusalem yi mɔbɔnɛ mɔbana.

⁵³ɔwa aŋ yi ka áŋseth ŋa Kuru alɔkɔ o lɔkɔ, aŋ thɔkɔs Kuru Mɔsaba.



Yɔn

Yɔn 1

- ¹Ka ɔtəpɛr Árim rə yi, ɔwa Árim rə yi rɛ Kuru, ɔwa Árim rə yi Kuru.
- ²Rə yi yi Kuru ka ɔtəpɛr.
- ³Kɔnɔ bɛmpa ɛyɛt bɛ; ɔwa rəka o rəka rə yi hɛ ara a bɛmpa thambe kɔnɔ bɛmpa ri.
- ⁴Aɲɛsəm aɲ yi ro ɲɔɲ: ɔwa aɲɛsəm aɲ yi aɲmothá ɲa afəm.
- ⁵Ɔwa aɲmothá aɲ gbentha ka aɲsum: kɛrɛ aɲsum aɲ wop hɛ ɲi.
- ⁶Wuni ɔ der, ɔwe Kuru ɔ som, aɲɛs ɲɔɲ ɲa yi Yɔn.
- ⁷Ɔwe ɔ der ta məseri, tə kəseri ta aɲmothá, kámá afəm bɛ aɲ lanɛ salata kagbaki kɔɲ.
- ⁸Kɔnɔɲ ɔ yi hɛ aɲmothá, ɔ der gbo kámá ɔ sɔɲ məseri ta aɲmothá.
- ⁹aɲmothá átətɛɲ aɲ yi, aɲa mothər wuni o wuni, ɔwe mə wɔɲ ka ádàru.
- ¹⁰Ɔ yi ka ádàru, ɔwa kɔnɔ bɛmpa ádàru, kɛrɛ ádàru rə tɛ hɛ kɔ.
- ¹¹Ɔ der ka aɲɔɲ, kɛrɛ aɲfəm ɲɔɲ aɲ malanɛ hɛ kɔ.
- ¹²Kɛrɛ ɲa bɛ aɲa malanɛ kɔ-e, ɔ sɔɲ ɲa mamari tə kəsəke awuth ɲa Kuru, hali ɲaɲ aɲa lanɛ ka aɲɛs ɲɔɲ:
- ¹³aɲa a kom, pə yi hɛ ka mətir, thalɔm ka məselɔ ma mader, thalɔm ka məselɔ ma wuni, kɛrɛ ka məselɔ ma Kuru.
- ¹⁴Ka Árim rə səkɛ wuni, kɔ yirá kətɔɲ kásu, ɔwa sə kəli aɲyiki ɲɔɲ, aɲ yi mə aɲyiki ɲa ɔWan son ka ɔKas, ɔ la aboɲa yi táteɲ.
- ¹⁵Yɔnɔɲ ɔ gbaki ta atɔɲ, ɔ fɔf ɔbɔli rəkɔm, ɔ pa, Kɔnɔɲ ɔwe ta ɔwe i pa, Kɔnɔ ɔwe mə der kədarɔɲ ka mi-e ɔ tɛmá mi kədi: kotáy-e kɔnɔ yi mi rodi.
- ¹⁶kotáy-e ka kalasər kɔɲ saɲ bɛ sə pɔ sɔthɔ, ɔwa aboɲa rokɔm ka aboɲa.
- ¹⁷Átesoma-e Mosisáɲ kɔnɔ sɔɲ aɲthɔ; kɛrɛ aɲboɲa yi táteɲ ɛ der ka káta ka Yisɔs Krayst.
- ¹⁸Wuni kəpɛt ɔ tha nənɔ hɛ Kuru hali; ɔWan gbo son, ɔwe yi ka aɲkəpət ɲa ɔKas, kɔnɔ ɔ pɔ ɲaibi kɔ.
- ¹⁹Ɔwa maseri ma Yɔn mi amɛ; ma aɲYuda aɲ som aɲfode yi aɲLibayt kəwur ro Yerusalem tə kəyif kɔ, Mun kanɛ-e?
- ²⁰kɔ gbithanɛ, ɔ pensa hɛ; ɔ gbaki kəpa, Min tha yi ɔKrayst.
- ²¹kaɲ yif kɔ, Mun kanɛ mən-e? Munɔ yi Elaya-i? kɔ pa, Min thahɔ. Munɔ yi ɔnabi-i? kɔ pa, Ade.



- 22Tiyān aŋ pa ro ŋoŋ, Mun kanɛ thɔŋ-e? kāmá sɛ gbɛli gbaki ŋa aŋa som su-e. To mɛ pa ta mun munɔnɛ-e?
- 23Ɔ pa, Mine yi árim ra wuni ara gbelegbele ro wula, Lompɛs nu aroŋ ra ɔMarki, mɛ mɛ Isaya ɔnábɪ ɔ po pa.
- 24Aŋa a po som aŋ wur ka aŋFarisi,
- 25kaŋ yif kɔ, aŋ pa, To som ten mɛ baftays-e, bepi mɛ yi he ɔKraist-e, thalɔm Ilayaŋ, thalɔm ɔnabi-e?
- 26Yɔnán ɔ wosáne ŋa, ɔ pa, Mineŋ, i baftays yi mánt, kere ukin ɔ tɛmá kɛtɔŋ ka nu ɔwe nə te tára,
- 27kɔnɔ mɛ der kɛdarəŋ kámi, rabeŋa ra aŋkɔftha ŋoŋ i bek he tɛ kəsəli ri.
- 28Mátáy ame mɛ yɔnɛ ro Bethani ro Yɔrdan mɛri, ro Yɔnán ɔ baftays.
- 29Ka aŋrey alɔm-e, Yɔnán ɔ nɛnk Yisɔsán ɔ der ro ŋoŋ, ɔ pa, Kəli kaLɔmɛ kəfɛth ka Kuru ɔwe mɛ sara aŋhake ŋa ádaru!
- 30Kɔnɔ ɔwe ta ɔwe i pa, Kɛdarəŋ kámi wuni ɔ tɛ der ɔwe mɛ tɛmá mi kədi; kotáy-e kɔnɔ yi mi rodi.
- 31Ɔwa i tɛ he kɔ: kere kāmá ɔ wur gbafɛth ka aŋIsrɛl tiyán mineŋ i der tɛ kɛbaptays yi mántán.
- 32Ɔwa Yɔnán ɔ sɔŋ məseri, ɔ pa, I po nɛnk ɔYina ɔ thor kəwur ka ákuru mɛ kəpərəm; kɔ yirər kɔ rokɔm.
- 33Ka mineŋ i tɛ he kɔ: kere kɔnɔ ɔwe som mi tɛ kɛbaptais yi mánt-e, ɔ pa ro mi, Ka ɔwe má mɛ nɛnk ɔYina ɔ thor, ɔwa ɔ yirər kɔ rokɔm-e, kɔnɔ yi ɔwe mɛ baftays yi ɔYina məsəm.
- 34Ɔwa i po nɛnk, ɔwa i po seri ti kəpa ɔwe ɔ yi ɔWan ka Kuru.
- 35Ka aŋrey alɔm-e, Yɔnán ɔ tɛmá yi aŋkarande ŋoŋ ŋarəŋ:
- 36ɔ kəli Yisɔsán mɛ mɛ kɔth-e, ɔ pa, Kəli kaLɔmɛ kəfɛth ka Kuru!
- 37Ɔwa aŋkarande ŋarəŋ aŋ təl ma ɔ fɔf, kaŋ tán Yisɔsán.
- 38Ka Yisɔs ɔ fəɛ, ɔ nɛnk aŋ tán kɔ-e, kɔ pa ro ŋaŋ, Ko mɛ nə thens-e? kaŋ pa ro ŋoŋ, Rabi, aŋa a tepa kəpa, Karmɔkɔ, reke mɛ yira-e?
- 39kɔ pa ro ŋaŋ, Der nu, nə tɛ nɛnk. Kaŋ kɔ, aŋ nɛnk ro ɔ yirá, kaŋ yiane ro ŋoŋ ka aŋrey ŋati: kotáy-e aŋlɔkɔ ŋa aŋgbeləŋ kagbat tɔfɔt ŋiəŋ.
- 40Ukin ka aŋarəŋ aŋa tɛlá ma Yɔn ɔ fɔf-e, aŋa tán Yisɔsán, kɔnɔ yi Andru, ɔwɔnt ka Saymɔn Pita.
- 41Ɔ mɔtha bəp ɔwɔnt kəŋ Saymɔn, kɔ pa ro ŋoŋ, Sɛ po fir ɔMesaya (aŋa a tepa Krayst).



- ⁴²Ɔ kera kɔ ka Yisɔs. Ma Yisɔsɔŋ ɔ kɛli kɔ-e, ɔ pa, Munɔ yi Saymɔn ɔwan ka Yonas: ɔwe a bont Kefas (aŋa a tepa kɔpa Pita).
- ⁴³Ka aŋrey alɔm-e, Yisɔsɔŋ ɔ yema kɔnɛ ro Kalili, kɔ bɛp Filipɔŋ: ka Yisɔs ɔ pa ro ŋɔŋ, Tɔŋ mi.
- ⁴⁴Filipɔŋ ɔ wur ro Bethsayda, kɔpet ka Andru yi Pitaŋ.
- ⁴⁵Filipɔŋ ɔ bɛp Nathaneel, kɔ pa ro ŋɔŋ, Sɛ po fir kɔ, ta ɔwe Mosisɔŋ ka aŋthɔ, yi Aŋnɔbi aŋ gbal, Yisɔs ɔwe ro Nasareth, ɔwan ka Yosef.
- ⁴⁶Ka Nathaneel ɔ pa ro ŋɔŋ, Tai tɛfɔnɔ tɛ gbɛli wur ro Nasareth-i? Ɔwa Filip ɔ pa, Der kɔmɔ mɛ kɛli.
- ⁴⁷Ma Yisɔs ɔ nɛnk Nathaneel ɔ der ro ŋɔŋ-e, ɔ pa ta atɔŋ, Kɛli ulsreel tentɛnɛ, ɔwe te ba yanfa!
- ⁴⁸Nathaneel ɔ pa ro ŋɔŋ, Reke mɛ tɔrɔ mi-e? Yisɔs ɔ wosa ɔ pa ro ŋɔŋ, I nɛnk mu yenka Filipɔŋ ɔ tela mu, ma mɛ yi ka aŋgbɔnɔ ratha.
- ⁴⁹Nathanelɔŋ ɔ wosa ɔ pa ro ŋɔŋ, Karmɔkɔ, munɔ yi ɔWan ka Kuru; munɔ yi ɔbɔy ka ro Isrel.
- ⁵⁰Yisɔsɔŋ ɔ wosa ɔ pa ro ŋɔŋ, Pɛkasife i pa ro mu, I nɛnk mu ka aŋgbɔnɔ ratha, tiyɔŋ mɛ lanɛ-i? Mɛ tɛ nɛnk mɔtɔy mɛbana ama thas ame.
- ⁵¹kɔ pa ro ŋɔŋ, I kanɛ mu tentɛnɛ, mɛ tɛ nɛnk akariyana kɛ kanthi, ɔwa aŋmɔleka ŋa Kuru aŋ tɛ ŋat ɔwa aŋ tɛ thor ka ɔWan ka wuni.

Yɔn 2

- ¹Ka aŋrey aŋa bekɔ mɛsas-e met ma kɔnantɔ mɛ yi ro Kena ake ro Kalili; ɔwa ɔkara ka Yisɔs ɔ yi ri:
- ²ɔwa a tela Yisɔs sɔ yi aŋkarande ŋɔŋ ka amet ma kanantɔ.
- ³Ma mawain mɛ poŋ-e, ɔkara ka Yisɔs ɔ pa ro ŋɔŋ, Aŋ ba hɛ sɔ mɔwain.
- ⁴Ka Yisɔs ɔ pa ro ŋɔŋ, Ya, ko i ba tɛ kɔyɔ yi munɔŋ-e? Aŋlɔkɔ a mi aŋ tha bek hɛ.
- ⁵Ɔkara kɔŋ ɔ pa ka ɛbɔy, Tɔy ɔ tɔy bɛ ɔtɛ ɔ kanɛ nu-e, yɔ ti nu.
- ⁶Ɔwa a tɔmɛr ri ɛbɔl ɛ mɛsar tamthɛrukɔn ta mɔnt, mɔ matanɛ ma aŋYuda mɛ yi tɛ kɛgbili, abɔl ɔ bɔl aŋ wɔp ɛkalon kɛgba.
- ⁷Yisɔsɔŋ ɔ pa ka ɛbɔy, Lasɛr ɛbɔl yi mɔnt. Ka aŋ lasɛr yi pai.
- ⁸Ɔ pa ro ŋaŋ, Kus ma, ɔwa kera ma ka ɔbaki ka amet. Kaŋ kera ma.
- ⁹Ma ɔbaki ka amet ɔ tham ɔmɔnt ama a po sɛki mɔwain-e, kɔ te tɔrɔ ro mɛ wur-e, (kɛrɛ ɛbɔy aŋa kuth maŋ tɔrɔ) ɔ tela ɔnantɔ ufu, ɔ pa ro ŋɔŋ,



- 10**Wuni o wuni o tɛ mɔtha bot mawain mɛfinɔ rodi ka aɲfɛm: ɔwa bepi aɲ po mun haɲ-e, o bot ten ama te yi mɛfinɔ; kɛrɛ munɔ mɛ po bene mawain mɛfinɔ haɲ ka-ake.
- 11**Aɲɛ ɲa yi aɲtɔtɔkɔ ka emisali eyɛ Yisɔs o yɔ, ɔwa o yɔ ɲi ro Kena ake ro Kalili, o tɔri aɲyiki ɲɔɲ, ɔwa aɲkarande ɲɔɲ aɲ lane kɔ.
- 12**Kɛdarɔɲ ka ɔte-e, Yisɔs o thor ro Kepaniyɔm, kɔnɔɲ yi ɔkara kɔɲ, yi aɲwɔnt ɲɔɲ, yi aɲkarande ɲɔɲ: kɛrɛ aɲ yirɔ hɛ ri mɔrey mɔgbathi.
- 13**Aɲlɔkɔ ɲa amet ma kapaine ma aɲYuda mɛ fat, ka Yisɔs o kɔnɛ ro Yerusalem.
- 14**kɔ bɔp ka aɲseth ɲa Kuru afɛm aɲa mɛ thila tɔna, tɔlɔmɛ, yi tɔpɔrɛm, yi aɲfɛm aɲa mɛ siɲkar ekala aɲ yirɔ ri;
- 15**kɔ bɛmpa rɛkɛt rɛ rɛbɛɲa, o bɔl ɲa bɛ kɔwɔr ka aɲseth ɲa Kuru, talɔmɛ-o yi tana: kɔ sakthi aɲkala ɲa aɲfɛm aɲa siɲkar ekala, o lɔfthi ethebɔl yaɲ:
- 16**ɔwa ka ɲaɲ aɲa thila tapɔrɛm o pa, Wuro eyɛt eyɛ nɔ: te nu sɛki aɲseth ɲa ɔKas kɔmi aseth ɲa kɛthila.
- 17**Aɲkarande ɲɔɲ aɲ kala ɔmerɔ ta ɔtɔ a po gbal kɔpa, Aɲfela ɲa aɲseth a mu aɲ tɔ bɔk mi.
- 18**AɲYuda aɲ yif kɔ, aɲ pa ro ɲɔɲ, Ma mɛ po yɔ mɔtɔy ame-e, kɔ misali mɔ mɛ tɔri su-e?
- 19**Yisɔsɔɲ o wosa, o pa ro ɲaɲ, Lɛsɛr aɲseth ɲa Kuru aɲɛ, ɔwa rɛ mɔrey mɔsas i ti kɔl tɔmɛr ɲi.
- 20**AɲYuda aɲ pa, A ba tɔren tɔgba tɔrɔɲ tɔmthɛrukin ka kɔtɔmɛr aɲseth ɲa Kuru aɲɛ, ɔwa munɔ mɛ tɔ gbɛli kɔl tɔmɛr ɲi rɛ mɔrey mɔsas-i?
- 21**Kɛrɛ Yisɔsɔɲ o fɔf ta aɲdɛr ɲɔɲ.
- 22**Tiyɔɲ ma o kɔl yokanɛ kɔtɔɲ ka aɲfi-e, aɲkarande ɲɔɲ aɲ kala ɔmerɔ ma o la po fɔf ɔte; ɔwa aɲ lane mɔgbal ma Kuru yi ɔrim ara Yisɔs o pa.
- 23**Ma o yi ro Yerusalem ka amet ma kapaine-e, afɛm agbɔthi aɲ lane ka aɲɛs ɲɔɲ, maɲ nɛnk emisali eyɛ o po yɔ.
- 24**Kɛrɛ Yisɔsɔɲ kɔn kɔnɔnɛ o sɛline hɛ ro ɲaɲ, ɔtesoma-e o tɔrɔ afɛm bɛ,
- 25**ɔwa o yema hɛ kɔmɔ wuni o wuni o gbaki ta wuni, kɔtɔy-e kɔn kɔnɔnɛ o tɔrɔ ɔte yi rokor ka wuni kɔpɛt.

Yɔn 3

- 1**ɔwa wuni ka aɲFarisi o yi ri, aɲɛs ɲɔɲ ɲɔ yi Nikodimɔs ugbɛka ka aɲYuda.
- 2**ɔwe o der ka Yisɔs tɔtɔk, o pa ro ɲɔɲ, Karmɔkɔ, sɛ tɔrɔ kɔpa mɛ yi ukarmɔkɔ kɔwɔr ka Kuru: ɔtesoma-e wuni o wuni o gbɛli hɛ yɔ emisali eyɛ munɔ mɛ yɔ-e, thambe Kurɔɲ o yi yi kɔn.



- ³Yisós ɔ wosa, ɔ pa ro ɲɔɲ, I kanɛ mu tentɛnɛ, wuni ɔ gbɛli hɛ nɛnk rábáy ra Kuru, thambe a kál kom kɔ ɔfu.
- ⁴Nikodimós ɔ pa ro ɲɔɲ, To a gbɛli kom wuni bepi ɔ po bák-e? Ɔ gbɛli sɔ wɔɲ ka akor ka ɔkara kɔɲ tɔ kɔkal kom kɔ-i?
- ⁵Yisós ɔ pa ro ɲɔɲ, Tentɛnɛ, i kanɛ mu, wuni ɔ gbɛli hɛ wɔɲ ka rábáy ra Kuru, thambe a kom kɔ rɛ mánt yi ɔYina.
- ⁶Ara a kom ka mader mader maɲ, ara a kom ka ɔYina uyina wɔɲ.
- ⁷Te kabanɛ áte i kanɛ mu, Tha a kál kom mu ɔfu.
- ⁸Aɲfɛf aɲ sɔɲ ro aɲ yema, ɔwa mə tɔlá aɲsɔnkɔ ɲati, kɛrɛ mə tɛ hɛ ro aɲ wur, mə tɛ hɛ ro mə aɲ kɔ-e; ya pɛ yi sɔ yi wuni o wuni ɔwe a kom ka ɔYina.
- ⁹Nikodimós ɔ yif kɔ, To mátáy ame mə gbɛli yi-e?
- ¹⁰Yisós ɔ pa ro ɲɔɲ, Munɔ mə yi ukarmókɔ ka aɲIsrɛl, ɔwa mə tɛ hɛ mátáy ame-i?
- ¹¹Tentɛnɛ i kanɛ mu, Sɔ fɔf áte sɔ tára, ɔwa sɔ gbaki ta áte sɔ po nɛnk; kɛrɛ nə wop hɛ aɲgbaki a su.
- ¹²Bepi i kanɛ nu mátáy ma ádàru-e nə lanɛ hɛ, to mə nə gbɛli lanɛ bepi i kanɛ nu mátáy ma ro riana-e?
- ¹³Wuni o wuni ɔ tha ɲat hɛ ro riyana, thambe kɔn ɔwe thor kəwur ro riyana, kɔnɔ yi ɔWan ka wuni ɔwe yi ro riyana.
- ¹⁴Ɔwa mə mə Mosisáɲ ɔ ɲata aɲbok ro wula, ya a ba sɔ tɔ kɔɲata ɔWan ka wuni
- ¹⁵kámá wuni o wuni ɔwe mə lanɛ kɔ ɔ te dinɛ, kɛrɛ ɔ sɔthɔ aɲɛsəm thɔbana.
- ¹⁶Átesoma-e ya Kurɔɲ ɔ bɔthɛr ádàru, haɲ ɔ sɔnd ɔWan kɔɲ ɔ kom gbo son, kámá wuni o wuni ɔwe lanɛ kɔ ɔ te dinɛ, kɛrɛ ɔ sɔthɔ aɲɛsəm thɔbana.
- ¹⁷kotáy-e Kuru ɔ som hɛ ɔWan kɔɲ ka ádàru tɔ kəthɔɲkas ádàru, ɔ som kɔ tɔ kəkisis ádàru.
- ¹⁸Ɔwe mə lanɛ kɔ-e ɔ sɔthɔ hɛ mətheri, kɛrɛ ɔwe te lanɛ kɔ-e, a po kɔ sɔɲ mətheri, pəkasisɛ ɔ tha lanɛ hɛ ka aɲɛs ɲa ɔWan ka Kuru ɔ kom gbo son.
- ¹⁹Ɔwa matheri mi ame, kəpa amotha aɲ der ka ádàru, kɛrɛ afəm aɲ bɔthɛr asum pəthasi amotha, átesoma-e máyɔs maɲ mə yi mɛlɔs.
- ²⁰kotáy-e wuni o wuni ɔwe mə yɔ ɔlɔs ɔ gbɛɲa aɲmothá, ɔwa ɔ de hɛ ka aɲmothá ta thani mɛlɔs mɔɲ mə ɲaibɛ.
- ²¹Kɛrɛ ɔwe mə yɔ táteɲ ɔ der ka aɲmothá, kámá máyɔs mɔɲ mə tɔrine kəpa, ɔ yɔ ma ka aɲfɔsɔ ɲa Kuru.
- ²²Kɔdarɔɲ ka mátáy ame, Yisósáɲ yi aɲkarande ɲɔɲ aɲ der ka aɲthɔf ɲa ro Yudia: kɔ yi ri yi ɲaɲ, ɔwa ɔ baftays aɲfəm.



- ²³Yónàṅ sɔ ɔ bɔ baftays ro Anɔn ro Salim rayer, átesoma-e mánt mɛgbathi mɛ yi ri; ka aṅfɛm aṅ der, a baftays ɲa.
- ²⁴koṭáy-e a tha bot hɛ Yónàṅ ka áṅseth ɲa tɛrɛṅka.
- ²⁵Ka áthonka aṅ tɛp kɛtɔṅ ka aṅkarande ɲa Yɔn yi uYuda ta kɛgbili.
- ²⁶kaṅ der ka Yɔn, aṅ pa ro ɲɔṅ, Karmɔkɔ, kɔn ɔwe yi yi munɔṅ ro Yɔrdan mɛri, ta ɔwe mɛ sɔṅ mɛseri-e, kɔnɔ sɔ ɔ baftays, ɔwa afɛm agbáthi aṅ der ro ɲɔṅ.
- ²⁷Yónàṅ ɔ wosa, ɔ pa, Wuni ɔ gbɛli hɛ sɔthɔ koko thambe ɔ sɔthɔ ri kɛwɔr ro riyana.
- ²⁸Naṅ nɛ yi maseri ma mi, kɛpa i pa, I yi hɛ ɔKrayst, kɛrɛ a som mi rodi kɔṅ.
- ²⁹Kɔnɔ ɔwe ba ɔbera ufath-e kɔnɔ yi ɔruni ufath: kɛrɛ ɔyathki ka ɔruni ufath, ɔwe tɛmá kɔ rayer ɔwa ɔ tɛlá kɔ-e, ɔ ba mɛbɔnɛ mɛbana ta kɛtɛl árim ra ɔruni ufath: tiyáṅ mabɔnɛ ma mi ame mɛ gbenthis.
- ³⁰Kɔnɔ ɔ tɛ bár yi ubana, kɛrɛ minɛṅ i ti gbɛṅkɛ.
- ³¹Kɔnɔ ɔwe wur rokɔm ɔ yi rokɔm ka bɛ: kɔnɔ ɔwe yi ka ádàru ɔ yi ka ádàru, ɔwa ɔ fɔf ka ádàru: kɔnɔ ɔwe wur ro riyana ɔ yi rokɔm ka bɛ.
- ³²Ta áte ɔ po nɔnk yi ta áte ɔ po tɛl, tɛ mɔ seri, kɛrɛ wuni ɔ wuni ɔ wop hɛ maseri mɔṅ.
- ³³ɔwe mɛ wop maseri mɔṅ ɔ tɔri kɛpa Kurɔṅ ɔ yi tɛtɛṅ.
- ³⁴koṭáy-e, kɔnɔ ɔwe Kuru ɔ som ɔ tɛ fɔf ásim ta Kuru: átesoma-e Kurɔṅ ɔ thuntha hɛ kɔ ɔYina.
- ³⁵ɔKas ɔ bɔthɛr ɔWan, ɔwa ɔ po sɔṅ koko ka máta mɔṅ.
- ³⁶Kɔnɔ ɔwe mɛ lanɛ ka ɔWan ɔ ba aṅɛsɛm thɛbana: kɛrɛ wuni ɔwe mɛ te lanɛ ka ɔWan-e, ɔ ba hɛ kɔnɛṅk aṅɛsɛm; kɛrɛ rabaṅ ra Kuru rɛ rensa kɔ.

Yɔn 4

- ¹Ma ɔMarki ɔ tárá kɛpa aṅFarisi aṅ tɛl kɛpa Yisɔsáṅ ɔ sɔthɔ ɔwa ɔ baftays akarande agbáthi pɛthasi Yónàṅ,
- ²hali ma Yisɔsáṅ kɔn kɔnɔnɛ ɔ baftays hɛ ɲa, kɛrɛ aṅkarande ɲɔṅ gbo ɲa mɛ baftays aṅfɛm,
- ³Yisɔsáṅ ɔ wur ro Yudia, ɔ kál kɔ ro Kalili.
- ⁴ɔwa tha gbo ɔ thas ro Samaria.
- ⁵kɔ bek ka kápet ka ro Samaria áke a bont Sikar, kɔ fat aṅthɔf aṅa Yekɔb-ɛṅ ɔ sɔṅ Yosef-ɛṅ ɔwan kɔṅ.
- ⁶Kálɔmp ka Yekɔb kɛ yi ri. Ma aṅbiyas aṅ lela Yisɔsáṅ, ɔ yirá ka kálɔmp rayer: pɛ yi ka aṅlɔkɔ ɲa aret kɛgbɛp.



- ⁷Ka wuni bom ka ro Samaria ɔ der tɛ kɛkuth: ɔwa Yisɔsɔn ɔ pa ro nɔn, Yer mi i mun.
- ⁸kotɔy-e aɲkarande nɔn aɲ po kɔnɛ ro pet tɛ kɔway yet edi.
- ⁹Ka ɔwuni bom ka ro Samaria ɔ pa ro nɔn, To som munɔ mun Yuda mɔ mɛ tholir mi kɛmun, minɛ yi ubera ka ro Samaria-e? (kotɔy-e aɲYuda aɲ ba hɛ mɛmanɛ yi aɲSameriya).
- ¹⁰Yisɔsɔn ɔ pa ro nɔn, Bepi mɛ tɔrɔ aɲboya nɔ Kuru, yi ɔwe pa ro mu, Yer mi i mun, mɛ tɛ yif kɔ naɲ, ɔwa ɔ tɛ sɔn mu ɔmɔnt ma aɲesɛm.
- ¹¹ɔbera ɔ pa ro nɔn, Pa, mɛ ba hɛ rɛka rɛkuthɔ, ɔwa kɔlɔmp kɛ bɔlɔn: reke mɔ mɛ sɔthɔ ɔmɔnt ma aɲesɛm mati-e?
- ¹²Munɔ mɛ yi uthasi Yekɔb ɔkas ka su-i, ɔwe sɔn su kɔlɔmp, kɔn kɔnɔnɛ ɔ mun ri, yi aɲwuth nɔn, yi tasɛm tɔn-i?
- ¹³Ka Yisɔs ɔ pa ro nɔn, Wuni ɔ wuni ɔwe mɛ mun ɔmɔnt amɛ-e, rɛmun rɛ tɛ kɔl wop kɔ:
- ¹⁴kɛrɛ wuni ɔ wuni ɔwe mɛ mun ɔmɔnt amɛ i ti sɔn kɔ-e, rɛmun rɛ wop hɛ kɔ sɔ thɔbana; kɛrɛ ɔmɔnt amɛ i ti sɔn kɔ mɛ tɛ sɛkɛ rɛfɔr ra mɔnt rokor kɔn, ara mɛ gbuthɛ ka aɲesɛm thɔbana.
- ¹⁵ɔbera ɔ pa ro nɔn, Pa, sɔn mi ɔmɔnt amɛ, kɔmɔ rɛmun rɛ tɛ sɔ bɔk mi, ɔwa kɔmɔ i tɛ sɔ der ɔbɔli anɔ tɛ kɛkuth.
- ¹⁶Yisɔsɔn ɔ pa ro nɔn, Kɔnɛ, tela ɔwos mu, kɔmɔ mɛ kɔl der.
- ¹⁷ɔbera ɔ pa, I ba hɛ wos. Yisɔsɔn ɔ pa ro nɔn, Mɛ pa ɔlɔmpi, I ba hɛ wos:
- ¹⁸ɔtesoma-e mɛ po ba awos tamath: ɔwa ɔwuni ɔwe mɛ ba ka-ake ɔ yi hɛ ɔwos mu: ka ɔtɛ mɛ fɔf tɔtɛn.
- ¹⁹ɔbera ɔ pa ro nɔn, Pa, i nɛnk kɔpa mɛ yi unabi.
- ²⁰Aɲkas a su aɲ bɔtho ka kateɲ ake; kɛrɛ naɲ nɛ pa afɛm aɲ mar bɔtho ro Yerusalem.
- ²¹Yisɔsɔn ɔ pa ro nɔn, Bithaɲ, lanɛ mi, aɲlɔkɔ aɲ tɛ der, ka aɲa mɛ nɛ tɛ bɔtho ɔKas ka kateɲ ake, thalɔm ro Yerusalem.
- ²²Naɲ nɛ bɔtho ara nɛ tɛ tɔrɔ: saɲ sɛ bɔtho ara sɛ tɔrɔ, ɔtesoma-e kɛkisi kɛ wur ka aɲYuda.
- ²³Kɛrɛ aɲlɔkɔ aɲ tɛ der, ɔwa aɲ yi thɔn ka-ake, ma afɛm aɲa mɛ bɔtho tɔtɛn aɲ tɛ bɔtho ɔKas rɛ ɔmɛrɔ yi rɛ tɔtɛn: kotɔy-e ɔKas ɔ fɛla aɲbɔtho awunɔn.
- ²⁴Kurɔn ɔ yi ɔYina: ɔwa aɲfɛm aɲa mɛ bɔtho kɔ aɲ ba kɛbatho kɔ rɛ ɔmɛrɔ yi rɛ tɔtɛn.
- ²⁵ɔbera ɔ pa ro nɔn, I tɔrɔ kɔpa Mɛsayaɲ ɔ tɛ der, ɔwe a bont Krayst; bepɛ ɔ po der ɔ tɛ kanɛ su mɔtɔy bɛ.
- ²⁶Yisɔsɔn ɔ pa ro nɔn, Minɛ mɛ fɔfɛnɛ mu, minɛn.



- 27 Ǻŋlɔkɔ ŋati aŋkarande ŋɔŋ aŋ der, kaŋ kabane mɔ mɔ fɔfane ɔwuni bom: kere wuni o wuni ɔ yif he, Ko ma me thens-e, thalom, koyeŋ ma me fɔfane ko-e?
- 28 Ka ɔbera ɔ tey aŋbɔl akutha ŋɔŋ, ɔ kɔne ro pet, ɔ pa ka aŋfam,
- 29 Der nu keli wan duni ɔwe kane mi matay be ama i po yo-e, ɔKrayst kon tha ɔwe-i?
- 30 Aŋfam aŋ wur ro pet, aŋ der ro ŋɔŋ.
- 31 Ka ketɔŋ kati, aŋkarande ŋɔŋ aŋ nemthene ko, aŋ pa, Karmoko di.
- 32 Kere ɔ pa ro ŋaŋ, I ba ra rɔdi tɔ kedi ara nɔ te tara.
- 33 Ka aŋkarande aŋ yifethane, Wuni ɔ kara ko raka tɔ kedi ba?
- 34 Yisosan ɔ pa ro ŋaŋ, Edi e mi e yi tɔ keyo maselo ma ɔwe som mi, yi tɔ kɔpons mapanth moŋ.
- 35 Nɔ pa he, Pɔ tiya ras yof yanle yenka karok ko bek-i? Kɔla, i kane nu, Lakthi efor e nu, ɔwa keli atɔr; kotay-e tɔ po tho lol tɔ karok.
- 36 Kono ɔwe me rok-e ɔ sotho anram, ɔwa ɔ thonkla makomi ta aŋesem thabana: kama kono ɔwe me sak yi kono ɔwe me rok aŋ ba mabone ketoma win.
- 37 Di kati aŋ fɔf taten aŋa pa, Wuni kin ɔ sak, kere ulom ɔ rok.
- 38 I som nu tɔ karok ro nɔ te yo mapanth: afem alom aŋ yo mapanth ɔwa naŋ nɔ wɔŋ ka mapanth ma ŋaŋ.
- 39 Ka aSameriya agbathi ka kapet kati aŋ lane Yisosan salata tapa ta ɔbera, ma ɔ pa, O kane mi matay be ama i la yo.
- 40 Owa ma aŋSameriya aŋ der ro ŋɔŋ, aŋ nemthene ko tɔ keyira ro ŋaŋ, ko yira ri morey maraŋ.
- 41 Owa afem alom agbathi aŋ lane salata asim tɔŋ gbeŋ;
- 42 aŋ pa ka ɔbera, Ka ake se lane, pe yi he salata tapa ta mu; kotay-e saŋ se po tela ko, ɔwa se tara kɔpa tetɔŋ ɔwe ɔ yi ɔKrayst ɔKisis ka adaru.
- 43 Kedarɔŋ ka morey maraŋ Yisosan ɔ wur ri ɔ kone ro Kalili.
- 44 kotay-e Yisosan kon konone ɔ gbaki kɔpa unabi ɔ ba he yiki ka anthof ŋɔŋ.
- 45 Owa ma ɔ bek ro Kalili-e, aŋKalili aŋ selone ko, maŋ po nenk matay be ama ɔ yo ro Yerusalem ka amet, kotay-e ŋa so aŋ ko ka amet.
- 46 Ka Yisosan ɔ der ro Kena ake ro Kalili, ro ɔ po seki amant mewain. Owa wan uruni ka uyola ulom, ɔ tu ro Kepaniyom.
- 47 Ma ɔ tel kɔpa Yisosan ɔ wur ro Yudia ɔ der ro Kalili, ɔ ko ro ŋɔŋ, ɔ nemthene kama ɔ ko yenkes ɔwan kon uruni: atesoma-e ɔ tama tɔ kafi.



⁴⁸Yisósàṅ ɔ pa ro ḡṅḡ, Thambe mə nən̄k emisali yi mātáy məkabane, mə selo he tɔ kəlane.

⁴⁹Ɔyola ɔ pa ro ḡṅḡ, Pa, der yenka ɔwan kámi ɔ fi.

⁵⁰Yisósàṅ ɔ pa ro ḡṅḡ, Kone, ɔwan ka mu ɔ kəli. Ɔwa ɔ lane árim ara Yisós ɔ kane kɔ, kɔ kone.

⁵¹Ma ɔ bɔ kone ebɔy yɔṅ aṅ gbane kɔ, aṅ kane kɔ, Ɔwan ka mu ɔ kəli.

⁵²kɔ yif ḡa ta àṅlɔkɔ pə tɔp kəfisa kɔ. Aṅ pa ro ḡṅḡ, Dis ka àṅlɔkɔ aṅa beká támthəderəṅ ka kagbat ka aṅbelen, mader məgbipane mə ter kɔ.

⁵³Ka ɔkas ɔ tără kəpa ḡṅḡ gben̄ àṅlɔkɔ aṅa Yisósàṅ ɔ pa ro ḡṅḡ, Ɔwan ka mu ɔ kəli; ɔwa kənɔṅ yi kabɔr kəṅ be aṅ lane.

⁵⁴Aṅe ḡa beká yerəṅ ka emisali eye Yisósàṅ ɔ yɔ, ma ɔ wur ro Yudia tɔ kəkɔ ro Kalili.

Yɔn 5

¹Kədarəṅ ka mātáy ame met ma aṅYuda mə fumpɔ: ka Yisós ɔ kone ro Yerusalem.

²Ɔwa abunth aṅ yi ro Yerusalem aṅa mə a bont Bethesda ka kaHibru, aṅ ba egbənthəṅ tamath. Ambunth aṅe aṅ fātane ka ɔder ro ma thila təlome.

³Ka egbənthəṅ eye-e, afəm agbáthi aṅa yi atuy aṅ fənthá ri, afith-o, atətke-o, agbeba-o, aṅ kar káborá borá ka ámant.

⁴kotáy-e alɔkɔ alóm wurɔ ɔ tɔ thor ka àṅbunth ɔ bora bora ámant: ɔwa wuni o wuni ɔwe mə mɔtha wəṅ ka ámant-e kədarəṅ ka a po bora bora ma-e, ɔ sɔthɔ kəyeyk mader.

⁵Ka ulangba ulóm ɔ yi ri ɔwe ba ratu ta tɔren kəgba tɔfɔt tamthəresas.

⁶Ma Yisósàṅ ɔ nən̄k kɔ ɔ fənthá ri-e, ɔwa ɔ tără kəpa ɔwoni thəṅ ɔ yi yaṅ-e, ɔ pa ro ḡṅḡ, Mə yema a yenkəs mu-i?

⁷Ka ɔboma ɔ pa, Pa, i ba he wuni ɔwe mə bot mi ka àṅbunth bepi a bora bora ámant: kere ma i yi ka kader-e, ulóm ɔ mɔtha mi ri thor.

⁸Yisósàṅ ɔ pa ro ḡṅḡ, Yokane, gbasi kafənt ka mu mə kəth.

⁹Ka ɔlomp wati ɔlangba ɔ sɔthɔ kəyeyk mader, ɔ gbasi kafənt kəṅ, ɔ kəth. Aṅrey ḡati aṅ yi aṅsabath.

¹⁰Tiyáṅ aṅYuda aṅ pa ka ɔlangba ɔwe a yenkəs, Pə lomp he kámá mə kera kafənt ka mu ka aṅsabath.

¹¹Ɔ pa ro ḡṅḡ, Kɔnɔ ɔwe yenkəs mi-e, ɔ pa ro mi, Gbasi kafənt ka mu, mə kəth.

¹²kəṅ yif kɔ, Kane yi ɔwuni ɔwe pa ro mu, Gbasi kafənt ka mu, mə kəth-e?

¹³Kere ɔlangba ɔwe a yenkəs ɔ tɔ he kɔ; kotáy-e Yisósàṅ ɔ wur ri, átesoma-e afəm agbáthi aṅ yi ka ɔder wati.



- 14Kɔdarɔŋ kati ma Yisɔsɔŋ ɔ bɛp ɔlanɔba ka aŋseth ŋa Kuru, ɔ pa ro ŋɔŋ, Kɔla a po mu yenkɔs: te sɔ yɔ ahake, thani tɔy tɔlɔs tɔthasi ɔte tɔ tɔ wop mu.
- 15ɔlanɔba ɔ kɔnɛ, ɔ kanɛ aŋYuda kɔpa Yisɔsɔŋ kɔnɔ po yenkɔs kɔ.
- 16Ta ɔtɔy ɔte aŋYuda aŋ sɔmpa Yisɔsɔŋ, pɔkasife ɔ po yɔ mɔtɔy ame ka aŋsabath.
- 17Kɛrɛ Yisɔsɔŋ ɔ pa ro ŋaŋ, ɔKas kɔmi ɔ yɔ mɔpanth haŋ ka-ake, ɔwa mine sɔ i yɔ mɔpanth.
- 18Tiyɔŋ aŋYuda aŋ bɔr gbo thens tɔ kɔdif kɔ, pɔkasife pɔ yi hɛ gbo ɔ lɔsɛr aŋsabath, kɛrɛ ma ɔ pa sɔ Kurɔŋ ɔ yi ɔKas kɔŋ gbeŋ-e, pɔ yi mɔ ɔ thunthɔranɛ Kuru.
- 19Yisɔsɔŋ ɔ pa ro ŋaŋ, Tentɛnɛ i kanɛ nu, ɔWan ɔ gbɔli hɛ yɔ tɔy ɔ tɔy ka aŋfɔsɔ ŋɔŋ, ɔ gbɔli gbo yɔ ɔte ɔ nɛnk ɔKas ɔ yɔ: kotɔy-e mɔtɔy ama ɔ yɔ-e, ma ɔWan mɔ yɔ sɔ,
- 20ɔtesoma-e ɔKas ɔ bothɔr ɔWan, ɔ tɔri kɔ mɔtɔy bɛ ama kɔnɔ ɔ yɔ: ɔwa ɔ tɔ tɔri kɔ mɔpanth mɔbana mɔthasi ame, kɔmɔ nɔ kabanɛ.
- 21Mɔ mɔ ɔKas ɔ yokas aŋfi, dɛ ɔ kɔlis ŋa-e, yaŋ sɔ ɔWan ɔ kɔlis ɔwe ɔ yema.
- 22ɔKas ɔ thonkas hɛ wuni ɔ wuni, kɛrɛ ɔ po sɔŋ kathonkas bɛ ka ɔWan:
- 23kɔmɔ afɔm bɛ aŋ yikis ɔWan mɔ mɔ aŋ yikis ɔKas. Kɔnɔ ɔwe mɔ te yikis ɔWan, ɔ yikis hɛ ɔKas ɔwe som kɔ.
- 24Tentɛnɛ i kanɛ nu, Kɔnɔ ɔwe mɔ tɔl ɔrim ra mi, ɔwa ɔ lanɛ ɔwe som mi-e, ɔ ba aŋesɔm thɔbana, ɔ ba hɛ tɔ kɔsɔthɔ mɔtheri; kɛrɛ ɔ po thas rɔfi kɔkɔ ka aŋesɔm.
- 25I kanɛ nu tentɛnɛ, ɔŋlɔkɔ aŋ tɔ der, ɔwa aŋ yi thɔŋ ka-ake, ma aŋfi aŋ tɔ tɔl ɔrim ra ɔWan ka Kuru; ɔwa ŋaŋ aŋa mɔ tɔl aŋ tɔ kɔli.
- 26kotɔy-e mɔ mɔ ɔKas ɔ ba aŋesɔm ka kɔn kɔnɔnɛ, yaŋ sɔ ɔ po sɔŋ ɔWan kɔmɔ kɔnɔ sɔ ɔ ba aŋesɔm ka kɔn kɔnɔnɛ;
- 27kɔ po sɔŋ kɔ afɔsɔ tɔ kathonkas afɔm sɔ, pɔkasife ɔ yi ɔWan ka wuni.
- 28Te nu kabanɛ ta ɔte; kotɔy-e ɔŋlɔkɔ aŋ tɔ der, ma aŋfi sɛŋk aŋa yi ka taboma aŋ tɔ tɔl ɔrim rɔŋ,
- 29ɔwa aŋ tɔ wur ri, ŋaŋ aŋa po yɔ ɔfinɔ, aŋ tɔ yokanɛ ka aŋesɔm, ɔwa ŋaŋ aŋa po yɔ ɔlɔs, aŋ tɔ yokanɛ ka mɔtheri.
- 30Minɛŋ, i gbɔli hɛ yɔ tɔy ɔ tɔy ka aŋfɔsɔ a mi; mɔ mɔ i tɔl, ya mɔ i thonkas; ɔwa mathonkas ma mi mɔ yi mɔlompi; pɔkasife i thens hɛ mɔselɔ ma mi, kɛrɛ i thens gbo mɔselɔ ma ɔKas ɔwe som mi.
- 31Bepi i gbaki ta min minɛnɛ, aŋgbaki a mi aŋ yi hɛ tɔtɛŋ.
- 32Ulɔm ɔ yi ɔwe mɔ gbaki ta ɔtɔ mi, ɔwa i tɔrɔ kɔpa aŋgbaki aŋa mɔ gbaki ta ɔtɔ mi aŋ yi tɔtɛŋ.
- 33Nɔ som ka Yɔn, ɔwa ɔ seri ta tɔtɛŋ.



³⁴Kere aɲgbaki aɲa i wop aɲ wur he ka wuni kəpet; kere i fəf mətáy ame kámá nə gbəli kisi.

³⁵Konɔ yi amotha aɲa gbentha fino, ɔwa ta alokɔ agbut nə selɔ tɔ kəyasane yi məbɔne ka aɲmothá ɲɔɲ.

³⁶Kere i ba agbaki aɲa yi abana pəthas, aɲgbaki ɲa Yɔn; kotáy-e mapanth ama ɔKas ɔ sɔɲ mi kámá i pons ma, mapanth mati gbey ama i yɔ, mə seri ta átá mi, kəpa ɔKas ɔ po som mi.

³⁷Ka ɔKas kɔn kɔnɔne, ɔwe som mi ɔ po gbaki ta átá mi. Naɲ nə tha tɔlá he árim rɔɲ hali, nə tha nɔnk he məbálane mɔɲ.

³⁸ɔwa árim rɔɲ rə tiyá he ka emerá ε nu, kotáy-e nə selɔ he tɔ kəlane kɔnɔ ɔwe ɔ po som.

³⁹Nə thens ka mǎgbal, pəkasife nə nanɛ nə tɔ sɔthɔ ri aɲesəm thəbana; ɔwa mǎgbal ame má mə sɔɲ məseri ta átá mi.

⁴⁰Kere nə selɔ he der ro mi, kámá nə sɔthɔ aɲesəm.

⁴¹I wop he yiki kəwur ka wuni kəpet.

⁴²Kere i tǎrá nu, kəpa nə ba he məbɔthər ma Kuru ka emerá ε nu.

⁴³I der ka aɲes ɲa ɔKas kámi, kere nə malane he mi; bepi wuni lɔm ɔ der ka aɲes ɲa kɔn kɔnɔne, nə tɔ malane kɔ.

⁴⁴To mə nə gbəli lane-e, ma mə nə sɔthɔ ayiki wuni kin ka ulɔm-e, kere nə thens he aɲyiki aɲa wur ka Kuru son-e?

⁴⁵Te nu nanɛ kəpa i ti gbantիր nu ka ɔKas; ukin ɔ yi ri ɔwe mə gbantիր nu, Mosisáɲ kɔnɔɲ, ɔwe nə po seline.

⁴⁶kotáy-e bepi nə po lane Mosisáɲ-e, nə tɔ lane mi; átesoma-e ɔ gbal ta átá mi.

⁴⁷Kere bepi nə lane he mǎgbal mɔɲ-e, to mə nə gbəli lane ásim ta mi-e?

Yɔn 6

¹Kɔdarəɲ ka mətáy ame-e, Yisɔsáɲ ɔ fəsi kábáɲ ka Kalili, áke yi kábáɲ ka Tiberias.

²Ka runiya rəbana rə tǎɲ kɔ, átesoma-e aɲ nɔnk emisali eyɛ ɔ yɔ ka aɲfəm atuy.

³Ka Yisɔsáɲ ɔ gbep ka kəteɲ, ɔ yirá ri yi aɲkarande ɲɔɲ.

⁴Ka amet ma kapaine ma aɲYuda mə fat.

⁵Ma Yisɔsáɲ ɔ nɔnk kəpa runiya rəbana rə der ro ɲɔɲ-e, ɔ pa ka Filip, Reke mə sə wai tɔbo kámá aɲe aɲ di-e?

⁶ɔ pa áte kámá ɔ mem kɔ, kotáy-e kɔn kɔnɔne tǎrá áte ɔ ba tɔ kəyɔ.



- ⁷Filipàŋ ɔ pa, Təbo ta mɔlɔ ma ɛpɔn tàmthəderəŋ tə bek he ŋa, kāmà wuni o wuni ɔ sɔthɔ kəlɔl.
- ⁸Andrəŋ, ukarande kəŋ ukin, wənt ka Saymɔn Pita, ɔ pa ro ŋəŋ,
- ⁹Wath runi ɔ yi rɛ nɔ, ɔ ba təbo təbarli tamath, yi elop ŋarəŋ: kere to ɛye ɛ yi ta aŋfəm agbàthi aŋe-e?
- ¹⁰Yisəsàŋ ɔ pa, Yɔ aŋfəm aŋ yirà. ɔwa kereŋ kəgbàthi kə yi ka ɔder wati. Ka aŋfəm aruni aŋ yirà, mɔlɔ ma afəm ɛwul tamath.
- ¹¹Ka Yisəsàŋ ɔ gbasi tabo; ma ɔ po muti məmə-e, ɔ sɔŋ ti ka aŋkarande, ka aŋkarande aŋ yerəs ti ka ŋaŋ aŋa yirà yirà; ya a yerəs elop to aŋ yema bɛ.
- ¹²Maŋ po namra-e, ɔ pa ka aŋkarande ŋəŋ, gbasi ɛye tiane kāmà rəka o rəka rə te dine.
- ¹³kaŋ gbas gbas ti, ɔwa aŋ lasər tɔbəlai tɔfɔt tərəŋ yi ɛbɛm ya tabo təbarli tamath ɛye tiane maŋ po di.
- ¹⁴Tiyàŋ ma aŋfəm aŋ nən̄k aŋmisali aŋa ɔ yɔ-e, aŋ pa, Tentene ɔwe ɔ yi ɔnàbi ɔwe ba kəder ka àdàru.
- ¹⁵Ma Yisəsàŋ ɔ nən̄k kəpa aŋ yema re gbasi kə rə afɔsɔ, tə kəpɔlɔ kə ubai-e, ɔ wur ri ɔ gbep ka kateŋ kən son.
- ¹⁶Ma ráfɔy rə bek-e, aŋkarande ŋəŋ aŋ kə ro baŋ;
- ¹⁷kaŋ bákà ro bil, kaŋ fəsi tə kəkɔ ro Kepaniyɔm. Ka pə biyà thəŋ, ɔwa Yisəsàŋ ɔ tha der he ro ŋaŋ.
- ¹⁸ɔwa kábàŋ kə bansà salata aŋfɛf abàki aŋa sɔŋ.
- ¹⁹Maŋ po ŋas mɔlɔ ma email ɛsas thalɔm email yanɛ, aŋ nən̄k Yisəsàŋ ɔ kɔth ka kábàŋ rokɔm, ɔ tə fatər aŋbil: kaŋ nesa.
- ²⁰Kere ɔ pa ro ŋaŋ, Mineŋ; te nu nesa.
- ²¹kaŋ selɔ ten tə kəwɔŋa kə ka aŋbil; ɔwa ka ɔlemp wati aŋbil aŋ sɔ ro aŋ yema kə.
- ²²Ka aŋrey alɔm-e, aŋfəm aŋa tiyà ka kábàŋ roməri aŋ nən̄k kəpa abil alɔm aŋ yi he ri, thambe aŋa ro aŋkarande ŋəŋ aŋ po bákà, ɔwa aŋ tārà kəpa Yisəsàŋ ɔ wəŋ he yi aŋkarande ŋəŋ, kere ŋaŋ aŋ kɔne ŋa son,
- ²³(kere tɔbil tɔlɔl tə wur ro Tiberias ka ɔder ro aŋ di kabo-e, kədarəŋ ka ma ɔMarki ɔ muti məmɔ).
- ²⁴ɔwa ma aŋfəm aŋ nən̄k kəpa Yisəs ɔ yi he ri, thalɔm aŋkarande ŋəŋ, ŋaŋ sɔ aŋ bákà ka tɔbil aŋ der ro Kepaniyɔm, tə kəthens Yisəsàŋ.
- ²⁵Maŋ bəp kə ro baŋ məri-e, aŋ pa ro ŋəŋ, Karməkɔ, alɔkɔ areke mə der nɔ-e?
- ²⁶Yisəsàŋ ɔ pa ro ŋaŋ, Tentene, nə thens he mi pəkasifɛ nə nən̄k ɛmisali, kere ta ma nə di tabo, nə namra.



- 27Te thɔrɔ ta adarɛdi ara mɛ dinɛ, kɛrɛ thɔrɔ ta ɔdarɛdi ara mɛ tiyɔ haŋ ka aŋesɛm thɛbana, ara ɔWan ka wuni ɔ tɛ sɔŋ nu: kotɔy-e kɔnɔ Kuru ɔKas ɔ po mathlɛ.
- 28kaŋ pa ro ŋɔŋ, To mɛ sɛ yɔ-e, kɔmɔ sɛ yɔ mapanth ma Kuru-e?
- 29Yisɔsɔŋ ɔ pa ro ŋaŋ, ʌŋpanth ŋa Kuru ŋi aŋɛ, kɔmɔ nɛ lanɛ kɔ ɔwe ɔ po som.
- 30Tiyɔŋ aŋ pa ro ŋɔŋ, Ko amisali mɔ mɛ tɔri su, kɔmɔ sɛ nɛnk, ɔwa sɛ lanɛ mu-e? Ko mɔ mɛ yɔ-e?
- 31Aŋkas a su aŋ di tamana ro wula: mɔ mɛ a gbal kɛpa, ɔ sɔŋ ŋa kɛbo kɛwur ro riyana tɛ kɛdi.
- 32Ka Yisɔsɔŋ ɔ pa ro ŋaŋ, I kanɛ nu tentɛnɛ, pɛ yi hɛ Mosisɔŋ ɔwe sɔŋ nu kɛbo kɛwur ro riyana; kɛrɛ ɔKas kɔmi ɔ sɔŋ nu kabo ka tɔtɛŋ kɛwur ro riyana.
- 33ʌtesoma-e kabo ka Kuru kɛ yi kɔn ɔwe wur ro riyana, ɔwa kɛ sɔŋ aŋesɛm ka ɔdɔru.
- 34kaŋ pa ro ŋɔŋ, Pa, sɔŋ su kabo ake alɔkɔ o lɔkɔ.
- 35Yisɔsɔŋ ɔ pa ro ŋaŋ, Minɛ yi kabo ka aŋesɛm: ɔwe mɛ der ro mi dor rɛ ba hɛ kɛwop kɔ thɛbana: ɔwa ɔwe mɛ lanɛ mi rɛmun rɛ bɔk hɛ kɔ sɔ.
- 36Kɛrɛ i kanɛ nu, Nɛ po mi nɛnk, kɛrɛ halisa nɛ lanɛ hɛ.
- 37ɔaŋ bɛ aŋa ɔKas ɔ sɔŋ mi aŋ tɛ der ro mi; ɔwa kɔnɔ ɔwe mɛ der ro mi i bɔl hɛ kɔ rokaŋ hali.
- 38ʌtesoma-e i po thor kɛwur ro riyana, pɛ yi hɛ tɛ kɛyɔ mɔselɔ ma mi gbeŋ, kɛrɛ tɛ kɛyɔ mɔselɔ ma ɔwe som mi.
- 39ɔwa mɔselɔ ma ɔKas ɔwe som mi mi ame, kɛpa i te dim hali ukin ka ŋa bɛ aŋa ɔ po sɔŋ mi, kɛrɛ kɔmɔ i yokas ŋa ka ɔŋrey alɔpsɔ.
- 40kotɔy-e mɔselɔ ma ɔwe som mi mi ame, kɛpa wuni o wuni ɔwe mɛ nɛnk ɔWan, ɔwa ɔ lanɛ kɔ, ɔ tɛ sɔthɔ aŋesɛm thɛbana, ɔwa i ti yokas kɔ ka ɔŋrey alɔpsɔ.
- 41Ka aŋYuda aŋ fɔfɔthanɛ ta atɔŋ, pɛkasifɛ ɔ pa, Minɛ yi kabo ɔke wur ro riyana.
- 42kaŋ pa, Yisɔsɔŋ kɔn tha ɔwe, ɔwan ka Yosef-ɔŋ, ɔkas kɔŋ yi ɔkara kɔŋ sɛ tara-e, to som mɔ pa ka-ake, Minɛŋ i wur ro riana-e?
- 43Tiyɔŋ Yisɔsɔŋ ɔ pa ro ŋaŋ, Te nu fɔfɔthanɛ.
- 44Wuni o wuni ɔ gbɛli hɛ der ro mi, thambe ɔKas ɔwe som mi ɔ liŋ kɔ; ɔwa minɛŋ i ti yokas kɔ ka ɔŋrey alɔpsɔ.
- 45A po gbal ka mɔgbal ma Aŋnɔbi kɛpa, Kurɔŋ ɔ tɛ thɛksa ŋa bɛ. Wuni o wuni ɔwe po tɔlɔ ɔKas, ɔwa ɔ thɛkɛs ro ŋɔŋ, ɔ tɛ der ro mi.
- 46Pɛ yi hɛ kɛpa wuni o wuni ɔ po nɛnk ɔKas, thambe kɔnɔ ɔwe wur ka Kuru, kɔnɔ ɔ po nɛnk ɔKas.



- 47 I kanɛ nu tentɛnɛ, ɔwe lanɛ mi ɔ ba aɲesəm thɛbana.
- 48 Minɛ yi kabo ka aɲesəm.
- 49 Aɲkas a nu aɲ po di tamana ro wula, ɔwa aɲ po fi.
- 50 Ake ka yi kabo áke wur ro riyana, áke be wuni ɔ di ki, ɔ ba hɛ kɛfi.
- 51 Minɛ yi kabo kɛkɛli áke wur ro riyana; bepi wuni o wuni ɔ di kabo ake, ɔ tɛ kɛli thɛbana: ɔwa kabo áke mɛ i sɔɲ kɛ yi aɲɔɔ a mi, ta aɲesəm ɲa áɔáru.
- 52 Tiyáɲ aɲ Yuda aɲ gbal kɛtɔɲ ka ɲaɲ, aɲ pa, To ɔwuni ɔwe ɔ gbɛli sɔɲ su aɲɔɔ ɲɔɲ tɛ kɛdi-e?
- 53 Ka Yisɔsáɲ ɔ pa ro ɲaɲ, I kanɛ nu tentɛnɛ, Thambe nɛ di aɲɔɔ ɲa ɔWan ka wuni, ɔwa nɛ mun mátir mɔɲ-e, nɛ ba hɛ aɲesəm rokor ka nu.
- 54 Kɔnɔ ɔwe mɛ di aɲɔɔ a mi, ɔwa ɔ mun mátir ma mi, ɔ ba aɲesəm thɛbana, ɔwa i ti yokas kɔ ka aɲɔɔ alɛpsɔ.
- 55 kɔtáy-e aɲɔɔ a mi aɲ yi da rɛdi tentɛnɛ, ɔwa mátir ma mi mɛ yi da rɛmun tentɛnɛ.
- 56 ɔwe mɛ di aɲɔɔ a mi, ɔwa ɔwe mɛ mun mátir ma mi, ɔ tiyá rokor kámi, ɔwa minɛɲ i ti tiyá rokor kɔɲ.
- 57 Mɛ mɛ ɔKas ukɛli ɔ som mi, ɔwa i ɲesəm salata ɔKas, ya pɛ yi sɔ kɔn ɔwe mɛ di mi, kɔnɔ sɔ ɔ tɛ ɲesəm salata mi.
- 58 Kabo áke wur ro riyana ki ake: kɛ yi hɛ mɛ áke aɲkas a nu aɲ di, ɔwa aɲ fi: ɔwe mɛ di kabo ake ɔ tɛ ɲesəm thɛbana.
- 59 Mátáy ame Yisɔsáɲ ɔ fɔf ka aɲseth agbanɛ, mɛ mɛ thɛksa ro Kepaniyɔm.
- 60 Tiyáɲ aɲkarande ɲɔɲ agbáthi, maɲ tɛl áte, aɲ pa, Áɲpa aɲɛ a bák mɛɔɔ, kanɛ gbɛli sɔthnɛ ɲi-e?
- 61 ɔwa ma Yisɔsáɲ ɔ tárá ka aɲmɛrá ɲɔɲ kɛpa aɲkarande ɲɔɲ aɲ fɔfɛthane ta ti-e, ɔ pa ro ɲaɲ, Áte tɛ yɔ nu nɛ pɛnthɔla-i?
- 62 To mɛ pɛ yi bepi nɛ nɛnk ɔWan ka wuni ɔ ɲat ka ɔɔɔ ro ɔ la yi thɛpaɲ-e?
- 63 Aɲyina kɔnɔ mɛ sɔɲ aɲesəm; mɛɔɔ mɛ yi hɛ koko: ásim áte i po kanɛ nu, tɛ yi ayina, yi ɲesəm.
- 64 Kɛɛ alɔm kɛtɔɲ ka nu aɲ lanɛ hɛ. Kɔtáy-e Yisɔsáɲ ɔ tárá kábi ka katɔp ɲaɲ aɲa te lanɛ, ɔwa ɔwe mɛ sɔnd kɔ.
- 65 kɔ pa, Ta áte i po kanɛ nu, wuni o wuni ɔ gbɛli hɛ der ro mi, thambe ɔKas ɔ lemne ti.
- 66 Ka aɲlɔkɔ ɲati aɲkarande ɲa Yisɔs agbáthi aɲ wur ro ɲɔɲ, aɲ kɔth hɛ sɔ yi kɔnɔɲ.
- 67 Ka Yisɔsáɲ ɔ pa ka aɲtɔfɔt ɲarɔɲ, Nia sɔ nɛ tɛ kɔnɛ-i?



⁶⁸Saymɔn Pita ɔ wosa, ɔ pa, Pa ka kanɛ mɛ sɛ kɔ-e? Munɔ mɛ ba ʔsim ta aɲesɛm thɛbana.

⁶⁹Ɔwa sɛ po lanɛ ɔwa sɛ tʔrʔ kɛpa munɔɲ mɛ yi ɔSɛm ka Kuru.

⁷⁰Yisɔsʔn ɔ pa ro nʔn, Mineɲ i thith hɛ nu tɔfɔt nʔrɛɲ, ɔwa ukin ka nu ɔ ba Sethani-i?

⁷¹Ka-ake ɔ fɔf ta Yudas Iskariyɔt ɔwan ka Saymɔn: ʔtesoma-e, kɔnɔ yi ɔwe mɛ sɔnd kɔ, ɔ yi ukin ka antɔfɔt nʔrɛɲ.

Yɔn 7

¹Kɛdarɛɲ ka mʔtʔy amɛ-e, Yisɔsʔn ɔ kɔth kɔth ro Kalili; ʔtesoma-e ɔ yema hɛ kɔth kɔth ro Yudia, pɛkasifɛ aɲYuda aɲ thɛns tɛ kɛdif kɔ.

²Ka amet ma aɲYuda, amet ma ɛgbɔm mɛ fat.

³Tiyʔn aɲwɔnt aruni nʔa Yisɔs aɲ pa ro nʔn, Wur nɔ, ɔwa kɔnɛ ro Yudia, kʔmʔ aɲkarande a mu sɛ aɲ gbɛli nɛnk mʔyɔs ama mɛ yɔ-e.

⁴kɔtʔy-e wuni ɔ wuni ɔ yɔ hɛ tʔy ro mʔnkɛ, ma kɔn kɔnɔnɛ ɔ yema kʔmʔ a tʔrʔ kɛ gbafɛth. Bepi mɛ yɔ mʔtʔy amɛ, tɔrinɛ ka ʔdʔru.

⁵ʔtesoma-e hali aɲwɔnt nʔn aruni aɲ lanɛ hɛ kɔ.

⁶Ka Yisɔsʔn ɔ pa ro nʔn, ʔnʔlɔkɔ a mi aɲ tha bek hɛ, kɛrɛ ʔnʔlɔkɔ a nu aɲ yi abɛnɛnɛ lɔkɔ ɔ lɔkɔ.

⁷Raru rɛ gbɛli hɛ gbɛnʔa nu; kɛrɛ rɛ gbɛnʔa mi, pɛkasifɛ i gbaki ta ti kɛpa mʔyɔs mati mɛ yi mɛlɛs.

⁸Kɔnɛ nu ka amet; minɛɲ i tha kɔ hɛ ka-ake, ʔtesoma-e ʔnʔlɔkɔ a mi aɲ tha lasɛr hɛ.

⁹Ma ɔ po pa ʔte ro nʔn ɔ yirʔ ras ro Kalili.

¹⁰Kɛrɛ ma aɲwɔnt nʔn aruni aɲ po kɔnɛ ka amet-e, kɔnɔɲ sɛ ɔ kɔnɛ pɛ yi hɛ gbafɛth, kɛrɛ pɛ yi gbo sɔy.

¹¹Ka aɲYuda aɲ thɛns kɔ ka amet, aɲ pa, Kɔn-a?

¹²Ka ʔsuniya aɲ fɔfɛthanɛ ɔgbʔthi ta atɔɲ: alɔm aɲ pa, Ɔ yi wuni finɔ; alɔm aɲ pa, Pɛ yi hɛ yi, ɔ pɛnʔis gbo afɛm.

¹³Kɛrɛ aɲfɛm aɲ fɔf hɛ gbafɛth ta atɔɲ ta rɛnɛs ra aɲYuda-e.

¹⁴Kɛrɛ ma amet mɛ bek ratɔɲ-e, Yisɔsʔn ɔ kɔnɛ ka ʔnʔseth nʔa Kuru, ɔ thɛksa nʔa.

¹⁵Ka aɲYuda aɲ kabanɛ, aɲ pa, To ɔwuni ɔwe ɔ sɔthɔ kɛtara, kɛdarɛɲ kɔ kɔ hɛ rɛ kɛkaraɲ-e?

¹⁶Yisɔsʔn ɔ pa ro nʔn, Kathɛksa kʔmi min tha ba ki, kɛrɛ kɛ wur ka kɔnɔ ɔwe som mi.



- 17** Bepi wuni o wuni o selo tɔ kɛyɔ mɛselo mɔŋ-e, o tɔ tɔrɔ ta kathɛksa, bepi kɛ wur ka Kuru, thalɔm bepi i fɔf kɛwur ka aŋmerɔ a mi son.
- 18** Wuni ɔwe mɔ fɔf ka aŋmerɔ ŋɔŋ-e, o thens gbo aŋyiki ŋɔŋ: kɛrɛ kɔnɔŋ ɔwe mɔ thens aŋyiki ŋa ɔwe po som kɔ-e, kɔnɔ kati o yi tɔtɛŋ, ɔwa o ba he mɛkɛnɔ.
- 19** Mosisɔŋ kɔn tha sɔŋ nu anthɔ-i? Kɛrɛ wuni o wuni ka nu o wop he aŋthɔ. To som nɔ thens tɔ kɛdif mi-e?
- 20** Aŋfɛm aŋ pa, Munɔ mɔ ba ukɛrɛfi; kane mɔ thens tɔ kɛdif mu-e?
- 21** Yisɔsɔŋ o wosa, o pa ro ŋaŋ, I po yɔ apanth ŋin, ka na be nɔ kabane.
- 22** Mosisɔŋ o sɔŋ nu kɛbirons [pɔ yi he kɔpa kɛ wur ka Mosisɔŋ, kɛrɛ kɛ wur ka aŋkas] ɔwa nɔ birons wuni ka aŋsabath.
- 23** Bepi a birons wuni ka aŋsabath, kɛmɔ a te lɛsɛr aŋthɔ ŋa Mosis-e, naŋ nɔ tɔ bansɛr mi, ta ma i po yenkɛs wuni ka aŋsabath-i?
- 24** Te thonkas ta mɛkɛli, kɛrɛ thonkas kɛthoŋkas kɛlɔmpi.
- 25** Aŋfɛm alɔm ro Yerusalem aŋ pa, Kɔn tha ɔwe ɔwe ma thens tɔ kɛdif-i?
- 26** Kɛla o fɔf gbafɛth, ɔwa aŋ pa he koko ro ŋɔŋ. Pɔ gbɛli yi aŋgbɛka aŋ tɔrɔ ɔwe o yi ɔKrayst tentene-i?
- 27** Kɛrɛ ɔwuni ɔwe sɔ tɔrɔ ro o wur; kɛrɛ bepi ɔKrayst o der, wuni o wuni o gbɛli he tɔrɔ ro mɔ wur.
- 28** Tiyɔŋ ma Yisɔsɔŋ o thɛksa ka aŋseth ŋa Kuru o ŋata ɔrim rɔŋ, o pa, Nɔ tɔrɔ mi, nɔ tɔrɔ sɔ ro i wur: ɔwa i der he ka aŋfɔsɔ a mi, kɛrɛ kɔnɔ ɔwe som mi-e o yi tɔtɛŋ, ɔwe nɔ te tɔrɔ.
- 29** Kɛrɛ mineŋ i tɔrɔ kɔ, ɔtesoma-e i wur ro ŋɔŋ, ɔwa kɔnɔ som mi.
- 30** kaŋ yema wop kɔ: kɛrɛ wuni o wuni o gboŋ he kɔ kɛta, pɛkasife aŋlɔkɔ ŋɔŋ aŋ tha bek he.
- 31** Agbathi kɛtɔŋ ka ɔruniya aŋ lane kɔ, aŋ pa, Ma ɔKrayst o der o tɔ yɔ emisali egbathi ɛ thasi ɛye ɔwuni ɔwe o po yɔ-i?
- 32** AŋFarisi aŋ tɛl mɔ mɔ aŋfɛm aŋ fɔfɛthane mɔtɔy ame ta atɔŋ; ka aŋFarisi yi aŋfode abana aŋ som asom tɔ kɛwop kɔ.
- 33** Ka Yisɔsɔŋ o pa ro ŋaŋ, Alɔkɔ agbut i yi ras rɛ naŋ, kɛdarɔŋ kati i ti kɔnɛ ka ɔwe som mi.
- 34** Nɔ tɔ thens mi, kɛrɛ nɔ gbɛli he fir mi: ɔwa ro i yi, nɔ gbɛli he bek ri.
- 35** AŋYuda aŋ yifɛthane, aŋ pa, Reke ɔwuni ɔwe o tɔ kɔ-e, kɛmɔ sɔ te fir kɔ-e, o tɔ kɔ kaŋ sakane kɛtɔŋ ka tɔbona tɛlɔm, tɔ kɛthɛksa tɔbona tɛlɔm-i?



- ³⁶Ko apa aŋe aŋa ɔ fɔf, Nə tə thens mi kere nə ba he kənəŋk mi: ɔwa ro i yi, nə gbəli he bek ri-e?
- ³⁷Ka aŋrey aləpsɔ, aŋrey abana ŋa amet, Yisəsāŋ ɔ tɛmá ɔ ŋata árim rɔŋ, ɔ pa, Bepi ramun rə bák wuni o wuni, ta ɔ der ro mi ɔ mun.
- ³⁸Kɔnɔ ɔwe mə lanɛ mi-e, mə mə mǎgbal mə pa, tɛbaŋ ta mǎnt ma aŋesəm tɛ tɛ wur ka akor kɔŋ.
- ³⁹Ɔ pa áte ta ɔYina, ɔwe ŋaŋ aŋa lanɛ kɔ aŋ yi tɛ kəsɔthɔ: átesoma-e a tha sɔŋ he ɔYina, pəkasife a tha yikis he Yisəsāŋ.
- ⁴⁰Tiyāŋ afəm agbáthi maŋ po tɛl mapa mɔŋ-e, aŋ pa, Ka táteŋ ɔwe ɔ yi ɔnǎbi.
- ⁴¹Afəm alóm aŋ pa, Ɔ yi ɔKrayst. Kere alóm aŋ pa, Hɔ, ɔKrayst ɔ tɛ wur ro Kalili-i?
- ⁴²Magbal mə tɔri he su kɛpa ɔKrayst ɔ tɛ wur ka rákomra ra Debid, yi ka kápet ka ro Bethlehem, ro Debid ɔ la yi-i?
- ⁴³Ka mǎgbayane mə wɔŋ kətɔŋ ka aŋfəm salata kɔnɔŋ.
- ⁴⁴Afəm alóm aŋ yema wop kɔ; kere wuni o wuni ɔ gboŋ he kɔ kɛta.
- ⁴⁵Tiyāŋ asom aŋ der ka aŋfode abana yi aŋFarisi. Ɔwa aŋfode abana yi aŋFarisi aŋ pa ro ŋaŋ, kɔyey nə te kǎrà kɔ-e?
- ⁴⁶Aŋsom aŋ wosa aŋ pa, Wuni kápet ɔ tha fɔf he mə ɔwuni ɔwe.
- ⁴⁷Ka aŋFarisi aŋ pa, A po pɛŋis nu sɔ-i?
- ⁴⁸Agbɛka alóm thalóm aŋFarisi aŋ po lanɛ kɔ-i?
- ⁴⁹Kere aŋfəm aŋe aŋa te tǎrà aŋthɔ, áranka aŋ wop ŋa.
- ⁵⁰Ɔwa Nikodimɔs ɔwe sa der ka Yisəs táták kɔnɔ yi ukin ka ŋaŋ,
- ⁵¹kɔ pa ro ŋaŋ, Áŋthɔ a su aŋ tɛ thonkas wuni kɛte tɛlá kɔ-i, ɔwa kɛte tǎrà áte ɔ yɔ-i?
- ⁵²Aŋ pa ro ŋɔŋ, Munɔ sɔ mə wur ro Kalili-i? Thens thens ti, mə tɛ fir kɛpa unabi ɔ wur he ro Kalili.
- ⁵³Ka wuni o wuni ɔ kɔnɛ ro seth kɔŋ.

Yɔn 8

- ¹Kere Yisəs ɔ kɔnɛ ka kateŋ ka Ɔlif.
- ²Ɔwa ka aŋrey alóm-e ɔ der ka aŋseth ŋa Kuru bəth bəth, ka aŋfəm bɛ aŋ der ro ŋɔŋ: kɔ yirǎ ɔ thɛksa ŋa.
- ³Ɔwa aŋkarmɔkɔ yi aŋFarisi aŋ kǎrà wuni bom ro ŋɔŋ ɔwe a wop ka kɔyɔ kɛrɛp; ma a po tɛmɛr kɔ ratɔŋ-e,
- ⁴aŋ pa ro ŋɔŋ, Karmɔkɔ, a gbipane ɔwuni bom ɔwe ka aŋfɛl ŋa kɛrɛp.



- ⁵Ɔwa Mosisàŋ ɔ yamari su ka àŋthɔ, kɛpa wuni wunɔŋ a ba tɛ kɛdif kɔ mɛsar: munɔŋ-a to mɛ pa-e?
- ⁶Aŋ pa àte tɛ kɛgbɔns kɔ, kámá aŋ ba táy tɛ kɛgbanthir kɔ. Kɛrɛ Yisɔsàŋ ɔ sanɛ, ɔ gbal yi aŋsɛl ɲɔŋ ka àŋthɔf.
- ⁷Maŋ básɛr kɛyif kɔ-e, ɔ yokanɛ, ɔ pa ro ɲaŋ, Wuni ɔwe te ba ahakɛ kɛtɔŋ ka nu-e, ta ɔ mɔtha lɛmɛr kɔ ásar.
- ⁸Ɔwa ɔ kál sanɛ, ɔ gbal yi aŋsɛl ɲɔŋ ka àŋthɔf.
- ⁹Maŋ tɛl ti-e, emɛrá yaŋ ɛ ɲap ɲa, kaŋ wur ukin kin, kɛtɔp ka ɔbaki haŋ ka ɔlɛpsɔ; aŋ tey Yisɔsàŋ kɔn son, yi ɔwuni bom ro ɔ tɛmá ratɔŋ.
- ¹⁰Ma Yisɔsàŋ ɔ kál yokanɛ-e, ɔ pa ka ɔwuni bom, Reke yi aŋa gbanthir mu-a, wuni kin ɔ sɔŋ hɛ mu mɔtheri-i?
- ¹¹kɔ pa, Hali wuni, Pa. Ka Yisɔsàŋ ɔ pa ro ɲɔŋ, Minɛ sɔ i sɔŋ hɛ mu mɔtheri; kɔnɛ, ɔwa te sɔ yɔ ahakɛ.
- ¹²Ɔwa Yisɔsàŋ ɔ kál fɔfàne aŋfɛm, ɔ pa, Minɛ yi àŋmothá ɲa ádàru; wuni ɔwe mɛ tãŋ mi-e ɔ ba hɛ kɛkɔth ka àŋsum, kɛrɛ ɔ tɛ ba àŋmothá ɲa aŋesɛm.
- ¹³Tiyàŋ aŋFarisi aŋ pa ro ɲɔŋ, Munɔ mɛ gbakiɛnɛ; aŋgbaki a mu aŋ yi hɛ táteŋ.
- ¹⁴Yisɔs ɔ wosa ɔ pa, Hali i gbakiɛnɛ, aŋgbaki a mi aŋ yi táteŋ: átesoma-e, i tãrá ro i wur, ɔwa i tãrá ro mɛ i kɔ-e; kɛrɛ naŋ nɛ tɛ hɛ ro i wur, thalɔm ro mɛ i kɔ-e.
- ¹⁵Naŋ nɛ thonkas mɛ mɛ nɛ nɛnk; minɛ i thonkas hɛ wuni o wuni.
- ¹⁶Hali i thonkas wuni, mathonkas ma mi mɛ yi táteŋ; kotáy-e i yi hɛ min son, kɛrɛ ɔKas ɔwe som mi ɔ yi yi minɛ.
- ¹⁷Aŋko, ka àŋthɔ a nu sɔ a gbal kɛpa aŋgbaki ɲa afɛm ɲarɔŋ aŋ yi táteŋ.
- ¹⁸Minɛŋ ɔwe gbakiɛnɛ, ɔwa ɔKas ɔwe som mi ɔ gbaki ta átá mi.
- ¹⁹kaŋ pa ro ɲɔŋ, Reke ɔKas ka mu ɔ yi-e? Yisɔsàŋ ɔ wosa, Naŋ nɛ tɛ hɛ mi, nɛ tɛ hɛ ɔKas kámi: bepi nɛ tãrá mi naŋ-e, nɛ tɛ tãrá sɔ ɔKas kámi.
- ²⁰Yisɔsàŋ ɔ fɔf ásim àte ka ɔder ɔbenɛ, mɛ mɛ thɛksa ka àŋseth ɲa Kuru: ɔwa wuni o wuni ɔ wop hɛ kɔ; átesoma-e àŋlɔkɔ ɲɔŋ aŋ tha bek hɛ.
- ²¹Yisɔsàŋ ɔ pa ro ɲaŋ, Minɛŋ i ti kɔnɛ, nɛ tɛ thɛns mi, ɔwa nɛ tɛ fi ka ɛhake ɛ nu; ro mɛ i kɔ-e, nɛ gbɛli hɛ der ri.
- ²²Tiyàŋ aŋYuda aŋ pa, Ɔ tɛ difnɛ-i, ma ɔ pa, Ro mɛ i kɔ-e, nɛ gbɛli hɛ der ri-i?
- ²³Ɔ pa ro ɲaŋ, Nia nɛ wur roratha, minɛŋ i wur rokɔm: nia nɛ yi ka ádàru are; minɛŋ i yi hɛ ka ádàru are.
- ²⁴Tiyàŋ i pa ro nu, nɛ tɛ fi ka ɛhake ɛ nu: kotáy-e bepi nɛ lanɛ hɛ kɛpa minɛ yi kɔn-e, nɛ tɛ fi ka ɛhake ɛ nu



- ²⁵kaŋ pa ro ŋoŋ, Mun kanɛ-i? Ka Yisɔsɔŋ ɔ pa ro ŋaŋ, Hali kɔnɔŋ ɔwe i kanɛ nu ka katɔp.
- ²⁶I ba mɔtɔy mɔgbathi tɔ kɔpa yi tɔ kɔthoŋkas ta ɔtɔ nu: kɛrɛ ɔwe som mi-e ɔ yi tɔtɛŋ; ɔwa mɔtɔy ama i tɔl ro ŋoŋ mɔ mɔ i pa ka ɔdɔru.
- ²⁷Kɛrɛ pɛ sɔk hɛ ŋa kɔpa ɔ fɔf ta ɔKas.
- ²⁸Ka Yisɔsɔŋ ɔ pa ro ŋaŋ, Ma nɔ po ŋata ɔWan ka wuni, nɔ tɔ tɔrɔ kɔpa i yɔ hɛ tɔy ɔ tɔy ka ɔŋmerɔ a mi son: kɛrɛ i fɔf mɔtɔy amɛ mɔ mɔ ɔKas ɔ thɔksa mi.
- ²⁹ɔwa ɔwe som mi ɔ yi yi minɛŋ: ɔKas ɔ tey hɛ mi min son; ɔtesoma-e i yɔ mɔtɔy ama mɔ bɔnɛs kɔ alɔkɔ bɛ.
- ³⁰Ma ɔ fɔf ɔsim ɔtɛ-e, afɔm agbɔthi ɔŋ lanɛ kɔ.
- ³¹Tiyɔŋ Yisɔsɔŋ ɔ pa ka ɔŋYuda ɔŋa po lanɛ kɔ, Bepi nɔ po bɔkɛr ka ɔrim ra mi, nɔ yi ɔŋkarandɛ a mi tentɛnɛ;
- ³²ɔwa nɔ tɔ tɔrɔ tɔtɛŋ, ɔwa tɔtɛŋ tɔ tɔ yɔ nu nɔ yi awuth akom.
- ³³ɔŋ pa ro ŋoŋ, Sɔ yi awuth ŋa Ebrahim, sɔ la hɛ yi atar ka wuni ɔ wuni: tɔ pɛ som mɔ pa, A tɔ yɔ nu awuth akom-e?
- ³⁴Yisɔsɔŋ ɔ pa ro ŋaŋ, I kanɛ nu tentɛnɛ, wuni ɔ wuni ɔwe mɔ yɔ ahakɛ ɔ yi utar ka ahakɛ.
- ³⁵Kɛrɛ ɔtar ɔ tiyɔ hɛ ka ɔŋseth ŋa ɔmarki kɔŋ thɔbana; kɛrɛ ɔwan ɔ tɔ tiyɔ ri thɔbana.
- ³⁶Tiyɔŋ bepi ɔWan ɔ sɔki nu awuth akom-e, nɔ tɔ yi awuth akom tentɛnɛ.
- ³⁷I tɔrɔ kɔpa nɔ yi awuth ŋa Ebrahim: kɛrɛ nɔ thɛns tɔ kɔdif mi, ɔtesoma-e ɔrim ra mi rɔ yirɔ hɛ ka ɛmerɔ ɛ nu.
- ³⁸I fɔf ɔtɛ i tɔl ka ɔKas kɔmi: kɛrɛ naŋ nɔ yɔ ɔtɛ nɔ tɔl ka ɔkas ka nu.
- ³⁹ɔŋ pa ro ŋoŋ, Ebrahim-ɔŋ kɔnɔ yi ɔkas kɔsu. Yisɔsɔŋ ɔ pa ro ŋaŋ, Bepi nɔ yi awuth ŋa Ebrahim-e, nɔ tɔ yɔ mɔyɔs ma Ebrahim.
- ⁴⁰Kɛrɛ nɔ thɛns tɔ kɔdif mi, wuni ɔwe po kanɛ nu tɔtɛŋ, ɔtɛ i po tɔl ka Kuru: Ebrahim-ɔŋ ɔ la hɛ yɔ ɔtɛ.
- ⁴¹Naŋ nɔ yɔ mɔyɔs ma ɔkas ka nu. Kaŋ pa ro ŋoŋ, A kom hɛ su rɔ kɔrɔp, sɔ ba uKas ukin, Kurɔŋ kɔnɔŋ.
- ⁴²Yisɔsɔŋ ɔ pa ro ŋaŋ, Bepi Kurɔŋ ɔ yi ɔKas ka nu-e, nɔ tɔ bɔthɛr mi: ɔtesoma-e, i wur kɔwur ka Kuru; i der hɛ ka ɔŋmerɔ a mi gbɛŋ, kɛrɛ kɔnɔ som mi.
- ⁴³To som nɔ tɔ tɔrɔ kafɔf ka mi-e? Hali ma nɔ tɔ gbɔli wɔp ɔrim ra mi.
- ⁴⁴Nia nɔ yi ka ɔkas ka nu Sethani, ɔwa ɛfɛla ya ɔkas ka nu yɛ nɔ yɛma yɔ. ɔ yi udif kɔbi ka katɔp, ɔ tɔmɔ hɛ ka tɔtɛŋ, pɔkasifɛ tɔtɛŋ tɔ yi hɛ ro ŋoŋ. Ma ɔ fɔf rɔyɛm-e, ɔ fɔf ta ɔtɔŋ: ɔtesoma-e uyɛm wɔŋ, yi ɔkas kati.



- 45** Kere ma i kanɛ nu tateŋ, nə lanɛ hɛ mi.
- 46** Wuni reke kətɔŋ ka nu ɔ gbəli sɔŋ mi mətheri ta ahakɛ-e? Ɔwa bepi i kanɛ nu tateŋ, kɔyɛŋ nə te mi lanɛ-e?
- 47** Wuni ɔwe yi ka Kuru ɔ təl ʔsim ta Kuru: tesom nə təl hɛ ti, pəkasiɛ nə yi hɛ ka Kuru.
- 48** AŋYuda aŋ pa ro ŋɔŋ, Sə fɔf hɛ ɔlompi ma sə pa mə yi uSamariya-i, ɔwa mə ba ukərəfi-i?
- 49** Yisəsāŋ ɔ pa, I ba hɛ ukərəfi: i yikis gbo ɔKas kāmɪ, ɔwa nia nə sambos mi.
- 50** Mineŋ i thens hɛ aŋyiki a mi gbeŋ: ukin ɔ yi ri ɔwe mə thens aŋyiki a mi, yi ɔwe mə gbəka ŋi.
- 51** I kanɛ nu tentɛɛ, Bepi wuni ɔ wop ʔrim ra mi, ɔ nənk hɛ rafi thəbana.
- 52** AŋYuda aŋ pa, Ka-ake sə tārā kəpa mə ba ukərəfi. Ebrahim-əŋ ɔ po fi, yi Aŋnābi: kere munɔ mə pa, Bepi wuni ɔ wop ʔrim ra mi, rəfi rə wop hɛ kɔ thəbana.
- 53** Munɔ mə thasi Ebrahim ɔkas kāsɔ ɔwe fi, ɔwa Aŋnābi aŋ po fi: kanɛ mə thunthəranɛ-e?
- 54** Yisəsāŋ ɔ pa, Bepi i yikisɛ-e, aŋyiki a mi aŋ yi kətɪŋ; ɔKas kāmɪ kɔnɔ mə yikis mi; ta ɔwe nə pa ɔ yi ɔKuru ka nu.
- 55** Ɔwa nia nə tɛ hɛ kɔ, kere mine i tārā kɔ: ɔwa bepi i pa i tɛ hɛ kɔ-e, i ti yi uyem mə niaŋ: kere i tārā kɔ, ɔwa i wop ʔrim rɔŋ.
- 56** Ebrahim-əŋ ɔkas ka nu, pə bɔnɛ kɔ tə kənəŋk ʔŋrey a mi, ɔwa ɔ nənk ŋi, ka pə bɔnɛ kɔ.
- 57** AŋYuda aŋ pa ro ŋɔŋ, Munɔ mə ba hɛ ras tɔren tɔgba tɔrəŋ tɔfɔt, ɔwa mə po nənk Ebrahimāŋ-i?
- 58** Yisəsāŋ ɔ pa ro ŋaŋ, I kanɛ nu tentɛɛ, Yeŋka a kom Ebrahim-əŋ, I yi.
- 59** kaŋ gbasi məsar tə kələmɔs kɔ: kere Yisəsāŋ ɔ maŋkɛ, kɔ wur ka ʔŋseth ŋa Kuru, ɔ thas kətɔŋ ka ŋaŋ, ɔ kɔnɛ.

Yɔn 9

- 1** Ɔwa ma Yisəsāŋ ɔ bɔ thas-e, ɔ nənk uləŋgba ufith kābi ma a kom kɔ.
- 2** Ka aŋkarande ŋɔŋ aŋ yif kɔ, aŋ pa, Karməkɔ, kanɛ yɔ ahakɛ-e, ta ma a kom kɔ ufith-e, ɔwe-o, thalɔm aŋa kom kɔ-e?
- 3** Ka Yisəsāŋ ɔ pa ro ŋaŋ, Ɔwuni ɔwe ɔ yɔ hɛ ahakɛ, thalɔm aŋa kom kɔ: kere a kom kɔ ufith kāmā məyɔs ma Kuru mə tɔrine ro ŋɔŋ.



- ⁴I ba kəyɔ mapanth ma kɔnɔ ɔwe som mi, ma pə yi ras rəyaŋ: rātātək rə tə der, ma pə yi wuni o wuni ɔ gbəli hɛ yɔ məpanth.
- ⁵Ma i yi nɔru, minɛ yi aŋmothà ŋa ádàru.
- ⁶Ma ɔ po pa yaŋ-e, ɔ thuf ro thɔf, kɔ yɔ ámantəs yɔftha, kɔ sop yi ka ɛfɔr ya ɔwuni fith.
- ⁷kɔ pa ro ŋɔŋ, Kɔnɛ, mə wufnɛ ka aŋbunth aSilɔm (aŋa a tepa kəpa, Som). Kɔ kɔnɛ, ɔ wufnɛ, kɔ kálane ukəli.
- ⁸Aŋfatane yi ŋaŋ aŋa tārà kəpa ɔ la yi ufith, aŋ pa, ɔwuni ɔwe mə la yirà tə kəthola kɔn tha ɔwe-i?
- ⁹Alɔm aŋ pa, Kɔnɔŋ, alɔm aŋ pa, Kɔn thahɔ, ɔ bálane kɔ gbo: kɛrɛ kɔnɔ ɔ pa, Minɛŋ gbɛŋ.
- ¹⁰Tiyán aŋ pa ro ŋɔŋ, To pə təp a kanthi ɛfɔr ɛ mu-e?
- ¹¹ɔ pa, ɔwuni ɔwe a bont Yisɔs ɔ yɔ ɛyɔftha, kɔ sop ɛfɔr ɛ mi, ɔ pa, Kɔnɛ wufnɛ ka aŋbunth aSilɔm, ka i kɔnɛ wufnɛ ka i sɔthɔ kəkəli.
- ¹²kaŋ yif kɔ, Reke ɔ yi-e? Kɛrɛ ɔlaŋgba ɔ pa, I tɛ hɛ.
- ¹³Ka aŋfəm aŋ kārà ɔwuni ɔwe la yi ufith ka aŋFarisi.
- ¹⁴ɔwa pə yi aŋsabath ma Yisɔsán ɔ yɔ ɛyɔftha, ɔwa ɔ kanthi ɛfɔr yɔŋ.
- ¹⁵AŋFarisi aŋ yif kɔ sɔ to ɔ sɔthɔ kakəli kɔŋ. ɔ pa ro ŋaŋ, ɔ bot ɛyɔftha ka ɛfɔr ɛ mi, ka i wufnɛ, ɔwa i nɔnk.
- ¹⁶Tiyán aFaresi alɔm aŋ pa, ɔwuni ɔwe ɔ wur hɛ ka Kuru, pəkasifɛ ɔ wop hɛ aŋsabath. Alɔm aŋ pa, To wuni ka ahake mə gbəli yɔ ɛmisali ɛwunɔŋ-e? Məgbayane mə wɔŋ kətɔŋ ka ŋaŋ.
- ¹⁷kaŋ kál pa ka ɔlaŋgba, To munɔŋ mə pa ta atɔŋ-e, ma ɔ po kanthi ɛfɔr ɛ mu-e? ɔ pa, Unabi wɔŋ.
- ¹⁸Kɛrɛ aŋYuda aŋ lane hɛ kəpa ɔ la yi ufith, ɔwa ɔ sɔthɔ kəkəli, haŋ aŋ tela aŋa kom ɔwe sɔthɔ kakəli kɔŋ.
- ¹⁹kaŋ yif ŋa aŋ pa, ɔwan ka nu kɔnɔ ɔwe-i, ɔwe nə pa a kom kɔ ufith-i, to pə som thɔŋ ɔ kəli ka-ake-e?
- ²⁰Aŋa kom kɔ aŋ pa, Sə tārà kəpa ɔwan kásu kɔnɔŋ ɔwe ɔwa kəpa a kom kɔ ufith:
- ²¹kɛrɛ ara yɔ ɔ kəli ka-ake, saŋ sə tɛ hɛ ri: ɔwa sə tɛ hɛ ɔwe kanthi ɛfɔr yɔŋ-e: ɔ po tɛŋa, yif kɔ nu; ɔ tə gbakiɛnɛ.
- ²²Aŋ wosa yaŋ-e, pəkasifɛ aŋ nesa aŋYuda: kotáy-e aŋYuda aŋ po lemranɛ kəpa, bepi wuni o wuni ɔ gbithane kəpa Yisɔsán ɔ yi ɔKraist-e aŋ tə wurɔ kɔ ka aŋseth agbane.
- ²³Tiyán aŋa kom kɔ aŋ pa, ɔ po tɛŋa: yif kɔ nu.



²⁴AñFarisi añ kál tela òlanɔba òwe la yi ufith, añ pa ro ñɔɔ, Yikis Kuru: sɛ tǎrà kɛpa òwuni òwe ò yi wuni ka ahake.

²⁵Ɔ wosa kɛpa, Bepi ò yi wuni lɛs-e, minɛɔ i tɛ hɛ, kɛrɛ tǎy tin i tǎrà, i la yi ufith kɛrɛ ka-ake i nɛnk.

²⁶kañ kál yif, To ò yɔna mu-e, to ò kanthi ɛfor ɛ mu-e?

²⁷kɔ pa, I po kanɛ nu ti, kɛrɛ nɔ tɛlà hɛ mi: kɔyɛɔ nɔ yema tɛl ti sɔ-e, nañ nɔ yema sɔkɛ akarande ñɔɔ-i?

²⁸kañ nal kɔ, añ pa, Munɔ yi ukarande kɔɔ, kɛrɛ sañ sɔ yi akarande ña Mosis.

²⁹Sɛ tǎrà kɛpa Kurɔɔ ò fɔfɛnɛ Mosisɔɔ, kɛrɛ ta òwuni òwe, sɛ tɛ hɛ ro ò wur.

³⁰Ɔlanɔba ò pa, Kɔla, tǎy tɔkabanɛ tǎɔ, ma nɔ tɛ tǎrà ro ò wur, kɛrɛ ò po kanthi ɛfor ɛ mi.

³¹Ɔwa sɛ tǎrà kɛpa Kurɔɔ ò tɛlà hɛ wuni ka ahake; kɛrɛ bepi wuni o wuni ò bǎtho Kuru-e, ò yɔ mǎselɔ mɔɔ, kɔnɔ mɔ tɛlà.

³²Kɔbi ka katɔp ka ǎdǎru a tha tɛl hɛ kɛpa wuni ò kanthi ɛfor ya wuni òwe a kom ufith.

³³Bepi òwuni òwe ò wur hɛ ka Kuru-e, ò gbɔli hɛ yɔ tǎy o tǎy.

³⁴Añ pa ro ñɔɔ, Munɔɔ gbɛɔ a kom mu ka ɛhake, ɔwa mɔ yema thɔksa su-i? kañ wurɔ kɔ.

³⁵Yisɔsɔɔ ò tɛl kɛpa a po wurɔ kɔ: ɔwa ma ò fir kɔ-e, ò pa, Munɔ mɔ lanɛ ka ɔWan ka Kuru-i?

³⁶kɔ pa, Pa, kɔn kanɛ-e, kǎmǎ i lanɛ kɔ-e?

³⁷Yisɔs ò pa ro ñɔɔ, Mɔ po nɛnk kɔ, ɔwa kɔnɔɔ òwe mɔ fɔfɛnɛ mu.

³⁸kɔ pa, Pa, i lanɛ. Kɔ bǎtho kɔ.

³⁹Yisɔsɔɔ ò pa, Ta kathonkas tɔ i der ka ǎdǎru are, kǎmǎ aɔfɛm aɔa tɛ nɛnk añ nɛnk; ɔwa kǎmǎ ñaɔ aɔa nɛnk añ fitha.

⁴⁰AñFarisi alɔm aɔa tɛl mɔ mɔ fɔf mǎtǎy ame, añ pa ro ñɔɔ, Sañ sɔ sɔ yi afith-i?

⁴¹Yisɔsɔɔ ò pa ro ñaɔ, Bepi nɔ yi afith-e, nɔ ba hɛ nañ ahake; kɛrɛ ka-ake nɔ pa, Sɔ nɛnk; tiyǎɔ aɔhake a nu aɔ bǎkɛr.

Yɔn 10

¹I kanɛ nu tɛntɛnɛ, Wuni o wuni òwe tɛ tǎɔ ka kadare ka kawɔrɛ ka talɔmɛ, kɛrɛ ò gbɛp ri rɔ roɔ dɛlɔm, kɔnɔ kati ukei wɔɔ.

²Kɛrɛ òwe mɔ tǎɔ ka kadare ò yi ɔtɔl ka talɔmɛ.



- ³Ɔbumər ɔ kanthe kɔ kadare; ɔwa talɔmɛ aŋ tɛl ʔrim rɔŋ, ɔwa ɔ tela talɔmɛ tɔŋ ka ames maŋ, ɔ wurɔ ŋa rokaŋ.
- ⁴Bepi ɔ po wurɔ talɔmɛ tɔŋ be-e, ɔ tɔmá ŋa kɛdi, ɔwa talɔmɛ aŋ tɔŋ kɔ; ʔtesoma-e aŋ tɔrɔ ʔrim rɔŋ.
- ⁵Aŋ selɔ he tɔŋ wuni tel, kɛrɛ aŋ tɔ gbukɛ kɔ, kotáy-e aŋ tɔrɔ he ʔsim ta atik.
- ⁶Aŋlomɔ aŋe Yisɔsɔŋ ɔ pa ro ŋaŋ; kɛrɛ pɛ sɔk he ŋa ʔte ɔ pa.
- ⁷Ka Yisɔsɔŋ ɔ kál pa ro ŋaŋ, I kanɛ nu tentɛnɛ, Mine yi kadare ka talɔmɛ.
- ⁸Ɔa be aŋa mɔtha mi der aŋ yi akey yi afɛm aluk kɛrɛ talɔmɛ aŋ tɛlɔ he ŋa.
- ⁹Mine yi kadare: bepi wuni ɔ wuni ɔ wɔŋ ka káta ka mi-e, ɔ tɔ kisi, ɔwa ɔ tɔ wɔŋ, ɔ tɔ wur, ɔ tɔ bɛp ɛwɔnth.
- ¹⁰Ukey ɔ der gbo kámá ɔ keya, ɔ fai, ɔwa ɔ dim talɔmɛ: mine i der kámá aŋ ba aŋesɛm, ɔwa kámá aŋ ba ŋi ɔlay.
- ¹¹Mine yi ɔtɔl tɔlɔmɛ ufinɔ: ɔtɔl ufinɔ ɔ tɔ sɔnd aŋesɛm ŋɔŋ ta talɔmɛ.
- ¹²Wuni ɔwe yi uyamɔ, ɔ te yi ɔtɔl, ɔwe te ba talɔmɛ, bepi ɔ nɔnk kathɔlu ɔ der-e, ɔ tey talɔmɛ, ɔ gbukɛ: ɔwa kathɔlu ɔ tɔ gbip ŋa, ɔ tɔ sakthi talɔmɛ.
- ¹³Ɔyamɔ ɔ tɔ gbukɛ, pɛkasifɛ ɔ yi uyamɔ, tɔ ba he kɔ táy ta talɔmɛ.
- ¹⁴Mine yi ɔtɔl talɔmɛ ufinɔ, i tɔrɔ talɔmɛ ta mi, ɔwa talɔmɛ ta mi aŋ tɔrɔ mi,
- ¹⁵hali mɔ ɔKas ɔ tɔrɔ mi, ɔwa mine i tɔrɔ ɔKas; ka i sɔnd aŋesɛm a mi ta talɔmɛ.
- ¹⁶Ɔwa i ba tɔlɔmɛ tɔlɔm, aŋa te yi ka kawɔrɛ ake: ŋaŋ sɔ i ba kɛkara, ɔwa aŋ tɔ tɔl ʔrim ra mi: ɔwa aŋ tɔ yi kuthi kin, aŋ tɔ ba ɔtɔl kin.
- ¹⁷Tásom ɔKas ɔ bɔthɛr mi, pɛkasifɛ i sɔnd aŋesɛm a mi, kámá i kál gbasi ŋi.
- ¹⁸Wuni ɔ wuni ɔ nɔy he mi ŋi, kɛrɛ min minɛnɛ i sɔndnɛ. I ba afɔsɔ tɔ kɛsɔnd ŋi, ka i ba afɔsɔ tɔ kɛkal gbasi ŋi. Aŋyamari aŋe i sɔthɔ kɛwɔr ka ɔKas kámi.
- ¹⁹Ka mɛgbayane mɛ yi kɛtɔŋ ka aŋYuda salata ʔsim ʔte.
- ²⁰Agbáthi rɔŋaŋ aŋ pa, Ɔ ba ukɛrɛfi, kɔn pɛŋk: kɔyɛŋ mɛ nɛ tɔlɔ kɔ-e?
- ²¹Alɔm aŋ pa, ʔsim ʔte tɔ yi he sim ta wuni ɔwe ba ukɛrɛfi. Ukɛrɛfi ɔ gbɛli kanthi ɛfɔr ya aŋfith-i?
- ²²Ɔwa amet ma kasɛmɛs ʔŋseth ŋa Kuru mɛ yi ro Yerusalem ka ʔŋlɔkɔ ŋa ɔtaŋk.
- ²³Ka Yisɔsɔŋ ɔ kɔth kɔth ka aŋgbɛnthɔŋ ŋa Sɔlɔmɔn aŋa yi ka ʔŋseth ŋa Kuru.
- ²⁴Ka aŋYuda aŋ gbɛtɔ kɔ, kaŋ pa ro ŋɔŋ, To pɛ ba kɛwɔn mɛ yɔ ɛmerá ɛ su ɛ sɔkanɛ-e? Bepi munɔ yi ɔKraist-e, kanɛ su ti gbafɛth.



²⁵Yisósàṅ ɔ lasia ɲa, ɔ pa, I po kanɛ nu, kerɛ nə lanɛ hɛ: máyɔs ama i yɔ ka aɲes ɲa ɔKas kámi, mà mɛ gbaki ta átá mi.

²⁶Kerɛ nə lanɛ hɛ, átesoma-e nə yi hɛ talɔmɛ ta mi.

²⁷Talɔmɛ ta mi aɲ tɛl árim ra mi, ɔwa aɲ táɲ mi, ɔwa i tǎrá ɲa:

²⁸ka i sɔɲ ɲa aɲesəm thɔbana; ɔwa aɲ ba hɛ kədine thánkàɲ, ɔwa wuni o wuni ɔ gbɛli hɛ kathi ɲa ka káta kámi.

²⁹ɔKas kámi ɔwe sɔɲ ɲa ro mi, ɔ yi ubana uthasi bɛ; ɔwa wuni o wuni ɔ gbɛli hɛ kathi ɲa ka káta ka ɔKas kámi.

³⁰Mineɲ yi ɔKas sɛ yi ukin.

³¹AɲYuda aɲ kál sɔ gbasi mɛsar tɛ kɛlɔmɛs kɔ.

³²Yisósàṅ ɔ pa ro ɲaɲ, I po tɔri nu máyɔs mǎfínɔ mǎlai ka ɔKas kámi; ta apantɛ areke gbɛɲ mɛ nə lɔmɛs mi mɛsar-e?

³³AɲYuda aɲ pa, Ta apantɛ afínɔ sɛ lɔmɛs hɛ mu mɛsar, kerɛ ta kɛɲamne Kuru: ɔwa pɛkasife munɔ ma mɛ yi gbo wuni, mɛ thunthɔrane Kuru.

³⁴Yisósàṅ ɔ pa ro ɲaɲ, A gbal hɛ ti ka aɲthɔ a nu kɔpa, I pa, nə yi turu-i?

³⁵Bepi ɔ bont ɲa turu, ka aɲa árim ra Kuru rɛ der-e, ɔwa a gbɛli hɛ lɔsɛr mágbal;

³⁶nə pa ta atɔɲ, ɔwe ɔKas ɔ po sɛmɛs, ɔwa ɔ som ka ádáru, Mɛ ɲamne Kurɔɲ, pɛkasife i pa, Mine yi ɔWan ka Kuru-i?

³⁷Bepi i yɔ hɛ máyɔs ma ɔKas kámi, te mi lanɛ.

³⁸Kerɛ bepi i yɔ ma-e, hali nə lanɛ hɛ mi, lanɛ nu máyɔs: kámá nə tǎrá, ɔwa pɛ sɔk nu, kɔpa ɔKas ɔ yi yi mineɲ, ɔwa mineɲ i yi yi ɔKas

³⁹Tiyáɲ aɲ kál thens tɛ kɔwop kɔ; kerɛ ɔ kathe ka máta maɲ.

⁴⁰Ka Yisósàṅ ɔ kɔnɛ sɔ ro Yɔrdan mɔri ka ɔder ro Yɔnàɲ ɔ mɔtha baftays afɛm, kɔ yirá ri.

⁴¹ɔwa afɛm agbáthi aɲ der ro ɲɔɲ, kaɲ pa, Yɔnàɲ ɔ yɔ hɛ amisali, kerɛ mǎtáy bɛ ama Yɔnàɲ ɔ pa ta ɔlanɲba ɔwe mɛ yi táteɲ.

⁴²Ka afɛm agbáthi aɲ lanɛ kɔ ri.

Yɔn 11

¹Ka wuni lɔm ɔ tu, aɲes ɲɔɲ ɲɔ yi Lasarɔs, ɔwe ro Bɛthani, kagbɔm ka Meri yi Martha-ɔɲ ɔwɔnt kɔɲ ubera.

²Meri kɔnɔɲ, ɔwe sop ɔMarki masopa mǎfɔlfɔl ɔwa ɔ nasi átátɛk tɔɲ yi aɲfon ɲɔɲ, ɔwe ɔwɔnt kɔɲ Lasarɔs ɔ tu.



- ³Tiyàŋ aŋwònt ñòŋ abera aŋ som ka Yisòs, aŋ pa, ÒMariki, kèla kòn òwe mè bothèr ò tu.
- ⁴Ma Yisòsàŋ ò təl ti-e, ò pa, Ratu are rə yi hē ta kəfi, kere ta aŋyiki ña Kuru kāmá òWan ka Kuru ò sòthə ayiki ta ti.
- ⁵Òwa, Yisòsàŋ ò bothèr Martha-əŋ, yi òwònt kòŋ ubera, yi Lasaròs.
- ⁶Kere ma ò təl kəpa Lasaròs ò tu-e, ò yirá ras mərəy mərəŋ ka òder ro ò yi.
- ⁷Kədarəŋ kati ò pa ka aŋkarande ñòŋ, Maŋ kál nu sò kò ro Yudia.
- ⁸Aŋkarande ñòŋ aŋ pa ro ñòŋ, Karməkò, ka òthan òwe aŋYuda aŋ thens tə kələməs mu məsar; òwa mè tə kò ri sò-i?
- ⁹Yisòsàŋ ò pa, Àŋrey aŋ ba hē eləkò tófət yerəŋ-i? Bepi wuni ò kòth rəyaŋ-e, ò pəth hē, àtesoma-e ò nən̄k àŋmothà ña àdàru are.
- ¹⁰Kere bepi wuni ò kòth tatak-e, ò tə pəth; àtesoma-e àŋmothà aŋ yi hē rokor kòŋ.
- ¹¹Yisòsàŋ ò pa mātáy ame, kədarəŋ kati ò pa, Lasaròs òyathki kásu ò dirá, kere i kò kāmá i thəmi kò.
- ¹²Aŋkarande ñòŋ aŋ pa, Mariki, bepi ò dirá-e, pə tə fisa kò.
- ¹³Kere Yisòsàŋ ò fəf ta rafi rəŋ; aŋ nanə kəpa ò fəf ta kafothanə ka mərəy.
- ¹⁴Ka Yisòsàŋ ò kanə ña gbəraŋ kəpa, Lasaròs ò po fi.
- ¹⁵Òwa salata nu pə bənə mi mè i te bəpər, kāmá nə lanə mi; kere maŋ kònə nu thəŋ ro ñòŋ.
- ¹⁶Ka Thòmòs òwe a bont kábàri, ò pa ka aŋkarande alòm, Maŋ kònə nu sò, kāmá sə fi yi kònò.
- ¹⁷Ma Yisòsàŋ ò bek-e, ò bəp̄ Lasaròsàŋ ò po thə yi ka káboma mərəy manlə.
- ¹⁸Òwa Bethani kə yi òfati yi ro Yerusalem, mələ ma email yerəŋ:
- ¹⁹ka aŋYuda agbáthi aŋ der ka Matha yi Merəŋ, tə kəbəfəth ña ta òwònt ka ñaŋ uruni.
- ²⁰Òwa ma Marthaŋ ò təl kəpa Yisòsàŋ ò tə der-e, ò kònə tə kəgbans kò: kere Merəŋ ò yirá ras ro seth.
- ²¹Ka Mathaŋ ò pa ka Yisòs, Pa bepi munò mè bəpər naŋ-e, òwònt mi ò fi hē naŋ.
- ²²Kere hali ka-ake, i tərà kəpa táy ò táy àte mè yif Kuru-e, Kurəŋ ò tə sòŋ mu ti.
- ²³Yisòs ò pa ro ñòŋ, Òwònt mu ò tə yokanə sò.
- ²⁴Mathaŋ ò pa ro ñòŋ, I tərà kəpa ò tə yokanə sò ka káyokanə ka àŋrey aləpsò.
- ²⁵Yisòsàŋ ò pa ro ñòŋ, Mine yi káyokanə, yi aŋesəm: kòn òwe mè lanə mi, hali ò po fi, ò tə kál kəli:



- 26 ɔwa wuni o wuni ɔwe kɛli ɔwa ɔ lanɛ mi-e, ɔ ba hɛ kɛfi thɛbana. Mɛ lanɛ ɛte-i?
- 27 ɔ lasi ɔ pa, Anko, Pa; i lanɛ kɛpa munɔ mɛ yi ɔKrayst, ɔWan ka Kuru, ɔwe yi tɛ kɛder ka ɛdɛru.
- 28 ɔwa ma ɔ po pa ɛte, ɔ kɔnɛ, ɔ tela Merɛɲ ɔwɔnt kɔɲ ubera sɔy, ɔ pa, ɔKarmɔkɔ ɔ po der, ɔ tela mu.
- 29 Ma ɔ tɛl ɛte, ɔ yokanɛ lɛmp, ɔ kɔnɛ ro ɲɔɲ.
- 30 ɔwa Yisɔsɛɲ ɔ tha bek hɛ ro pet, ɔ yi ras ka ɔder ro Mathaɲ ɔ bɛp kɔ.
- 31 AnYuda aɲa yi yi Merɛɲ ro seth aɲa bɛfɛth kɔ-e, maɲ nɛnk ɔ yokanɛ lɛmp ɔ wur-e, aɲ tɛɲ kɔ, aɲ nane kɛpa ɔ kɔnɛ ka kɛboma tɛ kɛbok ri.
- 32 Ma Merɛɲ ɔ bek ro Yisɔs ɔ yi-e, ɔwa ɔ nɛnk kɔ, ɔ gbɛpsa ro thɔf ka ɛtɛtɛk tɔɲ, ɔ pa ro ɲɔɲ, Pa, bɛpi munɔ mɛ bɛpɛr naɲ-e, ɔwɔnt mi ɔ fi hɛ naɲ.
- 33 Ma Yisɔsɛɲ ɔ nɛnk kɔ ɔ bok-e, yi anYuda aɲa der yi kɔnɔ, ɔ laɲ rɛ ɛmerɛ, ɔwa pɛ kɛtha kɔ,
- 34 kɔ pa, Reke nɛ bot kɔ-e? An pa ro ɲɔɲ, Pa, der mɛ kɛli.
- 35 Yisɔsɛɲ ɔ bok.
- 36 Tiyɛɲ anYuda an pa, Kɛla ma ɔ bɔthɛr kɔ!
- 37 Kɛrɛ alɔm an pa, ɔlanɲba ɔwe, ɔwe kanthi ɛfɔr ya anɲith, ɔ gbɛli hɛ naɲ yɔ kɛmɛ ɔwuni ɔwe ɔ te fi-i?
- 38 Tiyɛɲ Yisɔsɛɲ ɔ laɲ sɔ rɛ ɛmerɛ, ɔ der ka kɛboma. Kɛyaɲka kaɲ ɔwa ɛsar an yi ka ɔwɔnd wati.
- 39 Ka Yisɔsɛɲ ɔ pa, Sɛka nu anɲsar. Mathaɲ, ɔwɔnt ubera ka ɔwe po fi, ɔ pa ro ɲɔɲ, Pa ɔ tɛ bup thɔɲ: kotɛy-e mɛrɛy manlɛ thɔɲ ma ɔ po fi.
- 40 Yisɔsɛɲ ɔ pa ro ɲɔɲ, I kanɛ hɛ mu naɲ kɛpa, bɛpi mɛ lanɛ mɛ tɛ nɛnk anɲiki ɲa Kuru-i?
- 41 kaɲ sɛka anɲsar. Ka Yisɔsɛɲ ɔ lakthɛ, ɔ pa, Pa i muti mu mɛmɔ ma mɛ po tɛlɛ mi.
- 42 ɔwa i tɛrɛ mɛ tɛlɛ mi lɔkɔ o lɔkɔ: kɛrɛ salata anɲfɛm aɲa tɛmɛ tɛmɛ nɔ i pa ti, kɛmɛ an lanɛ kɛpa munɔ som mi.
- 43 Ma ɔ po pa ɛte, ɔ pa rɛ rim rɛbana, Lasarɔs, wur!
- 44 ɔwa kɔnɔ ɔwe fi naɲ-e, ɔ wur, ɛtɛtɛk tɔɲ yi mɛta mɔɲ mɛ yi mɛsek yi kasaɲke, ɔwa a rapɛr ader rɔɲ yi agbasa ɛferɛ. Yisɔsɛɲ ɔ pa ro ɲaɲ, Sɛli kɔ nu, kɛmɛ ɔ kɔnɛ.
- 45 Tiyɛɲ anYuda agbɛthi aɲa der ka Meri, maɲ nɛnk ɛte Yisɔsɛɲ ɔ yɔ-e, an lanɛ kɔ.
- 46 Kɛrɛ alɔm an kɔnɛ ka anFarisi, kaɲ kanɛ ɲa mɛtɛy ama Yisɔsɛɲ ɔ po yɔ.



- ⁴⁷Ka aɲfode abana yi aɲFarisi aɲ thonkɔla aɲSanhedrin, kaɲ pa, To mə sə yɔ-e? kotáy-e ɔwuni ɔwe ɔ yɔ emisali egbathi,
- ⁴⁸bepi sə ter kɔ gbo yaɲ-e, afəm be aɲ tɔ lanɛ kɔ: ɔwa aɲRom aɲ tɔ der aɲ tɔ nɔy mayira ma su yi aɲbona a su.
- ⁴⁹Kere ukin ka ɲaɲ, Kayafas, mə ɔ yi ɔfode ubana karen kati, ɔ pa ro ɲaɲ, Nə tɛ he koko,
- ⁵⁰nə nanɛ he kɔpa pɛ fisa su kámá wuni kin ɔ fi ta aɲfəm, kámá aɲbona be aɲ te dine-i?
- ⁵¹Ɔ pa he áte ka aɲmerá ɲɔɲ: kere mə ɔ yi ɔfode ubana ka karen kati, ɔ nábi kɔpa Yisósáɲ ɔ tɔ fi ta aɲbona;
- ⁵²ɔwa pɛ yi he ta aɲbona ɲati son, kere kámá ɔ thonkɔla der ɔkin aɲwuth ɲa Kuru sɔ aɲa po sakanɛ.
- ⁵³Tiyáɲ kətɔp ka aɲrey ɲati aɲ nɔɲkanɛ kámá aɲ dif Yisósáɲ.
- ⁵⁴Tiyáɲ Yisósáɲ ɔ kɔth he sɔ gbafəth kətɔɲ ka aɲYuda; ɔ wur ri ɔ kɔnɛ ka aɲthɔf aɲa fatɔr ro wula, ka kápet áke a bont Ifrem, ɔ yirá ri yi aɲkarande ɲɔɲ.
- ⁵⁵Ka amet ma kapaine ma aɲYuda mə fat: ka afəm agbáthi aɲ kɔnɛ ro Yerusalem, kəwur ka aɲgbáɔp ɲati yeɲka amet mə bek, kámá aɲ gbiline.
- ⁵⁶kaɲ thens Yisósáɲ, kaɲ fɔflane maɲ tɔmá ka aɲseth ɲa Kuru, aɲ pa, To nə nanɛ ɔ der he ka amet-e?
- ⁵⁷Aɲfode abana yi aɲFarisi aɲ po yamari kɔpa, bepi wuni ɔ wuni ɔ tára ro ɔ yi-e, ɔ ba kətɔri ti, kámá aɲ wop kɔ.

Yɔn 12

- ¹Ɔwa mərey tamthərukin yeɲka amet ma kapaine mə bek-e, Yisósáɲ ɔ der ro Bethani, ro Lasarɔs ɔ yi, ɔwe Yisɔs ɔ yokas ka rafi.
- ²Ka a bempa kɔ ri da rədi; ka Martha-əɲ ɔ binya kɔ, kere Lasarɔs-əɲ ɔ yi ukin ka ɲaɲ aɲa yirá ka kədi yi kɔnɔ.
- ³Tiyáɲ Merɛɲ ɔ gbasi awet ɲin ɲa máro məsopa məfɔlfɔl, məbaki mɔlɔ, ɔ sop átátək ta Yisɔs, kɔ nasi átátək tɔɲ yi aɲfon ɲɔɲ: ka aɲseth aɲ la aɲbɔnt ɲa ámaro.
- ⁴Kere Yudas Iskariyɔtáɲ, ukin ka aɲkarande ɲɔɲ, ɔwe mə re sɔnd kɔ, ɔ pa,
- ⁵To som a te thila masopa məfɔlfɔl ame ta esiliɲ tɛmɛ tɔsas, kámá a sɔɲ yi aɲfəm amɔnɛ-e?
- ⁶Ɔ fɔf áte pɛ yi he kɔpa ɔ ba ananɛ ta aɲmɔnɛ, kere pəkasifɛ ɔ yi ukei, ɔwa mə ɔ ba aɲgbaɲfa, ɔ kera ara a bot ri.
- ⁷Kere Yisósáɲ ɔ pa, Ter kɔ: ɔ benenɛ ma ta aɲrey ɲa kəmáɲk mi.



- ⁸Àtesoma-e nà ba àṅmòné ro nu lókò o lókò, kéré minéṅ nà ba hé lókò o lókò.
- ⁹Aṅfém ṅa aṅYuda agbàthi aṅ təl kəpa Yisósàṅ ɔ yi ri: kaṅ der pə yi hé gbo salata Yisós son, kéré kámá aṅ gbəli sò nən̄k Lasarəs-əṅ, ɔwe ɔ po yokas ka rəfi.
- ¹⁰Kéré aṅfode abana aṅ nən̄kané kámá aṅ dif sò Lasarəs-əṅ;
- ¹¹pəkasife salata kən̄o aṅYuda agbàthi aṅ kən̄e, ɔwa aṅ lané Yisós.
- ¹²Ka aṅrey alóm aṅfém agbàthi aṅa der ka amet, ma aṅ təl kəpa Yisósàṅ ɔ tə der ro Yerusalem-e,
- ¹³aṅ gbasi erəṅkò, kaṅ wur tə kəgbans kò, aṅ sel erəṅ, Hosana uruba wəṅ ɔwe mə der ka aṅes ṅa ɔMarki ɔBáy ka Isrəl.
- ¹⁴ɔwa Yisósàṅ, ma ɔ po sotho asofali ufeth-e, ɔ rensa kò; mə mə a gbal ti kəpa,
- ¹⁵Te nesa, ɔwan ubera ka ro Sayon: kəla, ɔBáy ka mu ɔ der, ɔ rensa rə asofali ufeth.
- ¹⁶Ka ɔtətəkò pə sək hé aṅkarande ṅəṅ ta mātáy ame: kéré ma a po yikis Yisósàṅ aṅ kala àmerà kəpa a gbal mātáy ame ta atəṅ, ɔwa kəpa aṅ po yəna kò mātáy ame.
- ¹⁷Tiyàṅ àruniya ara yi yi kən̄ ma ɔ tela Lasarəs-əṅ tə kəwur ka kaboma-e, ɔwa ɔ kəlis kò kəwur ka rəfi, aṅ səṅ məseri.
- ¹⁸Ta àṅsabu aṅe sò aṅfém aṅ kən̄e tə kəgbans kò, kotáy-e aṅ təl kəpa ɔ po yə amisali aṅe.
- ¹⁹Tiyàṅ aṅFarisi aṅ pa kətəṅ ka ṅaṅ, Kəla ma nə te gbəli yə tày o tày, kəla àdàru bə rə tàṅ kò.
- ²⁰ɔwa aKrik alóm aṅ yi kətəṅ ka aṅfém aṅa der ka amet tə kəbatho.
- ²¹Aṅ der ka Filip, ɔwe ro Bethsayda ake ro Kalili, aṅ kané kò, Pa, sə yema nən̄k Yisósàṅ.
- ²²Filipàṅ ɔ der ɔ kané Andrəṅ, ka Andrəṅ yi Filipàṅ aṅ kané Yisósàṅ.
- ²³Ka Yisósàṅ ɔ pa ro ṅaṅ, Àṅlòkò aṅ bek kámá a yikis ɔWan ka wuni.
- ²⁴I kané nu tentené, Bepi àṅluka ṅa awit aṅ fumpò hé ka aṅthəf rokor aṅ fi, aṅ tiyà ri son: kéré bepi aṅ fi ri, aṅ tə wur məkomi məgbathi.
- ²⁵Wuni ɔwe bəthər aṅesəm ṅəṅ ɔ tə dim ṅi, kéré wuni ɔwe gbəṅa aṅesəm ṅəṅ ka àdàru are ɔ tə bən̄e ṅi haṅ ka aṅesəm thəbana.
- ²⁶Bepi wuni ɔ yema yi àbəy a mi, ta ɔ tàṅ mi; ɔwa ro miné i yi, ri sò aṅbəy a mi ɔ tə yi: bepi wuni o wuni ɔ yəna mi, kən̄o ɔKas mə yikis.
- ²⁷Ka-ake aṅmerà a mi aṅ səmpa; ɔwa to mə i pa-e? Pa, kisis mi ka àṅlòkò aṅe-e? Kéré ta àṅsabu aṅe gbəṅ tə i der ka àṅlòkò aṅe.



- 28 Pa, yikis aŋes a mu. Ka rim rə wur ka akariyana, rə pa, I pə yikis ŋi, ɔwa i ti kəl so yikis ŋi.
- 29 Ka aŋfəm aŋa tɔmá ri, aŋ təl ti, aŋ pa areŋ də gbey; alɔm aŋ pa, Umáleka ɔ fɔfáne kɔ.
- 30 Kere Yisósán ɔ pa, Árim are rə de he ta átá mi, kere ta átá nu.
- 31 Ka-ake ka pə yi kathonkas ka ádaru are; ka-ake a tə wurɔ ɔwe yi rábomp ka ádaru are.
- 32 ɔwa mineŋ, bepi a ŋata mi kəwur ka aŋthof i ti liŋ aŋfəm be ro rɔmi.
- 33 Yisósán ɔ pa áte, kámá ɔ tɔri ko rəfi ɔ ba kəfi.
- 34 Ka áruniya rə pa, Sə po təl ka aŋthə kəpa Kraystán ɔ tiyá thəbana: ɔwa to munɔŋ mə pa, A ba kəŋata ɔWan ka wuni-e? Kane yi ɔWan ka wuni ɔwe-e?
- 35 Yisósán ɔ pa ro ŋaŋ, Alɔkɔ agbut gbo thɔŋ ta aŋmothá kəyi ro nu. Koth nu ka aŋlɔkɔ nə ba aŋmothá, kámá aŋsum aŋ te nu wop: kotáy-e ɔwe mə koth ka aŋsum-e, ɔ tɛ he ro mə kɔ-e.
- 36 Ma nə ba ras aŋmothá-e, lanɛ nu aŋmothá kámá nə yi awuth ŋa aŋmothá. Ma Yisósán ɔ pa áte, ɔ kɔnɛ, ɔ maŋkne ŋa.
- 37 Kere hali ma ɔ po tɔri ŋa emisali egbathi, aŋ lanɛ he kɔ:
- 38 kámá árim ra Isaya ɔnabi rə lasər, ara pa, Pa, kane po lanɛ aŋkane a su-e? ɔwa ka kane a ŋaibi aŋlonk ŋa ɔMarki e?
- 39 Ta aŋsabu aŋe aŋ te gbəli lanɛ, pəkasife Aysayaŋ ɔ pa sɔ,
- 40 ɔ po fithəs efər yaŋ, ɔwa ɔ gbolŋas emerá yaŋ; Thani aŋ nənɔk yi efər yaŋ, ɔwa aŋ sɔthne yi emerá yaŋ, ɔwa aŋ lafthe, ɔwa i damər ŋa.
- 41 Aysaya ɔ fɔf mətáy ame ma ɔ nənɔk aŋyiki ŋɔŋ, ɔwa ɔ fɔf ta atɔŋ.
- 42 Halisa agbəka agbáthi aŋ lanɛ kɔ: kere salata aŋFarisi aŋ gbithane he ti, kámá a te wurɔ ŋa ka aŋseth agbane:
- 43 kotáy-e aŋ bəthər aŋyiki ŋa aŋfəm pəthasi aŋyiki ŋa Kuru.
- 44 Yisósán ɔ ŋata árim rɔŋ, ɔ pa, ɔwe lanɛ mi-e, ɔ lanɛ he mineŋ, kere kɔnɔ ɔwe som mi.
- 45 ɔwa ɔwe nənɔk mi-e, ɔ nənɔk sɔ kɔnɔ ɔwe som mi.
- 46 I der mə amotha ka ádaru, kámá wuni o wuni ɔwe mə lanɛ mi-e, ɔ ba he tə kətia ka aŋsum.
- 47 ɔwa bepi wuni o wuni ɔ təl ásim ta mi, kere ɔ wop he ti-e, i thonkas he kɔ: átesoma-e i de he tə kəthonkas ádaru, i der tə kəkisis ádaru.



⁴⁸Ɔwuni ɔwe mə pɛnsa mi, ɔwa ɔ malanɛ hɛ ʔsim ta mi, ɔ ba ukin ɔwe mə thonkas kɔ; ʔrim ara i po fɔf, rɛ mə thonkas kɔ ka ʔnɔrey alɔpsɔ.

⁴⁹ʔtesoma-e, i fɔf hɛ kɔwɔr ka ʔnɔmerá a mi; kɛrɛ ɔKas ɔwe som mi, ɔ po yamari mi ʔte mə i pa, yi ʔte mə i fɔf.

⁵⁰Ɔwa i tǎrà kɛpa ʔnyamari nɔn ʔn ʔi ʔnɛsɛm thɛbana; tiyǎn ʔte mə i fɔf, i fɔf gbo mə mə ɔKas ɔ kanɛ mi.

Yɔn 13

¹Ɔwa yɛnka amet ma kapainɛ mə bek-e, ma Yisɔs ɔ tǎrà kɛpa ʔnlɔkɔ nɔn ʔn bek tɔ kɔwɔr ka ʔdǎru are tɔ kɛkɔnɛ ka ɔKas, ma ɔ po bothɛr ʔnɔn ʔn ʔi ka ʔdǎru, ɔ bothɛr nɔ haɔn ka ɔthalɛ.

²Maɔn ʔi ka kɛdi, Sethanɛn ɔ po thɔ bot ti ka ʔnɔmerá nɔ Yudas Iskariyɔt, ɔwan ka Saymɔn, tɔ kɛsɔnd kɔ.

³Ka Yisɔsɔn ma ɔ tǎrà kɛpa ɔKas ɔ po sɔn mǎtǎy bɛ ka mǎta mɔn, ɔwa ɔ wur ka Kuru, ɔwa ɔ tɔ kǎl ka Kuru;

⁴Ɔ yokanɛ ka kɛdi, ɔ bot ʔsuma tɔn rayer; ɔ gbasi kotha kɛnasianɛ, kɔ sɛnɛ ki.

⁵Kɛdarɔn kati ɔ kus mǎnt ka abɔl, kɔ tɔp kɛyak ʔtǎtɛk ta ʔnkarande, ɔwa ɔ nasi ti ʔi akotha kɛnasianɛ ʔkɛ ɔ sɛnɛ.

⁶Ma ɔ der ka Saymɔn Pitar-e ɔ pa ro nɔn, Pa, munɔ mə yak ʔtǎtɛk ta mi-i?

⁷Yisɔs ɔ pa ro nɔn, Mɛ tɛ hɛ ʔte i yɔ ka-ake; kɛrɛ mə tɔ lɔpsɔ tǎrà ti.

⁸Pitaɔn ɔ pa ro nɔn, Mɛ yak hɛ ʔtǎtɛk ta mi thǎnkǎn. Yisɔsɔn ɔ pa ro nɔn, Bɛpi i yak hɛ mu-e, mə ba hɛ ʔgbǎp ro mi.

⁹Saymɔn Pitaɔn ɔ pa ro nɔn, Pa, pɛ ʔi hɛ ʔtǎtɛk ta mi son, kɛrɛ mǎta ma mi sɔ, ʔi rǎbomp ra mi.

¹⁰Yisɔsɔn ɔ pa ro nɔn, Ɔwe po bukɔ ɔ ba gbo tɔ kɛyak ʔtǎtɛk tɔn, ɔwa ɔ ʔi ugberɔn; ɔwa nɔn nɛ ʔi agberɔn, kɛrɛ nia bɛ tha.

¹¹ʔtesoma-e, ɔ tǎrà ɔwuni ɔwe mə sɔnd kɔ; tiyǎn ɔ pa, Nia bɛ tha ʔi agberɔn.

¹²Ma ɔ po yak ʔtǎtɛk ta nɔn-e, ɔ kǎl gbasi ʔsuma tɔn, ɔ yirǎ, ɔ pa ro nɔn, Nɛ tǎrà ʔte i po yɔ nu-i?

¹³Nɛ bontɛs mi Karmɔkɔ ʔi Mariki; ɔwa nɛ pa ɔfinɔ: ʔtesoma-e ʔi ʔi.

¹⁴Ɔwa bɛpi minɛn, ɔMarki ʔi ɔKarmɔkɔ ka nu, i po yak ʔtǎtɛk ta nu, nia sɔ nɛ ʔi tɔ kɛyakɛsanɛ ʔtǎtɛk ta nu.

¹⁵ʔtesoma-e i po sɔn nu amɔl, kǎmǎ nia sɔ nɛ yɔ mə minɛn i yɔna nu.

¹⁶I kanɛ nu tentɛnɛ, ʔnɔbɔy ɔ thas hɛ ɔmarki kɔn; thalɔm ɔsom ɔ thas hɛ ɔwe som kɔ.



- 17 Bepi nə tārà mātáy ame, nə ba aruba bepi nə yɔ ma.
- 18 I fɔf he ta átà nu be; i tārà njan aña i po thith: kere mātáy ame mə yi kámà mǎgbal mə lasər, ama pa, Ɔwuni ɔwe mə di kabo ka mi-e ɔ njata rabəthka rɔŋ kəŋamne mi.
- 19 Kətəp ka-ake i təri nu moth pə yɔne, kámà bepi pə yɔne-e, nə tə lane kəpa mine yi kɔnɔŋ.
- 20 I kanɛ nu tentene, Ɔwuni ɔwe malane wuni o wuni ɔwe i som-e, ɔ malane mineŋ; ɔwa ɔwuni ɔwe malane mi-e, ɔ malane kɔnɔŋ ɔwe som mi.
- 21 Ma Yisəsán ɔ po fɔf yan-e, pə kətha kɔ rə ámerá, kɔ pa yi asobe, I kanɛ nu tentene kəpa ukin ka nu ɔ tə sɔnd mi.
- 22 Ankarande aŋ kəlianɛ, pə sək he ŋa ta ɔwe ɔ fɔf.
- 23 Ukarande ukin ɔwe Yisəsán ɔ bothər, ɔ seline ka ankpəpət ŋa Yisəs, ka anthebul.
- 24 Tiyán Saymɔn Pitaŋ ɔ kapane kɔ, kámà ɔ yif ta ɔwe ɔ fɔf.
- 25 Ɔwa kɔnɔ ma ɔ seline ka ankpəpət ŋa Yisəs, ɔ pa ro ŋɔŋ, Pa, kanɛ ɔ yi-e?
- 26 Yisəsán ɔ pa, Kɔn kɔnɔŋ, ka ɔwe mə i sɔŋ abem ma i po məth ŋi. Ma ɔ po məth anbe-m-e ɔ sɔŋ ŋi ka Yudas Iskariyɔt, ɔwan ka Saymɔn.
- 27 Kədarəŋ ka ma ɔ sɔthɔ anbe-m-e, Sethani ɔ wɔŋ kɔ, ka Yisəsán ɔ pa ro ŋɔŋ, Átà má mə yɔ-e, yɔ ti lemp lemp.
- 28 Kere wuni o wuni ka anthebul ɔ tɛ he atəsom ɔ pa áte.
- 29 Ankarande aləm aŋ nane kəpa ma Yudasán ɔ ba angbəŋfa, Yisəsán ɔ kanɛ kɔ, Way eyet eye sə yema ta amet; thaləm kámà ɔ sɔŋ rəka ka anmone.
- 30 Ma Yudasán ɔ po nɔy anbe-m-e ɔ wur rokaŋ ɔlemp wati; ɔwa tátək wɔŋ.
- 31 Tiyán ma ɔ po wur rokaŋ-e, Yisəsán ɔ pa, Ka-ake a yikis ɔWan ka wuni, ka Kurɔŋ ɔ sɔthɔ ayiki ro ŋɔŋ;
- 32 Ɔwa Kurɔŋ ɔ tə yikis kɔ ka kɔn kɔnɔne, ɔwa ɔ tə yikis kɔ ka ka-ake.
- 33 Anfeth a mi, i yi gbo ro nu ta alɔkɔ agbut. Nə tə thens mi; pə tə yi mə mə i kanɛ aŋYuda, Ro mə i kɔ-e nia nə gbəli he der, ya i pa ro nu ka-ake.
- 34 Ayamari afu i sɔŋ nu, kámà nə bothərane; mə mə mineŋ i po bothər nu, ya nia sə nə yi tə kəbothərane.
- 35 Ka áte afəm be aŋ tə tārà nə yi ankarande a mi, bepi nə bothərane.
- 36 Saymɔn Pitaŋ ɔ pa ro ŋɔŋ, Pa, reke mán kɔ-e? Yisəsán ɔ pa, Ro i kɔ-e, mə gbəli he tən mi ka-ake: kere kədarəŋ kati mə tə tən mi.
- 37 Pitaŋ ɔ pa ro ŋɔŋ, Pa, to som mə i te gbəli tən mu ka-ake-e? I ti sɔnd aŋesəm a mi ta áte mu.



³⁸Yisósàŋ ɔ pa ro ŋɔŋ, Mə pa mə tə sɔnd aŋesəm a mu ta átà mi-i? I kanɛ mu tentenɛ, katəpi ɔ ba hɛ kətam, haŋ mə po pensa katəma məsas kəpa mə tɛ hɛ mi.

Yɔn 14

¹Ta emerá ε nu ε te nu sɔmpa: nə lanɛ Kuru, lanɛ mi sɔ.

²Ka aŋseth ŋa ɔKas kámi məyira məgbathi me yi ri; bepi naŋ pə yi hɛ yi-e, i ti poŋ naŋ kanɛ nu. Mineŋ i kɔ tə kəbenenɛ nu dɛr.

³Ɔwa bepi i kɔ tə kəbenenɛ nu dɛr-e, i ti kál der sɔ, i ti ba nu ro mi: kámá ro mineŋ i yi, nia sɔ nə tə yi.

⁴Ɔwa ro mə i kɔ-e nə tǎrà ri, nə tǎrà sɔ aroŋ.

⁵Thómósàŋ ɔ pa ro ŋɔŋ, Pa, sɛ tɛ hɛ ro má mə kɔ-e; to mə sɛ gbəli tǎrà aroŋ-e?

⁶Yisósàŋ ɔ pa ro ŋɔŋ, Mineŋ yi aroŋ, yi tǎteŋ, yi aŋesəm: wuni o wuni ɔ gbəli hɛ dɛr ka ɔKas thambe ɔ tǎŋ ka káta kámi.

⁷Bepi nə po tǎrà mi naŋ-e, nə tə tǎrà sɔ ɔKas kámi: ɔwa kətəp ka-ake nə tǎrà kɔ, ɔwa nə po nɛnk kɔ.

⁸Filipàŋ ɔ pa ro ŋɔŋ, Pa, tǎri su ɔKas, ɔwa pə tə bek su.

⁹Yisósàŋ ɔ pa ro ŋɔŋ, Filip, ma i po yi alɔkɔ awoni ro nu, mə tha tɛ hɛ mi-i? Wuni o wuni ɔwe po nɛnk mi ɔ po nɛnk ɔKas sɔ: to munɔ mə pa-e, Tǎri su ɔKas-e?

¹⁰Mə lanɛ hɛ kəpa mine yi rokor ka ɔKas-i, ɔwa ɔKas ɔ yi rokor ka mi-i? Ásim áte i kanɛ nu, i fɔf hɛ ti ka aŋmerá a mi, kɛrɛ ɔKas ɔwe yi yi mineŋ, kɔnɔ mə yɔ məyɔs mɔŋ.

¹¹Lanɛ mi kəpa i yi rokor ka ɔKas, ɔwa ɔKas ɔ yi rokor kámi, thalɔm lanɛ mi salata məyɔs ama i yɔ.

¹²I kanɛ nu tentenɛ, Wuni ɔwe mə lanɛ mi, mapanth ama mine i yɔ-e, kɔnɔ sɔ ɔ tə yɔ ma; ɔwa ɔ tə yɔ məyɔs məbana məthasi amɛ, pəkasifɛ i kɔ ka ɔKas kámi.

¹³Ɔwa tǎy o tǎy áte mə nə yif ka aŋes a mi, i ti yɔ ti, kámá ɔKas ɔ sɔthɔ ayiki ka ɔWan.

¹⁴Bepi nə yif tǎy o tǎy ka aŋes a mi, i ti yɔ ti.

¹⁵Bepi nə bothər mi, wop nu eyamari ε mi.

¹⁶Ɔwa i ti nɛmthɛnɛ ɔKas, ɔwa ɔ tə sɔŋ nu uBefəth ulɔm, kámá ɔ yi ro nu thəbana.

¹⁷Hali ɔYina ka tǎteŋ; ɔwe ádǎru rə tɛ gbəli sɔthɔ, pəkasifɛ rə nɛnk hɛ kɔ, thalɔm rə tɛ hɛ kɔ; kɛrɛ nia nə tǎrà kɔ, átesoma-e ɔ tiyá ro nu, ɔwa ɔ tə yi rokor ka nu.

¹⁸I tɛy hɛ nu son, i ti dɛr ro nu.



- ¹⁹Pə tiyà ras aləkw agbut, əwa àdàru rə nənkw hē mi sɔ: kere nia nə tə nənkw mi: pəkəsifē i kəli, nia nə tə kəli sɔ.
- ²⁰Ka ànɣey ŋati nə tə tārà kəpa i yi rokor ka əKas, əwa nia nə yi rokor kàmi, əwa minɛŋ i yi rokor ka nu.
- ²¹Kɔnɔ əwe ba eyamari ε mi, əwa ə wop yi-e, kɔnɔ yi əwe mə bəthər mi: əwa kɔnɔ əwe mə bəthər mi əKas kàmi ə tə bəthər kə, əwa i ti bəthər kə, əwa i ti tərɪnɛ gbafəth ro ŋəŋ.
- ²²Yudasən, Iskariyot tha, ə pa ro ŋəŋ, Pa, to mà mə tərɪnɛ gbafəth ro su, pə yi hē ka raru-e?
- ²³Yisəsən ə pa ro ŋəŋ, Bepi wuni ə bəthər mi-e, ə tə wop àrim ra mi: əwa əKas kàmi ə tə bəthər kə, əwa sə tə der ro ŋəŋ, sə tə yianɛ ro ŋəŋ.
- ²⁴Kere kɔnɔ əwe tɛ bəthər mi-e, ə wop hē àsim ta mi-e: əwa àrim ara nə təl, rə yi hē ara mi, rə yi àrim ra əKas əwe som mi.
- ²⁵Mátáy ame i pa ro nu, ma i yi ras ro nu.
- ²⁶Kere əBefəth, əYina məsəm, əwe əKas ə tə som ka ànɣes a mi, ə tə thəksa nu mátáy bɛ, əwa ə tə kala enanɛ ε nu ka mátáy bɛ ama i po kanɛ nu.
- ²⁷Məthəfəl i tiyà nu, mathəfəl ma mi i sɔŋ nu: i sɔŋ hē nu mə mə àdàru rə sɔŋ nu. Ta emerà ε nu ε te nu sɔmpa, thaləm ε te nesa.
- ²⁸Nə po təl ma i pa ro nu, I kɔnɛ, kere i ti kəl der ro nu. Bepi nə bəthər mi naŋ-e, nə tə ba ti məbɔnɛ, àtesoma-e i pa, i kə ka əKas; pəkəsifē əKas ə thasi mi.
- ²⁹I po kanɛ nu ka-ake yeŋka pə yɔnɛ, kámá bepi pə po yɔnɛ-e, nə tə lanɛ.
- ³⁰I fəfànɛ hē nu sɔ əgbəthi: kotáy-e rəbomp ra àdàru are ə der, kere ə ba hē táy o táy ro mi.
- ³¹Kere kámá àdàru rə tārà kəpa i bəthər əKas, yi mə mə əKas ə yamari mi, ya mə i yɔ. Yokanɛ nu maŋ kɔnɛ.

Yɔn 15

- ¹Mine yi ralek rəgben, əwa əKas kàmi kɔnɔ yi əbaf.
- ²Ara o ra ro mi aŋa mə tɛ wur məkomi ə gbək ŋi; əwa ara o ra aŋa mə wur məkomi, ə wasər ŋi, kámá aŋ bār wur məkomi.
- ³Naŋ nə po thɔ yi agbərəŋ salata àrim ara i po kanɛ nu.
- ⁴Tia nu rokor kàmi əwa minɛŋ rokor ka nu. Mə mə aŋra aŋ ba hē afɔsɔ tə kəwur məkomi, thambe aŋ tiyà ka ralek; ya pə yi sɔ naŋ nə gbəli hē, thambe nə tiyà ro mi.
- ⁵Mine yi ralek, naŋ nə yi mara: wuni əwe mə tiyà ro mi, əwa mine sɔ ro ŋəŋ-e, əwe ə tə wur məkomi məgbathi: Àtesoma-e nə gbəli hē yɔ koko bepi nə tiyà hē ro mi.



- ⁶Bepi wuni ɔ tiyá hɛ ro mi-e, a tɛ fitha kɔ rokaŋ mə ara, ɔwa aŋ wos; ɔwa a thoŋkla ma, a fitha ma ro nánt ɔwa a thɔi ma.
- ⁷Bepi nə tiyá rokor kámi, ɔwa ásim ta mi tɛ tiyá rokor ka nu-e, yif nu táy o táy áte nə yema, ɔwa a tɛ yɔna nu ti.
- ⁸Ka áte a tɛ yikis ɔKas kámi, bepi nə wur məkomi məgbathi; ɔwa ya nə tɛ yi akarande a mi.
- ⁹Mɔ mə ɔKas ɔ bɔthər mi, ya mine sɔ i bɔthər nu; tiyá nu ka mabɔthər ma mi.
- ¹⁰Bepi nə wop aŋyamari a mi-e, nə tɛ tiyá ka mabɔthər ma mi: mə mə i po wop aŋyamari ŋa ɔKas kámi, ka i tiya ka mabɔthər mɔŋ.
- ¹¹I po kanɛ nu mátáy ame, kámá mabɔnɛ ma mi mə tiyá ro nu, ɔwa kámá mabɔnɛ ma nu mə gbenthis.
- ¹²Aŋyamari a mi ŋi aŋɛ, Kama nə bɔthəránɛ, mə mə mineŋ i po bɔthər nu.
- ¹³Wuni o wuni ɔ ba hɛ məbɔthər ama yi məbana məthasi ame, kɔpa ɔ tɛ sɔnd aŋesəm ŋɔŋ ta aŋyathki ŋɔŋ.
- ¹⁴Naŋ nə yi aŋyathki a mi, bepi nə yɔ áte i yamari nu.
- ¹⁵I bont hɛ nu sɔ ɛbɔy, átesoma-e aŋbɔy ɔ tɛ hɛ áte ɔmarki kɔŋ mə yɔ-e; kɛrɛ i po bont nu ayathki; átesoma-e mátáy bɛ ama i tɛl ka ɔKas kámi, i po tɔri nu.
- ¹⁶Naŋ, na tha thith mi, kɛrɛ mine thith nu, ka i bot nu, kámá nə kɔnɛ nə wur məkomi, ɔwa kámá məkomi ma nu mə tiyá: kámá táy o táy áte mə nə tholir ɔKas ka aŋɛs a mi, ɔ tɛ sɔŋ nu ti.
- ¹⁷Mátáy ame i yamari nu kámá nə bɔthəránɛ.
- ¹⁸Bepi ádàru rɔ gbɛŋa nu-e, nə tára kɔpa rɔ gbɛŋa mi yeŋka rɔ gbɛŋa nu.
- ¹⁹Bepi nə yi aŋa ádàru, ádàru rɔ tɛ bɔthər aŋɔŋ: kɛrɛ ma nə tɛ yi aŋa ádàru, kɛrɛ i po thith nu kɔwur ka ádàru-e tiyáŋ ádàru rɔ gbɛŋa nu.
- ²⁰Kala ámerá ka árim ara i kanɛ nu, Aŋbɔy ɔ thas hɛ ɔmarki kɔŋ. Bepi aŋ po sɔmpa mi-e, aŋ tɛ sɔmpa nu sɔ; bepi aŋ po wop árim ra mi-e, aŋ tɛ wop sɔ árim ra nu.
- ²¹Kɛrɛ mátáy ame bɛ aŋ tɛ yɔ nu salata aŋɛs a mi, pəkasife aŋ tɛ hɛ ɔwe som mi.
- ²²Bepi naŋ i de hɛ ɔwa i fɔfánɛ ŋa-e, aŋ ba hɛ naŋ ahakɛ: kɛrɛ ka-ake aŋ ba hɛ kəkət kɛrɛ ta ehakɛ yaŋ.
- ²³Wuni ɔwe gbɛŋa mi ɔ gbɛŋa sɔ ɔKas kámi.
- ²⁴Bepi i tha yɔ hɛ kɛtɔŋ ka ŋaŋ máyɔs ama wuni lɔm ɔ tɛ la yɔ-e, aŋ ba hɛ naŋ ahakɛ: kɛrɛ ka-ake aŋ po nɔnk ɔwa aŋ po gbɛŋa mineŋ yi ɔKas kámi.
- ²⁵Kɛrɛ áte tɛ yɔnɛ, kámá árim rɔ lasɛr ara a gbal ka aŋthɔ ŋaŋ, kɔpa, Aŋ gbɛŋa mi kɛtɛ yɔ táy.



²⁶Kere ma ɔBefəth ɔ der-e, ɔwe i ti somra nu kəwur ka ɔKas, ɔYina ka tāteŋ, ɔwe wur ka ɔKas-e, ɔ tə gbaki ta átà mi:

²⁷ɔwa naŋ sɔ nə tə gbaki; pəkasiŋe nə po yi ro mi kábi ka katəp.

Yɔn 16

¹Mátáy ame i po pa ro nu, kámá a te yɔ nu nə pənthbəla.

²Aŋ tə bál nu ka eŋeth eŋbanɛ: aŋko, aŋlɔkɔ aŋ tə der, ma wuni o wuni ɔwe mə dif nu, ɔ tə nanɛ kəpa ɔ yɔ mapanth ma Kuru.

³Mátáy ame aŋ tə yɔ nu, pəkasiŋe aŋ tɛ hɛ ɔKas, thalɔm minɛŋ.

⁴Kere mátáy ame i po kanɛ nu kámá ma aŋlɔkɔ aŋ bek-e, nə tə kál nanɛ kəpa i la po kanɛ nu ti. I kanɛ hɛ nu mátáy ame bɛ ka katəp, pəkasiŋe i yi rɛ naŋ.

⁵Kere ka-ake i kɔ ka ɔwe som mi; ɔwa hali ukin ka nu ɔ yif hɛ mi, Re mə-əŋ kɔ-e?

⁶Kere ma i po fɔfáne nu mátáy ame, ɔnɔsine ɔ po la ka emərə ɛ nu.

⁷ɔwa i kanɛ nu tāteŋ, pə tə yi ɔfinɔ ta átà nu bepi i kɔnɛ: átesoma-e, bepi i kɔ hɛ-e, ɔBefəth ɔ ba hɛ kəder ro nu; kere bepi i kɔ-e, i ti som kɔ ro nu.

⁸ɔwa ma ɔ po der-e, ɔ tə gbanthir ádàru ta ahake, ta mələmpi, yi ta kəthoŋkas ɛpa:

⁹ta ahake, pəkasiŋe aŋ lanɛ hɛ mi;

¹⁰ta mələmpi, pəkasiŋe i kɔ ka ɔKas ɔwa nə nənɔ hɛ mi sɔ;

¹¹ta kəthoŋkas ɛpa, pəkasiŋe a po thonkas ɔwe yi rábomp ra ádàru are.

¹²I ba ras mátáy məgbathi tə kəkane nu, kere nə gbəli hɛ wop ma ka-ake.

¹³Kere ma kɔnɔŋ, ɔYina ka tətɛŋ, ɔ der-e, ɔ tə kora nu ka tāteŋ bɛ; kotáy-e, ɔ fɔf hɛ ka aŋmerá ŋɔŋ; kere mátáy bɛ ama ɔ təl, ame ma mə fɔf: ɔwa ɔ tə tɔri nu mátáy ama ba tə kəder.

¹⁴ɔ tə yikis mi; átesoma-e, ɔ tə gbasi ma ro mi, ɔwa ɔ tə tɔri ma ro nu.

¹⁵Mátáy bɛ ama ɔKas ɔ ba-e, mine ba ma: tiyáŋ i pa, ɔ tə gbasi ma ro mi, ɔwa ɔ tə tɔri ma ro nu.

¹⁶Alɔkɔ agbut ɔwa nə nənɔ hɛ mi: ɔwa alɔkɔ agbut sɔ nə tə nənɔ mi pəkasiŋe i kɔ ka ɔKas.

¹⁷Tiyáŋ aŋkarande ŋɔŋ alɔm aŋ fɔflane, aŋ pa, Ko táy áte átà ɔ pa ro su-e? Alɔkɔ agbut ɔwa nə nənɔ hɛ mi; ɔwa alɔkɔ agbut sɔ nə tə nənɔ mi: ɔwa pəkasiŋe i kɔ ka ɔKas-i?

¹⁸Tiyáŋ aŋ pa, Ko táy áte átà ɔ pa-e, Alɔkɔ agbut-e? Sə tɛ hɛ áte ɔ pa.

¹⁹Yisɔsáŋ ɔ tárá kəpa aŋ yema yif kɔ, kɔ pa ro ŋaŋ, Nə yifəthane ta áte i pa, Alɔkɔ agbut, ɔwa nə nənɔ hɛ mi, ɔwa alɔkɔ agbut sɔ, nə tə nənɔ mi-i?



- ²⁰Tentene i kanē nu, nə tə bok ɔwa nə tə kulɔ, kere ádàru rə tə sel məbɔne: naŋ nə tə ba ɔnɔsine, kere ɔnɔsine ɔ nu ɔ tə sɔke nu məbɔne.
- ²¹Ɔwuni bom bepi ɔ yi ka akənt ka kakom-e, ɔ ba asɔmpañe, pəkasife àŋlɔkɔ ŋɔŋ aŋ bek: kere bepi ɔ po kom ɔwath-e, ɔ nanē he sɔ àŋsɔmpañeŋ, salata məbɔne ama ɔ ba kəpo kom wuni ka ádàru.
- ²²Tiyàŋ naŋ nə ba ɔnɔsine ka-ake; kere i ti kál sɔ nənk nu, ɔwa emerà ε nu ε tə yasane yi məbɔne, ɔwa wuni o wuni ɔ gbəli he nɔy məbɔne ma nu.
- ²³Ka àŋrey ŋati nə ba he kəyif mi tày o tày. I kanē nu tentene, tày o tày áte mə nə tholir ɔKas ka àŋes a mi, ɔ tə sɔŋ nu ti.
- ²⁴Haŋ ka-ake nə tha thola he koko ka àŋes a mi: ɔwa thola nu, nə tə sɔthɔ, kámá məbɔne ma nu mə lasər.
- ²⁵Mátáy ame i po pa ro nu rə elomɔ: kere àŋlɔkɔ aŋ tə der, ma i te sɔ ba tə kəfɔf rə elomɔ, kere i ti kanē nu ta ɔKas gbəraŋ.
- ²⁶Ka àŋrey ŋati nə tə thola ka àŋes a mi: ɔwa i pa he ro nu, i ti nəmthene ɔKas ta átá nu:
- ²⁷átesoma-e ɔKas kən kənɔne ɔ bɔthər nu, pəkasife naŋ nə po bɔthər mi, ɔwa nə lane kəpa i wur ka ɔKas.
- ²⁸I wur ka ɔKas, ka i der nɔru: ɔwa i kál tey ádàru, ka i kɔne ka ɔKas.
- ²⁹Aŋkarande ŋɔŋ aŋ pa ro ŋɔŋ, Kəla, ka-ake mə fɔf gbəraŋ, mə fɔf he sɔ rə alomɔ.
- ³⁰Ka-ake sɔ tără kəpa mə tără mátáy be, tə ba he mu tày kámá wuni kəpet ɔ yifəth mu: ka áte sɔ lane kəpa mə wur ka Kuru.
- ³¹Yisɔsàŋ ɔ lasiane ŋa, ɔ pa, Nə lane thɔŋ-i?
- ³²Kəla, àŋlɔkɔ aŋ tə der, aŋko, an po bek-e, kámá nə sakane, wuni o wuni ka àŋseth ŋɔŋ, nə tə tey mi min son, kere i yi he min son, pəkasife ɔKas ɔ yi yi mineŋ.
- ³³I po fɔfáne nu mátáy ame be, kámá nə ba məthɔfəl ro mi. Ka ádàru nə tə ba asɔmpañe: kere bák nu təbuth, i po tham ádàru.

Yɔn 17

- ¹Ma Yisɔsàŋ ɔ po fɔf mátáy ame, ɔ lakthe ro riyana, ɔ pa, Pa, àŋlɔkɔ aŋ bek; yikis ɔWan ka mu, kámá ɔWan ka mu ɔ yikis mu:
- ²mə má mə sɔŋ kɔ afɔsɔ ka afəm be, kámá ɔ sɔŋ aŋesəm thəbana ka ŋaŋ aŋa mə sɔŋ kɔ.
- ³Ɔwa aŋesəm thəbana ŋi aŋe kámá aŋ tără mu ɔKuru utəteŋ son, yi Yisɔs Krayst ɔwe mə po som.
- ⁴I po yikis mu nɔru, ma i pons mapanth ama mə sɔŋ mi tə kəyɔ.



- ⁵Ka-ake, O Pa, yikis mi yi mun munone yi anyiki aña i ba ro mu yenka adaru rə tpe.
- ⁶I po tɔri anes a mu ka anɔm aña mə sɔŋ mi kəwur ka adaru: munɔ ba ɲa, ɔwa mə sɔŋ mi ɲa; kaŋ po wop arim ra mu.
- ⁷Aŋ tɔrɔ thɔŋ kɔpa tɔy o tɔy ate mə sɔŋ mi tɔ wur ro mu;
- ⁸atesoma-e, i po sɔŋ ɲa asim ate mə po sɔŋ mi; ɔwa aŋ malane ti, ɔwa aŋ tɔrɔ tateŋ kɔpa i wur ro mu, ɔwa aŋ lane kɔpa munɔ som mi.
- ⁹I ramne taŋ, i ramne he ta adaru, kere ta ɲaŋ aña mə po sɔŋ mi; pəkasife munɔ ba ɲa:
- ¹⁰ɔwa ɲaŋ be aña mineŋ i ba munɔ ba ɲa, yi aña munɔ mə ba mine ba ɲa: ɔwa i ba ayiki ro ɲaŋ.
- ¹¹ɔwa ka-ake i yi he sɔ nɔru, kere aŋe aŋ yi nɔru, ka mine i der ro mu. ɔKas usəm, bene ɲa ka anes a mu, aña mə po sɔŋ mi, kámá aŋ ba ámerá ɲin mə mə saŋ sɔ ba.
- ¹²Ma i yi yi ɲaŋ ka adaru, mine bene ɲa ka anes a mu, aña mə po sɔŋ mi: ɔwa i bumər ɲa, ukin ka ɲaŋ ɔ dine he, thambe ɔwan ka kədine; kámá mágbal mə lasər.
- ¹³Kere ka-ake i der ro mu; ɔwa mátáy ame i fɔf nɔru-e, kámá aŋ ba mabone ma mi mɔgbenthis rokor ka ɲaŋ.
- ¹⁴I po sɔŋ ɲa arim ra mu, ka adaru rə gbeŋa ɲa, pəkasife aŋ yi he ta adaru, mə mine i te yi ta adaru.
- ¹⁵I ramne he kámá mə wurɔ ɲa ka adaru, kere kámá mə bumər ɲa ka maləs.
- ¹⁶Aŋ yi he ta adaru, mə mineŋ i te yi ta adaru.
- ¹⁷Səməs ɲa ka tateŋ, arim ra mu rə yi tateŋ.
- ¹⁸Mɔ mə po som mi ka adaru, ye mineŋ sɔ i po som ɲa ka adaru.
- ¹⁹ɔwa ta átɔŋ tɔ mə i səməsne, kámá a səməs ɲa ka tateŋ.
- ²⁰Salata aŋe son tha mə i ramne, kere ta ɲaŋ sɔ aña mə lane mi salata arim ra ɲaŋ;
- ²¹kámá ɲaŋ be aŋ ba ámerá ɲin; mə munɔŋ, Pa, mə yi rokor kámi, yi mineŋ i yi rokor ka mu, kámá ɲaŋ sɔ aŋ yi rokor kásu: kámá adaru rə lane kɔpa munɔ som mi.
- ²²Aŋyiki aña mə po sɔŋ mi, i po sɔŋ ɲa ɲi, kámá aŋ ba ámerá ɲin, mə mə saŋ sɔ ba ámerá ɲin;
- ²³mineŋ rokor ka ɲaŋ, yi munɔŋ rokor kámi, kámá aŋ ba ámerá ɲin agbenthis; kámá adaru rə tɔrɔ kɔpa munɔ som mi, ɔwa mə bothər ɲa mə má mə bothər mi.
- ²⁴Pa, anɔm aña mə po sɔŋ mi, i yema kámá ɲaŋ sɔ aŋ yi ro mineŋ i yi; kámá aŋ nɔnk anyiki a mi aña mə po sɔŋ mi: atesoma-e mə bothər mi yenka a bot ɔtəmər wa adaru.
- ²⁵O, Pa ulompi, adaru rə te he mu, kere i po tɔrɔ mu, ɔwa aŋe aŋ tɔrɔ kɔpa munɔ som mi.



²⁶Ka i po tɔri ɲa aɲes a mu ɔwa i ti tɔri ɲi sɔ: kámá mabɔthɛr ama mə bɔthɛr mi mə yi rokor ka ɲaɲ, ɔwa mineɲ sɔ i yi rokor ka ɲaɲ.

Yɔn 18

¹Ma Yisɔsáɲ ɔ po fɔf ásim áte-e, ɔ wur yi aɲkarande ɲɔɲ, aɲ fəsi kabath Kidrɔn ro ákunk aɲ yi, ɔ wɔɲ ri yi aɲkarande ɲɔɲ.

²ɔwa Yudasáɲ ɔwe sɔnd kɔ, ɔ tǎrà ɔder wati, kotáy-e Yisɔsáɲ yi aɲkarande ɲɔɲ aɲ sa kɔ ri katkat.

³Yudasáɲ aɲlɔkɔ ɲati, ma ɔ po sɔthɔ atim yi aturgba ka aɲbáki ɲa aɲfode yi aɲFarisi-e, ɔ der ri yi elamp yi tule yi eyet etimá.

⁴Kere Yisɔsáɲ ma ɔ tǎrà mǎtáy be ama mə derɛr kɔ-e, ɔ wur, kɔ pa, Kane mə nə thens-e?

⁵Aɲ wosa, Yisɔsáɲ ɔwe ro Nasareth. Ka Yisɔs ɔ pa ro ɲaɲ. Mine ɔwe. Ka Yudasáɲ sɔ ɔwe sɔnd kɔ-e, ɔ tǎmá yi ɲaɲ.

⁶Ma Yisɔsáɲ ɔ pa ro ɲaɲ, Mine ɔwe, aɲ kala kəmuth, aɲ fumpɔ ro thɔf.

⁷kɔ yif ɲa sɔ, Kane mə nə thens-e? Aɲ pa, Yisɔsáɲ ɔwe ro Nasareth.

⁸Yisɔsáɲ ɔ wosa kɔpa, I po kane nu kɔpa mine ɔwe: bepi mine mə nə thens-e, ter nu aɲfɛm aɲe aɲ kɔne:

⁹kámá árim rɛ lasɛr ara ɔ fɔf kɔpa, Ka ɲaɲ aɲa mə po sɔɲ mi i tha dim he ukin.

¹⁰ɔwa Saymɔn Pitaɲ ma ɔ ba agbathɔ-e, ɔ tali ɲi, ɔ tap aɲbɔy ɲa ɔfode ubana, kɔ gbɛk aɲlɛns ɲɔɲ ádiyɔ. Aɲes ɲa aɲbɔy ɲɔ yi Malkɔs.

¹¹Ka Yisɔsáɲ pa ka Pita, Wɔɲá aɲgbathɔ a mu ka aɲbom ɲati. I gbɛli pensa ampɔthi aɲa ɔKas ɔ sɔɲ mi tɔ kɔmun-i?

¹²Ka antim yi anturgba, yi aɲsom ɲa aɲYuda aɲ wop Yisɔsáɲ, aɲ sek kɔ,

¹³kaɲ mɔtha kera kɔ ka Anas; kotáy-e kɔnɔ yi ɔkomanɛ ka Kayafas, ɔwe yi ɔfode ubana ka karen kati.

¹⁴Kayafas kɔnɔ yi ɔwe tɔri aɲYuda kɔpa, pɔ tɔ yi ɔfisa bepi wuni kin ɔ fi ta aɲfɛm.

¹⁵Ka Saymɔn Pitaɲ ɔ tǎɲ Yisɔsáɲ, yi ukarande ulɔm sɔ. ɔwa ma ɔfode ubana ɔ tǎrà ɔkarande kati, ɔ wɔɲ ro bare ka ɔfode ubana yi Yisɔsáɲ;

¹⁶kere Pita ɔ tǎmá ka kadare rokaɲ. Ka ɔkarande ulɔm ɔwe ɔfode ubana ɔ tǎrà, ɔ wur, ɔ fɔfáne ɔbera ɔwe mə bumɛr kadare, ɔ wɔɲá Pitaɲ.

¹⁷Tiyáɲ ɔbɔrkɔ ɔwe mə bumɛr kadare ɔ pa ka Pita, Munɔ sɔ mə yi ukin ka aɲkarande ɲa ɔlangba ɔwe-i? ɔ pa, I yi he yi.



- 18 Ɔwa ebɔy yi anturgba aŋ po lap nánt; átesoma-e ɔ taŋk: ɔwa aŋ tɔmá ri aŋ bɔ saya: ɔwa Pita sɔ ɔ tɔmá yi ŋaŋ, ɔ saya.
- 19 Ka ɔfode ubana ɔ yifəth Yisɔs ta aŋkarande ŋɔŋ, yi ta mathəksa mɔŋ.
- 20 Yisɔsáŋ ɔ wosa, I po fɔf gbafəth ka ádáru: i thəksa ka eseth egbanɛ, yi ka áŋseth ŋa Kuru, ro aŋYuda bɛ aŋ gbanɛ, ɔwa i pa hɛ táy o táy rə ɔmaŋkɛ.
- 21 To som má mə yifəth mi-e? Yif ŋa aŋa təl áte i pa ro ŋaŋ: aŋ tára áte i pa.
- 22 Ma ɔ pa áte ukin ka anturgba ɔwe tɔmá rayer kɔŋ ɔ gbantha Yisɔs yi káta kɔŋ, ɔ pa, Yaŋ má mə wosáɛ ɔfode ubana-i?
- 23 Yisɔs ɔ pa, Bepi i po fɔf ɔlɔs-e, seri ta talɔs tati, kɛrɛ bepi ɔlompi-e, kɔyɛŋ má gbantha mi-a?
- 24 Ka Anas ɔ somrá kɔ usek ka Kayafas ɔfode ubana.
- 25 Saymɔn Pitaŋ ɔ tɔmá ɔ tɔ saya. Kaŋ pa ro ŋɔŋ, Mə yi sɔ ukin ka aŋkarande ŋɔŋ-i? Ɔ pɛnsa, ɔ pa, I yi hɛ yi.
- 26 Ukin ka ebɔy ya ɔfode ubana, ɔwe aŋ yi kor kin yi ɔwe Pita ɔ gbək aŋlɔns ŋɔŋ-e, ɔ pa, I nɛnk hɛ mu ka aŋkunk yi kɔnɔŋ-i?
- 27 Pitaŋ ɔ pɛnsa sɔ; ɔwa ka ɔlɛmp wati katəpi ɔ tam.
- 28 kaŋ wurɔ Yisɔsáŋ ka Kayafas, aŋ wɔŋá kɔ ro bare ka Paylet: ɔwa pə yi bəth bəth; kɛrɛ ŋaŋ gbɛŋ aŋ wɔŋ hɛ ro bare, kámá aŋ te yifasɛ, kámá aŋ gbəli di kapainɛ.
- 29 Tiyáŋ Payletáŋ ɔ wur ro ŋaŋ, ɔ yif, Ko agbanthir nə gbanthir ɔlaŋgba ɔwe-e?
- 30 Aŋ wosa kəpa, Bepi ɔ yi hɛ wuni lɔs-e, sɔ gbəli hɛ lánki kɔ ro mu.
- 31 Payletáŋ ɔ pa ro ŋaŋ, Gbasi kɔ nu, nə thonkas kɔ ka áŋthɔ a nu. AŋYuda aŋ pa, Sə ba hɛ məmari tɔ kədif wuni o wuni:
- 32 kámá árim ra Yisɔs rə lasɛr, ara ɔ pa kətəri ko rəfi ara ɔ ba tɔ kəfi.
- 33 Tiyáŋ Payletáŋ ɔ kál wɔŋ ro bare, ɔ tela Yisɔsáŋ, kɔ pa ro ŋɔŋ, Munɔ yi ɔBáy ka aŋYuda-i?
- 34 Yisɔsáŋ ɔ wosa, Mə pa áte ka áŋmerá a mu, thalɔm alɔm aŋ kanɛ mu ta átá mi-i?
- 35 Payletáŋ ɔ pa, Minɛŋ i yi uYuda-i? Aŋbona a mu yi aŋfode abana aŋ lánki mu ro rɔmi; ko mə po yɔ-e?
- 36 Yisɔsáŋ ɔ wosa, Rábáy ra mi rə yi hɛ ka ádáru are: bepi rábáy ra mi rə yi ka ádáru are, ebɔy ɛ mi aŋ tɔ tim naŋ kámá a te lánki mi ka aŋYuda: kɛrɛ rábáy ra mi rə yi hɛ nɔ.
- 37 Payletáŋ pa ro ŋɔŋ, Mə yi mən ubai-i? Yisɔsáŋ ɔ pa Aŋko, mə pa táteŋ, i yi ubáy. Ta áte tɔ a kom mi, ɔwa ta áŋsabu aŋe tɔ i der ka ádáru, kámá i gbaki ta táteŋ. Wuni o wuni ɔwe yi ka táteŋ ɔ təl árim ra mi.



³⁸Payletán ɔ pa, Ko yi tateŋ-e? Ma Payletán ɔ po pa áte, ɔ kál wur ka aŋYuda, ɔ pa ro ŋaŋ, I tha fir he táy ɔ táy tɛlɛs ro ŋɔŋ.

³⁹Kere naŋ nə ba mɛtanɛ, kámá i tera nu wuni kin ka amet ma kapainɛ; tiyán nə yema i tera nu ɔBáy ka aŋYuda-i?

⁴⁰kaŋ kál sɔŋkɔ, aŋ pa, ɔlaŋgba ɔwe thahɔ, kere Barabas. ɔwa Barabas ukei ubana wɔŋ.

Yɔn 19

¹Tiyán Payletán ɔ gbasi Yisɔsán ɔ sapa kɔ rɔkɛt.

²Ka antim aŋ ru ániyɔ ŋa tɛbaŋk, aŋ bot ŋi ka rábomp rɔŋ, kaŋ wɔns kɔ ruma rɔyim.

³Aŋ pa, Kori mu-o ɔBáy ka aŋYuda! kaŋ gbantha kɔ.

⁴Payletán ɔ kál wur rokaŋ, ɔ pa ro ŋaŋ, Kɛlo i wurɔ nu kɔ, kámá nə tára kɛpa i fir he ro ŋɔŋ táy ɔ táy tɛlɛs.

⁵Ka Yisɔsán ɔ wur rokaŋ, ɔ sara áŋniyɔ ŋa tɛbaŋk, ɔ wɔŋ áŋbila ayim. Payletán ɔ pa ro ŋaŋ, Kɛlo ɔlaŋgba!

⁶Ma aŋfode abana yi anturɔba aŋ nɔnk kɔ-e, aŋ woŋa, aŋ pa, Tán kɔ ka akɛnt kɛpɛŋkine, tán kɔ ka akɛnt kɛpɛŋkine! Payletán ɔ pa ro ŋaŋ, Naŋ gbasi kɔ nu, nə tán kɔ ka akɛnt kɛpɛŋkine, kotáy-e mine i fir he táy ɔ táy áte yi tɛlɛs ro ŋɔŋ.

⁷AŋYuda aŋ wosa, aŋ pa, Saŋ sɛ ba athɔ, ka áŋthɔ ŋati ɔ mar fi, pɛkasife ɔ pa ɔ yi ɔWan ka Kuru.

⁸Ma Payletán ɔ tɛl áŋpa aŋe-e, ɔ bár gbo nesa.

⁹ɔ kál wɔŋ ro bare, ɔ pa ka Yisɔs, Reke mə wur-e? Kere Yisɔsán ɔ wosa he kɔ.

¹⁰Ka Payletán ɔ pa ro ŋɔŋ, Mə wosa he mi-i? Mə tɛ he kɛpa i ba afɔsɔ tɛ kɛsɛli mu, ɔwa i ba afɔsɔ tɛ kɛtaŋ mu ka akɛnt kɛpɛŋkine-i?

¹¹Yisɔsán ɔ pa, Mə ba he afɔsɔ rokɔm kámi thambe a sɔŋ mu ŋi kɛwur rokɔm: tiyán ɔwe sɔnd mi ro mu, ɔ ba mɛtheri pɛthasi munɔ.

¹²Kɛbi ka áŋlɔkɔ ŋati Payletán ɔ thens tɛ kɛsɛli kɔ; kere aŋYuda aŋ woŋa, aŋ pa, Bepi mə sɛli ɔlaŋgba ɔwe-e, mə yi he uyathki ka Sisar: wuni o wuni ɔwe sɛkinɛ ubai-e, ɔ pensa Sisarán.

¹³Tiyán ma Payletán ɔ tɛl ásim áte-e, ɔ wurɔ Yisɔs rokaŋ, ɔ yirá ka kawaŋ ka kɛgbɛk epa, ka ɔder ro a bont áŋPɛfment, kere ka kaHibru a bont Kabatha.

¹⁴Kɔ pɛ re yi áŋrey ŋa kabɛnɛnɛ ta amet ma kapainɛ; pɛ yi mɔlɔ ma áŋlɔkɔ aŋa beká tamthɛrukin: kɔ pa ka aŋYuda, Kɛlo ɔBáy ka nu!



- 15**Kere aŋ woŋa, aŋ pa, Kera kɔ nu, kera kɔ nu, tãŋ kɔ ka akɛnt kɛpɛŋkine. Payletãŋ ɔ pa ro ŋaŋ, Nɛ yema i tãŋ ɔBãŋ ka nu ka akɛnt kɛpɛŋkine-i? Aŋfode abana aŋ pa, Sɔ ba he ubãŋ thambe Sisarãŋ.
- 16**Ka aŋlɔkɔ ŋati ɔ lãnki kɔ ro ŋaŋ kãmã a tãŋ kɔ ka akɛnt kɛpɛŋkine. kaŋ gbasi Yisɔsãŋ.
- 17**kɔ wur, ɔ gbane akɛnt kɔŋ kɛpɛŋkine kɛkɔ ka ɔder ro a bont, ɔder wa Kɛgbɛŋkɛt, ro a bont ka kaHibru, Kɔlkɔtha:
- 18**ro aŋ tãŋ kɔ ka akɛnt kɛpɛŋkine, yi afɛm ŋarɛŋ yi kɔnɔŋ, ukin ka kãdiyɔ, ɔwa ukin ka kãmerɔ kɔŋ, ka Yisɔsãŋ ɔ yi ratɔŋ.
- 19**Ka Payletãŋ ɔ gbal mɛgbal, ɔ yɔ aŋ bot ma ka akɛnt kɛpɛŋkine. ɔ gbal, YISɔSãŋ ɔWE RO NASARETH, ɔBãŋ KA ADYUDA.
- 20**AŋYuda agbãthi aŋ karaŋ mɛgbal ame: kotãŋ-e, ɔder ro a tãŋ Yisɔs ka akɛnt kɛpɛŋkine ɔ yi ɔfati ro pet: ɔwa a gbal ma ka kaHibru, kaRom, yi kaKrik.
- 21**Tiyãŋ aŋfode abana ŋa aŋYuda aŋ pa ka Paylet, Te gbal, ɔBay ka aŋYuda; kere kɛpa, ɔ pa, Mine yi ɔBãŋ ka aŋYuda.
- 22**Payletãŋ ɔ pa, Ætã i po gbal-e, i po gbal.
- 23**Ma antim aŋ po tãŋ Yisɔsãŋ ka akɛnt kɛpɛŋkine-e aŋ gbasi ãsuma tɔŋ, aŋ yerɛs ti eni yanle, ani ŋin ta utim ɔ tim; yi kafɔl sɔ; kafɔl a po ru ki kɛtɔp rokɔm haŋ kɛkɔ roratha kati.
- 24**kaŋ fɔfãne kɛpa, Maŋ te nu pim ki, maŋ fak nu tɔfant ta kafɔl kãmã sɔ tãrã ɔwe ba kɛsɔthɔ ki; kãmã mɛgbal mɛ lasɛr, ama pa, Aŋ yerɛs ãsuma ta mi kɛtɔŋ ka ŋaŋ, ɔwa aŋ fak tɔfant ta kafɔl kãmi. Tiyãŋ mãtãŋ ame antim aŋ yɔ.
- 25**Ka ɔkara ka Yisɔs ɔ tɛmã rayer ka akɛnt kɛpɛŋkine, yi ɔwɔnt ka ɔkara kɔŋ, Merɛŋ ɔrani ka Klopas, yi Meri ɔwe ro Makdala sɔ.
- 26**Ma Yisɔsãŋ ɔ nɛnk ɔkara kɔŋ-e, yi ɔkarande ɔwe ɔ bɔthɛr aŋ tɛmã rayer-e, ɔ pa ka ɔkara kɔŋ, Wuni bom, kɛli ɔwan ka mu!
- 27**kɔ kãl pa ka ɔkarande, Kɛli ɔya ka mu! ɔwa kãbi ka aŋlɔkɔ ŋati ɔkarande ɔ kera ɔya ka aŋseth ŋɔŋ.
- 28**Kɛdarɛŋ kati, ma Yisɔsãŋ ɔ tãrã kɛpa mãtãŋ be mɛ poŋ-e, kãmã mɛgbal mɛ lasɛr, ɔ pa, Rɛmun rɛ bãk mi.
- 29**ɔwa apɔthi aŋ tɛmã ri aŋ la afinika; kaŋ lasɛr asponge yi afinika, aŋ bot ŋi ka aŋsethe ŋa ahisɔp, a fata ŋi ka kãsɛŋ kɔŋ.
- 30**ɔwa ma Yisɔsãŋ ɔ po nɔy aŋfinikar, ɔ pa, Tɛ poŋ: ɔ saŋ rãbomp rɔŋ ɔ terne.



- ³¹Tiyàŋ aŋYuda, ma pə yi aŋrey ŋa kabeneŋe ta amet ma kapaine, kāmā tabel aŋ te tiyā ka atənt təpəŋkine ka aŋsabath (kotāy-e aŋsabath ŋati aŋ yi abana), aŋ nemthene Payletāŋ kāmā a siməth elənk yaŋ, əwa kāmā a təŋa ŋa.
- ³²Ka antim aŋ der, kaŋ siməth elənk ya ətətəkə, əwa əya ələm əwe a tāŋ ka akənt kəpəŋkine yi kəŋə.
- ³³Kere maŋ bek ka Yisəs-e, əwa aŋ nənk kəpa ə po fi-e, aŋ sim he elənk yəŋ:
- ³⁴kere utim ukin ə raf aŋfuthəl ŋəŋ yi asor, ka əlemp wati mātir yi māt mə wur kə.
- ³⁵Əwa əwe po nənk ti ə yi ti məseri, əwa maseri məŋ mə yi tāteŋ: ə tārā kəpa ə fəf tāteŋ, kāmā naŋ sə nə lane.
- ³⁶kotāy-e mātāy ame mə yəŋe, kāmā mǎgbal mə lasər, ama pa, A ba he kəsım kə kəbānth.
- ³⁷Ka mǎgbal mələm mə pa, Aŋ tə kəli kə əwe aŋ po raf.
- ³⁸Kədarəŋ ka mātāy ame, Yosef-əŋ əwe ro Arimathia, əwe yi ukarande ka Yisəs, kere rə əmaŋkne, ta rənes ra aŋYuda, ə nemthene Payletāŋ kāmā ə selə ə kera kabel ka Yisəs; əwa Payletāŋ ə malane. Tiyāŋ ə der, ə thora kabel kəŋ.
- ³⁹Ka Nikodimos sə ə der, kəŋə əwe der ka Yisəs kətətəkə ka tātək, ə kārā ama yi məalos mə kuləŋane, mələ ma ewet keme kin.
- ⁴⁰kaŋ gbasi kabel ka Yisəs, aŋ rapər ki totha yi məpos məfəlfəl, mə matane ma aŋYuda mə yi ka kəmānk.
- ⁴¹Ka əder ro a tāŋ kə ka akənt kəpəŋkine akunk aŋ yi ri; əwa ka katel ake kəboma kəfu kə yi ri, ro a te tha bot wuni o wuni.
- ⁴²Rə aŋ bot Yisəsāŋ salata aŋrey ŋa kabeneŋe ka aŋYuda: ətesoma-e kəboma kə yi əfati ri.

Yəŋ 20

- ¹Ka aŋrey atətəkə ŋa aŋyik Meri əwe ro Makdala ə der ka kəboma pə re sək, ə nənk kəpa a təŋa aŋsar ka kəboma.
- ²Tiyāŋ ə gbuke, ə der ka Saymən Pita, yi ka əkarande uləm, əwe Yisəsāŋ ə bothər, ə pa ro ŋaŋ, Aŋ po wurə əMarki ka kəboma, əwa sə te he ro a bot kə.
- ³Pitaŋ ə wur, yi əkarande uləm, kaŋ kəŋe ka kəboma.
- ⁴Da ŋarəŋāŋ aŋ gbuke rəkin; kere əkarande uləm ə gbuke lemp ə thas Pitaŋ, əwa ə mətha bek ka kəboma.
- ⁵kə sane-e, ə kəli ri, ə nənk akasaŋke kə fənthā; kere ə wəŋ he ri.
- ⁶Saymən Pita sə ə der ə tāŋ kə, ə wəŋ ka kəboma; ə nənk akasaŋke kə fənthā ri,



- ⁷ɔwa aŋgbasa aŋa a rapər rābomp rɔŋ, aŋ fənthà he yi akasaŋke, kere a kump ŋi thòkò.
- ⁸Ka ɔkarande ulòm ɔwe mɔtha bek ka káboma ɔ wɔŋ sɔ, kɔ nɛnk, ɔwa ɔ lane.
- ⁹kotáy-e, aŋ tha te he áte mǎgbal mɛ pa, kɛpa ɔ ba tɛ kəkál yokane ka rafi.
- ¹⁰Ka aŋkarande aŋ kálane ka eseth yaŋ.
- ¹¹Kere Merɛŋ ɔ tɛmá ka káboma rokaŋ ɔ bok: ma ɔ bok-e, ɔ sane ɔ kɛli ka káboma;
- ¹²kɔ nɛnk amaleka ŋarəŋ aŋ wɔŋ yet elopra efɛra aŋ yirá, ukin ka rābomp, ɔwa ukin ka átatək, ro kabel ka Yisɔs kɔ la fənthà.
- ¹³kaŋ pa ro ŋɔŋ, Bithaŋ, to som má mɛ bok-e? ɔ pa ro ŋaŋ, Pəkasiɛ a po kera ɔMarki kámi, ɔwa i te he ro a bot kɔ-e.
- ¹⁴Ma ɔ po pa áte, ɔ fəle rodarəŋ, ɔ nɛnk Yisɔsəŋ ɔ tɛmá, ɔwa ɔ te he ti kɛpa Yisɔsəŋ kɔŋɔŋ.
- ¹⁵Yisɔsəŋ ɔ pa ro ŋɔŋ, Bithaŋ, to som má mɛ bok-e? kane má mɛ thens-e? ɔbera, ma ɔ nane kɛpa ɔ yi ɔbumər ka katel, ɔ pa ro ŋɔŋ, Pa, bepi munɔ mɛ po wurɔ kɔ anɔ-e, kane mi ro mɛ po bot kɔ, ka mine i ti gbasi kɔ.
- ¹⁶Yisɔs ɔ pa ro ŋɔŋ, Meri. ɔwa ɔ fəle, kɔ pa ro ŋɔŋ, Rabɔni; ara a tɛpa kɛpa, Karməkɔ.
- ¹⁷Yisɔsəŋ ɔ pa ro ŋɔŋ, Te gboŋ mi; átesoma-e, i tha ŋat he ka ɔKas: kɔne gbo ka aŋwɔnt a mi, mɛ pa ro ŋaŋ, I ŋat ka ɔKas kámi yi ɔKas ka nu; yi ka ɔKuru kámi, yi ɔKuru ka nu.
- ¹⁸Meri ɔwe ro Makdala ɔ der ɔ kane aŋkarande kɛpa ɔ po nɛnk ɔMarki, ɔwa ɔ po kane kɔ mātáy ame.
- ¹⁹ɔwa ma ráfɔy rɛ bek ka aŋrey ŋati, aŋrey átotəkɔ ŋa aŋyik-e, aŋkarande aŋ po tǎŋ tadare ro aŋ yi ta ranes ra aŋYuda. Ka Yisɔsəŋ ɔ der ɔ tɛmá kɔtɔŋ ka ŋaŋ, ɔ pa ro ŋaŋ, Ta mǎthɔfəl mɛ yi ro nu.
- ²⁰Ma ɔ po pa áte, ɔ tɔri ŋa máta mɔŋ yi aŋfuthəl ŋɔŋ. ɔwa, maŋ po nɛnk ɔMariki-e, aŋkarande aŋ ba mɛbɔne.
- ²¹Ka Yisɔsəŋ ɔ kál pa ro ŋaŋ, Ta mǎthɔfəl mɛ yi ro nu: mɛ mɛ ɔKas ɔ po som mi, yaŋ mine sɔ i som nu.
- ²²Ma ɔ po pa áte, ɔ ŋesmər ŋa, kɔ pa ro ŋaŋ, Malane nu ɔYina mɛsəm:
- ²³wuni o wuni ɔwe nə tera ehake yɔŋ-e, a tera kɔ, ɔwa wuni o wuni ɔwe nə te tera ehake yɔŋ-e, a tera he kɔ.
- ²⁴Kere Thòmɔsəŋ ukin ka antɔfɔt ŋarəŋ, ɔwe a bont Didimɔs, ɔ yi he yi ŋaŋ ma Yisɔsəŋ ɔ der.



²⁵Ka ankarande alom an pa ro non, Se po nenk oMarki. Kere konoo o pa ro non, Thambe i nenk kabur ka marontima ka mata mon, owa i gbon ansoel a mi ka kabur ka marontima, owa i gbon kata kami ka anfuthel non, i gbali he lane.

²⁶Kedaron ka morey tamthoresas-e ankarande an kal so yi ka anseth, owa Thomoson o yi yi non: ka Yisoson o der, hali ma tadare te yi tetan, o tama na keton, o pa, Ta methofel me yi ro nu.

²⁷O pa ka Thomos, Bot ansoel a mu no, owa keli mata ma mi; owa fata kata ka mu, me bot ki ka anfuthel a mi: te yi wuni owe te lane, kere yi wuni owe lane.

²⁸Thomoson o pa ro non, OMariki kami yi oKuru kami.

²⁹Yisoson o pa ro non, Thomos pekasife me po nenk mi, me po lane; aruba an yi ka non anja te tha nenk, kere an lane.

³⁰Ka Yisoson o yo emisali elom egbathi ka kabepor ka ankarande, eye a te gbal ka akafa ake:

³¹kere a gbal eye, kama ne lane kopa Yisoson o yi oKrayst, oWan ka Kuru, owa kama bepi ne lane-e, ne te ba anesom ka anes non.

Yon 21

¹Kedaron ka matay ame Yisoson o kal torine ka ankarande ka kaban ka Tiberias; ya o torine yan.

²Saymon Pitan, yi Thomoson owe a bont Didimos, yi Nathaneel owe ro Kena ake ro Kalili, yi anwuth aruni na Sebidi, yi ankarande non alom non, an yi der okin.

³Saymon Pitan o pa ro non, I kone lom. An pa ro non, San so se te paya mu. Kan kone, an bakaa ka anbil; kere ka ratatak rati an gbip he koko.

⁴Kere ma rasok re bek-e, Yisoson o tama ro gban; kere ankarande an te ti kopa Yisoson konon.

⁵Tiyon Yisos o pa ro non, Anfeth a mi, ne ba da rade-i? An pa ro non, Se ba he.

⁶O pa ro non, Fitha kapel ka kadiyo ka anbil, owa ne te gbip. An fitha ki, owa an gbali he te kelin ki salata kagbath ka elop.

⁷Tiyon okarande owe Yisoson o bothor o pa ka Pita, OMariki konon. Ma Saymon Pitan o tel kopa oMarki konon-e, o sene aruma ron raton (atesoma-e o yi utin), ko fithane ro ban.

⁸Kere ankarande alom an der ka anbil alol; (kotay-e an bolane he ro gban, pe yi gbo mo melonk teme taron), an lin kapel kala elop.

⁹Man bek ro gban-e, an nenk ri nant na tont ne mara, yi elop a rens na ri, yi kabo.

¹⁰Yisoson o pa ro non, Kara nu elop alom anja ne po gbip.



- 11 Saymɔn Pitaŋ ɔ bakà ro bil, ɔ liŋ kapel ro gbaŋ kɛla elop abana, aŋ yi kɛmɛ kin tɛgba tɔrɛŋ tɔfɔt asas: ɔwa hali ma elop aŋ yi agbàthi-e, kapel kɛ pima hɛ.
- 12 Yisɔsàŋ ɔ pa ro ŋaŋ, Der nu nɛ di. ɔwa ukarande ɔ karande ɔ mintha hɛ tɔ kɛyif kɔ, Mun kanɛ-e? mɔ aŋ tàrà kɛpa ɔMarki kɔnɔŋ.
- 13 Ka Yisɔsàŋ ɔ der, ɔ gbasi kɛbo, ɔ sɔŋ ŋa ki, yi elop sɔ.
- 14 Àŋlɔkɔ aŋe aŋ bekà mɛsas ma Yisɔsàŋ ɔ tɔrine ka aŋkarande, kɛdarɛŋ ka kàyokane kɔŋ ka rafi.
- 15 Maŋ po di-e, Yisɔsàŋ ɔ pa ka Saymɔn Pita, Saymɔn ɔwan ka Yɔnas, mɔ bothɛr mi pɛthasi aŋe-i? ɔ pa ro ŋɔŋ, Aŋko, Pa, mɔ tàrà kɛpa i bothɛr mu. Yisɔsàŋ ɔ pa ro ŋɔŋ, Wɔnthɛr talɔmɛ ta mi afɛth.
- 16 Yisɔsàŋ ɔ kál sɔ pa ro ŋɔŋ kɛbeka m̀arɛŋ, Saymɔn, ɔwan ka Yɔnas, mɔ bothɛr mi-i? ɔ pa ro ŋɔŋ, Aŋko, Pa, mɔ tàrà kɛpa i bothɛr mu. Yisɔsàŋ ɔ pa ro ŋɔŋ, Wɔnthɛr talɔmɛ ta mi.
- 17 Yisɔsàŋ ɔ kál pa ro ŋɔŋ kɛbeka mɛsas, Saymɔn, ɔwan ka Yɔnas, mɔ bothɛr mi-i? ɔwa Pita ɔ saŋ amɔl ta ma Yisɔs ɔ pa ro ŋɔŋ kɛbeka mɛsas, Mɔ bothɛr mi-i? kɔ pa ro ŋɔŋ, Pa, mɔ tàrà m̀at̀ay bɛ; mɔ tàrà kɛpa i bothɛr mu. Yisɔsàŋ ɔ pa ro ŋɔŋ, Wɔnthɛr talɔmɛ ta mi.
- 18 I kanɛ mu tɛntɛnɛ, ma mɔ yi ufɛth-e, mun munɔnɛ mɔ sɛnɛ ratɔŋ, mɔ kɔth ro mɔ yema-e: kɛrɛ ma mɔ po bak-e, mɔ tɔ thanthi m̀at̀a ma mu, ɔwa wuni lɔm kɔnɔ mɔ sek mu ratɔŋ, ɔ tɔ kera mu ro mɔ te yema kɔ-e.
- 19 Yisɔsàŋ ɔ pa àte, kámá ɔ tɔri ko rɛfi ɔkarande ɔwe mɔ yikis Kuru. Ma ɔ po pa àte, ɔ pa ro ŋɔŋ, Tàŋ mi.
- 20 Pitaŋ ɔ f̀alɛ, ɔ nɛnk ɔkarande ɔwe Yisɔs ɔ bothɛr ɔ t̀aŋ ŋa; kɔnɔŋ ɔwe sɛlinɛ ka aŋkɛpɛt ŋɔŋ ka kadi, ɔwa ɔwe pa, Pa, kanɛ yi ɔwe mɔ sɔnd mu-e?
- 21 Pitaŋ ma ɔ nɛnk kɔ-e, ɔ pa ka Yisɔs, Pa, ɔlangba ɔwe, ko mɔ yɔ-e?
- 22 Yisɔsàŋ ɔ pa ro ŋɔŋ, To mɔ pɛ yi mu-e, bepi i sɛlɔ ɔ tiyá haŋ i der-e? Munɔ t̀aŋ mi.
- 23 Tiyáŋ aŋpa aŋe aŋ gbanthɛnɛ kɛtɔŋ ka aŋwɔnt bɛ, kɛpa ɔkarande kati ɔ ba hɛ tɔ kɛfi: kɛrɛ Yisɔsàŋ ɔ pa hɛ ɔ ba hɛ kɛfi; ɔ pa gbo, Bepi i sɛlɔ ɔ tiyá haŋ i der-e, to mɔ pɛ yi mu-e?
- 24 ɔkarande ɔwe kɔnɔ gbaki ta m̀at̀ay amɛ, kɔ gbal m̀at̀ay amɛ: ɔwa sɔ tàrà kɛpa aŋgbaki ŋɔŋ aŋ yi t̀atɛŋ.
- 25 ɔwa m̀at̀ay m̀alɔm m̀agbathi mɔ yi ama Yisɔsàŋ ɔ yɔ, ama, bepi a po gbal ma bɛ-e, i nane kɛpa át̀af̀a ta m̀agbal mati tɔ gbɛli hɛ thɛnɔ ka ádaru bɛ. Amina.



Mayɔs Ma Aɲsom

Mayɔs Ma Aɲsom 1

- ¹Magbal ma mi mətətəkɔ mə tɔri O Thiɔfilɔs, ta áte Yisɔsáɲ ɔ tɔp tɔ kɔyɔ de yi tɔ kəthəkɔsa bɛ,
- ²haɲ áɲrey aɲa a ɲata kɔ rokɔm, kɔdarəɲ kɔ po sɔɲ aɲyamari ka aɲfɔsɔ ɲa ɔYina məsəm ka aɲsom aɲa ɔ po thith.
- ³Ka aɲa sɔ ɔ tɔrine ukəli kɔdarəɲ ka kanakasi kɔɲ, rə məseri məgbəraɲ məgbathi rə elɔkɔ egbaskɛ, ka mərəy tɔgba tərəɲ-e, ɔwa ɔ fɔf ta rábáy ra Kuru.
- ⁴ɔwa ma ɔ yi yi ɲaɲ-e, ɔ maɲ ɲa kámá aɲ te wur ro Yerusalem, kere kámá aɲ kar aɲlahiri ɲa ɔKas, aɲa ɔ pa, I la tɔri nu kəpa-e,
- ⁵Tə tentene Yɔnánɲ ɔ po baftays yi mánt, kere yeɲka mərəy məgbathi mə thas-e, a tɔ baftays nu yi ɔYina məsəm.
- ⁶Tiyánɲ maɲ po thonklane der rəkin-e, aɲ yif kɔ, aɲ pa, ɔMariki mə tɔ kala rábáy ro Isrel ka áɲlɔkɔ aɲe-i?
- ⁷kɔ pa ro ɲaɲ, Pə yi he ta áta nu tɔ kətara esibri thalɔm elɔkɔ eye ɔKas ɔ po bot ka aɲfɔsɔ ɲɔɲ gbeɲ.
- ⁸Kere nə tɔ sɔthɔ afɔsɔ ma ɔYina məsəm ɔ derər nu; ɔwa nə tɔ yi maseri ma mi ro Yerusalem-o, ro Yudia bɛ-o, ro Samaria-o, ɔwa haɲ ka ɔthalne wa ádaru.
- ⁹Ma ɔ po pa mátáy ame-e, a ɲata kɔ rokɔm rodi ka efər yaɲ, ka kərənt kə maɲk kɔ ka kakəli ka ɲaɲ.
- ¹⁰ɔwa mɔ mə aɲ kəli təɲ rokɔm mɔ mɔ kɔne-e, kəla, alaɲgba ɲarəɲ aɲ tɔmá rayer ka ɲaɲ rə elopra efɛra,
- ¹¹aɲ pa, Naɲ alaɲgba ɲa ro Kalili, kɔyeɲ mə nə tɔmá nə kəli rokɔm-e? Yisɔsáɲ ɔkin ɔwe-e, ɔwe a nɔy nu a ɲata ro riana-e, ya mɔ kál sɔ der mɔ mə nə nɔnk kɔ ɔ kɔne ro riyana.
- ¹²kaɲ kálane ro Yerusaləm kəwur ka kateɲ ka ɔlif, áke yi amayl ɲin kəwur ro Yerusalem.
- ¹³Maɲ bek-e, aɲ wɔɲ ka áɲkonko rokɔm, ro aɲ yirá; Pitaɲ-o, Yeməsáɲ-o, Yɔnánɲ-o, Andrəɲ-o, Filipáɲ-o, Thɔmɔsáɲ-o, Bartholomiyuáɲ-o, Mathyɔɲ-o Yeməsáɲ ɔwan ka Alfɔs-o, Saymɔnáɲ ɔSelɔt-o, yi Yudasáɲ ɔwɔnt ka Yeməsáɲ.
- ¹⁴Aɲe bɛ rə ámerá ɲin aɲ básər kəramne thuɲ, yi aɲfəm abom, yi Merəɲ ɔkara ka Yisɔsáɲ yi aɲwɔnt ɲɔɲ aruni.
- ¹⁵ɔwa ka marey ame Pitaɲ ɔ tɔmá ɔ fɔf kətɔɲ ka aɲsom, (aɲ yi ri afəm mɔlɔ ma keme kin kəgba) ɔ pa,



- ¹⁶Awont mi, mą́bal mə yi tẹ́ kẹ́lasẹ́r ama ọ́Yina mẹ́sẹ́m ka kẹ́sẹ́n ka Debid ọ́ fọ́f ta Yudas, ọ́we yi ọ́tẹ́ma kẹ́di ta njan njan bẹ́t Yisọ́sẹ́n.
- ¹⁷kotáy-e a lómanẹ́ kọ́ yi san, kọ́ sọ́thọ́ ń́nńi njan ka mapanth ame.
- ¹⁸(Ka-ake ọ́lanḡba ọ́we ọ́ sọ́thọ́ ń́kay ka ń́nńrám njan malẹ́s mọ́n, kọ́ fumpọ́ bẹ́m, kọ́ gbayanẹ́ ratọ́n, ka anumpa njan be nẹ́ wur.
- ¹⁹Ka ń́nfẹ́m be njan yi ro Yerusalem ń́n tára ti han a bont ọ́der wati ka akẹ́nt ka njan, Ro Akeldama, njan yi kẹ́pa, Akọ́r ka Mẹ́tir).
- ²⁰Átesoma-e a gbal ti ka ń́káfá ka ń́nSams, Ta mayira mọ́n mə́ yi mọ́yẹ́n, Ọ́wa, ta wuni ọ́ te yirá ri; ọ́wa Ta ulóm ọ́ gbasi mapanth mọ́n.
- ²¹Tiyán ka ń́nfẹ́m njan yi yi san alẹ́kọ́ be ma ọ́Marki Yisọ́s ọ́ wọ́n ọ́wa ọ́ wur kẹ́tọ́n kẹ́su,
- ²²kẹ́tẹ́p ka ń́nbaftisẹ́m njan Yon, han kẹ́kọ́ ka ń́nrey njan a gbasis su kọ́-e, ọ́wa a njan kọ́ ro riyana, kẹ́tọ́n ka ń́n-e, ukin ọ́ yi tẹ́ kẹ́sẹ́kẹ́ mẹ́seri yi san ta kẹ́yokane kọ́n.
- ²³kan tẹ́mẹ́r njan, Yosef-ń́n ọ́we a bont Basabas, ọ́ ba sọ́ ń́n njan Yustus; yi Mathayas-ń́n.
- ²⁴kan ramne, ń́n pa, Munọ́ ọ́Marki, mə́ tára emera ya afẹ́m be, tẹ́ri su ọ́reke ka ń́n njan ń́n mọ́ po thith,
- ²⁵tẹ́ kẹ́gbasi matẹ́ma ka mapanth ame yi ń́nsom njan Yudasẹ́n ọ́ thamrọ́ kẹ́má ọ́ kẹ́nẹ́ ka ọ́der wọ́n.
- ²⁶kan sọ́n mọ́thẹ́n kẹ́tọ́n ka njan; ka mathẹ́n mə́ wop Mathayas-ń́n. Ọ́wa ń́n lómanẹ́ kọ́ ka ń́nsom tẹ́fọ́t ukin.

Mayọ́s Ma ń́nsom 2

- ¹Ọ́wa ma ń́nrey njan ń́nPentikọ́st ń́n bek-e, ń́nkarande be ń́n yi rẹ́ dim din der rẹ́kin.
- ²Ọ́wa yawin-ń́n asẹ́nkọ́ ń́n wur ka ń́kẹ́riyana mọ́ ń́nsẹ́nkọ́ njan afef abẹ́ki, ń́n lasẹ́r ń́nseth ro ń́n yirá.
- ³kan nẹ́nk tẹ́mẹ́r tẹ́gbayanẹ́ tẹ́ bẹ́lẹ́nẹ́ mọ́ nẹ́nt, tẹ́ rensa njan ukin o kin.
- ⁴Ka ọ́Yina mẹ́sẹ́m ọ́ la njan be, kan tẹ́p kẹ́fọ́f tẹ́nt tẹ́tel mọ́ mọ́ ọ́Yina mẹ́sẹ́m ọ́ sọ́n njan tẹ́ kẹ́fọ́f.
- ⁵Ọ́wa ń́nYuda ń́n yi ro Yerusalem njan nesa Kurọ́n, njan wur ka tẹ́bona sẹ́nk roratha ka ń́kuru.
- ⁶Mań́ tẹ́l ẹ́sẹ́nkọ́ ẹ́ye-e, ń́runiya rẹ́ gbane rẹ́kin, ka pẹ́ sọ́kane njan pẹ́kasife wuni o wuni ọ́ tẹ́lẹ́ njan ń́n fọ́f ka akẹ́nt kẹ́n gbẹ́n.
- ⁷Ka pẹ́ kẹ́nthọ́fẹ́li njan be, ń́n kabane, kan pa, ń́n mọ́ fọ́f-e, ń́n aKalili rẹ́mań́ thahọ́-i?
- ⁸To som mə́ sẹ́ tẹ́lẹ́, ukin o kin ka akẹ́nt kẹ́su ń́kẹ́ a komanẹ́ su-e?



- ⁹Aparthian-o, aMid-o, aElamayt-o, yi aña yirà ro Mesapotemiya, ro Yudiya-o, ro Kapadosiya-o, ro Pòntos-o, yi ro Esiya-o,
- ¹⁰ro Fèrikiya-o, ro Pamfiliya-o, ro Iyipt-o, yi egbap ya ro Libiya eye fatər ro Sirini, yi aṅtik aña wur ro Rom-o, aYuda yi aña sàke alane,
- ¹¹aKrit yi aṅArabiyanàṅ, saṅ be sà telà ña aṅ fəf ka atənt ta su màyoṣ məkabane ma Kuru.
- ¹²Ka pə kənthəfəli ña be, pə səkane ña, ka aṅ pa kətəṅ ka ñaṅ, ko tà y tṅ àte-e?
- ¹³Kere alom aṅ sel ña aṅ pa, Aṅfəm aṅ aṅ namra məber məfeth.
- ¹⁴Ɔwa Pitaṅ ɔ təmá yi antəfət ukin-e ñata árim rəṅ, ɔ pa ro rəṅaṅ, na aṅfəm ña ro Yuda yi nia be aña yirà ro Yerusalem, tàrà nu àte, ɔwa su nu eləns ka ásim ta mi.
- ¹⁵Ɔkotáy-e aṅ aṅ yi he atis, mə mə nə nane-e, átesoma-e aṅhawa aña bekà məsas ka aṅrey ṅiəṅ gbo ras.
- ¹⁶Kere àte tə yi átá Yowel ənəbi ɔ fəf,
- ¹⁷Kurəṅ ɔ pa, Pə tə yi ka marey mələpsə, I ti kus ɔ Yina kámi ka afəm be, Ɔwa aṅwuth a nu aruni yi aṅwuth a nu abera aṅ tə nabi, Ɔwa aṅlaṅgba a nu aṅ tə nənk mənənk, Maáhem ma nu aṅ tə wəwəp mərey;
- ¹⁸Yao ka marey mati i ti kus ɔYina kámi ka ebəy ε mi aruni, Yi ka ebəy ε mi abera, ɔwa aṅ tə nabi.
- ¹⁹Ɔwa i ti tərì mətáy məkabane ka ákuru rokəm, Yi emisali ka aṅthəf roratha; Mətir yi nánt yi kimə.
- ²⁰Aret tə tə sàke asum de aṅof aṅ tə sàke mətir Yeṅka aṅrey abana ña ɔMarki aṅ bek.
- ²¹Ɔwa pə tə yi wuni ɔ wuni ɔwe mə tela ka aṅes ña ɔMarki ɔ tə kisi.
- ²²Naṅ aṅfəm ña ro Isrəl, təl nu ásim àte. Yisəs ɔwe ro Nasareth, wuni ɔwe Kuru ɔ po lomi kətəṅ ka nu rə məyoṣ ma afəso yi mətáy məkabane yi emisali eye Kuru ɔ yə ka káta kəṅ kətəṅ ka nu, mə naṅ gbeṅ nə po tàrà.
- ²³Kəno a lánki tand ka mabotəs yi kátàrà ka Kuru thəpaṅ, ɔwa naṅ-e, ka mاتا ma afəm áthánthone, nə tṅ kə ka akənt kəpəṅkine, nə dif kə.
- ²⁴Ɔwe Kuru ɔ yokas ka rəfi ma ɔ po səli ɔbaṅ wa rəfi, pəkasife pə fəye tà y kəpa rafi rə wop kə.
- ²⁵Ɔkotáy-e Debid ɔ pa ta atəṅ, I nənk ɔMarki ro der kámi kədi aləko be, kotáy-e ɔ yi ka káta kámi kədi, Kama a te bora mi.
- ²⁶Tiyāṅ aṅmerà a mi aṅ ba məbəne, Ɔwa ramer ra mi rə sel məbəne. Ma pə thas ri-e, aṅder a mi aṅ tə yirà rə kəgbak ámerà;



- 27 Pəkasiƒe mə gbəli he tey ɔfəm ɔ mi ro kərəfi, Thaləm mə gbəli he sɔŋ ɔSəm ka mu tɔ kənəŋk káthey.
- 28 Mə po mi tɔri asɔŋ ta aŋesəm. Mə tɔ yɔ mi i la məbɔne ka kábəpráne ka mu.
- 29 Awɔnt, i gbəli ƒɔfáne nu rə kəmintha ta ɔbemba Debid, kəpa ɔ fi, ka a maŋk kɔ, ɔwa káboma kɔŋ kə yi ro su haŋ thonɔŋ.
- 30 Tiyəŋ ma ɔ yi unabi, ɔwa ɔ tără Kurɔŋ ɔ po gbiŋ ro rɔŋɔŋ kəpa, ka rākomra rɔŋ ɔ tɔ yis ukin ka kawaŋ ka rābāy.
- 31 ɔwa ma kɔnɔ ɔ nənɔk áte rodi-e, ɔ ƒɔf ta káyokane ka ɔKrayst, kəpa a tey he kɔ ro kərəfi, ɔwa aŋder ŋɔŋ aŋ thei he.
- 32 Yisɔs ɔwe-əŋ, kɔnɔ Kuru ɔ yokas, ɔwa saŋ be sə yi ti məseri.
- 33 Tiyəŋ ma a po ŋata kɔ ka káta kədiɔ ka Kuru-e, ɔwa ma ɔ po sɔthɔ ka ɔKas aŋlahiri ŋa ɔYina məsəm-e, ɔ po kus ame, ama nə nənɔk, ɔwa ama nə təl.
- 34 Átesoma-e Debid ɔ ŋat he ro riyana, kere kɔn kɔnɔne ɔ pa, ɔMariki ɔ pa ka ɔMarki kámi, Yirá ka káta kámi kədiɔ,
- 35 Haŋ i səki antherane a mu agbeth ŋa átátək ta mu.
- 36 Tiyəŋ ta aŋseth ŋa Isrəl be aŋ tără tentene kəpa, Yisɔs ɔwe gbeŋ, ɔwe nə po tən ka akənt kəpəŋkin-e, Kuru ɔ po səki kɔ ɔMarki yi ɔKrayst.
- 37 ɔwa maŋ təl áte-e, tɔ sɔs tabuth taŋ, ka aŋ pa ka Pita yi ka aŋsom aləm, Awɔnt, to mə sə yɔ-i?
- 38 Ka Pitaŋ ɔ pa ro ŋaŋ, Thupi nu, ɔwa yɔ a baftays nu kin o kin ka aŋes ŋa Yisɔs Krayst ta katerɔ ka ehake ε nu, ɔwa nə tɔ sɔthɔ aŋboya ŋa ɔYina məsəm.
- 39 kɔtáy-e aŋlahiri aŋe aŋ yi ta átá nu, yi ta aŋwuth a nu yi ta ŋaŋ aŋa yi ɔbɔli poŋ, hali ta ŋaŋ be aŋa ɔMarki ɔKuru kásu mə tela ro rɔŋɔŋ.
- 40 ɔwa yi sim tələm təlai ɔ sɔŋ məseri, kɔ maŋ ŋa, ɔ pa, Kisisne nu ka rākomra rəkəná are.
- 41 ɔwa ŋaŋ be aŋa po malane ásim tɔŋ yi məbɔne, a baftays ŋa; ɔwa ka aŋrey ŋati aŋa bārne aŋkarande aŋ yi afəm ewul esas.
- 42 kaŋ básər bákər ka mátáy məthəksa ma aŋsom, yi məmanɔ, yi ka kasiməth təbo, yi ka təramne.
- 43 Ka rənes rə wop wuni o wuni; ka mátáy məkabane məgbathi yi emisali ε yɔne ka máta ma aŋsom.
- 44 Ka ŋa be aŋa lane aŋ yi der rəkin, aŋ ba eyet be ɔthənanɔ.
- 45 kaŋ thila tafus yi eyet yaŋ, kaŋ yerəsane ka ŋa be mə wuni o wuni ɔ paŋ.



⁴⁶kaŋ básər kəyi ka ʌŋseth ɲa Kuru rə ʌmərə ɲin ʌrey o rey, aŋ siməth təbo ka eseth yaŋ, ɔwa aŋ di yi məbɔnɛ yi rə ʌmərə ʌfərə,

⁴⁷rə kəthəkəs Kuru. Ka aŋfəm bɛ aŋ tără ɲa rəka. Ka ɔMarki ɔ bərə ɲa ɲaŋ aŋa mə kisi ʌrey o rey.

Mayɔs Ma Aŋsom 3

¹Ka Pitaŋ yi Yɔnɔŋ aŋ káne ka ʌŋseth ɲa Kuru ka ʌŋlɔkɔ ɲa kəramnɛ ka aŋhawa aŋa beká tàmthərəŋanlɛ.

²ɔwa ulaŋgba ulɔm ugbeba kábi ma ɔkara kɔŋ ɔ kom kɔ-e, kɔnɔ a kára, a bot kɔ ʌrey o rey ka karare ka ʌŋseth ɲa Kuru ʌke a bont Bəthikəli, kámá ɔ thola ka ɲaŋ aŋa mə wɔŋ ka ʌŋseth ɲa Kuru.

³ɔwe-e, ma ɔ nənɔk Pitaŋ yi Yɔnɔŋ aŋ yema wɔŋ ka ʌŋseth ɲa Kuru-e, ɔ tholir ɲa.

⁴Ka Pitaŋ yi Yɔnɔŋ aŋ kəli kɔ təŋ, aŋ pa, Kəli su.

⁵kɔ kəli ɲa, ɔ nanɛ tə kəsɔthɔ rəka ro rɔŋaŋ.

⁶Kərə Pitaŋ ɔ pa, Akala ʌfərə yi abɔŋɔ i ba hɛ, kərə ara i ba i ti sɔŋ mu ri. Ka ʌŋɛs ɲa Yisəs Krayst ɔwe ro Nasarəth, kəth.

⁷kɔ wop káta kɔŋ kədiɔ, ɔ ɲata kɔ; ka ɔlɛmp wati ʌtátək tɔŋ yi tagbɔlkɔnt tɔŋ tə sɔthɔ afɔsɔ.

⁸kɔ pay, ɔ tɔmá, ɔ tɔp kəkəth, ɔ wɔŋ ka ʌŋseth ɲa Kuru yi ɲaŋ, ɔ kəth kəth, ɔ pais pais, ɔ thəkəs Kuru.

⁹Ka aŋfəm bɛ aŋ nənɔk kɔ mə mə kəth ɔ thəkəs Kuru;

¹⁰ɔwa aŋ tără ti kəpa kɔnɔŋ ɔwe la yirá tə kəthola ka kadare kəBəthikəli ka ʌŋseth ɲa Kuru, ka aŋ kabanɛ ɔthasər, ɔwa pə kənthɔfəli ɲa ta ʌte po yɔnɛ kɔ.

¹¹ɔwa ma ɔ wopnɛ Pitaŋ yi Yɔnɔŋ-e, aŋfəm bɛ aŋ gbukɛ dɛr rəkin, kaŋ bálɛr ɲa ka aŋgbənthəŋ ɲa Sɔlɔmɔn, aŋ kabanɛ kəkabane kəbana.

¹²Ma Pitaŋ ɔ ɲaŋk ti-e, ɔ pa ka aŋfəm, Naŋ afəm ɲa Isrɛl, kɔyɛŋ mə nə kabanɛ ʌte-e? Thalɔm kɔyɛŋ mə nə kəli su tɛŋ mə pə yi mə ka aŋfɔsɔ a su thalɔm ka rasəm ra su sɔ yɔ ɔlaŋgba ɔwe ɔ kəth-e?

¹³ɔKuru ka Ebraham-əŋ, ɔka Aysakəŋ yi ɔka Yekəb-əŋ, ɔKuru ka aŋkas a su, kɔnɔ ɔ po yikis ʌŋbɔy ɲɔŋ Yisəsəŋ ɔwe naŋ nə lánki, ɔwa nə pɛnsa ro dɛr kədi ka Paylɛt, ma ɔ nanɛ naŋ tə kəter kɔ.

¹⁴Kərə naŋ nə pɛnsa kɔn ɔSəm yi ɔLompi, ka nə thola kámá a sɔŋ nu udif.

¹⁵Ka nə dif ɔTəpi wa aŋesəm, ɔwe Kuru ɔ po yokas kətɔŋ ka aŋfi, ta ʌtá sɔ yi məseri.



¹⁶Ɔwa pə yi salata kəlane ka aŋes ɲɔŋ ɔlanŋgba ɔwe ɔ sɔtho afɔsɔ, ɔwe naŋ be nɔ nɔnk de yi nɔ tārā. Yao, kəlāne ake yi ro ɲɔŋ kə po sɔŋ kə kayenk mæder kəgbenthis ka kábəprāne ka nu be.

¹⁷Kere ka-ake awɔnt a mi i tārā kəpa nɔ yɔ ti rə kəte tārā, mɔ mɔ aŋgbəka a nu sɔ aŋ yɔ.

¹⁸Kere mātáy ama Kuru ɔ tɔri ka tasəŋ ta Aŋnābi kəpa ɔKrayst ɔ ba kənákási-e, ya ɔ lasər ma yaŋ.

¹⁹Tiyāŋ thupi nu ɔwa lafthe nu kāmá a dimsɪ ɛhake ɛ nu, kāmá ɛlɔkɔ ya kəfothane ɛ der kəwur ro der kədi ka ɔMarki;

²⁰kāmá ɔ somra nu Yisɔsāŋ ɔwe a bont ɔKrayst, ɔwe a po thithá nu,

²¹pə yi mɔ kənɔ ɔwe aŋriyana aŋ ba kəwop haŋ ka ɛlɔkɔ ya kakala mātáy be, ama Kuru ɔ po fɔf ka tasəŋ ta Aŋnābi bi ɲɔŋ asəm be aŋa yi kábi ka ɔwoni.

²²Tentene Mosis ɔ pa ka aŋkas, ƆMariki ɔKuru ka nu, ɔ tɔ wurɔ nu unabi kətɔŋ ka aŋwɔnt a nu mɔ mineŋ. Nə yi tɔ kəsua kɔ ɛləns ka mātáy be ama mɔ kane nu.

²³Ɔwa pə tɔ yi wuni o wuni ɔwe mɔ te tɔlá ɔnābi kati-e, a tɔ dim kɔ kətɔŋ ka aŋfəm be.

²⁴Yao Aŋnābi be, kətɔp ka Samuel yi ɲaŋ be aŋa tāŋ kɔ kədarəŋ aŋ po kane sɔ ta marey ame.

²⁵Naŋ nɔ yi aŋwuth ɲa Aŋnābi, yi aŋlemrane aŋa Kuru ɔ sekər aŋkas a su ma ɔ kane Ebrahamāŋ, Ka rákomra ra mu, tábona be ka ádāru tɔ tɔ sɔtho aruba.

²⁶Ɔwa ma Kuru ɔ po yokas ɔWan kəŋ Yisɔsāŋ, ɔ mɔtha somra kɔ ro rɔnu tɔ kəruba nu, ka kalafthi nu-e, naŋ be kəwur ka makənə ma nu.

Mayɔs Ma Aŋsom 4

¹Ɔwa maŋ fɔfāne aŋfəm-e, aŋfode-o, ɔwe yi rábomp ka aŋseth ɲa Kuru-o, yi aŋSadusi aŋ bɛp ɲa,

²ka pə bansāne ɲa ta maŋ thəksa aŋfəm-e, de yi kətāŋāne Yisɔsāŋ, káyokane ka aŋfi.

³kaŋ wop ɲa máwop ma rábáy haŋ pə sɔk, pəkasife aŋsum aŋ po thɔŋ wɔŋ.

⁴Kere agbáthi aŋa tɔl árim aŋ lane; ɔwa aŋyirka ɲa aŋfəm aruni aŋ yi mɔlɔ ma ɛwul tamath.

⁵Ka pə re yi ka aŋrey aləm-e, aŋgbəka-o, aŋbáki-o, yi aŋkarmɔkɔ aŋ thɔŋklane der rɔkin ro Yerusalem.

⁶Ka Anas-əŋ, ɔfode ubana, yi Kayafasāŋ, yi Yɔnāŋ, yi Alɛksandaŋ, de yi ɲaŋ aŋa yi ka rákomra ra ɔfode ubana aŋ bɛpər.



- ⁷Mañ po tømər ña ratõñ-e, añ yif ña, añ pa, Ko afõso, thalòm ka àñes areke nə yõ àte-e?
- ⁸Ka Pitañ ò la òYina mèsəm, ò pa ro ñañ, Nañ agbàka ña añfəm, yi abàki ña Isrël,
- ⁹bepi a gbèlèñ su thonõñ salata mayõ məfìnõ a po yõ ka ulangba ugbèba, to som ò sòthõ kəyèñk mæder-e;
- ¹⁰ta nañ bè yi añfəm ña ro Isrël bè, nə tårà kəpa, ka àñes ña Yisõs Krayst òwe ro Nasareth òwe nə tån ka akənt kəpəñkine-e, òwe Kuru ò yokas ka rəfi, ka àñes ñõñ gbèñ òlangba òwe ò təmá rodi ka nu uyèñki mæder.
- ¹¹Kõnõ ò yi añsar aña nañ atømər àñseth nə po sai sai, ña a po sàki rábomp ra àñkoñ.
- ¹²Òwa kakisi kə yi hè ka wuni o wuni ulòm, kotáy-e, ñes o ñes alòm añ yi hè ka àdàru are aña a sòñ kətõñ ka añfəm ro sè gbəli sòthõ kakisi.
- ¹³Òwa mañ nənk kamintha ka Pitañ yi Yõnàñ, òwa añ tårà kəpa añ yi hè afəm atempi òwa añ sòthõ hè kəkarañ-e, añ kabanè; òwa añ sòthnè kəpa añ la yi yi Yisõs.
- ¹⁴Òwa mañ nənk òlangba òwe a yenkəs ò təmá yi ñañ-e, añ gbəli hè sò pa koko.
- ¹⁵Kerè mañ yamari ña kámá añ wur ka añSanhedrin añ nəñkanè,
- ¹⁶añ pa, To mə sè yõ añfəm añe-e, àtesoma-e añfəm bè ro Yerusalem añ tårà kəpa tentenè a po yõ tày təkabanè ka káta ka ñañ, òwa sañ sè gbəli hè pensa ti.
- ¹⁷Kerè kámá tè te bår gbanthènè kətõñ ka añfəm, mañ ninisnè ña nu kámá añ te sò fõfànè wuni o wuni ka àñes añe.
- ¹⁸kañ tela ña, kañ yamari ña kámá añ te sò fõf thalòm añ thəksa ka àñes ña Yisõs.
- ¹⁹Kerè Pitañ yi Yõnàñ añ lasi añ pa ro rəñañ, Bepi pə yi òlompì rodi ka Kuru tə kətəla nu pəthasi Kuru-e, gbək ti nu;
- ²⁰kotáy-e sañ sè gbəli gbo fõf mátáy ama sè po nənk yi ama sè po təl.
- ²¹Òwa mañ po bår ninisnè ña-e, añ tera ña añ kònè, mañ te fir roñ ro mə añ tån tə kəsõmpa ña ta àñsabu ña añfəm, pəkasife añfəm bè añ yikis Kuru ta àtá po yõnè.
- ²²kotáy-e òlangba ka òwe a yõ átáy təkabanè àte; ò bák òthasi tøren tøgba tərəñ.
- ²³Ma a tera ña-e, añ kònè ka añkos ñañ, añ kanè ña bè àte añkərbomp kətõñ ka añfode yi añbàki añ kanè ña.
- ²⁴Mañ təl ti-e, añ ñata àsim tañ ka Kuru yawin-əñ, añ pa, ÒMariki, munõ po bempá àkuru yi añthõf, yi kábàñ, yi eyè yi ri bè;
- ²⁵òwe ka òYina mèsəm ka kàsəñ ka òkas kásu Debidàñ àñbõy a mu, mə pa, To som tábona təlòm tə bansá-e? Òwa añfəm añ támtámne mátáy møyai-e?
- ²⁶añbáy ña àdàru añ benenè esəfa, Òwa añgbàka añ thonjlane ðer rəkin, Tə kəñamne òMarki yi òKrayst kəñ;



- ²⁷átesoma-e ka tətəŋ ka kápet ake pə yi he gbo Heródāŋ yi Pōntios Paylet son, kere təbona təlóm yi aŋfəm ŋa Isrel sɔ, aŋ po thoŋklane tə kəkási Yisósāŋ aŋBɔy a mu usəm ɔwe mə po pɔlɔ
- ²⁸tə kəyɔ táy o táy átá aŋfɔsɔ yi kátará ka mu kə botəs thəpaŋ tə kəyɔne.
- ²⁹Ɔwa ka-ake ɔMarki, kəli mágbind maŋ, ɔwa mar ebɔy ε mu kámá aŋ kané mapa ma mu rə kəmintha,
- ³⁰ma munɔ mə thanthi káta ka mu tə kəyɛŋkəs afəm; ɔwa kámá emisali yi mátáy məkabane mə yɔne salata aŋes ŋa aŋBɔy a mu usəm Yisósāŋ.
- ³¹Ɔwa maŋ po ramne-e, ɔder ro aŋ thoŋklane der rəkin-e, pə yinŋthane ri, kaŋ la ɔYina məsəm, ɔwa aŋ fɔf árim ra Kuru rə kəmintha.
- ³²Ɔwa áruniya ara lane rə ba ámerá ŋin yi afela ŋin; hali wuni kin ɔ pa he ta eyet yɔŋ eye ɔ ba kəpa ε yi eyɔŋ, kere aŋ ba eyet be ɔthənané.
- ³³Aŋsom aŋ seri ta káyokane ka ɔMarki Yisós rə afɔsɔ abana; ɔwa aboŋa abana aŋ yi rokəm ka ŋaŋ.
- ³⁴Wuni o wuni ɔ yi he kətɔŋ ka ŋaŋ ɔwe paŋ rəka átesoma-e ŋaŋ aŋa ba təkai thalóm eseth aŋ thila yi, kaŋ kárá amɔlɔ ma eyet eye aŋ thila,
- ³⁵ɔwa aŋ bot ŋi ka átátək ta aŋsom, kaŋ yerəs rə wuni o wuni mɔlɔ ma kapaŋ kɔŋ kə yi.
- ³⁶Ɔwa Yosefāŋ ɔwe aŋsom aŋ sɔŋ aŋes ŋa Barnabas, (bepi a tepa ŋi ŋə yi Wan ka káBefəth), uLifay wɔŋ, wuni ka ro Siprɔs,
- ³⁷ma ɔ po thila aŋkay ŋɔŋ, ɔ kárá aŋkala ŋati, ɔ bot ŋi ka átátək ta aŋsom.

Mayɔs Ma Aŋsom 5

- ¹Kere ulaŋgba ulóm ɔ yi ri, a bont kɔ Ananayas, yi ɔrani kɔŋ Safaira, aŋ thila ákay,
- ²kɔ bene ágbáp ŋin ka amɔlɔ mati, ɔrani kɔŋ sɔ ɔ ba dim din, kɔ kárá ágbáp alóm, ɔ bot ŋi ka átátək ta aŋsom.
- ³Kere Pitaŋ ɔ pa, Ananayas, to som Sethani ɔ lasər aŋmerá a mu kámá mə yemsa ɔYina məsəm, kəpa mə bene ágbáp ŋin ka amɔlɔ ma aŋkai-e?
- ⁴Ma mə te tha thila ŋi-e, mun tha ba ŋi, ɔwa ma mə po thila ŋi-e, aŋ yi he ka aŋfɔsɔ a mu-i? To som mə támtámne átáy áte ka aŋmerá a mu-e? Mə yemsa he wuni kəpet kere Kurɔŋ.
- ⁵Ɔwa Ananayas-əŋ, kətəl ásim áte gbo-e, ɔ fumpɔ, ɔ terné, ka rənes rəbana rə fumpər ŋa be aŋa təl ti.
- ⁶Ka aŋlaŋgba aŋ yokane, aŋ kumpər kɔ rə kotha, aŋ wurɔ kɔ, kaŋ maŋk kɔ.
- ⁷Ɔwa mɔlɔ ma ehawa esas kədarəŋ kati-e, ɔrani kɔŋ ɔ wɔŋ, ɔ te he átá po yɔne.



- ⁸Ka Pitanj o yif ko o pa, Kane mi bepi ne thila ankay ta amolo mewunon-i? ko lasi o pa, Yao, ta amolo mewunonj.
- ⁹Ka Pitanj o pa ro nonj, koyej ne ba dim din te kemem oYina ka oMariki-e? Kola, atatək tanj anja mank owos ka mu te yi ro dare, owa anj ba kəkera mu so.
- ¹⁰Owa ka olem p wati obera o fumpo ka atatək tonj, o terne. Ka anlangba anj wonj anj bep ko, ka anj kera ko, anj mank ko rayer ka owos konj.
- ¹¹Ka rones rəbana rə der ka anchoch be de yi ka nanj be anja tel matay ame.
- ¹²Ka emisali egbathi yi matay makabane me yone ketonj ka anjem ka mata ma ansom; owa na be anj yi re amerə nin ka angbenthonj na Solomon.
- ¹³Owa wuni o wuni ka anjem alom o mintha he te kəpantne na, kere halisa anj yikis na.
- ¹⁴Ka a bar anlane agbathi ka oMarki, tey ta runi-nanj yi bom-nanj,
- ¹⁵hanj a wurə anjboma ka asonj ta rokanj, a bot na re tefent yi egbatha, kamə bepi Pitanj o thas-e, hali gbo amumpel nonj anj te gbəpər alom.
- ¹⁶Ka runiya rəbana rə der so kewur ka tapet ate gbeto ro Yerusalem, kanj kara afem anjboma, yi nanj anja ba akerefi aləs, ka a yenkes na be.
- ¹⁷Ka ofode ubana o yokane yi nanj be anja yi yi kononj-e, (anja yi ka kagbanth ka anSadusi), anj la ketut,
- ¹⁸kanj wop ansom, anj bot na ka anseth na tərənka ro a bene anjom.
- ¹⁹Kere wurə ka oMarki o kanthi tadare ta anseth na tərənka ka tatək, ko wurə na, o kane na,
- ²⁰Ko nu ne tomə ka anseth na Kuru, owa kane anjem mapa be ta anesəm anje.
- ²¹Manj tel ate-e, anj wonj ka anseth na Kuru beth beth, anj thaksa anjem, kere ofode ubana o der, owa nanj anja yi yi kononj anj thonkla anSanhedrin rokin, yi anbaki be na anjwuth na Isrel, a som kamə anj kara ansom.
- ²²Kere ebəy anja a som anj nenk he na ka anseth na tərənka; kanj kəlane, anj kane ti, anj pa,
- ²³Sə bep anseth na tərənka anj kantha fip, owa anjbumer anj tomə ka tadare, kere ma se po kanthi ni, se bep he wuni o wuni rokor.
- ²⁴Ma ofode ubana yi owe yi rabomp ka anseth na Kuru yi ankərbomp ketonj ka anjofode anj tel tapa ate-e, pe sokane na be, anj soli ta ata me yi kedarej kati.
- ²⁵Ka ukin o der o kane na, Kolo, anlangba anja ne bot ka anseth na tərənka anj yi ka anseth na Kuru, anj tomə anj thaksa anjem.
- ²⁶Ka okaptin yi ebəy anj kone, anj kara na, pe yi he re afoso, kotay-e anj nesa anjem ta thani anj loməs na mesar.



- 27Mañ po kàrà ña, a tàmər ña rodi ka aṅSanhedrin. Ka ɔfode ubana ɔ yif ña ɔ pa,
- 28Sə la hē mañ nu kiriṅ kiriṅ kámá nə te sɔ thək̄sa ka aṅes aṅe-i? Kere kəla, nə po lasər Yerusalem yi kathək̄sa ka nu. Nə nane tɔ kərəṅ su mathək̄e ka mătir ma ɔlaṅgba ɔwe-e?
- 29Ka Pitaṅ yi aṅsom aṅ lasi aṅ pa, Sə ba kəwop árim ra Kuru pəthasi ara wuni kəpət.
- 30ƆKuru ka aṅkas a su ɔ yokas Yisəsāṅ, ɔwe naṅ nə dif, kəgbak kɔ rə ḡənt.
- 31Kɔnɔ Kuru ɔ po ḡata ka káta kəṅ kədiɔ tɔ kəyi uBáy yi uKisis tɔ kəsəṅ Isrəl kathupi yi káláprɔ ka ehak̄e.
- 32Ɔwa saṅ sə yi máseri ta mătáy ame; yi ɔYina məsəm sɔ ɔwe Kuru ɔ po səṅ ka ḡaṅ aṅa mə wop árim rəṅ.
- 33Mañ təl áte-e, emerá yaṅ ε ḡat, aṅ fɔf tɔ kədif ḡa.
- 34Kere ukin ka aṅgbane, uFarisi, ɔ ba aṅes Kameliyel, ukarməkɔ ka aṅthɔ, ɔ ba yiki ka aṅfəm be, kɔnɔ ɔ tɔmá, ɔ yamari kámá aṅ wurɔ aṅsom ras.
- 35kɔ kanē ḡa, Naṅ afəm ḡa Isrəl, botnē nu rə ámerá ta aṅlaṅgba aṅe, ta átá nə yema yo ḡa,
- 36kotáy-e yeṅka aṅyamana aṅe-e, Thudas ɔ yokanē, ɔ kolonē kəpa kɔnɔ ɔ yi wuni bana; ɔwa afəm tɔmē tanlē aṅ gbepətənē kɔ; ka a dif kɔ, ɔwa a sakthi ḡa aṅa wop árim rəṅ, kaṅ tiyá fu.
- 37Kədarəṅ ka ɔlaṅgba ɔwe-e, Yudas ka ro Kalili ɔ yokanē ka marey ama a gbaləs ames ma aṅfəm, ɔ liṅanē afəm agbáthi ro rəṅəṅ; kɔnɔ sɔ ɔ dine, ɔwa ḡaṅ be aṅa wop árim rəṅ aṅ sakanē.
- 38I kanē nu ka-ake, gbapē nu aṅlaṅgba aṅe. Ter ḡa kotáy-e bepi aṅmāṅ aṅe thalɔm mapanth ame mə yi ma afəm-e, mə tɔ tiyá fu;
- 39kere bepi mə yi ma Kuru-e, nə gbəli hē dim ma, ta thani a fir kəpa nə tim Kuru gbəṅ.
- 40kaṅ malanē árim rəṅ. Ɔwa mañ po tela aṅsom-e, aṅ sap ḡa, kaṅ kanē ḡa kámá aṅ te sɔ fɔf ka aṅes ḡa Yisəs, kaṅ ter ḡa.
- 41Tiyāṅ aṅ wur rodi ka aṅSanhedrin, aṅ sel məbɔnē ta ma a lɔm ḡa abeki tɔ kəsɔthɔ mələp ta aṅes.
- 42Ɔwa árey o rey ka aṅseth ḡa Kuru yi ka eseth yaṅ aṅ tey hē kəthək̄sa yi kətəri kəpa Yisəs kɔnɔ yi ɔKrayst.

Mayɔs Ma Aṅsom 6

- 1Ɔwa ka marey mati, ma aṅyirka ḡa aṅkarande aṅ bārne-e, aṅYuda aṅa a kom ro Kris aṅ fɔfəthane salata aṅHibru, pəkasiḡe a pəl aṅbora ḡaṅ ka mapanth ma kəyerəs árey o rei.



- ²Ka antófót njarəŋ aŋ tela áruniya ra aŋkarande ro rəŋaŋ, aŋ pa, Pə mar he kəpa saŋ sə tey árim ra Kuru tə kəyə mapanth ma ethebəl.
- ³Tiyáŋ awənt, thith nu kətəŋ ka nu afəm aruni támthəderəŋ aŋa ba mes məfínə, aŋa la əYina məsəm yi kətemp, kámá sə bot ŋa ka mapanth ame.
- ⁴Kere saŋ sə tə bəsər ka tərámne yi ka kətəri mapa ma Kuru.
- ⁵Ka tapa áte tə bəne áruniya be, kaŋ thith Stifenáŋ, wuni ulasər ka kəláne yi ka əYina məsəm, Filipáŋ, Prokəros-əŋ, Nikenəráŋ, Timənáŋ, Parmenasáŋ yi Nikolasáŋ, əwe a səki uláne ro Antiək.
- ⁶Əwa aŋ təmər aŋe rodi ka aŋfəm; maŋ po ramne-e, aŋ reŋ ŋa máta maŋ.
- ⁷Ka árim ra Kuru rə bärne, əwa aŋyirka ŋa aŋkarande aŋ bärne ro Yerusalem, ka afode agbáthi aŋ wop káláne.
- ⁸Ka Stifenáŋ ə la aboŋa yi afəsə, ə yə mátaý məkabáne yi emisali kətəŋ ka aŋfəm.
- ⁹Kere afəm aləm aŋa yi ka aŋseth agbanə ŋa aŋLibertin, yi aləm ro Sirini, yi ro Aleksandri, yi ro Silisia, yi ro Esiya, aŋ thonka yi Stifenáŋ.
- ¹⁰Kere aŋ gbəli he tham kátemp kəŋ de yi aŋyina aŋa mə fəfa.
- ¹¹kaŋ thens afəm səy aŋa pa, Sə təlá kə ə fəf sim tələs ta Mosis yi ta Kuru.
- ¹²kaŋ pər aŋfəm yi aŋbáki, yi aŋkarməkə, kaŋ ləsa kə, aŋ kera kə ka aŋSanhedrin,
- ¹³kaŋ təmər məseri ayem aŋa pa, Əlangba əwe ə tey he kəfəf sim tələs ta əder əsəm əwe yi ta aŋthə;
- ¹⁴kotáy-e, sə po təlá kə ə pa, Yisəs əwe ro Nasareth ə tə dim əder əwe, əwa ə tə siŋkar matané ama Mosis ə tiyá su.
- ¹⁵Ka ŋa be aŋa yirá ka aŋSanhedrin aŋ kəli kə təŋ, aŋ nənk ader rəŋ mə ader ra əmaleka.

Mayəs Ma Aŋsom 7

- ¹Ka əfode ubana ə pa, Mátáy ame mə yi tateŋ-i?
- ²kə pa, Awənt yi akas, su nu eləns. ƏKuru ka ayiki ə tərine ka əkas kásu Ebrahim ma ə yi ro Mesopotemia yeŋka ə yirá ro Haran,
- ³kə pa ro ŋəŋ, Wur ka aŋthəf a mu, yi ka aŋfəm a mu, mə der ka aŋthəf aŋa mə i təri mu.
- ⁴kə wur ka aŋthəf ŋa aŋKaldiyan, ə yirá ro Haran; əwa ma əkas kəŋ ə fi-e, Kuru ə təŋa kə ri, ə kárá kə ka aŋthəf aŋe ro naŋ nə yirá ka-ake.
- ⁵kə səŋ he kə ágbáp ri, hali abeki təmər akatək kəŋ, kere ə lahiri kəpa ə tə səŋ kə ŋi, yi aŋwuth ŋəŋ kədarəŋ kəŋ ma ə te tha ba ras wan.



- ⁶Ka Kuru ɔ fɔf yaŋ kɛpa aŋwuth ŋɔŋ aŋ ba kɛyi rɛ rɛtik rɛ athɔf ɛtel, ɔwa aŋ tɛ wop ŋa rɛtar, aŋ tɛ thalɛr ŋa ta tɛren tɛmɛ tanlɛ.
- ⁷Ka Kurɔŋ ɔ pa, ɔwa minɛŋ i ti thonkas aŋbona aŋa mɛ wop ŋa rɛtar; kɛdarɛŋ kati aŋ tɛ wur ri, aŋ tɛ re bɛtho mi ka ɔdɛr ɔwe.
- ⁸kɔ sɔŋ kɔ aŋlemrane ŋa kabirons; ɔwa Ebrahim ɔ kom Aysak, ka a birons kɔ ka aŋrey aŋa bekɛ tamthɛresas; ka Aysak ɔ kom Yekɔb-ɛŋ, ka Yekɔb ɔ kom aŋkas tɔfɔt ŋarɛŋ.
- ⁹Ka aŋkas aŋ ba kɛtut ta Yosef, kaŋ thila kɔ ro Iyipt; kɛrɛ Kuru ɔ yi yi kɔnɔŋaŋ,
- ¹⁰kɔ tafi kɔ kɛwur ka masibo mɔŋ bɛ, kɔ sɔŋ kɔ kɛmar tɛy yi kɛtemp rodi ka Fero ɔbɛy ka ro Iyipt; ɔwe sɛki kɔ ugbɛka ka ro Iyipt yi aŋseth ŋɔŋ bɛ.
- ¹¹ɔwa dor rɛbana rɛ wɔŋ ro Iyipt yi ro Kenan bɛ yi kɛsɔmpane kɛbana. Aŋkas a su aŋ sɔthɔ hɛ kɛdi.
- ¹²Kɛrɛ Yekɔb ɔ tɛl kɛpa pɛla pɛ yi ro Iyipt, kɔ som aŋkas ka katɔtɔkɔ.
- ¹³ɔwa ka kakɔ ɛkɛ bekɛ marɛŋ-e, Yosef ɔ tɛrine ka aŋwɔnt ŋɔŋ; ka a tɛri Fero aŋbona ŋa Yosef.
- ¹⁴Ka Yosef-ɛŋ ɔ som kɛtela ɔkas kɔŋ Yekɔb, yi rɛkomra rɔŋ bɛ, afɛm tɛgba tɛsas tɔfɔt tamath.
- ¹⁵Ka Yekɔb ɔ thor ro Iyipt, kɔ fi ri, kɔnɔ yi aŋkas a su bɛ;
- ¹⁶ka a kera ŋa ro Sɛkɛm, a bot ŋa ka aŋpɛli aŋa Ebrahim ɔ wai yi akala ɛferɛ ka aŋwuth ŋa Hamɔ ro Sɛkɛm.
- ¹⁷Kɛrɛ ma aŋlɔkɔ ŋa aŋlahiri aŋ fat-e aŋa Kuru ɔ po gbɛŋ ka Ebrahim-e, aŋfɛm aŋ bɛrne agbɛthi ro Iyipt,
- ¹⁸haŋ ubɛy ulɔm ɔ yokane ɔwe tɛ tɛrɛ Yosef-ɛŋ.
- ¹⁹Kɔnɔ kati ɔ yɔ aŋbona a su mɛsɔth, ɔwa ɔ yɔ aŋkas a su ɔlɛs, ɔ yɔ kɛmɛ aŋ fitha talenth taŋ kɛmɛ aŋ tɛ kisi.
- ²⁰Ka aŋlɔkɔ ŋati a kom Mosisaŋ, ɔwa ɔ yi ubɛthi kɛli; ka a masɛr kɔ yof ɛsas ro seth ka ɔkas kɔŋ.
- ²¹ɔwa ma a wurɔ kɔ-e, ɔwan ubera ka Fero ɔ gbasi kɔ, kɔ rusɛm kɔ mɔ uwan kɔŋ.
- ²²Ka a thɛksa Mosisaŋ kɛtemp bɛ ka aŋlyipt, kɔ ba afɔsɔ ka ɛsim tɔŋ yi ka mɛyɔs mɔŋ.
- ²³Kɛrɛ ma ɔ ba tɛren tɛgba tɛrɛŋ-e, pɛ wɔŋ ka aŋmerɛ ŋɔŋ tɛ kɛkɔri aŋwɔnt ŋɔŋ aŋwuth ŋa Isrɛl.
- ²⁴ɔwa ma ɔ nɛnk a yɔ ukin ka ŋaŋ afɔsɔ-e, ɔ tima kɔ, ɔ kala ta ɔwe a yɔ afɔsɔ, kɔ dif ɔlyipt



- 25kotáy-e ɔ nanɛ kɛpa aɲwɔnt ɲɔɲ aɲ tɔ tɔrɔ kɛpa Kurɔɲ ɔ tɔ kisis ɲa ka káta kɔɲ kɛrɛ aɲ tɛ hɛ ti.
- 26Ɔwa ka aɲrɛy alɔm ɔ kɔ kori ɲa kɔ bɛp ɲa aɲ tɔ gbal, kɔ maɲ ɲa kámá aɲ kál manɛ, ɔ pa, Afɛm a mi, na yi rɛwɔnt, kɔyɛɲ mɛ nɔ yɔnanɛ ɔlɛs-e?
- 27Kɛrɛ kɔnɔ ɔwɛ yɔ ɔwɔnt ɔlɛs ɔ nɔt Mosisáɲ, ɔ pa, Kanɛ bot mu ubáy yi uthɔɲkas rokɔm ka su-e?
- 28Mɛ yema dif mi mɔ má mɛ dif ɔEyiɲt dis-i?
- 29Ma Mosisáɲ ɔ tɔl ásim áte-e, ɔ gbukɛ, ɔ kɔ yirá rɛtik ka aɲthɔf ɲa Midian, ro ɔ kom awuth aruni ɲarɔɲ.
- 30Ma tɔrɛn tɛgba tɔrɔɲ tɔ lasɛr-e, umaleka ɔ tɔrɛnɛ ro rɔɲɔɲ ka aɲwula ɲa kateɲ Saynay, rɔ nánt nɔ mara rɔ agbɔfɔɲ.
- 31Ma Mosisáɲ ɔ nɔnk ɲi-e, ɔ kabanɛ ka kánɔnk kati; ma ɔ fátɔr ri tɔ kɔkɔli-e, rim ra ɔMarki rɔ wur ri,
- 32rɔ pa, Mine yi ɔKuru ka aɲkas a mu, ɔKuru ka Ebrahim, ɔka Aysak, yi ɔka Yekɔbáɲ. Ka Mosis ɔ yɛr, ɔ mintha hɛ sɔ kɔli.
- 33Ka ɔMarki ɔ kanɛ kɔ, Bus ɛkɔftha ka átátɛk ta mu, átesoma-e ɔdɛr ro mɛ tɔma-e, athɔf asɛm ɲaɲ.
- 34Tɔ tentɛnɛ i po nɔnk áɲsɔmpanɛ ɲa aɲfɛm a mi aɲa yi ro Iyipt, i po tɔl kalaɲ ka ɲaɲ, ɔwa i po thor tɔ kɔkisis ɲa. Der ka-ake, i ti som mu ro Iyipt.
- 35ƆMosisáɲ ɔwɛ aɲ pɛnsa, maɲ pa, Kanɛ bot mu ubáy yi uthɔnkas-e? Kɔnɔ Kuru ɔ som tɔ kɔyi ubáy yi ukisis ka káta ka ɔmaleka ɔwɛ tɔrɛnɛ ro ɲɔɲ ka aɲgbɔfɔɲ.
- 36Kɔnɔ wurɔ ɲa ma ɔ po yɔ mɛyɔs mɛkabanɛ yi ɛmisali ɛgbathi ro Iyipt-e, yi ka kábáɲ kɔyim, dɛ yi ka aɲwula tɔrɛn tɛgba tɔrɔɲ.
- 37ƆMosis kati kɔnɔ ɔwɛ, ɔwɛ pa ka aɲwuth ɲa Isrɛl, Kuru ɔ tɔ tɔmɛr nu unabi kɔtɔɲ ka aɲwɔnt a nu, mɔ mɔ po tɔmɛr mi;
- 38kɔnɔ ɔwɛ la yi kɔtɔɲ ka aɲchɔch ro wula yi ɔmaleka ɔwɛ fɔfánɛ kɔ ka kateɲ Saynay, yi ka aɲkas a su; ɔwɛ sɔthɔ sim tɛkɔli tɔ kɔsɔɲ su.
- 39Kɛrɛ aɲkas a su aɲ selɔ hɛ tɔ kɔwɔp árim rɔɲ, aɲ pɛnsa kɔ kaɲ kála ɛmerá yaɲ ro Iyipt,
- 40kaɲ pa ka Erɔn, Bɛmpa su turu átá mɛ tɔmá su kɔdi, kotáy-e Mosisáɲ ɔwɛ ɔwɔ wurɔ su ka aɲthɔf ɲa Iyipt-e, sɔ tɛ hɛ áte po yɔ kɔ.
- 41Ka marey mati aɲ bɛmpa una ufɛth, kaɲ wurɔ asathka tati, aɲ sel mɛbɔnɛ ta mapanth ma máta maɲ.



- 42Ka Kuru ɔ gbapɛ ɲa, ɔ ter ɲa ka kabátho anyamana ɲa ákuru, mɔ mɔ a po gbal ka ákáfá ka Aɲnábi, o naɲ ka áɲseth ɲa Isrɛl, nɔ po sɔɲ mi esem efay Yi sathka ro wula ka tɔren tɔgba tɔrɔɲ-i?
- 43Yao nɔ gbasi aɲgbafa ɲ Molɔk, Yi akɔs ka ɔkuru ka nu Refan, Eyɛt eyɛ nɔ bɛmpa tɔ kɔbatho; Tiyaɲ i ti kera nu ro Babilɔn lɛɲken.
- 44Aɲkas a su aɲ ba agbafa ɲa mɛseri ro wula mɔ mɔ kɔnɔ ɔwe fɔfáne Mosisaɲ ɔ bot, kámá ɔ bɛmpa ɲi mɔ amɔl aɲa ɔ nɔnk.
- 45Aɲkas a su sɔ yi Yosua aɲ wɔɲá ki ka áɲlɔkɔ a ɲaɲ maɲ wɔɲ tɔ kɔnɔi áɲthɔf ɲa tábona tɔlɔm, átá Kuru ɔ nɔt rodi ka aser ta aɲkas a su, haɲ ka áɲlɔkɔ ɲa Debid.
- 46Ɔkati sɔ-e, ɔ sɔthɔ kɔmar táy ka Kuru, kɔ nɛmthɛnɛ tɔ kɔbɛmpa ɔyira ta ɔKuru ka Yekɔb.
- 47Kɛrɛ Solɔmɔnɔɲ kɔnɔ tɔmɔra kɔ aseth;
- 48halisa ɔBɔli rɛkɔm bɛ ɔ yirá hɛ rɔ aseth aɲa mɔ a bɛmpa rɔ mɔta; mɔ mɔ ɔnábi ɔ pa,
- 49Ákáriyana kɔ yi kawaɲ kámi ka rɔbáy, Ɔwa áɲthɔf aɲ yi aɲgbeth ɲa átátɛk ta mi. ƆMariki ɔ yif, Ko aseth naɲ nɔ gbɔli bɛmpaɛ mi-e? Thalɔm ko yi ɔder wa ɔfothane ɔ mi-e?
- 50Káta kámi tha bɛmpa eyɛt eyɛ bɛ-i?
- 51Na ba tɔlim tɔ kámkɔráthi, na aɲbilakoro rɔ ámerá yi rɔ elɔns, nɔ pɛnsa ɔYina mɛsɛm alɔkɔ o lɔkɔ. Mɔ mɔ aɲkas a nu aɲ yɔ, ya naɲ sɔ nɔ yɔ.
- 52Unabi ureke ɔ yi ɔwe aɲkas a nu aɲ te sɔmpa-e? Aɲ po difɔth ɲa aɲa tɔri thɔpaɲ ta káder ka ɔLompi ukin; ta ɔwe naɲ nɔ po sɔkɛ aɲsɔnd yi adif.
- 53Naɲ aɲa po sɔthɔ áɲthɔ ka káta ka amaleka, kɛrɛ nɔ wop hɛ ɲi.
- 54Ɔwa maɲ tɔl mátáy ame-e, tabuth taɲ tɔ tuɲ, kaɲ ɲandane kɔ esek.
- 55Kɛrɛ kɔnɔ ma ɔ yi ula yi ɔYina mɛsɛm-e, ɔ lakthe tɔɲ ka ákuru, kɔ nɔnk aɲyiki ɲa Kuru, ɔwa Yisɔsɔɲ ɔ tɔmá ka káta kɔdiɔ ka Kuru Mɔsaba,
- 56kɔ pa, Kɔla i nɔnk ákáriyana kɔ kanthe, ɔwa ɔWan ka wuni ɔ tɔmá ka káta kɔdiɔ ka Kuru Mɔsaba.
- 57Kɛrɛ aɲ wɔɲa rɔ rim rɔbɔli rɛkɔm, aɲ sunt elɔns yaɲ, kaɲ fumpɔr kɔ yawin-ɔɲ.
- 58kaɲ wurɔ kɔ ka kápet, aɲ lɔmɔs kɔ mɔsar. Ɔwa maseri aɲ bot ásuma taɲ ka átátɛk ta ulaɲgba a bont Sɔl.
- 59kaɲ lɔmɔs Stifen-ɔɲ mɔsar, mɔ mɔ ramne, ɔ pa, Mariki Yisɔs malane aɲyina a mi.
- 60kɔ sɔ tɔwu, ɔ wurɔ rim rɔbɔli rɛkɔm, ɔ pa, Mariki, te botá ɲa aɲhake aɲɛ. Ma ɔ pa áte-e ɔ kɔ rɔ mɔrey.



Mayɔs Ma Ansom 8

- ¹Ka Sol-əŋ ɔ ba dim din yi ŋaŋ ta kadif kɔ. Ɔwa ka aŋlɔkɔ ŋati athalɛr abana aŋ tɛp ro Yerusalem ka aŋchɔch. Ka ŋa be aŋ sakane ro Yudia yi ro Samaria, thambe aŋsom.
- ²Ka afɛm aruni aŋa bɔtho Kuru aŋ maŋk Stifɛn-əŋ, kaŋ bok kɔ kɛbok kɛbana.
- ³Kɛrɛ Sol-əŋ ɔ thalɛr aŋchɔch, ɔ wɔŋ rɛ aseth o seth, ɔ lins aŋfɛm aruni yi aŋfɛm abera, kɔ wɔŋa ŋa ka aŋseth ŋa tɛrɛŋka.
- ⁴Tiyɔŋ ŋaŋ aŋa sakane aŋ kɔnɛ kɛtɔri ɔrim-əŋ dɛr o dɛr.
- ⁵Ka Filip ɔ thor ka kɔpɛt ka Samaria, ɔ tamɛs Krayst ro rɔŋaŋ.
- ⁶Ɔwa aŋfɛm aŋ malane mɔtɔy ama Filipɔŋ ɔ fɔf rɛ ɔmerɔ ŋin, maŋ tɛl-e, aŋ kɔl nɛnk emisali eyɛ ɔ yɔ.
- ⁷kotɔy-e akɛrɛfi alɛs aŋ wur rɛ kɛsel ɛrɔŋ ka agbɔthi aŋa ba ŋa; ɔwa ɔ yenkɛs afɛm agbɔthi aŋa ba mɛthanthaŋ yi aŋa yi atɛtkɛ.
- ⁸Ɔwa mɛbɔnɛ mɛbana mɛ yi ka kɔpɛt kati.
- ⁹Kɛrɛ ulaŋgba ulɔm ɔ yi ri, ɔŋɛs ŋɔŋ ŋɔ yi Saymɔn, ɔ la thupɛs, ɔ yɔ kɔmɔ aŋfɛm ŋa ro Samaria aŋ kabane, kɔ kolonɛ kɛpa kɔnɔ ɔ yi wuni bana.
- ¹⁰Ka ŋa be aŋ sua kɔ elɛns kɛtɛp ka ɔlɔl haŋ ka ɔbana, aŋ pa, Ɔlaŋgba ɔwe ɔ yi aŋfɔsɔ abana ŋa Kuru.
- ¹¹kaŋ sua kɔ elɛns pɛkasifɛ ɔwoni thɔŋ ɔ yɔ ŋa aŋ kabane yi kathupɛs kɔŋ.
- ¹²Kɛrɛ maŋ lane Filipɔŋ, mɔ mɔ tɔri ŋa ta ɔkɛra kɛfɛnɔ ka rɔbɔy ra Kuru-e, yi ta ɔŋɛs ŋa Yisɔs-e, a baftays ŋa, runi-ŋaŋ yi bom-ŋaŋ.
- ¹³Ɔwa Saymɔnɔŋ, kɔnɔ sɔ ɔ lane; ɔwa ma a baftays kɔ-e, ɔ tiyɔ yi Filipɔŋ, kɔ kabane ma ɔ nɛnk emisali yi mɔtɔy mɛkabane ama yɔnɛ.
- ¹⁴Ɔwa ma aŋsom aŋa yi ro Yerusalem aŋ tɛl kɛpa aŋSameriya aŋ po malane ɔrim ra Kuru-e, aŋ som Pitaŋ yi Yɔnɔŋ ro rɔŋaŋ.
- ¹⁵Ɔwa ma aŋɛ aŋ po der-e, aŋ ramnɛ ta ɔtɔ ŋaŋ kɔmɔ aŋ sɔthɔ ɔYina mɛsɛm,
- ¹⁶kotɔy-e ɔ tha thorɛr hɛ ukin ka ŋaŋ; a po gbo baftays ŋa ka ɔŋɛs ŋa ɔMarki Yisɔs.
- ¹⁷Ka Pitaŋ yi Yɔnɔŋ aŋ rend ŋa mɔta maŋ, kaŋ sɔthɔ ɔYina mɛsɛm.
- ¹⁸Ɔwa ma Saymɔnɔŋ ɔ nɛnk kɛpa rɛ kɛrend mɔta ma aŋsom a sɔŋ ɔYina mɛsɛm-e, ɔ taka ŋa akala,
- ¹⁹kɔ pa, Sɔŋ mi aŋfɔsɔ aŋɛ kɔmɔ pɛ yi wuni o wuni ka ɔwe mɛ i rɛŋ mɔta ma mi-e, ɔ tɛ sɔthɔ ɔYina mɛsɛm.
- ²⁰Kɛrɛ Pitaŋ ɔ kane kɔ, Kaŋka aŋkala ɔferɔ a mu aŋ dinɛ yi munɔŋ-e, pɛkasifɛ mɛ nane tɛ kɛsɔthɔ aŋboya ŋa Kuru yi akala.



- 21 Mə ba he ągbąp thaləm ani ka ąnpa ąje, kotąy-e ąnmerá a mu ąj yi he alompi rodi ka Kuru.
- 22 Tiyąn thupi ta maləs ma mu ame, nemthene Kuru, kámá bepi pə gbəli yi-e, ɔ tə tera mu ąnnane ąa ąnmerá a mu.
- 23 kotąy-e i nən kəpa mə yi ka ɔrońkəth wa kátut yi ka ɔsekərane wa máləs.
- 24 Ka Saymən ɔ pa, Na be, nemthene nu Kuru ta átá mi, kámá mátąy ama nə pa mə te wop mi.
- 25 Ɔwa ąn-e, mań po sən məseri, de yi ąj po fəf ąrim ra ɔMariki-e, ąj kálane ro Yerusalem, kań tóri ąkera kəfinɔ rə təgbəm təgbáthi ta ąSameriya.
- 26 Ka ɔmaleka ka Kuru ɔ fəfáne Filipąn ɔ pa, Yokane, mə kə ka ąndiyɔ, mə lomane ka aron ara wur ro Yerusalem kəkə ro Kesa, ka ąwula.
- 27 kə yokane ɔ kəne. Ɔwa kəla, uthem ka ro Ithiyopiya, ulationba ugбай ɔwe ba afɔsɔ abana roratha ka Kandasən, ɔbąy ubera ka ro Ithiyopiya, ɔwa ɔ yi ɔbene ka eyet yən ebaki mələ, ɔ po der ro Yerusalem tə kəbatho.
- 28 kə yi ka kakalane kən, ɔ yirá ka ąńkik ąn, ɔ karań ąkáfá ka ɔnabi Isaya.
- 29 Ka ɔYina ɔ kane Filipąn, Kə fatər ąńkik ąje kámá nə tańane.
- 30 Ka Filip ɔ gbuke, ɔ təlá kə ɔ karań ąkáfá ka ɔnabi Isaya, kə yif kə, Mə tára áte mə karań-i?
- 31 kə pa, To mə i gbəli thambe wuni ləm ɔ tóri mi-a? kə nemthene Filipąn kámá ɔ gbep ɔ yirá rayer kən.
- 32 Ɔwa ɔder ka mągbal məsəm ro ɔ karań ri are, A kera kə mə kəlome tə kəfai; Ɔwa mə kəlome kəfeth rodi ka ɔwe ma fon kə Yan ɔ te wurɔ dim.
- 33 Ka kathorane kən a nɔy kə mamari mən; Kane mə tóri ta rákomra rən-e? kotąy-e a nɔy ąnesəm ąn ka ádaru.
- 34 Ka ɔlangba ugбай ɔ yif Filipąn, ɔ pa, Ɔmari mu, ta kane ɔnabi ɔ fəf áte-e? Ta kən kənəne ba, thaləm ta wuni ləm-i?
- 35 Ka Filipąn ɔ wən kəthəksa kə, ɔ tər ka mągbal məsəm ame, ɔ tóri kə ta Yisəs.
- 36 Ɔwa mə mə ąj kəne ro rən-e, ąj bər mánt mələm, ka ɔlangba ugбай ɔ pa, Kəla, mánt mi ame, kə mə bent kəbaptais mi-e?
- 37 Ka Filipąn ɔ pa, Bepi mə lane yi ąnmerá a mu be-e, mə gbəli. Kə wosa, ɔ pa, I lane kəpa Yisəs Krayst ɔ yi ɔWan ka Kuru.
- 38 kə yamari kámá ąńkik ąj təmá sən, ka ąa ąarən ąj thor ro mánt, Filipąn yi ɔlangba ugбай, kə baftays kə.



³⁹Ɔwa maŋ wur ro mant-e, ƆYina ka ƆMarki Ɔ yɔ kāmà Filipàŋ Ɔ dine kɔ, ka ɔlaŋgba ugbaɪ Ɔ nɛnk he kɔ sɔ; kɔ kɔnɛ yi kɔsel mɛbɔnɛ.

⁴⁰Kere a bɛp Filipàŋ ro Asotɔs. Ɔwa Ɔ thas kɛtɔri àkera kɛfinɔ ka tapet bɛ haŋ Ɔ bek ro Sisaria.

Mayɔs Ma Aŋsom 9

¹Ka Sɔl-əŋ Ɔ nɛsɛmne ras kɛgbind yi kɛdifəth ka aŋfɛm ŋa Kuru, kɔ kɔnɛ ka ɔfode ubana,

²Ɔ tholir kɔ ereka tɔ kɔkɔ ro Damaskɔs ka ɛseth ɛgbane, kama-e, bepi Ɔ fir ri wuni Ɔ wuni ɔwe yi ka aRoŋ-e, pɛ yi afɛm aruni-o, afɛm abom-o, Ɔ kàrà ŋa asekəth ro Yerusalem.

³Ma Ɔ yi ka aŋbiyas-e, Ɔ fatɛr ro Damaskɔs-e, kɔwale ka mɛsembu kɔwur ka àkuru kɔ gbenthar kɔ.

⁴kɔ fumpɔ ro thɔf, Ɔ tɛlà rim ara fɔfàne kɔ, rɛ pa, Sɔl, Sɔl, kɔyɛŋ mà mɛ sɔmpa mi-e?

⁵kɔ pa, Mun kanɛ-e Pa? Ka ƆMarki Ɔ pa, Mineŋ Yisɔsàŋ ɔwe mɛ sɔmpa.

⁶Ɔwa rɛ kɔyer yi kɛkabane Ɔ pa, Mariki kɔ mɛ yema i yɔ-e? Ka ƆMarki Ɔ pa, Yokane, wɔŋ ro pet, ɔwa a tɔ tɔri mu àte mɛ ba kɔyɔ.

⁷Ɔwa aŋfɛm aŋa yi ka aŋbiyas yi kɔnɔ aŋ tɛmà, aŋ gbɛli he fɔf maŋ tɛl àrim kere aŋ nɛnk he wuni.

⁸Ka Sɔl-əŋ Ɔ yokane ro thɔf; ɔwa ma a kanthi ɛfɔr yɔŋ-e, Ɔ gbɛli he nɛnk. Ka a wop kɔ kàta, a kera kɔ ro Damaskɔs.

⁹kɔ ba mɛrey mɛsas Ɔ nɛnk he, Ɔ di he, Ɔ mun he.

¹⁰Ɔwa ukarande ulɔm Ɔ yi ro Damaskɔs, a bont kɔ Ananayas, ka ƆMarki Ɔ kanɛ kɔ rɛ mɛrey, Ananayas, kɔ wosa Ɔ pa, ƆMariki mine ɔwe.

¹¹Ka ƆMarki Ɔ pa ro ŋɔŋ, Yokane, mɛ kɔ ka aroŋ ara a bont Toloŋ, mɛ yif ka aŋseth ŋa Yudas ta ukin a bont Sɔl, wuni ka ro Tarsɔs, kotáy-e Ɔ ramne.

¹²kɔ po nɛnk rɛ mɛrey ulaŋgba ɔwe a bont Ananayas Ɔ wɔŋ, Ɔ reŋ kɔ màta mɔŋ kāmà Ɔ kàl sɔthɔ kakɛli kɔŋ.

¹³Ka Ananayas Ɔ pa, Pa, i po tɛl rɛ afɛm agbàthi ta ɔlaŋgba ɔwe, ta malɛs mɛgbathi ama Ɔ yɔ aŋsɛm a mu ro Yerusalem.

¹⁴Ɔwa hali anɔ Ɔ ba afɔsɔ kɔwur ka aŋkɛrbomp kɛtɔŋ ka aŋfode tɔ kɛsek ŋa bɛ aŋa mɛ ramne ka aŋɛs a mu.

¹⁵Kere ƆMarki Ɔ pa ro ŋɔŋ, Kɔnɛ, kotáy-e Ɔ yi rɛka rɛthith ta àtà mi, tɔ kɛkera aŋɛs a mi rodi ka tàbona tɛlɔm, yi abáy, yi aŋwuth ŋa Isrɛl.

¹⁶kotáy-e i ti tɔri kɔ màtáy mɛgbathi ama Ɔ ba tɔ kɛnakasi salata aŋɛs a mi.



- 17** Ka Ananayas ɔ kɔnɛ, ɔ wɔŋ ka aŋseth, kɔ reŋ kɔ mɔta mɔŋ, ɔ pa, Wɔnt mi Sɔl, ɔMarki, pɛ yi mɔ Yisɔsɔŋ ɔwe mɔ nɛnk ro roŋ ka kɔder ka mu, ɔ som mi kɔmɔ mɔ sɔthɔ kakɛli ka mu, yi kɔmɔ a lasɛr mu ɔYina mɔsɔm.
- 18** ɔwa ka ɔlɛmp wati pɛ yi mɔ ɛkɛmpitha ɛ wur ka ɛfɔr yɔŋ, ɔwa ɔ sɔthɔ kakɛli kɔŋ, ka a yokanɛ, ka a baftays kɔ.
- 19** ɔwa ma ɔ po di-e, ɔ sɔthɔ afɔsɔ. Kɔ ba mɔrey mɔlɔm yi aŋkarande ro Damaskɔs.
- 20** Ka ɔlɛmp wati ka ɛseth ɛgbanɛ ɔ tamɛs Yisɔs, kɔpa ɔ yi ɔWan ka Kuru.
- 21** ɔwa aŋfɔm bɛ aŋa tɛlɔ kɔ aŋ kabanɛ, aŋ pa, Kɔn tha ɔwe ɔwe dim ŋaŋ aŋa ramnɛ ka aŋɛs aŋɛ ro Yerusalem-i? kɔ der sɔ nɔ ta ɔtɔy tin tati, kɔmɔ ɔ kera ŋa asekɔth rodi ka aŋkɔrbomp kɔtɔŋ ka aŋfode.
- 22** Kɛrɛ Sɔl-ɔŋ ɔ bɔr sɔthɔ afɔsɔ, kɔ fikthanɛ aŋYuda aŋa yirɔ ro Damaskɔs ma ɔ tɔri kɔpa ɔwe-ɔŋ ɔ yi ɔKrayst.
- 23** ɔwa ma mɔrey mɔlai mɔ po thas-e, aŋYuda aŋ nɛŋkanɛ tɔ kɔdif kɔ;
- 24** kɛrɛ Sɔl-ɔŋ ɔ sɔthnɛ ta kasɔth ka ŋaŋ. Ka aŋ bumɛr tadare ta kɔpɛt pali gbɛs-ɔŋ kɔmɔ aŋ gbɛli dif kɔ.
- 25** Ka aŋkarande aŋ gbasi kɔ tɔtɔk, aŋ bot kɔ rɔ kɔbɛlai, kaŋ thora kɔ ka anthatha.
- 26** Ma Sɔl-ɔŋ ɔ der ro Yerusalem-e, ɔ yema kulunɛ yi aŋkarande, kɛrɛ ŋa bɛ aŋ nesa kɔ, aŋ lanɛ hɛ kɔpa ɔ yi ukarande.
- 27** Kɛrɛ Barnabas ɔ gbasi kɔ, ɔ kɔrɔ kɔ ka aŋsom, ɔ lɔma ŋa to ɔ po nɛnk ɔMarki ro roŋ, dɛ yi to ɔMarki ɔ po fɔfɔnɛ kɔ, ɔwa kɔpa ɔ po kawandi rɔ kɔmintha ro Damaskɔs ka aŋɛs ŋa Yisɔs.
- 28** kɔ yi rɛ yi ŋaŋ, ɔ wɔŋ, ɔ wur ro Yerusalem,
- 29** ɔwa ɔ fɔf rɔ kɔmintha ka aŋɛs ŋa ɔMarki Yisɔsɔŋ, kɔ thonka yi aŋYuda aŋa a kom ro Kris; kɛrɛ ŋaŋ, aŋ thɛns tɔ kɔdif kɔ.
- 30** ɔwa ma aŋwɔnt aŋ tɔrɔ ti-e, aŋ kera kɔ ro Sisaria, kaŋ somra kɔ ro Tarsɔs.
- 31** Ka aŋchɔch ro Yudia, ro Kalili yi ro Samaria aŋ ba mɔthɔfɛl, ɔwa aŋ sɔthɔ kɔbaksɛr. ɔwa maŋ kɔth ka ranɛs ra ɔMarki yi ka kɔbɛfɔth ka ɔYina mɔsɔm-e, aŋ bɔrnɛ.
- 32** Ka pɛ rɛ yi ma Pitaŋ ɔ kɔth kɔth ka mɔgbɔp bɛ-e, ɔ der kori aŋsɔm aŋa yirɔ ro Lida.
- 33** kɔ bɛp ri wan duni ulɔm, aŋɛs ŋɔŋ ŋɔ yi Iniyasɔŋ, ɔwe po fɛnthɔ tɔrɛn tɔmthɛrɛsas, ɔ ba mɔthanthaŋ.
- 34** Ka Pitaŋ ɔ kanɛ kɔ, Iniyas, Yisɔs Kraystɔŋ ɔ yɛnkɔs mu. Yokanɛ mɔ bɛmpa kafɛnt ka mu. Kɔ yokanɛ ka ɔlɛmp wati.
- 35** Ka ŋa bɛ aŋa yirɔ ro Lida yi ro Seron aŋ nɛnk kɔ, kaŋ lafthɛ ka ɔMarki.



- ³⁶Ukarande ulom o yira ro Yopa, anes non ne yi Tabitha, ana a tepa kopa DOKAS; oya owe o la moyos mafino yi kaboza kabana.
- ³⁷Ka pe re yi ka marey mati, retu re wop ko, ko fi. Owa ma a po buko ko-e, a bot ko ka akonko ka anseth rokom.
- ³⁸Ma kaLida ke yi ofati yi ro Yopa-e, owa ankarande an tel kopa Pitan o yi ri-e, an som alangba naron ro non, an nemthene kama o te linsa te koder ro nan.
- ³⁹Ka Pitan o yokane o kone yi nan. Owa ma o bek-e, an gbepa ko ka anseth rokom. Ambora be an tama ko rayer, an bok, kan tere ko asuma yi elopra eye Dorkas o bempa ma o yi yi nan.
- ⁴⁰Ka Pitan o wuru na be ko so tewu, o ramne; ko lafthe ka kabel, o pa, Tabitha, yokane. Ko kanthi efere non; owa ma o nenk Pitan, o yira.
- ⁴¹ko son ko kata kon, ko yokane. Ma o po tela ansem yi anborae, o langlia na ko ukeli.
- ⁴²Ma atay ate te gbanthene ro Yopa-e, afem agbathi an lane ka oMarki.
- ⁴³Ka Pitan o yira ro Yopa marey megbathi ka anseth na Saymon okaranke.

Mayos Ma Ansom 10

- ¹Owa ulangba ulom o yi ri ro Sisaria, anes non ne yi Kornilos, ukaptin ka akobali ka anItalian.
- ²Wuni batho Kuru won owe nesa Kuru yi kabere kon be, o son eboya egbathi ka anfam, owa o ramne Kuru loko o loko.
- ³Owe-e, o nenk umaleka ka Kuru re menenk gberan molo ma ka anhawa ana beka tamthorenanle ka anrey, o won o pa, Kornilos.
- ⁴Owa konon, ma o keli ko ten-e, o nesa o pa, Pa, ko raka-e? ko pa ro non, Taramne ta mu yi eboya e mu e po bek ka Kuru ta anane ta ata mu.
- ⁵Owa ka-ake, som afem ro Yopa kama an ko tela Saymonan, owe ba angbanthir na Pita;
- ⁶o yiane ka Saymon okaranke, owa anseth non an yi ro ban rayer.
- ⁷Owa ma o maleka owe ofane ko o po kone-e, o tela ebay non naron, yi utim owe nesa Kuru ka keton ka nan ana yona ko aloko o loko.
- ⁸Ma o po kane na matay ame be-e, o som na ro Yopa.
- ⁹Owa anrey alom man yi ro ron-e, owa an fatere kaper, Pitan o gbep ro seth rokom te keramne ka anhawa ana beka tamthorukin:
- ¹⁰ka dor re wop ko ko fela te kedi, kere mo mo kar han a ton-e, marey me wop ko.



- 11kɔ nɛnk ɔkariyana kɛ kanthe, ka rɛka mɔ kotha kɛ abana ɔke a kotɛr ka ɛkoŋ yanle kɛ thor ro thoɔf.
- 12ɔwa ɛsem aŋa ba tatak tanle ŋa tɛtɛp bɛ ɛyɛt ɛwɔrka ya ɔŋthoɔf yi ɛbamp ya rokɔm bɛ aŋ yi ri rokor kati.
- 13Ka rim rɛ der ro ŋɔŋ, rɛ pa, Pita, yokanɛ, fai, mɛ sɔm.
- 14Kɛrɛ Pitaŋ ɔ pa, Yi thaho Pa, kotay-e i la hɛ di rɛka o rɛka ara te yi rɛsɛm thalɔm ara yi rɛyifa.
- 15Ka ɔrim rɛ der ro ŋɔŋ sɔ bekɔ mɔrɔŋ, rɛ pa, Ara Kuru ɔ po fethɛr-e, te tela ri rɛyifa.
- 16A po yo ɔte haŋ mɛsas, ɔwa ka ɔlɛmp wati a ŋata akotha ka ɔkariyana.
- 17ɔwa ma pɛ sɔkanɛ Pitaŋ ta aŋlokthi ŋa manɛŋk amɛ, kɛla, aŋlaŋgba aŋa Kɔrniliɔs ɔ som, maŋ po yif ta aŋseth ŋa Saymɔn-e, aŋ tɛmɔ ro dare,
- 18aŋ tela, aŋ yif bepi Saymɔn ɔwe a bont Pita ɔ yianɛ ri.
- 19ɔwa ma Pitaŋ ɔ tamtamnɛ salata manɛŋk amɛ-e, ɔYina ɔ pa ro ŋɔŋ, Kɛlo, afɛm asas aŋ thɛns mu.
- 20Tiyɔŋ yokanɛ, mɛ thor, mɛ kɔnɛ yi ŋaŋ kɛte ba asikɛ ɔtesoma-e minɛ som ŋa.
- 21Ka Pitaŋ ɔ thor ka aŋfɛm, ɔ pa, Minɛ yi ɔwe mɛ nɛ thɛns: kɔyɛŋ nɛ der-e?
- 22kaŋ pa, Kɔrniliɔs ɔkaptin, wuni wɔŋ ɔwe nesa Kuru, ɔwe ba sɔ ŋɛs afinɔ kɛtɔŋ ka aŋbona ŋa aŋ Yuda bɛ, umaleka usɛm ɔ maŋ kɔ tɛ kɛsom ro rɔmu kɔmɔ mɛ kɔ ro seth kɔŋ, kɔmɔ ɔ tɛl ɔsim ɔte mɛ ba tɛ kɛtɔri kɔ.
- 23Ka Pitaŋ ɔ kanɛ ŋa kɔmɔ aŋ wɔŋ, kɔ yia ŋa. ɔwa ka aŋrɛy alɔm ɔ kɔ yi ŋaŋ, ka aŋwɔnt alɔm ro Yɔpa aŋ paya kɔ.
- 24ɔwa ka aŋrɛy alɔm aŋ wɔŋ ro Sisaria. Ka Kɔrniliɔs ɔ kar ŋa, ɔ po kofɛth rɔkomra rɔŋ yi aŋyathki ŋɔŋ.
- 25Ma Pitaŋ ɔ wɔŋ-e, Kɔrniliɔs ɔ gbans kɔ, kɔ fumpɔ ka ɔtatɛk tɔŋ, ɔ bɔtho kɔ.
- 26Kɛrɛ Pitaŋ ɔ gbasi kɔ ɔ pa, Yokanɛ; min minɛnɛ, min wuni kɛpɛt wɔŋ.
- 27Ma ɔ fɔfɛnɛ kɔ-e, ɔ wɔŋ, kɔ bɛp afɛm agbɔthi aŋ po gbane.
- 28kɔ kanɛ ŋa, Naŋ gbeŋ, nɛ tɔrɔ kɛpa pɛ lomɛ hɛ ta uYuda tɛ kɛkulunɛ thalɔm tɛ kɛko rɛ wuni ka abona alɔm; kɛrɛ Kuru ɔ tɔri mi kɛpa i yi hɛ tɛ kɛpa ta wuni o wuni ɔ yi hɛ usɛm, thalɔm ɔ yi uyifa.
- 29Tɔsom i der kɛte fɔfɛthane ma a som kɛtɛla mi. Tiyɔŋ i yif, kɔyɛŋ nɛ som ta ɔta mi-e?
- 30Ka Kɔrniliɔs ɔ pa, Mɔrɛy manle thɔŋ ka aŋhawa aŋɛ, i bɔ ramnɛ karamnɛ ka aŋhawa aŋa bekɔ tamthɛrɛŋanle ka aŋseth a mi; ɔwa kɛla, ulangba ɔ tɛmɔ rodi kɔmi, ɔ wɔŋ elopra ɛgbentha,



- ³¹kɔ pa, Kɔrniliɔs, a tɛlɔ karamnɛ ka mu, ɔwa Kurɔŋ ɔ nanɛ ɛboya ɛ mu.
- ³²Tiyɔŋ som ro Yɔpa kɛtɛla Saymɔn ɔwe ba aŋgbɔnthir ŋa Pita. Ɔ yianɛ ka aŋseth ŋa Saymɔn ɔkaraŋke ro baŋ dayɛr.
- ³³Tiyɔŋ i som lemp ro rɔmu; ɔwa mɛ po yɔ ɔfinɔ ma mɛ der. Saŋ be sɛ bɛpɛr nɔ ka kakɛli ka Kuru tɛ kɛtɛl mɔtɔy be ama Kuru ɔ po yamari mu.
- ³⁴Ka Pitaŋ ɔ tɛp tɛ kɛfɔfanɛ ŋa, ɔ pa, Ka tɔtɛŋ i nɛnk kɛpa Kurɔŋ, ɔ ba hɛ agbɔy,
- ³⁵kɛrɛ rɛ abona o bona aŋa mɛ nesa kɔ, ɔwa aŋa mɛ yɔ ɔlompi, ɔ tɛ malanɛ ŋa.
- ³⁶Arim ara ɔ som ka aŋwuth ŋa Isrɛl ara tɔri ɔkɛra kɛfinɔ ka mɛthɔfɛl ka kɔta ka Yisɔs Kraystɔŋ (kɔnɔ yi ɔMarki ka bɛ);
- ³⁷arim rati, naŋ nɛ tɔrɔ, ara a gbantɛnɛ ro Yudia bɛ, kɛtɛp ro Kalili kɛdarɔŋ ka aŋbaftisɛm aŋa Yɔnɔŋ ɔ tamɛs.
- ³⁸Rɛ tɔri kɛpa Kurɔŋ ɔ rɛŋ Yisɔsɔŋ ɔwe ro Nasareth ɔYina mɛsɛm yi afɔsɔ; ɔ kɔth kɔth der o der kɛyɔ ɔfinɔ, ɔ yenkɛs aŋfɛm be aŋa Sethani mɔ sɔmpa, kɔtɔy-e Kurɔŋ ɔ yi yi kɔn.
- ³⁹Saŋ sɛ yi maseri salata mɔtɔy be ama ɔ po yɔ ka aŋthɔf ŋa aŋYuda yi ro Yerusalem. Kɔnɔ sɔ-e, aŋ dif kɔ, kɛgbak kɔ ka aŋɛnt.
- ⁴⁰Ka Kuru ɔ yokas kɔ ka aŋrɛy aŋa bekɔ mɛsas, ɔwa ɔ tɔri kɔ gbafɛth,
- ⁴¹pɛ yi hɛ ka aŋfɛm be kɛrɛ ka maseri ama Kurɔŋ ɔ mɔtha po thith, hali ka saŋ aŋa po di, dɛ yi aŋa po mun yi kɔnɔ kɛdarɔŋ ka ma ɔ yokanɛ kɛtɔŋ ka aŋfi.
- ⁴²kɔ yamari su tɛ kɛtamɛs ka aŋfɛm, yi tɛ kɛsɛri kɛpa ɔwe-e, kɔnɔ Kuru ɔ bot tɛ kɛyi uThɔŋkas ka aŋkɛli yi ka aŋfi.
- ⁴³Aŋnɔbi be aŋ seri ta atɔŋ, kɛpa wuni o wuni ɔwe mɛ lanɛ kɔ ɔ tɛ sɔthɔ katerɔ ka ɛhake yɔŋ salata aŋɛs ŋɔŋ.
- ⁴⁴Ma Pitaŋ ɔ yi ka kafɔf ɔsim ɔtɛ-e, ɔYina mɛsɛm ɔ thorɛr ŋa be aŋa tɛl arim.
- ⁴⁵kaŋ Yuda alanɛ be aŋa paya kɔ aŋ kabanɛ ta ma tɔbona tɛlɔm tɛ sɔthɔ sɔ aŋboya ŋa ɔYina mɛsɛm.
- ⁴⁶Pɛkasifɛ aŋ tɛlɔ ŋa aŋ fɔf tɛnt tɛtɛl, aŋ thɔkɛs Kuru. Ka Pitaŋ ɔ lasi, ɔ pa,
- ⁴⁷Wuni ɔ gbɛli bent mɔnt tɛ kɛbaptais aŋɛ, aŋa po sɔthɔ ɔYina mɛsɛm mɔ saŋ-i?
- ⁴⁸kɔ yamari kɔmɔ a baftays ŋa ka aŋɛs ŋa Yisɔs Krayst. Kaŋ nɛmthɛnɛ kɔ kɔmɔ ɔ yirɔ yi ŋaŋ ta mɔrɛy mɛlɔm.

Mayɔs Ma Aŋsom 11

- ¹Ka aŋsom yi aŋwɔnt ro Yudia aŋ tɛl kɛpa tɔbona tɛlɔm sɔ tɛ po malanɛ arim ra Kuru.
- ²Ɔwa ma Pitaŋ ɔ bek ro Yerusalem-e, ŋaŋ aŋa yi asema aŋ thekɛ kɔ,



- ³kaŋ pa, Mə wəŋ ka aŋfəm aruni aŋbilakoro, mə kál di yi ɲaŋ.
- ⁴Ka Pitaŋ ɔ təp kətəri ɲa aŋpa kətəp ka ɔtəpɛr, ɔ pa,
- ⁵I yi ka kápet ka ro Yɔpa, i ramne; ɔwa ka marey i nən̄k mənəŋk, rəka rəlóm rə thor kəwur ka ákəriyana mə abela abana aŋa a kotər ka ekoŋ yanle, ka aŋ der ro rəmi.
- ⁶Ma i kəli ɲi təŋ-e, i nən̄k ešem aŋa ba tatək tanle ma raru-o, ešem ya ro kánth-o, eyet eworká-o, yi ebámp ya aŋfena.
- ⁷Ká i təl árim ara kané mi, Pita yokané, fai kámá mə di.
- ⁸Kere i pa, Sako Pa, kotáy-e rəka o rəka ara te yi rəsəm thalóm ara yi rəyifa rə tha wəŋ he ka kásəŋ kámi.
- ⁹Kere árim rə kál sɔ kané mi kəwur ka ákəriyana, Ara Kuru ɔ po fethər-e, te bont ri rəyifa.
- ¹⁰Ka a yɔ áte haŋ məsas, ka a kál liŋ ɲi be ka ákəriyana.
- ¹¹ɔwa kəla, ka ɔləmp wati afəm asas aŋ der ka aŋseth ro sɔ yi, a som ɲa ro rəmi kəwur ro Sisaria.
- ¹²Ka ɔYina ɔ kané mi tə kəkɔ yi ɲaŋ kətə ba asiké. ɔwa pə thas ri aŋwənt tamthərukin aŋe aŋ paya mi, ka sɔ wəŋ ka aŋseth ɲa ɔthem.
- ¹³kɔ kané su to ɔ po nən̄k ɔmaleka ɔ təmá ka aŋseth ɲəŋ, ɔ pa, Som ro Yɔpa kətela Saymən ɔwe ba aŋgbánthir ɲa Pita;
- ¹⁴ɔ tə kané mu sim ka átá má mə kisi, munɔ yi kabər ka mu be.
- ¹⁵ɔwa, ma i təp kəfɔf-e, ɔYina məsəm ɔ thorər ɲa hali mə ro rəsu ka katəp.
- ¹⁶Ka i kál nané árim ra ɔMarki ma ɔ pa, Təntənə Yonáŋ ɔ baftays yi mánt, kere a tə baftays nu yi ɔYina məsəm.
- ¹⁷Tiyáŋ ma Kuru ɔ səŋ ɲa aŋboya ɲin mə mə səŋ su ma sɔ lané ka ɔMarki Yisəs Kraist-e, min kané kəpa i gbəli timané Kuru-i?
- ¹⁸Maŋ təl mátáy ame-e, aŋ taŋk, kaŋ yikis Kuru, aŋ pa, ɔwa Kuru ɔ po səŋ tábona təlóm sɔ kathupi ka aŋesəm.
- ¹⁹Tiyáŋ ɲaŋ aŋa sakané salata aŋsəmpanəŋ aŋa yokané ta Stifən-əŋ aŋ kəth haŋ kəkɔ ro Finisia, ro Saiprəs yi ro Antiok, aŋ fɔf he árim ka wuni o wuni thambe aŋ Yuda gbo.
- ²⁰Kere aŋlóm kətəŋ ka ɲaŋ aŋ yi afəm aruni ɲa ro Saiprəs yi ro Sirini. Aŋe, maŋ bek ro Antiok-e, aŋ fɔfáne aŋKrik sɔ, aŋ fɔf ta ɔMarki Yisəs.
- ²¹Ka káta ka ɔMarki kə yi yi ɲaŋ, ka afəm agbáthi aŋ lané aŋ lafthe ka ɔMarki.
- ²²Ka tágbuŋ taŋ tə bek ka eləns ya aŋchəoch ro Yerusalem, kaŋ som Barnabas kámá ɔ kɔ haŋ ro Antiok.



²³Ɔwa kɔnɔ ma ɔ bek-e, ɔwa ɔ nɛnk aɲboɲa ɲa Kuru-e, pɛ bɔnɛ kɔ. Kɔ maɲ ɲa bɛ tɔ kɛgbɔpsɔ ɔMarki rɛ mɛbotɛs ma ámerá.

²⁴kotáy-e ɔ yi wuni finɔ, ɔ la ɔYina mɛsɛm yi kɛlanɛ; ka afɛm agbáthi aɲ bárnɛ ka ɔMarki.

²⁵Kɛdarɛɲ kati ɔ kɔnɛ ro Tarsɔs tɛ kɛthɛns Sɔl-ɛɲ.

²⁶Ɔwa ma ɔ po fir kɔ-e ɔ kárá kɔ ro Antiok. Ka pɛ re yi ka kɛren kɛlolok aɲ gbane yi aɲchɔch, aɲ thɛksa afɛm agbáthi. Ɔwa ro Antiok, rɛ a mɔtha bont aɲkarande aKɛristiɛn.

²⁷Ɔwa ka marey ame anábi aɲ thor ro Antiok kɛwur ro Yerusalem.

²⁸Ka ukin ka ɲaɲ ɔwe a bont Akabɔs, ɔ tɛmá, kɔ tɔri ɲa ka aɲfɔsɔ ɲa ɔYina kɛpa dor rɛbana rɛ tɛ yi ka ádárú bɛ; are rɛ yɔnɛ ka marey ma Klɔdiɔs.

²⁹Ka aɲkarande, ukin o kin mɔ kagbɛli kɔɲ kɛ yi, aɲ botɛs tɛ kɛsomra kɛmar ka aɲwɔnt aɲa yi ro Yudia.

³⁰Áte aɲ yɔ, kaɲ somra ki ka aɲbáki ka máta ma Barnabas yi Sɔl.

Mayɔs Ma Aɲsom 12

¹Ka aɲlɔkɔ ɲati Herɔdán ɔbáy ɔ tɛp tɛ kɛsɔmpa alɔm ka aɲchɔch.

²kɔ dif Yemɛs ɔwɔnt ka Yɔnán yi aɲgbathɔ.

³Ɔwa ma ɔ nɛnk kɛpa pɛ thesane aɲYuda-e, ɔ gbip Pita sɔ. Ɔwa marey ma kabo kɛpaɲi ɛgbith miyaɲ.

⁴Ma ɔ po wop kɔ-e, ɔ bot kɔ ka aɲseth ɲa tɛrɛɲka, kɔ lánki kɔ ka atim tɔfɔt tamthɛrukin tɛ kɛbumɛr kɔ; kɔ nane tɛ kɛwura kɔ ka aɲfɛm kɛdarɛɲ ka amet ma kapainɛ.

⁵Tiyán a bɛnɛ Pita ka aɲseth ɲa tɛrɛɲka, kɛrɛ aɲchɔch aɲ tɛy hɛ kɛnɛmthɛnɛ Kuru ta atɔɲ.

⁶Ma Herɔdán ɔ yema wurɔ kɔ, ka rátáták rati gbɛɲ-e, Pitaɲ ɔ dirá kɛtɔɲ ka atim ɲarɛɲ, a sekɛrane kɔ tɛrɛnthá tɛrɛɲ; ɔwa aɲbumɛr aɲ yi ka kadare rodi tɛ kɛbumɛr aɲseth ɲa tɛrɛɲka.

⁷Ɔwa kɛla wurɔ ka ɔMarki ɔ tɛmá rayer kɔɲ, ɔwa kɛwale kɛ gbenthá ka aɲkonko; kɔ gbanthá Pitaɲ ka aɲfuthɛl, ɔ thɛmi kɔ, ɔ pa, Yokane lɛmp lɛmp. Ka atɛrɛnthá tɛ wur ka máta mɔɲ.

⁸Ka ɔmaleka ɔ pa ro ɲɔɲ, Senɛ, ɔwa sek ɛkɔfthá ɛ mu. Kɔ yɔ yi. Kɔ pa ro ɲɔɲ, Gbankthane aruma ra mu, mɛ táɲ mi.

⁹kɔ wur, ɔ táɲ kɔ, kɛrɛ ɔ tɛ hɛ kɛpa átà ɔmaleka ɔ yɔ tɛ yi tɛtɛɲ, ɔ nane ɔ nɛnk mɛnɛɲk.



- 10** Ɔwa maŋ po thas aŋbumər átótókó, yi aŋa beká marəŋ-e, aŋ bek ka kadare ka efát áke kanthi ro pet; ake kə kanthine ro rəŋaŋ. Kaŋ wur, aŋ thas roŋ din, ka ɔləmp wati ɔmaleka ɔ tey kó ɔ kɔnɛ.
- 11** Ɔwa ma pə tərme Pitaŋ, ɔ pa, Ka-ake i tārā kəpa tentene ɔMarki ɔ po som ɔmaleka kəŋ kámá ɔ tafi mi ka káta ka Heród, yi ka enane ya aŋYuda.
- 12** Ma ɔ po támtámne áte-e, ɔ der ka aŋseth ŋa Meri, ɔkara ka Yónāŋ, ɔwe ba aŋgbánthir ŋa Mark, ro afəm agbáthi aŋ po gbanɛ tə kəramne.
- 13** Ma ɔ gbátgbát ka kadare ka aŋkunk-e, wath ubera aŋes ŋəŋ ŋə yi Roda-e, ɔ der tə kərə su eləns.
- 14** Ma ɔ tārā árim ra Pitar-e, ɔ kanthi he kadare ta mábɔne, kərə ɔ gbuke tə kəkane ŋa kəpa Pitaŋ ɔ tɔmá ro dare rokaŋ.
- 15** kaŋ pa ro ŋəŋ, Mun pəŋk. Kərə kɔnɔ ɔ báksər kəpa ya pə yi. Kaŋ pa, Ɔmaleka kəŋ, kəŋəŋ.
- 16** Kərə Pitaŋ ɔ tey he kəgbátgbát; ɔwa maŋ po kanthi kadare-e, aŋ nənk kó, kaŋ kabane.
- 17** Kərə ɔ methmeth ŋa kámá aŋ taŋk, kó kane ŋa to ɔMarki ɔ wuró kó ka aŋseth ŋa tərəŋka. Kó kane ŋa tə kətəri mátáy ame ka Yeməs yi ka aŋwənt. Kó wur, ɔ kɔnɛ der ɔlɔm.
- 18** Ɔwa ma pə sək-e, ayagba athán tha aŋ yi kətəŋ ka antim ta átá yɔnɛ Pita.
- 19** Ɔwa ma Heród ɔ thens kó, kərə ɔ fir he kó-e, ɔ gbəŋgbəŋ aŋbumər, kó yamari kámá a difəth ŋa. Kó wur ro Yuda ɔ kó ro Sisaria, kó yirá ri.
- 20** Ka pə bansáne Heródāŋ ta ŋaŋ aŋa yi ro Tair yi ro Sidon, kərə aŋ der ro ŋəŋ rə ámerá ŋin; ɔwa ma aŋ po səki Blastos, aŋbɔy ŋa ɔbáy, uyathki ka ŋaŋ-e, aŋ thola məthɔfəl, pəkasiɛ aŋthɔf ŋaŋ aŋ sothɔ yet edi kəwur ka aŋthɔf ŋa ɔbáy.
- 21** Ɔwa ka árey alemrane, Heród ɔ wəŋ ásuma ta rábáy, kó yirá ka kawaŋ ka rábáy, ɔ fɔfáne ŋa.
- 22** Ka aŋfəm aŋ səŋkó, aŋ pa, Árim ra Kuru raŋ, árim ra wuni thahɔ.
- 23** Ka ɔləmp wati wuró ka ɔMarki ɔ gbantha kó átesoma-e ɔ səŋ he Kuru aŋyiki. Ka ɛbiləŋ aŋ sɔm kó, kó tərɛ.
- 24** Kərə árim ra Kuru rə bərne, rə sabathi.
- 25** Ɔwa Banabasāŋ yi Səl-əŋ aŋ kálane kəwur ro Yerusalem maŋ po gbenthis mapanth maŋ, kaŋ kera Yónāŋ ɔwe ba aŋgbánthir ŋa Mark.

Mayɔs Ma Aŋsom 13



- ¹Ɔwa anābi yi akarməko aləm aŋ yi ka aŋchəch ŋa ro Antiok, Banabasāŋ yi Simiyonāŋ owe a bont Nikər, yi Lusiosāŋ owe ro Sirini yi Manenāŋ owe a rusəm yi Herəd ƆTetrark, yi Solāŋ.
- ²Ɔwa mə mə aŋ bātho ƆMarki, aŋ kəl wop asum, ƆYina məsəm Ɔ pa, Gbaski Banabasāŋ yi Solāŋ ta átā mi ta mapanth ama i tela ŋa.
- ³Maŋ po wop asum-e, Ɔwa aŋ ramne, aŋ rens ŋa mātā maŋ, kaŋ ter ŋa aŋ kəne.
- ⁴Ɔwa, ma ƆYina məsəm Ɔ po som ŋa-e, aŋ thor ro Silusiya, ro aŋ bākā rə abil, aŋ kəne ro Saipros.
- ⁵Ɔwa, maŋ yi ro Salamis-e, aŋ taməs arim ra Kuru ka eseth egbanē ya aŋYuda; aŋ ba sɔ Yonāŋ tə kəmar ŋa.
- ⁶Ɔwa maŋ po kəth kəth ka aŋyel be-e, aŋ bek ro Pafos, kaŋ bəp ri uthupəs uləm, unabi uyem, uYuda wəŋ, aŋes ŋəŋ ŋə yi Ba-Yisos.
- ⁷Ɔ yi ka Sakiyos Pəlos, Ɔsanthiki, wuni tārā tày, Ɔwe som kətela Barnabas yi Sol, Ɔ thens tə kətəl arim ra Kuru.
- ⁸Kere Elimas Ɔthupəs (kotáy-e ya a tepa aŋes ŋəŋ) Ɔ təmone ŋa, Ɔ mem tə kəlafthi aŋmerā ŋa Ɔsanthiki kəwur ka kálanē.
- ⁹Kere Sol-əŋ owe a bont sɔ Pəl, Ɔ la ƆYina məsəm, kə kəli kə təŋ, Ɔ pa,
- ¹⁰O munə, mə la eyaŋfa be yi mələs be, munə Ɔwan ka Sethani, utheranē ka mələmpi be, mə tey he kəlafthi lāfthi asoŋ təlompi ta ƆMariki-i?
- ¹¹Ɔwa ka-ake káta ka ƆMarki kə rensa mu, Ɔwa mə tə yi ufith kəte nənək aret ta aləko. Ka Ɔlemp wati kábi yi asum ε wop kə, kə thens wuni tə kəwopa kə káta.
- ¹²Ka Ɔsanthiki, ma Ɔ nənək átā po yone-e, Ɔ lanē, Ɔ kabanē ka kathəksa ka ƆMarki.
- ¹³Ɔwa Pəlāŋ yi akobali kəŋ aŋ wur ro Pafos rə abil, aŋ der ro Paka áke yi ro Pamfiliya; ka Yonāŋ Ɔ tey ŋa, Ɔ kálanē ro Yerusalem.
- ¹⁴Kere maŋ wur ro Paka-e, aŋ der ro Antiok áke yi ro Pisidia. Kaŋ wəŋ ka aŋseth agbanē ka aŋrey ŋa aŋsabath, aŋ yirā.
- ¹⁵Ɔwa maŋ po karanə aŋtho yi mágbal ma Aŋnābi, aŋgbəka ŋa aŋseth agbanē aŋ som ro rəŋaŋ, aŋ pa, Wənt a su, bepi nə ba kera tə kəmaŋ aŋfəm, fəf nu.
- ¹⁶Ka Pəlāŋ Ɔ yokanē, Ɔ methmeth ŋa, Ɔ pa, Afəm aruni ŋa Isrəl, yi naŋ aŋa nesa Kuru, sua nu eləns.
- ¹⁷ƆKuru ka aŋfəm ŋa Isrəl, Ɔ thith aŋkas a su, kə bondəs aŋfəm maŋ yirā rətik ka aŋthəf ŋa Iyipt, yi Ɔ wurə ŋa ri rə káta ka afəso.
- ¹⁸kə muyu máyos maŋ mələ ma təren təgba tərəŋ ro wula.



- 19Ma ɔ po dim tābona tāmthəderəŋ ka aŋthɔf ŋa ro Kenan-e, ɔ sɔŋ ŋa aŋthɔf a ŋaŋ ta keŋ, mɔlɔ ma tɔren temɛ tanlɛ tɔgba tɔrəŋ tɔfɔt.
- 20Kədarəŋ ka mātáy ame ɔ sɔŋ ŋa áthonkas haŋ ka Samuel ɔnābi.
- 21Kədarəŋ kati aŋ yif ta ubáy, ka Kuru ɔ sɔŋ ŋa Sɔl-əŋ ɔwan ka Kis, ulangba ka aŋbɔnshɔ ŋa Benjamin, mɔlɔ ma tɔren tɔgba tɔrəŋ.
- 22Owa ma ɔ po wurɔ kɔ ka matəma mɔŋ-e, ɔ təmər Debid tɔ kəyi ɔbáy ka ŋaŋ, ta ɔwe ɔ seri sɔ kəpa-e, I po fir Debid ɔwan ka Yɛsi, ɔwuni ɔwe i bɔthər, ɔwe mɔ yɔ māsəlɔ ma mi bɛ.
- 23Owa Kurəŋ mɔ mɔ po lahiri, ɔ sɔŋ Isrəl ka rəkomra ra ɔwuni ɔwe, uKisis, Yisəs.
- 24Owa Yɔnāŋ, yeŋka káder kɔŋ-e, ɔ po mɔtha taməs ka aŋfəm ŋa Isrəl aŋbaftisəm ŋa kathupi.
- 25Owa ma Yɔnāŋ ɔ yema pons mapanth mɔŋ-e, ɔ pa, To nə nanɛ kəpa minɛ i yi-e? I yi hɛ kɔnɔ, kɛrɛ ukin ɔ tɔ der kədarəŋ kámi, ɔwa i bek hɛ tɔ kəsəli ɛkɔftha ya átətək tɔŋ.
- 26Awɔnt a mi, aŋwuth ŋa rəkomra ra Ebrahim, yi ŋaŋ aŋa nesa Kuru kətɔŋ ka nu-e, a som árim ra kakisi ake ro rɔsu.
- 27kotáy-e ŋaŋ aŋa yirá ro Yerusalem, yi aŋgbəka ŋaŋ, maŋ te tárá kɔ-e, thalɔm ásim ta Aŋnābi átá a karaŋ asabath ɔ sabath, aŋ lasər ti maŋ sɔŋ kɔ mətheri.
- 28Hali maŋ te fir kɔ ubeki dif-e, aŋ nɛmthɛnɛ Paylet kámá a dif kɔ.
- 29Owa maŋ po lasər mātáy bɛ ama a gbal ta atɔŋ-e, aŋ thora kɔ ka aŋənt, kaŋ bot kɔ ka aŋpáli.
- 30Kɛrɛ Kurəŋ ɔ yokas kɔ ka aŋfi,
- 31kɔ tɔrinɛ mərəy məlai ka ŋaŋ aŋa der yi kɔnɔ ro Yerusalem kəwur ro Kalili, aŋa yi thɔŋ maseri mɔŋ ka aŋfəm.
- 32Owa saŋ sɔ kárá nu ákera kəfínɔ ka aŋlahiri áke a sɔŋ aŋkas a su,
- 33kəpa Kuru ɔ po lasər ŋi ka aŋwuth a su ma ɔ yokas Yisəsáŋ; mɔ mɔ a gbal ti sɔ ka aŋSam aŋa beká yerəŋ, Munɔ mɔ yi ɔWan kámi uruni; ka aŋrey aŋe kɔ i kom mu.
- 34Owa, kəpa ɔ yokas kɔ ka aŋfi tɔ kəte sɔ kálanɛ rə kəthei, ɔ fɔf yaŋ, I ti sɔŋ nu ɛlahiri ɛsəm ɛte siŋkar ya Debid.
- 35Tiyáŋ ka aŋSam alɔm ɔ pa Mə sɔŋ hɛ ɔSəm ka mu kámá ɔ nɛnk kəthei.
- 36Átesoma-e Debidáŋ, ma ɔ po yɔ māsəlɔ ma Kuru ka aŋlɔkɔ ŋɔŋ-e, ɔ kɔ rə mərəy, ka a bot kɔ yi aŋkas ŋɔŋ, kɔ thei.
- 37Kɛrɛ kɔnɔŋ, ɔwe Kuru ɔ yokas-e, ɔ thei hɛ.
- 38Tiyáŋ awɔnt a su, tárá nu kəpa kətáŋəne ka ɔlaŋgba ɔwe a taməs nu katerɔ ka ɛhake;



- ³⁹ɔwa ka káta kɔŋ wuni o wuni ɔwe lane ɔ sotho məmari ka mātáy bɛ-e, ka ama nə te gbəli sotho məmari ka aŋtho ŋa Mosis.
- ⁴⁰Tiyán botnɛ nu ta thani átá Aŋnabi aŋ pa tɔ bəp nu,
- ⁴¹Kəla naŋ afarki táy, Kabanɛ nu ɔwa dinɛ nu; kotáy-e i yɔ apanth ka marey ma nu, Apanth aŋa mə nə te lane rə roŋ o roŋ, Hali wuni ɔ kanɛ nu ŋi.
- ⁴²Maŋ wur-e, aŋ nɛmthɛnɛ kámá a fɔfánɛ ŋa ásim áte ka aŋsabbath alóm.
- ⁴³ɔwa ma aŋgbanɛ aŋ sakanɛ-e, aŋYuda agbáthi yi ŋaŋ aŋa po lafthɛ ka kálanɛ aŋ tɔŋ Pólán yi Banabasán, kaŋ fɔfánɛ ŋa kámá aŋ básər ka aŋboŋa ŋa Kuru.
- ⁴⁴ɔwa ka aŋsabbath alóm pə bun yi kápet bɛ kə gbane tɔ kətəl árim ra Kuru.
- ⁴⁵Kɛrɛ ma aŋYuda aŋ nənɔk ásuniya-e, aŋ la kətut, kaŋ pɛnsa átá Pólán ɔ pa, aŋ fɔf ɔlɛs.
- ⁴⁶Ka Pól yi Banabasán aŋ fɔf yi kəmintha, kaŋ pa, Pə ba kəyi kəpa a mɔtha tɔri nu árim ra Kuru; kɛrɛ ma nə pɛnsa ri-e, nə gbək ti kəpa nə bek hɛ tɔ kəsɔtho aŋesəm thəbana-e, sɔ tɔ lafthɛ ka tábona təlóm.
- ⁴⁷kotáy-e ya ɔMarki ɔ yamari su, ɔ pa, I po təmər mu tɔ kəyi amotha ta tábona təlóm, Kama mə yi ta kakisi haŋ ka ɔthalnɛ wa ádáru.
- ⁴⁸ɔwa ma tábona təlóm aŋ təl áte-e, pə bɔnɛ ŋa, kaŋ yikis árim ra Kuru; ɔwa ŋaŋ aŋa a bot tɔ kəsɔtho aŋesəm thəbana, aŋ lane.
- ⁴⁹Ka árim ra Kuru rə gbanthɛnɛ ka aŋthɔf ŋati bɛ.
- ⁵⁰Kɛrɛ aŋYuda aŋ pər aŋfəm abom abátho-e aŋa ba yiki, yi aŋfəm aruni abana ŋa kápet, kaŋ fak asɔmpa abana tɔ kəŋamɛ Pól yi Banabasán, kaŋ bál ŋa kəwur ka aŋgbáp ŋaŋ.
- ⁵¹Kɛrɛ ŋaŋ, aŋ kɔŋkɔŋ kabof ka átátək taŋ, kaŋ der ro Ikonioɔm.
- ⁵²Ka aŋkarande aŋ la məbɔnɛ yi ɔYina məsəm.

Mayɔs Ma Aŋsom 14

- ¹Ka pə re yi ro Ikonioɔm, kəpa ŋa ŋarəŋ aŋ wɔŋ ka aŋsɛth agbane ŋa aŋYuda, ɔwa ka aŋYuda-o yi aŋKrik-o, áruniya rəbana rə lane ta aŋsabu ŋa kafɔf ka ŋaŋ.
- ²Kɛrɛ aŋYuda aŋa te lane aŋ pər emerá ya tábona təlóm, kaŋ ləsər emerá yaŋ ta aŋwɔnt.
- ³Tiyán Pólán yi Banabasán aŋ wɔŋ ri, aŋ fɔf yi kəmintha ta ɔMarki ɔwe sɔŋ məseri ta árim ra aŋboŋa ŋɔŋ, ɔ yɔ emisali yi mātáy məkabane mə yɔnɛ ka máta maŋ.
- ⁴Kɛrɛ áruniya ra kápet rə gbayanɛ; alóm aŋ yi ka aŋgbáp ŋa aŋYuda, aŋlóm ka aŋgbáp ŋa aŋsom.



- ⁵Ɔwa ma tábona təlóm yi aŋYuda yi aŋgbəka ŋaŋ aŋ ba ámerá ŋin tə kəyɔ ŋa ɔləs-e, de yi tə kələməs ŋa məsar-e,
- ⁶Maŋ sɔthnɛ ti, kaŋ gbukɛ ro Listra yi ro Dabi, təpet ta ro Lekonia, yi ka aŋthɔf aŋa gbətɔnɛ ri.
- ⁷kaŋ tɔri ri ákera kəfínɔ.
- ⁸Ɔwa wuni lóm ɔ yi ro Listra, ɔ ba hɛ afɔsɔ ka átátək tɔŋ, ugbeba wɔŋ kábi ka akor ka ɔkara kɔŋ, ɔ la hɛ kɔth bɛ.
- ⁹Kɔnɔ kati ɔ tɔlá Pólán mɔ mɔ fɔf; ɔwe kəli kɔ tɔŋ, ɔ nɛnk kəpa ɔ ba kəlɛnɛ tə kəsɔthɔ kəyɛŋk mædɛr,
- ¹⁰kɔ pa rə rim rəbana, Təmá tolon ka átátək ta mu. Kɔ pai, ɔ kɔth.
- ¹¹Ɔwa ma áruniya rə nɛnk átá Pólán ɔ po yɔ-e, aŋ ŋata ásim taŋ, aŋ fɔf ka akənt ka ro Lekonia, Aturu aŋ po thɔr ro rɔsu rə mábálánɛ ma afəm.
- ¹²kaŋ bont Banabasáŋ Yupita, ɔwa Pólán Mərkuri, átesoma-e kɔnɔ təmá kədi ka kafɔf.
- ¹³Ka ɔfode ka Yupita ɔwe ba aŋseth ŋɔŋ abáthɔ ka kápet rodi, ɔ kárá ɛthura yi mələŋi məbɔthi kəli ka tarare kámá kɔnɔ de yi aŋfəm aŋ wurɔ ŋa sathka.
- ¹⁴Ma aŋsom Barnabas yi Pól aŋ təl ti-e, aŋ piməs ásuma taŋ, kaŋ wɔŋ lemp kətɔŋ ka aŋfəm, aŋ pa lɛɔ,
- ¹⁵Pa-ŋaŋ, kəyɛŋ mə nə yɔ mátáy ame-e? Saŋ sɔ sɔ yi afəm mɔ naŋ, sɔ kárá nu kera kəfínɔ kámá nə tey mátáy məyai ame tə kələfthɛ ka ɔKuru ukəli ɔwe bɛmpa akuru-o, anthɔf-o, kábáŋ-o yi koko ara yi ri.
- ¹⁶Ɔwe pə yi, ka elɔkɔ ɛyɛ po thas ɔ ter tábona bɛ tə kəkɔth ka asɔŋ taŋ.
- ¹⁷Kɛrɛ ɔ tey hɛ ŋa kəte ba məsəri ta atɔŋ, ma ɔ yɔ nu ɔfínɔ, ɔ sɔŋ nu tɔm kəwur ka ákuru yi elɔkɔ ekoməs ɛgbathi, kɔ lasər emərə ɛ nu yi ɛwɔnth yi məbɔnɛ.
- ¹⁸Kɛrɛ hali ka ásim áte aŋ bun thamrɔ tə kəbent aŋfəm kámá aŋ te wurɔ sathka ro rɔŋaŋ.
- ¹⁹Kɛrɛ aŋYuda alóm aŋ der kəwur ro Antiɔk yi ro Ikonióm; ɔwa maŋ po pər aŋfəm-e, aŋ ləməs Pólán məsar, kaŋ liŋ kɔ aŋ wurɔ kɔ ro pet, aŋ nanɛ kəpa ɔ po fi.
- ²⁰Kɛrɛ ma aŋkarande aŋ gbətɔ kɔ-e, ɔ yokanɛ, kɔ wɔŋ ro pet. Ka aŋrey alóm-e, kɔnɔ yi Banabasáŋ aŋ kɔnɛ ro Dabi.
- ²¹Ɔwa maŋ po tɔri ákera kəfínɔ ka kápet kati, ka aŋ po səki afəm agbáthi akarande-e, aŋ kálɛnɛ ro Listra, ro Ikonióm yi ro Antiɔk.
- ²²kaŋ báksər emərə ya aŋkarande, aŋ maŋ ŋa tə kəbasər ka kálɛnɛ, ɔwa aŋ kanɛ ŋa sɔ kəpa, ka ɛsɔmpɛnɛ ɛgbathi sɔ tə wɔŋ ka rábáy ra Kuru.



²³Ɔwa maŋ po thithəsà ŋa abàki rə áchöch o chöch-e, ɔwa maŋ po ramne yi kəwop asum-e, aŋ maŋkər ŋa ka ɔMarki ka ɔwe aŋ po lane.

²⁴kaŋ thas ro Pisidiya, aŋ der ro Pamfiliya.

²⁵Ɔwa maŋ po kane árim ro Paka-e aŋ thor ro Ataliya.

²⁶kaŋ bákà ri rə abil, aŋ kəne ro Antiok ro a po maŋkər ŋa ka áŋboŋa ŋa Kuru ta mapanth ama aŋ po gbenthis.

²⁷Ɔwa maŋ bek-e, aŋ thonkla aŋchöch der rəkin, aŋ loma ŋa mātáy be ama Kuru ɔ yɔ ka mātá maŋ, yi to ɔ po kanthi karare ka kálane ka tábona təlóm.

²⁸Ɔwa aŋ bora kəwon ro Antiok yi aŋkarande.

Mayɔs Ma Aŋsom 15

¹Ɔwa afəm aruni alóm aŋ der kəwur ro Yudia, ka aŋ thəksa aŋwənt, aŋ pa, Nə gbəli he kisi thambe a bironns nu ka matane ma Mosis.

²Ɔwa ma Pólán yi Banabasán aŋ ba məputhane məbana yi kəthonka de yi aŋfəm aŋe-e, a botəs kəpa, Pól yi Barnabas de yi ŋaŋ alóm, aŋ yi tə kəkɔ ro Yerusalem ka aŋsom yi aŋbàki ta áŋpa aŋe.

³Ɔaŋ mən, ma aŋchöch aŋ paya ŋa ɔthan ro roŋ-e, aŋ thas ro Finisia yi ro Samaria, aŋ tərɪ kəpa tábona təlóm tə səkə alane. Ka aŋwənt be aŋ ba məbɔne məbana.

⁴Ɔwa maŋ bek ro Yerusalem-e, aŋchöch-o, aŋsom-o yi aŋbàki aŋ malane ŋa, kaŋ kane mātáy be ama Kuru ɔ po yɔ ka mātá maŋ.

⁵Kere aŋlóm ka kagbanth ka aŋFarisi aŋa lane aŋ yokane aŋ pa, A yi tə kəbironns ŋa, de yi tə kəyamari ŋa tə kəwop áŋtho ŋa Mosis.

⁶Ka aŋsom yi aŋbàki aŋ gbane rəkin tə kətámámne áŋpa aŋe.

⁷Ɔwa maŋ po ba epensane ebana-e, Pitaŋ ɔ yokane, ɔ pa ro rəŋaŋ, Aŋwənt a mi, nə tārà kəpa ka ɔwoni Kuru ɔ thith kətəŋ kásu kámá ka kəsəŋ kámi tábona təlóm tə ba kətəl árim ra ákera kəfino kámá aŋ lane.

⁸Ɔwa Kurəŋ ɔwe tārà emerà-e, ɔ səŋ ŋa məseri ma ɔ səŋ ŋa ɔYina məsəm, mə mə po səŋ su.

⁹Ɔ bot he ɔgbaske kətəŋ kásu yi ŋaŋ ma ɔ fethər emerà yaŋ ka kálane.

¹⁰kəyey tene mə nə mem Kurəŋ, ma nə yema gbaŋ kothe ka talim ta aŋkarande átá aŋkas a su yi saŋ sə te gbəli gbane-e?

¹¹Kere sə lane kəpa saŋ sə ba kəkisi salata áŋboŋa ŋa ɔMarki Yisəs Krayst mə ŋaŋ sɔ.

¹²Ka ŋaŋ be aŋ taŋk, aŋ sua Banabasán yi Pólán eləns mə mə aŋ lóm ta emisali yi mātáy məkabane ama Kuru ɔ po yɔ ka mātá maŋ kətəŋ ka tábona təlóm.



- 13Maŋ po gbanthi-e, Yeməsəŋ ɔ pa, Aŋwɔnt a mi, sua mi nu eləns.
- 14Simiyɔn ɔ po tɔri su to Kurɔŋ ɔ mɔtha kori tɔbona tɔlɔm kɔmɔ ɔ wurɔ kɔtɔŋ ka ŋaŋ afɔm ta ɔŋes ŋɔŋ.
- 15Ɔwa Aŋnabi aŋ ba dim din ta ɔte mɔ mɔ a gbal kɔpa,
- 16Kɔdarɔŋ ka mɔtɔy ame i ti kɔl der, I ti kɔl tɔmɔr ɔŋseth ŋa Debid aŋa po fumpɔ. I ti kɔl tɔmɔr ɔŋkinthɔ ŋati gbeŋ, Ɔwa i ti tɔmɔr ŋi sɔ,
- 17Kama ɔŋfɔm aŋa tiyɔ aŋ thens ɔMarki, Yi tɔbona tɔlɔm be ka aŋa a bont ɔŋes a mi,
- 18ƆMariki ɔwe mɔ tɔri mɔtɔy ame be kabi ka thɔpaŋ, kɔnɔ pa.
- 19Tiyɔŋ magbɔk ma mi mɔ yi kɔmɔ sɔ te bɔr ɔbaki ka ŋaŋ aŋa mɔ lafthe ka Kuru kɔtɔŋ ka tɔbona tɔlɔm,
- 20kɔre ta sɔ gbalɔr ŋa kɔmɔ aŋ gbape rayifa ra eyet ɔpath, yi kɔrɔp, yi esem a dif kɔte loŋ mɔtir, yi mɔtir.
- 21kɔtɔy-e, Mosisɔŋ kabi ka thɔpaŋ ɔ ba rɔ kɔpet o pet ŋaŋ aŋa mɔ tamɔs kɔ, maŋ karaŋ mɔgbal mɔŋ ka eseth ɔgbane asabath o sabath.
- 22Ka ɔŋsom, yi ɔŋbaki, yi ɔŋgbane be aŋ nɔnk ti ɔfinɔ tɔ kɔthith afɔm aruni kɔtɔŋ ka ŋaŋ tɔ kɔsom ro Antiok yi Pɔlɔŋ de yi Banabasɔŋ, kaŋ thith Yudasɔŋ ɔwe a bont Basabas, yi Sailasɔŋ, aŋa yi ɔŋkɔrbomp kɔtɔŋ ka ɔŋwɔnt.
- 23kaŋ gbal yeŋ ka mɔta maŋ, aŋ pa, ɔŋsom yi ɔŋbaki de yi ɔŋwɔnt aŋ somra ekori ka ɔŋwɔnt aŋa yi ka tɔbona tɔlɔm ro Antiok, ro Siria, yi ro Silisia.
- 24Ma sɔ po tɔl kɔpa alɔm aŋa wur ro rɔsu aŋ sɔmpa nu yi sim, aŋ lafthe lafthe emɔrɔ ɛ nu, aŋ pa, Tha nɔ yɔ a birons nu, ɔwa tha nɔ wop ɔŋthɔ; kɔre saŋ sɔ sɔŋ hɛ ŋa ɔŋyamari awunɔŋ.
- 25Sɔ nɔnk ti ɔfinɔ, sɔ po sɔthɔ ɔmɔrɔ ŋin tɔ kɔthithɔs afɔm tɔ kɔsom ŋa ro rɔnu yi Barnabas de yi Pɔl aŋa su abɔthɔr,
- 26alaŋgba aŋa po sɔnd ɔŋesɔm yaŋ ta ɔŋes ŋa ɔMarki kɔsu Yisɔs Krayst.
- 27Tiyɔŋ sɔ som Yudasɔŋ yi Sailas-ɔŋ; ŋaŋ gbeŋ ka tasɔŋ taŋ aŋ tɔ tɔri nu mɔtɔy ama sɔ gbal.
- 28kɔtɔy-e ɔYina mɔsɔm ɔ nɔnk ti ɔfinɔ, ɔwa saŋ sɔ, tɔ kɔte reŋ nu kɔthe o kɔthe pɔthas mɔtɔy mɔmari ame,
- 29kɔpa nɔ gbape eyet eyɛ a po wurɔ ta sathka, eyet ɛbumɔrne, yi mɔtir, de yi esem aŋe a dif kɔte loŋ mɔtir, yi kɔrɔp. Bepi nɔ sobine ka mɔtɔy ame-e, pɔ tɔ yi nu ɔfinɔ. Maŋ piar nu.
- 30Ɔwa ŋaŋ, ma a ter ŋa-e, aŋ der ro Antiok. Ɔwa maŋ po thɔŋkla ɔruniya der rɔkin-e, aŋ laŋklia ŋa ɔŋreka.



- 31**Maŋ po karaŋ ŋi-e, aŋ sel məbɔnɛ ta mathɔfɛl ama aŋ sɔŋ ŋa.
- 32**Ka Yudasāŋ yi Sailas-əŋ, maŋ yi Aŋnáy sɔ-e, aŋ maŋ aŋwɔnt rɛ sim tɛlai, aŋ baksɛr ŋa.
- 33**Maŋ won ri haŋ-e, aŋwɔnt aŋ ter ŋa rɛ məthɔfɛl tɛ kɛkalanɛ ka ŋaŋ aŋa po som ŋa.
- 34**Kɛrɛ Sailas-əŋ ɔ nɛnk ti ɔfɛnɔ tɛ kɛtia ri.
- 35**Pɔl yi Barnabas aŋ tiyá ro Antiok, aŋ thɛksa ɔwa aŋ tɔri árim ra ɔMarki, dɛ yi afɛm alɔm agbáthi sɔ.
- 36**Kɛdarəŋ ka mərey məlɔm-e, Pɔlāŋ ɔ pa ka Banabasāŋ, Ka-ake maŋ kálanɛ nu rɛ kɛpet ɔ pet ro sɔ po tamɛs árim ra ɔMarki kámá sɔ kori aŋwɔnt, ɔwa sɔ kɛli to pɛ yi dɛ yi ŋaŋ.
- 37**ɔwa Barnabas ɔ yema banɛnɛ sɔ Yɔnāŋ ɔwe a bont Mark.
- 38**Kɛrɛ Pɔl ɔ nɛnk hɛ ti ɔfɛnɔ tɛ kɛba kɔ, kɔnɔ ɔwe po gbapɛ ŋa ro Pamfiliya, ɔwe te kɔ yi ŋaŋ ka mapanth.
- 39**Ka məputhanɛ mə wɔŋ kɛtɔŋ ka ŋaŋ, haŋ aŋ sakane. ɔwa Banabasāŋ ɔ ba Mark-əŋ, kɔ báká ka abil, ɔ kɔnɛ ro Saiprɔs.
- 40**Kɛrɛ Pɔlāŋ ɔ thith Sailas-əŋ, kaŋ kɔnɛ, kɛrarəŋ ka aŋwɔnt aŋ maŋkɛr ŋa ka aŋboŋa ŋa ɔMarki.
- 41**kɔ thas ro Siria yi ro Silisia bɛ, ɔ baksɛr echɔch.

Mayɔs Ma Aŋsom 16

- 1**Pɔlāŋ ɔ der sɔ ro Dabi yi ro Listra. ɔwa kɛla, ukarande ulɔm ɔ yi ri, aŋɛs ŋɔŋ ŋɔ yi Timóthi, ɔwan runi ka uYuda ubera ɔwe lanɛ, kɛrɛ ɔkas kɔŋ ɔ yi uKrik.
- 2**ɔwe, ɔ ba ŋɛs afɛnɔ ka aŋwɔnt aŋa yi ro Listra yi ro Ikonioɔm.
- 3**Ka Pɔlāŋ ɔ yema kámá ɔ paya kɔ ka aŋbiyas ŋɔŋ tiyāŋ ɔ birons kɔ salata aŋYuda aŋa yi ka mágɔp mati, kotáy-e ŋa bɛ aŋ tárá kɛpa ɔkas kɔŋ ɔ yi uKrik.
- 4**ɔwa maŋ gbəkinɛ tapet-e, aŋ laŋkɛlia ŋa magbək ama aŋsom yi aŋbáki aŋa yi ro Yerusalem aŋ po gbək.
- 5**ɔwa echɔch ɛ bār sɔthɔ afɔsɔ ka kálanɛ, yi kagbath ka ŋaŋ kɛ bárne árey ɔ rey.
- 6**ɔwa maŋ po gbəkinɛ ro Frikia yi ro Kaletia-e, ɔYina məsɛm ɔ bent ŋa kɛtɔri árim ro Asia.
- 7**Maŋ po bek ka ɔlomane wa ro Misia-e, aŋ mɛm tɛ kɛkɔ ro Bithiniya, kɛrɛ ɔYina ka Yisɔs ɔ selɔ hɛ.
- 8**kaŋ thas ro Misia, aŋ thor ro Troas.



- ⁹Ka Pólánj ɔ nɔnk mənɔŋk tāták; ulanġba ka ro Masidoniya ɔ tɔmá, ɔ nɛmthɛnɛ kɔ, ɔ pa, Fəsi ro Masidoniya, mɔ mar su.
- ¹⁰Ma ɔ po nɔnk manɔŋk amɛ-e, ka ɔlɛmp wati sɛ thɛns rɔŋ tɛ kɛkɔ ro Masidonya-e, ma sɛ lanɛ yathi kɔpa ɔMarki ɔ tela su tɛ kɛtɔri ákera kɛfinɔ ro rɔŋaŋ.
- ¹¹Tiyánj sɛ báká ka abil ro Troas, sɛ kɔ toloŋ ro Samothresi, ɔwa ka áŋrɛy átandá, ro Niapolis.
- ¹²Kɔwɔr ri sɛ kɔ ro Filipay, áke yi kápet kɛtɔtɔkɔ ka áŋgbáp ŋa ro Masidoniya, áŋbomp ŋa ro Rom; ka sɛ yirá ka kápet kati ta mɔrɛy mɔlɔm.
- ¹³ɔwa ka aŋsabbath sɛ wur ro pet, sɛ kɔnɛ ro baŋ dayɛr ro sɛ nanɛ a gbɛnɛ tɛ kɔramnɛ; rɔ sɛ yirá, sɛ fɔfánɛ aŋfɛm abom aŋa gbɛnɛ ri.
- ¹⁴Ka ubɛra ulɔm, áŋɛs ŋɔŋ ŋá yi Lidya, uthila totha tɔyim-e, ɔ yi ka kápet áke a bont Thiatira, ɔwɛ bátho Kurɔŋ; kɔnɔ tɔlá su. ɔwa ɔMarki ɔ kanthi áŋmɛrá ŋɔŋ kámá ɔ botɛr ámɛrá ta mátáy ama Pólánj ɔ fɔf.
- ¹⁵Ma a po baftays kɔ yi kabɔr kɔŋ-e, ɔ nɛmthɛnɛ su ɔ pa, Bepi nɔ gbɛk kɔpa minɛ i yi ubɔthi lanɛ ka ɔMariki-e, der nu ka áŋsɛth a mi, nɔ yianɛ ri. Kɔ kithinɛ su.
- ¹⁶Ka pɔ rɛ yi ma sɛ kɔnɛ ka ɔɔɛr ɔramnɛ-e, uwath bɛra ulɔm ɔwɛ ba ukɔrɛfi ka káthupɔs ɔ bɔp su, ɔwa ɔmarki kɔŋ ɔ la sɔthɔ amunafa afinɔ ka káthupɔs kɔŋ.
- ¹⁷ɔwɛ-ɔŋ, ɔ táŋ Pólánj yi saŋ rɔ kɛsɛl ɛrɔŋ kɔpa, Afɛm aŋɛ aŋ yi ɛbɔy ya ɔKuru ɔwɛ yi rokɔm kɔm, aŋa mɔ tɔri nu arɔŋ ra kákisi.
- ¹⁸ɔ po yɔ áte ta mɔrɛy mɔgbáthi gbáthi, kɛrɛ ma pɔ kɛtha Pól rɔ amɛra-e, ɔ lafthɛ ɔ pa ka ɔkɔrɛfi, I yamari mu ka áŋɛs ŋa Yisɔs Krayst, wur ka ɔwath ubɛra. Kɔ wur ka ɔlɛmp wati.
- ¹⁹ɔwa ma amarki ŋɔŋ aŋ nɔnk kɔpa áŋsabu ŋa kamunafa ka ŋaŋ aŋ pɔŋ-e, aŋ wop Pólánj yi Sailas-ɔŋ, aŋ kɛra ŋa ka ɔɔɛr ɔthila rodi ka áŋgbɛka.
- ²⁰ɔwa maŋ kárá ŋa ka áŋbáy aŋ pa, Aŋfɛm aŋɛ, maŋ yi aYuda, aŋ bora kɛsɔmpa kápet kásu,
- ²¹ɔwa aŋ thɔksa ɛsiraŋ ɛyɛ sɛ tɛ gbɛli malanɛ, thalɔm wop, ma sɛ yi aRom.
- ²²Ka áruniya rɔ yokar ŋa, ka áŋbáy aŋ bus ásuma taŋ rɔ kɔpimɔs ti, kaŋ yamari kámá a sapa ŋa tɔsɛthɛ.
- ²³Maŋ po sap ŋa-e, aŋ bot ŋa ka áŋsɛth ŋa tárɔŋka, kaŋ yamari ɔbumɔr kámá ɔ bɛnɛ ŋa ɔbaksɔr.
- ²⁴ɔwa kɔnɔ-e, ma ɔ po sɔthɔ ayamari awunɔŋ-e, ɔ bot ŋa ka áŋkonko rokor, ɔ tand ŋa ka áŋkuy.
- ²⁵Kɛrɛ mɔlɔ ma kɔrɛn datɔŋ Pól yi Sailas aŋ ramnɛ aŋ lensir Kuru rɔ mɔlɛŋ, ɔwa antɛndɛbira aŋ tɔlá ŋa.



- ²⁶Ɔwa ka ɔlɛmp wati aɲthɔf aɲ yer kɔyer kɔbana haɲ ɔtɔma wa aɲseth ɔ yɲkthane. Ka ɔlɛmp wati tadare be tɔ kanthe, ɔwa mɔsekɔranɛ ma wuni o wuni mɔ sɔlɛ.
- ²⁷Ɔwa ma ɔbumɔr ɔ thɔmɛ-e, ɔ nɔnk tarare ta aɲseth ɲa tɔrɔɲka be tɔ kanthe, kɔ tali aɲgbathɔ ɲɔɲ, ɔ yema difnɛ pɔkasifɛ ɔ nane kɔpa atendɛbira aɲ po tɔɲk.
- ²⁸Kɛrɛ Pɔlɔɲ ɔ ɲata rim ɔ pa, Te yɔnɛ ɔbaɲ, kotɔy-e saɲ be sɔ yi nɔ.
- ²⁹kɔ tela ta amotha, ɔ wɔɲ, ɔ gbɔpsa rodi ka Pɔl yi Sailas-ɔɲ yi kɔyer,
- ³⁰kɔ wurɔ ɲa rokɔɲ, ɔ pa, Pa-ɲaɲ, to mɔ i yɔ kɔmɔ i kisi-e?
- ³¹kaɲ pa, Lanɛ ka ɔMarki Yisɔs Krayst, ɔwa mɔ tɔ kisi, munɔɲ yi kabɔr ka mu be.
- ³²kaɲ fɔfɔnɛ kɔ ɔrim ra ɔMarki, yi ɲaɲ be aɲa yi ro seth kɔɲ.
- ³³Ɔwa ka aɲhawa ɲati gbɛɲ ka tɔtɔk, ɔ gbasi ɲa, kɔ yak tɔsam taɲ, ka a baftays kɔ yi aɲfɔm ɲɔɲ sɛɲk.
- ³⁴Kɔrarɔɲ kati ɔ kɔrɔ aɲsom ro seth kɔɲ, ɔ bot ɛyɛt ɛdi rodi ka ɲaɲ, kɔ sel mɔbɔnɛ yi kabɔr kɔɲ be, ma ɔ po lane Kuru.
- ³⁵Kɛrɛ ma pɔ po sɔk-e, aɲbɔy aɲ som ɛbɔy yaɲ tɔ kɔpa, Ter aɲfɔm aɲaɲ kɔmɔ aɲ kɔnɛ.
- ³⁶Ka ɔbumɔr ɔ kane Pɔlɔɲ, aɲbɔy aɲ som tɔ kɔter nu nɔ kɔnɛ, tiyɔɲ wur nu, kɔnɛ nu yi mɔthɔfɔl.
- ³⁷Kɛrɛ Pɔl ɔ pa ro rɔɲaɲ, Aɲ po sap su gbafɔth kɔte fɔf aɲpa a su, ma sɔ yi aRom, kaɲ bot su ka aɲseth ɲa tɔrɔɲka. Ɔwa ka-ake aɲ yema wurɔ su gbo sɔi-i? Yi thahɔ. Thambe ɲaɲ gbɛɲ aɲ der wurɔ su.
- ³⁸Ka ɛbɔy aɲ kane aɲbɔy ɔsim ɔte, ɔwa aɲ nesa maɲ tɔl kɔpa aɲ yi aRom.
- ³⁹kaɲ der aɲ nɛmthɛnɛ ɲa, ɔwa maɲ po wurɔ ɲa aɲ yif ɲa kɔmɔ aɲ wur ka kɔpet.
- ⁴⁰Ma Pɔlɔɲ yi Sailas-ɔɲ aɲ wur ka aɲseth ɲa tɔrɔɲka-e, aɲ wɔɲ ka aɲseth ɲa Lidia. Ɔwa maɲ po nɔnk aɲwɔnt-e, aɲ bɛfɔth ɲa, kaɲ kɔnɛ.

Mayɔs Ma Aɲsom 17

- ¹Ɔwa maɲ po thas ro Amfipolis yi ro Apoloniya-e, aɲ der ro Thesalonika, ro aɲseth agbanɛ ɲa aɲYuda aɲ yi.
- ²Ka Pɔlɔɲ, mɔ mɔ matanɛ mɔɲ mɔ yi, ɔ wɔɲ yi ɲaɲ, ɔwa ka ɛsabath ɛsas ɔ fɔfɔnɛ ɲa ta mɔgbal
- ³ama ɔ yeksi gbɔraɲ, kɔ tɔri kɔpa Krayst a ba tɔ kɔnakasi, dɛ yi tɔ kɔkal yokanɛ ka aɲfi. Kɔ pa, Yisɔsɔɲ ɔwe ta ɔwe i tɔri nu, kɔnɔ ɔ yi ɔKrayst.
- ⁴Ɔwa ɔruniya rɔbana kɔtɔɲ ka aɲKrik aɲa bɔtho Kuru yi agbɔthi ka aɲkɔrbomp kɔtɔɲ ka ɲaɲ aɲa bɔtho Kuru-e, aɲ gbapsa Pɔl yi Sailas-ɔɲ.



- ⁵Kere aŋYuda alom aŋa te lane, maŋ la ketut-e, aŋ thonklane akobali ka alaŋgba ayay, kaŋ fak atotok ro pet. Aŋ tura aŋseth ŋa Yeson, aŋ thens tɔ kəkara Pɔlɔŋ yi Sailas-aŋ ka aŋfɔm.
- ⁶Ɔwa maŋ te fir ŋa-e, aŋ te lins Yeson yi aŋwont alom rodi ka aŋbɔy ŋa kɔpet, kaŋ wona aŋ pa, Aŋe-e, aŋa po lafthi adaru, aŋ der nɔ sɔ,
- ⁷aŋa Yeson ɔ yia; aŋe be aŋ sai etho ya Sisar, aŋ pa, Ubay ulom ɔ yi, Yisos okin.
- ⁸Ka pɔ sɔmpa aŋfɔm yi aŋbɔy ŋa kɔpet maŋ tɔl matay ame.
- ⁹Maŋ po sɔtho maseke ka Yeson yi aŋlom-e, aŋ ter ŋa aŋ kone.
- ¹⁰Ka ɔlemp wati aŋwont aŋ somra Pɔl yi Sailas-aŋ ro Beriya tatɔk. Daŋ mon-e, maŋ bek ri-e, aŋ won ka aŋseth agbane ŋa aŋYuda.
- ¹¹Ɔwa aŋe aŋ yi afɔm atal pethasi ŋaŋ aŋa yi ro Thesalonika, kotay-e aŋ malane arim yi emera eselo, aŋ gbengben magbal ma Kuru arey o rey, kamɔ aŋ tara bepi matay ame mɔ yi taten.
- ¹²Tiyɔŋ agbathi keton ka ŋaŋ aŋ lane; aŋfɔm abom aKrik ayola, yi aŋruni sɔ, agbathi gbo.
- ¹³Kere ma aŋYuda ro Thesalonika aŋ tɔl kɔpa Pɔlɔŋ ɔ tamɔs sɔ arim ra Kuru ro Beriya-e, aŋ der ri sɔ kaŋ pɔr aŋfɔm.
- ¹⁴Ka ɔlemp wati aŋwont aŋ kera Pɔlɔŋ haŋ ro baŋ, kere Sailas yi Timothi-aŋ aŋ tiya ri.
- ¹⁵Kere ŋaŋ aŋa paya Pɔlɔŋ aŋ kɔ haŋ aŋ bek ro Athens. Ɔwa maŋ sɔtho ayamari ta Sailas yi Timothi kamɔ aŋ timone tɔ kader ro ŋon-e, aŋ kalane.
- ¹⁶Ɔwa ma Pɔlɔŋ ɔ kar ŋa ro Athens-e, aŋmerɔ ŋon aŋ sɔmpa kɔ ma ɔ nɔnk kɔpet kɔ la yet epathɔs.
- ¹⁷kɔ fofane aŋYuda ka aŋseth agbane yi aŋfɔm alom aŋa batho ri, yi aŋfɔm aŋa ɔ bɔp ka ɔder othila arey o rey.
- ¹⁸Ka aŋfɔm atempi alom, aŋɛpikurian yi aŋStoik aŋ bɔp kɔ. Alom aŋ pa, To wuni thelma ɔwe ɔ yema pa-e? Aŋlom aŋ pa, Pɔ yi mɔ ɔ tam ta aturu tetel, pekasife ɔ tɔri ta Yisosan yi kayokane ka rafi.
- ¹⁹kaŋ wop kɔ aŋ kara kɔ ro Areopakos, aŋ pa, Sɔ yema tara to kethaksa kafu ake kɔ yi, ake ma mɔ fof-e?
- ²⁰kotay-e mɔ kara matay metel melom ka elens e su. Tiyɔŋ sɔ yema tara ko matay ame mɔ yi.
- ²¹(kotay-e aŋAthens be yi aŋtik aŋa yi ri aŋ ba he tay tɔ keyɔ, thambe tɔ kefɔf thalom tɔ kɔsu elens ka atay tɔfu).
- ²²Ka Pɔlɔŋ ɔ tamɔ ka aŋAreopakos raton, ɔ pa, Na aŋfɔm aruni ŋa ro Athens, i nɔnk kɔpa nɔ yi afɔm awopɔs edina.



- ²³Átesoma-e má má i thasəs-e, i kəli eyet eye nə bətho, ka i nənk abesə ro a gbal, TA OKURU OWE sə TE TARA. Kəno owe nə bətho kəte kə tārā, kəno kati mə i təri nu.
- ²⁴OKuru owe bempa ádāru yi koko bə ara yi ri, ma kəno o yi oMarki ka ro riyana yi ádāru, o yirā hē rə eseth eramne eye a bempa yi mēta;
- ²⁵thalom a ba hē kəyona kə yi mātā ma afəm, tə kəyi mə o paŋ rəka, ma pə yi kən kənəne o səŋ bə eŋesəm, yi aŋesəm yi eyet bə.
- ²⁶kə bempa ka mətir min tābona ta aŋfəm sɛŋk kāmā aŋ yirā ka aŋthof rokəm bə, kə po botəs ŋa eləkə yi tənəŋkəra ta əyira wəŋ,
- ²⁷kāmā aŋ thens Kuru, bepi aŋ gbəli bəlbela ta atəŋ tə kəfir kə, halisa o bəlāne hē ukin o kin kāsū.
- ²⁸kotāy-e, ro rəŋəŋ sə ŋesəm, sə borāne owa sə yi, mə mə məgbal mələm ma əleŋ ka nu mə pa, Saŋ sə sə yi rākomra rəŋ.
- ²⁹Owa ma sə yi rākomra ra Kuru-e, pə mar hē sə nanə kəpa raKuru rə bəlāne mə abəŋə thaləm akala áferā, thaləm ásar eye wuni kəpet mə path rə məsəth yi kətemp kəŋ.
- ³⁰Tiyāŋ Kurəŋ o paysa efər ka eləkə ya kate tārā, kere ka-ake o yamari aŋfəm dər o dər tə kəthupi.
- ³¹Pəkəsifə o po bot ərey ma o ba kəthoŋkas ádāru rə mələmpi ka kātā ka əwuni owe o po thith. Owa o po səŋ ti mələnəne ka aŋfəm bə ma o po yokas kə ka rafi.
- ³²Maŋ təl ta kəyokane ka aŋfi-e, aləm aŋ sel, aləm aŋ pa, Sə tə sua mu eləns sə ta áte.
- ³³Ka Pəlāŋ o wur kətəŋ ka ŋaŋ.
- ³⁴Kere afəm aruni aləm aŋ gbapsa kə, aŋ lanə. Diyonisiyos əAreyopakait o yi ukin ka ŋaŋ, yi wuni bom, aŋes ŋəŋ ŋə yi Damaris, yi afəm aləm.

Mayos Ma Aŋsom 18

- ¹Kədarəŋ ka mātāy ame Pəlāŋ o wur ro Athens, kə der ro Kərinth.
- ²kə bəp uYuda uləm, aŋes ŋəŋ ŋə yi Akuyla, owe a kom ro Pəntəs, yi ərani kəŋ Prisila; pə tha won hē maŋ wur ro Itali, pəkəsifə Klodios o po yamari aŋYuda bə tə kəwur ro Rom. Kə der ro rəŋaŋ.
- ³Owa ma o ba ratol din yi ŋaŋ-e, o yiane ro ŋaŋ, kaŋ bulə. Ratol ra ŋaŋ rə yi tə kəbempa eseth ya totha.
- ⁴kə fəfāne aŋYuda yi aŋKrik, o thənthə ŋa ka aŋseth agbanə asabath o sabath.
- ⁵Ma Sailas-əŋ yi Timəthi-əŋ aŋ bek kəwur ro Masidonia-e, ərim rə gbukthi Pəlāŋ tə kəsəŋ məseri ka aŋYuda kəpa Yisəsāŋ kəno yi əKrayst.



⁶Ɔwa maŋ kasi kɔ-e, aŋ kál tɛp tɛ kɛfɔf ɔlɛs-e, ɔ wɔnwɔn elopra yɔŋ, ɔ pa ro ŋaŋ, Mátir ma nu mə rensa ka tabomp ta nu. Minɛŋ i yi ugberaŋ. Kɛtɔp ka-ake i ti kɔnɛ ka tábona tɔlɔm.

⁷kɔ wur ri ɔ wɔŋ ka aŋseth ŋa ulaŋgba ulɔm, aŋɛs ŋɔŋ ŋɛ yi Taytɔs Yɔstɔs, wuni ɔwe bátho Kuru. Aŋseth ŋɔŋ aŋ gberɛtɔnɛ aŋseth agbanɛ.

⁸Krispɔsáŋ, ɔgbɛka ka aŋseth agbanɛ, ɔ lanɛ ka ɔMarki yi kabɔr kɔŋ bɛ, ɔwa aŋKɔrinth agbáthi ma aŋ tɔl-e, aŋ lanɛ, ka a baftays ŋa.

⁹Ka ɔMarki ɔ pa ka Pɔl táták rɛ mɛnɔŋk, Te nesa, kɛrɛ fɔf. Te taŋk.

¹⁰I yi yi munɔŋ, ɔwa wuni o wuni ɔ gbɛli hɛ yɔ mu ɔbaŋ, átesoma-e i ba afɛm agbáthi ka kápet ake.

¹¹kɔ yirá ri kɔren kin yof tamthɛrukín, ɔ thɛksa árim ra Kuru kɛtɔŋ ka ŋaŋ.

¹²Ma Kalio ɔ yi ɔgbɛka ka ro Akaya, aŋYuda aŋ tura Pɔlɔŋ rɛ ámerá ŋin, ka a kára kɔ ro bare,

¹³aŋ pa, Ɔlaŋgba ɔwe ɔ thɔnthɔ aŋfɛm tɛ kɛbatho Kuru ka mɛpɛskɛ ma aŋthɔ.

¹⁴Ma Pɔlɔŋ ɔ yema fɔf-e, Kalio ɔ pa ka aŋYuda, Bepi pɛ yi tentɛnɛ táy tɛkɔnɔ táŋ, thalɔm mɛyɔs mɛlɛs maŋ-e, na aYuda, pɛ tɛ yi naŋ ɔlɔmpi mi tɛ kɛsua nu elɔns.

¹⁵Kɛrɛ bepi pɛ yi ɛyif ta tɛfɔf yi mes, yi ta aŋthɔ a nu-e, naŋ gberɛ kɛlɛnɛ yi nu, i yema hɛ yi uthɔŋkas ta mátáy mati.

¹⁶kɔ bál ŋa kɛwɔr ro bare.

¹⁷Ka ŋa bɛ aŋ bɛt Sɔsthenes, ɔwe yi rábomp ka aŋseth agbanɛ, aŋ sapɛth kɔ rodi ka kawaŋ ka kɛthɔŋkas. Kɛrɛ Kaliyɔŋ, tɔŋ tɛ yi hɛ ri ka mátáy amɛ.

¹⁸Kɔrarɔŋ kati ma Pɔl ɔ po won ri mɛrɛy mɛfisa-e, ɔ lemɛnɛ aŋwɔnt, kɔ báká rɛ abil tɛ kɛkɔ ro Siria, ka Prisila yi Akuyila aŋ paya kɔ. Ɔ po fonɛ rábomp rɔŋ ro Senkriya, kɔtáy-e ɔ po ba ri agbiŋ.

¹⁹Maŋ der ro Ɛfisɔs-e, kɔ tey aŋkos ŋɔŋ ri, kɛrɛ kɔn kɔnɔnɛ ɔ wɔŋ ka aŋseth agbanɛ, ɔ fɔfánɛ aŋYuda.

²⁰Maŋ nɛmthɛnɛ kɔ tɛ kɛyira ras-e, ɔ selɔ hɛ,

²¹kɛrɛ ma ɔ lemɛnɛ ŋa ɔ pa, I ti kál der sɔ ro rɔnu bepi Kurɔŋ ɔ selɔ. Kɔ báká rɛ abil kɛwɔr ro Ɛfisɔs.

²²Ma ɔ bek ro Sisaria-e, ɔ kɔ ro Yerusalem, kɔ kori aŋchɔch, kɛdarɔŋ kati ɔ kɔ ro Antiok.

²³Ma ɔ ba ri alɔkɔ agbut-e, ɔ wur ri, ɔ kɔth kɔth ka tathɔf ta ro Kaletia yi ro Frikia kámá ɔ báksɛr aŋkarande bɛ.



²⁴Ka uYuda ulom o der ro Efisos, anes non ne yi Apolos; a kom ko ro Aleksandria, wuni tara fof won, owa o ba afoso ka magbal mesem.

²⁵A po thaksa ko ta aroŋ da oMarki; owa ma o yi ofey re amera-e, o fof, owa o thaksa asobe matay ma oMarki, kere o tara gbo anbaftisem na Yon.

²⁶ko tep kefof yi kemintha ka anseth agbane. Kere ma Prisila yi Akuyla an tela ko-e, an kara ko ro seth ka nan, an yerkia ko aroŋ da Kuru fino.

²⁷Ma o yema fasi ro Akaya-e, anwont an gbaler ankarande kama an malane ko fino; owa ma o bek o mar na ogbathi ana po lane salata anbona,

²⁸atesoma-e o tham anYuda yi afoso abana gbafeth, ko tɔri ka magbal kɔpa Yisosan konɔ yi oKrayst.

Mayos Ma Ansom 19

¹Ka pe re yi ma Apolosan o yi ro Korinth-e, Pol o thas ka anthof ana yi ka kamerɔ, ko der ro Efisos, ko bep ri akarande alom.

²ko pa ro nan, Ne po sotho oYina mesem ma ne lane-i? kan pa ro non, Se tha tel he ras bepi oYina mesem o yi-e.

³ko pa, Ko abaftisem a baftays nu-e? kan pa, Ka anbaftisem na Yon.

⁴Ka Pol o pa, Yonan o baftays anbaftisem na kathupi, o kane anfem kɔpa an yi to kelane owe me der kedareŋ kon, konɔ yi Yisos Kraystan.

⁵Man tel ate, an yo a baftays na ka anes na Yisos Krayst.

⁶Owa ma Pol o reŋ na mata mon-e, oYina mesem o thorɔr na; kan fof tent, an nabi.

⁷Da be an yi afem aruni tofot narɔn.

⁸Ka Polan o won ka anseth agbane, o fof re kemintha molɔ ma yof esas, o fofane owa o thontho na ta matay ma rabay ra Kuru.

⁹Kere ma alom an gboljane, owa an kasi lane, owa rodi ka aruniya an fof olɔs ta aRon-e, o wur ro nan, ko gbaski ankarande, o thaksa na arey o rey ka anskul na Tirenɔs.

¹⁰Ka ate to yi molɔ ma teren terɔn. Tiyan na be ana yira ro Asia, anYuda yi anKrik, an po tel arim ra oMarki Yisos.

¹¹Ka Kuru o yo mayos mekabane ka mata ma Pol,

¹²han a kera egbasa yi atotha ka antuy kewur ka ander na Pol, owa tatu to gbape na, owa ankɔrɔfi alɔs an wur na.

¹³kan Yuda alom athasɔs-thasɔs ana me wuro akɔrɔfi-e, an mem to kabontɔs anes na oMarki Yisos rokɔm ka nan ana ba akɔrɔfi alɔs, kɔpa, I yamari nu ka Yisos owe Polan mo tamɔs, to kewur.



- 14Ka awuth aruni tãnthãderëŋ ña Skifa, uYuda, urëbomp këtëŋ ka aŋfode, aŋ yò áte.
- 15Ka òkërëfi ulës ò pa, I tãrà Yisòsàŋ, òwa i tãrà Pòlàn, kërë na kanë-e?
- 16Ka òlanŋba òwe ba òkërëfi ulës ò fumpër ña, kò tim ña, kò tham ña haŋ aŋ wur ka àŋseth ñati, ña atìŋ dë yi kèba tèsam.
- 17AŋYuda dë yi aŋKrik bë aŋa yirà ro Èfisòs, aŋ tãrà áte, ka rënes rë wop ña bë, òwa aŋ bondës àŋes ña òMarki Yisòs.
- 18Òwa afëm agbãthi aŋa po lanë-e, aŋ der aŋ gbithanë, kaŋ lómës màyòs maŋ.
- 19Òwa afëm agbãthi aŋa yò rëmen, aŋ kàrà átáfà ta ñaŋ der rëkin, kaŋ thoy ti ro der kèdi ka aŋfëm bë; òwa aŋ lómës amòlò mati, kaŋ fir kèpa mē yi mòlò ma epòn ewul yerëŋ.
- 20Yaŋ àrim ra òMarki rë bondà òbana, òwa rë sothò kètham.
- 21Òwa kèdarëŋ ka màtày ame-e, Pòlàn ò botës ka àŋmerà ñòŋ kèpa ò tē kòth ro Masidonia yi ro Akaya, tē kəkò ro Yerusalem, kò pa, Bepi i wur ri-e, tha i nēnk ro Rom.
- 22kò som afëm ñarëŋ aŋa mē mar kò, Timòthi-əŋ yi Irastòs, ro Masidonia, kërë kòn kònòne ò yirà ras ro Asia.
- 23Àŋlòkò ñati asolgbontho abana aŋ yokanë ro pet ta aRòŋ,
- 24kotày-e wuni lóm ri-e, àŋes ñòŋ ñà yi Dimitriyòs, ukàbi ka àŋkala àferà, òwe mē bempa èburu è mēsar ta kabãtho ka Dayana, òwa ò kàrà mēpanth mēgbãthi ka aŋa mē yò ràtol rati;
- 25kònò thonkla ña der rëkin, dë yi aŋfëm ña mapanth min mati, kò pa, Pa ñaŋ, nē tãrà kèpa ka màpanth ame rà mà sē sothò ràyola ràsu.
- 26Òwa nē nēnk, nē kál təl kèpa pē yi hē gbo ro Èfisòs son-e, kërë pē bun yi ro Asia bē, Pòlàn òwe ò po thonthò òwa ò po lãfthi afëm agbãthi, kò pa, Turu thahò aŋa a bēmpans mēta.
- 27Tiyàn pē yi hē gbo mapanth ma su son ama wòŋ mēlap, kërë a tē sēki àŋseth ña òkuru ubera ubana Dayanaŋ, àyay òwa pē won hē a tē thora kò ka aŋyiki ñòŋ, kònò òwe ña bē ro Asia yi àdàru mēaŋ bãtho.
- 28Maŋ təl áte-e, aŋ bansà kèbansa kèbana, kaŋ sel eròŋ, aŋ pa, Dayana òka aŋÈfisòs ò yi ubana.
- 29Ka kápēt bē kē la yi mēsokanë, ka aŋfëm aŋ wop Kayòs yi Aristarkòs, afëm ña ro Masidonia, aŋkos ña Pòl ka àŋbiyas, kaŋ kàrà ña kēgbukëŋ ka òder òwol.
- 30Ma Pòlàn ò bun wòŋ tē kəfəfanë aŋfëm-e, aŋkarande aŋ selò hē ò yò yi.
- 31Òwa afëm abana alóm ro Asia aŋa yi aŋyathki ñòŋ, aŋ som ro ñòŋ, aŋ nemthene kámá ò te wòŋ këtëŋ ka aŋfëm.



- ³²Tiyán alóm aṅ woṅa áte, alóm átāṅ, kotáy-e áruniya rə səkane; ɔwa agbáthi pay aṅ te he ko som aṅ thonḱlane der rəkin.
- ³³kaṅ wurɔ Aleksandər kətəṅ ka áruniya, ka aṅYuda aṅ təmər kə kədi. Ka Aleksandər ɔ ṅata káta kəṅ kámá aṅ taṅk kámá ɔ fɔfáne aṅfəm.
- ³⁴Kere maṅ sɔthne kəpa ɔ yi uYuda-e, ṅa be aṅ woṅa mɔlɔ ma ehawa yerəṅ kəpa, Dayana ɔka aṅɛfisɔs ɔ yi ubana.
- ³⁵Ma ɔgbal ka kápet ɔ po thɔfələs áruniya-e ɔ pa, Naṅ alaṅgba ṅa ro ɛfisɔs, ko wuni wəṅ ɔwe te tára kəpa kápet ka aṅɛfisɔs kə yi ɔbumər ka áṅseth ṅa Dayana ubana, yi mábaláne ama fumpɔ kəwur ka Yupita-e?
- ³⁶Tiyán ma a te gbəli pənsa mátáy ame-e, nə yi tə kətaṅk, pə mar he nə yɔ táy ɔ táy kəte mɔtha nanə.
- ³⁷kotáy-e nə po kára aṅlaṅgba aṅe nə; aṅ yi he alukəs eyet ya ɛseth ebátho, ɔwa aṅ fɔf he ɔləs ta ɔkuru kásu ubera.
- ³⁸Tiyán bepi Dimitriyɔs yi aṅfəm aṅa yɔna kə məpanth-e, aṅ ba apa yi wuni ɔ wuni, ebare ɛ kanthe, ɔwa aṅbáy aṅ yi ri. Ta aṅ fákətháne tətək.
- ³⁹Kere bepi nə yif ta táy ɔ táy təlóm-e, a tə gbək ti ka aṅbare.
- ⁴⁰Átesoma-e, tə tentene a gbəli gbanthir su ta aṅsolgbontho thonəṅ, maṅ te ba asabu. ɔwa sə ba he ro sə gbəli kat kere ta ti.
- ⁴¹Ma ɔ po pa áte-e, ɔ sakthi aṅgbane.

Mayɔs Ma Aṅsom 20

- ¹Kədarəṅ ka ma aṅyagba aṅe aṅ poṅ-e, Pólāṅ ɔ som kətela aṅkarande, kə bəkəs ṅa təbuth, ɔ lemne ṅa, kə wur ri tə kəkɔ ro Masidoniya.
- ²Ma ɔ po kəth kəth ka egbaṅp eye-e, ɔwa ɔ po səṅ ṅa emaṅ egbathi-e, ɔ der ro Kris, ro ɔ yirá yof ɛsas.
- ³Ma ɔ pai tə kəbáká rə ábil tə kəkɔ ro Siriya-e, ɔ fir kəpa aṅYuda aṅ səth kə kə botəs tə kəkalanə ro Masidoniya.
- ⁴ɔwa Sopita ɔwe ro Beriya, Aristarkəs yi Sekəndəs ṅa ro Thesalonika, Kayɔs ɔwe ro Dabi, yi Timóthi-əṅ, de yi Tikikəs yi Trofimɔs ṅa ro Asia sə aṅ paya kə.
- ⁵Kere aṅe aṅ təmá su kədi, aṅ bə kar su ro Troas.
- ⁶ɔwa saṅ sə wur ro Filipay rə ábil kədarəṅ ka amet ma kabo kəpaṅi egbith, ɔwa ka mərəy tamath sə bəp ṅa ro Troas, ro sə ba mərəy tāmthəderəṅ.
- ⁷Ka aṅrey átətəkɔ ṅa aṅyik, ma sə gbane der rəkin tə kəsimeṅth kəbo-e, Pólāṅ ɔ fɔfáne ṅa, kə botəs tə kəkəne ka ninəṅ, ɔ kál básər fɔfáne ṅa haṅ kəren datəṅ.
- ⁸Emothá egbáthi ɛ yi ka aṅkonko rokóm ro sə po gbane.



- ⁹Ulangba ulom owe ba anes na Yutikos o yira ka anwinda, ka morey me bak ko, owa ma Pol o baser gbo kaf-e, marey me thaser ko, ko ranthome, o fumpo ro thof kawur ka andek ana beka esas, ka a gbasi ko ufi.
- ¹⁰Owa Polan o thor, o fumper ko, ko mampelane ko, o pa, Te nu soli, anesem non an yi ri ras.
- ¹¹Owa ma o kal gbep-e, o simeth kabo, o di, owa o kal fofane na owoni han pe sok, ko kone ten.
- ¹²Owa an kara olanba ukali, ka pe bone na othaser.
- ¹³Kere ma san se tema kedi-e, se baka ro bil te keko ro Asos, re se nane Pol o te baka; kotay-e ya o botas ti, kon konone o nane te ketan ro gban.
- ¹⁴Owa ma o bep su ro Asos-e, o baka, ka se der ro Mitiline.
- ¹⁵Ma se wur ri-e, ka anrey alom se bek ro Kiyos; owa ka anrey ana tanda-e, ro Samos, owa ka anrey ana kal tandra-e, se bek ro Militos.
- ¹⁶Atesoma-e Polan o po botas ti te kethas ro Efisos kama o te ba kawon ro Asia; kotay-e o timone kama bepi o gbali-e, o bek ro Yerusalem ka anrey na Pentikost.
- ¹⁷Owa kawur ro Militos-e, o som ro Efisos te ketela anbaki na anchoch.
- ¹⁸Owa man po der ro ronan-e, o pa ro nan, Nan ne tara katop ka anrey atotoko ana i won ro Asia, to matane ma mi me yi keton ka nu aloko be,
- ¹⁹ma i batho oMarki yi amera athorane, yi mantor megbathi, yi ansompanen ana eyanfa ya anYuda e kara mi;
- ²⁰to i te tey te ketori nu tay o tay ata gbali mar nu, kere i thaksa nu gbafeth, owa ro aseth o seth
- ²¹i seri ka anYuda yi anKrik kathupi ka Kuru, yi kalane ka oMarki kasu Yisos Krayst.
- ²²Owa ka-ake, kela, i ko ro Yerusalem yi amera asekarane de yi kete tara ata ba kebep mi ri;
- ²³pathas gbo ro ketep o pet oYina mesem o seri mi gbafeth kopa toronka yi esompane e kar mi.
- ²⁴Kere matay ame me yo he i borane, owa i gbasi he anesem a mi mo raka rebaki molo ta ata mi, kanka gbo i gbali gbanthi anbara a mi yi mebone, de yi mapanth ama oMarki Yisos o son mi, te kaseri akera kafino ka anbona na Kuru.
- ²⁵Owa ka-ake, kela, i tara kopa na be-e, keton ka ana i la koth koth te ketames rabay ra Kuru-e, ne ba he kononk ader ra mi so.
- ²⁶Tiyon i seri nu thonon kopa mine i yi ugboran ka matir ma afem be.
- ²⁷kotay-e i la he tey ketori nu taten ta Kuru Mesaba be.



- ²⁸Tiyán botne nu, ɔwa kál támtámne ta akuthi be ka aña ɔYina mäsəm ɔ po bot nu aňkälene-e, kámá nə wonthər aňchöch ɲa ɔMarki aña ɔ po wai ka mátir mɔɲ gbeɲ.
- ²⁹I tára kəpa kədarəɲ ka kakəne kámi tətholu təbaɲ aɲ tə wəɲ kətəɲ ka nu, aña mə te ba áney ta akuthi.
- ³⁰ɔwa afəm aruni aɲ tə yokane kətəɲ ka nu gbeɲ, ɔwa aɲ tə fəf mátáy məkənə kámá aɲ liɲane aňkarande.
- ³¹Tiyán bum nu, ɔwa kala nu emerá kəpa gbəs pali-əɲ, móló ma tərən təsas, i tey he kəmaɲ wuni o wuni yi mantər.
- ³²ɔwa ka-ake i lánki nu ka Kuru yi ka árim ra aňboɲa ɲəɲ, ara ba afəsə tə kəbaksər nu, de yi tə kəsəɲ nu ani kətəɲ ka ɲaɲ aña a po səməs.
- ³³I la he fela akala áferá, abəɲə thaləm elopra ya wuni o wuni.
- ³⁴Naɲ nə tára kəpa máta ame mə po səthəne ara i yema, yi ta ɲaɲ sə aña yi yi minəɲ.
- ³⁵I po səɲ nu aməl ka mátáy be, kámá mə mə nə yə məpanth mə minəɲ-e, nə yi tə kəmar aña te ba afəsə, yi tə kəkala ámerá ka ásim ta ɔMarki Yisəsəɲ ma ɔ pa, Kásəɲ kə ba aruba pəthasi kasəthə.
- ³⁶ɔwa ma ɔ po fəf yaɲ-e, ɔ sə təwu, kə ramne yi ɲaɲ be.
- ³⁷ɔwa ɲaɲ be aɲ bok kəbok kəbana, aɲ mampəlane kə ro lim, kaɲ muməl kə.
- ³⁸Pə tha nəsinə ɲa be ta ásim áte ɔ kanə ɲa kəpa aɲ ba he kənəɲk ader rəɲ sə. Kaɲ paya kə ro bil.

Mayəs Ma Aňsom 21

- ¹ɔwa ka pə re yi kədarəɲ ka ma sə sakane yi ɲaɲ-e, sə báká ka sə der toloɲ ro Kos, ɔwa ka aňrey aləm ro Rods, ɔwa kəwur ri sə der ro Patara.
- ²ɔwa ma sə bəp ri abil aña yema fəsi ro Finisia-e, sə báká ka sə kəne.
- ³Ma sə po nənk ro Saiprəs-e, sə tey ki ka káməro, sə kə ro Siria, ka sə sə ro Tair; kotáy-e rə mə a bák akothə ka aňbil.
- ⁴Ma sə po bəp aňkarande-e, sə yirá ri mərey támtəderəɲ. Aɲe aɲ kanə Póləɲ ka aňfəsə ɲa ɔYina kámá ɔ te na ro Yerusaleɲ.
- ⁵ɔwa ma aňkori a su aɲ poɲ-e, sə kəne aňbiyas a su, ka ɲa be yi aňrani ɲaɲ yi aňwuth ɲaɲ aɲ paya su ro rəɲ haɲ sə wur ro pet. Ka sə sə təwu ro baɲ dayer, sə ramne.
- ⁶Ma sə po lemne ɲa-e, sə báká, kaɲ kálane ka eseth yaɲ.
- ⁷Ma aňbiyas kəwur ro Tair aɲ poɲ-e, sə der ro Tolameis, ka sə kori aňwənt, ɔwa sə yi yi ɲaɲ árey ɲin.



- ⁸Ka ɔ̃nɔrey alɔm sɛ wur ri, sɛ der ro Sisaria, ka sɛ wɔ̃ɔ ka ɔ̃nɔseth ɔ̃a Filip ɔ̃tamɛs ɔ̃kɛra kɛfɛnɔ ɔ̃we yi ukin ka antamthɛdɛrɔ̃ɔ̃. ɔ̃wa sɛ yirɔ̃ ro ɔ̃nɔ̃.
- ⁹ɔ̃wa ɔ̃lanɔ̃ba ɔ̃we ɔ̃ ba awuth abera afanɛ ɔ̃nɔ̃lɛ ɔ̃nɔ̃ mɛ nɔ̃bi.
- ¹⁰ɔ̃wa ma sɛ yirɔ̃ ri mɛrɛy mɛfisa-e, unabi ulɔm ɔ̃ wur ro Yudia, ɔ̃ ba ɔ̃nɛs ɔ̃a Akabɔs.
- ¹¹Ma ɔ̃ der ro rɔsu-e, ɔ̃ gbasi rasakoi ra Pɔlɔ̃n, ɔ̃ sek ɔ̃tɔ̃tɔk tɔ̃n yi mɔ̃ta mɔ̃n, ɔ̃ pa, ɔ̃Yina mɛsɛm ɔ̃ kanɛ kɛpa, ya ɔ̃nɔ̃Yuda ro Yerusalem mɛ ɔ̃nɔ̃ sek ɔ̃wan duni ɔ̃we ba rasakoi are, ɔ̃wa ɔ̃nɔ̃ tɛ lɔ̃nki kɔ̃ ka mɔ̃ta ma tɔ̃bona tɔ̃lɔm.
- ¹²Ma sɛ tɔ̃l ɔ̃sim ɔ̃te-e, sɔ̃n yi ɔ̃nɔ̃n ɔ̃nɔ̃ yi ka ɔ̃der wati, sɛ nɛmthɛnɛ kɔ̃ kɔ̃mɔ̃ ɔ̃ te kɔ̃ ro Yerusalem.
- ¹³Ka Pɔlɔ̃n ɔ̃ pa, kɔ̃yɛn mɛ nɛ bok-e, ɔ̃wa nɛ rantɔs ɔ̃nɔ̃merɔ̃ a mi-e? Min bɛnɛnɛ thɔ̃n, pɛ yi hɛ gbo kɔ̃mɔ̃ a sek mi, kɛrɛ tɛ kɛfi sɛ ro Yerusalem ta ɔ̃nɛs ɔ̃a ɔ̃Marki Yisɔs.
- ¹⁴ɔ̃wa ma ɔ̃ te selɔ̃ gbasi kɛnɔ̃l ka su-e, sɛ tey, sɛ pa, Ta mɔ̃selɔ̃ ma Kuru mɛ yɔ̃nɛ.
- ¹⁵Kɛdarɔ̃n ka marey amɛ-e, sɛ gbasi atothɛ ta su, ka sɛ kɔ̃ ro Yerusalem.
- ¹⁶Akarande alɔm ɔ̃a ro Sisaria ɔ̃nɔ̃ paya su, ɔ̃nɔ̃ kɔ̃rɔ̃ Neson ɔ̃we ro Saiprɔs, ukarande ukur, ka ɔ̃we sɛ yi tɛ kɔ̃yianɛ.
- ¹⁷Ma sɛ po bek ro Yerusalem-e, ɔ̃nɔ̃wɔ̃nt ɔ̃nɔ̃ malanɛ su yi mɛbɔnɛ.
- ¹⁸ɔ̃wa ka ɔ̃nɔ̃rey ɔ̃nɔ̃ tanda-e, Pɔlɔ̃n yi sɔ̃n sɛ wɔ̃ɔ ka Yemɔ̃sɔ̃n. ɔ̃wa ɔ̃nɔ̃bɔ̃ki bɛ ɔ̃nɔ̃ bɛpɛr ri.
- ¹⁹ɔ̃wa ma Pɔlɔ̃n ɔ̃ po kori ɔ̃a-e, ɔ̃ tɔ̃p ka ɔ̃tɔ̃pɛr tɛ kɔ̃lɔma ɔ̃a ɔ̃tɔ̃ Kurɔ̃n ɔ̃ po yɔ̃ kɔ̃tɔ̃n ka tɔ̃bona tɔ̃lɔm ka mɔ̃ta mɔ̃n.
- ²⁰Maɔ̃n tɔ̃l ɔ̃te-e, ɔ̃n thɔ̃kɔs Kuru, ɔ̃n kanɛ Pɔlɔ̃n, Wɔ̃nt su, mɛ nɛnk ma ɔ̃nɔ̃Yuda ɛwul ɛwul ɔ̃n lanɛ. ɔ̃wa ɔ̃nɔ̃n bɛ ɔ̃n ba afɛla tɛ kɔ̃wɔp ɔ̃nɔ̃thɔ̃.
- ²¹ɔ̃wa a po kanɛ ɔ̃a ta ɔ̃tɔ̃ mu kɛpa mɛ thɔ̃ksa ɔ̃nɔ̃Yuda bɛ ɔ̃nɔ̃ yi kɔ̃tɔ̃n ka tɔ̃bona tɔ̃lɔm tɛ kɛgbɔpɛ Mosisɔ̃n, dɛ yi kɔ̃mɔ̃ ɔ̃n te birɔns ɔ̃nɔ̃wuth ɔ̃nɔ̃, thalɔm tɛ kɔ̃tɔ̃nɔ̃nɛ matanɛ.
- ²²Tiyɔ̃n tɔ̃ pɛ yi-e? Tɛntɛnɛ ɔ̃n tɛ tɔ̃l kɛpa mɛ po der.
- ²³Tiyɔ̃n yɔ̃ ɔ̃te ɔ̃tɔ̃ sɛ kanɛ mu; sɛ ba afɛm aruni ɔ̃nɔ̃lɛ ɔ̃nɔ̃ ba asɛkɛranɛ.
- ²⁴Gbasi ɔ̃nɔ̃ kɔ̃mɔ̃ mɛ fɛthɛrnɛ yi ɔ̃nɔ̃, mɛ rama ɔ̃a kɔ̃mɔ̃ ɔ̃n fon tabomp taɔ̃. ɔ̃wa ɔ̃nɔ̃fɛm bɛ ɔ̃n tɛ tɔ̃rɔ̃ kɛpa pɛ yi hɛ mɛ ɔ̃n tɔ̃l ta ɔ̃tɔ̃ mu, kɛrɛ mun munɔnɛ mɛ kɔ̃th ɔ̃lɔmpi, rɛ kɔ̃wɔp ɔ̃nɔ̃thɔ̃.
- ²⁵Kɛrɛ ta tɔ̃bona tɔ̃lɔm ɔ̃tɔ̃ po lanɛ-e, sɛ po thɔ̃n gbal ti kɛpa sɛ gbɔk kɛpa ɔ̃n yi tɛ kɔ̃tɛi ɛyɛt ɛdi ɛyɛ a po wurɔ̃ sathka ka ɛyɛt ɛbumɛrnɛ, yi mɛtir, ɛyɛt ɛyifa, dɛ yi kɛrɛp.
- ²⁶Ka Pɔl ɔ̃ gbasi ɔ̃nɔ̃lanɔ̃ba, ɔ̃wa ka ɔ̃nɔ̃rey ɔ̃nɔ̃ tanda, ɔ̃ fɛthɛrnɛ yi ɔ̃nɔ̃, ɔ̃ wɔ̃ɔ ka ɔ̃nɔ̃seth ɔ̃a Kuru, ɔ̃ tɔ̃ri kalasɛr ka marey ma kafɛthɛrnɛ, ɔ̃wa ɔ̃n yi ri haɔ̃ ɔ̃ wurɔ̃ sathka ta ukin ɔ̃ kin ka ɔ̃nɔ̃.



- ²⁷Ɔwa ma marey tãnthëderëŋ mə yema poŋ-e, aŋYuda aŋa wur ro Asia, maŋ nënk kɔ ka aŋseth ŋa Kuru-e, aŋ pë r aruniya bë, kaŋ wop kɔ, aŋ ŋata sim aŋ pa,
- ²⁸Alaŋgba ŋa ro Isrël, mar nu. Ɔlaŋgba kɔnɔ ɔwe ɔwe mə thëksa aŋfëm bë der o der kəŋamne aŋfëm, yi aŋtho yi ɔder ɔwe. Ma pə thas ri-e, ɔ wɔŋa sɔ aŋKrik ka aŋseth ŋa Kuru, kɔ nɔkɔs ɔder ɔsəm ɔwe.
- ²⁹(kotáy-e aŋ la nënk Trofimɔs ɔwe ro Efisɔs yi Pólán ro pet, ɔwa aŋ nane kəpa ɔ po wɔŋa kɔ ka aŋseth ŋa Kuru).
- ³⁰Ka kápët bë kə yagba, ɔwa aŋfëm aŋ gbukë rəkin. Kaŋ lësa Pólán, aŋ lins kɔ kəwur ka aŋseth ŋa Kuru, ɔwa ka ɔlëmp wati aŋ kantha tadare.
- ³¹Ɔwa mə mə aŋ yema dif kɔ-e, kera kə der ka ɔkaptin ka akobali kəpa atotok abana aŋ yi ro Yerusalem.
- ³²Ka ɔlëmp wati ɔ gbasi atim yi akaptin, kɔ thorër ŋa. Ɔwa ŋaŋ-e, maŋ nënk ɔkaptin ubana yi antim-e, aŋ tey kəsapəth Pólán.
- ³³Ka ɔkaptin ubana ɔ wop kɔ, ɔ yamari kámá a tand kɔ yi tɔrentha tərëŋ; kɔ yif kən kanë-e, ɔwa átá ɔ po yɔ-e?
- ³⁴Ɔwa alóm kətəŋ ka aruniya aŋ wɔŋa táy tin, alóm táy təlóm. Ma ɔ te tärá aŋsabu ŋa antotok-e, ɔ yamari kámá a kárá kɔ ro barak.
- ³⁵Ma ɔ bek ka ɔgbepər-e, antim aŋ kəkər kɔ salata rabaŋ ra aŋfëm,
- ³⁶kotáy-e aruniya ra aŋfëm rə tãŋ, aŋ wɔŋa, Sibos kɔ nu.
- ³⁷Ɔwa mə mə a yema wɔŋa Pólán ro barak-e, ɔ pa ka ɔkaptin ubana, Mə selɔ i pa táy ro mu-i? kɔ yif kɔ, Mə tärá kaKrik-i?
- ³⁸Mun tha yi ɔEyipt ɔwe fak atotok aŋlɔkɔ, ɔwa mə wurɔ aruniya adifəth ewul yanlë ro wula-e?
- ³⁹Kerë Pólán ɔ pa, Mine i yi uYuda ka ro Tarsɔs áke ro Silisia, udure ka kəpët kəyay thahɔ. Ɔwa i nëmthene mu kámá mə selɔ i fəfáne aŋfëm.
- ⁴⁰Ɔwa ma ɔ po selɔ-e, Pólán ɔ tэмá ka ɔgbepər, ɔ tak takər aŋfëm kəta. Maŋ po taŋk-e, ɔ fəfáne ŋa ka akənt ka kaHibru, ɔ pa ye,

Mayɔs Ma Aŋsom 22

- ¹Awənt yi akas, ka-ake su nu eləns ka aŋgbaki a mi.
- ²Ɔwa maŋ təl kəpa ɔ fəfáne ŋa ka kaHibru-e, aŋ taŋk. Kɔ pa,
- ³Mine i yi uYuda, a kom mi ro Tarsɔs áke yi ro Silisia, kerë a rusəm mi ka kápët ake ka átátək ta Kamaliyél, a thëksa mi finɔ mə matane məgbenthis ma aŋtho ŋa aŋkas a su mə yi, ka afela abaŋ aŋ wop mi ta Kuru, hali mə mə naŋ nə yi thonəŋ.



- ⁴Ɔwa i sɔmpa ɲaɲ aɲa wop aRoɲ are haɲ hali pə yi tɔ kədif ɲa, i sekəth ɔwa i länki aɲfəm aruni yi aɲfəm abom kāmà a bot ɲa ka aɲseth ɲa tārəɲka.
- ⁵Hali sɔ ɔfode ubana ɔ tɔ seri ta átà mi, de yi aɲbàki sɔ; kəwur ro rəɲaɲ sɔ i sɔtho ereka ta aɲwont, ka i kɔnɛ ro Damaskɔs tɔ kəkara ɲaɲ aɲa yi ri ro Yerusalem asekəth, kāmà a thalər ɲa.
- ⁶Ka pə re yi ma i yi ka aɲbiyas a mi, ɔwa i fatər ro Damaskɔs-e, ka aɲlɔkɔ ɲa aret kəgbep-e, ɔlemp wati kəwale kəbana kəwur ka àkuru kəgbentha kə gbətɔnɛ mi.
- ⁷Ka i fumpɔ ro thɔf, ka i tɔlà rim rə pa ro rɔmi, Sɔl, Sɔl, kɔyɛɲ mà mɔ sɔmpa mi-e?
- ⁸Ka i lasi i pa Mun kanɛ-e Pa? kɔ pa ro mi, Minɛ yi Yisɔs ɔwe ro Nasareth ɔwe mà mɔ sɔmpa.
- ⁹Ɔwa ɲaɲ aɲa yi yi minɛɲ aɲ nənɲ kəwale tentɛnɛ, kɛrɛ aɲ tɔl hɛ àrim ra ɔwe fɔfànɛ mi.
- ¹⁰Ka i pa, To mɔ i yɔ-e, Pa? Ka ɔMarki ɔ pa ro rɔmi, Yokanɛ, mɔ wɔɲ ro Damaskɔs, ɔwa rə mɔ a tɔri mu màtáy bɛ ama a botà mu tɔ kəyɔ.
- ¹¹Ɔwa ma i te gbəli nənɲ salata aɲyiki ɲa kawale kati-e, ɲaɲ aɲa yi yi minɛɲ aɲ wop mi kəta, ka i wɔɲ ro Damaskɔs.
- ¹²Ka ulangba ɔwe ba aɲɛs ɲa Ananayas, ɔwe nesa Kuru ka makur ma aɲthɔ, ɔ ba ɲɛs afinɔ kətɔɲ ka aɲYuda bɛ aɲa yirà ri,
- ¹³Ɔ der ro rɔmi, ɔ tɔmà rayer kàmi, kɔ pa, Wont mi Sɔl, kàl sɔthɔ kakəli ka mu. Ka aɲlɔkɔ ɲati gbɛɲ i kəli kɔ.
- ¹⁴kɔ pa, ƆKuru ka aɲkas a su, ɔ po thith mu tɔ kətara màselɔ mɔɲ de yi tɔ kənəɲk ɔWuni lompi, ɔwa tɔ kətəl àrim ra kàsəɲ kɔɲ.
- ¹⁵kotáy-e mɔ ba kəyi aseri ta atɔɲ ka aɲfəm bɛ-e, ta átà mɔ po nənɲ yi átà mɔ po tɔl.
- ¹⁶Ɔwa kɔyɛɲ mà mɔ linsa-e? Yokanɛ, yɔ a baftays mu, mɔ yak əhake ε mu rə kətela ka aɲɛs ɲa ɔMarki.
- ¹⁷Ka pə re yi ma i po kàlanɛ ro Yerusalem-e, ma i ramnɛ ka aɲseth ɲa Kuru-e, i wɔɲ rə mərəy.
- ¹⁸Ka i nənɲ ɔ pa ro rɔmi, Timonɛ mɔ wur ro Yerusalem lemp lemp, pəkasifɛ aɲ selɔ hɛ malanɛ maseri ma mu ta átà mi.
- ¹⁹Ka i pa, Pa, ɲaɲ gbɛɲ aɲ tārà kəpa i bot ɲa ka aɲseth ɲa tərəɲka, ɔwa i sap ka əseth əgbanɛ ɲaɲ aɲa lanɛ mu bɛ.
- ²⁰Ɔwa ma a loɲ màtir ma Stifen aɲseri a mu, mine sɔ i tɔmà rayer, i selɔ ta ti, ɔwa i bɛnɛ əlopra ya aɲa dif kɔ.
- ²¹kɔ pa ro mi, Kɔnɛ, àtesoma-e i ti som mu ɔbɔli pɔɲ ka tábɔna təlɔm.



²²Ɔwa aŋ sua kɔ ɛlɛns haŋ ka ʔrim are, kaŋ ŋata ʔsim taŋ, aŋ pa, Ta a tɔŋa ɔwuni wunɔŋ ka ʔdʔru. Pɔ mar he ɔ ŋesɔm.

²³Mɔ mɔ aŋ sɔnkɔ-e, aŋ bus ʔsuma taŋ, aŋ lakɔs kabɔf rokɔm,

²⁴ɔkaptin ubana ɔ yamari kʔmʔ a kera kɔ ro Barak, ɔ kanɛ ŋa kʔmʔ a gbɛŋgbɛŋ kɔ yi kɛsɔp, kʔmʔ ɔ gbɛli tʔrʔ ʔtʔ som a selɛr kɔ ɛrɔŋ.

²⁵Ɔwa maŋ po sek kɔ yi nɛreka-e, Pɔlʔŋ ɔ pa ka ɔkaptin ɔwe tɔmʔ rayer, Mɔ ba afɔsɔ tɔ kɛsɔp wuni ɔwe yi uRom-i ɔwe a te tha sɔŋ mɔtheri-i?

²⁶Ma ɔkaptin ɔ tɔl ʔte-e, ɔ kɔ ka ɔkaptin ubana kɔ kanɛ kɔ, ɔ pa, Botnɛ ka ʔtʔ mʔ mɔ yɔ-e kotʔy-e ɔlanɔba ɔwe, uRom wɔŋ.

²⁷Ka ɔkaptin ubana ɔ der, ɔ yif kɔ, Kanɛ mi, munɔ mɔ yi uRom-i? kɔ pa, Aŋkɔ.

²⁸Ka ɔkaptin ubana ɔ pa, I sɔthɔ radure are rɔ akala abana. Ka Pɔl ɔ pa, Kɛrɛ minɛŋ, a kom mi uRom.

²⁹Ka ɔlɛmp wati ŋaŋ aŋa yema gbɛŋgbɛŋ kɔ aŋ wur ro ŋɔŋ. Ɔwa ɔkaptin ubana sɔ ɔ nesa ma ɔ tʔrʔ kɔpa Pɔlʔŋ ɔ yi uRom, pɔkasife a po sek kɔ.

³⁰Ka ʔŋrey alɔm, ma ɔ yema tʔrʔ tʔtɛŋ ʔtʔ som aŋYuda aŋ gbanthir kɔ-e, ɔ sɛli kɔ, ɔwa ɔ yamari aŋfode abana yi aŋSanhedrin bɛ tɔ kɛgbanɛ, kɔ kʔrʔ Pɔlʔŋ, kɔ tɔmɛr kɔ rodi ka ŋaŋ.

Mayɔs Ma Aŋsom 23

¹Ka Pɔlʔŋ ɔ kɛli aŋgbane tɔŋ, ɔ pa, Aŋwɔnt a mi, i po yi rodi ka Kuru rɔ ʔmerʔ ʔferʔ haŋ ka ʔŋrey aŋɛ.

²Ka Ananayas-ɔŋ, ɔfode ubana ɔ yamari ŋaŋ aŋa tɔmʔ kɔ rayer tɔ kɛgbantha kɔ ro sɔŋ.

³Ka Pɔlʔŋ ɔ pa ro ŋɔŋ, Kuru ɔ tɔ gbantha mu, munɔ agbɛŋgbɛŋ ʔferɛr ɔwe. Mɔ yirʔ tɔ kɛthɔŋkas ʔŋpa a mi kɛtʔŋʔnɛ ka ʔŋthɔ, ka mɔ kʔl yamari kʔmʔ a gbantha mi mɔ ʔŋthɔ aŋ te pa-i?

⁴Ɔaŋ aŋa tɔmʔ rayer aŋ pa, Mɔ nal ɔfode ubana ka Kuru-i?

⁵Ka Pɔl ɔ pa, Aŋwɔnt a mi, i tɛ he ti kɔpa ufode ubana wɔŋ, kotʔy-e a gbal kɔpa, Mɔ yi he tɔ kɛfɔf ɔlɛs ta ɔgbɛka ka aŋfɛm a mu.

⁶Kɛrɛ ma Pɔlʔŋ ɔ nɛnk kɔpa ʔgbʔp ŋin ŋa aŋfɛm aŋ yi aSadusi-e, ɔwa ʔgbʔp alɔm aFaresi-e, ɔ ŋata rim lɛɔ ka aŋgbane, ɔ pa, Aŋwɔnt mi, minɛ i yi uFarisi, uwan ka uFarisi. Ta kagbak ʔmerʔ yi kʔyokanɛ ka aŋfi, ta a re thonkas mi.

⁷Ɔwa ma ɔ po pa yaŋ-e, mɔputhane mɔ yokanɛ kɛtɔŋ ka aŋFarisi yi aŋSadusi, ɔwa ʔruniya rɔ gbayane.

⁸kotʔy-e aŋSadusi aŋ pa, Kayokanɛ kɔ yi he; kɛrɛ aŋFarisi aŋ gbithane yi bɛ.



- ⁹Ka esonko ebana e yokane. An̄karmoko ka an̄gbap̄ na an̄Farisi an̄ yokane, an̄ gbal an̄ pa, Sə ba he t̄ay t̄ales ka owuni owe. Bepi sothlom ayina, thalom wurɔ ɔ po fofane ko-e, tɔ ba tai-i?
- ¹⁰Owa ma m̄eputhane m̄ebana m̄ə po yokane-e okaptin ubana, ma ɔ nesa k̄əpa an̄ tɔ pimsane Pɔlan̄, ɔ yamari antim k̄am̄a an̄ kɔ kathi kɔ k̄etɔŋ ka naŋ k̄am̄a an̄ k̄ar̄a kɔ ro barak.
- ¹¹Owa ka ratatak̄ r̄elom ɔMarki ɔ t̄em̄a kɔ rayer, ɔ pa, B̄ak k̄əbuth, atesoma-e m̄ə m̄a m̄ə po seri ta at̄a mi ro Yerusalem-e, ya m̄ə ba sɔ tɔ k̄əseri ro Rom.
- ¹²Owa ma p̄ə sok-e, an̄Yuda an̄ sek̄erane r̄ə agbiŋ, an̄ pa an̄ di he, an̄ mun he haŋ an̄ po dif Pɔlan̄.
- ¹³An̄ yi athasi af̄em t̄əgba t̄ər̄əŋ an̄a sek̄ eyaŋfa eye.
- ¹⁴kaŋ der ka an̄k̄erbomp̄ k̄etɔŋ ka an̄fode yi an̄b̄aki, an̄ pa, Sə po sek̄erane r̄ə agbiŋ abana tɔ k̄ete th̄am̄ koko haŋ sɔ po dif Pɔlan̄.
- ¹⁵Tiȳan̄ sɔ yema naŋ yi an̄Sanhedrin an̄ kane okaptin ubana k̄am̄a ɔ k̄ar̄a kɔ ro r̄onu, p̄ə yi gbo m̄ə n̄ə yema b̄as̄ər̄ gb̄el̄eŋ an̄pa n̄oŋ ofino. Owa saŋ, yeŋka ɔ fat ri-e, sɔ po benene tɔ k̄ədif kɔ.
- ¹⁶Kere owan uruni ka owont bera ka Pɔl ɔ t̄el ta kas̄eth ka naŋ, kɔ der ɔ w̄oŋ ro barak, ɔ kane Pɔlan̄.
- ¹⁷Ka Pɔl ɔ tela ukin ka an̄kaptin, ɔ pa, Kera ɔlan̄gba owe ka okaptin ubana kot̄ay-e ɔ ba apa tɔ k̄et̄ori kɔ.
- ¹⁸kɔ gbasi kɔ, ɔ kera kɔ ka okaptin ubana, kɔ pa, Pɔl ok̄end̄ebira ɔ tela mi ro n̄oŋ, ɔ nemthene mi tɔ k̄əkera ɔlan̄gba owe ro mu; ɔ ba apa tɔ k̄et̄ori mu.
- ¹⁹Owa okaptin ubana ɔ wop kɔ ka k̄ata, kaŋ k̄one rayer, ɔ yif kɔ s̄oy, Ko m̄ə ba tɔ k̄et̄ori mi-e?
- ²⁰kɔ pa, An̄Yuda an̄ po ba dim din tɔ k̄enemthene mu k̄am̄a m̄ə k̄ar̄a Pɔl ka an̄Sanhedrin ninaŋ, p̄ə yi m̄ə an̄ yema b̄as̄ər̄ yif̄eth ofino ta at̄oŋ.
- ²¹Tiȳan̄ te selɔ ti, kot̄ay-e af̄em aruni athasi t̄əgba t̄ər̄əŋ k̄etɔŋ ka naŋ an̄ s̄eth kɔ, an̄ po sek̄erane r̄ə agbiŋ k̄əpa an̄ di he, an̄ mun he haŋ an̄ po dif kɔ. Owa ka-ake an̄ po benene, an̄ kar gbo an̄lahiri a mu.
- ²²Ka okaptin ubana ɔ ter ɔlan̄gba ɔ k̄one, ɔ kane kɔ, Te kane wuni ɔ wuni k̄əpa m̄ə po t̄ori mi m̄at̄ay ame.
- ²³kɔ tela ro n̄oŋ akaptin naŋ, ɔ pa, Thon̄kla nu atim t̄eme t̄ər̄əŋ tɔ k̄eko ro Sisaria, yi af̄em na t̄esoy t̄əgba t̄esas t̄of̄ot, de yi af̄em an̄a ba esor t̄eme t̄ər̄əŋ ka an̄hawa an̄a bek̄a m̄esas ka t̄atak̄.
- ²⁴kɔ yamari na sɔ k̄am̄a an̄ k̄ar̄a t̄esem k̄am̄a a reŋ Pɔlan̄ ri, tɔ k̄əkera kɔ othof̄el ka Filiks ɔgb̄eka.



²⁵kɔ gbal areka ka ásim áte kɔpa,

²⁶Klɔdiɔs Lisias ɔ kori Filiks ɔgbɛka.

²⁷AɲYuda aɲ wop ɔlaɲgba ɔwe, aɲ yema dif kɔ ma i thorɛr ɲa yi antim, ka i kisis kɔ ma i tãrã kɔpa ɔ yi uRom.

²⁸Ma i yema tãrã átã som aɲ gbanthir kɔ-e, i kera kɔ ka aɲSanhedrin a ɲaɲ,

²⁹ka i fir kɔpa a gbanthir kɔ ta ɛpa ya aɲthɔ ɲaɲ, kere a reɲ hɛ kɔ tãy átã mɔ yi tɔbeki tɔ kɔdif thalɔm tɔ kɔtand kɔ.

³⁰ɔwa ma a tɔri mi kɔpa a po sek yaɲfa ta ɔlaɲgba-e, i somra kɔ ro rɔmu, ɔwa i yamari aɲa gbanthir kɔ kãmã aɲ kanɛ mu átãy átã aɲ gbanthir kɔ-e. Ta mɔthɔfɛl mɔ yi ro rɔmu.

³¹ɔwa antim aɲ yɔ mɔ mɔ a yamari ɲa, kaɲ gbasi Pɔl, aɲ kera kɔ tãtãk ro Antipatris.

³²Kere ka rabɔth rɔlɔm aɲ ter aɲfɛm ɲa tãsoy tɔ kɔkɔ yi kɔnɔ, kaɲ kãlane ro barak.

³³ɔwa maɲ bek ro Sisaria-e, aɲ tak aɲreka ka ɔgbɛka, aɲ lãnki sɔ Pɔl rodi kɔɲ.

³⁴Ma ɔgbɛka ɔ po karan aɲreka-e, ɔ yif athɔf areke ɔ yi-e; ma ɔ tãrã kɔpa ɔ wur ro Silisia-e,

³⁵ɔ pa, I ti tɛl aɲpa a mu bepi aɲa gbanthir mu aɲ der. Kɔ yamari kãmã a bɛnɛ kɔ ka akama ka Herɔd.

Mayɔs Ma Aɲsom 24

¹ɔwa kɔdarɔɲ ka mɔrey tamath-e, Ananayas-ɔɲ ɔfode ubana ɔ der yi aɲbãki alɔm, yi Tatulusãɲ utara rɛsɔɲ, kaɲ lɔmsa ɔgbɛka ta Pɔl.

²Ma a muti kɔ-e, Tɛrtulus ɔ tɔp kɔgbanthir kɔ-e, ɔ pa, Filiks ubana, ma pɛ yi ka kãta ka mu sɔ ba mɔthɔfɛl mɔbana-e, ɔwa ka aɲfɔsɔ a mu mɔ lompɛs malɛs ta aɲbona aɲe-e,

³sɔ malane ti alɔkɔ o lɔkɔ yi der o der, ɔwa sɔ mɔmɔ mu ɔfinɔ finɔ.

⁴Kere kãmã i te sɔmpa mu, i nɛmthene mu ka kãmuyu ka mu tɔ kɛsua su ɛlɛns rɔ tɔpa tɔthan gbo.

⁵kotãy-e sɔ po fir ɔlaɲgba ɔwe kɔyi wuni lɛs, ɔwa ɔ fak ɛtotok kɔtɔɲ ka aɲYuda bɛ ka ádãru, ɔ yi sɔ ubaki ka kagbanth ka aɲNasareth.

⁶ɔ mem sɔ tɔ kɔyifas aɲseth ɲa Kuru; ɔwe sɔ lɛsa, sɔ yema naɲ thonkas kɔ mɔ mɔ aɲthɔ a su aɲ pa.

⁷Kere ɔkaptin ubana ɔ der nɔy kɔ ka mãta ma su rɔ afɔsɔ abana, kɔ yamari kãmã aɲa gbanthir kɔ-e aɲ der ro mu.



- ⁸Ɔwa bepi mə gbɛŋgbɛŋ kɔ-e, mun munɔnɛ mə tɔ tɔrɔ mɔtɔy amɛ bɛ ta ama sɔ gbanthir kɔ.
- ⁹Ɔwa aŋYuda sɔ aŋ kasa ka kagbanthir kɔŋ, aŋ kɔl pa ya mɔtɔy amɛ mə yi.
- ¹⁰Ɔwa ma ɔgbɔka ɔ kapane kɔ tɔ kɔfɔf-e, Pɔlɔŋ ɔ lasi ɔ pa, Ma i tɔrɔ kɔpa mə po yi uthɔŋkas ta aŋbona aŋɛ ta tɔrɛn tɔgbathi-e, ɔ bɔnɛ mi tɔ kɔgbaki;
- ¹¹kɔmɔ mə tɔrɔ kɔpa pɛ thas hɛ mɔrɛy tɔfɔt mɔrɛŋ ma i kɔ ro Yerusalem tɔ kɔbatho.
- ¹²Ɔwa aŋ bɛp hɛ mi sɔ pensane yi wuni ɔ wuni ka aŋseth ŋa Kuru, thalɔm kɔgbisɛŋa ɔruniya ka aŋseth agbane, thalɔm ka kɔpet.
- ¹³Ɔwa aŋ gbɛli hɛ tɔri mu tɔtɛŋ ta mɔtɔy ama a gbanthir mi.
- ¹⁴Kɛrɛ ɔtɛ, tɔ mɛ gbithane ro mu, kɔpa kɔtɔŋ ka aRɔŋ ara ŋaŋ aŋ tela kɔgbanth, ya minɛ i bɔtho ɔKuru ka aŋkas a su, ka i lane mɔtɔy bɛ ama a gbal ka aŋthɔ dɛ yi ka Aŋnɔbi.
- ¹⁵Ka i ba kagbak ɔmerɔ ka Kuru ɔkɛ ŋaŋ gbɛŋ aŋ malane kɔpa kɔyokane ka aŋfi kɔ yi, ta aŋlɔmpi yi ta aŋkɔnɔ.
- ¹⁶Ta ɔtɛ i mɛm kɔmɔ i ba ɔmerɔ ɔferɔ ka Kuru yi ka afɛm lɔkɔ ɔ lɔkɔ.
- ¹⁷Kɔrɔrɔŋ ka tɔrɛn tɔgbathi i der tɔ kɔkara ɛboya ka aŋbona a mi, yi yet ɛsɔnd.
- ¹⁸Katɔŋ ka ɛye aŋ bɛp mi ufethɔr ka aŋseth ŋa Kuru, pɛ yi hɛ yi runiya, thalɔm yi atotok. Kɛrɛ aYuda alɔm aŋ yi ri kɔwɔr ro Asia,
- ¹⁹aŋa yi naŋ tɔ kɔbɛpɔr nɔ rodi ka mu kɔmɔ aŋ gbanthir mi bepi aŋ ba naŋ tɔy tɔlɔm tɔ kɔŋamne mi.
- ²⁰Thalɔm yɔ aŋfɛm aŋɛ aŋ lɔm kɔ tɔy tɔlɔs aŋ bɛp minɛŋ i yɔ ma i tɔmɔ rodi ka aŋSanhedrin,
- ²¹pɔthas gbo ta ɔrim ara i lak ma i tɔmɔ kɔtɔŋ ka ŋaŋ kɔpa, Ta kɔyokane ka aŋfi tɔ ma thonkas mi thonɔŋ rodi ka mu.
- ²²Kɛrɛ Filiks-ɔŋ ma ɔ tɔrɔ ɔfinɔ ta aRɔŋ-e, ɔ kɔli ŋa, ɔ pa, Bepi Lisias ɔkaptin ubana ɔ der-e, i ti gbɛlɛŋ aŋpa a mu finɔ.
- ²³kɔ yamari ukaptin kɔmɔ ɔ bɛnɛ Pɔlɔŋ, ɔwa kɔmɔ ɔ yosi kɔ ɔthan, ɔwa kɔmɔ ɔ te bent aŋyathki ŋɔŋ tɔ kɔyɔna kɔ.
- ²⁴Kɔdarɔŋ ka mɔrɛy mɔlɔm-e, Filiks-ɔŋ ɔ der yi Drusila ɔrani kɔŋ, ɔ yi uYuda ubera, kɔ som ka Pɔl kɔmɔ ɔ tɔlɔ kɔ ta kɔlane ka Krayst.
- ²⁵Ɔwa mɔ mɔ fɔf ta mɔlɔmpi-e, yi kɔyi ugɔɛt, yi kɔder ka aŋrɛy ŋa kathonkas-e, Filiks-ɔŋ ɔ nesa ɔthasɔr, kɔ pa, Kɔnɛ ras, ma i ba alɔkɔ ɔfɔy tai-e, i ti tela mu.
- ²⁶Ɔ nane kɔpa Pɔlɔŋ ɔ tɔ sɔŋ kɔ akala kɔmɔ ɔ gbɛli ter kɔ. Tiyaŋ ɔ som tɔ kɔtɛla kɔ katkat, ɔ fɔfɔnɛ kɔ.



²⁷Kere ma tereŋ tereŋ tã thas-e, Porsios Festos ð tiyã ka mayira ma Filiks, ðwa Filiks-əŋ, ma ð yema sotho aŋes afino ka aŋYuda-e, ð tey Pólãŋ usek.

Mayos Ma Aŋsom 25

¹Tiyãŋ Festos-əŋ, ma ð po der ka anthof-e, kedarəŋ ka mɔrey mɔsas-e, ð kɔne ro Yerusalem kɔwur ro Sisaria.

²Ðwa aŋkərbomp kətəŋ ka aŋfode yi aŋfəm abana ŋa aŋ Yuda aŋ rɔnda Pólãŋ ro ŋəŋ, kaŋ nemthene kɔ,

³kəthola afere ta atəŋ kãmã ð som tã kəkara kɔ ro Yerusalem, kãmã aŋ səth kɔ, ðwa aŋ dif kɔ ro rəŋ.

⁴Kere Festos ð lasi kəpa a bene Pól ro Sisaria, ðwa kɔn kɔnɔne ð tã yeŋk kálane ri.

⁵kɔ pa sɔ, Tiyãŋ, ta ŋaŋ aŋa gbəli kətəŋ ka nu aŋ paya mi, kãmã aŋ gbanthir ɔlɔŋgba ɔwe, kãmã a tãrà bepi ð pɔnthne tãy o tãy.

⁶Ðwa ma ð yi ro rəŋaŋ ta mɔrey məthasi tɔfɔt-e, ð kál thor ro Sisaria, ðwa ka rabəth rəlɔm ð yirà ka kawaŋ ka kəthoŋkas, ð yamari kãmã a kãrà Pól.

⁷Ma ð der-e, aŋYuda aŋa wur ro Yerusalem aŋ tɔmã aŋ gbəto kɔ, aŋ gbanthir kɔ yi mătãy mələs məgbathi ama aŋ te gbəli baksər.

⁸Pólãŋ ð pa ka kagbaki kəŋ, I pɔnthne he aŋtho ŋa aŋYuda, thalɔm aŋseth ŋa Kuru, thalɔm Sisar.

⁹Kere Festos-əŋ, ma ð yema sotho aŋes afino ka aŋYuda-e, ð lasiane Pólãŋ ð pa, Mə selo tã kəkɔ ro Yerusalem kãmã a thonkas mu ri ta mătãy ame rodi ka mi-i?

¹⁰Kere Pólãŋ ð pa, Mine i tɔmã ka kawaŋ kəthoŋkas ka Sisar rã a mar thonkas mi. I tha yoye aŋYuda tãy o tãy àtã yi tələs, mə mã munɔ sɔ mə tara-e.

¹¹Ðwa bepi mineŋ i yi wuni ɔwe po yɔ tãy tələs-e, ðwa i po yɔ àtã bek dif-e, i kasi he tã kəfi. Kere bepi mătãy ame ama a gbanthir mi mə yi he tateŋ-e, wuni o wuni ð gbəli he lãnki mi ro rəŋaŋ. I lãnki aŋpa a mi ka Sisar.

¹²Ðwa ma Festosãŋ ð po nɔnkãne yi ŋaŋ-e, ð pa, Mə po lãnkəli aŋpa a mu ka Sisar; ðwa ka Sisar rã mã mə kɔ.

¹³Kedarəŋ ka mɔrey mələm-e, Akripan aŋbãyi Benisãŋ aŋ der ro Sisaria tã kəkori Festos-əŋ.

¹⁴Maŋ yi ri ta mɔrey məgbathi-e, Festos ð tɔri aŋpa ŋa Pól ka aŋbãyi, ð pa, Wuni lɔm ð yi ri ɔwe Filiks ð tey utand,

¹⁵ta ɔwe, ka aŋlɔkɔ i yi ro Yerusalem-e, aŋkərbomp kətəŋ ka aŋfode yi aŋbãki ŋa aŋYuda aŋ tɔri mi, ðwa aŋ yif kãmã i thonkas kɔ.



¹⁶Ka i lasia ɲa kɔpa matane ma aɲRom thaho tɔ kɔlaŋkli wuni tɔ kɔdif kɔ yeɲka aɲgbanthir, de yi kɔno owe a gbanthir-e aɲ kɔliane, owa o ba afere tɔ kɔgbaki aɲpa aɲa a reɲ kɔ.

¹⁷Tiyɔɲ maɲ po thonklane no-e i linsa he, kere rabeth rɔlom i yira ka kawaɲ ka kethonkas, ka i yamari kamà a kàrà olangba.

¹⁸Owa, ma aɲgbanthir aɲ yokane, a gbanthir he kɔ ta matay melos mo ama i nane,

¹⁹aɲ ba gbo epa elom ya andina ɲaɲ, yi ta Yisos ukin owe po fi, owe Polɔɲ o pa o yi ukeli.

²⁰Owa ma pɔ sokane mi to i yi tɔ kɔgbelɛɲ matay ame, i yif kɔ bepi o selo kɔ ro Yerusalem kamà a thonkas kɔ ri ta matay ame.

²¹Kere ma Pol o po lanke aɲpa ɲoɲ kamà Akostos o gbek ɲi-e, i yamari kamà a bene kɔ haɲ i somra kɔ ka Sisar.

²²Akripa o pa ka Festos, Mineɲ gbeɲ, i ba afela tɔ ketela olangba. Ka Festos-ɔɲ o pa, Owa ninaɲ mɔ tɔ telà kɔ.

²³Owa ka rabeth rɔlom, ma Akripa yi Benisaɲ aɲ der-e rɔ ayiki abana, aɲ wɔɲ ka ɔder ɔtel yi aɲkaptin abana, yi aɲfɔm abaki ɲa kapet, ka aɲyamari ɲa Festos-ɔɲ, a wɔɲà Polɔɲ.

²⁴Ka Festos o pa, Obay Akripa yi afɔm be aɲa bɔpɔr no yi saɲ, nɔ nɔnk olangba owe ta owe aruniya be ɲa aɲYuda aɲ nemthene mi ro Yerusalem yi no so, aɲ sela kɔ erɔɲ kɔpa pɔ mar he so o ɲesɔm.

²⁵Kere i po fir kɔpa o yo he tay o tay ata bek tɔ kɔdif kɔ. Owa ma kɔn kɔnɔne o lanke aɲpa ɲoɲ ka Sisar-e, i botos tɔ kɔsomra kɔ.

²⁶Ta atɔɲ i ba he tay ta tetɛɲ tɔ kɔgbalɔr ɔmarki kami. Tiyɔɲ i kàrà kɔ rodi ka nu, pɔ tha gbethi muno obay Akripa, kamà bepi mɔ gbɛɲgbɛɲ kɔ-e, i gbɛli ba tay tɔ kɔgbal.

²⁷kotay-e i nɔnk ti mɔ apɔnk tɔ kɔsomra ukendebira bepi i tɔri he matay ama a gbanthir kɔ-e.

Mayos Ma Ansom 26

¹Ka Akripaɲ o pa ka Polɔɲ, A po ter mu tɔ kɔfɔfane. Ka Pol o thanthi kata kɔɲ, kɔ pa,

²Pɔ bɔne mi obay Akripa ma i gbɛli fɔfane thonɔɲ rodi ka mu ta matay be ama aɲYuda aɲ gbanthir mi,

³pɔ tha gbethi ma mɔ tarà matane yi epa be eye yi ketɔɲ ka aɲYuda. Tiyɔɲ, ɔmari mu, sua mi elens rɔ kɔmuyu.

⁴AɲYuda be aɲ tarà aɲrusamà a mi kabi ka rafeth ra mi, aɲa yi ka ɔtɔtɔkɔ ketɔɲ ka aɲbona a mi ro Yerusalem.



- ⁵Maŋ tārà mi kábi ka katəp-e, bepi aŋ selo tə kəseri ti-e, kəpa i yi uFarisi, i taŋane kagbanth áke tha lomp ka andina a su.
- ⁶Ɔwa ka-ake i təmá nɔ kámá a thonkas mi ta kagbak ámerá ka aŋlahiri aŋa Kurɔŋ ɔ sekər aŋkas a su;
- ⁷aŋlahiri aŋa ebɔnsɔŋ ε su tɔfɔt yerəŋ aŋ gbak ámerá tə kəsɔthɔ, mə mə aŋ bətho Kuru asɔbe təták yi rəyaŋ. Ɔwa salata kagbak ámerá ake-e ɔbáy Akripa ta aŋYuda aŋ gbanthir mi.
- ⁸kəyɛŋ mə nənɔk ti táy tən yi tətui lane bepi Kurɔŋ ɔ yokas aŋfi-e?
- ⁹Tə tentene min minene i la nane kəpa i yi tə kəyɔ táy təgbáthi átá yi təpeske yi aŋes ŋa Yisɔs ɔwe ro Nasareth.
- ¹⁰Ɔwa i la sɔ yɔ áte ro Yerusalem. I bot asəm agbáthi ka aŋseth ŋa tərəŋka ma i po sɔthɔ afɔsɔ kəwur ka aŋkərbomp kətɔŋ ka aŋfode, ɔwa ma a difəth ŋa-e, mine i wosa ti.
- ¹¹I thalər ŋa eləkɔ egbathi ka eseth egbane, ka i məm tə kəyɔ ŋa aŋ ŋanme Kurɔŋ. Ɔwa ma i yi ubaŋ hali ta átá ŋaŋ-e, i sɔmpa ŋa haŋ ka təpet tətəl.
- ¹²Tiyán ma i kɔne ro Damaskɔs-e, i ba afɔsɔ yi aŋyamari ŋa aŋkərbomp kətɔŋ ka aŋfode.
- ¹³Ka rəyaŋ-e, ɔbáy, i nənɔk ro rɔŋ kəwale kəwur ka ákuru, kəthasi ɔgbentha wa aret, kə gbentha kəgbətɔ mi yi ŋaŋ aŋa yi yi mineŋ.
- ¹⁴Ma saŋ be sɔ po fumpɔ ro thɔf-e, i tələ rim rə pa ro rəmi ka akənt ka kaHibru, Sɔl, Sɔl, kəyɛŋ mə mə sɔmpa mi-e? Ɔ tuy táy tə kətɔŋ akatək ka mu rə təbaŋk.
- ¹⁵Ka i pa, Pa, mun kanɛ-e? Ka ɔMarki ɔ pa, Mine yi Yisɔs ɔwe mə mə sɔmpa.
- ¹⁶Kere yokane, mə təmá ka átátək ta mu, kotáy-e i tərine ro rəmu ta aŋsabu aŋe kámá i səki mu ábɔy yi aseri ta mátáy ama mə po nənɔk ro rəmi, yi ta mátáy ame i ba kə tərine ro rəmu.
- ¹⁷I ti kathi mu ka aŋfəm yi ka tábona təlɔm, ka aŋa mə i som mu,
- ¹⁸tə kəkanti efor yaŋ kámá aŋ wur ka aŋsum, aŋ der ka kawale, kámá aŋ wur ka aŋfɔsɔ ŋa Sethani kəkɔ ka Kuru, kámá aŋ sɔthɔ katerɔ ka ehake yi keŋ kətɔŋ ka ŋaŋ aŋa a səməs rə kəlane mi.
- ¹⁹Kere ɔbáy Akripa, i kasi he manəŋk ma aŋriyana,
- ²⁰kere i mɔtha tamər ŋaŋ aŋa yi ro Damaskɔs yi ro Yerusalem yi ka aŋthɔf a Yuda be, yi ka tábona təlɔm sɔ, kámá aŋ thupi, aŋ fəle ka Kuru, ɔwa aŋ yɔ mapanth ama yi məmari ta kəthupi.
- ²¹Ta áte aŋYuda aŋ wop mi ka aŋseth ŋa Kuru, kaŋ tən tə kədif mi.



- ²²Kere ma i po sotho kumar ake wur ka Kuru-e, i toma han thonon, i seri ka anlol yi anhana kete pa tay o tay pothas ata Annabi yi Mosis an pa to ba to koyone;
- ²³kopa Kraystan o ba kankasi, owa kopa konoo o yi ototoko to ketames kawale ka ansem yi ka tabona telom ketane ka kayokane ka anfi.
- ²⁴Ma Polan o gbaki yan-e, Festos o pa re rim rebana, Pol, me won amel; katarà ka mu kebana ke po lafthi mu upenk.
- ²⁵Kere Pol o pa, I yi he wuni penk, Festos ubana, i fof gbo sim ta teten yi ketemp.
- ²⁶kotay-e obay o tara matay ame ka owe i fof yi kamintha. I lane kopa a mank he ko matay ame, kotay-e a yo he ma der omanke.
- ²⁷Obay Akripa me lane Annabi? I tara kopa me lane.
- ²⁸Ka Akripa o pa ka Pol, Pa tiya gbo othan kathonho mi me to saki mi nan uKristien.
- ²⁹Ka Polan o pa, Kanaka Kuru-e, pe yi he muno gbo son, kere nan be ana tela mi thonon, kama na so an yi me miney thambe ta atorentha ate.
- ³⁰Ka obay o yokane, yi ogbeka de yi Benisan, yi nan ana yira yi nan.
- ³¹Owa man wur-e an fofane an pa, Olangba owe o yo he tay o tay ata bek to kadif ko thalom to ketand ko.
- ³²Ka Akripa o pa ka Festos, A gbali nan ter olangba owe bepi o tha lanki he nan anpa non ka Sisar.

Mayos Ma Ansom 27

- ¹Owa ma a po botos ti kopa se to bakà to keko ro Itali, a lanki Polan yi antendebira alom ka ukaptin, anes non ne yi Yulios, ka akobali ka Akostos.
- ²Ka se bakà re abil na Adramitiyom ana yema ko ka tabake ta ro Asia, se won ro ban bana. Aristarkos-on uMasidonia owe ro Thesalonika o yi yi san.
- ³Ka anrey alom se bek ro Sidon. Owa Yulios o wop Polan ofino, o ter ko to keko ka anyathki non kama o baksar ander non.
- ⁴Owa ma se wur ri-e, se thas ro Saipros rayer, pekasife anfef an yi su rodi.
- ⁵Owa ma se po thas kabon ka ro Silisia-e, yi ro Pamfiliya, se der ro Mira, kapet ka ro Lusian.
- ⁶Ra okaptin o bep abil na ro Aleksandria ana yema ko ro Itali. Ko bak su ri.
- ⁷Owa ma se po kone kethegbe merey megbathi-e, se bek ka olomane wa ro Nidos yi asompane owa anfef an selo he su, ka se thas ro Krit rayer kelomane ro Salmon.
- ⁸Owa ma se kone yi asompane se gbapsa ni han se bek der olom, a bont ri kaBake kafino, ake yi ofati yi kapet ro Laseya.



- ⁹Ma alòkò agbàthi aṅ po thas-e, òwa àṅbiyas aṅ yi abàki mæder pækasife àṅsum aṅ po thòṅ thas-e, Pòlàn ò maṅ ṅa.
- ¹⁰kò pa ro ròṅaṅ, Pa-ṅaṅ, i nònk kòpa àṅbiyas aṅ tò kasara òthasèr, pè yi hè gbo ta akothè yi àṅbil-èṅ, kèrè ta èṅesəm è su sò.
- ¹¹Kèrè òkaptin ò botèr àmerà ka àtè òwe ba àṅbil ò pa pèthasi ka àtà Pòl ò pa.
- ¹²Òwa ma kabakè kè thínkanè tò kètia ri haṅ ka àṅlòkò ṅa òtaṅk-e, agbàthi aṅ maṅ kàmà aṅ thas ri bepi aṅ gbèli tàṅ roṅ o roṅ tò kèbek ro Fenis kàmà aṅ yi ri ka àṅlòkò ṅa òtaṅk; kè yi kabakè ka ro Krit rayer àkè lomane aṅfèf ṅa aṅdiyò yi àṅmèrò.
- ¹³Òwa ma aṅfèf ṅa aṅdiyò aṅ fèṅ òthòfèl-e, aṅ nane kòpa aṅ sòthò àtà aṅ yema, aṅ ṅata antumbu ka aṅ kò ro Krit rayer òfati yi aṅgbaṅ.
- ¹⁴Kèrè pè won hè kèdarèṅ kati-e, afèf abàki aṅ wur ri aṅa a bont aṅ Yurakwilo.
- ¹⁵Òwa ma aṅfèf aṅ gbip àṅbil-e, òwa aṅ gbèli hè sò lomane aṅfèf-e, sè ter ṅi kaṅ gbukèné su.
- ¹⁶Ka sè thas rayer ka ayel alòl aṅa a bont Klòda, òwa sè kisis àṅbil alòl yi asòmpane abana.
- ¹⁷Òwa maṅ po ṅata ṅi-e, aṅ gbasi nòpòl kaṅ sek àṅbil roratha, maṅ nesa sòthlòm aṅ tò gbeta ka àṅsènt akor; kaṅ thora èbèla, aṅ kàl gbukèné su.
- ¹⁸Ma akènkèl kè gbòṅkthas su òthasèr-e, ka àṅrey alòm sè wòṅ kèfitha atothè ro baṅ.
- ¹⁹Òwa ka àṅrey aṅa bekà mèsas-e sè fitha yi màta ma su gbèṅ ègbatèné ya àṅbil.
- ²⁰Òwa ma aret yi atòs è te gbentha ta mèrey mæg bathi-e, òwa kèṅkèl kèlòl tha kè derèr su-e, kagbak àmerà be àkè sè ba tò kèkisi kè kòné.
- ²¹Ma pè won aṅ te di-e, Pòlàn ò tòmà ṅa ratòṅ, ò pa, Pa-ṅaṅ nò yi naṅ tò kètèla mi, nò te wur ro Krit-e, kàmà nò te sòthò naṅ masibo ame yi aṅkasara aṅe.
- ²²Òwa ka-ake i maṅ nu tò kèbak tèbuth, kotày-e kèkasara ka aṅesəm kè ba hè kèyi kètòṅ ka nu, kèrè àṅbil gbo.
- ²³Àtesoma-e òmaleka ka Kuru òwe ba mi, yi òwe i bàthò, ò tòmà mi rayer ka ràtátàk are,
- ²⁴ò pa, Pòl, te nesa. Mè ba tò kètèma rodi ka Sisar; òwa Kuru ò po laṅkλια mu aṅa yi ro bil yi munò.
- ²⁵Tiyàṅ pa-ṅaṅ, bàk nu tèbuth, kotày-e i lane Kuru kòpa pè tò yi mò mò kanè mi.
- ²⁶Kèrè a ba kèfitha su rə ayel alòm.
- ²⁷Kèrè ma ràtátàk ara bekà tòfòt manlè rə bek-e, mò mò a gbukèné su reke o reke ka kàbàṅ ka Adriya, mòlò ma kèren datòṅ aṅlaṅgba ro bil aṅ nane kòpa aṅ fat aṅbaṅ alòm.



- 28 Ɔwa aŋ fak antumbu, kaŋ fir kəpa ɔbɔlɔŋ ɔ yi efatəm kəgba. Maŋ kɔnɛ ɔthan-e, aŋ kál fak antumbu, kaŋ fir ɔbɔlɔŋ tɔ kəyi efatəm tɔfɔt tamath.
- 29 Ɔwa maŋ nesa tɔ kəgbeta rə məsar rokɔm-e, aŋ fak ɛtumbu yerɛŋ ka aŋbil rarɛŋ, kaŋ fela rasɔk.
- 30 Ɔwa ma aŋlaŋgba ŋa ro bil aŋ yema toŋk ka aŋbil-e, aŋ thora aŋbil alɔl ro baŋ, aŋ yɔ mɔ aŋ yema fak antumbu ka aŋbil rodi.
- 31 Ka Pɔlɔŋ ɔ pa ka ɔkaptin yi antim, Thambe aŋe aŋ tiyá ro bil-e, nə gbəli hɛ kisi.
- 32 Ɔwa antim aŋ gbək nabeŋa na aŋbil alɔl, aŋ ter ŋi aŋ fumpɔ.
- 33 Ɔwa ma rasɔk rə der-e, Pɔlɔŋ ɔ nemthene ŋa bɛ kámá aŋ gbasi da rədi, ɔ pa, Aŋrey aŋe ŋə beká nu mərəy tɔfɔt manlɛ ma nə wop asum-e, kəte di koko.
- 34 Tiyáŋ i nemthene nu tɔ kəgbasi da rədi ta kakisi ka nu, kotáy-e hali rəfon rin rə ba hɛ kədiɛ ka rábomp ra ukin ɔ kin ka nu.
- 35 Ma ɔ po pa áte-e, ɔ gbasi kəbo, ɔ muti Kuru mómɔ rodi ka ŋaŋ bɛ, ɔ siməth ki, kɔ tɔp kədi.
- 36 Ka pə bɔnɛ ŋa bɛ, ɔwa ŋaŋ sɔ aŋ gbasi ra rədi.
- 37 Saŋ bɛ sɔ yi ka aŋbil-e, mɔlɔ ma afəm temɛ tərɛŋ tɔgba tɔsas tɔfɔt tamthərugin.
- 38 Maŋ po di ɔbeki-e, aŋ fəŋfsir aŋbil, aŋ fitha ápəla ro baŋ.
- 39 Ma pə sɔk-e, aŋ tɛ hɛ aŋgbaŋ kɛrɛ aŋ nənk rəbɔŋ rəlɔm ara ba agbaŋ, kaŋ nəŋkane bepi aŋ gbəli wɔŋá ri aŋbil.
- 40 Maŋ po ŋata ɛtumbu-e, ɔlɛmp wati aŋ səli nabeŋa na ɛkorá, kaŋ ŋata aŋbɛla rodi ka aŋfɛf, aŋ lomane aŋgbaŋ.
- 41 Kɛrɛ aŋ bek ro tɔbáŋ tərɛŋ tɔ gbane-e, ka aŋbil aŋ yirá ka aŋsənt, ɔwa aŋsoth ŋa aŋbil aŋ bákər kɛrɛ kadarəŋ ka aŋbil kə tɔp kəsımtha salata aŋfɔsɔ ŋa ɛmunkəl.
- 42 Ka antim aŋ pa a yi tɔ kədifəth antendəbira ta thani ukin ka ŋaŋ ɔ te ŋandəŋ kámá ɔ kisi.
- 43 Kɛrɛ ma ɔkurgba ɔkaptin ɔ yema kisis Pɔl-əŋ-e, ɔ bent ŋa tɔ kəyɔ átá aŋ nanɛ, kɔ yamari kəpa ŋaŋ aŋa gbəli ŋandəŋ aŋ mɔtha fithane ro baŋ kámá aŋ mɔtha bek ro gbaŋ;
- 44 Ɔwa aŋa tia-e, alɔm ka ɛbeŋ rokɔm, alɔm ka ɛyɛt ya aŋbil. Ɔwa ya pə re yi kəpa ŋa bɛ aŋ kisi ro gbaŋ.

Mayɔs Ma Aŋsom 28

- 1 Ɔwa ma sə po kisi-e, ka sə tără ten kəpa aŋes ŋa aŋyel ŋə yi Melita.



- ²Ka aɲfɛm ɲa aɲyel aɲ yɔ su ɔfinɔ ɔbana, kotáy-e aɲ lápá su nánt, kaɲ malane su be salata ákɔm yi ɔtánk.
- ³Kere má Pólán ɔ po thonkla alik ɲa ethok-e, ɔ bot yi ka ánant-e, ka agbɔrɔ, ma ɔ tɛlne ɔfei-e, ɔ wur, ɔ gbapsa ka káta kɔɲ.
- ⁴Ɔwa ma aɲfɛm aɲ nɛnk ɔka ɔ gbapsa ka káta kɔɲ-e, aɲ pa, Kɛli ɔlangba ɔwe, wuni difɛth afɛm wɔɲ, hali ma ɔ kisi ro baɲ-e, kere mɛlompi mɛ selɔ he kɔ kámá ɔ ɲesɛm.
- ⁵Kere kɔnɔ ɔ fitha ɔka ro nánt, ɔwa ɔ tɛlne he ɔbaɲ.
- ⁶Ɔwa ɲaɲ, aɲ nane kɛpa ɔ tɔ boya, thalɔm ɔ fumpɔ ɔ fi lɛmp. Kere maɲ kɛlene ti ɔwoni-e, ɔwa aɲ nɛnk he koko rɛ yi kɔ-e, aɲ siɲkar enane yaɲ, aɲ pa, Ukuru wɔɲ.
- ⁷Ɔwa ka ákɛlɛɲ kɛlɛɲ kati, tákay ta wuni bana tɔ yi ri. Kɔnɔ ba áɲes ɲa Publiɔs, ɔwe malane su, ɔwa ɔ wop su ɔfinɔ tɔ mɛrey mɛsas.
- ⁸Ka pɛ yɔne, ɔkas ka Publiɔs ɔ tu mɛder mɛgbipane yi kɛgberende. Ka Pólán ɔ wɔɲ ro ɲɔɲ, ɔ ramne, kɔ reɲ kɔ máta mɔɲ, kɔ yenkɛs kɔ.
- ⁹Ma áte tɔ po yɔne-e, aɲlɔm ka aɲyel aɲa ba tɔtu aɲ der sɔ kɔ yenkɛs ɲa.
- ¹⁰Aɲe sɔ aɲ yikis su kɛyikis kɛbana. Ma sɔ pay tɔ kɛwur ri-e, aɲ báksá su yet be eye sɔ yema ro bil.
- ¹¹Kɛdarɛɲ ka yof esas-e, sɔ wur ri rɔ abil ɲa Aleksandria aɲa po tɛmá ka aɲyel ka áɲlɔkɔ ɲa ɔtaɲk, ɔwa aɲ ba aɲlomar Tabari tɛruni.
- ¹²Ma sɔ bek ro Sirakus-e, sɔ ba ri mɛrey mɛsas.
- ¹³Kɛwur ri sɔ kápli, ka sɔ bek ro Rekiyɔm. Ma árey ɲin aɲ thas-e, afef ɲa aɲdiyɔ aɲ sɔɲ, ɔwa ka áɲrey aɲa beká marɛɲ-e, sɔ bek ro Putioli,
- ¹⁴ro sɔ bɛp aɲwɔnt aɲa nɛmthene su kámá sɔ yi yi ɲaɲ ta mɛrey támthɛderɛɲ. Ɔwa ya sɔ der ro Rom.
- ¹⁵Ɔwa ma aɲwɔnt ri aɲ tɛl ta áta su-e, aɲ der gbans su haɲ aɲ bek ka ɔder ɔthila wa ro Apiyɔs yi eseth eyiya esas, aɲa pɛ yi ma Pól ɔ nɛnk ɲa-e, ɔ muti Kuru mɔmɔ kɔ bák kɛbuth.
- ¹⁶Ɔwa ma sɔ bek ro Rom-e, a ter Pólán kámá ɔ yirá thɔkɔɲ, ɔwa utim ukin ɔ bumɛr kɔ.
- ¹⁷Ka pɛ re yi kɛdarɛɲ ka mɛrey mɛsas-e, Pólán ɔ tela aɲkɛrbomp kɛtɔɲ ka aɲYuda der rɔkin. Maɲ po thonklane der rɔkin-e, ɔ pa ro ɲaɲ, Aɲwɔnt a mi, mineɲ hali ma i te yɔ táy ɔ táy tɛlɛs ka aɲfɛm thalɔm matane ma aɲkas a su-e, a lánki mi ukendɛbira kɛwur ro Yerusalem ka máta ma aɲRom.
- ¹⁸Maɲ po mi gbɛɲgbɛɲ-e, aɲ tɔ ter mi naɲ kotáy-e aɲ fir he táy ɔ táy áta yi tɛbeki tɔ kɛdif mi.
- ¹⁹Kere ma aɲYuda aɲ fɔf ti ɔlɛs-e, i bot ti rɔ ámerá tɔ kɛlaɲkli áɲpa a mi ka Sisar. Pɛ yi he kɛpa i ba táy tɔ kɛgbanthir áɲbona a mi.



- 20**Tiyán ta átáy áte i som kətela nu kámá sə nəŋkanɛ, átesoma-e salata kagbak ámerá ka Isrəl a kotər mi akərənthá ake.
- 21**kaŋ pa ro ŋəŋ, Sə səthə hɛ ɛreka kəwɜr ro Yudia ta átá mu, ɔwa aŋwənt sə aŋ der hɛ tɛ kəkara akane thaləm táy o táy təlɛs ta átá mu.
- 22**Kɛrɛ sə yema tɛlá áte mə nanɛ-e, kotáy-e sə tára kəpa a fəf ɔləs ta kagbanth ake dər o dər.
- 23**ɔwa maŋ po botá kɔ arey-e, agbáthi aŋ der ro ŋəŋ kaŋ yiya ŋəŋ. Kɔ yɛrkia ŋa áŋpa, ma ɔ seri ta rábáy ra Kuru, kɔ thənthə ŋa ta Yisəs ka áŋthə ŋa Mosis yi ka mágbal ma Aŋnábi, kətəp ka bəth haŋ rəfɔy.
- 24**ɔwa aŋləm aŋ lane mátáy ama ɔ fəf, aləm aŋ lane hɛ.
- 25**ɔwa maŋ te ba rim rin-e, aŋ sakane kədarəŋ ka ma Póláŋ ɔ fəf rim rin, ɔ pa, Təlompí táŋ átá ɔYina məsəm ɔ pa ka kásəŋ ka Isaya ɔnábi ka aŋkas a nu,
- 26**ɔ pa, Kɔnɛ ka aŋfəm aŋɛ, kanɛ ŋa kəpa, Rə kətəl nə tɛ təl, kɛrɛ pə gbəli hɛ sək nu. Dɛ yi rə kənəŋk nə tɛ nənk kɛrɛ nə gbenthás hɛ.
- 27**kotáy-e ɛmerá ya aŋfəm aŋɛ ɛ po bák mədɛr, ɛləns yaŋ ɛ taŋa, ɔwa aŋ po mɔp ɛfɔr yaŋ, Ta thani aŋ nənk yi ɛfɔr yaŋ, Aŋ kál təl yi ɛləns yaŋ, ɔwa aŋ səthnɛ ka ɛmerá yaŋ Kama aŋ kál lafthɛ, ɔwa kámá i ramər ŋa,
- 28**Tiyán tára nu kəpa a somra kakisis ka Kuru ake ka tábona təlɔm; ɔwa ŋaŋ aŋ tɛ təl sɔ.
- 29**Ma ɔ po fəf ásim áte-e aŋYuda aŋ kɔnɛ, ɔwa aŋ ba áthonka abana kətəŋ ka ŋaŋ.
- 30**ɔwa Póláŋ ɔ yirá tərən tərəŋ təlɔlok ka aŋ yiya ŋəŋ ayep ta áram, ɔ malane aŋfəm bɛ aŋa wəŋ ro ŋəŋ,
- 31**ɔ taməs rábáy ra Kuru, ɔ thəkxa mátáy ta ɔMarki Yisəs Krayst rə kəmintha, ɔwa wuni o wuni ɔ bent hɛ kɔ.



Aŋrom

Aŋrom 1

- ¹Pəl ábøy ña Yisós Krayst owe a muti tē kəyi usom, owe a gbaski asabu ña mafinó ma Kuru,
- ²ama ó lahiri thəpaŋ ka tasəŋ ta Aŋnābi ñəŋ ka mágbal məsəm,
- ³salata óWan kəŋ Yisós Krayst óMarki kásu, owe yi ka rákomra ra Debid ka rawuni kəpet,
- ⁴kere ka óYina ka məsəm-e, káyokane kəŋ ka ráfi kə təri kəpa ó yi óWan ka Kuru tentene rə afósó.
- ⁵Ka owe sə po sóthó aboŋa yi mapanth ma ósom tē kəyó afəm ña tábona be aŋ sane rə kəlāne salata aŋes ñəŋ.
- ⁶Ówa kətəŋ ka ñaŋ-e, naŋ sə nə yi antela ña Yisós Krayst.
- ⁷I gbalər aŋbóthər ña Kuru be ro Rom aŋa a muti tē kəyi asəm. Aboŋa yi məthofəl ε yi ro rənu kəwur ka Kuru óKas kásu yi óMarki Yisós Krayst.
- ⁸Ka ótótókó be i muti óKuru kámi mómó ka káta ka Yisós Krayst ta átá nu be pəkasife a lóməs ta kálané ka nu ka ádāru be.
- ⁹Átesoma-e Kurəŋ owe i bátho yi ámerá atətəŋ ka mapa məfinó ma óWan kəŋ-e, kəno yi aŋseri a mi kəpa i bontəs nu alókó o lókó ka taramne ta mi.
- ¹⁰I yif, bepi pə gbəli beŋāne-e, i ti der ro rənu ka māsəló ma Kuru.
- ¹¹kotáy-e i fela tē kənəŋk nu, kámá i gbəli yer nu aboya alóm ña óYina, kámá nə sóthó kəbaksər.
- ¹²Pə yi kámá mine yi naŋ sə sóthó kəbefəth ukin de yi ulóm, ka kálané kásu.
- ¹³Aŋwənt a mi i yema kámá nə tārā kəpa i ba ti rə ámerá alókó ágbáthi tē kəder ro rənu, (kere táy tē bent mi haŋ thonəŋ) kámá i gbəli ba məkomi kətəŋ ka nu sə, mə má i ba ka tábona təlóm.
- ¹⁴I ba agbetheŋ salata aŋKrik yi aŋBarbarian, salata antara yi ante tārā;
- ¹⁵tiyāŋ amóló ma i gbəli-e, i yema təri mapa məfinó ma Kuru ka naŋ ro Rom sə.
- ¹⁶kotáy-e i lap he salata mapa məfinó ma Krayst, átesoma-e mə yi aŋfósó ña Kuru tē kəkisis wuni o wuni owe mə lané; ka ótótókó ka aŋYuda, yi ka aŋKrik sə.
- ¹⁷kotáy-e di kati málompi ma Kuru Məsaba mə ŋaybe kəwur rə alāne kəkó ka alāne; mə mə a gbal kəpa ye, Aŋlompi aŋ tē yi kətəŋ rə alāne.
- ¹⁸kotáy-e rabaŋ ra Kuru rə tərīne kəwur ka áriyana kəŋamne mələs yi məkənə ma afəm a kəpet aŋa mə dim táteŋ kətəŋ ka máyós maŋ mələs,



- ¹⁹ma pə yi-e, átà aṅ gbəli tārà ta salata Kuru Məsaba tə yi təgbəraṅ kətəṅ ka ṅaṅ, kotáy-e Kuru kən kənəne ɔ po təri ṅa ti.
- ²⁰kotáy-e kábi ka ɔtəpə wa ádàru mayi məṅ ama a te nəṅka rəfər ama yi mə aṅfəsə ṅəṅ athəbana de yi rawuni ra kuru rəṅ-e, a təri ma gbafəth salata mapanth ma mātá məṅ. Tiyáṅ aṅ ba he sə ra maṅ aṅ kat kere.
- ²¹Pəkasife hali maṅ po tārà Kuru-e, aṅ yikis he kə mə Kurəṅ, aṅ məmə he kə, kere aṅ səkə ayay ka enane yaṅ, ɔwa emerá yaṅ epəṅk ɛ po biyá.
- ²²Mə mə aṅ gbək eyonka kəpa ṅa atempi-e, aṅ səkə apənk,
- ²³kaṅ siṅkar aṅyiki ṅa Kuru ɔwe ba he kəfi rə mábáláne ma wuni kəpet ɔwe ba tə kəfi, thaləm rə ebəmp, thaləm esem, thaləm eyet ewərka.
- ²⁴Tiyáṅ Kuru ɔ lánki ṅa ka mánəkə maṅ kámá aṅ lasər efela ya emerá yaṅ haṅ aṅ lapəs mader ma ṅaṅ gbəṅ kətəṅ ka ṅaṅ.
- ²⁵kotáy-e aṅ siṅkar táteṅ ta Kuru rə rəyem, kaṅ thəkəs, aṅ bátho araka rəbempə pəthas Kən ɔwe bempə ri, ɔwe yi uruba thánkəṅ thəbana, Amina.
- ²⁶Tàsom Kuru ɔ sənd ṅa ka efela ya məlap. Hali aṅbera aṅ siṅkar matane mə ṅaṅ,
- ²⁷ka aṅruni sə aṅ tey kətəṅ aṅbera ka mələmpi, kaṅ felane ukin ka uləm. Runi yi runi aṅ yə kərəp ukin rə uləm, ɔwa aṅ səthə aṅrám aṅa yi abeki ta máyəs maṅ ka mader maṅ gbəṅ.
- ²⁸ɔwa maṅ pensa tə kənane Kuru ka emerá yaṅ-e, ɔ sənd ṅa ka emerá ethayoṅ kámá aṅ yə átáy átá te thesa.
- ²⁹Ḍaṅ-e aṅ po la yi mələs tətəp tətəp, məkənà-o, kátut-o, ámerá aləs-o, amile-o, kádif kəsias-o, kəgbal de yi kátəns táy.
- ³⁰ɔwa aṅ yi afəm akətha efəf, agbəṅa Kuru, abone táy, akabane, agbək eyonka, atəpi mātáy mələs, áthánthone ka aṅa kom ṅa,
- ³¹apənk, abəth he lane, aba məgbəṅá de yi abáki rəfər.
- ³²Hali maṅ tārà aṅsiraṅ ṅa Kuru-e, kəpa ṅaṅ aṅa mə yə mātáy məwunəṅ abeki kámá aṅ fi-e, ṅaṅ, aṅ yə he ma gbo gbət, kere aṅ básər kori kori ṅaṅ aṅa mə yə ma sə.

Aṅrom 2

- ¹Tiyáṅ munə, O wuni kəpet, mə ba he sə roṅ bepi mə thonkas wuni ləm, kotáy-e ma mə səṅ uləm mətheri-e, mə sənə mətheri, pəkasife mə yə mələ min yi ɔləm.
- ²ɔwa sə tārà kathonkas ka Kuru kə thor ɔlompí rokəm ka ṅaṅ aṅa mə yə mātáy məwunəṅ.
- ³Munə ɔwe mə səṅ ṅa mətheri aṅa mə yə mātáy məwunəṅ, ma munə gbəṅ mə yə ma sə-e, mə nane kəpa mə tə fisə ka kathonkas ka Kuru-i?



- ⁴Thalóm mə sai rayola ra mathóth mən̄ yi ǎñney de yi kamuyu kən̄ kəlele-i? Mə te he kəpa mathóth ma Kuru má mə yó mu mə thupi-i?
- ⁵Kere kətañ ka kabak ka mu rəfər yi kate thupi ka mu-e, mə bār gbo rəbañ ka ǎñrey ña rəbañ, ma kathonkas kəlomp̄i ka Kuru kə tər̄ine;
- ⁶ǒwe mə ba kəram wuni o wuni mə máyos mən̄ mə yi.
- ⁷Ka ñañ ǎña bāsər tə kəyó təf̄inó rə kəmu yu kámá ǎñ thens ayiki yi alambe, yi máta y ama te ba kəpən̄ thánk̄añ, ǒ tə sən̄ ǎñesəm thəbana,
- ⁸kere ka ñañ ǎña ba kəgbal-e, ǎña te san̄e ka tateñ-e, ǎña mə wop gbo mákəná-e, asəmpane yi rəbañ,
- ⁹məsibo yi məkethane ε tə der ka wuni o wuni ǒwe mə yó ǒləs, ka ǒtətókó ka ǒYuda, yi ka ǒKrik sɔ,
- ¹⁰kere ayiki, alambe yi məthəfəl ka wuni o wuni ǒwe mə yó ǒlomp̄i, ka ǒtətókó ka ǒYuda, yi ka ǒKrik sɔ.
- ¹¹kotáy-e Kuru ǒ ba he agbáy.
- ¹²Tiyán̄ ña be ǎña po yó ahake kəte ba anthó-e, ña ba sɔ kəd̄ine kəte ba ǎñthó; ǒwa ña be ǎña mə yó ahake mañ yi ratha ka anthó-e, a tə thonkas ña kətañ ka ǎñthó.
- ¹³ǎtesoma-e pə yi he ñañ ǎña mə təl ǎñthó ña mə yi alomp̄i rodi ka Kuru, kere ñañ ǎña mə wop ñi, ña ba kəsóthó məmari.
- ¹⁴ǒwa tábona təlóm ǎña te ba ǎñthó ǎñ yó átá ǎñthó ǎñ yamari kətañ ka kátəmp̄ ka mayi mañ, ka ǎñ sək̄e asirañ ka eyethe yañ hali mañ te ba ǎñthó gbəñ.
- ¹⁵ǎñ tər̄i kəpa a po gbal eyamari ya ǎñthó ka emerá yañ, ka esən̄ yañ ε seri ta ti, ǒwa enane yañ egbaske gbaske ε sən̄ ña mətheri thalóm məmari,
- ¹⁶ka ǎñrey ǎña Kuru mə thonkas emurare ya afəm ka káta ka Yisəs Krayst, mə mə mapa məf̄inó ma Kuru mə pa, ama mine i po tər̄i nu.
- ¹⁷ǒwa mə ba ǎñes ña uYuda, mə seline ka ǎñthó, mə kolone ka Kuru,
- ¹⁸mə tārá məseló mən̄, mə gbəli gbəleñ átá tha yi təf̄inó thən̄ be, ma a po thəksa mu ka ǎñthó.
- ¹⁹Mə lane kəpa mun munón̄e mə yi ukótha ka ǎñfith, amotha ka ñañ ǎña yi ka ǎñsum,
- ²⁰uthəksa ka ante tārá, ukarmókó ka ǎñfeth, pəkasisife ka ǎñthó mə ba aməl ña kátárá ka táteñ.
- ²¹Tiyán̄ munó, bepi mə thəksa alóm-e, mə thəksane he-i? Bepi mə kəwandi kəpa wuni ǒ ba he kəkeya-e, munó mə keya he-i?
- ²²Munó mə pa wuni ǒ yi he tə kəyó kərəp, munó mə yó he kərəp-i? Bepi munó mə gbəña eyet ebumər̄ne-e, munó mə gbasi he eyet ya eseth ro mə a bátho eyet epath-i?



- ²³Munɔ ɔwe mə kolonɛ ka aɲthɔ, mə tɛ fɛɲfɛrɛs Kuru rɛ kalɛsɛr ka mu anthɔ-i?
- ²⁴kotáy-e salata nu a fɔf aɲɛs ɲa Kuru ɔlɛs kɛtɔɲ ka tábona tɛlɔm, mə má a gbal ti ka mágbal mɛsɛm.
- ²⁵Ɔwa kɛbirons kɛ mar táy bepi mə wop aɲthɔ, kɛrɛ bepi mə yi ulɛsɛr anthɔ-e, kabirons ka mu kɛ sɛkɛ mu kɛtɛ birons.
- ²⁶Tiyáɲ bepi ute birons ɔ bɛnɛ ɛyamari ya anthɔ-e, a ba hɛ kɛthunthanɛ kate birons kɔɲ mə kɛbirons-i?
- ²⁷Ɔwa kɔn ɔwe yi ute birons ka kakom kɔɲ-e, kɛrɛ ɔ wop aɲthɔ, kɔnɔ tha thonkas mu, ɔwe mə ba mágbal ma aɲthɔ yi kɛbirons, kɛrɛ halisa mə lɛsɛr anthɔ-i?
- ²⁸kotáy-e uYuda tentɛnɛ ɔ yi hɛ uYuda ka máyɔs mɔɲ gbo gbɛt-e, thalɔm kɛbirons tentɛnɛ kɛ yi hɛ gbo salata mader;
- ²⁹kɛrɛ ɔ yi uYuda tentɛnɛ ɔwe yi uYuda rɛ ámerá, yi kɛbirons tentɛnɛ kɛ yi ka aɲmerá dɛ yi ka aɲyina, pɛ yi hɛ gbo ka mágbal son. Kakolo ka wuni wunɔ kɛ yi hɛ ka afɛm, kɛrɛ kɛ wur ka Kuru.

Aɲrom 3

- ¹Ko ananfa thɔɲ uYuda ɔ ba-e? Thalɔm ko kɛthɛkse kɛbirons kɛ gbɛli ba-e?
- ²Agbathi gbo rɛ rɔɲ o rɔɲ. Ka ɔtɔtɔkɔ, pɛkasifɛ a maɲkɛr anYuda mágbal mɛsɛm ma Kuru.
- ³To pɛ yi bepi alɔm aɲ yi hɛ abɔthi lanɛ-e? Kate lanɛ ka ɲaɲ kɛ tɛ gbɛli yɔ kabɔthi lanɛ ka Kuru kɛ thamrɔ-i?
- ⁴Saki ti; yao, ta Kuru ɔ yi tɛtɛɲ hali wuni o wuni ɔ yi uyem, mə mə a po gbal kɛpa, Kama mə sɔthɔ mɛmari ka mapa ma mu, Dɛ yi mə ɲap ɲaɲ aɲa mə thonkas mu.
- ⁵Kɛrɛ bepi makɛnɔ ma su mə yɔ málompi ma Kuru tɛ kɛbar tɔri gbɛraɲ-e, to mə sɛ gbɛli pa-e? Sɛ gbɛli pa Kuru ɔ yi hɛ ulompi ma ɔ thalɛr wuni-i? (I fɔf mə wuni kɛpɛt).
- ⁶Saki ti. Bepi pɛ yi yaɲ-e, to Kuru mə gbɛli rɔk ɛpa ya raru-e?
- ⁷Bepi pɛ yi rayem ra mi rɛ mə yɔ táteɲ ta Kuru tɛ bɛr sɔthɔ yiki-e, ta kɔyɛɲ mə thonkas mi mə wuni ka ahakɛ-e?
- ⁸Ɔwa kɔyɛɲ sɛ te pa, (mə mə alɔm aɲa mə fofiya su kɛpa sɛ pa ye), Ta sɛ yɔ ɔlɛs kámá ɔfɛnɔ ɔ wur-e? Mátheri ma aɲfɛm ɲati mə tɛ yi mɛlompi.
- ⁹To pɛ yi thɔɲ-a? Saɲ aYuda sɛ thasi aɲlɔm-i? Sako; átesoma-e sɛ po tɔri kɛpa aɲYuda yi tábona tɛlɔm, ɲa bɛ aɲ yi roratha ka aɲfɔsɔ ɲa ahakɛ.
- ¹⁰Mɔ má a po gbal kɛpa, Wuni lompi ɔ yi hɛ hali ukin.
- ¹¹Wuni tárá táy ɔ yi hɛ, Wuni ɔwe thɛns Kuru ɔ yi hɛ.



- 12Da be aŋ po sɔkar, ŋa be aŋ po gbɔgbɛtha, Hali wuni kin ɔ yi he ɔwe mɛ yɔ ɔfinɔ.
- 13Ebolɔ yaŋ ε yi gbo mɔ tɛboma tɛkanthe, Ka tamer taŋ aŋ fɔf yaŋfa. Mɔkɔn ma elɔfɔth mɛ yi roratha ka tasɛŋ taŋ;
- 14Tasɛŋ taŋ tɛ la yi tɛnal yi sim tɛrɔŋkɛth.
- 15Àtátɛk taŋ tɛ yi tɛfɛŋf tɛ kɛlɔŋ mɛtir.
- 16Kádine yi amɔne kɛ yi ka asɔŋ taŋ,
- 17Árɔŋ da máthɔfɛl, aŋ la he tárà ri.
- 18Ranes ra Kuru rɛ yi he rodi ka ɛfɔr yaŋ.
- 19Ɔwa sɛ tárà kɛpa mátáy ama áŋthɔ aŋ pa, aŋ fɔfáne ŋaŋ aŋa yi roratha ka áŋthɔ, kámá a kantha kɛsɛŋ o kɛsɛŋ, de yi kámá ádáru be rɛ ba mɛtheri rodi ka Kuru.
- 20Pɛkasife salata máyɔs ma áŋthɔ wuni o wuni ɔ gbɛli he sɔthɔ mɛmari. Ka kakɛli kɔŋ; kotáy-e áŋthɔ aŋ sɔŋ su kátárà ka aŋhake
- 21Kere ka-ake málompi ma Kuru mɔ tɔrine kɛgbaskine kɛwur ka áŋthɔ, ɔwa áŋthɔ yi Aŋnábi ŋa seri ta málompi mati.
- 22Málompi ma Kuru asabu ŋa kálane ka Yisɔs Kraystáŋ mɛ yi ka ŋa be aŋa mɛ lane.
- 23kotáy-e ɔgbaske ɔ yi he, átesoma-e afɛm be aŋ po yɔ ahake, ɔwa aŋ bun aŋyiki ŋa Kuru,
- 24kere aŋ sɔthɔ mɛmari mɛyaŋkaŋ salata áŋboŋa ŋɔŋ kɛtaŋ ka kabani áke yi ka Yisɔs Kraystáŋ.
- 25kotáy-e Kuru ɔ tɛmɛr kɔ tɛ kɛyi unɛmthene salata kálane ka mátir mɔŋ. Ɔ yɔ áte kámá ɔ tɔri málompi mɔŋ, átesoma-e ka kamuyu kɔŋ ɔ po paine ehake eye aŋ po yɔ,
- 26tɛ kɛtɔri málompi mɔŋ ka áŋlɔkɔ aŋe, tɛ kɛyi, kɔn kɔnɔne ɔ yi ulompi, ɔwa ɔ gbɛli sɔŋ mɛlompi sɔ ka kɔn ɔwe mɛ lane ka Yisɔs.
- 27Kɛkolone, reke kɛ yi thɔŋ sɔ-a? Kɛ gbɛli he yi. Kɔyɛŋ kɛ te gbɛli yi-e? Ta asabu ŋa máyɔs-i? Sako, pɛ yi ta áŋsabu ŋa kálane.
- 28Tiyáŋ sɛ gbɛk kɛpa ye, wuni ɔ sɔthɔ mɛlompi rɛ kɛlane kɛte ba máyɔs ma áŋthɔ.
- 29Kuru ɔ yi ɔKuru ka aŋYuda gbo son-i? Ɔ yi he sɔ ɔKuru ka tábona tɛlɔm-i? Yao, ɔ yi sɔ ka tábona tɛlɔm.
- 30Ma sɛ tárà ɔKuru kin gbo ɔ yi, kɔnɔ ɔ tɛ sɔŋ mɛlompi ka áŋbirons salata kálane, de yi aŋa te yi abirons sɔ, maŋ tɔri kálane kati.
- 31Saŋ sɛ yɔ kálane ake tɛ kɛdim anthɔ-i? Saki ti! Sɛ báksɛr áŋthɔ.

Aŋrom 4



- ¹To mə sə pa thəŋ-a ta Ebrahim ɔbemba kásu ka rawuni kəpet ka su-e?
- ²kotáy-e bepi ɔ sotho naŋ məmari salata máyos məŋ-e, ɔ ba naŋ rá ɔ gbəli kolonɛ, kɛrɛ rodi ka Kuru thahɔ.
- ³Ko mágbal məsəm mə pa-e? Ebrahim ɔ lanɛ Kuru, ka a lóm ti ro rəŋəŋ móló min rə məlompi.
- ⁴Ɔwa kən ɔwe yɔ məpanth-e, a kəli he ɔŋrám ŋəŋ mə aboya, kɛrɛ pə yi mə ɔŋrám ŋəŋ gbeŋ.
- ⁵Ɔwa kən ɔwe te yɔ məpanth, kɛrɛ ɔ lanɛ gbo kən ɔwe gbəli səŋ məmari ka ŋaŋ aŋa te yi alompi, a lóm kálanɛ kəŋ mə məlompi.
- ⁶Debid sə ɔ tɔri aŋruba ŋa ɔwuni ɔwe Kuru ɔ loma məlompi kəgbaskinɛ kəwur ka máyos məŋ.
- ⁷Ɔ pa hɔ, Aruba aŋ yi ka ŋaŋ aŋa a tera makəná maŋ, Yi aŋa ba ɛhake ɛgbəpɛr.
- ⁸Wuni ka aruba wəŋ ɔwe ɔMarki mə te loma kə ɛhake yəŋ.
- ⁹Aŋruba aŋe aŋ yi gbo ka ɔŋbironson-i, thalóm ka aŋa te yi abironson-i? kotáy-e sə pa a lóm kálanɛ ka Ebrahim tə kəyi naŋ məlompi.
- ¹⁰Asabu areke mə a lóm ki-e, yeŋka a bironson-kə-e, thalóm kədarəŋ kati-e? Ka kábironson thahɔ, kɛrɛ ka kate bironson.
- ¹¹kə sotho aŋlomar ŋa kábironson tə kətɔri tentenɛ málompi ka kálanɛ áke ɔ ba yeŋka a bironson kə, kámá ɔ gbəli yi ɔkas ka ŋaŋ be aŋa lanɛ hali ma a te tha bironson ŋa, kámá a gbəli loma ŋa məlompi sə,
- ¹²dɛ yi kámá ɔ gbəli yi ɔkas ka ɔŋbironson-e, pə yi he ŋaŋ aŋa a bironson ka mader gbo gbɛt, kɛrɛ ŋaŋ aŋa taŋanɛ ɔkas kásu Ebrahim ka kálanɛ áke ɔ ba yeŋka a bironson kə.
- ¹³kotáy-e aŋlahiri ŋa Ebrahim dɛ yi aŋwuth ŋəŋ, kəpa aŋ tə səkɛ aŋbáki ŋa ádaru, aŋ der he kətáŋanɛ ka aŋtho, kɛrɛ ka málompi ma kálanɛ.
- ¹⁴kotáy-e bepi ŋaŋ aŋa wop aŋtho aŋ yi aŋbáki-e, kálanɛ kə səkɛ ayay, yi aŋlahiri aŋ thamrɔ,
- ¹⁵pəkasife aŋtho aŋ tə kərə kathalər ka rábaŋ, kɛrɛ ro atho aŋ te yi, kələsər aŋtho kə yi he ri.
- ¹⁶Tiyáŋ aŋlahiri aŋ təmá ka kálanɛ kaŋka aŋ gbəli yi salata aboŋa; kámá aŋlahiri aŋ bəkər ka aŋwuth be, pə yi he gbo ka ŋaŋ aŋa təmá ka aŋtho, kɛrɛ ka ŋaŋ sə aŋa yi ka kálanɛ ka Ebrahim, kotáy-e kənɔ yi ɔkas kásu be,
- ¹⁷(mə mágbal məsəm mə pa, I po səki mu ɔkas ka tábona təgbáthi) rodi ka kən ɔwe ɔ lanɛ, pə yi mə Kuru Məsaba, ɔwe kəlis aŋfi, dɛ yi ɔwe tela ɛyɛt ɛyɛ te tha yi mə ɛ yi.
- ¹⁸Ebrahim-əŋ ma ɔ te sə ba rə ɔ gbak amera-e, halisa ɔ lanɛ rə kəgbak ámerá, kámá ɔ səkɛ ɔkas ka tábona təgbáthi; mə mə ásim tə pa, Yaŋ aŋwuth a mu aŋ tə yi.



¹⁹Hali ɔ yema bāk thɔŋ tɔren kɛmɛ kin-e, kɔ yi gbo mɔ wuni fi ka ander-e, kálanɛ kɔŋ kə thamrɔ hɛ, hali mɔ ɔ tǎrà sɔ kɔpa Sara ɔ po thas ɔŋlɔkɔ tɔ kɔkom.

²⁰Ɔ sike hɛ ti tɔ kɔtɛ lanɛ ɔŋlahiri ŋa Kurɔŋ, ɔ bákɛr gbo ka kálanɛ, kɔ sɔŋ Kuru yiki.

²¹Ɔ lanɛ tɛntɛnɛ kɔpa átá Kuru ɔ po lahiri, ɔ ba afɔsɔ tɔ kɔyɔ.

²²Tiyánŋ a lɔma kɔ ti tɔ kɔyi mɔ mɔlompi.

²³Ɔwa a gbal hɛ ti ta atɔŋ gbo son-e, kɔpa a lɔma kɔ ti tɔ kɔyi mɔ mɔlompi,

²⁴kɛrɛ ta átá su sɔ. Ɔwa Kuru ɔ tɔ kɔli kálanɛ kásu mɔlɔ min, bepi sɔ lanɛ kɔn ɔwe yokas Yisɔs Krayst kásu ka ɔŋfi.

²⁵Ɔwe a sɔnd salata ɛhake ɛ su, ɔwa a yokas kɔ kɔtɔŋ ka ɔŋfi kámá sɔ gbɔli sɔthɔ mɔmari.

Aŋrom 5

¹Tiyánŋ ma sɔ po sɔthɔ mɔmari kɔtánŋɛ ka kálanɛ-e, sɔ ba mɔthɔfɛl yi Kurɔŋ salata Yisɔs Krayst ɔMarki kásu,

²ka ɔwe sɔ sɔthɔ rɔŋ rɔ kálanɛ ka ɔŋboŋa ŋa Kuru ro sɔ tɔmá. Ɔwa ta pɛ bɔnɛ su salata kɔgbak ámerá ka ɔŋyiki ŋa Kuru.

³Ɔwa pɛ yi hɛ gbo yaŋ, kɛrɛ sɔ sel mɔbɔnɛ ka ɛsɔmpanɛ ɛ su sɔ, ma sɔ tǎrà kɔpa kásɔmpanɛ kɔ tɔ kom kámuyu;

⁴ɔwa kámuyu kɔ tɔ kom kátara, yi kátara kɔ tɔ kom kɔgbak ámerá.

⁵Ɔwa kɔgbak ámerá kɔ tɔns hɛ su pɛkasifɛ mɔbɔthɛr ma Kuru mɔ lasɛr tabuth ta su kɔtánŋɛ ka ɔYina mɔsɛm ɔwe ɔ sɔŋ su.

⁶kɔtáy-e ma sɔ te tha ba afɔsɔ-e, ka ɔŋlɔkɔ abeki Krayst ɔ fi ta salata ɔŋa te bɔthɛr Kuru.

⁷Átesoma-e pɛ tɔ yi naŋ ɔbaki mɔdɛr ta wuni tɔ kɔfi salata wuni lompi; kɛrɛ sɔthlɔm wuni lɔm ɔ tɔ mintha hali tɔ kɔfi ta wuni finɔ.

⁸Kɛrɛ Kuru ɔ tɔri mɔbɔthɛr mɔŋ ro rɔsu, pɛkasifɛ ma sɔ yi ras afɛm ŋa ahake-e, Krayst ɔ fi ta átá su.

⁹Tiyánŋ ma a sɔŋ su mɔmari ka-ake salata mátir mɔŋ-e, pɛ tha gbethi a tɔ kisis su kɔwɔr ka rabaŋ ra Kuru salata ɔŋesɛm ŋɔŋ.

¹⁰kɔtáy-e bepi ma sɔ yi ras saŋ atheranɛ-e, a yɔ su sɔ kál manɛ yi Kurɔŋ kɔtánŋɛ ka rafi ra ɔWan kɔŋ-e, pɛ tha gbethi ma sɔ po thɔŋ kál manɛ-e, a tɔ kisis su salata ɔŋesɛm ŋɔŋ.

¹¹Ɔwa pɛ thalɛ hɛ ri gbo-e, kɛrɛ sɔ sel mɔbɔnɛ sɔ ka Kuru asabu ŋa ɔMarki kásu Yisɔs Kraystánŋ, ma sɔ po sɔthɔ kakal manɛ kásu kɔtánŋɛ do rɔŋɔŋ.



- ¹²Tiyán ma ahake aŋ wəŋ ka ádàru asabu ŋa wuni kin de yi rəfi sɔ-e, asabu ŋa ahake-e; yaŋ rəfi rə rensa wuni o wuni kotáy-e afəm be aŋ po yɔ ahake.
- ¹³Ahake aŋ yi ka ádàru yenka a sɔŋ àŋthɔ, kere a gbəli he loma wuni ahake ma àŋthɔ aŋ te tha yi.
- ¹⁴Ɔwa kətəp ka Adám haŋ ka Mosis rəfi rə gbəka, hali rokəm ka ŋaŋ aŋa te yɔ ahake ŋa Adám. Ɔwa ɔ yi anthunthərə ŋa kən ɔwe ba koder.
- ¹⁵Kere ɔgbaske ɔ yi kətəŋ ka aŋhake ŋa Adám yi àŋboya ŋa Kuru, kotáy-e bepi, asabu ŋa aŋhake ŋa wuni kin-e, afəm be aŋ ba tɔ kəfi-e, pə tha gbethi àŋboŋa ŋa Kuru yi àŋboya ŋa àŋboŋa aŋa mə der salata ɔwuni kin, Yisɔs Kraystəŋ, aŋ tɔ thermɛ ka afəm be.
- ¹⁶Ka ɔgbaske ɔ yi sɔ kətəŋ ka ànɔnth ŋa aŋhake ŋa ɔwuni kin kati yi àŋboya. Kotáy-e anthoŋkas aŋa tən aŋhake ŋa wuni kin aŋ kərə mətheri, kere àŋboya ŋa àŋboŋa ŋa Kuru aŋa tən ehake egbáthi aŋ kərə məmari.
- ¹⁷Pəkasiɛ bepi-e, salata aŋhake ŋa wuni kin rəfi rə gbəka asabu ŋa ɔkin-e, pə tha gbethi ŋaŋ aŋa sɔthɔ àŋboŋa ábana ŋa Kuru de yi àŋboya ŋa malompi aŋ tɔ gbəka ka aŋesəm, asabu ŋa ɔkin Yisɔs Kraystəŋ.
- ¹⁸Di kati, ma aŋhake ŋa ukin aŋ kərə mətheri ka afəm be; yaŋ sɔ málompi ma ukin mə kərə məmari de yi aŋesəm ka afəm be.
- ¹⁹kotáy-e ka asabu ŋa kate sane ka wuni kin agbáthi aŋ po səkɛ afəm ŋa ahake-e, yaŋ sɔ asabu ŋa kasane ka wuni kin agbáthi aŋ səkɛ alompi.
- ²⁰A wəŋ àŋthɔ kámá ahake aŋ bárnɛ. Kere ro ahake aŋ bárnɛ, aboŋa aŋ bār gbo bárnɛ;
- ²¹kámá mə ahake aŋ gbəka salata rəfi, yaŋ sɔ aboŋa aŋ gbəka salata málompi kəkɔ ka aŋesəm thəbana asabu ŋa Yisɔs Krayst ɔMarki kásu.

Aŋrom 6

- ¹To mə sɔ pa thəŋ-a? Sɔ básər nu kəyɔ ehake kámá aboŋa aŋ la-i?
- ²Saki ti; saŋ aŋa po fi ta ahake-e, to mə sɔ gbəli tiyá ri sɔ-e?
- ³Nə tără he ti kəpa saŋ aŋa a po baftays ka Yisɔs Kraystəŋ, a baftays su kəwəŋ ka rafi rəŋ-i?
- ⁴Tiyán ka àŋbaftisəm ásu a maŋk su yi kən ka rəfi, soma mə mə a yɔ Krayst ɔ kál yokane kətəŋ ka aŋfi-e, ka aŋfɔsɔ ŋa ɔKas-e, yaŋ sɔ saŋ sɔ yi tɔ kəkɔth ka aroŋ da aŋesəm afu.
- ⁵kotáy-e bepi pə yi sɔ pantnɛ rəkin yi rafi rəŋ-e, sɔ tɔ pantnɛ tentenɛ rəkin yi káyokane kəŋ ka rəfi.
- ⁶Sə tără kəpa ɔwuni kur kásu a po tən kɔ ka akənt kəpəŋkine yi kən kámá mayi ma su ma ahake mə gbəli dine, ɔwa kámá sɔ te sɔ yi atar ŋa ahake.



- ⁷Ɔwa ɔwe po fi-e ɔ po yi kəyankaŋ kəwur ka aŋhake.
- ⁸Kere bepi pə yi thəŋ sə po fi yi Kraystaŋ, sə lane kəpa sə tə kəl yi sɔ yi kən.
- ⁹Sə tārà kəpa ma Krayst ɔ kəl yokane kətəŋ ka aŋfi-e, ɔ fi he sɔ thənkəŋ. Rāfi rə gbəli he sɔ gbəka kɔ.
- ¹⁰kotáy-e rafi ara ɔ fi-e, rə yi rəfi ta ahake win ta thəbana, kere aŋesəm aŋa ɔ ba thəŋ-e, ɔ ba ŋi ta salata Kuru.
- ¹¹Yaŋ sɔ naŋ nə yi tə kəlɔmne kəpa ye nə yi nia aŋi ta ahake, kere nə yi akəli ta Kuru salata Yisəs Krayst ɔMarki kəsɔ.
- ¹²Tiyəŋ te selo ahake aŋ gbəka ka mader ma nu tə kəyɔ mafela mati.
- ¹³Te sɔnd malaŋktha ma mader ma nu ka ahake mɔ eyet etima ya məkənà, kere sɔndne ka Kuru mɔ afəm akəli aŋa po wur ka rəfi kəkɔ ka aŋesəm, yi malaŋktha ma mader ma nu mɔ eyet etima ya mələmpi salata Kuru.
- ¹⁴kotáy-e ahake aŋ gbəli he sɔ gbəka nu kábi nə yi he sɔ ka antho-e, nə yi roratha ka aŋboŋa ŋa Kuru.
- ¹⁵To pə yi thəŋ-a? Sə yi nu tə kəyɔ ahake pəkasiŋe sə yi he roratha ka aŋtho kere roratha ka aboŋa-i? Kuru saki ti.
- ¹⁶Nə te he kəpa ka ɔwe nə sɔndne mɔ atar asane, nə yi ebɔy ya ɔkin kati, pə yi ka ahake kəkɔ ka rəfi-e, thaləm pə yi ka kəsane Kuru kəkɔ ka mələmpi-i?
- ¹⁷Kere sə muti Kuru mɔmɔ pəkasiŋe ma nə la yi ebɔy ya ahake, nə po wop rə ámerà kathəksa áke a tɔri nu.
- ¹⁸Ma a wurɔ nu ka ratar ra ahake-e, nə səke atar ŋa mələmpi.
- ¹⁹I fɔf mɔ wuni kəpet salata mārənt ma mader ma nu; kotáy-e mɔ mɔ nə la sɔnd malaŋktha ma nu tə kəyɔ mələs de yi məkənə tətəp tətəp be, ɔwa ka-ake nə yi tə kəsɔnd malaŋktha ma nu tə kəyɔ mələmpi kəkɔ ka kəsəməsne.
- ²⁰kotáy-e ma nə yi ebɔy ya ahake-e, nə paŋ mələmpi;
- ²¹kere ko táy təfɔnə nə po sɔtho kəwur ka máyos mati-e, pə yi mɔ máyos ama sɔŋ nu mələp ka-ake ma nə nane ma-e? Átesoma-e ɔthalne wa máyos mati ɔ yi rəfi.
- ²²Kere ka-ake ma nə po wur ka ratar ra ahake-e, ɔwa nə səke antar ŋa Kuru-e, nə ba aŋrám ŋa kəsəməsne de yi ka ɔthalne wati sɔ-e, aŋesəm thəbana.
- ²³kotáy-e aŋrám ŋa ahake aŋ yi rəfi, kere aŋboya ŋa Kuru aŋ yi aŋesəm thəbana rokor ka Yisəs Krayst ɔMarki kəsɔ.

Aŋrom 7

- ¹Pə sək he nu aŋwont a mi, (kotáy-e i fɔfəne afəm aŋa tārà aŋtho), kəpa aŋtho aŋ gbəli gbo gbəka wuni ma ɔ yi ras ukəli-i?



- ²Tiyán̄ ka ànthò, òwuni bom ubala ò yi usekərəne ka òwos kəŋ fani ma ò yi ukəli, kere bepi òwos kəŋ ò fi-e, a səli kə kəwur ka ànthò ñati.
- ³Tiyán̄ bepi ò balà ka wuni ləm ma òwos kəŋ ò yi ras ukəli-e, a tə bont kə ubera urəpi; kere bepi òwos ò fi thəŋ-e, ànthò ñati aŋ ba he sò afəsò rokəm kəŋ. Hali ò kál sò balà rə wuni ləm-e, ò yi he sò ubera urəpi.
- ⁴Ɔwa aŋwənt a mi, naŋ sò nə pò fi salata ànthò asabu ña ànder ña Krayst, kámà nə gbəli balà ka uləm, pə yi mə ka kən òwe pò yokane ka rəfi, kámà sə wur məkomi ta Kuru Məsaba-əŋ.
- ⁵kotáy-e ma sə la yi ka mayi ma su məkur-e, mafela ma su mələs ama ànthò aŋ thəmi-e, mà mə yə malaŋktha ma mader ma su mə wur məkomi ta rəfi.
- ⁶Kere ka-ake sə pò fisà kəwur ka ànthò, ma pə yi sə pəŋ fi salata aŋa wop su. Tiyán̄ sə bəthò rə aŋesəm afu ka ƆYina, pə yi he ka mągbal məkur gbo gbet.
- ⁷To mə sə pa thəŋ ta ti-a? Ànthò aŋ yi táy tələs-i? Saki ti. Bepi pə yi he naŋ ka anthò-e, i gbəli he tără naŋ ahake; kotáy-e bepi ànthò aŋ la he naŋ pa, Te ba amile salata eyet ya wuni ləm-e, i gbəli he naŋ tără to amile aŋ yi.
- ⁸Kere ahake-e, maŋ pò gbasi afəsò asabu ña aŋyamari, aŋ yəne mələfa tətəp be rokor kámi; kotáy-e bepi ànthò aŋ yi he naŋ, ahake aŋ tə pò naŋ fi.
- ⁹Ka àŋlòkə ma i te tha tără anthò-e i yi ukəli, kere ma aŋyamari ña ànthò aŋ bek-e, ka ahake aŋ thəme, ka mineŋ i fi tene.
- ¹⁰Ka i fir kəpa aŋyamari gbeŋ aŋa yi naŋ tə kəsəŋ mi aŋesəm, aŋ səŋ mi thəŋ rəfi.
- ¹¹Ɔwa ahake sə-e, maŋ fir àŋsabu ñati ka aŋyamari ña anthò-e, aŋ təns mi, Ɔwa di kati rə aŋ dif mi.
- ¹²Tiyán̄ ànthò aŋ yi asəm, yi aŋyamari aŋ yi asəm, alompi de yi afinò.
- ¹³Ɔwa pə gbəli yi àtá yi təfinò tə səkə rəfi ta àtá mi-i? Saki ti. Kere ahake ñə mə yə mi i fi kətaŋ ka àtá yi təfinò, kámà aŋ tərine kəpa pə yi ahake tentene, kámà aŋyamari aŋ təri oləs wa ahake gbafəth.
- ¹⁴kotáy-e sə tără kəpa ànthò aŋ yi asəm kere mine i yi gbo ka mafela ma ànder, i yi utar ka ahake.
- ¹⁵Àtesoma-e pə sək he mi to pə som mə i yə àtá mə i yə, kotáy-e i yə he àtá i yema, kere àtá i gbeŋa, tà me yə.
- ¹⁶Ɔwa bepi i yə àtá i te yema-e, i selə kəpa ànthò aŋ yi afinò,
- ¹⁷kotáy-e pə yi he mineŋ òwe mə yə ti, kere pə yi ahake aŋa yi mi rokor.
- ¹⁸I tără kəpa rokor kámi, pə yi mə-e, ka ànder a mi, táy təfinò tə yi he ri; kotáy-e məsələ mə yi mi tə kəyò olompi, kere aŋfəsò tə kəyò yi aŋ yi he.
- ¹⁹Àtesoma-e i yə he tafinò àtá i yema; i yə gbo taləs àtá i te yema.



²⁰Kere bepi i yɔ átá i te yema-e, pə yi he minɛɲ sɔ ɔwe yɔ ti, pə yi ahake aɲa yi mi rokor.

²¹Tiyáɲ i fir athɔ aɲ yi ro rəmi kəpa ye, ma i yema yɔ ɔlompi ahake aɲ bəpər.

²²kotáy-e ɔ bɔnɛ mi ro ámerá salata áɲthɔ ɲa Kuru.

²³Kere i nənɔk athɔ alɔm ka malaɲktha ma áɲder a mi aɲa mə timanɛ áɲthɔ ɲa áɲmerá a mi tɔ kəgbasi mi mə ukendɛbira ratha ka áɲthɔ ɲa ahake aɲa yi ka malaɲktha ma áɲder a mi.

²⁴O minɛɲ i yi wuni mɔnɛ! Kanɛ mə kisis mi ka áɲder ɲa rafi aɲe-e?

²⁵I mɔmɔ Kuru, kakisi kə yi ka Yisɔs Krayst ɔMarki kásu. ɔwa ka áɲmerá a mi i báthɔ áɲthɔ ɲa Kuru; kere ka áɲder a mi i tán ɲthɔ ɲa ahake.

Aɲrom 8

¹Tiyáɲ mətheri mə gbəli he sɔ yi ta átá ɲaɲ aɲa yi rokor ka Yisɔs Kraystáɲ, aɲa mə te kɔth ka mafela ma mader, kere ka ɔYina məsəm.

²Átesoma-e áɲthɔ ɲa ɔYina məsəm ka aɲesəm rokor ka Yisɔs Krayst aɲ po səli mi kəwur ka áɲthɔ ɲa ahake yi ráfi.

³kotáy-e átá áɲthɔ aɲ te gbəli yɔ, maɲ yi ayay asabu ɲa mader-e, Kuru ɔ yɔ ti ma ɔ somra ɔWan kɔɲ ka mábálánɛ ma áɲder ɲa wuni ka ahake-e, tɔ kəyi sathka ta salata ahake, kɔ ɲapas ahake ka mader;

⁴kámá málompi ma áɲthɔ mə gbəli gbenthis ro rɔsu, aɲa te kɔth ka mafela ma mader, kere ka ɔYina məsəm.

⁵kotáy-e ɲaɲ aɲa taɲanɛ mafela ma mader-e, aɲ botər ti rə ámerá ta salata mátáy ma mader, kere aɲa taɲanɛ ka ɔYina məsəm-e, aɲ botər ti rə ámerá salata mátáy ma ɔYina.

⁶kotáy-e mayi ma mader ma ahake mə kárá rəfi; kere mayi ma ɔYina məsəm mə yi aɲesəm yi məthɔfəl.

⁷Pəkasife mayi ma mader mə yi məgbɛɲa kəɲamɛ Kurɔɲ, átesoma-e mə sanɛ he ka áɲthɔ ɲa Kuru, ɔwa mə gbəli he yɔ yi hali.

⁸Tiyáɲ ɲaɲ aɲa ba mayi ma mader aɲ gbəli he thesanɛ Kuru Məsaba.

⁹Kere naɲ, nə yi he ka mader-e, nə yi ka ɔYina məsəm, bepi pə yi ɔYina məsəm ka Kuru a yi nu rokor. ɔwa bepi wuni ɔ wuni ɔ ba he ɔYina ka Kraystáɲ ɔ yi he ukɔɲ.

¹⁰ɔwa bepi Krayst ɔ yi nu rokor-e, hali mader ma nu mə yi məfi salata ahake, kere eyina ε nu ε ba aɲesəm salata málompi.

¹¹Bepi ɔYina ka kɔn ɔwe yokas Yisɔs kətɔɲ ka aɲfi ɔ yi rokor ka nu-e, kɔn ɔwe yɔ Yisɔsáɲ ɔ kál yokanɛ ka rəfi ɔ tɔ sɔɲ aɲesəm ka mader ma nu salata ɔYina kɔɲ ɔwe yi rokor ka nu.



- ¹²Tiyāŋ aŋwont a mi, saŋ sə ba he sə rəbei salata mafela ma mader ma su, tə kətaŋ ma,
- ¹³pəkasiŋe bepi nə yi kətaŋāne ka aŋfəso ŋa mafela ma mader-e, nə tə fi. Kere bepi nə difəth māyos ma mader rə aŋfəso ŋa əYina-e, nə tə ba aŋesəm.
- ¹⁴Ātesoma-e ŋaŋ aŋa əYina ka Kuru ə kətha-e, ŋa yi aŋwuth ŋa Kuru,
- ¹⁵kotāy-e nə sothə he sə emerā ya rətar tə kəkəl nesa; kere nə sothə emerā ya rəwaŋkom, əwa di kati sə pa, Aba, Pa.
- ¹⁶əYina kən kənəne ə soŋ məseri de yi emerā ε su, kəpa sə yi aŋwuth ŋa Kuru.
- ¹⁷əwa bepi sə yi awuth-e, sə yi thoŋ abāki ŋa akeŋ, abāki ŋa Kuru, yi aŋyerane de yi Krayst salata rabāki, bepi pə yi sə nakasi yi kən, kāmā sə sothə aŋyiki yi kən.
- ¹⁸kotāy-e, i botər ti rə āmerā kəpa kanakasi ka aŋləkə aŋe kə bek he tə kəthunthane de yi aŋyiki aŋa yi tə kətərine do rəsu.
- ¹⁹kotāy-e eyet ebempa be ε tə kar rə kəbosine kəbaŋ ta kaŋāybe ka aŋwuth ŋa Kuru.
- ²⁰kotāy-e eyet ebempa ε yi he ras egbenthis, pə yi he ka məselə mati, kere ka məselə ma kən əwe səki ti yaŋ.
- ²¹Kere kəgbak āmerā kə yi kəpa yi ka ələpsə eyet ebempa be a tə səli yi kəwur ka ratar ra mayi məthei tə kəsəthə rāwankom rəgbenthis ra aŋwuth ŋa Kuru.
- ²²Ātesoma-e sə tārā kəpa eyet ebempa be ε laŋ rə ənakasi əbaŋ haŋ ka-ake.
- ²³Ka pə yi he gbo yaŋ-e, kere saŋ sə gbeŋ aŋa ba mākomi mətətəkə ma əYina-e, hali saŋ sə laŋ rə āmerā, ma sə kar aŋləkə ma a ba kəsəki su mə awuth, pə yi mə-e kabani ka mader ma su.
- ²⁴kotāy-e rə kəgbak āmerā sə po sothə kəkisi; kere atāy atā mə sə nəŋka rəfər tə yi he tātəgbak āmerā, kotāy-e kane mə gbak āmerā ta atā ə nəŋka rəfər-e?
- ²⁵Kere bepi sə gbak āmerā ta atā sə te tha nəŋka rəfər-e, sə tə kar ti rə kəmuyu.
- ²⁶Yaŋ əYina məsəm sə ə mar su ka mārānt ma su; ātesoma-e sə te he tə kəramne mə mə sə yi naŋ tə kəramne, kere əYina məsəm-e, kən kənəne ə nemthene ta atā su yi təlaŋ atā a te gbəli pa.
- ²⁷əwa kən əwe mə gbəleŋ emerā ə tārā ko aŋmerā ŋa əYina məsəm aŋ yi, pəkasiŋe ə nemthene ta salata aŋfəm ŋa Kuru kətaŋāne ka məselə ma Kuru.
- ²⁸Ka sə tārā kəpa mātāy be mə tə yəne fiŋə ta salata ŋaŋ aŋa bothər Kuru, pə yi mə ta ŋaŋ aŋa a muti kətaŋāne ka məselə məŋ.
- ²⁹kotāy-e ŋaŋ aŋa Kuru ə po thith thəpaŋ, ə ba mabotəs mati kāmā aŋ taŋane ka mabālāne ma əWan kəŋ, kāmā əWan kəŋ ə yi əbaki kətəŋ ka awont agbāthi.
- ³⁰əwa ŋaŋ aŋa ə po thith thəpaŋ, ŋaŋ sə ə muti; əwa ŋaŋ aŋa ə muti-e, ə soŋ ŋa məmari; əwa ŋaŋ aŋa ə soŋ məmari-e, ə kəl yikis ŋa.



- ³¹To mə sə gbəli pa thəŋ ta salata mātáy ame-a? Bepi Kuru ɔ tɔmá ta átá su-e, kanɛ mə gbəli tɔmá kəŋamne su-e?
- ³²Bepi Kuru ɔ pɛnsa hɛ tɔ kəsɔnd ɔWan kəŋ ta átá su-e, ɔ gbəli hɛ sɔ selɔ tɔ kəsəŋ su mātáy bɛ yi kən-i?
- ³³Kanɛ mə gbanthir aŋfəm ŋa Kuru ta táy o tay-e? Pə yi Kuru ɔwe mə səŋ məmari.
- ³⁴Kanɛ yi tɔ kəsəŋ ŋa mətheri-e? Pə yi Krayst Yisəs ɔwe fi, aŋko, ɔwe kál yokanɛ ka rəfi, ɔwe yi thəŋ ka kádiyɔ ka Kuru, ro mə nɛmthɛnɛ ta átá su.
- ³⁵Kanɛ sɔ mə gbaski su kəwɜr ka mabəthər ma Kraist-e? Pə yi kəsəmpanɛ-o, amənɛ-o, məkethanɛ-o, dor-o, rətɪŋ-o, məsibo-o, thaləm agbathɔ-i?
- ³⁶Mɔ mə a gbal kəpa, Salata mu a difəth su pali A nənɔ su mə təlɔmɛ aŋa mə a fai.
- ³⁷ɔwa ka mātáy ame bɛ sə ba kətham kəthasər asabu ŋa kən ɔwe bəthər su.
- ³⁸kotáy-e i lanɛ kəpa rəfi-o, aŋesəm-o, amaleka-o, agbəka-o, ɛfɔsɔ-o, mātáy ma ka-ake-o, mātáy ma ninaŋ-o,
- ³⁹kəsəŋa-o, ɔbɔlɔŋ-o, thaləm rəka o rəka ɛbɛmpa ɛ gbəli hɛ gbaski su ka mabəthər ma Kuru ama yi ka Yisəs Krayst ɔMarki kásu.

Aŋrom 9

- ¹I fəf tətəŋ rokor ka Krayst, pə yi hɛ rəyem, aŋsəŋ a mi sɔ aŋ seri ta ti kətəŋəne ka ɔYina məsəm
- ²kəpa i ba ɔnɔsɪnɛ yi ɔbaŋ ɔbana ka aŋmerá a mi ləkɔ o ləkɔ.
- ³kotáy-e i gbəli naŋ fela kámá min minɛnɛŋ i yi uraŋka kəwɜr ka Krayst salata aŋwɔnt a mi aŋa yi ka aŋbona a mi gbɛŋ;
- ⁴aŋa yi aŋIsrɛl; aŋa ba aŋɛs ŋa aŋwuth ŋa Kuru, yi aŋyiki, yi ɛlɛmranɛ, yi kasəŋ aŋthɔ, yi kabəthɔ ka aŋsɛth ŋa Kuru dɛ yi ɛlahiri.
- ⁵ɔba ba aŋkas, ɔwa ŋa ba sɔ ɔKrayst kətəŋəne ka rawuni kəpɛt, ɔwe yi rokɔm ka bɛ, uruba wəŋ ka Kuru thəbana. Amina.
- ⁶Pə yi hɛ kəpa árim ra Kuru rə po ləsá, kotáy-e ŋa bɛ thahɔ aŋa yi ka Isrɛl, ŋa mə yi aŋIsrɛl tɔ tentɛnɛ.
- ⁷Pəkəsɪfɛ pə yi hɛ ŋa bɛ ka rákomra ra Ebraham ŋa mə yi aŋwuth ŋəŋ tɔ tentɛnɛ-e, kɛrɛ aŋlahiri aŋ pa, Ka Aysak a tɔ bont rákomra ra mu.
- ⁸Pə yi kəpa aŋwuth aŋa mə a kom ka mader ŋa tha mə yi aŋwuth ŋa Kuru-e, kɛrɛ a nənɔ aŋwuth ŋa aŋlahiri tɔ kəyi mə rákomra rətɛntɛnɛ-əŋ.
- ⁹kotáy-e árim ra aŋlahiri ri are, Ka aŋlɔkɔ aŋɛ ka karen kəlɔm i ti der, ɔwa Sara ɔ yi tɔ kəkɔm wath runi.



- 10 Ɔwa pə yi he gbo yaŋ-e, kere rodarəŋ kati ma Rebeka sɔ ɔ gbasi kor ka ukin, pə yi mɔ-e, ka ɔkas kàsu Aysakàŋ,
- 11 hali ma a te tha kom aŋwuth ras-e, ɔwa maŋ te tha yɔ ɔfɪnɔ thalɔm ɔlɛs, kámá máselɔ ma Kuru asabu ŋa kathithɛs kɔŋ mə gbəli tɔma-e, pə yi he salata máyɔs maŋ, kere salata katela kɔŋ;
- 12 a tɔri Rebeka kəpa, Ɔbaki ɔ ba tɔ kəbatho ɔfɛth.
- 13 Mɔ mágbal məsəm mə pa, I po bothər Yekəb, kere i gbəŋa Iso.
- 14 To mə sɔ pa thɔŋ-a? Kuru ɔ ba agbáy-i? Saki ti.
- 15 kotáy-e ɔ pa ka Mosis, I ti ba áney ka ɔwe mə i ba áney, ɔwa i ti boŋa ɔwe mə i ba kəboŋa.
- 16 Tiyáŋ pə yi he ka máselɔ ma wuni kəpet, thalɔm ka máyɔs mɔŋ, kere pə yi ka áŋney ŋa Kuru Məsaba.
- 17 Magbal məsəm mə pa ka Fero, Ta átáy áte gbəŋ tɔ i po ŋata mu, kámá i tɔri aŋfɔsɔ a mi rokɔm ka mu de yi kámá a gbanthene áŋes a mi ka ádàru bɛ.
- 18 Tiyáŋ ɔ tɔ ba áney ka ɔwe ɔ yema ba áney, ɔwa ɔwe ɔ yema kəgbolŋas-e, ɔ tɔ gbolŋas kɔ.
- 19 Nənsa nə tɔ pa ro rɔmi, To som Kuru mə theke wuni ras-e? kotáy-e kanɛ mə gbəli kasi máselɔ mɔŋ-e?
- 20 Gbere, mun wuni kəpet, mun kanɛ ɔwe mə thɔŋka yi Kuru-e? Pə yi rəka rəsəl rə gbəli pa ka ɔsal, To som má mə sala mi yaŋ-e?
- 21 Ɔsal ɔ ba he afɔsɔ ka eyɔftha kámá pə yi rə kəboth kin ɔ gbəli bɛmpa rəka din ara mə yi rəkolo, yi rəka rəlɔm rəyai-i?
- 22 To pə yi thɔŋ-a, bɛpi Kuru ma ɔ yema tɔri rabaŋ rɔŋ kámá a tără aŋfɔsɔ ŋɔŋ, ɔ muyu rə kəmyu kəlele aŋfəm ŋa rabaŋ rɔŋ aŋa a bɛmpa tɔ kədine;
- 23 kámá ɔ tɔri rayola ra aŋyiki ŋɔŋ ka aŋfəm ŋa áŋney ŋɔŋ aŋa ɔ bɛmpa thəpaŋ ta ayiki,
- 24 hali saŋ aŋa ɔ po tela kəwur ka aŋYuda son thahɔ, kere ka tábona təlɔm sɔ.
- 25 Mɔ ɔ poŋ pa ka mágbal ma Hosiya, I ti bont ŋa aŋfəm a mi aŋa te la yi aŋfəm a mi, I ti tela kɔ ɔbothər kámi ɔwe te la yi ubəthər.
- 26 Ɔwa ka ɔder ro a la pa ro rɔŋaŋ, Nə yi he aŋfəm a mi, Ri gbəŋ a tɔ bont ŋa aŋwuth ŋa ɔKuru ukəli.
- 27 Ka Isaya ɔ wurɔ rim lɛɔ salata Isrəl, ɔ pa, Bɛpi kagbath ka aŋwuth ŋa Isrəl kə yi mə kasənt ka ro baŋ-e, athàn gbo ŋa mə kisi;
- 28 pəkasife ɔMarki ɔ tɔ lasər árim rɔŋ ka ádàru, ɔ tɔ pons ri lɛmp rə kəte kar.



²⁹Ɔwa mə Isaya ɔ pa thəpaŋ, Bepi ɔMarki ka aYama ɔ tha tiyà he ɔthan ka aŋbona a su, Sə tə poŋ naŋ səke mə Sədom yi mə Kòmora.

³⁰To mə sə pa thəŋ ta ti-a? Ta sə pa kəpa tábona təlóm aŋa tə taŋane mələmpi aŋ po sɔthə ma, pə yi mə mələmpi ama wur ka kálane-i?

³¹Kere aŋIsrel aŋa taŋane mələmpi ama təmə ka anthə-e, aŋ gbəli he lasər aŋthə ŋati.

³²To pə som-e? Pəkasiŋe aŋ thens he ŋi kətaŋ ka kálane, kere ka máyos ma aŋthə. Kotáy-e aŋ pənthəla ka aŋsar apəth ŋati;

³³mə mágbal məsəm mə pa hə, Kəla, i bot ro Sayon ásar apəth yi agbalaŋ ŋa máputhane; Ɔwa kən ɔwe mə lane kə-e, ɔ ba he tə kəlap.

Aŋrom 10

¹Awənt, aŋfela ŋa aŋmerà a mi yi kanəmthene kámi ka Kuru salata aŋIsrel kə yi kámá aŋ tə kisi.

²kotáy-e i seri ta átá ŋaŋ kəpa aŋ ba afela afey fey ta Kuru Məsaba-əŋ, kere pə yi he mə kətara táy.

³kotáy-e mə mə aŋ te tără mələmpi ma Kuru-e, kere aŋ thens gbo tə kətəmər mələmpi maŋ gbeŋ-e, aŋ selə he tə kəsane ka mələmpi ma Kuru.

⁴kotáy-e Kraystəŋ kəno yi ɔthalne wa aŋthə kámá mələmpi mə gbəli yi ta wuni o wuni ɔwe mə lane.

⁵Átesoma-e Mosis ɔ gbal ta salata mələmpi ama yi ka aŋthə ɔ pa, Ɔwuni ɔwe mə yo mələmpi mati-e, di kati sɔ ɔ tə sɔthə ŋesəm.

⁶Kere mələmpi ama yi rə kəlane mə pa yaŋ, Te pa ka aŋmerà a mu, Kane mə ŋat ro riana-e? (pə yi tə kəthora Kraystəŋ).

⁷Thaləm, Kane mə thor ka ɔbələŋ-e? (pə yi mə tə kəyɔ Krayst ɔ yokane kətəŋ ka aŋfi).

⁸Kere to mə pa thəŋ-a? Árim rə fāti mu, hali ka kəsəŋ ka mu yi ka aŋmerà a mu; rə yi mələ ma árim ra kálane ara sə taməs.

⁹kotáy-e bepi mə gbithane yi kəsəŋ ka mu kəpa Yisəs ɔ yi ɔMariki-e, ɔwa mə lane yi aŋmerà a mu kəpa Kuru ɔ yokas kə ka rəfi-e, mə tə kisi.

¹⁰Pəkasiŋe ka aŋmerà wuni mə lane, kə sɔthə mələmpi, yi ka kəsəŋ mə gbithane, kə sɔthə kəkisi.

¹¹kotáy-e mágbal məsəm mə pa, Wuni o wuni ɔwe mə lane kə-e, ɔ gbəli he wəŋ mələp.

¹²Átesoma-e ɔgbaske ɔ yi he kətəŋ ka uYuda yi uKrik; kotáy-e ɔMarki kati gbeŋ kəno yi ɔMarki ka be-e, ɔwa ɔ yi uyola ta salata afəm be aŋa mə tela kə.

¹³Pəkasiŋe wuni o wuni ɔwe mə tela ka aŋes ŋa ɔMarki ɔ tə kisi.



- 14** Kere to mə aŋ gbəli ramne ka ɔwe mə aŋ te tha lanɛ-e? Ɔwa to mə aŋ gbəli lanɛ ka ɔwe mə aŋ te tha tɛla-e? Ɔwa to mə aŋ gbəli təl kɛte ba ukawandi-e?
- 15** Ɔwa to mə aŋ gbəli kawandi thambe a som ŋa-e? Mɔ mə a po gbal, Kəli ɔfino wa átátək ta ŋaŋ aŋa mə kàrà sim ta məbɔne ta mātáy məfino.
- 16** Kere afəm be tha ŋa mə su eləns ka mapa məfino ma Kuru, kotáy-e Isaya ɔ pa, ƆMariki kanɛ po lanɛ aŋkanɛ a su-e?
- 17** Tiyáŋ kəlancə kə wur rə kətəl, yi kətəl rə árim ra Krayst.
- 18** Ɔwa i yif, aŋ tha la he təl ras-i? Yao, tentene kotáy-e, Tafɔf ta aŋsom tə po gbanthene ka ádàru be, Yi ásim taŋ haŋ ka ɔgbanthir wa ádàru.
- 19** Ɔwa i kál yif sɔ, Isrel ɔ la he tara-i? Ka ɔtótəkɔ Mosis ɔ pa, I ti yɔ nu nə tə ba kətut salata ŋaŋ aŋa te la yi abona, Ɔwa yi abona aŋa te la tără táy i ti bansəs nu.
- 20** Kere Aysaya ɔ minthasne tə kəpa ye, Ɔaŋ aŋa te thens mi, ŋa fir mi, Ɔwa i po tərincə do rɔŋaŋ aŋa te yif ta átá mi.
- 21** Kere salata Isrel ɔ pa, Pali i thanthi máta ma mi ka afəm aŋa te sanɛ-e, yi aŋa ba apensa.

Aŋrom 11

- 1** Tiyáŋ i yif thɔŋ, Kuru-e ɔ poŋ fitha aŋfəm ŋɔŋ-i? Saki ti. Kotáy-e mine sɔ i yi ulsreel ka rákomra ra Ebrahim, ka aŋbɔnshɔ ŋa Benyamin.
- 2** Kuru ɔ tha pensa he aŋfəm ŋɔŋ aŋa ɔ po thith thəpaŋ. Nə te he áte mágbal məsəm mə pa salata Ilayaŋ ma ɔ nɛmthene Kuru kəŋamne aŋIsrel-i?
- 3** Ɔ pa, ƆMariki, aŋ po difəth Aŋnábí a mu, aŋ po muthi muthi ebese ε mu, ka i tiyá, min sɔn, ɔwa aŋ yi ka káthens aŋesəm a mi sɔ.
- 4** Kere to Kuru ɔ gbaki kɔ-e? Ɔ pa, I po benene afəm aruni ewul támthəderəŋ aŋa te tha sɔ tawu ka Bel.
- 5** Ya pə yi sɔ ka-ake, athán kəwur ka aŋbona a su aŋ yi, aŋa Kuru ɔ thith kətáŋane aŋboŋa ŋɔŋ.
- 6** Kere bepi pə yi salata aboŋa-e, pə gbəli he sɔ yi salata məyɔs; bepi pə yi yaŋ-e, aboŋa aŋ yi he sɔ aboŋa tə tentene.
- 7** To pə yi thɔŋ-a? Ɔwa Isrel aŋ thamrɔ tə kəsɔthɔ átá mə aŋ thens, ka anthith aŋ po sɔthɔ ti, kere aŋlɔm aŋ gbolŋane.
- 8** Mɔ mə mágbal məsəm mə pa, Kuru ɔ po sɔŋ ŋa emerá efi, efɔr eyɛ te gbəli nənɔk, de yi eləns eyɛ te gbəli təl haŋ ka-ake.
- 9** Ka Debid ɔ pa, Emet yaŋ ta ε yi esəkane, ɔwa ta ε yi mə məgbət, De yi rəka ara yi dər ɔpəth, yi aŋrám ŋa máyɔs maŋ



- ¹⁰Ta efɔr yaŋ ɛ biyá kámá aŋ te nɛnk, ɔwa, yɔ kámá tamuth taŋ tɔ nuthnɛ lɔkɔ o lɔkɔ.
- ¹¹Tiyáŋ i yif, Kápəth ka ŋaŋ kə tɔ yɔ ŋa aŋ dinɛ thaŋkaŋ-i? Saki ti. Kɛrɛ salata kabunɛ ka ŋaŋ kəkisi kə pɔ bek ka tábona təlɔm, tɔ kəyɔ Isrɛl aŋ ba kətut.
- ¹²ɔwa bepi kabunɛ ka ŋaŋ kə sɔŋ rəyola ka ádaru-e yi kagbənke ka ŋaŋ kə yi kabarnɛ ka tábona təlɔm-e, pə tha gbethi kəkalo ka ŋaŋ kə tɔ ba ɔfinɔ ɔthasɛr.
- ¹³kotáy-e i fɔfáne nu na tábona təlɔm pəkasifɛ minɛŋ i yi usom ka tábona təlɔm, ɔwa i kolo matəma ma mi;
- ¹⁴kámá pə gbəli yi rə rɔŋ o rɔŋ i gbɔŋkthas aŋfəm a mi yi kətut, ɔwa kámá pə yi di kati alɔm aŋ tɔ kisi.
- ¹⁵kotáy-e bepi kafitha ka ŋaŋ kə yi kakal manɛ ka ádaru-e to kakal malanɛ ka ŋaŋ mə kə yi sɔ-e, thambe aŋesəm kəwur ka rəfi-e?
- ¹⁶ɔwa bepi a səməs aŋgbáp átətəkɔ ŋa kabo-e, kaboth kəlɔlok kə tɔ yi kəsəm; dɛ yi bepi anthəŋk aŋ yi asəm-e, yaŋ mara má mə yi sɔ.
- ¹⁷Kɛrɛ bepi a sima mara məlɔm ma aŋlɛmərə, ɔwa munɔ ɔwe mə yi gbo abaktha-e, a gbɛptanɛ mu ri-e, kámá mə səkɛ uyeranɛ yi ŋaŋ ka ɔbɔthi wa anthəŋk-e,
- ¹⁸te kolonɛ rokəm ka mara məlɔm. Kɛrɛ bepi mə kolonɛ-e, te pənɛ kəpa munɔ mə sara hɛ anthəŋk, kɛrɛ anthəŋk ŋə mə sara mu.
- ¹⁹Mə tɔ pa, A sima mərə kámá a gbɛptanɛ mi ri.
- ²⁰Tɛntɛnɛ, kɛrɛ a sim ŋa pəkasifɛ aŋ lanɛ hɛ, ɔwa munɔ mə təmá gbo salata kálanɛ ka mu. Te ŋatanɛ rə amera-e, kɛrɛ nesa;
- ²¹kotáy-e bepi Kuru ɔ kisis hɛ ŋaŋ mara məkomanɛ-e, yɔ kəthɛgbɛ ta thani munɔ sɔ mə kisi hɛ.
- ²²Tiyáŋ kəli mathɔth dɛ yi sɔ kabak rəfɔr ka Kurɔŋ; kəbak rəfɔr ro rɔŋaŋ aŋa fumpɔ, kɛrɛ do rɔmu məthɔth, bepi mə básɛr kəth ka mathɔth mɔŋ. Bepi pə yi hɛ yaŋ-e, a tɔ sim mu sɔ.
- ²³ɔwa ŋaŋ sɔ, bepi aŋ bəkər hɛ ka kate lanɛ haŋ-e, a tɔ gbɛptanɛ ŋa kotáy-e Kuru ɔ gbəli kál gbɛptanɛ ŋa sɔ.
- ²⁴Átesoma-e bepi a wurɔ mu ka aŋbaktha ŋa ro kanth ro a koma mu, ka a gbɛptanɛ mu ka aŋlɛmərə abɔthi-e, pə tha gbethi aŋɛ aŋa yi mara ma aŋlɛmərə atentɛnɛ-e, a tɔ kál wɔŋá ŋa ka aŋlɛmərə abɔthi aŋa koma ŋa.
- ²⁵Aŋwɔnt mi, ta thani nə yi aŋatanɛ rə amera-e, i yema kámá nə tără amurare aŋɛ kəpa kəgbolhanɛ kə pɔ derɛr alɔm ŋa aŋIsrɛl haŋ kalasɛr ka tábona təlɔm kə bek.
- ²⁶Yaŋ aŋIsrɛl bɛ aŋ tɔ kisi, mə mə a gbal kəpa, ɔKisis ɔ tɔ wur ro Sayɔn, ɔwa ɔ tɔ tɔŋa mələs kəwur ka Yekəb.
- ²⁷ɔwa aŋlɛmrənɛ a mi do rɔŋaŋ, ŋi aŋɛ, Ka aŋlɔkɔ ma i nɔy ɛhake yaŋ.



²⁸Ta salata mapa mēfīnō ma Kuru aŋ yi thōŋ atheranē ŋa Kuru salata nu; kere asabu ŋa kathithēs ka Kuru aŋ yi abōthēr salata aŋkas a ŋaŋ.

²⁹kotáy-e Kuru ɔ ba hē kēsīŋkar eboya yi kamuti kōŋ,

³⁰mólō min mō naŋ nō la kasi tō kētəl árim ra Kuru Mēsaba; kere ka-ake nō po sōthō áney asabu ŋa kakasi ka aŋYuda.

³¹Yaŋ sō ŋaŋ aŋ po kasi tō kēsane ka árim, kāmá pē gbēli yi, kētāŋāne ka áŋney aŋa mō a tōri nu-e, ŋaŋ sō aŋ tō sōthō áŋney ŋati.

³²Átesoma-e Kuru ɔ po tand afēm be ka áŋseth ŋa kōte lane kāmá pē gbēli yi afēm be aŋ tō sōthō áney do rōŋŋ.

³³Ko rayola ra kátemp yi kátará ka Kuru rē yi rēbōlōŋ ba! Māgbēká mōŋ mō tuy gbēleŋ, ɔwa ásoŋ tōŋ tō yi tētui tārā!

³⁴Átesoma-e kanē la tārā áŋmerá ŋa Kuru Mēsaba-e? Kanē la sōŋ kō ámāŋ-e?

³⁵Thalōm kanē mōtha sōŋ kō rēka kāmá ɔ gbēli kál sōthō áŋrām ŋati-e?

³⁶kotáy-e eyet be ε yi kētāŋāne de yi kōwur do rōŋŋ, ɔwa ε yi ta atōŋ be; ɔwa ta kōnō yi ayiki ta thānkāŋ thēbana. Amina.

Aŋrom 12

¹Tiyāŋ i nemthene nu, aŋwōnt mi, ka áŋney ŋa Kuru kāmá nō sōnd mader ma nu mō sathka tēkēli, tēsēm de yi tēbeki ta Kurōŋ; tō yi kabātho ka nu kēlōmpi.

²Te taŋane mātáy ma ádāru áre, kere lafthe kāmá emerá ε nu ε sōke efu, kāmá nō gbēleŋ māselō ma Kuru ama yi mēfīnō, mēthesa yi mēgbenthis.

³kotáy-e, salata áŋboŋa aŋa a sōŋ mi-e, i pa ka wuni o wuni ɔwe yi kētōŋ ka nu, ta ɔ te nanene pēthas átā ɔ yi tō kōnanē; ta ɔ nanē gbo rē ámerá akēthegbe, ukin o kin mō mā Kuru ɔ poŋ thuntha kō kālāne.

⁴kotáy-e ma sō ba mēlaŋktha mēlai ka áŋder ŋin, yi mēlaŋktha be mō te ba mēpanth min;

⁵yaŋ sō saŋ, hali sō yi sa agbāthi, sō yi ader ŋin rokor ka Krayst, ɔwa kin o kin ɔ yi alaŋktha ŋin ta alōm.

⁶Ma pē yi ti-e, sō ba eboya egbanthe kētāŋ ka áŋboŋa ma sōŋ su, pē yi kētāmēs mō unabi, ta sō yō ki mólō ma kālāne kāsū kō yi.

⁷Bepi pē yi kōyōna alōm-e, ta sō sōndne ka kayōna kati. ɔwe mō thēksa-e, ya ɔ yō sō ka kathēksa kōŋ,

⁸de yi ɔwe mō maŋ afēm-e, ka kāmāŋ kōŋ; ɔwe mō boya-e, ta ɔ yō ti rē ámerá aselō; ɔwe mō gbēka-e ta ɔ yō ti rē kēbotne ámerá; ɔwe mō tōri áney-e, ta ɔ yō ti rē mēbōne.

⁹Ta mabōthēr ma nu mō yi tōteŋ. Gbēŋa tálēs, gbapsa tēfīnō.



- ¹⁰Bothərāne rə mabothər ma rəwont. Ta ukin ɔ yikis ulom pəthasi kən kənɔne.
- ¹¹Te yi ayay ka mapanth, kere ba nu emerā efey fey rə kəyona ɔMarki.
- ¹²Ba nu məbɔne ka kəgbək āmerā; muyu nu ka kəsompane, bāsər nu ka kəramne aloko be.
- ¹³Bepi aɲfəm ɲa Kuru aɲ paɲ rəka-e, sɔɲ nu tə kəmar ɲa; bāsər nu kəfantha atik.
- ¹⁴Ruba ɲaɲ aɲa sɔmpa nu; ruba gbo thɔɲ, te nu raɲka.
- ¹⁵Sel nu məbɔne yi ɲaɲ aɲa mə sel məbɔne, ɔwa bok de yi ɲaɲ aɲa mə bok.
- ¹⁶Ba nu dim din ukin yi ulom, ɔwa te nu nane mātáy məbana gbo gbət, kere nane sɔ mātáy mələl. Te nu yi abone táy rə āmerā.
- ¹⁷Tenu kala wuni o wuni tələs ta tələs. Yɔ nu gbo təlompɪ ka kakəli ka afəm be.
- ¹⁸Bepi pə gbəli yi-e, mələ ma nə gbəli be-e, yirā nu ka məthəfəl yi afəm be.
- ¹⁹Ambothər a mi, te nu kala wuni táy tələs, kere ternə rəbaɲ, pəkasife a gbal kəpa, Mineɲ i ba kəkəlɔ; mineɲ i ba kəram, ɔMarki kənɔ pa.
- ²⁰Tiyāɲ bepi ɔtherane ka nu ɔ yi udor-e, sɔɲ kɔ da rədi. Bepi rəmun rə wop kɔ-e, yer kɔ ɔ mun, kotáy-e rə kəyɔ yaɲ nə tə gbompa nəken ka rəbomp rɔɲ.
- ²¹Te selo táy tələs tə tham nu-e, kere tham nu tələs rə təfinɔ.

Aɲrom 13

- ¹Ta wuni o wuni ɔ yi usane ka efɔsɔ eyɛ yi kɔ rokəm, kotáy-e, afɔsɔ o fɔsɔ aɲ yi he thambe aɲ wur ka Kuru; ɔwa efɔsɔ eyɛ yi-e, Kuru kənɔ bot yi.
- ²Tiyāɲ ɔwe mə tim aɲfɔsɔ-e, ɔ tim mabotəs ma Kuru. ɔwa ɲaɲ aɲa mə tim ma-e, aɲ tə sɔthɔ mətheri.
- ³kotáy-e aɲgbəka aɲ yi he aləs ta ɲaɲ aɲa mə yɔ ɔfinɔ, pə thas gbo ta ɲaɲ aɲa mə yɔ ɔləs. Mə yema kāmā mə te nesa ugbəka-i? ɔwa yɔ átā yi təfinɔ, mə tə sɔthɔ ayiki ta ti,
- ⁴kotáy-e ɔ yi ábɔy ɲa Kuru ta átā mu salata mafinɔ. Kere bepi mə yɔ ɔləs-e, nesa thɔɲ, átesoma-e ɔ wop he aɲgbathɔ kətiɲ. Kotáy-e ɔ yi ábɔy ɲa Kuru tə kəkala rəbaɲ ka kən ɔwe mə yɔ ɔləs.
- ⁵Tiyāɲ nə yi tə kəyi asane, pə yi he gbo ta rənes ra kəsɔthɔ kəthalər-e, kere kāmā nə ba sɔ āmerā áferā.
- ⁶ɔwa ta aɲsabu aɲe nə ram ethaks sɔ; aɲgbəka ɲa yi ebɔy ya Kuru tə kəyɔ mapanth ame gbeɲ.
- ⁷Tiyāɲ sɔɲ wuni o wuni ara yi arɔɲ; athaks ka ɔwe mar sɔthɔ athaks, efāk ka ɔwe mar sɔthɔ efāk. Nesa nu ɔwe nə yi tə kənesa, ɔwa yikis nu ɔwe nə yi tə kəyikis.



⁸Te ba rəbei ka wuni o wuni thambe mabothər ma rəwont. Kəonə ɔwe ba mabothər ma rəwont-e, ɔ po yɔ áte ántho ɲa Kuru áɲ pa-e.

⁹kotáy-e etho eye, Te yɔ kərəp; te dif wuni; te keya; te fela eyet ya afəm alóm; te sɔɲ məseri ma rəyem; de yi bepi etho elóm ε yi sɔ-e, a lóm yi be ka árim are, Bothər ɔfatane ka mu mə má mə botherne.

¹⁰Məbothər mə yɔ he ɔləs ka ɔfatane kɔɲ; tiyáɲ məbothər mə yi kagbenthis ka ántho.

¹¹Ɔwa nə tárá áɲlɔkɔ aɲe gbeɲ, kəpa ka-ake ɲə yi áɲlɔkɔ tə kəthəme, kotáy-e kakisis kásu kə yi ɔfati thɔɲ pəthas ma sə mətha lane.

¹²Ratatak rə yema pɔɲ, rasək rə bek. Maɲ busne nu máyɔs ma áɲsum, maɲ wɔɲ eyet etima ya ɔwaɲ.

¹³Maɲ kəth nu ɔlompɪ mə mákəth ma rəyáɲ, ta pə te yi rə məyi mələs yi kətis, thalóm rə kərəp yi kətayane, thalóm rə kəɲbal yi kətut.

¹⁴Kere wənsəne nu ɔMarki Yisəs Krayst, ɔwa te botərne ti rə ámerá tə kəlasər mafela ma mader.

Aɲrom 14

¹Malane nu ɔwont ɔwe ba gbo kəlane kəthan, te thonka thonka yi kən.

²Kəlane ka wuni kin kə mar ɔ di rəka, kere ulóm ɔwe ba kəlane kəthan ɔ di ebuma gbo.

³Ta ɔwuni ɔwe di-e ɔ te farki kən ɔwe te di; ɔwa ɔwe te di ɔ te thonkas ɔwe mə di, átesoma-e Kuru ɔ po malane kə.

⁴Mun kane ɔwe mə thonkas áɲbɔy ɲa wuni lóm-e? Ka ɔmarki kɔɲ ɔ təmá, thalóm ɔ fumpɔ. Ɔwa ɔ tə təmá yathi, pəkasife ɔMarki ɔ ba afəsɔ tə kətəmər kə.

⁵Wuni kin ɔ nane kəpa árey ɲin aɲ thas alóm; wuni lóm ɔ nane kəpa árey o rei aɲ yi mólɔ min. Ta wuni o wuni ɔ tárá ti asɔbe ka áɲmerá ɲɔɲ.

⁶Ɔwuni ɔwe mə wop áɲrey ɔ wop ɲi salata ɔMarki, de yi kən ɔwe di ɔ di salata ɔMarki, kotáy-e ɔ muti Kuru mómɔ. Ɔwa ɔwuni ɔwe mə te di-e, ɔ di he salata ɔMarki, kə muti Kuru mómɔ sɔ.

⁷Átesoma-e ukin kásu ɔ yi he ɔwe mə yi gbo salata anyethe ɲɔɲ, ɔwa ukin kásu ɔ fi he salata anyethe ɲɔɲ gbo gbet.

⁸kotáy-e bepi sə yi sa akəli-e, sə yi sa akəli ta ɔMarki; ɔwa bepi sə fi-e, sə fi ta ɔMarki. Tiyaɲ pə yi sɔ kəli-o, pə yi sə fi-o, ɔMarki kənɔ ba su.

⁹Tesoma Krayst ɔ fi, kə kál kəli, kámá ɔ gbəli yi ɔMarki ka aɲfi de yi ka aɲkəli.



¹⁰Kere munɔŋ, kɔyɛŋ mǎ mə thonkas ɔwɔnt a mu-i? Thalɔm munɔŋ sɔ, to pə som mǎ mə fɛŋfɛrəs ɔwɔnt a mu-e? kotáy-e saŋ be sɔ ba tɔ kətɔma rodi ka kawaŋ ka kərɔk epa ka Krayst.

¹¹kotáy-e ɔ po gbal kɔpa, Kəbi ma i yi ras, ɔMarki ɔ pa, Wuni o wuni ɔ tɔ sɔna mi tawu, Dɛ yi rɛmer rɔ tɔ seri ta Kuru.

¹²Te ba ti ukin o kin kǎsu sɔ ba kəlɔmsəne ka Kuru.

¹³Tiyáŋ maŋ te nu thonkasane, kere maŋ botne ti rɔ ámerǎ kámǎ wuni o wuni ɔ te bot da rɛpəth ka aroŋ da ɔwɔnt kɔŋ thalɔm táy átǎ mə yɔ ɔ pənthbɔla.

¹⁴I tǎrǎ ti, ɔwa pə sɔk mi gbɔraŋ rokor ka ɔMarki Yisɔs, kɔpa rɔka o rɔka rɛrɛne-əŋ rɔ yi hɛ rɛnɔkɔ; kere wuni o wuni ɔwe mə nɛnk rɔka mə mə rɔ yi rɛnɔkɔ-e, rɔ yi rɛnɔkɔ yathi do rɔŋŋ.

¹⁵Bepi ra rɛdi ra mu rɔ kɛthane ɔwɔnt mu-e, di kati mə kɔth hɛ sɔ ka mǎbɔthɛr. Te lɛsɛr kɔ yi da rɛdi ra mu, ma pə yi Krayst ɔ fi ta atɔŋ.

¹⁶Te yɔ kámǎ ɔ fɔf ɔlɛs ta átáy ta mu tɛfɛnɔ.

¹⁷átesoma-e rábáy ra Kuru rɔ yi hɛ kɛdi yi kɛmun, kere rɔ yi mɛlɔmpi, yi mɛthɔfɛl dɛ yi mɛbɔne rokor ka ɔYina mɛsɛm.

¹⁸Pɛkasifɛ kɔn ɔwe mə bátho Krayst yaŋ-e, ɔ thesis áŋmerǎ ŋa Kuru, dɛ yi afɛm sɔ.

¹⁹Tiyáŋ maŋ taŋane nu mǎtáy ama mə sɔŋ mɛthɔfɛl, yi mǎtáy ama mə tempɛs ukin yi ulɔmǎŋ.

²⁰Te lɛsɛr mǎpanth ma Kuru salata ra rɛdi. Eyɛt be eyi egbɔraŋ, kere wuni ɔ yɔ ɔlɛs bepi ɛdi yɔŋ ɛ kethas ulɔm.

²¹Pə yi hɛ naŋ ɔfɛnɔ tɔ kɛdi ɔsem thalɔm tɔ kɛmun mɛber, thalɔm tɔ kɛyɔ koko átǎ mə yɔ ɔwɔnt mu ɔ pənthbɔla.

²²Bepi mə ba kɛlane-e, bɛne ki kɛtɔŋ ka mu yi Kurɔŋ. Wuni ruba wɔŋ ɔwe mə te thonkasne salata átáy átǎ ɔ yɔ.

²³Kere ɔwe mə sike ɔ ba mɛtheri bepi ɔ di, pɛkasifɛ ɔ yɔ hɛ ti rɔ kɛlane; ɔwa táy o táy átǎ te wur rɔ kɛlane tɔ yi ahake.

Aŋrom 15

¹ɔwa saŋ aŋa yi abǎki mɛder-e, sɔ yi tɔ kɛmar mǎrǎnt maŋ aŋa te ba afɔsɔ, pə mar hɛ sɔ thesisne gbo.

²Ta kin o kin kǎsu ɔ thesis ɔfatane kɔŋ ta átǎ yi tɛfɛnɔ tɔ kɛtempɛs kɔ.

³kotáy-e hali Kraystáŋ ɔ thesisne hɛ, kere mə a gbal kɔpa, Tanal ta ŋaŋ aŋa nal mu tɔ fumpɛr mi.



- ⁴Tiyàŋ tày o tày àtà a gbal thəpaŋ-e, a gbal ti salata kathəkəs kásu kámà sə gbəli ba kəgbak àmerà salata kamuyu yi kəbɛfəth ka mągbal məsəm.
- ⁵Ɔwa ta ƆKuru Ɔwe mə sɔŋ kəmuɣu yi kəbɛfəth Ɔ sɔŋ nu bɛ àmerà ŋin mə Yisəs Kraystàŋ,
- ⁶kámà nə yikis ƆKuru ƆKas ka ƆMarki kásu Yisəs Krayst rə àmerà ŋin yi kəsəŋ kin.
- ⁷Tiyàŋ malanɛ ukin yi ulóm mə ayathki, mə Krayst sɔ Ɔ po malanɛ su kəkɔ ka aŋyiki ŋa Kuru.
- ⁸kotáy-e i pa kəpa a yɔ Yisəs Krayst ábɔy ŋa kəbironɔ salata táteŋ ta Kuru, kámà Ɔ lasɛr elahiri eyɛ a sɔŋ ka aŋkas,
- ⁹dɛ yi kámà tábona təlóm aŋ gbəli yikis Kuru ta aŋney ŋɔŋ, mə a gbal kəpa, Tiyàŋ i ti thəkəs mu kətəŋ ka tábona təlóm, I ti lensir aŋes a mu.
- ¹⁰kɔ kál pa, Selanɛ nu tábona təlóm yi aŋfəm ŋɔŋ.
- ¹¹kɔ pa sɔ, Thəkəs ƆMarki naŋ tábona təlóm bɛ, Ɔwa ta aŋfəm bɛ aŋ thəkəs kɔ.
- ¹²Ka Aysaya sɔ Ɔ pa, Anthəŋk ŋa Yɛsi aŋ tɔ yokanɛ tɔ kəgbəka tábona təlóm, Ro rɔŋɔŋ tábona təlóm mə aŋ gbak emɛrə yaŋ.
- ¹³Kaŋka ƆKuru ka kəgbak àmerà Ɔ lasɛr nu rə məbɔnɛ yi məthɔfəl salata kálanɛ, kámà mə gbəli la yi kəgbak àmerà ka aŋfɔsɔ ŋa ƆYina məsəm.
- ¹⁴Ka minɛ sɔ, aŋwɔnt mi, i lanɛ kəpa naŋ gbɛŋ nə la yi məthoθ, dɛ yi kətara bɛ, Ɔwa nə gbəli sɔ maŋsanɛ.
- ¹⁵Kɛrɛ aŋwɔnt mi i po gbalɛr nu rə kəmintha kámà i yɔ nu nə kala emɛrə ɛ nu salata aŋboŋa aŋa Kuru Ɔ sɔŋ mi,
- ¹⁶kámà minɛŋ i yi naŋ ábɔy ŋa Yisəs Krayst ka tábona təlóm, tɔ kəyɔ mapanθ ma mapa məfɛnɔ ma Kuru, kámà i lánki tábona təlóm ka Kuru mə asathka tɛmar malanɛ àtà ƆYina məsəm Ɔ sɛmɛs.
- ¹⁷Tiyàŋ i gbəli kolonɛ salata Yisəs Krayst ka mapanθ ma Kuru ama i yɔ,
- ¹⁸átesoma-e i mintha hɛ fɔf ta tày o tày thambe ta mátáy ama Krayst Ɔ yɔ ka káta kámi tɔ kəyɔ tábona təlóm aŋ sanɛ, rə kəfɔf yi kəyɔ,
- ¹⁹rə kəmisali dɛ yi mátáy məkabanɛ asabu ŋa aŋfɔsɔ ŋa ƆYina məsəm; kámà kətəp ro Yerusalem yi tapet ta rayer haŋ kəkɔ ro Ilirikóm, i po taməs ɔgbenthis mapa məfɛnɔ ma Krayst.
- ²⁰Yao i ba afela abanŋ tɔ kətaməs mapa məfɛnɔ, pə yi hɛ ro a poŋ thɔŋ bont aŋes ŋa Kraystàŋ, kámà pə te yi rokóm ka ɔtəmər wa wuni lóm;
- ²¹kɛrɛ mə a po gbal kəpa, Ɔaŋ aŋa te tha sɔthɔ aŋkanɛ ta atəŋ, aŋ tɔ nənɔk, Yi ŋaŋ aŋa te tha təl aŋ tɔ tára.



- ²²Te ba ti átáy áte tə bent mi aləko alai tə kəder ro rənu.
- ²³Kere ka-ake ma i te sə ba der ələm ka əbiləŋ eye-e, əwa ma i po ba afela tə kəder ro rənu təren təgbáthi áte,
- ²⁴i gbak ámerá tə kənəŋk nu ma mə i thas kəkə ro Spen-e, kámá nə mar mi ka aŋbiyas ŋati ma i po yirá kətəŋ ka nu əthan.
- ²⁵Kere ka-ake i kə ro Yerusalem tə kəkera əboya ka aŋfəm ŋa Kuru.
- ²⁶kotáy-e pə thesanə ŋaŋ aŋa yi ro Masidoniya yi Akaya tə kəfak akala salata aŋmone kətəŋ ka aŋsəm aŋa yi ro Yerusaləm.
- ²⁷Yao, pə bəne ŋa kəyɔ ti yathi kaŋ la ba mələ ma rəbey do rəŋaŋ. Kotáy-e bepi tábona tələm aŋ po səthə agbáp ŋa eruba ya əYina salata aŋYuda-e, aŋ yi sə tə kəmar aŋYuda ka meyet ma mader.
- ²⁸Te ba ti bepi i po yə áte-e, ma i po lánki əboya eye ka aŋfəm ŋa Kuru-e, i ti thas ro rənu kəkə ro Spen.
- ²⁹Ka i tará kəpa bepi i bek ro rənu-e, i ti der ulasərne wa aŋruba ŋa Krayst.
- ³⁰Əwa aŋwənt a mi, i nemthene nu salata əMarki Yisəs Krayst yi salata mabəthər ma əYina məsəm, kámá nə timne yi mineŋ ka taramne ta nu ka Kuru ta átá mi;
- ³¹kámá a tafi mi kəwur ka máta maŋ aŋa te lanə ro Yudia, yi kámá kamar áke i kera ro Yerusalem kə gbəli thesis aŋfəm ŋa Kuru.
- ³²Kama bepi Kuru ə selə-e, i gbəli der ro rənu rə məbənə, əwa i səthə sə kəfothane de yi naŋ.
- ³³Ta əKuru ka məthəfəl ə yi yi naŋ be. Amina.

Aŋrom 16

- ¹I maŋkər nu Fibi, əwənt su bera əwe yi ábəy ŋa aŋchəch ro Senkri,
- ²kámá nə malanə kə salata əMarki, mə mə aŋfəm ŋa Kuru aŋ yi tə kəyɔ, yi kámá nə mar kə rə táy o táy átá ə yema. Átesoma-e kən kənəne sə ə poŋ mar afəm agbáthi, de yi mine sə.
- ³Kori Prisila yi Akuyla aŋkos a mi ka mapanth ma Yisəs Krayst;
- ⁴aŋa sənd talim taŋ ta salata mi; i muti ŋa məmə, əwa pə yi he mine gbo son-e, kere echəch be ya tábona tələm sə.
- ⁵Kori sə aŋchəch aŋa yi ka aŋseth ŋaŋ. Kori Əpinitəs əbəthər kámi ufinə. Ə yi aŋkomi átətəkə ŋa Krayst ro Asia.
- ⁶Kori Mariyama əwe po yəna su mátáy məgbathi.



- ⁷Kori Andronaykəs yi Yuniyasān, antəkom a mi; aŋ la yi de yi mine ka aŋseth ŋa tārəŋka. Da yi sɔ afəm akolo kətəŋ ka aŋsom, kaŋ lane Krayst sɔ motha mineŋ.
- ⁸Kori Amplietəs ɔbothər kámi rokor ka ɔMarki.
- ⁹Kori Urbenəs umar kásu ka Krayst, yi Stakis ɔbothər kámi.
- ¹⁰Kori Apeles ɔwe yi ukristien tɔ tentene. Kori sɔ kabər ka Aristɔbulɔs.
- ¹¹Kori Herodion ɔwe yi ka rakom ra mi. Kori kabər ka Narsisɔs aŋa yi rokor ka ɔMarki.
- ¹²Kori Traifina yi Traifosa aŋa mə yɔ məpanth salata ɔMarki. Kori Persis ubothər, ɔ yɔ məpanth məgbathi ta ɔMarki.
- ¹³Kori Rufɔs uthith ka ɔMarki yi ɔkara kəŋ ɔwe po yi mə ɔkara kámi sɔ.
- ¹⁴Kori Asinkritɔs, Fləkɔn, Hames, Patrobas, Hamas yi aŋwɔnt aŋa yi yi ŋaŋ.
- ¹⁵Kori Filolokɔs, Yuliya, Niriyɔs yi ɔwɔnt kəŋ ubera, de yi Olimpas yi aŋsəm be aŋa yi yi ŋaŋ.
- ¹⁶Korianɛ rə kəmunəláne kəsəm. Egbane be ya Krayst ε kori nu.
- ¹⁷Ɔwa i nemthene nu, awɔnt, lomar nu ŋaŋ aŋa mə yɔ məputhane yi aŋa mə wɔŋa mātáy ma kápəth kəŋamne káthəksá kətətəŋ áke nə po thəkəs. Thánka ŋa.
- ¹⁸Átesoma-e afəm awunəŋ aŋ yi he ebɔy ya ɔMarki Krayst, aŋ yi gbo antar ŋa emile yaŋ. Ɔwa aŋ tɔ pəŋis emerá ya ante tārà táy kətáŋáne ka kafɔf ka ŋaŋ kəfínɔ, kəbothi təl.
- ¹⁹A po tārà kabothi lane ka nu der o der. Tiyáŋ pə bɔne mi be ta átá nu; kere i yema nu nə yi atempi salata táfínɔ, yi apani táy salata táləs.
- ²⁰Kaŋka ɔKuru ka məthɔfəl ɔ tɔ gbəmər Sethani ka tatək ta nu ratha thani. Ta aŋboŋa ŋa ɔMarki kásu Yisɔs Krayst aŋ yi yi ŋaŋ.
- ²¹Timóthi, ɔmar kámi ka mapanth, yi Lukəs, Yesɔn, Sɔsipatər, antəkom a mi, aŋ kori nu.
- ²²Mineŋ Tatiyɔsáŋ, mine gbal aŋreka áŋe, i kori mu kətáŋ ka ɔMarki.
- ²³Kayəs ɔwe yia mi, yi aŋchɔch alolok be aŋ kori nu. Irastɔs ɔbene ka eyet ebene ya kápet, yi Kwartɔs ɔwɔnt su, aŋ kori nu.
- ²⁴Ta aŋboŋa ŋa ɔMarki kásu Yisɔs Krayst aŋ yi yi ŋaŋ be.
- ²⁵Ka-ake kɔn ɔwe gbəli báksər nu kətáŋáne ka mapa məfínɔ ma Kuru ama a maŋkər mi, de yi aŋkane salata Yisɔs Kraystáŋ, mólɔ ma kaŋaybi ka aŋgbundu aŋa a maŋk kábi ka ɔtəpɛ,
- ²⁶(kere ka-ake a tɔri ŋa gbafəth asabu ŋa mágbal ma Aŋnabi kətəŋ ka aŋyamari ŋa ɔKuru uthəbana, kámá pə re sək tábona be tɔ kəwop kálane),



27^{ta} ayiki aŋ yi ka ɔKuru utempi son, salata Yisəs Kraystaŋ thánkàŋ thəbana. Amina.



1 Aṅkōrinth

1 Aṅkōrinth 1

- ¹Pɔl, ɔwe a muti tɔ kɛyi usom ka Yisɔs Kraystɔŋ, ka mɔselɔ ma Kuru, yi Sɔsthinis, ɔwɔnt su,
- ²ka aṅfɛm ŋa Kuru aṅa yi ro Kōrinth, aṅa a sɛmɔs rokor ka Yisɔs Krayst, aṅa a muti tɔ kɛyi asɛm dɛ yi ŋaṅ bɛ dɛr o dɛr aṅa mɛ tela ka aṅɛs ŋa ɔMarki kɔsu Yisɔs Krayst, ɔwe yi ɔMarki ka ŋaṅ, dɛ yi ɔka su sɔ.
- ³Ta aboṅa yi mɛthɔfɛl ɛ yi ro rɔnu kɛwɔr ka Kuru ɔKas kɔsu, yi ɔMarki Yisɔs Krayst.
- ⁴I muti ɔKuru kɔmi mɛmɔ lɔkɔ o lɔkɔ ta ɔtɔ nu, asabu ŋa aṅboṅa ŋa Kuru aṅa a sɔŋ nu rokor ka Yisɔs Krayst;
- ⁵tɔ kɛyi nɛ po sɔthɔ rɛyola kɛwɔr do rɔŋɔŋ rɛ sim yi kɛtara tɔy bɛ.
- ⁶Tiyɔŋ maseri salata Krayst mɛ po bɔksɛr kɛtɔŋ ka nu,
- ⁷kɔmɔ nɛ te paṅ aboya o boya ma mɛ nɛ kar kɔder ka ɔMarki kɔsu Yisɔs Krayst,
- ⁸ɔwe yi tɔ kɛbaksɛr nu sɔ haṅ ka ɔthalnɛ. Kama nɛ te ba mɛthɛkɛ ka aṅrɛy ŋa ɔMarki kɔsu Yisɔs Krayst.
- ⁹Kuru ɔ yi ubɔthi lanɛ ɔwe po muti nu ka mamane ma ɔWan kɔŋ Yisɔs Krayst ɔMarki kɔsu.
- ¹⁰ɔmari nu, awɔnt, ka aṅɛs ŋa ɔMarki kɔsu Yisɔs Kraystɔŋ, i nemthɛnɛ nu kɔmɔ nɛ ba rim din, dɛ yi kɔmɔ ɔgbaskɛ gbaske ɔ te yi kɛtɔŋ ka nu, kɛrɛ ba nu ɔmerɔ ŋin yi mɛgbɛk min.
- ¹¹kotɔy-e, aṅwɔnt mi, aṅfɛm ŋa Tiloyis aṅ po tɔri mi kɛpa ɛgbɔl ɛ yi kɛtɔŋ ka nu.
- ¹²Pɛ yi kɛpa, wuni o wuni kɛtɔŋ ka nu ɔ pa, Mine i wopnɛ Pɔlɔŋ; thalɔm, Mine i wopnɛ Apɔlɔsɔŋ; thalɔm, Mine i wopnɛ Kayafasɔŋ; ta a pa ras, Mine i wopnɛ Kraystɔŋ.
- ¹³A gbɛli yerɛsane ɔKraist-i? Pɔlɔŋ, a tɔŋ kɔ ka akɛnt kɛpɛŋkine-i? Thalɔm a po baftays nu ka aṅɛs ŋa Pɔlɔŋ-i?
- ¹⁴I muti Kuru mɛmɔ ma i te baftays wuni o wuni kɛtɔŋ ka nu thambe Krispɔs yi Kayɔsɔŋ,
- ¹⁵kɔmɔ afɛm aṅ gbɛli hɛ pa kɛpa, i po baftays nu ka aṅɛs a mi gbɛŋ.
- ¹⁶ɔwa i po baftays sɔ kabɔr ka Stifanɔs, kɛrɛ i tɛ hɛ bepɛ i po baftays wuni lɔm sɔ.
- ¹⁷kotɔy-e Krayst ɔ som hɛ mi tɔ kɛbaptais, kɛrɛ ɔ som mi tɔ kɛkawandi mapa mɛfino ma Kuru; pɛ yi hɛ rɔ kɛtemp dɛ yi sim tɛfino, ta thani a yɔ akɛnt kɛpɛŋkine ka Krayst kɔ sɛkɛ yay.



- ¹⁸kotáy-e, ànpa ña akənt kəpəŋkiye aŋ yi gbo apənk ka aña mə dine; kere ka saŋ aŋkisi, aŋ yi aŋfɔsɔ ña Kuru Məsaba.
- ¹⁹Àtesoma-e a po gbal ti kəpa, I ti dim kàtemp ka antempi, Ɔwa i ti ləsər kátàrà ka antara tày.
- ²⁰Reke ɔtempi ɔ yi-a? Reke ɔgbal ɔ yi-a? Ɔthonka ka ádàru are kɔna? Kuru ɔ səki he kàtemp ka ádàru are apəŋk-i?
- ²¹Ma pə yi kətəŋáne ka kàtemp ka ádàru-e adaru rə tɛ he Kuru-e, rodarəŋ kati Kurəŋ ka kàtemp kəŋ, ɔ thith tə kəkisis aña lane ka àŋpənk ña kakawandi.
- ²²Àtesoma-e, aŋYuda aŋ thens emisali, yi aŋKrik aŋ thens kətemp;
- ²³Kere saŋ sə kawandi gbo Kraystəŋ, ɔwe a təŋ ka akənt kəpəŋkine; tə yi ka aŋYuda tày təpənthbɛlá, ɔwa ka aŋKrik-e, tày təpənk.
- ²⁴Kere ka ñaŋ aña po malane kamuti kəŋ-e, pə yi aYuda-o, thaləm aKrik-o, ɔKrayst ɔ yi aŋfɔsɔ ña Kuru yi kàtemp ka Kuru.
- ²⁵Pəkasiɛ rapənk ra Kuru rə thasi kàtemp ka afəm, ɔwa mārənt ma Kuru mə ba afɔsɔ athasi aŋfɔsɔ ña afəm.
- ²⁶Tiyəŋ tàm-támne nu katela ka nu, awənt; ma pə yi-e, a tela he afəm agbáthi kətəŋ ka ñaŋ aña yi atempi rə kàtemp ka rəwuni kəpət, thaləm ñaŋ aña ba afɔsɔ, thaləm ñaŋ aña a kom ka ayiki;
- ²⁷kere Kuru ɔ po thith mətáy məpənk ma ádàru kámá ɔ lapəs antempi; ɔ thith mətáy mərənt ma ádàru kámá ɔ lapəs mətáy ma afɔsɔ;
- ²⁸kə thith mətáy məyai ma ádàru yi mətáy məfarke, yao, hali mətáy ama te yi, Kuru ɔ po thith ma tə kədim mətáy ama yi.
- ²⁹Kama wuni o wuni ɔ te gbəli kolone ka kábəpráne ka Kuru.
- ³⁰Kere salata mabotəs ma Kuru-e, ñaŋ nə yi rokor ka Krayst Yisəs. Kɔnɔ yi kàtemp, yi málompi, yi kasəməsne de yi kabani kásu,
- ³¹kámá pə gbəli yi mə mə a gbal kəpa, Ɔwe mə kolone, ta ɔ kolone ka ɔMarki.

1 Aŋkərinth 2

- ¹Ɔwa mine awənt, ma i der rə rənu-e, i der he rə kəfɔf kəfɔnɔ thaləm rə kàtemp ka rəwuni kəpət, tə kətəri nu aŋgbundu ña Kuru.
- ²kotáy-e i ba ti ka àŋmerá a mi tə kəte tārà tày o tày kətəŋ ka nu thambe Krayst yi rafi rəŋ ka àŋpənk.
- ³Ka i yi kətəŋ ka nu rə mərənt, yi rənes, yi rə kəyer kəlay.
- ⁴Kafɔf kámi ras de yi kakawandi kámi kə yi he rə sim tətənthə rə kətemp ka rəwuni kəpət-e, kere rə kətərine ka ɔYina məsəm yi rə afɔsɔ,



⁵kāmā kálanē ka nu kə te tēmā ka kátemp ka rəwuni kəpet, kere ka aṅfɔsɔ ɲa Kuru Məsaba.

⁶Kere halisa, bepi sɔ yi kətɔŋ ka ɲaɲ aɲa yi abāki mader ka kəlanē-e, sɔ tɔ fɔf kətemp; kere kátemp ka ádāru are thahɔ, thalɔm kátemp ka aṅgbəka ɲa ádāru are, aɲa mɔ ba kəthas.

⁷Kere sɔ fɔf gbo kátemp ka aṅgbundu ɲa Kuru, pə yi mɔ kátemp kəmānkne áke Kuru ɔ botɔs thəpaɲ yeŋka ádāru rə təpɛ, ta salata aɲyiki a su.

⁸Ugbəka o gbəka ka ádāru are ɔ tɛ hɛ ki, pəkasiɛ bepi aɲ po tārā ki aɲ gbəli hɛ ɲaɲ tɔɲ ɔMarki ka ayiki ka akənt kəpəŋkine.

⁹Kere mɔ mǎgbal mɔ pa hɔ, Rafɔr rə te tha nənk, aɲlɔns aɲ te tha təl, Thalɔm aɲmerá ɲa wuni aɲ te tha nane Mátáy ama Kuru ɔ po benene ta átá ɲaɲ aɲa bəthər kɔ.

¹⁰Kere Kuru ɔ po ɲaibi ma ro rɔsu ka ɔYina məsəm, kotáy-e ɔYina məsəm ɔ thekthek mátáy bɛ, yao, hali mátáy məbɔlɔɲ ma Kuru.

¹¹kotáy-e wuni reke ɔ tārā enane ya wuni, thambe aɲyina aɲa yi rokor ka ɔwuni kati-e? Ya pə yi sɔ wuni o wuni ɔ gbəli hɛ tārā enane ya Kuru thambe ɔYina məsəm ka Kuru.

¹²ɔwa saɲ sɔ sɔthɔ hɛ aɲyina ɲa ádāru kere sɔ po sɔthɔ ɔYina ɔwe wur ka Kuru; kāmā sɔ tārā mátáy mǎgbathi ama Kuru ɔ boya su kəyaɲkaɲ.

¹³Ta mátáy ame gbɛɲ tɔ mɔ sɔ fɔf, pə yi hɛ rə ásim áte kátemp ka rəwuni kəpet mɔ tɔ thəksa-e, kere rə ásim áte ɔYina məsəm ɔ thəksa, kāmā sɔ yeksi mátáy ma ɔYina ka aɲa mɔ ba ɔYina məsəm.

¹⁴Kere ɔwuni ɔwe te ba ɔYina ɔ gbəli hɛ sɔthɔ mátáy ma ɔYina məsəm ka Kuru, átesoma-e mɔ yi məpəŋk do rəɲɔɲ; ɔwa ɔ gbəli hɛ tārā ma pəkasiɛ ɔYina məsəm kɔnɔ wɛski ma.

¹⁵ɔwuni ka ɔYina məsəm kɔnɔ mɔ gbɛɲgbɛɲ mátáy bɛ, kere wuni o wuni ɔ gbəli hɛ gbɛɲgbɛɲ kɔ.

¹⁶ɔwa a hɔ, Kane tārā aɲmerá ɲa ɔMarki kāmā ɔ thəksa kɔ-e? Kere saɲ sɔ ba aɲmerá gbɛɲ ɲa Krayst.

1 Aɲkərinth 3

¹ɔwa mine awənt, pə fɔyɛ mi la fɔfāne nu mɔ mɔ afəm ɲa ɔYina, kere mɔ afəm átáɲ mafela ma mader, pə yi mɔ təlenth ta Krayst.

²I po masər nu, i sɔɲ hɛ nu ɛdi ɛbaki mader, pəkasiɛ nə la hɛ gbəli yi, ɔwa hali ka-ake nə tha gbəli hɛ yi.

³kotáy-e nə yi ras ka mafela mələs ma mader. Fani kətut, yi kəgbal, yi kəpeskene kə yi kətɔɲ ká nu, pə yi hɛ kəpa nə kəth ka mader mɔ mɔ matane ma afəm a kəpet mɔ yi-i?



- ⁴Fani ukin ɔ pa, Mine i wopne Pɔlɔŋ, ka ulɔm ɔ pa, Mine i wopne Apɔlɔsɔŋ, pɛ yi he kɛpa nɛ yi gbo mɔ afɛm ŋa raru-i?
- ⁵Kanɛ yi Pɔl-ɔŋ-e? Ɔwa kanɛ yi Apɔlɔs-e? Aŋ yi gbo aŋsom ŋa Kuru kɛtaŋ ka aŋa nɛ lanɛ, mɔ mɔ ɔMarki ɔ sɔŋ afɔsɔ ka kin o kin.
- ⁶Mine po tɛp, Apɔlɔsɔŋ ɔ po bɔyis; kɛrɛ Kuru ɔ sɔŋ kabarne.
- ⁷Tiyɔŋ kɔn ɔwe tɛp, yi kɔn ɔwe bɔyis, aŋ yi he koko; thambe Kuru ɔwe mɔ sɔŋ kabarne.
- ⁸Ɔwa kɔn ɔwe mɔ tɛp, yi kɔn ɔwe mɔ bɔyis-e, aŋ yi athɛnɛnɛ; ɔwa kin o kin ɔ tɛ sɔthɔ ɔŋrɔm ŋɔŋ mɔ mɔ mapanth mɔŋ mɔ yi.
- ⁹kotɔy-e, saŋ sɛ yi ayɔ mɛpanth rɔkin yi Kuru. Naŋ nɛ yi akɔr ka Kuru, nɛ yi ɔŋseth ŋa Kuru.
- ¹⁰Kɛtaŋanɛ ka ɔŋboŋa ŋa Kuru aŋa a sɔŋ mi-e, mɔ wuni tɔrɔ seth, i po bot ɔtɛmɛr, ka ulɔm ɔ seth rokɔm kati. Kɛrɛ tha wuni o wuni ɔ botɛr ɔmɛrɔ mɔ mɔ ɔ sal ri.
- ¹¹kotɔy-e wuni ɔ gbɛli he bot ɔtɛmɛr o ɔtɛmɛr ɔlɔm-e, pɛthas thambe ɔwe a poŋ thɔŋ bot, kɔnɔ yi mɔ Yisɔs Kraystɔŋ.
- ¹²Ɔwa bepi wuni o wuni ɔ sal ka ɔtɛmɛr wati ɔwe, pɛ yi rɛ mɛbɔŋɔ-o; akala ɔferɔ-o, mɛsar mɛbaki mɔlɔ-o, tɛnt-o, ɛforo-o, thalɔm yi ɛthuk;
- ¹³mapanth ma wuni o wuni mɔ tɛ tɔrine, kotɔy-e ɔŋrɛy ŋa Krayst aŋ tɛ ŋaibi ma, de yi anant sɔ. Ɔwa anant nɛ tɛ mem ko mapanth ma wuni o wuni mɔ mɔ yi.
- ¹⁴Bepi mapanth ama wuni mɔ sal rokɔm kati mɔ tia-e, ɔ tɛ sɔthɔ ɔrɔm.
- ¹⁵Kɛrɛ bepi mapanth ma wuni mɔ tɛ fey-e, ɔŋrɔm ŋɔŋ aŋ tɛ dine, kɛrɛ kɔn kɔnɔnɛ ɔ tɛ kisi, kɛrɛ halisa mɔ kɛwur ka anant.
- ¹⁶Naŋ nɛ tɛ he kɛpa nɛ yi ɔŋseth ŋa Kuru, ka ɔYina ka Kuru ɔ yirɔ rokor ka nu-i?
- ¹⁷Bepi wuni o wuni ɔ lɛsɛr ɔŋseth ŋa Kuru-e, kɔnɔ Kuru mɔ dim, kotɔy-e ɔŋseth ŋa Kuru aŋ yi asɛm. Ɔwa naŋ nɛ yi ɔŋseth ŋati.
- ¹⁸Ta wuni o wuni ɔ tɛ tɔnsnɛ. Bepi wuni o wuni kɛtɔŋ ka nu ɔ nanɛ kɛpa kɔn tempɛ ka ɔdɔru are-e, ta ɔ sɛkɛ upɛŋk, kɔmɔ ɔ yi utempɛ tentɛnɛ.
- ¹⁹kotɔy-e kɔtemp ka ɔdɔru are kɛ yi apɛnk ka Kurɔŋ. ɔtesoma-e a po gbal kɛpa, Ɔ tɛ wop antempɛ ka masɔth maŋ gbeŋ.
- ²⁰Ɔwa sɔ, ƆMariki ɔ tɔrɔ ɛnanɛ ya antempɛ, kɛpa ye ɛ yi ɛyay.
- ²¹Tiyɔŋ ta wuni o wuni ɔ tɛ kolonɛ ka afɛm a kɛpɛt, kotɔy-e naŋ nɛ ba mɔtɔy bɛ.
- ²²Bepi pɛ yi Pɔl-o, Apɔlɔs-o, Kɔyifas-o, raru-o, aŋesɛm-o, rɛfi-o, mɔtɔy ama yi kake-o, thalɔm mɔtɔy ama mɔ der-o; na ba ma bɛ.
- ²³Ɔwa Krayst ɔ ba nu, yi Kuru ɔ ba Kraystɔŋ.



1 An̄kərinth 4

- ¹Nə yi tə kəkəli su mələ ma ebəy ya Krayst aṅa mə kətha egbundu ya Kuru.
- ²Be pə yi ti-e, a yema kāmā ebəy aṅ yi afəm aboṯhi lanε.
- ³Kere ka aṅgbāp a mi-e, tə ba he mi tày bepi naṅaṅ, thaləm afəm aləm nə thonkas mi. Mine ras i thonkasne he mən.
- ⁴kotày-e i tε he tày o tày təməthekε ka aṅyεthe a mi, kere i ba he məmari kətāṅane kati. Owe mə thonkas mi kənə yi əMarki.
- ⁵Tiyāṅ te nu thonkas yenka aṅlōkə aṅ bek, kere kar haṅ əMarki ə der əwe ba kəwura gbafəth mātāy məmaṅkne ma aṅsum de yi kətəri sə enane ya emerā. Ka aṅlōkə ṅati wuni o wuni ə tə səthə aṅkəri kori ṅəṅ ka Kuru.
- ⁶Owa, awont, i po gbal mātāy ame salata mineṅ yi Apōlōs ta átā nu, kāmā nə thəkəsne salata anthunthəranε a su tə kəyi nə ba he kəthas átā a po gbal-e, kāmā wuni o wuni kətəṅ ka nu ə te ṅata ukarməkə ukin kəṅamne uləm.
- ⁷Ātesoma-e, kanε yə mu mə yi ugbaske-e? Owa ko mə ba ara a te mōtha yer mu-e? Bepi a yer mu ri-e, to pə som mā mə kolonε-e mələ ma tə kəpa ye rə yi he aboya-e?
- ⁸Hali ka-ake nə namra thoṅ, nə poṅ thə səthə be, nə poṅ thə gbəka mə abāy kəte kar su. Owa ta pə yi ti naṅ nə gbəka kāmā saṅ sə sə gbəli gbəka yi naṅ.
- ⁹kotày-e i nanε Kuru ə po ləpsə wurə saṅ asom rodarəṅ ka aṅləm be-e, mə afəm aṅa ba tə kəfi. Pəkasiṯe a səki su afəm athais ka ádāru, yi ta amaleka, de yi ta afəm.
- ¹⁰Sə yi apənk salata Krayst, kere naṅ nə yi a tempi rokor ka Krayst; sə yi aránt, kere naṅ nə yi abāki mader; naṅ nə ba ayiki, kere saṅ sə yi afarke.
- ¹¹Hali haṅ mə yaṅ sə yi saṅ ador de yi rəmun de yi rətiṅ, ka a gbantha su, əwa sə ba he əyira gbeṅ.
- ¹²Ka sə thərə, sə yə məpanth yi mātā ma su; ma a nal su, sə ruba; ma a səmpa su, sə muyu;
- ¹³ma a fofiya su-e, sə nēmthene; a nən̄k su mə ranəkə ra ádāru-e pə yi mə əka ya amuruṅ haṅ thonəṅ.
- ¹⁴I gbal he mātāy ame tə kəlapəs nu-e, kere i maṅ nu mə awuth a mi aboṯhər.
- ¹⁵kotày-e, hali nə ba naṅ akarməkə ewul təfət ka Kraist-e, nə gbəli he ba akas agbāthi. Kotày-e mine i yi əkas ka nu ka Krayst Yisəsāṅ asabu ṅa mapa məṯinə ma Kuru.
- ¹⁶Tiyāṅ əmari nu, yi na átānsāne mi.
- ¹⁷Te ba ti i som Timoṯhi ro rənu-e, əwe yi əwan kām̄i uboṯhər, rε yi uboṯhi lanε ka əMarki, əwe ba kəkala emerā ε nu ka asoṅ ta mi átā yi ka Krayst, mə mə i thək̄sa der o der ka aseth o seth aramne.



¹⁸Kere alom an po natane ra amerà, pa yi mo i ba he kader ro ronu.

¹⁹Kere i ti yenk der, bepi oMarki o selo, owa i ti tara anfosso na anfam abone tay ane, pa yi he gbo adim ra nan.

²⁰Atesoma-e, rabay ra Kuru ra yi he ra rim, kere ra yi ra afoso.

²¹Ko nan na yema gben-e? Na yema i der ra kesethe-i? Thalom ra mabothar yi amerà athofel-i?

1 Ankorinth 5

¹A po pa ti gbafeth kopa korp ka yi keton ka nu, korp kawunon ake te yi hali keton ka ankafri to kopa ye ukin o gbasi orani ka okas kon.

²Halisa na nata emera e nu, be ta na bok, kama na wuru owe po yo atay ate keton kanu.

³Te tentene ma i yi do ronu ra amera-e, hali ma i te bopar de yi nan ka mader-e, i po thon gbok salata kon owe po yo atay ate, pa yi gbo mo i boparane.

⁴Ma nan na po thonklane rakin-e, yi anmerà a mi, ka anes yi anfosso na oMarki kasu Yisos Kraystan,

⁵na yi to kolanqli owuni wunon ka Sethani to kadim mader kama anyina non an kisi ka anrey na Yisos Krayst.

⁶Kakolone ka nu ko thesa he. Na te he kopa egbith ethan e furas kaboth be-i?

⁷Wuru nu egbith ekur-e, kama na yi kaboth kafu, kotay-e to tentene na yi he to koba egbith. Kotay-e, Kraystan, kalome kafeth ka opaine-e, a po yo ko asathka ta ata su.

⁸Tiyon ta so bene amet, pa yi he ra egbith ekur, thalom yi egbith ya magbenane, yi melas, kere ra kabo kate ba egbith ka amerà aferà yi taten.

⁹I po gbalor nu ka anreka a mi to kate kulune ka afam arapi.

¹⁰Kere i lei he anfam arapi na adaru are, ta a pa ras nan ana ba efor eyamari, thalom ankey aluk-e, thalom nan ana ma ramne eyet ebumarne; bepi pa yi yan-e, thambe na wur ka adaru.

¹¹Kere i gbalor nu to kate kulune ka wuni owe a bont uwont ka kalane bepi o yi wuni owe ma yo korp, thalom o ba efor emara, thalom o ramne eyet ebumarne, owa bepi o nal-e, bepi o tis-e, thalom bepi o yo kanson; na yi he ras to kadi yi owuni wunon.

¹²Mapanth ma mi thaho to kethonkas ante lane. Pa yi he angbethen a nu to korok epa ya nan ana yi rokor ka anchoch-i?

¹³Kuru kon ma rok epa ya ante lane. Tiyon wuru nu owuni las kati keton ka nu.

1 Ankorinth 6



- ¹Bepi wuni kətɔŋ ka nu ɔ ba apa yi ɔkos kɔŋ-e, ɔ tɛ mintha kera ŋi ro bare rodi ka ante lanɛ-i, pəthas rodi ka aŋsəm-i?
- ²Naŋ, nə tɛ he kəpa aŋsəm aŋ tɛ gbək epa ya ádáru? Ɔwa bepi nə tɛ gbək epa ya ádáru-e nə bek he tɛ kəgbək epa elɔl sɔ-i?
- ³Nə tɛ he kəpa saŋ sɛ tɛ thonkas amaleka-i, pə tha gbethi mătáy ma ádáru are-i?
- ⁴Ɔwa bepi nə ba tɛ kəthonkas epa ewunɔŋ-e, nə gbəli bot ŋaŋ aŋa yi afarke kətɔŋ ka nu tɛ kəgbək yi-i?
- ⁵I pa áte kámá nə lap. Pə yi tətɛŋ kəpa wuni tempɪ ɔ yi he kətɔŋ ka nu-i, hali ukin ɔwe mə gbəli thonkas kətɔŋ ka aŋwɔnt ŋɔŋ-i?
- ⁶Kere uwɔnt ɔ kera uwɔnt ro bare, ɔwa pə yi ten rodi ka ante lanɛ.
- ⁷Tentene mətheke mə yi kətɔŋ ka nu ma uwɔnt ɔ kera uwɔnt ro bare. Kɔyɛŋ mə nə tɛ muyu mələs-e? Ɔwa kɔyɛŋ mə nə tɛ selɔ aŋ yɔ nu kansɔŋ-e?
- ⁸Kere naŋ gbɛŋ nə yɔ ɔləs. Nə di aŋwɔnt a nu.
- ⁹Nə tɛ he kəpa ante lomɔ aŋ gbəli he sɔthɔ rábáy ra Kuru-i? Te selɔ a tɔns nu; pə yi afəm anɔkɔ-o, pə yi ŋaŋ aŋa ramne ka erɔŋ-o, pə yi afəm aŋa yɔ kərəp tətəp tətəp-o,
- ¹⁰thalɔm akey-o, thalɔm afəm aŋa ba efər emara-o, thalɔm atis-o, thalɔm aŋa nal-o, thalɔm aŋa ba aharamu-o; aŋe be aŋ gbəli he sɔthɔ rábáy ra Kuru.
- ¹¹Ɔwa yaŋ alɔm kətɔŋ ka nu nə la yi thəpaŋ, kere a po fethər nu, a po səməs nu, ɔwa a po sɔŋ nu məmari ka aŋes ŋa ɔMarki Yisɔs Kraystaŋ de yi ka ɔYina ka ɔKuru kásu.
- ¹²Mătáy be mə yi mələmpi ta átá mi, kere mătáy be tha mə mar. Mătáy be mə yi mələmpi ta átá mi, kere i selɔ he botne ratha ka aŋfɔsɔ ŋa koko.
- ¹³Ɔyɛt edi ɛ yi ta akor, ɔwa akor kə yi ta ɛyɛt edi; kere Kuru ɔ tɛ yɔ yi be ɛ tiyá fu. A bempa he aŋder ta kərəp, a bempa ŋi ta ɔMarki; de yi ɔMarki ta aŋder.
- ¹⁴Mɔ mə Kuru ɔ po yokas ɔMarki ka rəfi-e, yaŋ pə yi sɔ ka aŋfɔsɔ ŋɔŋ-e, ɔ tɛ yɔ su sɛ kál yokane ka rəfi.
- ¹⁵Naŋ nə tɛ he kəpa mader ma nu mə yi malaŋktha ma Kraist-i? Ɔwa i gbəli gbasi malaŋktha ma Kraystaŋ, i səki ma malaŋktha ma ugboyonko-i? Saki ti Kuru.
- ¹⁶Nə tɛ he kəpa ɔwe mə kulunɛ ka ubera urəpi ɔ səke ader ŋin yi kɔn-i? Átesoma-e ɔMarki ɔ pa, Ɔa ŋarəŋaŋ aŋ səke ader ŋin.
- ¹⁷Kere kɔn ɔwe kulunɛ ka ɔMarki ɔ ba ayina ŋin yi kɔn.
- ¹⁸Gbuke nu kərəp. Ahake o hake aŋa wuni mə yɔ aŋ yi he ka aŋder, kere ɔwe mə yɔ kərəp-e, ɔ sap ahake ka aŋder ŋɔŋ gbɛŋ.
- ¹⁹Naŋ nə tɛ he kəpa mader ma nu mə yi aŋseth ŋa ɔYina məsəm ɔwe yi nu rokor, ɔwe Kuru ɔ sɔŋ nu-i? Ɔwa naŋ tha banɛ-e,



²⁰kotáy-e a po wai nu móló mǎbaki. Tiyánj yikis Kuru ka mader ma nu.

1 Anǰorinth 7

¹Ɔwa salata mátáy ama nə gbalər mi-e, i pa pə yi ɔfinɔ bepi wan duni ɔ te gboŋ wuni bom.

²Kere kámá a thaŋkane kərəp-e, ta wuni o wuni ɔ ba ɔrani kəŋ; ɔwa ta ubera o bera ɔ ba ɔwos kəŋ.

³Ta ɔwos ɔ yɔ mayɔ ma kənantá ka ɔrani, yi ɔrani sɔ ka ɔwos.

⁴Ɔrani ɔ ba he afɔsɔ ka aŋder ŋəŋ kəte ba ɔwos; ɔwa ɔwos sɔ ɔ ba he afɔsɔ ka aŋder ŋəŋ kəte ba ɔrani.

⁵Te pensa ukin ka ɔlóm, thambe sɔthlóm na ŋarəŋ nə ba ti dim din ta alókɔ agbut, kámá nə gbəli ba aŋfere tə kəwop asum yi kəramne. Kədarəŋ kati ta nə kál pantne rəkin, kámá Sethani ɔ te gbəns nu asabu ŋa kate gbəli muyu mafela ma nu.

⁶Kere i pa áte tə kətei nu ti gbo asako, pə yi he ta asiraŋ.

⁷I yema naŋ kámá afəm be aŋ yi mɔ mə mine i yi; kere wuni o wuni ɔ ba ara Kuru ɔ boya kɔ, ukin mɔ áte, ulóm mɔ átəŋ.

⁸Tiyánj i pa ka ante nántá yi ka aŋbora-e, pə yi ɔfinɔ ta átá ŋaŋ bepi aŋ tiyá mɔ mineŋ.

⁹Kere bepi aŋ gbəli he muyu-e, ta aŋ nántá re aŋ balá-e; kotáy-e pə yi ɔfisa tə kənantá pəthas kəba mǎfela mǎfey fey.

¹⁰Kere ka aŋnántá de yi aŋbalá-e, pə yi he mineŋ kere ɔMarki kənsɔ yamari, i pa kámá ɔrani ɔ te wur ka ɔwos kəŋ;

¹¹kere bepi ɔ wur-e, ta ɔ te sɔ balá, thalóm ta ɔ kál mane yi ɔwos kəŋ. Ɔwa ta ɔwos ɔ te ter ɔrani kəŋ.

¹²Ka alóm mine i pa, (ɔMarki thahɔ), bepi uwənt o wənt ɔ ba urani ɔwe te lane-e, ɔwa ɔ selɔ tə kəyira yi kən-e, ta ɔ te ter kɔ.

¹³Ka ɔwuni bom ɔwe ba ɔwos ɔwe te lane-e, bepi ɔ selɔ tə kəyira yi kən-e, ta ɔ te ter kɔ.

¹⁴kotáy-e ɔrani ulane ɔ səməs ɔwos ɔwe te lane, de yi ɔwos ulane ɔ səməs ɔrani ute lane. Bepi pə yi he yaŋ-e, aŋwuth a nu aŋ tə ba mayi ma aŋkafri; kere ka-ake aŋ yi agbərəŋ.

¹⁵Kere bepi ɔte lane ɔ yema tə kəwur-e, ta ɔ wur. Ɔwənt runi thalóm ɔwənt bera ɔ yi he usekane ka mátáy məwunəŋ; Kuru ɔ muti su tə kəyira ka mǎthəfəl.

¹⁶Tiyánj, munɔ ɔrani to mə gbəli tǎrá bepi mə tə kisis ɔwos mu-i, thalóm munɔ ɔwos, to mə gbəli tǎrá bepi mə tə kisis ɔrani ka mu-e?



- 17Kere molo ma oMarki o po son wuni o wuni matoma mon-e, de yi mo mo no la yi ma Kuru o po muti nu-e, ta no koth ri. Yan i botos ti ka echoch be.
- 18Bepi a tela wuni owe yi ubirons ta o te sake ute birons. Bepi a tela wuni owe te yi ubirons, ta o te sake ubirons.
- 19Kebirons ka ba he tay, yi kote birons ka ba he tay, kere kawop etho ya Kuru-e, ka ba tay.
- 20Ta wuni o wuni o tiya ka otoma ro o la yi ma a muti ko.
- 21Bepi-e, ka anlokoma a muti mu mo yi utar-e, te soli ti, kere bepi mo gbali sotho rawankom-e, yo ti.
- 22Atesoma-e bepi oMarki o la tela wuni owe la yi utar-e, owuni kati o yi uwankom ka oMarki. Ya pe yi so owe a la tela ma o yi uwankom-e, o yi ten utar ka Krayst.
- 23A po way nu molo mabaki, te nu sake antar na afem a kpet.
- 24Tiyang ro mo no la toma ma a muti nu-e, toma ri nu yi Kuron.
- 25Owa salata anfan-e, i ba he ti ayamari na oMarki, kere i son anpane a mi, molo ma wuni owe yi ubothi lane salata anney na oMarki.
- 26Tiyang i nane kapa salata ansompa ana yi su-e, ka-ake pe yi nan ofino bepi wuni o tiya mo mo yi.
- 27Bepi mo ba urani, te thens to keter ko. Bepi mo ba he urani-e, te thens urani.
- 28Kere bepi mo nanta-e, ahake thaho. Owa bepi uborko o balae, ahake thaho, kere anfem awunon an to ba ayagba ka mader. Owa i yema nan kisis nu kawur ri.
- 29Kere awont, i yema pa ate kapa ye, Pe tiya su aloko agbut, pe yi mo-e, ketap ka-ake, nan ana ba arani-e, ta an yi mo ante ba.
- 30Owa nan ana bok-e, ta an yi mo ante bok; owa nan ana ba mabone-e, ta an yi mo ante ba mabone, de yi nan ana way-e, ta an yi mo ana te sotho,
- 31Owa so-e, ana mo kyane eyet ya adaru are-e, ta an te kyane yi oles, kotay-e mayi ma adaru mo ba kothas.
- 32I yema kama no te ba eyagba ya adaru. Ote nanta ama ote balae, o botar amerà ta matay ma oMarki, to o gbali yo kama o bones oMarki;
- 33kere kon owe po nante-e, o botar amerà ta matay ma adaru, to o gbali bones orani kon.
- 34Ogbaske o yi so keton ka orani yi ofane. Ufane o botar amerà ta matay ma oMarki, kama o gbali yi usam ka ander yi ka anmerà; kere kon owe po balae, o botar amerà ta matay ma adaru, to o gbali bones owos kon.



³⁵I fəf áte tə kəmar nu, pə yi he tə kəbot nu rə əkethanɛ, kere ta salata átá yi təfínɔ, kámá nə bátho ɔMarki rə kəpəŋ asoli.

³⁶Kere bepi wuni o wuni ɔ nanɛ ɔ yɔ he ɔfínɔ ka ɔwan kəŋ ubera ufane-e, bepi táren ta kábala kəŋ tə yema pɔ thas-e, bepi tha pə yi-e, ta ɔ yɔ átá ɔ yema, ahake thahɔ; ta ɔ baləs kɔ.

³⁷Kere kən ɔwe tɔmá ɔbaki mæder ka aŋmerá ŋəŋ, pə yi he kəpa məyɔ mə yi he-e, kere ɔ ba məmari tə kəyɔ átá ɔ yema-e, ɔwa ɔ pɔ botəs ti ka aŋmerá ŋəŋ tə kəbene ɔwan kəŋ ufane, ɔ yɔ ɔfínɔ.

³⁸Tiyəŋ kən ɔwe baləs ɔwan ufane kəŋ ɔ yɔ ɔfínɔ; kere kən ɔwe te baləs kɔ-e, kən ɔ tha yɔ ɔfínɔ.

³⁹Orani ɔ yi usekane fani ɔwos kəŋ ɔ yi ras ukəli; kere bepi ɔwos kəŋ ɔ fi-e, ɔ gbəli balá ka ɔwe ɔ yema kere ta pə yi gbo ka wuni ɔwe yi ulane ka ɔMarki.

⁴⁰Kere ka magbək ma mi-e, ɔ tə tha ba məbɔne bepi ɔ tiyá mɔ mɔ yi; ɔwa i nanɛ i ba sɔ ɔYina ka Kuru.

1 Aŋkərinth 8

¹ɔwa ta salata eyet edi eyɛ a fáká erəŋ-e, sə tără kəpa pə sək su be ta ti. ɔwa kətara táy kə tə ŋata ámerá, kere mábɔthər mə tə səŋ kətemp.

²Bepi wuni o wuni ɔ nanɛ ɔ tără thəŋ táy o tay-e, halisa ɔ tha te he ras mɔ mɔ mar tără.

³Kere bepi wuni ɔ bɔthər Kurəŋ, kənɔ Kuru ɔ tără.

⁴Tiyəŋ salata kádi eyet efáká erəŋ-e, sə tără kəpa eyet epath ɛ yi he koko ka ádaru, ɔwa kuru uləm ɔ yi he thambe ukin gbo.

⁵kotáy-e hali ɛ yi eyɛ a bont turu-e, pə yi rokəm-o, thaləm nɔru, (ma pə yi turu təgbáthi de yi amarki agbáthi aŋ yi),

⁶kere saŋ sə ba gbo ɔKuru ukin, pə yi mɔ ɔKas ɔwe təpi eyet be, ɔwa saŋ sə ba aŋesəm kətəŋane kəŋ. De yi ɔMarki kin gbo ɔ yi, Yisəs Krayst kənəŋ; ka asabu ŋəŋ eyet be ɛ yi, ɔwa ka ɔwe saŋ sɔ sɔ yi.

⁷Kere afəm be tha ba kátará ake; kere aləm-e, mɔ mɔ matane maŋ mə yi-e, aŋ di haŋ ka-ake mɔ edi ɛ yi sathka; ka emərə ɛ yaŋ-e, ma ɛ yi eyay-e, ɛ yifasne.

⁸Eyet edi ɛ mar he su ka Kuru. Bepi sə di-e, pə mar he su, ɔwa bepi sə di he, sə paŋ he ti táy.

⁹Botər nu ámerá ta thani rə rəŋ o rəŋ aŋsako a nu aŋe aŋ səke rəka rəpənthbəla ka aŋa ba kəlane kərant.

¹⁰Átesoma-e bepi wuni ɔ nənɔ munɔ ɔwe tără táy ma mə yirá tə kədi ka aŋseth ŋa erəŋ-e, bepi ɔ yi urant-e, pə gbəli he yi ɔ tə minthasne tə kədi sɔ eyet ya esathka-i?



¹¹kotáy-e ɔwuni urant ɔwe-e, pə yi mə ɔwont ta ɔwe Krayst ɔ fi-e, a ləsər kɔ salata kátàrà tà y ka mu.

¹²Tiyán ma mə nə yɔ ahake awunɔŋ keŋamne aŋwont-e, nə ləsər emerá yaŋ eránt, ɔwa nə yɔ sɔ ɔlɛs kəŋamne Kraystán.

¹³Tiyán bepi ra rədi ra mə yɔ ɔwont mi ɔ pənthbɛla-e, i selɔ he sɔ di ɔsem thəbana kámá i te yɔ ɔwont mi ɔ pənthbɛla.

1 Aŋkɔrinth 9

¹Mine i yi he usom tɔ tentene-i? I yi he kəyaŋkaŋ-i? Mine i tha nɛnk he Yisɔs Krayst ɔMarki ka su-i? Naŋ nə yi he mapanth ma mi ka ɔMariki-i?

²Hali i yi he usom ka afəm alɔm-e, kere i yi usom ta átà nu, kotáy-e naŋ nə yi maseri ma rasom ra mi ka ɔMarki.

³Aŋgbaki a mi ŋi aŋe ka ŋaŋ aŋa gbɛŋgbɛŋ mi,

⁴Saŋ sə ba he mamari tɔ kədi yi kəmun-i?

⁵Saŋ sə ba he mamari tɔ kəkɔtha urani ɔwe yi uwont ka kálane, mə aŋsom alɔm-i, de yi mə aŋwont ŋa ɔMarki de yi Kayafas-i?

⁶Thalɔm pə yi mine gbo son yi Banabasán, sə ba he mamari tɔ kətɛy kəyɔ məpanth yi mática ma su-i?

⁷Okurgba ureke ɔ kɔne ka kátim kədarəŋ ka kɔnɔ gbɛŋ ɔ ram ti-e? Kane mə tɛp kɔr kədarəŋ kɔ te di mákomi mati-e? Thalɔm kane mə wonthər kəware kədarəŋ kɔ te sɔtho manɔnɔ ma akuthi-e?

⁸Mine i fɔf gbo mábálane ma afəm a kəpet-i? Aŋthɔ gbɛŋ aŋ pa he ti sɔ-i?

⁹kotáy-e a gbal ti ka aŋthɔ ŋa Mosis, hɔ, Te fɔkər kásəŋ ka ɔna ma mə sap ápəla. Pə yi ta tɛna gbo son tɔ Kuru ɔ raŋko-i?

¹⁰Thalɔm ɔ pa ti be ta salata su-i? Tɔ tentene ɔ gbal ti ta átà su, kámá ɔwe kutha de yi ɔwe mə nas ápəla aŋ tɔ gbak ámerá tɔ kəsɔtho pəlɔm.

¹¹Bepi sə pɔ tɛp mátáy ma ɔYina məsəm do rɔnu-e, tà y təkethane tãŋ bepi sə rɔk eyet ɛ nu salata mader ma su-i?

¹²Bepi akarməkɔ alɔm aŋ ba mamari ame rokɔm ka nu-e, saŋ sə thas he ŋa-i? Kere sə kiane he mamari mati. Sə muyu mátáy be kámá sə te bent mapa məfínɔ ma Krayst.

¹³Nə tɛ he kəpa ŋaŋ aŋa bátho yi eyet ɛsəm ya aŋseth ŋa Kuru-e, aŋ di eyet ɛsəm yati-i, de yi aŋfode ŋa aŋbese aŋ ba sɔ eni yaŋ kəwur ka aŋbese-i?

¹⁴Ya pə yi sɔ ɔMarki ɔ pɔŋ bot ti kəpa ŋaŋ aŋa kawandi mapa məfínɔ ma Kuru-e, aŋ yi tɔ kəsɔtho kadi ka ŋaŋ kəwur ka mapa məfínɔ ma Kuru.



¹⁵Kere mine i kiane he mamari ame; thalom i gbal he matay ame kamà a yo ma ta ata mi; kotay-e pe fisa mi i fi pethas pe yi wuni o wuni o yo kagbak kami eyonka ke tiya fu.

¹⁶kotay-e i ba he amerà akabane ansabu na ka kawandi kami mapa mafino ma Kuru, atesoma-e a rej mi kathambe kati. Te ba ti, seke mi-o bepi i kawandi he mapa mafino ma Kuru!

¹⁷Owa bepi i yo ate ka maselo ma mi gbo-e, i ba aram; kere bepi pe yi he ka maselo ma mi-e, halisa a po manker mi angbethen nati.

¹⁸Bepi ya pe yi-e, ko yi anram a mi thon-a? An yi kopa ma me i kawandi mapa mafino ma Kuru-e, i tamos ma kayankan kete bot molo, kamà i te kiane mamari ma mi othasor ka mapa mafino ma Kuru.

¹⁹Hali ma wuni o wuni o te ba afoso rokom ka mi-e, i po seke utar ka afem be kamà i bar sotho agbathi.

²⁰Ka anYuda i seke mo uYuda, kamà i sotho anYuda. Ka nan ana yi ratha ka antho-e, i botne roratha ka antho kamà i sotho nan ana yi ratha ka antho.

²¹Ka nan ana te ba atho-e, i yi mo ute ba atho (pe yi he kopa i ba he antho ka Kuron kere i yi roratha ka antho na Krayst). Kan ka gbo i sotho nan ana te ba atho.

²²Ka anyay i seke uyay kamà i sotho anyay. I po seke matay be salata afem be kamà ro ro o ro i gbali kisis alom.

²³I yo ate be salata mapa mafino ma Kuru kamà se yerane ka mafino mati.

²⁴Nə te he kopa ana me gbuke ra agbakane an gbuke be-i, kere ukin gbo konə me sotho amolo-i? Owa gbuke nu yan kamà nə sotho.

²⁵Ulangba o langba owe me gbakane ka ewol ya kasanka o yi ugbet re koko be. Owa nan ana yo ti te kesotho aniyə na eboper methy; kere san se yo ti te kesotho aniyə ana me te lesor thankan.

²⁶Tiyən ya i gbuke, pe yi he re kete tara; yan so i tim, pe yi he re kebofthar anfena.

²⁷Kere i memos ander a mi, owa i bene ni ka ratar, ta thani kedarej ka ma i po kawandi ka alom-e, min minene, a kathi mi te kete bek.

1 Ankorinth 10

¹Awont, i yema kamà nə kala amerà kopa anfam a su abaki be an po yi thepan roratha ka kagboper ka anjunt na akima, owa na be an po fasi kaban kayim.

²A baftays na be so ka anjunt akima yi kaban te ketan Mosisan.

³Owa na be an di kadi kesem kin ka oYina;



- ⁴Ŋa be sɔ aŋ mun ramun din ra ro Yina; kotáy-e aŋ mun ka aŋgbalaŋ ŋa ro Yina ŋati aŋa bɔ táy ŋa. Ɔwa aŋgbalaŋ ŋati ŋa yi Kraystáŋ.
- ⁵Kere pɔ bun yi ŋa be aŋ bɔnes he Kuru; te ba ti aŋ fi ro wula.
- ⁶Ɔwa mátáy ame mə yi emɔl ta átá su kámá sɔ te mile mátáy mɔlɔs, mə mə ŋaŋ aŋ mile.
- ⁷Ta a pa ras nə yi abátho erɔŋ mə mə alɔm kətɔŋ ka ŋaŋ aŋ po yɔ; mə mə a po gbal kɔpa, Aŋfɛm aŋ yirá tɔ kádi yi kɛmun, kaŋ yokanɛ tɔ kɔwɔl.
- ⁸Ta a pa ras sɔ yɔ kɔrɔp, mə alɔm kətɔŋ ka ŋaŋ aŋ po yɔ, kaŋ fi ka árey ŋin ɛwul kɔgba ɛsas.
- ⁹Ta a pa ras sɔ mɛmɛr ɔMarki, mə mə alɔm kətɔŋ ka ŋaŋ aŋ po yɔ, ɔwa ɛbok aŋ dim ŋa.
- ¹⁰Ta a pa ras nə fɔfəthane, mə mə alɔm kətɔŋ ka ŋaŋ aŋ po yɔ, ɔwa ɔDim ɔ dim ŋa.
- ¹¹Ɔwa mátáy ame be mə yɔne ŋaŋ tɔ kɔyi ámán, ka a gbal ma mə amɔl ta átá su, ma pɔ yi sɔ bɛpɛr ka ɔlasɛr wa ɛyamana.
- ¹²Tiyán ɔwe nanɛ kɔpa ɔ tɛmá, ta ɔ bumne ta thani ɔ fumpɔ.
- ¹³Agbɔns o gbɔns aŋ gbɛli he derɛr nu thambe ara mə der ka wuni o wuni kɔpet; kere Kuru ɔ yi ubɔthi lanɛ, ɔwa ɔ ba he kɔselɔ a gbɔns nu pɛthas átá nə gbɛli, kere ma aŋgbɔns aŋ bek-e, ɔ tɔ kanthi rɔŋ dɛgbuke kámá nə gbɛli muyu.
- ¹⁴Tiyán aŋbɔthɛr a mi, gbuke nu kɔwur rɔ kɔbatho erɔŋ.
- ¹⁵I fɔfáne nu mə afɛm atempi; gbɛk ti nu átá i pa.
- ¹⁶Ampɔthi ŋa aruba aŋa sɔ ruba-e, aŋ yi he kayeranɛ ka mátir ma Kraist-i? Kabo áke sɔ simɔth-e, kɔ yi he kayeranɛ ka aŋdɛr ŋa Kraist-i?
- ¹⁷Ɔwa mə má kabo kɔ yi kin-e, saŋ sɔ hali ma sɔ yi sa agbáthi-e, sɔ yi adɛr ŋin. Kotáy-e saŋ be sɔ po yeranɛ ka kabo kin kati.
- ¹⁸Kɔli nu aŋIsrɛl thɔpaŋ. Ɖaŋ aŋa di ɛsathka-e, ŋa tha yeranɛ ka aŋbɛsɛ-i?
- ¹⁹To mə i pa thɔŋ-a? Da rɔbumɛrne rɔ yi rɔka-i, thalɔm ara a sɔŋ sathka ka ɛyɛt ɛbumɛrne rɔ yi rɔka-i?
- ²⁰Gbere, kere i pa, ɛyɛt ɛyɛ tábona tɔlɔm aŋ sɔŋ sathka-e, aŋ sɔŋ yi ka akɔrɔfi alɔs, pɔ yi he ka Kuru; ɔwa i yema he nə ba mɛmanɛ yi akɔrɔfi alɔs.
- ²¹Nə gbɛli he mun ka ampɔthi ŋa ɔMarki yi ka ampɔthi ŋa akɔrɔfi alɔs; nə gbɛli he di ka aŋthebul ŋa ɔMarki, dɛ yi ka aŋthebul ŋa akɔrɔfi yawin-ɔŋ.
- ²²Sɔ yema yɔ kámá ɔMarki ɔ ba kɔtut-i? Saŋ sɔ ba afɔsɔ pɛthasi kɔ-i?
- ²³Mátáy be mə yi mɔlompi ta átá mi, kere mátáy be mə yi he mɛmari. Mátáy be mə yi mɔlompi ta átá mi, kere mátáy be mə mar he ámerá.



- ²⁴Ta wuni o wuni ɔ te then átà yi təfínɔ ta atɔŋ gbo son-e, kere wuni o wuni ta ɔ then átà yi təfínɔ ta aŋkos ŋɔŋ.
- ²⁵Rəka o rəka ara a thila ka ɔder ɔthila-e, di ri nu kote yifəth tày o tày salata ámerá.
- ²⁶kotáy-e Kuru Məsaba kɔnɔ ba ádaru yi ɔlasər wati.
- ²⁷Bepi ukin ka ante lane ɔ muti nu ka amet-e, ɔwa nə nanɛ tə kəkɔ-e, di koko be ara a bot rodi ka nu, ɔwa te yifəth tày o tày salata ámerá.
- ²⁸Kere bepi wuni o wuni ɔ pa ro rɔnu, Are, a sɔŋ ri sathka. Te di salata kɔn ɔwe tɔri mu ti re yi sɔ salata ámerá áferá.
- ²⁹(Áŋmerá ŋa ɔwuni kati ŋá mɛ i ley; aŋa mu thahɔ). Kɔyɛŋ gbeŋ áŋmerá ŋa wuni lɔm aŋ gbəli thonkas kayi kəyaŋkaŋ ka mi-e?
- ³⁰Bepi mine kətaŋ ka aboŋa-e, i di re kəmuti mɔmɔ-e, kɔyɛŋ mə a fofiya mi salata arəka ta ara i muti mɔmɔ-e?
- ³¹Áŋsabu aŋ yi kəpa, bepi nə di-e, thalɔm nə mun-e, thalɔm nə yɔ tày o tai-e, yɔ ti nu be salata aŋyiki ŋa Kuru.
- ³²Te nu sɔŋ kəthen o kəthen, pə yi ka aŋYuda-o, thalɔm aŋKrik-o, thalɔm ka aŋchɔch.
- ³³Mɔ má mine i yɔ kámá pə bɔnɛ afəm be ka tày o tày, ɔwa i thens he átà yi təbarne ta átà mi gboŋ-e, kere átà yi təbarne ta agbáthi, kámá aŋ kisi.

1 Aŋkɔrinth 11

- ¹ɔwa yi nu átánsáne mi mɔ mə mine mə i tansane Kraystáŋ.
- ²Awɔnt, i thəkəs nu ma nə nanɛ mi ka mátáy be, de yi nə wop ɔbaksər epa mɔ mə i po lánki yi do rɔnu.
- ³Kere i yema nu nə tára kəpa ɔkərəbomp ka wan duni o wan duni ɔ yi Krayst; ɔwa ɔkərəbomp ka wuni bom o wuni bom ɔ yi ɔwos kɔŋ; ɔwa ɔkərəbomp ka Krayst ɔ yi Kurɔŋ.
- ⁴Te ba ti, wan duni o wan duni ɔwe mə ramne thalɔm ɔ kawandi kəba rábomp rɔŋ rə gbəpər, ɔ lapəs rábomp rɔŋ.
- ⁵Kere wuni bom o wuni bom ɔwe mə ramne thalɔm ɔ kawandi-e, bepi ɔ gbəpər he rábomp rɔŋ-e, ɔ lapəs rábomp rɔŋ, átesoma-e pə yi tày tin mə a fon kɔ.
- ⁶kotáy-e bepi wuni bom ɔ gbəpərne he-e, ta a fon kɔ gbo; kere tày ta məlap tɔŋ tə kəfon kɔ, tiyáŋ ta ɔ gbəpərne.
- ⁷Tentene wan duni ɔ yi he tə kəgbəpər rábomp rɔŋ pəkasife ɔ yi ka mábaláne yi aŋyiki ŋa Kurɔŋ; kere ɔwuni bom kɔn ɔ yi aŋyiki ŋa ɔwan duni.
- ⁸Átesoma-e ɔwan duni ɔ wur he thəpaŋ ka ɔwuni bom, kere ɔwuni bom ɔ wur ka ɔwan duni.



- ⁹A bempa he ɔwan duni ta salata ɔwuni bom; kere a bempa ɔwuni bom ta salata ɔwan duni.
- ¹⁰Tiyán ɔwuni bom ɔ yi tɔ kɛgbɛpɛr rábomp rɔŋ yi akumbafele, salata aŋmáleka.
- ¹¹Ɔwuni bom ɔ yi he thɔkɔ kɛwur ka ɔwan duni, ta a pa ras ɔwan duni ɔ yi thɔkɔ kɛwur ka ɔwuni bom rokor ka ɔMarki.
- ¹²kotáy-e mɔ mɔ ɔwuni bom ɔ la wur ka ɔwan duni-e, yaŋ sɔ ka-ake ɔwan duni mɔ wur ka ɔwuni bom; ka mátáy be mɔ wur ka Kuru Məsaba-əŋ.
- ¹³Na gbeh, gbək ti nu. Pə yi táy tɛfinɔ ta ɔwuni bom ɔ ramne Kuru kɛte gbɛpɛrne-i?
- ¹⁴Máyí ma rawuni kɛpet mɔ thɔksa he nu kɛpa bepi wan duni ɔ ba afon abɔli-e, aŋ yi mɛlap do rɔŋŋ-i?
- ¹⁵Kere bepi wuni bom ɔ ba afon abɔli-e, aŋ yi he kɔ ayiki-i? Átesoma-e a sɔŋ kɔ aŋfon ŋŋ tɔ kɛyi ágbɛpɛrà.
- ¹⁶Bepi wuni o wuni ɔ yema thɔŋka ti-e, sɔ ba he matane mati, ɔwa ɛchɔch sɔ ɛ ba he ma.
- ¹⁷Ma i tɔri nu átáy áte-e, i gbɛli he kori kori ɛgbane ɛ nu, pəkasiɛ be ta táy tɛfinɔ-e, táy tɛlɛs tɔ wur ri.
- ¹⁸Ka ɔtɔtɔkɔ bepi nə der rɔkin ka aŋseth ŋa Kuru-e, i tɛl kɛpa ɔgbaske gbaske ɔ yi nu kɛtɔŋ; ɔwa i lane ti dɔ.
- ¹⁹kotáy-e tɛgbanth tɔ ba tɔ kɛyi kɛtɔŋ ka nu, kámá a tárá ŋa gbɛraŋ aŋa a po memɛr kɛtɔŋ ka nu.
- ²⁰Tiyán ma nə thɔŋklane rɔkin-e nə di he mɛn kadi áke ɔMarki gbɛŋ.
- ²¹kotáy-e ma nə di-e, ɔkin o kin ɔ timne tɔ kɛsɔthɔ kadi kɔŋ; ukin ɔ di mɔ udor-e, ka ulɔm ɔ tis.
- ²²Ko-e? Nə ba he aseth ro nə gbɛli di de yi nə mun-i? Thalɔm nə farki aŋseth ŋa Kuru-i, ɔwa nə lapɛs ŋaŋ aŋa te ba-i? To mɛ i gbɛli pa do rɔnu-a? I gbɛli kori kori nu ta áte-i? Sako, i yɔ he yi.
- ²³Mine i po sɔthɔ ka ɔMarki átá i laŋkλια nu, kɛpa ɔMarki Yisɔs ka rátátak rati ara a sɔnd kɔ-e, ɔ gbasi kabo.
- ²⁴Ɔwa ma ɔ po muti mɔmɔ-e, ɔ simɔth ki, kɔ pa, Gbasi nu, ɔwa di; ake kɔ yi aŋder a mi aŋa yi ta átá nu. Yɔ nu áte tɔ kɛnane mi.
- ²⁵Ya pə yi sɔ ma a po di-e, ɔ gbasi ampɔthi, ɔ pa, Ampɔthi aŋe ŋa yi aŋlemrane afu ŋa mátir ma mi. Yɔ nu áte, ɔwa ka ɔkatkat má nə mun ma-e, yɔ ti nu tɔ kɛnane mi.
- ²⁶kotáy-e ka ɔkatkat má nə di kabo ake, ɔwa nə kál mun ka ampɔthi aŋe, nə tamɛs rafi ra ɔMarki haŋ ɔ kál der.



²⁷Bepi wuni o wuni ɔ di kabo ake-e, ɔwa ɔ mun ka ampɔthi aɲe ɲa ɔMariki-e, rə kəte ba məmari-e, ɔ tə ba mətheri salata aɲder yi mātir ma ɔMarki.

²⁸Tiyāɲ wuni o wuni ɔ yi tə kəgbɛɲgbɛɲ aɲyɛthe ɲɔɲ; kədarəɲ kati ɔ gbəli di kabo kati, ɔ kəl mun ka ampɔthi ɲati.

²⁹Àtesoma-e, bepi wuni ɔwe bek he ɔ di-e, ɔwa ɔ kəl mun-e, ɔ di de yi ɔ mun mətheri ka aɲyɛthe ɲɔɲ ma ɔ te botərne àmerà ta aɲder ɲa ɔMarki.

³⁰Ta aɲsabu aɲe-e, agbàthi kətəɲ ka nu aɲ yi aránt de yi atuy, ka agbàthi sɔ aɲ fi.

³¹Kere bepi sɔ thektheke-e, a ba he kəthoɲkas su.

³²Kere ma ɔMarki ɔ thonkas su-e, ɔ tə thalər su kámá sɔ te sɔtho mətheri de yi ádaru.

³³Tiyāɲ aɲwont a mi, ma nə thoɲklane rəkin tə kədi-e, kar ɔkin ka ulom.

³⁴Bepi wuni o wuni ɔ yi udor-e, ta ɔ di ro seth kəɲ, kámá pə yi-e, ma nə thoɲklane rəkin-e, nə sɔtho he mətheri. Ma i der-e, i ti lompəs mātáy mələm.

1 Aɲkərinth 12

¹ɔwa, aɲwont a mi, i yema kámá nə tārà ta eboya ya ɔYina məsəm.

²Fɔtha nə tārà kəpa nə la yi akafri, ɔwa a la yɛthəs nu yi eyet epath ebobo, rə roɲ o roɲ a kera nu.

³Tiyāɲ i yema kámá nə tārà kəpa wuni o wuni ɔwe fəf ka aɲfɔsɔ ɲa ɔYina məsəm ɔ gbəli he pa, Yisəs, uraɲka wəɲ; ɔwa wuni o wuni ɔ gbəli he pa, Yisəs ɔ yi ɔMarki, thambe ka ɔYina məsəm.

⁴ɔwa eboya eɲbanthe tətəp e yi, kere ɔYina məsəm ukin gbo,

⁵yi təbàtho təɲbanthe tətəp tə yi; kere ɔMarki ukin gbo.

⁶ɔwa kəyɔ məpanth kəɲbanthe tətəp kə yi, kere pə yi ɔKuru ukin ɔwe mə yona mātáy be ka afəm be.

⁷ɔwa a səɲ wuni o wuni aɲboya ɲa ɔYina məsəm ta salata ɔfino wa afəm be.

⁸Ka ukin ɔYina məsəm mə səɲ árim ra kátemp; ka ulom árim ra kátara táy kəwur ka ɔYina ɔkin kati;

⁹ka ulom a səɲ kəlane kəwur ka ɔYina ɔkin, ɔwa ka ulom sɔ, afɔsɔ tə kəyɛɲkəs aɲtuy asabu ɲa ɔYina ɔkin.

¹⁰Ka ulom a səɲ kəyɔ məyɔs məkabane; ka ulom kənabi; ka ulom, kətara ɔgbaske wa mātáy ma ro Yina; ka ulom, tənt təɲbanthe tətəp; ɔwa ka ulom-e a səɲ aɲfɔsɔ tə kətəpa tənt.

¹¹Kere ɔYina ɔkin kati ɔ yɔ mātáy mati ame be, kə yerəs wuni o wuni mə mə selɔ.



- ¹²Mɔ ɔ̀nder ɔ̀a wuni ɔ̀ ɔ̀ yi ɔ̀nin-e, kere ɔ̀ ɔ̀ ba mɔ̀lanɔ̀ktha mɔ̀gbɔ̀thi-e, ɔ̀wa mɔ̀lanɔ̀ktha mɔ̀ mati mɔ̀gbɔ̀thi yi ɔ̀nder ɔ̀nin; ya pɔ̀ yi sɔ̀ yi Kraystɔ̀n .
- ¹³kotáy-e pɔ̀ yi sɔ̀ yi aYuda-o, thalɔ̀m aKrik-o, ta a pa ras pɔ̀ yi sɔ̀ yi atar-o, thalɔ̀m awuth akom-o, a po baftays su be ka ɔ̀nder ɔ̀nin kɔ̀tɔ̀nɔ̀ne ka ɔ̀Yina ɔ̀kin. ɔ̀wa ka ɔ̀Yina ɔ̀kin sɔ̀-e a rusɔ̀m su.
- ¹⁴Àtesoma-e, ɔ̀nder ɔ̀a wuni ɔ̀ ɔ̀ yi he gbo alaɔ̀ktha ɔ̀nin, ɔ̀ ɔ̀ yi mɔ̀lanɔ̀ktha mɔ̀gbɔ̀thi.
- ¹⁵Bepi kátæk kɔ̀ tɔ̀ pa, Ma i te yi káta-e, i yi he ka ɔ̀nder; di kati kɔ̀ yi he sɔ̀ ka ander-i?
- ¹⁶Bepi aɔ̀lɔ̀ns ɔ̀n pa, Ma i te yi rafɔ̀r-e, i yi he ka ɔ̀nder; di kati ɔ̀n yi he sɔ̀ ka ander-i?
- ¹⁷Bepi ɔ̀nder be ɔ̀n yi gbo rafɔ̀r-e, reke katɔ̀l kɔ̀ gbɔ̀li yi-a? Bepi ɔ̀nder be ɔ̀n yi aɔ̀lɔ̀ns-e, reke katɔ̀l abont kɔ̀ gbɔ̀li yi-a?
- ¹⁸Kere Kuru ɔ̀ po bot malaɔ̀ktha reke o reke ka ɔ̀nder, mɔ̀ mɔ̀ nɔ̀nka ti ɔ̀finɔ̀.
- ¹⁹Bepi ɔ̀n yi alaɔ̀ktha ɔ̀nin gbo-e, reke ɔ̀nder maɔ̀n yi-a?
- ²⁰ɔ̀wa tɔ̀ tentene malaɔ̀ktha mɔ̀ yi thɔ̀n mɔ̀gbɔ̀thi, kere ader ɔ̀nin gbo.
- ²¹Tiyɔ̀n rafɔ̀r rɔ̀ gbɔ̀li he pa ka káta, I yema he mu; thalɔ̀m rábomp ka átátæk sɔ̀, I yema he nu.
- ²²Sako, pɔ̀ tha gbethi malaɔ̀ktha ma ɔ̀nder ama sɔ̀ nɔ̀nk mɔ̀ mɔ̀yai-e, sɔ̀ yema ma.
- ²³ɔ̀wa malaɔ̀ktha ma ɔ̀nder ama sɔ̀ nanɔ̀ kɔ̀pa mɔ̀ ba gbo ayiki athán-e, má mɔ̀ sɔ̀ lonsɔ̀r yi ayiki abana, kámá malaɔ̀ktha ma su mɔ̀te thesa mɔ̀ gbɔ̀li ba kɔ̀thesa.
- ²⁴Kere malaɔ̀ktha ma su mɔ̀finɔ̀ mɔ̀ paɔ̀n he ti; Kuru ɔ̀ po tɔ̀sane ɔ̀nder rɔ̀kin, ɔ̀ sɔ̀n ayiki abana ka ɔ̀ngbáɔ̀p ɔ̀n paɔ̀n ayiki,
- ²⁵kámá kɔ̀pensane kɔ̀ te yi ka ɔ̀nder, de yi kámá ɔ̀kin ɔ̀ ba anane ta ulɔ̀m.
- ²⁶ɔ̀wa bepi alaɔ̀ktha ɔ̀nin ɔ̀n nakasi-e, malaɔ̀ktha be mɔ̀ nakasi sɔ̀; thalɔ̀m bepi a yikis alaɔ̀ktha ɔ̀nin-e, malaɔ̀ktha be mɔ̀ ba ti mɔ̀bɔ̀ne.
- ²⁷Naɔ̀n nɔ̀ po thɔ̀n yi ɔ̀nder ɔ̀a Kraystɔ̀n, ɔ̀wa wuni o wuni ɔ̀ yi alaɔ̀ktha ɔ̀nati.
- ²⁸Kuru ɔ̀ po bot ti ka aɔ̀gbane ɔ̀n aɔ̀fɔ̀m ɔ̀n kámá alɔ̀m ɔ̀n tɔ̀ yi asom, kɔ̀beka ɔ̀n aɔ̀n anábi, kɔ̀beka asas akarmɔ̀kɔ̀, kɔ̀darɔ̀n kati mɔ̀yɔ̀ mɔ̀kabanɔ̀, eboya ya kɔ̀yeɔ̀nkɔ̀s, kɔ̀mar, aɔ̀beka, yi tɔ̀nt tɔ̀tɔ̀p.
- ²⁹ɔ̀n be ɔ̀n yi asom-i? ɔ̀n be ɔ̀n yi anabi-i? ɔ̀n be ɔ̀n yi akarmɔ̀kɔ̀-i? ɔ̀n be ɔ̀n yi mɔ̀yɔ̀s mɔ̀kabanɔ̀-i?
- ³⁰ɔ̀n be ɔ̀n po ba eboya ya kɔ̀yeɔ̀nkɔ̀s-i? ɔ̀n be ɔ̀n fɔ̀f tɔ̀nt-i? ɔ̀n be ɔ̀n teɔ̀pa-i?
- ³¹Kere fela nu eboya eye tha yi efinɔ̀ elɔ̀kɔ̀ be. ɔ̀wa i ti tɔ̀ri nu aɔ̀n ara tha thesa be.

1 Anɔ̀kɔ̀rinth 13



- ¹Hali i fɔf atənt ta afəm yi amaleka-e, bepi i ba he məbɔthər-e, i səke mə akem arəmi, thaləm mə adaro.
- ²Hali i ba aɲfɔsɔ tɔ kənābi-e, ɔwa i sɔthne egbundu de yi kətara táy be; ɔwa hali i ba kəlāne be haɲ thɔɲ i gbəli tɔɲa tətɛɲ, bepi i ba he məbɔthər-e, i yi he koko.
- ³ɔwa, hali i yer eye i ba tɔ kəwɔnthər aɲmone, hali i sɔɲ aɲder a mi kāmā a thɔy ɲi-e, bepi i ba he məbɔthər-e, tɔ naɲfas he mi koko.
- ⁴Məbɔthər mə ba kəmuyu kəlele, mə ba məthɔth, mə ba he kətut; mə gbək he eyonka, ɔwa mə bondəsne he.
- ⁵Məbɔthər mə yɔ he átā te mar wuni, mə yi he mədir, mə yeɲk he bansā, mə yikis he tələs;
- ⁶mə ba he məbɔne salata mākənā, kere mə sel məbɔne salata tətɛɲ.
- ⁷Məbɔthər mə sara mātáy be, mə lanə mātáy be, mə gbək ámerá ta mātáy be, mə muyu mātáy be.
- ⁸Məbɔthər mə thamrɔ he thánkāɲ. Pə yi kənābi-o, kə tɔ thas; pə yi kəfɔf re tənt-o, kə tɔ thalne; pə yi kətara tay-o, kə tɔ pɔɲ.
- ⁹Átesoma-e, kátará kásu kə yi he kəgbenthis, ɔwa kə yi he kəpons.
- ¹⁰Kere ma átáy átā po gbenthis tɔ bek-e, átā te sa yi təgbenthis tɔ tɔ thas.
- ¹¹Áke i yi wath-e, i fɔf mə wath, i nanə mə wath, i támtámne mə wath; kere ma i po tɛɲa-e, i gbape mātáy ma rəfeth.
- ¹²Ka-ake sə nənək rə amemne pəfəri; kere ka aɲlɔkɔ ɲati si nəɲkanə der yi derāɲ. Ka-ake i tārā gbo ɔthan, kere ka aɲlɔkɔ ɲati i ti tārā ɔlasər mə má a la tārā mi ɔlolok-e.
- ¹³ɔwa kəlāne-o, kəgbak amera-o, de yi məbɔthər-o, mātáy məsas amə maa yi; kere məbɔthər miá tha bondā.

1 Aɲkərinth 14

- ¹Tāɲ tāɲ nu mə;ábɔthər, ɔwa fela nu eboya ya ro Yina, pə tha gbethi kāmā nə gbəli nābi.
- ²Átesoma-e ɔwe mə fɔf ka kənt kətəl-e, ɔ fɔfāne he afəm, ɔ fɔfāne Kuru; kotáy-e pə sək he wuni o wuni, ma pə yi ɔ fɔf egbundu kətāɲāne ka ɔYina.
- ³Kere kən ɔwe mə nabi-e, ɔ fɔf tɔ kətempəs emerá ya afəm yi kəbaksər de yi kəbefəth.
- ⁴ɔwe mə fɔf kənt kətəl-e, ɔ tempəs aɲmerá ɲɔɲ, kere kənɔ ɔwe mə nabi-e, ɔ tempəs aɲchɔch.
- ⁵Pə tɔ bɔne mi bepi na be nə fɔf tənt tətəl, kere pə tɔ bɔne mi ɔthasər bepi nə nābi. ɔwe mə nābi kənɔ tha yi ubana pəthas kən ɔwe mə fɔf tənt tətəl, thambe ɔ tepa kāmā aɲchɔch aɲ gbəli sɔthɔ kətemp.



- ⁶Ɔwa awont, bepi i der do ronu rə kəfɔf kənt kətɛl-e, ko kəmar mɛ sɔŋ nu-e, thambe i fɔfɛnɛ nu rə kətɔri, thalɔm rə kətara tɔy, thalɔm rə kənabi, thalɔm rə kəthəkɛsa-e?
- ⁷Hali ɛyɛt ɛyɛ te ba ŋesəm ɛ wurɔ sim, pə yi kuleŋ-o, thalɔm ɛfer ya nábɛŋa-o, bepi ɛ wurɔ hɛ sim tɛgbaskɛ gbaske-e, ko ma gbəli tɔrɔ àtá ma fɛŋ-e, thalɔm àtá ma fer-e?
- ⁸Bepi kathema kə wurɔ rim rəkasi bálɛnɛ-e, kanɛ mə bɛnɛnɛ tə kətɛm-e?
- ⁹Ya pə yi sɔ naŋ-e, thambe nə fɔf sim àtá ma gbəli sɔthnɛ-e, to pə gbəli sɔk wuni ta àtá nə pa-e? kotáy-e nə tə fɔf gbo ka kafena.
- ¹⁰Sə nanɛ kəpa tənt ta tətəp tɛgbáthi tə yi nɔru, ɔwa kənt o kənt kə yi hɛ ákɛ te ba akolo.
- ¹¹Tiyánj bepi i tɛ hɛ aŋkolo ŋa árim, i ti yi mɔ wuni tel do rɔŋɔŋ ɔwe fɔf. Ɔwa kən ɔwe fɔf ɔ tə yi do rɔmi sɔ mɔ wuni tel.
- ¹²Ya pə yi sɔ naŋ, fela nu ɛboya ɛsəm ɛyɛ ka ɔYina. Tim nu tə kəsɔthɔ ara tha thesa tə kətɛmpəs aŋchɔch.
- ¹³Tiyánj ɔwuni ɔwe mə fɔf kənt kətɛl-e, ta ɔ ramnɛ kámá ɔ gbəli tepa ki.
- ¹⁴kotáy-e bepi i ramnɛ rə kənt kətɛl-e, aŋmerá a mi aŋ ramnɛ, kɛrɛ kátárá kámi kə wur hɛ məkomi.
- ¹⁵To mə i yɔ thɔŋ-a? I ti ramnɛ rɛ yi aŋmerá a mi, ɔwa i ti ramnɛ sɔ rɛ yi kasɔthnɛ. I ti leŋ rɛ yi aŋmerá a mi, ɔwa i ti leŋ sɔ rɛ yi kasɔthnɛ.
- ¹⁶Bepi pə yi hɛ ti-e, ma mə ruba ŋa rɛ yi aŋmerá a mu-e, to kənɔ ɔwe te tɔrɔ ɔ gbəli pa, Amina, ka kamuti ka mu mómɔ-e, ma pə sɔk hɛ kɔ àtá mə pa-e?
- ¹⁷Tə tentɛnɛ mə sɔŋ ámómɔ afɛnɔ, kɛrɛ mə mar hɛ ulɔm.
- ¹⁸I muti ti Kuru mómɔ, minɛ i gbəli fɔf tənt tətɛl pəthasi nu bɛ.
- ¹⁹Kɛrɛ kətɔŋ ka aŋchɔch i tha fela tə kəfɔf sim tamath rɛ yi kátárá kámi kámá i gbəli thəkɛsa alɔm sɔ-e, pəthas sim ɛwul tɔfɔt rə kənt kətɛl.
- ²⁰Awont, te nu yi afɛth rə ámerá, kɛrɛ rə mɛgbɛŋanɛ yi nu tələnth; ɔwa ka kəsɔthnɛ yi nu mɔ afəm abáki.
- ²¹A po gbal ti ka aŋthɔ kəpa ye, Kətɔŋanɛ ka afəm ŋa tənt tətɛl dɛ yi ka tasɔŋ ta atik-e, i ti fɔfɛnɛ aŋfəm aŋɛ; kɛrɛ hali ka aŋlɔkɔ ŋati-e, aŋ ba hɛ kəsua mi ɛlɔns, ɔMarki ɔ pa.
- ²²Tiyánj tənt tə yi hɛ amisali ka aŋa lanɛ, kɛrɛ ka ante lanɛ. Ɔwa kənabi kə yi hɛ ka ante lanɛ, kə yi tɛn ka ŋaŋ lanɛ.
- ²³Te ba ti bepi aŋchɔch alɔlɔk aŋ po thɔŋklanɛ rəkin-e, ɔwa ŋa bɛ aŋ fɔf tənt tətɛl-e, ɔwa afəm alɔm aŋ wɔŋ aŋa te tara-e thalɔm aŋa te lanɛ-e, aŋ ba hɛ kəpa nə yi apəŋk-i?
- ²⁴Kɛrɛ bepi ŋa bɛ aŋ nabi-e, ɔwa ukin ɔwe te lanɛ-e, thalɔm ɔwe te tɔrɔ ɔ wɔŋ-e, ŋa bɛ aŋ tɔri kɔ, ɔwa ŋa bɛ aŋ ŋap kɔ.



²⁵Ya a yɔ ɛgbundu ya aɲmerà ɲɔɲ ɛ ɲaibe; ɔwa kɔnɔ rə kəgbəpsà ro thɔf ɔ tə ramne Kurɔɲ, rɛ yi ɔ tə gbithane kəpa Kuru ɔ yi rɛ nu tə tentene.

²⁶To pə yi thɔɲ-a awɔnt? Bepi nə thɔɲklane rəkin-e, wuni o wuni ɔ ba aleɲ, ɔ ba kəthəksa, ɔ ba kənt kətel, ɔ ba tày təɲyibi, thalɔm ɔ ba kətepa. ɔwa yɔ kámá tày o tày tə tempəs aɲmerà.

²⁷Bepi wuni o wuni ɔ fɔf kənt kətel-e, ta pə yi afəm ɲarəɲ, ta pə te thas asas, ta aɲ yɔ ti kəber kəber; ta ukin sɔ ɔ tepa.

²⁸Kere bepi utepà ɔ yi he-e, ta wuni o wuni ɔ taɲk maɲ gbanɛ; ɔwa ɔ yi tə kəfɔf gbo ka aɲmerà ɲɔɲ yi ka Kuru.

²⁹Anábi ɲarəɲ thalɔm asas aɲ yi tə kəfɔf, ɔwa aɲlɔm aɲ yi tə kəthɔɲkas ti.

³⁰Kere bepi a ɲaibi tày təlɔm ka ukin ɔwe yirà rayɛr, ta ɔtɔtɔkɔ ɔ taɲk.

³¹kotáy-e na be nə gbəli nábi ukin kin kámá na be nə thəkəs de yi nə sɔthɔ kəbɛfəth.

³²ɔwa ɛyina ya Aɲnábi ɛ sanɛ ka Aɲnábi.

³³Kuru ɔ yi he ɔKuru ka məsokanɛ, kere ka məthɔfəl, mə mə pə yi ka ɛgbane be ya aɲsəm ɲa Yisɔs.

³⁴Ta afəm abom aɲ taɲk ka ɛgbane ya aɲchɔch kotáy-e a selɔ he kámá aɲ fɔf, kere aɲ yi tə kəsane mə mə aɲthɔ aɲ pa sɔ.

³⁵Bepi aɲ yema thəkəs tày o tai-e, ta aɲ yif aɲwos ɲaɲ ka ɛseth yaɲ, átesoma-e ɔ lapəs ta wuni bom ɔ fɔf ka aɲgbane ɲa aɲchɔch.

³⁶Ko-e? Mapa məfínɔ ma Kuru mə tɔpe ro rɔnu-i? Thalɔm nia son nə sɔthɔ ma-i?

³⁷Bepi wuni o wuni ɔ nane kəpa ɔ yi unabi-e, thalɔm wuni ka ro Yina-e, ta ɔ gbithane kəpa mátáy ame ama i gbalər nu mə yi aɲyamari ɲa ɔMarki.

³⁸Bepi wuni o wuni ɔ yema he tára ti-e, ta ɔ tiyá ka kate tára kɔɲ.

³⁹Tiyáɲ, awɔnt, fela nu tə kənabi, ɔwa te bent tə kəfɔf tənt tətəl.

⁴⁰Kere yɔ nu mátáy be nəknək de yi ɔlɔmpi.

1 Aɲkərinth 15

¹Be pə thas ri awɔnt-e, i kala ɛmerà ɛ nu ka mapa məfínɔ ma Kuru ama i tɔri nu, ama naɲ sɔ nə po malane, ro nə təmá sɔ.

²ɔwa kətáɲáne kati sɔ nə sɔthɔ kəkisi, bepi nə wop ma ɔbaksər, thambe nə po lane kətiɲ.

³kotáy-e i po laɲkλια nu ka ɔtɔtɔkɔ átá mine sɔ i po sɔthɔ, kəpa Krayst ɔ po fi ta ɛhake ɛ su mə mə mágbal ma Kuru mə pa;



- ⁴ka a maŋk kɔ, ɔwa ka aŋrey aŋa bekà mɛsas ɔ kál yokanɛ ka rɛfi mɔ mɔ mágbal ma Kuru mɔ pa.
- ⁵Ka Kifas ɔ nɛnk kɔ, ɔwa kɛdarɛŋ kati antɔfɔt ŋarɛŋ sɔ.
- ⁶Kɛdarɛŋ kati ɔ tɔrine ka awɔnt athasi tɛmɛ tamath ka kɛtɔma win, ɔwa agbáthi pay aŋ tiyá haŋ ka-ake, kɛrɛ alɔm aŋ po fi.
- ⁷Kɛdarɛŋ kati ɔ tɔrine ka Yemɛs dɛ yi kɛdarɛŋ kati ka aŋsom bɛ.
- ⁸ɔwa ka kalɛpsɔ thɔŋ bɛ ɔ tɔrine sɔ do rɛmi, mɔ wuni ɔwe a kom ɔ gbathɔ.
- ⁹Mine-aŋ i tha yi ulɔl bɛ ka aŋsom, ɔwa i bek hɛ a tela mi usom pɛkasife i la sɔmpa aŋchɔch.
- ¹⁰Kɛrɛ asabu ŋa aŋboŋa ŋa Kuru i yi átá i yi; yi aŋboŋa ŋɔŋ aŋa ɔ sɔŋ mi aŋ yi hɛ kɛtiŋ, ka ɔpɛskianɛ wati i bora kɛyɔ mɛpanth mɛgbathi pɛthasi ŋa bɛ; kɛrɛ min thahɔ, aŋboŋa ŋa Kuru aŋa yi yi mine, ŋiɛŋ.
- ¹¹Tiyáŋ, bɛpi pɛ yi mineŋ-o, thalɔm ŋaŋ-o, ya sɔ kawandi, ɔwa ya naŋ sɔ nɔ lanɛ.
- ¹²ɔwa bɛpi a kawandi kɔpa Krayst ɔ po yokanɛ kɛtɔŋ ka aŋfi-e, to alɔm kɛtɔŋ ka nu aŋ gbɛli pa, káyokanɛ ka aŋfi kɛ yi hɛ-e?
- ¹³Bɛpi káyokanɛ ka aŋfi kɛ yi hɛ-e, Krayst gbɛŋ ɔ tha yokanɛ hɛ ras.
- ¹⁴ɔwa bɛpi Krayst ɔ tha yokanɛ hɛ ras-e, kakawandi kásu kɛ yi kɛtiŋ, dɛ yi kálanɛ ka nu kɛ yi kɛtiŋ sɔ.
- ¹⁵Yao, saŋ sɔ yi aseri ayem ŋa Kuru, pɛkasife sɔ po seri kɔpa Kuru ɔ po yokas Krayst; ɔwe ɔ te yokas-e, bɛpi pɛ yi tentɛnɛ aŋfi aŋ yokanɛ hɛ.
- ¹⁶kotáy-e bɛpi aŋfi aŋ yokanɛ hɛ-e, Krayst sɔ ɔ tha yokanɛ hɛ.
- ¹⁷ɔwa bɛpi Krayst ɔ tha yokanɛ hɛ ka rafi-e, kálanɛ ka nu kɛ yi kɛtiŋ. Nɔ yi ras ka ɛhake ɛ nu.
- ¹⁸Di kati ŋaŋ aŋa po fi ka Krayst aŋ poŋ thɔŋ dine.
- ¹⁹Bɛpi ka ádaru are gbo gbɛt sɔ ba kɛgbak ámerá ka Kraystáŋ, sɔ yi afɛm anɔsine pɛthas afɛm alɔm bɛ.
- ²⁰Kɛrɛ ka-ake Kraystáŋ ɔ po kál yokanɛ ka rafi, kɔ yi mákomi mɛtɔtɔkɔ ka ŋaŋ aŋa dirá.
- ²¹kotáy-e ma pɛ yi rɛfi rɛ der kɛtáŋanɛ ka wuni kɛpɛt-e, ya pɛ yi sɔ, kɛtáŋanɛ ka wuni kakal yokanɛ ka rafi kɛ der.
- ²²Mɔ-e, rokor ka Adám afɛm bɛ aŋ fi, yaŋ sɔ rokor ka Krayst afɛm bɛ aŋ tɔ sɔthɔ aŋɛsɛm.
- ²³Kɛrɛ wuni o wuni ka kagbanth kɔŋ; Kraystáŋ mákomi mɛtɔtɔkɔ; kɛdarɛŋ kati ŋaŋ aŋa yi ka Krayst ka káder kɔŋ.



- 24 Kədarəŋ kati ɔthalnɛ ɔ bek, ɔwa ka ʌŋlɔkɔ ŋati ɔ tɛ lɔnki rɔbɔy ka Kuru ɔKas gbɛŋ, ma ɔ po lɛsɛr ʌŋbɔy bɛ, yi ʌŋgbɔka bɛ, dɛ yi ʌŋfɔsɔ bɛ.
- 25 Pəkasiɛ ɔ ba tɛ kɔgbɔka haŋ ɔ po bot atheranɛ bɛ ka ʌtɔtɔk tɔŋ ratha.
- 26 ɔtheranɛ ulɛpsɔ ɔwe ɔ ba kɔdim kɔnɔ yi rafi.
- 27 ʌtesoma-e Kuru kɔnɔ bot mɔtɔy bɛ ka ʌtɔtɔk tɔŋ ratha. Kɛrɛ ma ɔ pa, Mɔtɔy bɛ mɔ yi kɔ roratha-e, pɛ yi gbɛraŋ kɔpa a lɔm hɛ kɔn ɔwe bot mɔtɔy bɛ roratha kɔŋ.
- 28 ɔwa ma mɔtɔy bɛ mɔ po sanɛ do rɔŋɔŋ ka ʌŋlɔkɔ ŋati-e, ɔWan kɔn kɔnɔnɛ ɔ tɛ sanɛ ka kɔn ɔwe po bot mɔtɔy bɛ ratha kɔŋ, kɔmɔ pɛ gbɛli yi Kuru ɔ yi tɛ tentɛnɛ ka ɔlasɛr wɔŋ bɛ.
- 29 Bepi pɛ yi hɛ ti-e, to ŋa mɔ ʌŋ yɔ ʌŋa a po baftays salata ʌŋfi-e?
- 30 kɔyɛŋ gbɛŋ saŋ sɔ mɔ sɔ tɔmɔ ka agbɛkanɛ ʌlɔkɔ o lɔkɔ-e?
- 31 Tɛ tentɛnɛ awɔnt, i tɔri nu ʌsɔbɛ kɔtɔŋɔnɛ ka kakolonɛ ʌkɛ i ba do rɔnu rokor ka Krayst Yisɔs ɔMarki ka su-e, minɛ i fi ʌrɛy o rɛy.
- 32 Bepi-e, (ɔwa i fɔf mɔ mɔ matanɛ ma afɛm a kɔpɛt mɔ yi) i po tim ɛsɛm ɛbaŋ ro ɛfisɔs, kɔ pɛ mar mi bepi ʌŋfi ʌŋ yokanɛ hɛ sɔ-e? ɔwa bepi ʌŋfi ʌŋ yokanɛ hɛ sɔ-e, maŋ di nu, sɔ mun, kɔtɔy-e sɔ fi ninaŋ.
- 33 Tɛ tɔnsnɛ; ayathki ʌlɔs ŋa mɔ lɛsɛr ʌsɔŋ afinɔ.
- 34 Thɔmɛ nu ka mɔlɔmpi, ɔwa tɛ yɔ ahakɛ. Kɔtɔy-e ʌlɔm ʌŋ tɛ hɛ Kurɔŋ bɛ. I fɔf ʌtɛ tɛ kɔlapɔs nu.
- 35 Kɛrɛ wuni lɔm ɔ tɛ pa, To pɛ tɔp afɛm mɔ ʌŋ kɔl yokanɛ ka rafi-e, kɔ adɛr ŋaŋ mɔ ʌŋ kara-e?
- 36 Mun pɛŋk, mater ama mɔ sak mɔ lɔkɔ hɛ thambe mɔ mɔtha fi.
- 37 Ama mɔ mɔ sak-e, ʌŋdɛr ʌŋa ba kɔyi thahɔ, kɛrɛ mɔ sak pɔla pɔwoma gbo thalɔm mɔtɛr mɔlɔm.
- 38 Kɛrɛ Kuru ɔ sɔŋ pi adɛr mɔ mɔ pɛ thesanɛ kɔ, ɔwa ka mɔtɛr ɔ mɔtɛr ɔ sɔŋ ʌŋdɛr ŋati.
- 39 Mɔdɛr bɛ mɔ yi hɛ mɔlɔ min; mader ma afɛm thɔkɔ, mader ma tɛsɛm thɔkɔ, mader ma ɛbɔmp thɔkɔ, rɛ yi mader ma ɛlɔp thɔkɔ.
- 40 Mader ma ʌkɔriyana mɔ yi, ɔwa mader ma ʌdɔru mɔ yi, ka anyiki ŋa ama ka ʌkɔriyana ŋɔ yi thɔkɔ, ɔwa anyiki ŋa ama ka ʌdɔru ŋɔ yi thɔkɔ.
- 41 Ayiki ŋin ʌŋ yi ka arɛt, yi ʌlɔm ka ʌŋɔf, dɛ yi ʌlɔm ka atɔs; kɔtɔy-e kɔs kin kɔ gbaske kɔs kɔlɔm rɔ ayiki.
- 42 Ya pɛ yi sɔ ka kakal yokanɛ ka ʌŋfi. A sak ŋa rɔ kɔthey, a kɔl yokas ŋa rɔ kɔtɛ thei.
- 43 A sak ŋa rɔ kɔtɛ ba ayiki, a kɔl yokas ŋa rɔ afɔsɔ.



⁴⁴A sak ña rə ɔ̀nder ña wuni, a kál yokas ña ka rafi de yi ɔ̀nder ña ro Yina. Bepi ɔ̀nder ña rawuni kəpet aŋ yi-e, ɔ̀wa ɔ̀nder ña ro Yina aŋ yi sɔ.

⁴⁵Tiyáŋ a gbal ti kəpa, ɔ̀wuni utótókɔ Adámáŋ a səki kɔ wuni ba ñesəm; kere ɔ̀Adám uləpsɔ kɔnɔ yi ɔ̀Yina ɔ̀we sɔŋ aŋesəm.

⁴⁶Kere ara yi rətótókɔ rə yi he mader ma ro Yina-e, rə yi mader ma rawuni kəpet. Kədarəŋ kati mader ma ro Yina mə der.

⁴⁷ɔ̀wuni utótókɔ ɔ̀ wur ka ɔ̀nthɔf, wuni ka kəbof wɔŋ; kere ɔ̀we beká ñarəŋ ɔ̀ yi ɔ̀Marki ɔ̀we wur ro riyana.

⁴⁸Mɔ mə ɔ̀wuni ka kəbof ɔ̀ yi, yaŋ hɔ sɔ ñaŋ aŋa yi ka kəbof aŋ yi. ɔ̀wa mə mə ɔ̀we ka riyana ɔ̀ yi, yaŋ hɔ sɔ ñaŋ aŋa yi ka riyana aŋ yi.

⁴⁹Mɔ mə saŋ sə po ba mábáláne ma ɔ̀wuni ka kəbof-e, mɔlɔ min sɔ sə tɔ ba mábáláne ma ɔ̀wuni ka riyana.

⁵⁰ɔ̀wa awɔnt, i kanɛ nu áte kəpa məder yi mətir ε gbəli he sɔthɔ rábáy ra Kuru; ta a pa ras ara ba kəthey rə te gbəli sɔthɔ ara mə te thei thánkəŋ.

⁵¹Kəla, i tɔri nu agbundu. Saŋ be tha aŋa ba kəfi, kere a tɔ siŋkar su be.

⁵²Lemp, ka kəgbáləp win ma kəthema kələpsɔ kə feŋ. Kotáy-e a tɔ feŋ kəthema, ka aŋfi aŋ tɔ kál yokanɛ ka ráfi kəte they, ɔ̀wa saŋ, a tɔ siŋkar su.

⁵³Átesoma-e ɔ̀nder áthey aŋe aŋ ba kəwɔŋ kəte thei, ɔ̀wa ɔ̀nder afi aŋe aŋ ba kəwɔŋ kəte fi.

⁵⁴Ma ɔ̀nder áthey aŋe aŋ po wɔŋ kəte they-e, de yi ɔ̀nder afi aŋe aŋ po wɔŋ kəte fi-e, ɔ̀ŋlɔkɔ ñati mə tɔ yɔne áta a gbal kəpa, Kətham kə po sɔm rəfi.

⁵⁵O ráfi, kia kətham kámu-a? O pa kəboma, aŋsos a mu ŋi-a?

⁵⁶Aŋsos ña ráfi ña yi aŋhake; ɔ̀wa ɔ̀ŋfɔsɔ ña ahake aŋ yi ɔ̀ŋthɔ.

⁵⁷Ta sə mɔmɔ Kuru ɔ̀we mə sɔŋ su kətham ka ɔ̀Marki kásu Yisɔs Krayst.

⁵⁸Tiyáŋ, aŋwɔnt a mi abɔthər, tɔmá nu ɔ̀baksər, te kala kəmuth, básər ka mapanth ma ɔ̀Marki lɔkɔ be, pəkasife sə tára kəpa mapanth ma nu mə yi he kətiŋ ka ɔ̀Marki.

1 Aŋkərinth 16

¹ɔ̀wa mə mə i yamari ɛchɔch ro Kaletia-e, tɔ kəfak ta aŋsom-e, yaŋ mə nə yɔ sɔ.

²Ka ɔ̀ŋrey átótókɔ ña ɔ̀nyik, ta wuni o wuni kətɔŋ ka nu ɔ̀ bot rə kəbene mə mə Kuru ɔ̀ nanfas kɔ, kámá ɛfák ε te yi ma i der.

³Ma i bek-e, i ti somra ñaŋ aŋa mə nə thith re areka-e, kámá aŋ kera ɛfák ε nu ro Yerusalem.

⁴Bepi pə mar kámá mine i kɔ sɔ-e, ñaŋ-e aŋ tɔ paya mi.



- ⁵I ti der ro rōnu ma i po thas ro Masidonia; átesoma-e i ba kærōkinē Masidonia.
- ⁶I ti tiyā do rōnu alōkō afisa, ōwa sōthlōm i ti tiyā ro rōnu ka ōtaŋk, kāmā nē mar mi ka aŋbiyas a mi der o der ro mē i kō.
- ⁷kotáy-e i yema hē nēnk nu ka-ake ma i thas gbo, pēkasifē i sek tē kētia de yi niaŋ alōkō alōm, bepi ōMarki ō selō.
- ⁸Kere i ti tiyā ro Efisōs haŋ Pentikōst.
- ⁹Átesoma-e, a kanthē mi kēdare kēbana ro mēpanth mēgbathi mē yi, ka atherane agbāthi aŋ yi ri sō.
- ¹⁰Bepi Timōthi ō der do rōnu-e, yō kāmā ō te soli kotáy-e ō yō mapanth ma ōMarki mō mine mē i yō ma.
- ¹¹Tiyāŋ ta wuni o wuni ō te kō sai sai; kere mar kō ka aŋbiyas ŋōŋ kāmā ō der do rōmi rē mēthōfēl, pēkasifē i kar kō yi aŋwōnt.
- ¹²I po nemthene ōwōnt a su Apōlōs tē kēder ro rōnu yi aŋwōnt; kere māsēlō ma Kuru mē yi hē kāmā ō yō ti ka-ake. Kōnō mē derāŋ, be ō sōthō aŋfere alompi.
- ¹³Bumne nu, tēmā nu kēŋkēŋ ka kālāne. Yō nu mō afēm aruni, bāk nu mēder.
- ¹⁴Mātáy be mē nē yō, yō ma nu rē mēbōthēr.
- ¹⁵Nē tārā kēpa aŋfēm ŋa aŋseth ŋa Stēfanōs ŋa yi mākomi mētōtōkō ro Akaya, kaŋ po sōndne tē kōmar aŋsēm, tiyāŋ i nemthene nu awōnt,
- ¹⁶kāmā nē sane ka aŋfēm awunōŋ, yi ka wuni o wuni ōwe mē pantne ka mapanth yi ethōrō eya su.
- ¹⁷Pē bōne mi ka kēder ka Stēfanōs yi Fōrtunetōs, de yi Akaykōs, kotáy-e aŋ po bēmpa ta kate ka nu bēpēr.
- ¹⁸Ōwa aŋ po thōfsēl aŋmerā a mi mōlō min eya nu. Tiyāŋ yikis aŋfēm awunōŋ.
- ¹⁹Ēgbane ya Yisōs ro Asia ε somra nu ēkōri. Akuyā yi Prisila aŋ kori nu toŋ ka ōMarki de yi aŋgbane ŋa Yisōs aŋa gbane ka aŋseth ŋaŋ.
- ²⁰Aŋwōnt be aŋ kori nu. Kōriane nu rē kēmumēl kēsēm.
- ²¹Mine Pōl, i gbal aŋkōri aŋe yi kāta kāmī gbeŋ.
- ²²Bepi wuni o wuni ō bōthēr hē ōMarki Yisōs Kraystāŋ, ta ō yi uraŋka. Kaŋka ōMarki kāsū ō der.
- ²³Kaŋka aŋboŋa ŋa ōMarki kāsū Yisōs Krayst aŋ yi de yi niaŋ be.
- ²⁴Ta mabōthēr ma mi mē yi nu be ka Krayst Yisōsāŋ. Amina.



2 Aṅkōrinth

2 Aṅkōrinth 1

- ¹Pəl, usom ka Yisōs Krayst ka māselo ma Kurō, yi Timōthi ɔwont su, ka aṅfem ɲa Kuru aṅa yi ro Kōrinth, yi ka aṅsəm be aṅa yi ro Akaya be.
- ²Ta aboṅa yi mēthofəl mə yi ro nu kəwur ka Kuru ɔKas kāsū, yi ka ɔMarki Yisōs Kraystāṅ.
- ³Ta aruba yi ka Kuru, hali ka ɔKas ka ɔMarki kāsū Yisōs Krayst, ɔKas ka āney, yi ɔKuru ka kábefəth be;
- ⁴ɔwe mə befəth su ka esompane ε su be, kāmá saṅ sɔ sɔ gbəli befəth ɲaṅ aṅa yi rə asompane o sompane, kətāṅāne ka kábefəth gbəṅ áke Kuru mə befəth su.
- ⁵kotáy-e mə mə enakasi ya Kraystāṅ ε la do rəsū-e, yaṅ sɔ kábefəth kāsū kə la asabu ɲa Kraystāṅ.
- ⁶Tiyāṅ bepi pə yi sɔ muyu esompane-e, pə yi ta kábefəth de yi kakisis ka nu; ɔwa bepi pə yi sɔ sɔtho kábefəth-e, kə yi sɔ salata kábefəth áke yɔ nu nə muyu esompane yati gbəṅ eyε saṅ sɔ sɔ muyu.
- ⁷ɔwa kagbak ámerá kāsū ta átá nu kə yi kəbaksər, ma sɔ tārá kəpa, mə mə nə yi apantne ka esompane-e, yaṅ sɔ nə yi ka kábefəth.
- ⁸kotáy-e awont, sɔ yema he nə te tārá kasompane áke bəp su ro Asia, áke bora bák su asobe, pəthas ras aṅfɔsɔ a su, haṅ sɔ thamrɔ rə ámerá ta eṅesəm ε su.
- ⁹Aṅko, saṅ gbəṅ sɔ po ba mágbək má ráfi rokor kāsū, kere pə re yone kāmá sɔ te seline ka eyethe su, kere kāmá sɔ seline ka Kuru ɔwe yokas aṅfi.
- ¹⁰Konɔ yi ɔwe tafi su ka rafi rəbana rati, kə yi tɔ kətafi su sɔ; ka sɔ gbak emerá ε su kəpa ɔ tɔ básər tafi su.
- ¹¹Naṅ sɔ, ta nə mar re kanemthene ka nu ta átá su kāmá afəm agbathi aṅ tɔ sɔṅ ámomo ta átá su salata aṅboya aṅa sɔ po sɔtho asabu ɲa taramne təgbáthi.
- ¹²Kakolone kāsū ki ake, pə yi mə-e, aseri ɲa emerá ε su-e, kəpa rə məsəm yi tateṅ rodi ka Kuru, pə yi he rə kátemp ka rawuni kəpet kere ka aṅboṅa ɲa Kuru, sɔ po koth ka ádaru, ɔwa pə tha gbethi ro ronu.
- ¹³kotáy-e sɔ gbalər he nu mátáy mələm thambe átá nə gbəli karaṅ yi átá nə tārá; ka i gbak ámerá sɔ kəpa nə tɔ sɔthne ti ɔgbenthis,
- ¹⁴mə má nə po sɔthne ti ɔthan kəpa nə gbəli kolone do rəsū mə má saṅ sɔ sɔ gbəli kolone do ronu ka aṅrey ɲa ɔMarki kāsū Yisōs.
- ¹⁵Asabu ɲa kagbak ámerá ake-e, i la nanɛ tɔ kəder ro ronu, kāmá nə bār sɔtho kəmar mārəṅ.



¹⁶I la yema tãñ do ronu ka kakɔ de yi kakal kãmi ro Masidonia, kãmã nɔ paya mi ro Yudia.

¹⁷Ma i la botɔs yañ-e, pɔ yi kɔpa i ba àmerà afɔle fɔle-i? Thalɔm mâtáy ama i botɔs-e, pɔ yi kɔpa i nanɛ ma mɔ wuni kɔpet mɔ nanɛ ɔwe yi ubenɛnɛ tɔ kɔpa, Yao, Yao, de yi, Sako, Sako, yawin-i?

¹⁸Kere mɔ mɔ Kuru ɔ yi tɔteñ-e, árim ra su ro ronu rɔ yi he Yao de yi Sako.

¹⁹kotáy-e ɔWan ka Kuru Yisɔs Kraystáñ, ɔwe sɔ tamɔs kɔtɔñ ka nu, minɛñ-o, Silfenɔs-o, yi Timóthi-o, ɔ yi he Yao yi Sako, kere do rɔñɔñ rɔ yi gbo Yapi.

²⁰kotáy-e elahiri ya Kuru be ɛ yi Yao do rɔñɔñ, de yi Amina do rɔñɔñ, kɔkɔ ka aɔyiki ña Kuru kɔtãñãne kãsu.

²¹Ɔwa ɔwe mɔ tɔmsɛr su re nañ rokor ka Kraystáñ, re ɔ kál sɔpa su máro, kɔn ɔ yi Kuru Mɔsaba.

²²Ɔ po mathle su sɔ, kɔ po sɔñ su ɔYina mɔsɛm ka emerà ɛ su mɔ maseke ma aɔruba aɔa sɔ yi tɔ kɔsɔthɔ.

²³Halisa i tela Kuru tɔ kɔyi useri ta átã mi, mɔ mã aɔesɛm a mi aɔ tɔ wosa ti, pɔ yi tɔ kɔtɔri nu aɔney aɔe som i te der ro Kɔrinth.

²⁴Pɔ yi he kɔpa sɔ ba kɔgbɔka rokɔm ka kálanɛ ka nu, kere sɔ yi amar ña mabɔne ma nu, kotáy-e nɔ tɔmã re kɔlanɛ.

2 Aɔkɔrinth 2

¹Ka i botɔs ti ka aɔmerà a mi kãmã i te der kori nu sɔ rɔ akori abañ.

²kotáy-e bepi i yɔ nu nɔ nimsa-e, kanɛ mɔ bɔnes mi-e, thambe ñaɔ aɔa i po bansɔs-e?

³Ɔwa i po gbal áte gbeñ ta thani ma i der-e, i ti ba ɔnɔsine salata ñaɔ aɔa yi nañ tɔ kɔbɔnes mi; kotáy-e i po gbal àmerà a mi yathi kɔpa mabɔne ma mi mɔ yi mabɔne ma nu be sɔ.

⁴kotáy-e i gbalɔr nu rɔ kɔsɔmpane kɔbana yi asoli rɔ àmerà de yi mantɔr mɔgbathi; pɔ yi he tɔ kɔyɔ nu nɔ nimsa-e, kere kãmã nɔ gbɔli tãrà mabɔthɔr mɔbana ama i ba ta átã nu.

⁵Kere bepi wuni ɔ po yɔ átáy átã mɔ sɔñ kɔnimsa-e, pɔ yi he ka minɛñ gbeñ mɔ yɔ ti, kere ɔ yɔ ti ɔthan ka nañ be. I yema he bondɔs aɔpa ɔthasɔr.

⁶Ta ɔwuni wunɔñ-e, kathalɔr áke agbãthi aɔ sɔñ kɔ-e, ta kɔ bek kɔ.

⁷Tiyãñ ka-ake pɔ fisa thɔñ nɔ tera kɔ, ɔwa nɔ befɔth kɔ, bepi pɔ yi he ti thani, ɔ dine ratha ka ɔnɔsine ɔbana.

⁸Te ba ti i nemthene nu kãmã nɔ kál báksɔr mabɔthɔr ma nu ta atɔñ.

⁹Ta asabu aɔe i gbalɔr nu, kãmã i tãrà tentene bepi nɔ selɔ tɔ kɔwop rim o rim.



¹⁰Bepi naŋ nə tera wuni tày o tai-e, mine sɔ i tera kɔ, kotáy-e bepi i po tera wuni tày o tai-e, i yɔ ti ta átà nu ka kábəpráne ka Kraystàŋ;

¹¹ta thani Sethani ɔ sɔthɔ afere tɔ kətham su. Fɔtha sɔ tára masoth mɔŋ.

¹²Ma i bek ro Troas tɔ kəkawandi ásim təfino ta Kraystàŋ, hali ma ɔMarki ɔ kanthe mi kədare-e,

¹³i sɔthɔ he kəfothane ka aŋmerá a mi, pəkasife i bəp he Taytɔs ɔwont mi; tiyaŋ ma i po lemne ŋa-e, i wur ri kəkɔ ro Masidonia.

¹⁴Kere i muti Kuru mómɔ, ɔwe mə kera su ləkɔ o ləkɔ rə katham ka Kraist-e, de yi ɔwe mə sakthi aŋbont abothi ŋa kátará kɔŋ der o der ka káta kásu.

¹⁵Átesoma-e, sɔ yi aŋbont afɔlfɔl ŋa Krayst ka Kurɔŋ salata ŋaŋ aŋa po kisi, de yi ŋaŋ sɔ aŋa mə dine.

¹⁶Ka aŋe sɔ yi aŋbont ŋa rəfi kəkɔ ka rəfi; ɔwa sɔ-e, ka aŋlɔm sɔ yi aŋbont ŋa ŋesəm kəkɔ ka ŋesəm. ɔwa kanɛ yi ubeki ta mátáy ame? Siaŋ.

¹⁷kotáy-e sɔ yi he mə agbáthi aŋa mə ləsər árim ra Kuru, kere sɔ fɔf ta Krayst re ámerá áferá mə anthith ŋa Kuru ka kábəpráne kɔŋ.

2 Aŋkərinth 3

¹Saŋ sɔ ba kəkál sɔ tɔp kəkolonɛ-i? Thalɔm saŋ, mə alɔm mə aŋ yɔ-e, sɔ yi sɔ kəba ereka ya kətɔrine kəkɔ do rɔnu, ama-e, kəwur do rɔnu-i?

²Naŋ gbeŋ nə yi aŋreka a su aŋa mə a gbal ka emerá ɛ su, aŋa afəm be aŋ tára, ɔwa aŋ karaŋ.

³kotáy-e a tɔri ti gbafəth kəpa nə yi aŋreka ŋa Kraystàŋ aŋa a po maŋkər su, aŋa a te gbal rə aruba, kere rə ɔYina ka ɔKuru ukəli; pə yi he ɛwalka ɛ məsar, kere ɛwalka ya emerá ya afəm a kəpet.

⁴ɔwa kapəlɔne kəwunɔŋ áke sɔ ba ka Kuru salata Kraystàŋ, ki ake.

⁵Pə yi he kəpa sɔ yi abeki tɔ kəgbək koko ka eyethe ɛ su, kere məbeki ma su mə wur ka Kuru;

⁶kɔnɔ sɔ ɔ po yɔ su saŋ abeki tɔ kəyi ɛbɔy ya aŋlemrane afu; pə yi he ka asikra, pə yi ka ɔYina; kotáy-e asikra, ŋə mə dif, kere ɔYina kɔnɔ mə sɔŋ ŋesəm.

⁷Kere bepi kabátho ka aŋsiraŋ ŋa rəfi áke a gbal ka məsar kə ba ayiki haŋ aŋwuth ŋa Isrəl aŋ gbəli he kəli ader ra Mosis tɔŋ, salata kagbentha ka ader rɔŋ, kəgbentha gbo áke mə thas;

⁸pə tha gbethi kabátho ka ɔYina kə tha ba ayiki-i?

⁹kotáy-e, bepi kabátho áke sɔŋ mətheri kə ba ayiki-e, pə tha gbethi kabátho ka málompi káa tha ba ayiki.



- ¹⁰kotáy-e tə tentene áke la ba ayiki kə ba he ayiki ka aṅgbàp aṅe, asabu ɲa aɲyiki aləpsə maɲ thas ɲi.
- ¹¹Pəkasiɛ bepi áke po thas kə la ba ayiki-e, pə tha gbethi áke mə tiyá tha ba ayiki abana.
- ¹²Tiyáɲ ma sə ba kagbak ámerá awunəɲ-e, sə gbəli fəf rə kəmintha.
- ¹³Sə yə he mə Mosisáɲ, əwe gbəpər ader rəɲ rə kumbafele kámá aɲwuth ɲa Isrəl aɲ te kəli əthalne wa aɲyiki maɲ bə thas.
- ¹⁴Kere emerá yaɲ gbəɲ ε yi ɛfith kotáy-e, haɲ thonəɲ a tha gbəpəri he akumbafele kati ka kakaraɲ ka ɲaɲ ka aɲlemrane akur; pəkasiɛ kətaɲ ka Krayst son a tə gbəpəri ki.
- ¹⁵Haɲ thonəɲ bepi a karaɲ mágbal ma Mosis-e, akumbafele kə gbəpər emerá yaɲ,
- ¹⁶kere ma əwuni mə lafthe ka əMariki-e, akumbafele, a təɲa ki.
- ¹⁷Əwa əMarki kəno yi əYina; əwa ro əYina ka əMarki ə yi, di rəwaɲkom rə yi.
- ¹⁸Kere saɲ be, rə aser ta su təgbəpəri-e, sə təri aɲyiki ɲa əMarki mə ememne, əwa a səki su ka mábáláne məɲ gbəɲ, rə ayiki rokəm ka ayiki, hali mə mə kəwur ka əMarki əYina.

2 Aɲkərinth 4

- ¹Tiyáɲ ma pə yi ti-e, sə ba kabátho ake, mə mə sə po thəɲ səthə áney-e, sə thamrə he;
- ²ka sə po ter mátáy məmaɲkne ma məlap, sə kəth he rə məsoth, sə kiane he árim ra Kuru rə kəpəɲis, kere rə kətəri táteɲ gbafəth-e, sə kolone ka aɲmerá ɲa wuni o wuni rodi ka Kuru.
- ³Bepi pə yi ákera kásu kəfínə kə ba kumafele-e, kə ba gbo kumafele ka aɲa mə dine.
- ⁴Ka aṅgbàp a ɲaɲ əkuru ka ádaru are ə po fithəs emerá ya ante lane kámá əwaɲ wa mapa məfínə ma aɲyiki ɲa Krayst əwe yi mábáláne ma Kurəɲ ə te gbenthar ɲa.
- ⁵Átesoma-e, sə taməsne he, kere sə tam Krayst Yisəs əMarki, de yi saɲ mə əbɔy ε nu salata Yisəsáɲ
- ⁶kotáy-e Kuru əwe yamari kámá əwaɲ ə gbentha kəwur ka aɲsum-e, kəno po gbentha ka emerá ε su tə kəsəɲ əwaɲ wa kátarə ka aɲyiki ɲa Kuru ka ader ra Yisəs Kraystáɲ.
- ⁷Kere sə bene akeɲ ake ka əbəl ya ɛyɔftha ɛye yi mader ma su, kámá aɲyiki ɲa aɲfəsə abana aɲ gbəli yi ka Kuru son, aɲ wur he do rəsə hali.
- ⁸Sə ba asəmpane der o der, kere sə yi he ka əgbekane. Sə kethane, kere sə paɲ he kəgbak ámerá.
- ⁹A bəl su, kere a tey he su fu. A napəs su ro thəf, kere a dim he su.



¹⁰Sə tərine der o der ka mader ma su, kafi ka ɔMarki Yisəs, kámá aɲesəm sə ɲa Yisəs aɲ gbəli tərine ka mader ma su.

¹¹Átesoma-e, saɲ aɲa yi akəli, a sɔnd su ləkɔ o ləkɔ ka rəfi salata Yisəs kámá aɲesəm sə ɲa Yisəs aɲ ɲaibine ka mader ma su.

¹²Tiyáɲ rəfi rə yɔ məpanth do rɔsu, kere ɲesəm do rɔnu.

¹³Kere ma sə ba ayina ɲin ɲa kálane de yi kɔn ɔwe gbal kəpa, I lane te ba ti i fɔf; tiyáɲ saɲ sə sə lane, te ba ti sə fɔf sə,

¹⁴kábi sə tără kəpa kɔn ɔwe yokas ɔMarki Yisəs ka rəfi-e, ɔ tə yokas su sə kətáɲáne ka Yisəs, ɔwa ɔ tə kără su yi naɲ ka kábəpráne kɔɲ.

¹⁵kotáy-e mátáy be mə yi ta salata nu, kámá mə mə aɲboɲa aɲ bār gbo bek ka afəm agbáthi-e, kamuti mómɔ kə tə bārne sə salata aɲyiki ɲa Kuru.

¹⁶Tiyáɲ sə thamrɔ he, hali ma mader ma su ma rokaɲ mə dine, halisa a kál fus emerá e su eye yi rokor árey o rei.

¹⁷kotáy-e kasɔmpañe kásu kəfəɲf, áke yi gbo ta aləkɔ agbut, kə mə bār yɔna su ayiki alel ɔthasər ta thəbana;

¹⁸pəkasife sə kəli he ka mátáy ama a nɔɲka rəfɔr-e, kere ka mátáy ama a te nɔɲka rəfɔr. Átesoma-e mátáy ama a nɔnk mə yi gbo ta aləkɔ agbut; kere mátáy ama a te nɔnk mə yi ta thánkəɲ thəbana.

2 Aɲkɔrinth 5

¹kotáy-e sə tără kəpa bepi aɲseth ɲa mader ma su aɲ yekse-e, sə ba alɔm kəwur ka Kuru Məsaba-e, aseth aɲa mə a te bempə yi mətə thánkəɲ thəbana ro riyana.

²Átesoma-e ka-ake sə laɲ tə tentene, sə bosine tə kəlopra yi mader ma su ama mə wur ro riyana;

³kámá pə yi ma mə a lonsər su-e, a ba he kəbəp su atij.

⁴kotáy-e, tentene saɲ ka aɲder aɲe sə laɲ mə mə sə ba kothe rə ámerá. Pə yi he kəpa sə yema kámá a te su lonsər, kere kámá a bār lonsər su kámá aɲesəm thəbana aɲ dim aɲesəm ɲa ádàru are.

⁵ɔwa ɔwe bempə su ta átáy áte gbeɲ, Kuru kɔnɔɲ, ɔwe po sɔɲ su sə maseke ma ɔYina.

⁶Tiyáɲ sə ba kəbak kəbuth kəfínɔ ləkɔ o ləkɔ, ɔwa sə tără kəpa ma sə yi ras ka aɲder aɲe sə tha yi he re ɔMarki;

⁷átesoma-e sə kəth rə kəlane, pə yi he rə kəkəli.

⁸I kál pa, sə ba kəbak kəbuth, ɔwa sə tha yema wur ka aɲder aɲe kámá sə gbəli yi ka kábəpráne ka ɔMarki.

⁹Tiyáɲ sə timne kámá pə yi hali sə bəpər thalɔm sə te bəpər, sə gbəli bɔnes kɔ.



¹⁰kotáy-e saŋ nu be sə ba tə kətəma rodi ka kawaŋ ka kərək epa ka Kraystāŋ, kāmá wuni o wuni ɔ sotho aŋrām ŋa máyos ama ɔ po yɔ ka mader, bepi mə yi məfɪno thalɔm mələs.

¹¹Tiyāŋ ma sə tārā ɔnini wa ɔMariki-e, sə thontho afəm. Ɔwa Kuru ɔ tārā enane ε su, ka i lane kəpa naŋ nə tārā yi sɔ.

¹²Sə kolone he sɔ do rənu, sə sɔŋ nu gbo asabu ŋa kəkolo salata su, kāmá nə ba átá mə nə gbəli gbakia ŋaŋ aŋa kolo ka mader, beta ka aŋmerá.

¹³kotáy-e bepi pə yi sə yɔ apənk, pə yi ta Kurəŋ; thalɔm bepi sə yi atempi rə amera-e, pə yi ta kamar ka nu.

¹⁴Átesoma-e, mabothər ma Krayst mə korakora su, pəkasife sə thonkas yaŋ, kəpa bepi wuni kin ɔ fi ta afəm be, pə báláne mə ŋa be aŋ po fi.

¹⁵Ɔwa ɔ po thəŋ fi salata ŋa be kāmá aŋkəli aŋ te sɔ yi ta eyethe yaŋ, kere ta kɔn ɔwe po fi ta átá ŋaŋ, ɔwe yokane sɔ.

¹⁶Tiyāŋ kətəp ka-ake sə te he sɔ wuni o wuni mə wuni kəpet gbo; ɔwa hali ma sə la tārā Kraystāŋ mə wuni kəpet-e, ka-ake sə tārā he kɔ sɔ yaŋ.

¹⁷Átesoma-e bepi wuni o wuni ɔ yi rokor ka Kraist-e, ɔ yi wuni fu. Mátáy məkur mə po thas; kəla mátáy be mə po səke məfu.

¹⁸Ɔwa mátáy ame be mə wur ka Kuru ɔwe yɔ su sə kál mane yi kɔn asabu ŋa Krayst, kɔ po sɔŋ su kəyona ka kakal mane kati;

¹⁹tə kəyi Kuru ɔ yi ka Kraystāŋ tə kəyɔ kāmá adaru rə kál mane yi kɔn kɔnɔne. Ɔwa ɔ lɔm he do rəŋaŋ maləs maŋ; kɔ po maŋkər su arim ra kákal mane.

²⁰Tiyāŋ sə yi aŋsom ŋa Kraystāŋ, pə yi mə Kuru ɔ nemthene nu kətaŋ do rəsu. Saŋ sə nemthene nu salata Kraystāŋ tə kəkal mane yi Kuru.

²¹kotáy-e ta átá su a səki kɔ ahake, pə yi mə kɔn ɔwe te la tārā ahake be; kāmá saŋ sə gbəli səke málompi ma Kuru rokor kəŋ.

2 Aŋkərinth 6

¹Ɔwa ma sə pantne yi kɔn ka mápanth-e, sə nemthene nu kāmá nə te sotho aŋboŋa ŋa Kuru kətiŋ.

²(kotáy-e ɔ pa, Ka aləkɔ áfɔy táy i po sua mu eləns, De yi i po mar mu ka aŋrey ŋa kəkisi; Kəla, ka-ake ŋə yi aŋləkɔ áfɔy táy, Kəla, ka-ake ŋə yi aŋrey ŋa kəkisi).

³Sə yɔ he táy o táy átá mə yɔ wuni ɔ pənthəla, kāmá a te theke kayona kásu;

⁴kere ka mətai be mə ebɔy ya Kuru sə mem tə kəkolone ka kəmuɔy kəbɔli, ka esompane, ka amone, ka kəkethane,

⁵ka kəsapəth, ka tərəŋka, ka etotok, ka məpanth məbaki, ka kəsəkɔ, ka kəwop esum;



⁶ka kəgbəransnɛ, ka kətara tày, ka kəmuyu kəlele, ka məthoθh, ka ɔYina məsəm, ka mabothər ma tətɛŋ,

⁷ka árim ra tətɛŋ, ka aŋfɔsɔ ŋa Kuru, ka ɛyɛt ɛtima ya mələmpi ka kádiyɔ yi ka kámɛrɔ,

⁸ka ayiki dɛ yi mələp, ka ŋɛs aləs yi ka ŋɛs afinɔ; mɔ afəm atɔns tày, halisa sɛ yi tətɛŋ;

⁹mɔ mə a te su tără, kɛrɛ a tără su finɔ; mɔ mə sɛ yema fi-e, kɛrɛ kəla, sɛ ba ŋɛsəm; mɔ mə a thalər su-e, kɛrɛ a dif hɛ su;

¹⁰mɔ mə sɛ saŋ ɛmɔl-e, kɛrɛ sɛ sel məbɔnɛ; mɔ amɔnɛ, kɛrɛ sɛ naŋfas afəm agbáθhi; mɔ mə sɛ te ba koko-e, kɛrɛ sɛ sɔθhɔ mătáy bɛ.

¹¹Nia aKorinth, ásim ta su tɛ yi ta átá nu, ɛmerá ɛ su ɛ po kanθhɛ nu.

¹²Saŋ sɛ θiŋkanɛ hɛ nu, niaŋ nɔ θiŋkanɛ gbo ɛyɛθhɛ ɛ nu.

¹³Tiyán tɛ kəkala mələmpi, (i fɔf mɔ ka aŋwuth a mi), yɔ kámá ɛmerá ɛ nu ɛ bondá sɔ.

¹⁴Te pantnɛ ka ante lanɛ, átesoma-e ko məmanɛ mə yi kətɔŋ ka mələmpi yi mələs-e? Thalɔm ko məmanɛ mə yi kətɔŋ ka ɔwaŋ yi asum-e?

¹⁵Ama ko məmanɛ mə gbɛli yi kətɔŋ ka Kraystán yi Beliel-e? Thalɔm ko ágbáp ulanɛ ɔ ba yi ute lanɛ-e?

¹⁶Ta a pa ras ko asekəranɛ áŋsɛθh ɲa Kuru aŋ ba yi ɛyɛt ɛrɔŋ-e? Kotáy-e saŋ sɛ yi áŋsɛθh ɲa ɔKuru ukəli, mɔ mə Kuru ɔ pa, I ti yirá kətɔŋ ka ŋaŋ, ɔwa i ti kɔθh kətɔŋ ka ŋaŋ; ɔwa i ti yi ɔKuru ka ŋaŋ, dɛ yi ŋaŋ aŋ tɛ yi aŋfəm a mi.

¹⁷Tiyán, Wur nu kətɔŋ ka ŋaŋ, ɔwa yi nu agbaske, ɔMarki ɔ pa, Te gboŋ rəka o rəka rəyifa; ɔwa i ti malanɛ nu,

¹⁸I ti yi uKas do rɔnu, dɛ yi naŋ nɔ tɛ yi aŋwuth a mi aruni yi aŋwuth a mi abera, ɔKuru ka aŋfɔsɔ bɛ ɔ pa.

2 Ankərinth 7

¹Tiyán abothər, ma sɛ po ba ɛlahiri ɛyɛ-e, maŋ gbəransnɛ nu kəwur ka məpulke bɛ ma mader dɛ yi aŋyina, ɔwa sɛ gbenthis rəsəm ka ranes ra Kuru.

²Malanɛ su ka ɛmerá ɛ nu; sɛ θa yɔ hɛ wuni o wuni ɔləs, sɛ θa ləsɛr hɛ wuni o wuni, sɛ θa yɔ hɛ wuni o wuni kansɔŋ.

³I fɔf hɛ áte tɛ kəŋap nu, kotáy-e i po θɔŋ pa ti kəpa, nɔ yi ka ɛmerá ɛ su kámá sɛ fi naŋ dɛ yi sɛ kəli yi naŋ.

⁴I fɔfánɛ nu rə kəminθa kəbana, i kolonɛ ɔgbáθhi salata nu; i la rə kəbɛfəθh kətɔŋ ka ɛsəmpanɛ ɛ su bɛ, ɔwa i yasane rɛ yi məbɔnɛ.

⁵Átesoma-e, hali ma sɛ bek ro Masidonia-e, sɛ ba hɛ kəfothane ka mader ma su, kɛrɛ sɛ bəp ɛsəmpanɛ dɛr o dɛr. ɛgbal ɛ yi rokaŋ, ɔwa rənes rɛ yi rokor.



- ⁶Kere Kuronj owe me befeth njan nja ba emerá elee-e, o befeth su ka káder ka Taytos.
- ⁷Pə yi he ka káder konj son-e, pə yi so ka kábefeth áke nə sɔŋ kɔ, ma o tɔri su kabosine ka nu, kábok ka nu, yi emerá e nu eyasyas ta átá mi. Tiyánj i bár sɔtho məbɔne.
- ⁸kotáy-e hali anreka a mi anj yɔ nu nə sanj amol, i nimsa he ti, (hali ma i la nimsa ti ka ototoko), átesoma-e i nɛnk kəpa anreka nati anj sɔŋ nu onosine kere ta aloko agbut gbo.
- ⁹Ka-ake i ba məbɔne, pə yi he ma nə sanj amol gbo-e, kere pəkasife nə sanj amol kəko ka kəthupi; átesoma-e nə sɔŋ amol rə onosine wa antanj Kuru kəte ba obanj dəbuth gbo kəwur do rɔsu rə táy o táy.
- ¹⁰kotáy-e onosine owe thesane Kuru kɔnɔ mə kom kəthupi kəko ka kəkisi kəte kərə kənimsa; kere onosine wa ádaru kɔnɔ mə kom rəfi.
- ¹¹Kotáy-e kəli atáy gbenj átesom a yɔ nu nə sanj amol mə pə thesane Kuru, ko ásoli abana njan anj yi rokor ka nu-e, əŋko, ko agbákáne njan-e, əŋko, ko məbanj manj-e, əŋko, ko kənesa kanj-e, əŋko, ko kəbosine kanj-e, əŋko, ko kəyenkəs kanj-e, əŋko, ko akalo njan-e.
- ¹²Tiyánj hali ma i gbalər nu-e, pə yi he salata owe po yɔ oləs, ta a pa ras owe po sɔmpane asabu nja maləs mati, kere pə yi kámá asoli nja sanj sə ba ta átá nu rodi ka Kuru-e, anj tɔrine ro rɔnu.
- ¹³Tiyánj sə sɔtho kəbefeth. Yao ka kábefeth kati sə yasanə sə rə məbɔne məbana salata Taytos, átesoma-e nanj nə po thəfsəl anjmerá njɔ.
- ¹⁴kotáy-e bepi i gbək eyonka ta salata nu do rənjɔŋ-e, i ba he ti məlap; kábi ma mə sə po fɔf táy o táy ro rɔnu ka tətɛŋ, yanj sə a fir kagbək kásu eyonka rodi ka Taytos kə yi tətɛŋ.
- ¹⁵Owa mabothər mɔŋ ta átá nu mə bərne gbo ma o kál nanə ka kawop rim ka nu be rə táy o táy, ma pə yi nə malane kə rə kənesa yi kəyer.
- ¹⁶Tiyánj pə bɔne mi kotáy-e i ba kəpəlone anjgáp a nu rə táy o táy.

2 Ankorinth 8

- ¹Pə thas ri, awont sə yema tɔri nu ta anjbonja nja Kuru nja a sɔŋ ka anlane nja Yisɔs Krayst ro Masidoniya,
- ²tə kəyi, hali kətɔŋ ka kəmemər ka kəsɔmpane kəbana-e, kəwur ka olasər wa məbɔne de yi amone ma njan məbana-e, anj sɔŋ eboya efonsiri.
- ³Owa mine i seri ti kəpa mə mə anjɔsɔ njan anj yi, yao pəthas ras anjɔsɔ njan, anj sɔŋ kəmar rə məselo məfinɔ.
- ⁴Owa anj nəmthene su finɔ salata anjbonja anje kámá njan anj gbəli pantne ka kamar ka anjsem.



- ⁵Ya aŋ yɔ, pə yi hɛ mə mə sə po nanɛ gbo-e, kɛrɛ aŋ mɔtha sɔndnɛ ka ɔMarki, dɛ yi do rɔsu kɛtaŋ ka məselɔ ma Kuru,
- ⁶haŋ sə gbisɛŋa Taytɔs kɛpa ye, mə mə po tɛp mapanth amɛ-e, ɔ tɛ pɔns sɔ aŋboŋa aŋɛ ro rɔnu.
- ⁷Tiyɔŋ, ma pə yi nə ba tɔy o tɔy ɔgbenthis-e, pə yi mə-e kɛlanɛ-o, kɛgbɛli fɔf-o, kɛtara tai-o, yi məyasyas bɛ-o, dɛ yi mabɔthɛr ma nu ta àtá su, botɛr ti nu àmerá kámá nə fui ka aŋboŋa aŋɛ sɔ.
- ⁸I fɔf hɛ ti mə ayamari, i fɔf gbo tɛ kɛgbɛŋgbɛŋ ɔfera wa mabɔthɛr ma nu asabu ŋa mayasyas ma alɔm.
- ⁹kotáy-e nə tárá aŋboŋa ŋa ɔMarki kásu Yisɔs Kraystáŋ, kɛpa hali ma ɔ yi uyola-e, salata nu ɔ sɛkɛ umɔnɛ, kámá naŋ kɛtaŋ ka amɔnɛ mɔŋ-e, nə gbɛli sɛkɛ ayola.
- ¹⁰Kɛrɛ ka átáy áte i tɔri nu ananɛ a mi, tɛ kɛpa ye, pə tha yi ɔfisa ta átá nu bepi nə gbenthis ka-ake átá nə tɛp dendis kɛyɔ; pə yi hɛ kɛyɔ gbo kɛrɛ nə yema yɔ ti yathi;
- ¹¹kámá mə mə nə la ba àmerá abenɛnɛ-e, yaŋ sɔ nə tɛ gbenthis ti mɔlɔ ma aŋfɔsɔ a nu aŋ yi.
- ¹²kotáy-e, bepi aŋmerá abenɛnɛ ŋati aŋ yi ri-e, a malanɛ ŋi kɛtáŋáne mə mə wuni mə ba, pə yi hɛ mə mə te ba.
- ¹³Àtesoma-e i pa hɛ ti kámá a gbɛŋki akothɛ ka alɔm tɛ kɛdɛŋ nu ki,
- ¹⁴kɛrɛ kámá pə yi ɔthɛnanɛ, kámá kaba ka nu ka-ake kɛ gbɛli yɔna kate ba ka ŋaŋ, dɛ yi kaba ka ŋaŋ kɛ gbɛli yɔna kate ba ka nu; kámá ɔthɛnanɛ ɔ yi,
- ¹⁵mə mə a gbal kɛpa, ɔwe po thoŋklanɛ ɔgbáthi ɔ tianɛ hɛ koko, rɛ yi ɔwe po thoŋklanɛ ɔthan ɔ paŋ hɛ.
- ¹⁶Kɛrɛ ta Kuru ɔ ba àmɔmɔ ma ɔ bot aŋfela abana ŋin ŋati ka aŋmerá ŋa Taytɔs ta átá nu.
- ¹⁷kotáy-e tɛ tentɛnɛ ɔ malanɛ aŋmáŋ a su; kɛrɛ ma ɔ yi uyasyas ka aŋyɛthɛ ŋɔŋ sɔ-e, ɔ kɔnɛ ro rɔnu ka məselɔ mɔŋ gbɛŋ.
- ¹⁸Ka sə somra yi kɔn ɔwɔnt ɔwe ɛchɔch bɛ ɛ kolo salata mayasyas mɔŋ ka katamɔs àkɛra kɛfínɔ ka Kuru.
- ¹⁹Ka pə thas ri sɔ-e, ɛchɔch ɛ thith ɔwuni kati tɛ kɛpaya su ma sə kera aŋboya afínɔ aŋɛ-e aŋa mə sɔŋ ɔMarki ayiki, ɔwa aŋ kál lasɛr məselɔ ma su.
- ²⁰ɔwa sə thaŋka áte, kámá wuni o wuni ɔ tɛ thekɛ su ka aŋpa ŋa aŋboya abana aŋɛ aŋa sə kɔ sɔŋ;
- ²¹kotáy-e sə thɛns mátáy məmari, pə yi hɛ gbo ka kakɛli ka Kuru, kɛrɛ ka kakɛli ka afɛm a kɛpɛt sɔ.



²²Ɔwa sə po som de yi ɲaɲ ɔwɔnt su ɔwe sə po mɛm ɔgbáthi, ka sə fir kɔ ubothi lane ka mátáy mɛlai, pɛ tha gbethi ka-ake salata kapɛlɔnɛ kɛbana áke ɔ ba ka áɲgbáp a nu.

²³Bepi a yif ta Taytɔsáɲ, ɔ yi upantnɛ kámi de yi ukos a mi ka mapanth ta átá nu; thalɔm bepi a yif ta aɲwɔnt a su-e, ɲa yi aɲsom ɲa egbanɛ ya Yísos, ɔwa ɲa yi sɔ aɲfɛm ɲa aɲyiki ɲa Krayst.

²⁴Tiyáɲ tɔri ɲa nu ro der kɛdi ka egbanɛ ya Yísos, maseri ma mabóthɛr ma nu, de yi maseri ma kagbak kásu eyonka ta átá nu.

2 Aɲkɔrinth 9

¹Kɛrɛ ta áɲpa ɲa kɛyɔna aɲsɛm, i ba hɛ kɛgbalɛr nu,

²átesoma-e i tára kabɛnɛnɛ ka nu, ɔwa di kati i kolonɛ ta átá nu ka aɲfɛm ɲa ro Masidonia, kɛpa ɲa ro Akaya aɲ yi thɔɲ abɛnɛnɛ kábi ka dendis. Ɔwa mayasyas ma nu mɛ pɔɲ gbɔɲkthis afɛm agbáthi.

³Kɛrɛ i som awɔnt kámá kagbak kásu eyonka ta átá nu kɛ te yi kɛtiɲ, kɛrɛ kámá pɛ gbɛli yi mɔ mɔ i pa-e, nɔ yi thɔɲ abɛnɛnɛ;

⁴ta thani bepi aɲMasidoniya alɔm aɲ der yi minɛɲ, ɔwa aɲ bɛp nu nɔ yi hɛ abɛnɛnɛ-e, saɲ (hali sə te pa niaɲ) sə tɛ ba mɛlap asabu ɲa kakolonɛ ake.

⁵Tiyáɲ i nɛnk ti ɔfinɔ tɛ kɛyɔ kámá aɲwɔnt aɲ tɛmá kɛdi kɛkɔ ro rɔnu, kámá aɲ gbɛlɛɲ nu ta áɲboya ɲa mabóthɛr tɛ tentɛnɛ, pɛ yi hɛ mɔ rɛka ara a yamari.

⁶Áɲpa ɲi aɲɛ. Ɔwe mɛ sak pɛriperi, kɔnɔ mɛ rɔk pɛri pɛri; ɔwe mɛ sak ɔgbáthi, kɔnɔ mɛ rɔk ɔgbáthi.

⁷Ta wuni o wuni ɔ sɔɲ mɔ mɔ nane ka áɲmɛrá ɲɔɲ. Ta pɛ te yi rɛ kɛsuma thalɔm rɛ kɛfɔsar, kotáy-e Kuru ɔ bóthɛr wuni ɔwe mɛ sɔɲ rɛ mɛbɔnɛ.

⁸Ɔwa Kurɔɲ ɔ gbɛli yɔ kámá abɔɲa bɛ aɲ fui do rɔnu, kámá naɲ nɔ ba ɔbeki lɔkɔ o lɔkɔ ka táy o táy, kámá nɔ bárnɛ rɛ mɛyɔs mɛfinɔ bɛ.

⁹Mɔ mɛ a pɔ gbal ti kɛpa, Ɔ sak ɔbana, ɔ yer ka áɲmɔnɛ, Málompi mɔɲ mɛ tɛ bákɛr thánkáɲ thɛbana.

¹⁰Ɔwa ɔwe mɛ sɔɲ mɛtɛr ka ɔsak yi kɛbo ta ɛwɔnth-e, kɔnɔ mɛ sɔɲ nu mater yi mábárnɛ mati tɛ kɛsak. Ɔwa ɔ tɛ kál sɔɲ mákomi mɛbarne ma málompi ma nu.

¹¹Kaɲka a naɲfas nu rɛ táy o táy kɛkɔ ka kɛfosiri kɛbana áke mɛ yɔ a muti Kuru mɔmɔ kɛtaɲ do rɔsu.

¹²kotáy-e kɛyerɛs áɲboya aɲɛ kɛ lasɛr hɛ gbo kapaɲ ka aɲsɛm kɛrɛ kɛ kál futhis kɛsɔɲ Kuru mɔmɔ mɛlai.

¹³Ɔwa ma a gbɛlɛɲ nu asabu ɲa kayerɛs ake, aɲ yikis Kuru ta kawop aɲgbithanɛ ka nu ka ásim tɛfinɔ ta Kraystáɲ, rɛ yi ta káfosiri ka nu ta átá ɲaɲ, de yi ta afɛm bɛ.



¹⁴Ɔwa ɲaɲ gbeɲ sɔ maɲ ramne ta átà nu, aɲ bosine sɔ ta átà nu salata aɲboɲa abana ɲa Kuru aɲa yi nu.

¹⁵Ta Kurɔɲ ɔ sothɔ mɔmɔ ta aɲboya ɲɔɲ atuy lɔmɔs.

2 Aɲkɔrinth 10

¹Ɔwa mine Pɔl, i nemthene nu ka kathorane yi mathɔfɔl ma Krayst, mine ɔwe yi uthorane ka kábɛpráne ka nu, kere ma i te bɛpɛr i fɔfáne nu rɛ kɛmintha.

²Kere i nemthene kámà nɛ te yɔ i tɔri ka kábɛpráne ka nu kamintha kɛbaki kati áke i nane tɔ kɛtɔri afɛm alɔm, aɲa nane sɔ kɔth kɛtaɲ ka mayi ma rawuni kɛpet.

³kotáy-e, hali ma sɔ kɔth ka mayi ma rawuni kɛpet-e, sɔ tim he kɛtaɲ ka mayi ma mader;

⁴átesoma-e eyet etima ya katim kásu ε yi he eya máder, kere ε ba afɔsɔ aninis kɛtáɲane ka Kuru tɔ kɛyeksi ebánká.

⁵Sɔ yeksi ebárki elɔs yi táy o táy be tɔɲátáne kɔɲamne kátará ta Kuru, ɔwa sɔ kára rɛ kende bira anane o nane tɔ kɛsane ɔKraystáɲ,

⁶ma sɔ yi abenene tɔ kɛthalɔr kɛgbəkane be, bepi kasane táy ka nu kɛ po lasɛr.

⁷Pɛ yi nɛ kɛli gbo mátáy mɔ nɛ nɔɲka rɛfɔr-i? Bepi wuni o wuni ɔ pɛlɔne kɛpa ɔ yi wuni ka Kraist-e, ta ɔ kál nane áte kɛpa mɔ mɔ kɔn ɔ yi wuni ka Kraystáɲ-e, yaɲ sɔ saɲ sɔ yi.

⁸kotáy-e, hali i ti bár gbək eyonka salata aɲfɔsɔ aɲa ɔMarki ɔ po sɔɲ su-e, (tɔ kɛtɛmsɛr nu, pɛ yi he tɔ kɛfak nu), i ba he kɛlapɔs ti mɛn.

⁹Ta pɛ te yi mɔ i yema ninisne nu de yi ereka.

¹⁰Wuni lɔm ɔ tɔ pa, Ereka ya Pɔl ε yi elɛl de yi ebáki máder, kere kábɛpɛr kɔɲ kɛ yi kɛrant, de yi kafɔf kɔɲ kɛ yi gbo kɛyai.

¹¹Ta wuni wunɔɲ ɔ nane áte, hɔ, mɔ mɔ sɔ yi ka ásim ka ereka ma sɔ te bɛpɛr-e, yaɲ sɔ yi sɔ ka kayɔ ma sɔ bɛpɛr.

¹²Átesoma-e sɔ mintha he lɔmne thalɔm thunthne alɔm aɲa mɔ kolone, kotáy-e aɲ ba he kɛtemp maɲ thunthne ukin ka ulɔm, de yi aɲ lɔmne ukin ka ulɔm.

¹³Kere saɲ sɔ yema he gbək eyonka pɛthas anthuntha, pɛ yi mɔ-e, anthuntha ɲa magbas ama Kuru ɔ gbasa su tɔ kɛbek do rɔnu.

¹⁴kotáy-e sɔ thasɛsne he pɛthas anthuntha a su, pɛ yi mɔ sɔ tha la he bek ro rɔnu, átesoma-e saɲ sɔ yi antɔtɔkɔ tɔ kɛbek do rɔnu yi mapa mɛfínɔ ma Kraystáɲ.

¹⁵Sɔ kolone he pɛthas magbas ma su, ka mapanth ma afɛm alɔm; kere kagbak ámerá kásu kɛ yi hɔ, ma kálane ka nu kɛ bárne-e, a tɔ bár sɛka kɛdi magbas ma su do rɔnu,



¹⁶kāmá sɛ gbɛli tamɛs ásim tɛfinɔ ta Kuru haŋ ka ɛgbap ɛyɛ yi rodarɛŋ ka nu, kɛtɛ kolonɛ ka magbas ma wuni lɔm dɛ yi mātáy ama ɔ poŋ thɔŋ benenɛ.

¹⁷Kɛrɛ ɔwɛ mɛ kolonɛ ta ɔ kolonɛ ka ɔMarki.

¹⁸Átesoma-e ɔwuni kolonɛ tha mɛ a malanɛ, kɛrɛ ɔwɛ ɔMarki ɔ kolo.

2 Aŋkɔrinth 11

¹I yema nɛ muyu mi ɔthan ma mɛ i re yɔ mɔ rɛpɛŋk; kɛrɛ mari nu, muyu.

²Kɛbi i ba kɛtut ta átá nu, pɛ yi mɔ-e katut ka Kuru, kotáy-e i po fath nu ka Krayst mɔ a fathá ufanɛ ulɔmpi ka uwos ukin.

³Kɛrɛ i soli ta thani mɔ mɛ áŋbok ɔ tɔns Ma Hawa ka masɔth mɔŋ-e, yaŋ sɔ ɛmerá ɛ nu ɛ tɔ yethá kɛwɔr ka ɔfɔy táy dɛ yi ɔfethɔr ɔwɛ yi ka Kraystáŋ.

⁴Bepi wuni ɔ der ɔ tamɛs uYisɔs ulɔm-e ɔwɛ saŋ sɛ te tamɛs-e, thalɔm bepi nɛ malanɛ uyina ulɔm-e ɔgbaskɛ ka ɔkin ɔwɛ nɛ po málanɛ-e, ta a pa ras ákɛra kɛgbaskɛ ákɛ nɛ la hɛ tɛl-e, nɛ malanɛ kɔ lɛmp.

⁵Ko-e, i nanɛ hɛ kɛpa i yi roratha ka aŋsom abana bana aŋɛ.

⁶Hali ma i yi uyay ka kɛfɔf-e, i yi hɛ uyay ka kɛtara táy; sɔ poŋ ti tɔri gbafɛth kɛtɔŋ ka nu bɛ rɔ roŋ o roŋ.

⁷Pɛ yi i po yɔ táy tɛlɛs ma i thoranɛ kámá a ŋata nu-i, ma i po tamɛs mapa mɛfinɔ ma Kuru kɛtɛ gbasi amɔlɔ-i?

⁸Pɛ yi mɔ-e i keyr ɛgbanɛ ya Yisɔs ɛlɔm, ka i gbasir ŋa áram kámá i yɔna nu.

⁹Ma i yi do rɔnu dɛ yi kɛpáŋ kɛ wop mi-e, i yi hɛ kothe ka wuni o wuni, kotáy-e aŋwɔnt aŋa wur ro Masidonia-e, ŋa sɔŋ mi bɛ ɛyɛ i paŋ. ɔwa rɛ táy o táy i kasisnɛ.

¹⁰Mɔ mɛ táteŋ ta Krayst tɔ yi mi-e, wuni kɛpɛt ɔ gbɛli hɛ bɛnt mi kɛgbɔk ɛyonka aŋɛ ka áŋgbáp ŋa Akaya.

¹¹Kɔyɛŋ-a? Pɛkasifɛ i bɔthɔr hɛ nu-i? Kuru ɔ tárá ti hɔ, i yɔ yi.

¹²Kɛrɛ i ti básɛr ka mayɔ amɛ kámá i bɛs roratha ka ŋaŋ aŋa yema aŋfɛrɛ tɔ kɛkolonɛ, kɛpa aŋ kiyanɛ kayɔna ka ŋaŋ mɔlɔ min mɔ saŋ.

¹³Átesoma-e afɛm awunɔŋ ŋa yi asom ayem, ayɔ mɛpanth mɛtɔns táy, kaŋ yɔr mɔ mɛ aŋ yi aŋsom ŋa Kraystáŋ.

¹⁴ɔwa táy tɛkabanɛ thahɔ, kotáy-e Sethani gbeŋ ɔ gbɛli sɛkɛnɛ mɔ wurɔ ka kawalɛ.

¹⁵Tiyáŋ táy tɛkabanɛ tha bepi aŋsom ŋɔŋ sɔ aŋ sɛkɛ mɔ mɛ aŋ yi aŋsom ŋa mɛlɔmpi; ɔwa kalɛpsɔ ka ŋaŋ kɛ tɔ yi mɔ máyɔs maŋ mɛ yi.

¹⁶I pa sɔ, Ta wuni o wuni ɔ te nanɛ mi upɛŋk; kɛrɛ bepi nɛ yɔ yi-e, sua nu ɔwuni pɛŋk ɔwɛ ɛlɛns ma mɔ kolonɛ sɔ ɔthan.



- 17 Átà i fɔf-e, i fɔf he ti mɔ anyamari ŋa ɔMarki, i fɔf gbo mɔlɔ ma mɛgbati rɛ kɛgbɛk eyonka aŋe.
- 18 Ma afɛm agbáthi aŋ kolonɛ ka mader ma rawuni kɛpet-e, minɛ sɔ i ti kolonɛ.
- 19 Átesoma-e ka ɔbɔli rɛkɔm wa kátemp ka nu, nɔ gbɛli muyu aŋpɛnk rɛ mɔbɔnɛ!
- 20 kɔtáy-e nɔ muyu wuni bepi ɔ kera nu rɛ kɛndɛbira, bepi ɔ yɔ nu aharamu, bepi ɔ nɔy nu eyet ɛ nu, bepi ɔ ŋatanɛ, bepi ɔ gbantha nu ro der.
- 21 I fɔf rɛ mɛlap kɛpa, ka rayay ra mi i la he yɔ mátáy mɛwunɔŋ. Halisa ta táy o táy átá wuni mɔ minthasɛ, (i fɔf gbo mɔ upɛŋk) minɛ sɔ i ti minthasɛ.
- 22 Da yi aHibru-i? Mine sɔ. Da yi aIsrɛl-i? Mine sɔ. Da yi awuth ŋa Ebrahim-i? Ɔwa minɛ sɔ gbo.
- 23 Da yi ɛbɔy ya Kraist-i? (I kál fɔf mɔ upɛŋk) Min thasi ŋa; rɛ mɛpanth-e, ɔgbáthi ɔlay; rɛ kɛsáp-e, pɛ fɔyɛ lɔm; ka ɛseth ya tɛrɛŋka, katkat; ka mäsibo ma tɛfi-e, ɔgbáthi gbo.
- 24 Kɛtɛma tamath aŋYuda aŋ sapa mi tɛsɛthɛ pɛ tiyá gbo win tɛ kɛbɛk tɛgba tɛrɛŋ.
- 25 Kɛtɛma mäsas-e a sapa mi tɛnt, a lɛmɛr mi mäsar win, mäsas i loŋa ro baŋ, gbɛs pali i yi ka ɔbɔlɔŋ wa kábáŋ;
- 26 i yi ka ɛbiyas alɔkɔ bɛ, ka mäsibo ma mánt, ka mäsibo ma amurthɛ, ka mäsibo kɛwur ka aŋbona a mi, ka mäsibo kɛwur ka aŋkafri, ka mäsibo ka kápet, ka mäsibo ro wula, ka mäsibo ro baŋ, ka mäsibo kɛtɔŋ ka awɔnt ayem;
- 27 ka kɛthɔrɔnɛ, ka ɔbáki ka ɛsɔnkɔ sɔnkɔ, ka ádor, ka rámun, ka káwop ɛsum ɔgbáthi, ka ɔtáŋk yi ka rátiŋ.
- 28 Ɔwa pɛ thas mátáy ame ama yi rokaŋ-e, mátáy ri ama thiŋkɛr mi árey o rey, pɛ yi mɔ-e káránko ta ɛgbane ya Yisɔs bɛ.
- 29 Kanɛ gbɔgbɛthá-a, i te gbɔgbɛthá-e? Wuni reke mɔ a yɔ ɔ pɛnthbɛla-e, minɛ i te ba ti mɔbaŋ-e?
- 30 Kɛrɛ bepi i ba tɛ kɛgbɛk eyonka-e, i ti kolonɛ ta mátáy ama mɔ tɔri máyay má mi.
- 31 ƆKuru yi ɔKas ka ɔMarki kásu Yisɔs Krayst ɔwe yi uruba ta thánkán thɛbana-e, ɔ tára kɛpa i fɔf he rɛyem.
- 32 Ro Damaskɔs, ɔgbɛká ratha ka Aretas ɔbáy, ɔ bumɛr kápet kámá ɔ gbip mi;
- 33 ka a sɔnthɔsa mi ka afenk rɛ kɛbɛlay, ka a thora mi ka anthatha, ka i pamp máta mɔŋ.

2 Aŋkɔrinth 12

- 1 Thambe i kolonɛ, hali pɛ yi kɛ mar he wuni, kɛrɛ i ti der ka mɛnɛnk dɛ yi tɛŋaybine ta ɔMarki.



²I tārà wuni ka Krayst tøren tɔfɔt tanlɛ àtá po thas, (bepi ɔ yi ka ander-e, i tɛ hɛ; bepi ɔ yi hɛ ka ander-e, i tɛ hɛ. Kuru ɔ tārà). Ɔwuni wunɔŋ a sempɪ kɔ haŋ ka kàriyana áke beká mɛsas.

³Ka i tārà wuni ɔwe, (bepi ɔ yi ka ander-e, thalɔm ɔ yi hɛ ka aŋder-e, mine i tɛ hɛ; Kuru ɔ tārà),

⁴a sempɪ kɔ lɛɔ ro Paradais, kɔ tɛl tɔfɔf àtá te yi ta wuni kɔpɛt tɔ kɔfɔf.

⁵I ti kolonɛ salata ɔwuni wunɔŋ, kɛrɛ ta mine gbɛŋ i ba hɛ tɔ kɛkolonɛ, thambe ka rayay ra mi.

⁶kotáy-e hali pɛ yi i yema kolonɛ-e, i pɛŋisnɛ hɛ; átesoma-e i ti fɔf táteŋ; kɛrɛ i tank thɔŋ, ta thani wuni ɔ wuni ɔ nanɛ ta àtá mi pɛthas àtá ɔ nɛnká mi, thalɔm àtá ɔ tɛl kɔwur do rɔmi.

⁷Ɔwa ta thani i ŋatane ɔthasɛr-e, salata manɔŋk mɛbana amɛ-e, a sɔŋ mi kɛbánk ka aŋder, pɛ yi mɔ ɔsom ka Sethani tɔ kɛsɔmpa mi, kámá i te ŋatane ɔthasɛr.

⁸Ta àtáy áte i po nɛmthɛnɛ ɔMarki haŋ mɛsas kámá kɔ gbɛli gbapɛ mi.

⁹Kɛrɛ ɔ pa ro rɔmi, aŋboŋa a mi aŋ yi abeki mu, kotáy-e aŋfɔsɔ a mi aŋ yi agbenthis ka máránt. Tiyáŋ pɛ bɔnɛ mi tɔ kɛkolonɛ ka máránt ma mi, kámá aŋfɔsɔ ŋa Kraystáŋ aŋ rensa mi.

¹⁰Tiyáŋ i ba mɛbɔnɛ dɛ rɔyai-o, rɛ tɛnal-o, rɛ mɔnɛ-o, rɛ tɛsɔmpanɛ-o, dɛ yi rɛ mɛkethanɛ salata Kraystáŋ, kotáy-e ma i yi urant-e, aŋlɔkɔ ŋati i yi ubaki mɛdɛr.

¹¹I po yɔ apɛnk, kɛrɛ naŋ nɛ korakora mi; ɔwa pɛ yi nɛ yi naŋ tɔ kɛkolo mi, kotáy-e mine i yi hɛ roáarɛŋ ka aŋsom abana bana ta koko bɛ, hali ma i te yi koko.

¹²Tɛ tentɛnɛ i po yɔ emisali ya usɛm utɔtɛŋ kɛtɔŋ ka nu rɛ kɛmuyu bɛ, ka emisali-e, ka mátáy mɛkabanɛ-e, yi ka mɛyɔs ma kágbɛli táy.

¹³Ta kɔ rɛka naŋ a yɔ nu nɛ yi rodarɛŋ ka ɛchɔch ɛlɔm-e, thambe pɛ yi kɛpa mine i yi hɛ kothe ta àtá nu-e? Tera mi àtáy tɛlɛs áte!

¹⁴Kɛla, aŋlɔkɔ aŋa beká mɛsas ŋi aŋɛ i po pay tɔ kɛdɛr ro rɔnu; ɔwa i ba hɛ tɔ kɛyi kothe ta àtá nu; átesoma-e i thɛns hɛ ɛyɛt ɛ nu, kɛrɛ niaŋ mɔ i thɛns; kotáy-e aŋwuth aŋ yi hɛ tɔ kɛgbompanɛ ɛyɛt ta salata aŋkomra ŋaŋ, kɛrɛ aŋkomra ŋa yi tɔ kɛgbompanɛ ɛyɛt ta aŋwuth.

¹⁵Mine i ti lɛsɛr ɛyɛt ɛ mi bɛ rɛ mɛbɔnɛ mɛbana, ɔwa i ti sɔndnɛ ta àtá nu; bepi i bár bɔthɛr nu-e, naŋ nɛ tɔ gbɛŋki mabɔthɛr ma nu-i?

¹⁶Ɔwa ta pɛ yi yaŋ, min minɛnɛ i rɛŋ hɛ nu kothe; kɛrɛ nɛ pa i ba mɛsɔth, ka i gbip nu ka masɔth mati.

¹⁷Mine i la yɔ nu yaŋfa ka hali ukin ka aŋa i som ro rɔnu-i?



18I nēmthēne Taytōs tē kəkori nu, ka i som ɔwont yi kōn. Taytōs ɔ yɔ nu aharamu-i? Saŋ sē kōth hē ka ɔYina ukin kati-i? Saŋ sē kōth hē ka mani min mati-i?

19Nə nənē hō sē katane kere gbo ta átā nu aŋlōkō aŋe bē. Rodi ka Kuru sē fɔf Krayst; kere sē yɔ mātáy bē, abóthər, kāmá sē mar nu.

20Átesoma-e i soli ta thani bepi i der-e, i ti bəp nu mō mē i te yema, ɔwa naŋ sō nə tē fir mi mō mē nə te yema, ta thani pē tē yi egbal-o, kátut-o, mábaŋ-o, epeskene-o, káforthane-o, káfɔflane-o, kábondəsne-o, de yi etotok;

21ɔwa kāmá pē te yi ma i der sō-e, ɔKuru kāmí ɔ tē thora mi rodi ka nu, ɔwa i ti bok ta átā ŋaŋ aŋa po la yɔ ahake, kere aŋ te tha thupi ta katayane yi kərəp tətəp tətəp átā aŋ po yɔ.

2 Aŋkərinth 13

1Kábeka məsas ki ake ma i der ro rōnu. Rē maseri ma tēsəŋ tərəŋ ama təsas-e, rē dim o dim mē rē bāksər.

2I la maŋ ŋaŋ aŋa po yɔ ehake yi aŋlōm bē sō ka i kál maŋ ŋa ka-ake ka kate kāmí bəpər mō mē i la yɔ ka kabəpər kāmí áke beká mārəŋ; kəpa ye, bepi i der sō i ba hē kətera ŋa;

3ma pē yi ti nə yema alomar kəpa Krayst ɔ fɔf kətaŋ do rōmi, kōn ɔwe te yi urant do rōnu, kere ɔ yi afəsō aninis rokor ka nu.

4Hali ma a tāj kō ka akənt kəpəŋkinē ka rəyai-e, ka-ake ɔ yi ukəli ka aŋfəsō ŋa Kuru. Kotáy-e saŋ sō sē yi ayay yi kōn, kere sē tē la rē yi aŋesəm yi kōn do rōnu ka aŋfəsō ŋa Kuru.

5Gbəŋgbenē nu kāmá nə tārā bepi nə yi ka kálane tē tentenē; thektheke nu. Niaŋ nə tē hē kəpa Yisəs Kraystāŋ ɔ yi nu rokor-i? Thambe pē yi hō nə yi afəm athāyoŋ.

6Kere i gbak ámerá kəpa nə tārā hō saŋ sē yi hē athāyoŋ.

7Ka sē ramne Kuru kāmá nə te yɔ táy o táy tələs; pē yi hē tē kətəri hō sē yi afəm aŋa yi tətəŋ, kere kāmá naŋ nə yɔ átā yi təlompí, hali pē re bálāne mō saŋ sē yi hē tətəŋ.

8kotáy-e sē gbəli hē yɔ koko kəŋamne tətəŋ, kere ta salata tətəŋ.

9Átesoma-e sē ba məbōne ma sē yi aránt, de yi naŋ nə abáki mēder; ta áte tē mē sē ramne sō, pē yi mō ta kagbenthis ka kálane ka nu.

10Ta aŋsabú aŋe i gbalər nu mātáy ame ma i te tha bəpər-e, kāmá pē yi ma i bəpər-e, i ba hē kəyi ɔbaki mēder ka aŋfəsō aŋa ɔMarki ɔ səŋ mi tē kətəmər, pē yi hē tē kəfak.

11Ka kaləpsō, awont, maŋ dirá nu yɔ. Yi nu apons, yi nu abefəth, ba nu ámerá ŋin, yirá ka məthəfəl; ɔwa ɔKuru ka məbóthər de yi məthəfəl ɔ tē yi yi naŋ.

12Korianē yi kəmuməl kəsəm.



¹³Aḡsəm bε aḡ kori nu.

¹⁴Ta aḡboḡa ḡa ɔMarki Yisɔs Krayst, yi mabɔthər ma Kuru yi mamane ma ɔYina mɔsəm mɔ yi yi naḡ bε. Amina.



Aŋkaletia

Aŋkaletia 1

- ¹Pɔl usom, (pə yi hɛ ka məselɔ ma afəm, thalɔm kətəŋəne ka wuni kəpet, kere kətəŋəne ka Yisɔs Krayst, yi Kuru ɔKas, ɔwe yokas kɔ ka rafi)
- ²dɛ yi aŋwɔnt bɛ aŋa yi yi minɛŋ, ka ɛchɔch ro Kaletia.
- ³Ta aboŋa aŋ yi nu dɛ yi məthɔfɔl kəwɔr ka Kuru ɔKas yi ka ɔMarki kəsɔ Yisɔs Kraystəŋ,
- ⁴ɔwe sɔndnɛ ta ɛhake ɛ su, kámá ɔ tafi su ka ádàru rələs are, mə mə məselɔ ma Kuru yi ɔKas kəsɔ mə yi;
- ⁵ɔwe ba ayiki thánkəŋ thəbana. Amina.
- ⁶I kabane ma nə yeŋk gbapɛ ɔwe muti nu ka aŋboŋa ŋa Krayst tɔ kələfthɛ ka kera kəlɔm.
- ⁷kotáy-e, kera kəfinɔ kəlɔm kə yi hɛ, kere afəm alɔm aŋa sɔmpa nu aŋ yema siŋkar ákera kəfinɔ ka Krayst.
- ⁸Kere hali saŋ, thalɔm wurɔ kəwɔr ro riana-e, ɔ tɔri nu kera áke yi kəgbaske kəwɔr ka áke sɔ po tɔri nu-e, ta ɔ yi uraŋka.
- ⁹Mə mə sɔ la pa-e, ya i pa sɔ ka-ake, Bepi wuni o wuni ɔ tɔri nu kera o kera pəthas áke nə po malane, ta ɔ yi uraŋka.
- ¹⁰kotáy-e mine i thens mamari ma afəm thalɔm Kuru-i? Thalɔm i mem tɔ kəbɔnes afəm-i? Bepi mine i thesane gbo afəm-e, i yi hɛ aŋbɔy ŋa Krayst.
- ¹¹Kere i ba kəkane nu, awɔnt, kəpa ákera kəfinɔ ka Kuru áke i la tɔri nu kə yi hɛ áke wuni kəpet.
- ¹²Átesoma-e i sɔthɔ hɛ ki kəwɔr ka wuni, thalɔm wuni thahɔ thəksa mi ki-e, kere Yisɔs Krayst kɔnɔ ŋaibi ki do rəmi.
- ¹³kotáy-e nə po tɔl ta mayi ma mi thəpaŋ ka andina ŋa aŋYuda, kəpa pəthas alɔm bɛ i sɔmpar aŋfəm ŋa Kuru tɔ kələsər ŋa;
- ¹⁴ɔwa i bər sɔthɔ kətara ka andina ŋa aŋYuda pəthas aŋkos mi ka aŋbona a mi, ma i yi uyasyas ɔthasər salata tapa təkur ta aŋkas a mi.
- ¹⁵Kere ma pə thesane Kuru ɔwe thith mi yeŋka a kom mi, dɛ yi ɔ muti mi ka aŋboŋa ŋəŋ-e,
- ¹⁶tɔ kəŋaibi ɔWan kəŋ do rəmi kámá i kawandi kɔ kətəŋ ka təbona təlɔm-e, ka ɔlɛmp wati i kɔ hɛ tɔ kəfɔf ka wuni kəpet,
- ¹⁷ta a pa ras i kɔ ro Yerusalem ka ŋaŋ aŋa mətha mi yi asom; kere i kɔnɛ pɔŋ ro Arebiya, ka i kálane sɔ ro Damaskɔs.



¹⁸Kədarəŋ ka tərən təsas-e, i kə ro Yerusalem tə kətəri Pita, ka i yi ri rəŋəŋ mərey təfət tamath.

¹⁹Kere i nən̄k he aŋsom aləm, thambe Yeməs əwənt ka əMarki.

²⁰Ma i təri nu mātáy ame-e, i gbalər nu tətəŋ rodi ka Kuru, i fəf he rəyem.

²¹Kədarəŋ kati i kə ro Siria yi ro Sailsia.

²²Kere egbanə ya Krayst ro Yudia aŋ tē he mi rə der.

²³kaŋ təl gbo kəpa, Kən əwe la səmpar su ka-ake ə kawandi kálanə kin áke ə la ləsər.

²⁴kaŋ thəkəs Kuru salata mi.

Aŋkaletia 2

¹Ma tərən təfət tanle tə po thas-e, i kənə sə ro Yerusalem yi Banabasəŋ, ka i kerəne Taytəs sə.

²Əwa i kənə mə Kuru ə ŋaybi mi məselə məŋ, ka i təri mapa məfínə ma Kuru ama i bə kəwandi kətəŋ ka tábona təlóm, kere i loma aŋbáki rə ámánkne, ta thani thepenə i bə gbukə thalóm i la gbukə kətíŋ.

³(Kere hali əkos mi Taytəs, əwe yi uKrik, aŋ yə he kámá a birons kə).

⁴I yə ti salata awənt ayem aŋa po wəŋ səy, kámá aŋ de dəkər ta ráwankom ra su ara sə ba ka Krayst Yisəs, kámá a wəŋá su rə kəndəbira,

⁵kere sə səŋ he ŋa afere hali ka aləkə agbut; kámá tətəŋ ta mapa məfínə ma Kuru tə gbəli tiyá do rənu.

⁶Kere kəwur ka ŋaŋ aŋa a ləm mə afəm abana bana, (toto ŋa yi, tə ba he mi táy o táy, Kuru ə malanə he ader ra wuni), i pa gbo ŋaŋ aŋa a ləm mə afəm abana bana, aŋ bār he mi táy o táy təfu.

⁷Kere maŋ nən̄k kəpa a po maŋkər mi mapa məfínə ma Kuru ta ante birons-e, mə má a po maŋkər Pita ta aŋbirons;

⁸(átesoma-e kən əwe yə məpanth kətáŋanə ka Pita tə kəyi əsom ka aŋbirons, kənə ə yəna sə kətəŋ do rəmi ta ante birons),

⁹maŋ səthne aŋboŋa aŋa a po səŋ mi-e, Yeməs, Kifas, yi Yənáŋ aŋa a ləm mə məkər ma aŋchəch-e, aŋ səŋ saŋ Banabasəŋ káta kədiyə ka məmanə; kámá saŋ sə kə ka tábona təlóm, de yi ŋaŋ ka aŋbirons.

¹⁰Aŋ yema gbo kámá sə te pənə aŋmənə, átáy tin tati i la básər yə səbə.

¹¹Kere ma Pita ə der ro Antiək-e, i pənsa kə ro der kəri kəŋ pəkəsife ə po ba məthəkə.

¹²Átesoma-e yeŋka afəm aləm aŋ der kəwur ka Yeməs-e, ə di yi tábona təlóm, kere maŋ der-e, ə kál mədarəŋ kə gbaskine rə kənesa ŋaŋ aŋa yi ka aŋbirons.



- ¹³Ka aŋYuda alom sɔ aŋ yɔ kayɔr kin kati de yi kɔn haŋ aŋ po yethas hali Banabasāŋ.
- ¹⁴Ma i nɛnk kɛpa aŋ kɔth hɛ tolon kɛtāŋāne ka tāteŋ ta mapa mɛfinɔ ma Kuru-e, i pa ka Pita rodi ka ŋaŋ bɛ, Bepi munɔ ma mɛ yi uYuda-e, mɛ yɔ mɔ tābona tɛlom, de yi mɔ uYuda thahɔ, ta kɔyɛŋ mɛ yema yɔ tābona tɛlom aŋ yɔ mɔ aŋYuda-e?
- ¹⁵Saŋ aŋa a kom aYuda-e, afɛm ŋa ahake ŋa tābona tɛlom thahɔ,
- ¹⁶ma pɛ yi sɛ tārā kɛpa wuni kɛpet ɔ sɔthɔ hɛ mɛmari salata mǎyɔs ma aŋthɔ, thambe ka kǎlane ka Yisɔs Krayst, tiyāŋ hali saŋ sɛ po lane Yisɔs Krayst kāmā sɛ sɔthɔ mɛmari ka kǎlane ka Krayst, pɛ yi hɛ ka mǎyɔs ma aŋthɔ. Pɛkasife ka mǎyɔs ma anthɔ-e, wuni o wuni ɔ gbɛli hɛ sɔthɔ mɛmari.
- ¹⁷Kɛrɛ bepi ma sɛ thens mɛmari rokor ka Kraist-e, a fir su kɔyi afɛm ŋa ahake-e, sɛ gbɛli pa Krayst ɔ yi ukɔtha ka ahake-i? Saki ti Kuru.
- ¹⁸Bepi i mɛm tɛ kɛtɛmɛr ātā i po thɔŋ fāk-e, i tɔri kɛpa i yi ulɛsɛr aŋthɔ.
- ¹⁹kotāy-e kɛtāŋāne ka aŋthɔ i po fi ka aŋthɔ kāmā i gbɛli ba ŋesɛm salata Kurɔŋ.
- ²⁰A po taŋtaŋ mi ka akɛnt kɛpɛŋkine yi Kraystāŋ, halisa i ba ŋesɛm; kɛrɛ min tha sɛ, pɛ yi Kraystāŋ kɔnɔ ɔ yi ukɛli rokor kāmī. Ōwa aŋesɛm aŋa i ŋesɛm ka mader ka-ake, i ŋesɛm kɛtaŋ ka kǎlane ka ɔWan ka Kuru ɔwe bɔthɛr mi, kɔ sɔndne ta ātā mi.
- ²¹I yɔ hɛ kāmā aŋboŋa ŋa Kuru aŋ yi kɛtiŋ, kotāy-e bepi mǎlompi ma yi ka anthɔ-e, Krayst ɔ po fi fu fa fu.

Aŋkaletia 3

- ¹O naŋ aKaletia aŋa te ba kɛtemp kɛbeki-e, kanɛ serɔs nu-e kāmā nɛ te wop tāteŋ, kɛdarɔŋ ka a po tɔri nu gbafɛth kɛpa a po tāŋ Krayst ka akɛnt kɛpɛŋkine-e?
- ²Atāy tin āte gbo tā i yema tārā kɛwur do rɔnu, Naŋ nɛ po sɔthɔ ɔYina ka mǎyɔs ma anthɔ-i, thalɔm ka aŋkane ŋa kǎlane-i?
- ³Nɛ yi āte ba kɛtemp haŋ-i? Ma nɛ tɛp ka ɔYina nɛ gbɛli yi agbenthis kɛtaŋ ka mǎyɔs ma mader-i?
- ⁴Nɛ po sɔmpane mātāy mɛgbāthi kɛtiŋ gbo-i, bepi pɛ yi kɛtiŋ tɛ tentɛne-i?
- ⁵Kɔn ɔwe sɔŋ nu ɔYina mɛsɛm, de yi ɔwe yɔ mǎyɔs mɛkabane kɛtɔŋ ka nu-e, ɔ yɔ ti ba ka mǎyɔs ma anthɔ-i, thalɔm ka mathɛksa ma kǎlane-i?
- ⁶Hali mɔ Ebrahim ɔ lane Kuru, ka a lom ti ro rɔŋɔŋ mɔ mɛlompi.
- ⁷Tiyāŋ tārā nu kɛpa ŋaŋ aŋa ba kǎlane aŋ yi aŋwuth ŋa Ebrahim.
- ⁸Te ba ti ka mǎgbal mɛsɛm, ma mɛ mɔtha nɛnk kɛpa Kuru ɔ tɛ sɔŋ mɛmari ka tābona tɛlom asabu ŋa kǎlane, ɔ kawandi ākɛra kɛfinɔ ka Kuru thɛpaŋ ka Ebrahim, kɔ pa, Kɛtaŋ do rɔmu tɛbona bɛ tɛ tɛ sɔthɔ aruba.
- ⁹Tiyāŋ ŋaŋ aŋa ba kǎlane-e, aŋ sɔthɔ aruba yi Ebrahim ubɔthi lane.



- ¹⁰Ɔwa aɲfɛm aɲa pɛlɛnɛ ka mɔyɔs ma aɲthɔ aɲ yi ratha ka ɔranka; kotɔy-e a po gbal kɛpa, Wuni o wuni ɔwe te kɔ rodi kɔyɔ mɔtɔy bɛ ama a po gbal ka ɔkɔfɔ ka aɲthɔ tɔ kɔyɔ ma-e, ɔ yi uraɲka.
- ¹¹Ka-ake sɛ nɛnk gbɛraɲ kɛpa wuni o wuni ɔ sɔthɔ hɛ mɛmari kɔwur ka mɔyɔs ma aɲthɔ ka kakɛli ka Kuru, kotɔy-e, Aɲlɔmpi aɲ tɔ ɲɛsɛm kɔtɔɲɛnɛ ka kɔlanɛ.
- ¹²Aɲthɔ aɲ ba hɛ ɔgbɔp rɛ kɔlanɛ; kɛrɛ ɔwe mɔ yɔ mɔyɔs ɔ tɔ yi ukɛli kɔtɔɲɛnɛ ka mɔyɔs mati.
- ¹³Krayst ɔ po bani su ka aɲranka ɲa aɲthɔ, ma ɔ po sɛkɛ uranka ta ɔtɔ su; kotɔy-e a po gbal kɛpa, Wuni o wuni ɔwe a gbak ka ɲɛnt-e, uraɲka wɔɲ;
- ¹⁴kɔmɔ aɲruba ɲa Ebrahim aɲ gbɛli der ka tɔbona tɔlɔm kɔtɔɲɛnɛ ka Yisɔs Kraystɔɲ; kɔmɔ sɛ sɔthɔ aɲlahiri ɲa ɔYina mɛsɛm asabu ɲa kɔlanɛ.
- ¹⁵Awɔnt, i sɔɲ mɛbalanɛ kɔwur ka rawuni kɛpɛt. Wuni o wuni ɔ gbɛli hɛ bɔr thalɔm ɔ gbɛɲki hali ka alemranɛ ɲa wuni kɛpɛt bepi a poɲ gbo bɔksɛr ɲi.
- ¹⁶Ɔwa a sɔɲ ɛlahiri ka Ebrahim yi aɲtɛr ɲɔɲ. Ɔ pa hɛ, Ka mater, mɔ mɔ yi mɔgbathi; kɛrɛ, Ka aɲtɛr a mu, ɔwe yi Kraystɔɲ.
- ¹⁷Ka i pa ɔtɛ, aɲlemranɛ aɲa Kuru ɔ bɔksɛr thɛpaɲ-e, aɲthɔ aɲa wɔɲ kɔdarɔɲ ka tɛrɛn tɛmɛ tanlɛ kɛgba tɔfɔt aɲ lɛsɛr hɛ ɲi tɔ kɔyɔ aɲlahiri aɲ tiyɔ fu.
- ¹⁸kotɔy-e bepi kasɔthɔ akɛɲ kɔ yi asabu ɲa anthɔ-e, kɔ ba hɛ sɔ kɔyi asabu ɲa aɲlahiri. Kɛrɛ Kuru ɔ po sɔɲ ɲi ka Ebrahim rɔ alahiri,
- ¹⁹ɔtesoma-e, ta kɔ-e a sɔɲ anthɔ-a? A wɔɲɔ ɲi ta salata ɛhake, haɲ aɲtɛr aɲ der ta ɔwɔɲ a sɔɲ aɲlahiri; ɔwa aɲmɔlɛka ɲa tɛmsɛr ɲi ka kɔta ka ukasa.
- ²⁰Ɔwa, ukasa ɔ gbɛli hɛ yi ukasa ka wuni kin gbo, kɛrɛ Kuru ɔ yi kin.
- ²¹Di kati-e, aɲthɔ aɲ tim ɛlahiri ya Kuru-i? Saki ti; kotɔy-e bepi a poɲ sɔɲ athɔ aɲa gbɛli kɔlis-e, tɔ tentɛnɛ mɔlɔmpi mɔ tɔ yi ka aɲthɔ.
- ²²Kɛrɛ mɔgbal mɛsɛm mɔ tɔri kɛpa afɛm bɛ aɲ yi ka aɲfɔsɔ ɲa ahake, kɔmɔ ɲaɲ aɲa lanɛ aɲ gbɛli sɔthɔ aɲlahiri kɔtɔɲɛnɛ ka kɔlanɛ ka Yisɔs Krayst.
- ²³Kɛrɛ yɛɲka kɔlanɛ kɔ bek-e, a wop su gbɔɲ roratha ka aɲthɔ, a bɛnɛ su salata kɔlanɛ ɔkɛ ba tɔ kɔdɛr kɔdarɔɲ kati.
- ²⁴Tiyɔɲ aɲthɔ aɲ yi ɔkarmɔkɔ kɔsu tɔ kɔkara su ka Kraystɔɲ, kɔmɔ sɛ sɔthɔ mɛmari asabu ɲa kɔlanɛ.
- ²⁵Kɛrɛ ka-ake kɔbi kɔlanɛ kɔ poɲ thɔɲ bek-e, sɔ yi hɛ sɔ roratha ka ukarmɔkɔ.
- ²⁶ɔtesoma-e naɲ bɛ nɔ yi awuth ɲa Kuru, asabu ɲa kɔlanɛ ka Yisɔs Kraystɔɲ.
- ²⁷kotɔy-e naɲ aɲa a po baftays ka Krayst nɔ po wɔɲ Kraystɔɲ.



²⁸UYuda ɔ yi he, uKrik ɔ yi he, utar thalɔm uwanɔkom ɔ yi he, ta a pa ras wan duni yi wuni bom aɲ yi he; kotáy-e naɲ be nə yi ukin rokor ka Krayst Yisəsáɲ.

²⁹Ɔwa bepi Krayst ɔ ba nu-e, nə yi aɲwuth ɲa Ebrahim, yi asothɔ keɲ kətáɲáne ka aɲlahiri.

Aɲkaletia 4

¹Kere i pa, fani kɔn ɔwe mə sɔthɔ akeɲ ɔ yi ras wath-e, ɔ yi he ɔgbaske kəwur ka utar, hali ɔ yi ɔmarki ka kafus be;

²kere ɔ yi ratha ka akarmɔkɔ yi ebɔy haɲ ka aɲlɔkɔ aɲa ɔkas kɔɲ ɔ bot.

³Ya pə yi sɔ saɲ, ma sɔ yi afeth sɔ yi atar ratha ka matane ma ádàru,

⁴kere ma ɔlasər wa aɲlɔkɔ aɲ poɲ bek-e, Kuru ɔ som ɔWan kɔɲ ɔwe wuni bom ɔ kom-e, ɔwa a kál kom kɔ ka aɲthɔ ratha-e,

⁵kámá ɔ bani ɲaɲ aɲa yi ratha ka aɲthɔ kámá sɔ gbəli sɔthɔ matəma gbeɲ ma awuth.

⁶Ɔwa ma pə yi nə yi awuth-e, Kuru ɔ som ɔYina ka ɔWan kɔɲ ka emerá ε nu, kɔ pa, Aba ɔKas.

⁷Tiyáɲ mə yi he sɔ utar, mə yi uwan; ɔwa bepi mə yi uwan-e, mə yi usothɔ keɲ ka Kuru asabu ɲa Krayst.

⁸Kere ka aɲlɔkɔ ma nə te tha tára Kuru-e, nə la yi atar ka ɲaɲ aɲa te yi turu gbeɲ-e,

⁹kere ka-ake ma nə po der kətara Kuru-e, (thalɔm pə tha gbethi Kuru ɔ tára nu-e), to pə som nə kál fəle ka matane mərant məyai mɔlɔ ma nə fela sɔ kəsəke atar ɲa matane mati-e?

¹⁰Nə wop mərey, eyof, elɔkɔ, de yi tɔren.

¹¹I ba asoli ta átá nu, ta thani i poɲ yɔ məpanth ta átá nu kətiɲ.

¹²Awɔnt, i nemthene nu, yi nu mɔ mineɲ átesoma-e i yi mɔ naɲ nə yi; nə la he yɔ mi ɔlɔs hali.

¹³Kere nə tára ka ɔtɔtɔkɔ i kawandi nu mapa məfina ma Kuru rə asəmpane ka aɲder a mi.

¹⁴Kere hali ma aɲsəmpaney aɲe ka aɲder a mi aɲ sɔɲ nu akənthɔfəli-e, nə say say he ɲi, ɔwa nə pensa he mi; kere nə malane mi mɔ wurɔ ka Kuru, hali mɔ Krayst Yisəs gbeɲ.

¹⁵Ko po yɔne ka emerá ya eruba ε nu-a? kotáy-e i seri ta átá nu kəpa, bepi pə gbəli naɲ yi ti ɔfɔy tay-e, nə tɔ kothi naɲ efər ε nu gbeɲ tɔ kəsɔɲ mi.

¹⁶Ɔwa i po səke utherane ka nu pəkasife i tɔri nu tateɲ-i?



- ¹⁷Afəm aŋe aŋ thens nu, kere ta ɔfino thahɔ; aŋ fela tɔ kɔwura nu kámá nɔ kál tɔŋ ŋa son.
- ¹⁸Pɛ yi ɔfino bepi afəm aŋ thens nu yasyas salata táy tɔfino lɔkɔ o lɔkɔ, pɛ yi hɛ gbo ma mineŋ i yi do rɔnu.
- ¹⁹Aŋfeth a mi, pɛ yi mɔ i yi rɔ akɛnt tɔ kɛkom ta átá nu haŋ Krayst ɔ yi rokor ka nu.
- ²⁰Yao i fela tɔ kɔyi do rɔnu ka-ake, de yi tɔ kɛsiŋkar árim ra mi; kotáy-e pɛ ketha mi ta átá nu.
- ²¹Kanɛ mi naŋ aŋa fela tɔ kɔyi ratha ka áŋthɔ sɔ-e, nɔ tɔl hɛ anthɔ-i?
- ²²kotáy-e a po gbal kɔpa, Ebrahim ɔ ba awuth aruni ŋarəŋ. ɔkin ɔ yi ka ɔtar ubera, ɔwa ɔkin ɔ yi ka ɔwanɔkom ubera.
- ²³ɔwe ɔ kom ka ɔtar ubera a kom kɔ ka matane ma mader ma rawuni kɔpet, kere kɔn ɔwe ɔwanɔkom ubera ɔ kom-e, a kom kɔ kɔtáŋane ka aŋlahiri.
- ²⁴Mátáy ame be mɔ yi mɔbalane, kotáy-e afəm abom aŋe aŋ tɔmá mɔ elemrane yerəŋ; ŋin a tɔp ka kateŋ ka Saynay, ɔwa a kom awuth ta rɔtar, kɔnɔ yi Hekar.
- ²⁵ɔwa Hekar ɔwe ɔ yi mɔ kateŋ ka Saynay ro Arebiya, kɔ bálane Yerusalem áke yi ka-ake áke yi ka ratar yi aŋwuth ŋəŋ.
- ²⁶Kere Yerusalem ɔwe yi rokɔm ɔ yi kɔyankaŋ, ɔwa kɔnɔ yi ɔkara kásu be.
- ²⁷kotáy-e a gbal kɔpa, Sel mɔbɔne muno ukonfereŋ ma mɔ te kom, Sel mɔbɔne muno ɔwe te tɔlne ɔbaŋ wa kɛkom, Pɛkasife ɔkonfereŋ ɔ ba awuth pɛthasi kɔn ɔwe ba uwos.
- ²⁸ɔwa awont, saŋ sɔ yi aŋwuth ŋa aŋlahiri mɔ Aysak ɔ yi.
- ²⁹Mɔ mɔ pɛ yi ka áŋlɔkɔ ŋati kɔpa, kɔn ɔwe a kom kɔtáŋane ka mader ma rawuni kɔpet ɔ sɔmpa kɔn ɔwe a kom kɔtáŋane ka ɔYina, ya pɛ yi sɔ ka-ake.
- ³⁰Kere to mágbal mɔsəm mɔ pa-i? Wurɔ ɔtar ubera yi ɔwan kəŋ; kotáy-e ɔwath runi ka ɔtar ubera ɔ ba hɛ kɔsɔthɔ kəŋ yi ɔwath runi ka ɔwanɔkom ubera.
- ³¹Tiyáŋ awont, saŋ sɔ yi hɛ awuth ŋa ɔtar ubera-e, kere ka ɔwanɔkom ubera.

Aŋkaletia 5

- ¹Tɔmá nu kəŋkəŋ ka ráwankom rəfino ara Krayst ɔ səŋ su; te sɔ sɔndne ka káronke ka rátar.
- ²ɔwa mine Pɔl, i pa do rɔnu, bepi nɔ wop kɛbirons-e, Krayst ɔ ba hɛ kɛmunanɔfas nu koko.
- ³kotáy-e i kál seri ti ka wuni o wuni ɔwe mɔ wop kɛbirons kɔpa ɔ ba tɔ kɔwop áŋthɔ be.



- ⁴Krayst ɔ yi he koko do rɔnu bepi nɔ sɔthɔ mɛmari ka ɔnɔhɔ; nɔ po fumpɔ kɛwur ka abɔŋa.
- ⁵kotɔy-e saŋ, kɔtɔŋɔnɛ ka ɔYina-e, sɔ kar kagbak ɔmerɔ ka mɔlompi ama mɔ der ka kɔlanɛ.
- ⁶kotɔy-e rokor ka Yisɔs Krayst kɔbirons thalɔm kɔte birons kɔ ba he tɔy o tɔy, thambe kɔlanɛ ɔke mɔ yɔ mɔpanth kɔtɔŋɔnɛ ka mɔbɔthɔr.
- ⁷Nɔ la gbukɛ asɔbɛ-e, kanɛ bent nu kɔmɔ nɔ te wop tateŋ-e?
- ⁸Kɔthɔksa kɔwunɔŋ kɔ wur he ka ɔwe muti nu.
- ⁹Egbith ethan ɛ fukɔs kaboth bɛ.
- ¹⁰I lanɛ ka ɔMarki kɔpa nɔ tɔ yi rim din yi minɛŋ. Kɛrɛ ɔwe mɔ sɔmpa nu ɔ tɔ sara kathɔŋkas kɔŋ, pɔ yi wuni o wuni.
- ¹¹Minɛŋ awɔnt, bepi i kawandi ras kɔbirons-e, tɔ pɔ som a kɔl sɔmpa mi-e? Bepi pɔ yi yaŋ-e, ɔtɔy tɔpɔnthɔla ta akɔnt kɔpɔŋkinɛ tɔ pɔŋ.
- ¹²I fela kaŋka ŋaŋ aŋa yɛthɔs nu aŋ gbɔkanɛ kɔtɔŋ ka nu.
- ¹³ɔtesoma-e, awɔnt, a po tela nu rɔ rɔwɔŋkom, kɛrɛ te gbo kianɛ rɔwankom ra nu mɔ afɛrɛ tɔ kɔlasɔr mafela ma mader, kɛrɛ kɔtɔŋɔnɛ ka mɔbɔthɔr-e, yɔnanɛ ukɔn dɛ yi ulɔm.
- ¹⁴kotɔy-e ɔlasɔr wa ɔnɔhɔ bɛ ɔ yi ka ɔŋpa ŋin aŋɛ; Bɔthɔr ɔfatɔnɛ ka mu mɔ mɔ mɔ bɔthɔrɛ.
- ¹⁵Bepi nɔ ŋansanɛ dɛ yi nɔ sɔmɔthɔnɛ-e, bumɛ nu ɔmerɔ kɔmɔ nɔ te dimsanɛ.
- ¹⁶ɔwa i pa hɔ, Kɔth nu ka ɔYina kɔmɔ nɔ te lasɔr ɛfela ɛlɔs ya mader.
- ¹⁷ɔtesoma-e mader mɔ tim ɔYina, dɛ yi ɔYina ɔ tim mader; pɔkasifɛ aŋ manɛ he hali; tiyɔŋ nɔ gbɔli he yɔ ɔtɔ nɔ yema yɔ.
- ¹⁸Kɛrɛ bepi ɔYina ɔ kɔtha nu-e, nɔ yi he sɔ ka ɔnɔhɔ ratha.
- ¹⁹ɔwa mɔyɔs ma mader mɔ tɔrinɛ gbafɔth, mɔ yi; kɔrɔp, kɔtayanɛ, kɔyifɔsɔnɛ, ɛfela ɛlɔs,
- ²⁰kɔramɛnɛ ɛyɛt ɛbumɔrɛnɛ, rɔmɛn, mɔgbɛŋanɛ, ɛputhanɛ, kɔtut, mɔbaŋ, kɔgbal, ɛpeskenɛ, mɔthɔksa mɔ rɔyem,
- ²¹ɛmile, kɔdif, kɔtis, kɔbɔthɔr ɛmet dɛ yi mɔtɔy mɔwunɔŋ; ta ɔte i kɔl maŋ nu, mɔ mɔ i la maŋ nu thɔŋ, kɔpa afɛm aŋa mɔ yɔ mɔtɔy mati amɛ aŋ gbɔli he sɔthɔ rɔbɔy ra Kuru.
- ²²Kɛrɛ mɔkomi ma ɔYina mɔ yi, mɔbɔthɔr, mɔbɔnɛ, mɔthɔfɔl, kɔmuyu, ɔney, mɔthɔth, kɔbɔthi lanɛ,
- ²³ɔmerɔ athoranɛ, kɔyɔ gbo gbɛt; athɔ ɔ thɔ aŋ yi he aŋa mɔ ŋamɛnɛ mɔtɔy amɛ.



²⁴Ɔwa afəm aña yi ka Krayst aň po tǎň mader yi enanɛ ya efela eləs yati ka akənt kəpəŋkine.

²⁵Bepi sə yi akəli kətǎŋǎnɛ ka ɔYina-e, maň kəth nu ka aňfəsɔ ŋa ɔYina.

²⁶Maň te nu fela ayiki afu fa fu, tə kəyɔ mǎtáy ama mə kǎrà kələsəranɛ emərə yi kətut.

Aŋkaletia 6

¹Awənt, bepi nə pəntnɛ wuni ka kayɔ ahakɛ-e, naň aña yi rə ɔYina nə yi tə kəkal təmsər ɔwuni kati rə ámerǎ athoranɛ; ɔwa bumnɛ, kǎmǎ naň sɔ nə te wəŋ ka agbənsanɛ.

²Marsanɛ nu kəsara etothe kǎmǎ nə lasər aňthɔ ŋa Krayst.

³Bepi wuni ɔ nanɛ ɔ yi wuni bana bana-e ma ɔ te yi koko-e, ɔ tənsnɛ.

⁴Kɛrɛ ta wuni o wuni ɔ thekthek mapanth məŋ, ɔwa di kati ɔ tə tǎrà bepi ɔ ba tǎy təkolonɛ ka aňyethɛ ŋəŋ son, pə yi hɛ ka wuni ləm.

⁵Átesoma-e wuni o wuni ɔ ba tə kəsara akothe kəŋ gbeŋ.

⁶Ɔwe ma thəksa ka ásim ta Kuru-e, ta ɔ yeranɛ eyet efino be ka ɔwe mə thəksa kɔ.

⁷Te nu selo a təns nu; pə fəyɛ sel Kurəŋ, kotáy-e koko ara wuni mə sak-e, raň mə rək sɔ.

⁸kotáy-e, kən ɔwe mə sak kətǎŋǎnɛ ka mader məŋ-e, ɔ tə rək kəthey kəwur ka mader; kɛrɛ kən ɔwe mə sak kətǎŋǎnɛ ka ɔYina-e, ɔ tə rək aňesəm thəbana kəwur ka ɔYina.

⁹Maň te nu gbəgbətha rə kəyɔ ɔfino, kotáy-e ka aləkɔ agbut sə tə rək bepi sə thamrɔ hɛ.

¹⁰Tiyǎŋ mə mǎ sə ba afɛrɛ-e, maň yɔ nu ɔfino ta afəm be, ɔwa pə tha gbethi salata ŋaň aña yi akos a su ka kǎlanɛ.

¹¹Kəli ko esikra ebana i gbalər nu ka kǎta kǎmi gbeŋ!

¹²Afəm aña yema tərɪnɛ ka mader ma rawuni kəpɛt-e, ŋa korakora nu kǎmǎ a birons nu; kɛrɛ a yɔ ti gbo kǎmǎ a te ŋa səmpar salata akənt kəpəŋkine ka Krayst.

¹³kotáy-e hali aňfəm aňe gbeŋ aň wop hɛ aňthɔ, aň yema gbo a birons nu kǎmǎ aň gbəli kori korine ka mader ma nu.

¹⁴Kɛrɛ ta pə bəlǎnɛ mi tə kəyikisnɛ thambe ka akənt kəpəŋkine ka ɔMarki kǎsu Yisəs Krayst ro pə yi a tǎň tǎň ádǎru ka apənki ta átǎ mi, de yi minɛŋ ta ádǎru.

¹⁵kotáy-e kǎbirons thaləm kəte birons kə yi hɛ koko rokor ka Krayst Yisəs, thambe məbempa məfu gbo.

¹⁶Ɔwa afəm aña kəth ka aňthɔ aňe, ta məthəfəl de yi áney aň yi do rəŋaň, de yi sɔ rokəm ka aňIsrəl ŋa Kuru.



¹⁷Kətəp ka-ake ta wuni o wuni ɔ te mi sɔmpar, átesoma-e i ba tábur ka ánder a mi ta ɔMarki Yisɔs.

¹⁸Awɔnt, áŋboŋa ŋa ɔMarki kásu Yisɔs Krayst ta aŋ yi ka emerá ε nu. Amina.



Aḡefisɔs

Aḡefisɔs 1

- ¹Pəl, usom ka Yisɔs Krayst kətaŋ ka məselɔ ma Kuru, ka aŋsəm aŋa yi ro Efisɔs, yi ka aŋlane rokor ka Krayst Yisɔs.
- ²Ta aboŋa de yi məthɔfəl aŋ yi do rɔnu, kəwur ka Kuru ɔKas kəsɔ yi ɔMarki Yisɔs Krayst.
- ³Sə ruba Kuru Məsaba ɔKas ka ɔMarki kəsɔ Yisɔs Krayst ɔwe po ruba su re yi eruba eye ro Yina be ka ɔyira wa riyana rokor ka Krayst.
- ⁴Mɔlɔ ma Kuru-e, ɔ po thith su rokor ka Krayst yenka ɔ təmər ádaru, kámá sə gbəli yi asəm de yi apaŋi táy rodi kəŋ ka məbɔthər.
- ⁵kotáy-e ɔ bot su thəpaŋ tə kəsɔthɔ matəma gbeŋ ma awuth asabu ŋa Yisɔs Krayst, mə mə məthesá ma məselɔ məŋ mə yi
- ⁶ka káthəkəs ka aŋyiki ŋa áŋboŋa ŋəŋ aŋa ɔ po səŋ su kəyaŋkaŋ kətáŋəne ka ɔwe ɔ bɔthər.
- ⁷Ɔwa, do rəŋəŋ, a bani su kətaŋ ka mătir məŋ, pə yi mə-e, káterɔ ka ehake kətáŋəne ka rayola ra áŋboŋa ŋəŋ,
- ⁸aŋa ɔ yer su ɔgbáthi ɔlay rə kətemp de yi kətara táy be,
- ⁹ma ɔ poŋ tɔri su aŋgbundu ŋa məselɔ məŋ, mə mə məselɔ məŋ məfínɔ mə yi ama ɔ ba ka aŋyethe ŋəŋ.
- ¹⁰Kámá pəyi, má áŋlɔkɔ aŋ lasər-e, ɔ gbəli thonkla mătáy be rəkin rokor ka Krayst, pə yi mătáy ama yi ro riana-e, de yi ama yi ka raru-e.
- ¹¹Rokor kəŋ sɔ-e sə po sɔthɔ akeŋ, ma a thith su thəpaŋ kətáŋəne ka kathithəs ka ɔwe mə yɔ mătáy be mə mə áŋnane ŋa məselɔ məŋ aŋ yi.
- ¹²Kama saŋ aŋa mətha bot emerá ε su ka Kraystáŋ, sə tə yi ka káthəkəs ka aŋyiki ŋəŋ.
- ¹³Do rəŋəŋ nə bot emerá ma nə poŋ təl árim ra táteŋ, mapa məfínɔ ma Kuru ka kakisis ka nu. Ɔwa ma nə po lane kɔ-e, a mathle nu yi ɔYina məsəm ɔka aŋlahiri,
- ¹⁴ɔwe yi masəke ma akeŋ kəsɔ, haŋ kabani kati kə gbenthis, kəkɔ ka káthəkəs ka aŋyiki ŋəŋ.
- ¹⁵Tiyáŋ mine sə, ma i po təl ta kálane áke yi kətəŋ ka nu ka ɔMarki Yisɔsáŋ, de yi məbɔthər ama nə ba ka aŋsəm be-e,
- ¹⁶i tey he tə kəsəŋ mómɔ ta áta nu, ma i bontəs nu ka taramne ta mi,
- ¹⁷kámá ɔKuru ka ɔMarki kəsɔ Yisɔs Krayst ɔKas ka ayiki ɔ səŋ nu áŋmerá ŋa kətemp yi kəŋaybi táy tə kətara kɔ.



¹⁸Tə kəyi a səkəth efər ya emerà ε nu kāmà nə tārà ko kəgbak àmerà nə ba ka kamuti kəŋ, de yi ko yi rayola ra aŋyiki ŋa akəŋ kəŋ ka aŋsəm,

¹⁹de yi ko aŋfəsə ŋəŋ ŋə yi abana ɔthasər-e do rəsu aŋa lanε, mə mə kəgbəli kəŋ kəninis kə yi,

²⁰àke ɔ yə ka àŋgbàp ŋa Krayst, ma ɔ yokas kə ka rafi, kə yə kə ɔ yirà ka kàdiyə kəŋ ka ɔyira wa riyana,

²¹ɔbəli rəkəm ka rəgbəka bε, afəsə bε, amarki bε, yi tábáy bε de yi ka ŋes o ŋes aŋa a bont, pə yi hε ka ádàru are gbo gbət, kεrε ka ádàru ara ba kəder sə.

²²kə po bot tày o tày ka átátək təŋ ratha, kə yə kə ɔ yi rəbomp ra tày o tày ka aŋchəch,

²³aŋa yi àŋder ŋəŋ, ɔlasər wa kən ɔwe mə lasər der o der yi tày o tày.

Aŋefisəs 2

¹Ɔwa naŋ sə, Kuru ɔ po kəlis nu ma nə la yi ras afi ka ehake yi màyəs ma nu mələs;

²ro pə yi nə la kəth ka matanε ma ádàru are, kətəŋəne ka ɔbáy ka efəsə ya aŋfena, pə yi mə-e aŋyina aŋa mə korakora emerà ya aŋwuth áthánthone.

³Saŋ sə sə la yirà kətəŋ ka ŋaŋ ka maləs ma mader ma su, rə kətəŋ gbo mafela ma mader de yi enane yati; pəkasiŋe kətəŋəne ka kakom kásu sə yi saŋ aŋwuth ŋa rəbaŋ, mə afəm aləm bε.

⁴Kεrε Kuru ɔwe ba àney abana-e, kəwur ka mabəthər məŋ məbana ama ɔ po bəthər su-e,

⁵hali ma sə yi saŋ afi ka ehake-e, ɔ kál səŋ su aŋesəm de yi Kraystəŋ, (a kisis nu ka aboŋa);

⁶kə yokas su de yi kən, kə yə su sə yirà de yi kən ka riyana rokor ka Krayst Yisəs;

⁷kama-e, ka eləko eye ba kəder-e, ɔ gbəli təri rayola ra aŋboŋa ŋəŋ abana kətəŋəne ka mathəth məŋ ta átà su rokor ka Yisəs Kraystəŋ.

⁸kotáy-e rá aboŋa a kisis nu asabu ŋa kəlanε; pə yi hε ka aŋfəsə a nu, pə yi aŋboya ŋa Kuru Məsaba.

⁹Ka màyəs thahə ta thani wuni o wuni ɔ kori korine.

¹⁰kotáy-e saŋ sə yi mapanth ma mätä məŋ-e, kə bempa su rokor ka Yisəs Krayst ta màyəs məfinə ama Kuru ɔ bot thəpaŋ kāmà sə kəth rə kəyə ma.

¹¹Tiyəŋ kala nu àmerà kəpa naŋ nə la yi təbona tələm ka rawuni kəpet-e, aŋa aŋbiron s aŋ tela ante biron s kabiron s àke ma yə rε mətə maŋ ley.

¹²Àŋləko ŋati nə tε hε Krayst, ka a gbaski nu ka andure ŋa Isrəl, pə yi mə-e, nə yi gbo atik ka aŋlemranε ŋa aŋlahiri, ɔwa nə ba hε kəgbak àmerà thaləm Kuru Məsaba ka ádàru.



13 Kere ka-ake ka Yisós Kraystán ñaŋ aña la yi abólané-e, a yó nu nə fatər gbep̄ti asabu ña mātir ma Kraystán.

14 Átesoma-e kónó yi mathófəl ma su, ówe pōŋ səki aŋYuda de yi tábona təlóm afəm ñin, ówa sò-e, ó yeksi aŋgbingbiŋ aña yi kətōŋ kásu;

15 ma ó po nōy ka áŋder ñōŋ magbeŋane, pə yi mō-e áŋthó ña eyamari eyé a po gbal, kámá pə re yi rokor ka aŋyethe ñōŋ-e, afəm ñarəŋ aŋe aŋ səke wuni kin ufu, ówa yaŋ ó bempa məthófəl.

16 Kama ó yó aŋYuda de yi tábona təlóm saŋ ñarəŋ sə kál mane de yi Kurōŋ mō ader ñin asabu ña akənt kəpəŋkine-e, ro pə yi magbeŋane mati mə pōŋ.

17 Tiyán Yisós ó der ó kawandi məthófəl do rónu aña yi abóli de yi sò rəŋaŋ aña yi afati.

18 Átesoma-e kətāŋ do rəŋōŋ-e, saŋ be sə sóthó rōŋ ra kəwōŋ ka óKas kətāŋane ka óYina ukin.

19 Te ba ti nə yi he sò atik de yi afəm átel, kere nə yi aŋkos ña aŋfəm ña Kuru, nə yi ka kabər ka Kuru.

20 Ka a təmər nu rokóm ka ótəmər wa aŋsom de yi Aŋnábi, ówa Yisós Krayst kón kónone ó yi aŋsar átótókó ña áŋkōŋ;

21 ro pə yi áŋseth alolok be aŋ gbep̄tane de yi aŋ bārne haŋ aŋ səke aseth asəm ta Kuru rokor ka óMarki.

22 Kətāŋ do rəŋōŋ naŋ sò a kál seth nu der ókin kámá nə yi der óyiya wa aŋyina ña Kuru.

Aŋefisós 3

1 Te ba ti-e, mine Pól, ókendebira ka Yisós Krayst salata naŋ təbona təlóm-e,

2 bepi nə po təl ta mapanth ma kəkótha áŋboŋa ña Kuru ama a maŋkər mi ta átá nu-e;

3 tə kəyi a ñaybi ti do rəmi kámá i sóthne aŋgbundu, mō mō i po thōŋ gbal rə sim təthan,

4 kámá pə yi ma nə karaŋ nə tə tārà kásóthne kámi ka aŋgbundu ña Kraystán.

5 A la he təri ñi ka aŋwuth ña afəm thəpaŋ, mō má a pōŋ thōŋ ñaybi ñi ka-ake ka aŋsom ñōŋ asəm de yi Aŋnábi kətāŋane ka óYina məsəm;

6 tə kəyi tábona təlóm aŋ sóthó keŋ yi saŋ ka aŋ yi ader ñin de yi saŋ, ówa aŋ yi ayerane ña aŋlahiri rokor ka Yisós Kraystán asabu ña mapa məfinó ma Kuru.

7 A səki mi áböy ña ákera kati kətāŋane ka áŋboya ña áŋboŋa ña Kuru-e, aña a sōŋ mi kətāŋ ka kagbéli ka aŋfósó ñōŋ.



⁸Do rōmi-e, ɔwe yi uyay thɔŋ be ka aŋsəm-e, a maŋkər aŋboŋa aŋe kāmā i kawandi ka tábona təlɔm rayola rəninis ra Krayst,

⁹de yi kāmā i yɔ afəm be aŋ nən̄k ko yi mabotəs ma aŋgbundu aŋa a po maŋk ka aŋmerā ŋa Kuru kábi ka ɔtəpər wa ádāru, ɔwe po bempa eyet be ka Yisəs Kraystāŋ.

¹⁰Kama aŋchɔch ka-ake aŋ gbəli yɔ aŋkərbomp de yi efɔsɔ ya ákəriyana aŋ tārā kátəmp kəgbaske gbaske ka Kuru.

¹¹Mátáy ame mə yi kətāŋáne ka mabotəs mɔŋ ma thəbana ama po yi rokor ka Yisəs Krayst ɔMarki kásu.

¹²ɔwa sə ba kəmintha de yi aroŋ ra káwɔŋ-e rə kəpələnə ŋa kálane kásu do rəŋɔŋ.

¹³Tiyāŋ i nəmthene nu kāmā emerā ε nu ε te ranta salata esəmpane ε mi ta átā nu, eye yi ayiki a nu.

¹⁴Ta aŋsabu aŋe i sɔ tawu ta mi ka ɔKas ka ɔMarki kásu Yisəs Kraystāŋ,

¹⁵ɔwa kəwur do rəŋɔŋ ŋa seŋk ro riyana yi ka ádāru aŋ sɔthɔ ŋes,

¹⁶kāmā ɔ yɔ nu kətāŋáne ka ɔlasər wa aŋyiki ŋɔŋ, kāmā nə baksər rə aŋfɔsɔ ŋa ɔYina ŋɔŋ ka rafəm ra nu;

¹⁷kāmā Krayst ɔ gbəli yirā ka emerā ε nu ka kələnə; kāmā pə yi ma nə ba ethəŋk yi ɔtəmər ka məbɔthər-e,

¹⁸nə gbəli yi abáki məder tə kətara de yi aŋsəm be-e, ko yi ɔware-o, ɔbɔli-o, ɔbɔli rəkəm-o, de yi ɔbɔlɔŋ; de yi hali tə

¹⁹kətara məbɔthər ma Krayst ama mə thasi kətara táy be, kāmā a namsir nu yi ɔlasər wa Kuru be.

²⁰ɔwa do rəŋɔŋ ɔwe mə gbəli yɔ kalɔ kalɔ pəthas átā sə thola thalɔm átā sə nanə-e, kətāŋáne ka aŋfɔsɔ aŋa mə yɔna rokor kásu,

²¹ɔwa ta ayiki aŋ yi do rəŋɔŋ rokor ka aŋchɔch de yi ka Yisəs Krayst haŋ thɔŋ təkɔmra be, thánkāŋ o thánkāŋ. Amina.

Aŋefisɔs 4

¹Tiyāŋ minəŋ, ɔkendəbira ka ɔMarki, i nəmthene nu kāmā nə kɔth mə mə nə yi tə kəkɔth ka katela áke a poŋ tela nu,

²rə emerā ethorane de yi məthɔfəl be, yi kəmuyu táy, ɔwa sɔ-e, muyusane nu rə məbɔthər.

³Básər nu kəba ámerā ŋin ka ɔYina rə məsekəranə ma məthɔfəl.

⁴Ader ŋin aŋ yi, de yi ɔYina ukin, ya pə yi sɔ a tela nu ka kəgbak ámerā kin ka kamuti ka nu.



- ⁵ƆMariki ukin ɔ yi, yi kəlanɛ kin, dɛ yi kəbaftays kəsəm kin,
- ⁶ɔwa ɔKuru ukin sɔ, ɔKas ka bɛ ɔwe yi rokɔm ka koko bɛ, ɔwe lasɛr tɔy o tɔy, ɔwa ɔ kɔl yi rokor ka bɛ.
- ⁷Kɛrɛ a sɔŋ su kin o kin aboŋa kətɔŋɔnɛ ka anthuntha ŋa aŋboya ŋa Krayst.
- ⁸Te ba ti ɔ pa, Ma ɔ ŋat rokɔm ɔ kera atendɛbira agbathi, Ɔwa ɔ sɔŋ ɛboya ka aŋfɛm.
- ⁹(Kɛrɛ kɔpa, Ɔ ŋat rokɔm, ko kɛ yi thambe kɔpa ɔ la thor sɔ ka aŋthɔf ratha-e?
- ¹⁰Kɔn ɔwe thor roratha-e, ɔkin kati ɔ kɔl ŋat ɔbɔli rɛkɔm ka akariyana bɛ, kɔmɔ ɔ gbɔli lasɛr tɔy o tɔy).
- ¹¹Ɔwa ɔ thith alɔm tɔ kɔyi asom; alɔm tɔ kɔyi anabi; alɔm sɔ mɔ akawandi; ɔwa ɔ thith alɔm tɔ kɔyi akɔlanɛ ŋa aŋchɔch dɛ yi akarmɔkɔ,
- ¹²salata kagbenthis ka aŋsɛm, ta mapanth ma kɔbatho dɛ yi tɔ kɔbaksɛr aŋdɛr ŋa Krayst.
- ¹³Haŋ saŋ bɛ sɔ sɔthɔsne aŋmerɔ ŋin ŋa kɔlanɛ dɛ yi kɔtara ka ɔWan ka Kuru, pɔ yi mɔ sɔ bek ka rawuni rɛgbenthis, ka kateŋa ka ɔlasɛr wa Krayst.
- ¹⁴Kama sɔ te sɔ yi afeth aŋa aŋfɛf ŋa kɔthɔksa o thɔksa mɔ aŋ falir-e, pɔ yi mɔ ayaŋfa ŋa afɛm ka masɔth maŋ rɔ kɔyɔ kɔrafu kɔrafu.
- ¹⁵Kɛrɛ sɔ yi tɔ kɔfɔf tɔtɛŋ ka mɔbɔthɛr, kɔmɔ sɔ tɛŋa do rɔŋɔŋ ka mɔtɔy bɛ, ɔwe yi rɔbɔmp ra su, Krayst kɔn kɔnɔnɛ.
- ¹⁶Ɔwa kɔwur do rɔŋɔŋ aŋdɛr bɛ aŋ gbɛptanɛ ka matɔsanɛ ma akotir o kotir kati mɔlɔ ma mapanth mɔmari mati mɔ yi-e, kaŋ bɔk dɛ yi aŋ bɔrɛnɛ ka mɔbɔthɛr.
- ¹⁷Atesoma-e i maŋ nu, ɔwa i nɛmthɛnɛ nu ka aŋɛs ŋa ɔMarki kɔmɔ nɔ te sɔ kɔth mɔ tɔbona tɔlɔm mɔ aŋ kɔth, ka emɛrɔ yaŋ ɛfoth.
- ¹⁸Maŋ ba emɛrɔ ɛbi, ɛbɔlanɛ kɔwur ka aŋɛsɔm ŋa Kuru asabu ŋa kate tɔrɔ ake yi rokor ka ŋaŋ, ka kagbolŋanɛ ka emɛrɔ yaŋ.
- ¹⁹Aŋfɛm aŋɛ maŋ ba emɛrɔ ɛgbɔrfanɛ-e, aŋ sɔndɛnɛ tɔ kɔyɔ tɔy o tɔy tɔyifas, rɔ ɛfɔr emara.
- ²⁰Kɛrɛ yaŋ tha nɔ la thɔkɔs ka Kraystaŋ,
- ²¹bɛpi pɔ yi ti yaŋthi kɔpa nɔ po tɔlɔ kɔ, ka a po thɔksa nu mɔ tɔtɛŋ tɔ yi rokor ka Yisɔsɔŋ.
- ²²Kama nɔ bus aruma ra rawuni kur yi matanɛ ma nu thɔpaŋ ara mɔ bɔr gbo lɛsɛrɛnɛ ka emile ɛyaŋfa.
- ²³Ɔwa yɔ kɔmɔ a fus nu ka ɛyina ya emɛrɔ ɛ nu.
- ²⁴Wɔŋ nu aruma ra rawuni fu, ɔwe a tɔpi rɔ mɔbalanɛ ma Kuru rɔ mɔlompi yi mɔsɔm ma tɔtɛŋ.



- ²⁵Tiyàŋ gbapɛ nu rɛyem, ɔwa ta wuni o wuni ɔ fɔf táteŋ ka ɔfatane kɔŋ; átesoma-e sɔ yi mɛlaŋktha ukin ka ulɔm.
- ²⁶Bepi nə bansá-e, bumne nu kámá nə te yɔ ahakɛ. Te nu selɔ aret rɛ wɔŋ ka rabaŋ da nu.
- ²⁷Ɔwa te nu sɔŋ Sethani der.
- ²⁸Ɔwe la keya, ta ɔ te sɔ keya, kɛrɛ ka ɔpeskiane wati ɔ yi tɔ kɛyɔ mɛpanth yi máta mɔŋ gbeŋ átá yi tɔfinɔ, kámá ɔ ba rɛka tɔ kɛsɔŋ kɔn ɔwe te ba koko.
- ²⁹Te nu selɔ rim o rim rɛlɛs rɛ wur ka tasɔŋ ta nu, kɛrɛ fɔf gbo sim tɔfinɔ átá mɛ yi tɔbeki tɔ kɛsɔŋ aboŋa ka ŋaŋ aŋa mɛ tɔl.
- ³⁰Ɔwa te nu bansɛs ɔYina mɛsɛm ka Kuru, ma pɛ yi a mathlɛ nu do rɔŋɔŋ haŋ aŋrey ŋa kabani.
- ³¹Gbapɛ nu ámerá arɔŋkɔth-e, rɛbaŋ-e, mɛthekɛ-e, kɛthoŋka thoŋka de yi ámerá alɛs tɔtɔp bɛ,
- ³²ɔwa ba nu mɛthɔth de yi áney ɔkin ka ulɔm; tera nu ukin de yi ulɔm mɔlɔ min mɔ mɛ Kuru ɔ poŋ tera nu salata Krayst.

Aŋefisɔs 5

- ¹Te ba ti, tansane Kuru mɔ afɛth abɔthɛr.
- ²Kɔth nu ka mɛbɔthɛr mɔ Krayst sɔ ɔ po bɔthɛr su, kɔ sɔndne ta átá su sathka de yi aboya ŋa abɔnt afɔlfɔl ka Kuru.
- ³Kɛrɛ kárɔp-o, kátayane bɛ-o, ta a pa ras emile-o, ta a te sɔ bont yi kɛtɔŋ ka nu, mɔ má aŋsɛm aŋ yi tɔ kɛyɔ.
- ⁴Sobine nu kɛfɔf káyifas thalɔm káfɔf kɛpɛnk, ta a pa ras mágbati mɛyay. Mátáy ame bɛ mɛ mar he koko, kɛrɛ yi nu temp temp tɔ kɛsɔŋ mɔmɔ.
- ⁵kotáy-e nə tárá ti tɔ tentene kɛpa wuni rɛpi, thalɔm wuni nɔkɔ-e, thalɔm wuni ba efɔr eyamari-e, ɔwe yi mɔ ubátho arɔŋ-e, ɔkati ɔ ba he ani ka rábáy ra Krayst yi Kurɔŋ.
- ⁶Te nu selɔ wuni o wuni ɔ tɔns nu rɛ sim tɔfoth; kotáy-e salata mátáy ame rabaŋ da Kuru rɛ derɛr aŋwuth áthánthone.
- ⁷Tiyàŋ te nu kulune yi ŋaŋ,
- ⁸kotáy-e nə yi thɛpaŋ ka asum, kɛrɛ ka-ake nə yi ɔwaŋ ka ɔMarki. Kɔth nu mɔ awuth ŋa ɔwaŋ;
- ⁹átesoma-e mákomi ma ɔYina mɛ yi ka mɛthɔth bɛ yi mɛlompi yi tɔteŋ.
- ¹⁰Thɛkɛs nu-e kámá nə tárá ko mɛ bɔnes ɔMarki.
- ¹¹Ɔwa te ba mɛmanɛ yi máyɔs ma aŋsum mɛkoŋfereŋ, kɛrɛ beta ti, ŋal ma nu.



- 12Pəkasiŋe pə yi məlap hali tə kəbont mātáy ama mə aŋ yə rə ámánkne.
- 13Kere a gbəli memər táy o táy ka ɔwaŋ kámá nə tǎrá bepi tə yi tətəŋ; kotáy-e táy o táy áta mə wur gbafəth tə yi ɔwaŋ.
- 14Tiyáŋ ɔ pa, Thəme munə ɔwe dirá-e, yokane ka rafi, ɔwa Kraystáŋ ɔ tə səŋ mu áŋmothá.
- 15Tiyáŋ gbəŋgbene nu kəthegbe to má nə kəth-e, kámá pə te yi mə afəm apənk, kere ta pə yi mə atempi.
- 16Lasər nu aləkə o ləkə rə kəyɔ ɔfinə, pəkasiŋe marey ame mə yi mələs.
- 17Owa te nu yi mə afəm aŋa te tǎrá, kere səthne ko mǎselə ma ɔMarki mə yi.
- 18Te nu tis ka máber, rə kəthasərne; kere yi nu anámrá yi ɔYina məsəm.
- 19Fəfáne nu ka áŋSams de yi məleŋ məsəm tətəp tətəp, ɔwa leŋ nu tə kəthəkəs ɔMarki ka emerá e nu.
- 20Səŋ Kuru ɔKas məmə aləkə be ta táy o táy ka áŋes ŋa ɔMarki kásu Yisəs Kraystáŋ.
- 21Sane nu ɔkin ka uləm rə kənesa Kuru.
- 22Naŋ arani, sane nu ka awos a nu, mə ka ɔMarki,
- 23átesoma-e ɔwos ɔ yi rábomp ra ɔrani, hali mə Krayst ɔ yi rábomp ra aŋchəch, pə yi mə-e, áŋder ŋəŋ. Owa kəɔ gbeŋ ɔ yi ɔKisis kati.
- 24Owa mə má aŋchəch aŋ sane ka Kraystáŋ, yaŋ arani aŋ yi tə kəyɔ ka aŋwos ŋaŋ rə táy o táy.
- 25Naŋ awos, bóthər nu arani a nu, mə mə Krayst ɔ bóthər aŋchəch, kə kál səndne ta atəŋ,
- 26kámá ɔ gbəli səməs kə mə ɔ po fethər kə ka mánt kətáŋáne ka árim rəŋ,
- 27kámá ɔ gbəli səŋ aŋchəch do rəŋəŋ mə agbane ŋa aŋlane agbenthis, aŋa te ba apora, thaləm akompthane, thaləm táy o táy təwunəŋ; kámá aŋchəch aŋ gbəli yi asəm kəte ba mətheke be.
- 28Yaŋ awos aŋ yi tə kəbóthər aŋrani ŋaŋ mə mə aŋ bóthər mader maŋ gbeŋ. Owe bóthər ɔrani kəŋ-e, ɔ bóthərne.
- 29kotáy-e wuni o wuni ɔ yi he ɔwe gbeŋa áŋder ŋəŋ; kere ɔ səŋ ŋi da rədi, ɔwa ɔ kəlianə ŋi mələ min mə Kraystáŋ mə raŋko aŋchəch.
- 30Pəkasiŋe sə yi malaŋktha ma áŋder ŋəŋ.
- 31Te ba ti ɔruni ɔ tə tey ɔkas de yi ɔkara kəŋ, ɔwa ɔ tə sekəranə yi ɔrani kəŋ-e. Owa ŋa ŋarəŋ aŋ tə səke ader ŋin.
- 32Aŋgbundu aŋe aŋ yi abana; ɔwa i fəf ta Krayst de yi aŋchəch.



³³Kere ta ɔruni o runi ɔ bother ɔrani kɔŋ mɔ mɔ botherne; ɔwa ɔrani ɔ yi sɔ tɛ kɔyikis ɔwos kɔŋ.

Aɲefisɔs 6

¹Afeth, wop nu ɔrim ra aɲa kom nu rokor ka ɔMarki, pɛkasife tɔy tɛlɔmpi tɔŋ.

²Yikis ɔkas de yi ɔkara ka mu, (aɲe ɲɔ yi ɔŋthɔ ɔtɔtɔkɔ aɲa ba alahiri),

³kɔmɔ pɛ yi nu ɔfinɔ de yi kɔmɔ nɛ bɔl ɲesɛm ka ɔdɔru.

⁴ɔwa naɲ akas, te nu bansɛs aɲwuth a nu, kere rusɛm ɲa ka kathɛksa de yi ɛmaɲ ya ɔMarki.

⁵Naɲ ɛbɔy, wop nu ɔrim ra ɲaɲ aɲa yi amarki a nu ka rawuni kɔpet, rɔ rɛnes yi kɔyer, de yi rɔ ɔmerɔ ɔferɔ, mɔ ka Krayst.

⁶Ta pɛ te yi rɔ kɔyɔna gbo ro der ka ɲaɲ kɔri, mɔ ɲaɲ aɲa mɔ yɔr tɛ kɛbɔnes afɛm. Kere ta pɛ yi mɔ ɛbɔy ya Krayst aɲa mɔ yɔ mɔselɔ ma Kuru ka ɛmerɔ yaɲ.

⁷Yɔ nu mapanth ma nu rɔ kɛselɔ kɛfinɔ mɔ ta ɔMarki, pɛ yi he ta afɛm.

⁸Nɛ tɔrɔ kɔpa tɔy o tɔy tɛfinɔ ɔtɔ wuni o wuni ɔ yɔ, ɔ tɛ sɔthɔ ɔɲrɔm ɲati ka ɔMarki, bepi pɛ yi utar thalɔm uwaɲkom.

⁹ɔwa naɲ amarki, yɔ nu yaɲ sɔ do rɔɲaɲ, ɔwa te gbind ɲa; fɔtha nɛ tɔrɔ kɔpa ɔMarki ɔka nu de yi ɔka ɲaɲ ɔ yi ro riyana, ɔwa kɔnɔ ɔ ba he agbɔy.

¹⁰Ka kalɛpsɔ, aɲwɔnt a mi, yi nu abɔki mɔder ka ɔMarki, de yi ka aɲfɔsɔ ɲa kagbɔli tɔy kɔŋ.

¹¹Wɔɲ nu ɛyɛt ɛtima be ya Kuru, kɔmɔ nɛ gbɔli tɔmɔ tɛ kɛtham masɔth ma Sethani.

¹²kɔtɔy-e katim kɔsu kɛ yi he kɔɲamne mɔder yi mɔtir, kere kɔɲamne ɲatɛbomp-e, tɛbay-e, aɲgbɔka ɲa ɔɲsum ɲa ɔdɔru are-e, de yi kɔɲamne ɛyina ɛlɛs ya aɲfena.

¹³Tiyɔɲ gbasi nu ɛyɛt ɛtima ɛlolok be ya Kuru, kɔmɔ nɛ gbɔli tɔmɔ ka ɔɲrey alɛs, ɔwa kɔdarɛɲ ka ma nɛ pɔɲ yɔ be-e, nɛ kɔl tɔmɔ ɔbaksɔr.

¹⁴Tiyɔɲ, tɔmɔ nu, ma nɛ po sene ɛfi ɛ nu rɔ tɔtɛɲ, de yi nɛ po wɔɲ rafat ra aɲkɔpɛt ra mɔlɔmpi.

¹⁵ɔwa sɔ-e, wɔɲ nu ɛkɔftha ya ɛgbatene ya ɔkɛra kɛfinɔ ka mɔthɔfɛl.

¹⁶Pɛ thas ri sɔ-e, gbasi nu ɔɲbintha ɲa kɔlanɛ, ɔwa di kati nɛ tɛ gbɔli dimsi mɔsenɔ mɔmara be ma ɔkɔrɛfi ulɛs.

¹⁷ɔwa gbasi nu sɔ aɲsɛnder ɲa kɔkisi, de yi aɲgbathɔ ɲa ɔYina, aɲa yi ɔrim ra Kuru.

¹⁸Lɔkɔ o lɔkɔ ramne nu rɔ kɔnɛmthene be ro Yina, ɔwa bum nu rɔ kɔmuyɔ be de yi tɔramne salata aɲfɛm asɛm be.



¹⁹De yi ta átà mi sɔ, kámà a sɔŋ mi sim de yi kəmintha kámà i gbəli tɔri aŋgbundu ŋa àkera kəfɪnɔ ka Kuru Məsaba kəte ba rənes.

²⁰Ɔwa ka àŋsabu aŋe i yi usom ka tɔrentha, kámà i gbəli fɔf rə kəmintha mɔ mɔ i yi tɔ kəfɔf.

²¹Kere kámà naŋ sɔ nɔ gbəli tără mătáy ma mi de yi átà i yɔ-e, Tikikɔs ɔwɔnt ubɔthər de yi ubɔthi lanɛ ka ɔMarki, ɔ tɔ tɔri nu mătáy be.

²²I pɔŋ som kɔ do rɔnu kámà nɔ tără ta átà su, de yi kámà ɔ befəth ɛmerá ɛ nu.

²³Ta məthɔfəl mɔ yi ka aŋwɔnt de yi məbɔthər rə kələnɛ, kəwur ka Kuru ɔKas de yi ɔMarki Yisɔs Kraystəŋ.

²⁴Ta aboŋa aŋ yi de yi ŋa be aŋa bɔthər ɔMarki kàsɔ Yisɔs Kraystəŋ rə àmerá àferá. Amina.



Aŋfilipai

Aŋfilipai 1

- ¹Pɔl yi Timothi-ɛŋ, ɛbɔy ya Yisɔs Krayst, ka aŋsɛm bɛ aŋa yi ka Krayst Yisɔs ro Filipay, yi aŋgbɛka dɛ yi aŋkɛlia.
- ²Ta aboŋa yi mɛthɔfɛl mɛ yi do rɔnu kɛwɔr ka Kuru ɔKas kɛsu, yi ka ɔMarki Yisɔs Krayst.
- ³I mɛmɔ ɔKuru kɛmi lɔkɔ o lɔkɔ ma i nanɛ nu,
- ⁴ɔwa ka taramnɛ ta mi bɛ i thola ta ɛtɛ nu bɛ yi mɛbɔnɛ,
- ⁵salata mamane ma nu ka ɛkɛra kɛfinɔ ka Kuru kɛbi ɛŋrɛy ɛtɔtɔkɔ haŋ mɔ yaŋ.
- ⁶Ka i lane ti ɔbaksɛr kɛpa, kɛnɔ ɔwe po tɛp mɛpanth mɛfinɔ rokor ka nu-e, ɔ tɛ pɔns ma haŋ ka ɛŋrɛy ŋa Yisɔs Krayst.
- ⁷I ba mɛmari tɛ kɛnanɛ ɛtɛ ta ɛtɛ nu bɛ, kotɛy-e i ba nu ka ɛŋmɛrɛ a mi, ɔwa ma i yi ukɛndɛbira dɛ yi ma i tɛmɛ tɛ kɛgbaki dɛ yi tɛ kɛsɛri ta ɛkɛra kɛfinɔ-e, naŋ bɛ nɔ yi ayɛranɛ ka aboŋa ŋin ŋati yi minɛŋ.
- ⁸Kuru ɔ yi masɛri ma mi ko kiro i ba ta ɛtɛ nu bɛ ka mabɔthɛr ma Yisɔs Kraystɛŋ.
- ⁹Ta ɛtɛ sɔ-e i ramnɛ kɛmɛ mabɔthɛr ma nu mɛ gbɛli bɛrnɛ haŋ ka kɛtara dɛ yi kɛtemp bɛ.
- ¹⁰Kama nɔ thith mɛtɛy mɛfinɔ; kɛmɛ nɔ yi tɛtɛŋ, kɛtɛ ba mɛthɛkɛ haŋ ka ɛŋrɛy ŋa Yisɔs Krayst.
- ¹¹Kama nɔ la yi mɛkomi ma mɛlɔmpi ama dɛr kɛtɛŋɛnɛ ka Yisɔs Krayst kɛkɔ ka aŋyiki dɛ yi kɛthɔkɛs ka Kuru Mɛsaba.
- ¹²Kɛrɛ awɔnt, i yɛma kɛmɛ nɔ tɛrɛ kɛpa mɛtɛy ama po sɔmpa mi mɛ po sɛkɛ kɛmar kɛmɛ ɛkɛra kɛfinɔ ka Kuru kɛ bɛsɛr kɔ rodi,
- ¹³haŋ aturgba ta ɔbɛy dɛ yi afɛm alɔm bɛ aŋ tɛrɛ kɛpa atɛrɛnthɛ ta mi tɛ yi ta salata Kraystɛŋ.
- ¹⁴ɔwa sɔ-e, awɔnt agbɛthi ŋa ɔMarki aŋ bɛr lane salata ɛŋsɔmpanɛŋ a mi, kaŋ bɛsɛr fɔf mapɛ mɛfinɔ ma Kuru rɛ kɛminthɛ.
- ¹⁵Tɛ tentɛnɛ alɔm aŋ kawandi Krayst rɛ kɛtut dɛ yi kɛtimnɛ; ɔwa alɔm sɔ yi mɛsɛlɔ mɛfinɔ.
- ¹⁶Ukin ɔ kawandi Krayst kɛwɔr ka mɛputhanɛ, pɛ yi hɛ ka tɛtɛŋ, kɛbi ɔ nanɛ tɛ kɛbar ka ɛŋsɔmpanɛŋ a mi;
- ¹⁷kɛrɛ ulɔm ɔ yɔ yi ka mɛbɔthɛr, pɛkasifɛ ɔ tɛrɛ kɛpa a tand mi anɔ asabu ŋa kɛgbaki ka ɛkɛra kɛfinɔ ka Kuru.



¹⁸To pə yi thəŋ-a? Pə yi gbo kəpa rə roŋ o roŋ-e, pə yi rə kəyɔr, thalɔm rə tətəŋ, kaŋka gbo a kawandi aŋes ŋa Krayst. Ɔwa i ba məbɔne ta ti, yao i ti kəl ba məbɔne sɔ.

¹⁹kotáy-e i tără kəpa átáy áte tə tə yɔne salata kakisi kámi asabu ŋa taramne ta nu, de yi asabu ŋa aŋfɔsɔ aŋa ɔYina məsəm ka Yisɔs Kraystəŋ ɔ sɔŋ,

²⁰kətəŋəne ka aŋmerá ápələne de yi kagbak ámerá kámi; kámá i te lap rə táy o táy, kere rə kəmintha be, Krayst ɔ tə sɔthɔ ayiki ka aŋder a mi ka-ake, de yi aləkɔ be, pə yi ka ŋesəm-o, thalɔm ka rəfi.

²¹kotáy-e ka aŋgbáp a mi, kəba ŋesəm kə yi Kraystəŋ, ɔwa kəba rəfi kə yi kəbərne.

²²Kere bepi i bəl ŋesəm nɔru-e, pə yi mə-e, məkomi ma mapanth ma mi miəŋ; ɔwa átá i yi tə kəthith gbeŋ i te he,

²³kotáy-e i yi rə akethane, ma pə yi i ba afela abana tə kəkɔne kámá i yi yi Kraystəŋ átesoma-e ŋə tə yi mi fisa finɔ.

²⁴Kere bepi ta átá nu-e, fisa ti kámá i tiyá ka mader.

²⁵Ɔwa, ma i ba kapələne ake-e, i tără kəpa i ti tiyá, yao, i ti yirá kətəŋ ka nu be tə kəmar nu ka kakɔ ka nu kədi rə məbɔne ka kálane,

²⁶kámá məbɔne ma nu mə bərne ka Yisɔs Krayst do rəmi salata kábəpráne kámi kətəŋ ka nu.

²⁷Kere yɔ nu kámá máyɔs ma nu mə yi məgbet ta ákera kəfinɔ ka Kraystəŋ; kámá pə yi-e, bepi i der kori nu, thalɔm i bəpər he, i gbəli təl ta máyɔs ma nu, kəpa nə təmá kəŋkəŋ ka máyi min de yi ámerá ŋin tə kətim ta kálane ka ákera kəfinɔ ka Kuru.

²⁸Te nesa antherane a nu hali; kate ka nu nesa kə y amisali ma kadine ka ŋaŋ, kere do rənu kə yi amisali ma kakisi ka nu ka Kuru.

²⁹A pə sɔŋ nu afɔsɔ, pə yi he gbo tə kəlane Kraystəŋ, kere tə kənakasi ta sala təŋ.

³⁰Nə tə ba katim kin áke nə nəŋka mi, pə yi mə katim áke nə təl i ba haŋ ka-ake.

Aŋfilipai 2

¹Ɔwa bepi kəbɛfəth kə yi ka Kraist-e, bepi aŋfɔsɔ ŋa məbɔthər ŋa yi-e, bepi mamane ma ɔYina-e, bepi məthɔfəl de yi áney ε yi-e,

²lasər nu məbɔne ma mi rə kəba ámerá ŋin yi məbɔthər min de yi rim din.

³Te yɔ koko rə kəkɔlone, kere rə ámerá athorane, yɔ nu kámá ukin ɔ nane ulɔm tə kəyi ufisa pəthas kən kənɔne.

⁴Ta wuni o wuni ɔ te gbo raŋkone, kere ta ɔ raŋko sɔ aŋkos ŋəŋ.

⁵Ta aŋmerá ŋa Krayst aŋ yi do rənu sɔ;



- ⁶ɔwɔ-e, hali ma ɔ ba ka ɔtɔpɛr mayi ma Kuru gbɛɛ-e, ɔ wop hɛ rɔwuni ra Kuru rɔɛ ɔbaksɛr thebɛɛ mɔ rɛka rɛbaki mɔlɔ.
- ⁷Kɛrɛ ɔ kus aɲyiki, kɔ gbasi mayi ma ɔbɔy, ka a sɛki kɔ wuni kɛpɛt;
- ⁸ɔwa ma ɔ po wɔɲ ka mayi ma wuni kɛpɛt-e, ɔ thoranɛ haɲ kɛkɔ ka rɔfi, yao, hali rafi ra akɛnt kɛpɛɲkine.
- ⁹Te ba ti Kuru ɔ kɔl ɲata kɔ ɔbɔli rɛkɔm, kɔ sɔɲ kɔ ɲɛs aɲa yi rokɔm ka ɲɛs o ɲɛs;
- ¹⁰kɔmɔ pɛ yi ka ɔɲɛs ɲa Yisɔs-e, wuni o wuni ɔ tɛ sɔ tawu, ro riana-o, nɔru-o, dɛ yi ka ɔdɔru ratha;
- ¹¹kɔmɔ kɛsɔɲ o kɛsɔɲ kɔ seri kɛpa Yisɔs Krayst ɔ yi ɔMarki ka aɲyiki ɲa Kuru ɔKas.
- ¹²Tiyɔɲ, ambɔthɛr a mi, mɔ mɔ nɛ poɲ thɔɲ sanɛ ɔrim lɔkɔ o lɔkɔ, pɛ yi hɛ gbo ma i yi kɛtɔɲ ka nu, kɛrɛ pɛ tha gbɛthi ka kate kɔmi bɛpɛr, bɔsɛr kɔmɔ nɛ yɔ kakisi ka nu kɔ yi kɛpɔns, rɛ rɛnɛs dɛ yi kɛyɛr yɛr.
- ¹³kɔtɔy-e Kuru kɔnɔ mɔ yɔ mɛpanth rokɔr ka nu kɔmɔ nɛ yema-e, ɔwa nɛ kɔl lasɛr mɔselɔ mɔɲ mɛfinɔ.
- ¹⁴Yɔ nu tɔy o tɔy yi kɛtɛ fɔfɔthɛnɛ dɛ yi kɛtɛ pensanɛ;
- ¹⁵kɔmɔ nɛ gbɔli yi apɔɲi tɔy, kɛtɛ ba mɛthɛkɛ, mɔ aɲwuth ɲa Kuru aɲa tɛ ba apɔra kɛtɔɲ ka rɛkɔmra rɛgbɛrɛfanɛ dɛ yi rɛkɔnɛ-e, ɔwa nɛ yi tɛ kɛgbɛnthɔ kɛtɔɲ ka ɲaɲ mɔ emothɔ nɔru.
- ¹⁶Wop nu ɔsim ta aɲɛsɛm gbɔɲ, kɔmɔ i gbɔli ba tɔy tɛkolonɛ ka ɔɲɛy ɲa Krayst kɛpa ye, i la hɛ gbukɛ kɛtiɲ, thalɔm i la hɛ yɔ mɛpanth fu fa fu.
- ¹⁷Yao, hali i yi sathka ta kɔlanɛ ka nu, i ba ti mɛbɔnɛ, ka i yasɛnɛ rɛ mɛbɔnɛ dɛ yi nia bɛ.
- ¹⁸Yɔɲ sɔ sel nu mɛbɔnɛ, ɔwa ba nu mɛyanthɛnɛ dɛ yi minɛɲ.
- ¹⁹Kɛrɛ i gbak ɔmɛrɔ ka ɔMarki Yisɔs tɛ kɛyɛɲk som Timɔthi do rɔnu, kɔmɔ i gbɔli ba kɛbɛfɛth kɛtal, ma i tɔrɔ mayi ma nu.
- ²⁰ɔtesoma-e i ba hɛ wuni lɔm ɔwɛ ba ɔmɛrɔ awunɔɲ mɔ kɔnɔ, ɔwɛ ba sɔ asoli ta ɔtɔ nu.
- ²¹Pɛkasifɛ wuni o wuni ɔ thɛns gbo aɲyɛthɛ ɲɔɲ, ɔ nanɛ hɛ ta mɔtɔy ma Yisɔs Krayst.
- ²²Kɛrɛ nɛ tɔrɔ Timɔthi, ko wuni mɔ yi, kɛpa-e mɔ mɔ ɔwan mɔ yɔna ɔkas, ya sɔ mɔ yɔna mi, ka kabasɛr ka mapanth ma ɔkɛra kɛfinɔ ka Kuru.
- ²³Tiyɔɲ i gbak ɔmɛrɔ tɛ kɛyɛɲk som kɔ do rɔnu, ma i poɲ tɔrɔ to pɛ ba kɛyi yi minɛɲ.
- ²⁴Kɛrɛ i pɛlɔnɛ ka ɔMarki kɛpa minɛɲ, i ti gbɔli yɛɲk der do rɔnu.



²⁵Kere i nɛŋka ti ɔfinɔ tɛ kɛsom Ɛpafroditɔs do rɔnu ka-ake, ɔwe mɛ yi ɔwɔnt mi, yi ɔkos mi ka mapanth de yi katim, kɔ yi sɔ usom ta ɔtɔ nu, ɔwe po yɔna mi ka kate ba kɔmi.

²⁶Kɔbi ɔ ba kiro ta ɔtɔ nu be, ka pɛ sɔmpa kɔ rɛ ɔmerɔ kotɔy-e nɛ po tɛl kɛpa ɔ tuy.

²⁷Ɔtesoma-e ɔ la tu ɔbaki yathi, kɔ bun fi, kere Kuru ɔ ba kɔ ɔney; ɔwa pɛ yi he kɔn son, kere mineŋ sɔ, kɔmɔ i te ba ɔnɔsine rokɔm ka ɔnɔsine.

²⁸Tiyɔŋ i fela tɛ kɛsom kɔ do rɔnu, kɔmɔ ma nɛ nɛnk kɔ sɔ-e, nɛ tɛ ba mɛbɔne, de yi kɔmɔ ɔnɔsine ɔ mi ɔ gbɛŋke.

²⁹Malane kɔ nu ka ɔMarki yi mɛbɔne; ɔwa lɔmbe nu wuni wunɔŋ,

³⁰pɛkasife ta salata mɔpanth ma Krayst ɔ bun fi, kɔ sike he ta aŋesɛm ŋɔŋ, tɛ kɛgbenthis kayɔna ka nu do rɔmi.

Aŋfilipai 3

¹Ɔwa aŋwɔnt a mi, ba nu mɛbɔne ka ɔMarki. Pɛ bɔk he mi mɛder tɛ kɛgbalɛr nu mɔtɔy ame, ɔwa pɛ yi sɔ ɔfinɔ ta ɔtɔ nu.

²Bumne nu mɛtɛn, bumne nu afɛm alɛs, de yi ɔŋbirons,

³kotɔy-e saŋ sɔ yi ɔŋbirons tɛ tentene, aŋa yikis Kuru rɛ ɔmerɔ, ka sɔ seline ka Yisɔs Krayst, ɔwa sɔ pɛlɔne he ka mader hali.

⁴Mine i gbɛli naŋ ba mamari tɛ kɛgbɛk ɛyonka ka mader ma rawuni kɛpet. Bepi wuni ɔ wuni ulɔm ɔ nane ɔ ba mamari tɛ kɛ kori korine ka mader-e, mine thas.

⁵Ka ɔŋrey aŋa bekɔ tamthɛresas a birons mi, ka ɔŋbona ŋa Isrɛl, ka ɔŋbɔnshɔ ŋa Benyamin, uHibru ka aŋHibru; kɛtɔŋane ka ɔŋthɔ, uFarisi;

⁶ka ɔŋgbɔp ŋa kɛyi uyasyas-e, i tim tɛ kɛlɛsɛr aŋgbane ŋa Yisɔs; ka mɔlompi ama yi ka anthɔ-e, a fir mi upaŋi tɔy.

⁷Kere mɔtɔy be ama la munanfas mi-e, mɛ i lɔm mɛyay yay salata Kraystɔŋ.

⁸Ya pɛ yi, i dim koko be salata ɔfinɔ ɔbaki mɔlɔ wa kɛtara Yisɔs Krayst ɔMarki kɔmi; ɔwa ta atɔŋ i poŋ dim mɔtɔy be, ka i nɛnk ma mɔ ɛka ya amuruŋ kɔmɔ i gbɛli sɔthɔ Krayst,

⁹yi kɔmɔ i gbɛli yi do rɔŋɔŋ, pɛ yi he ka mɔlompi ama mi, ama tɛmɔ ka ɔŋthɔ, kere mɔlompi ama yi ka kɔlane ka Krayst, pɛ yi kɛpa ye, mɔlompi ama wur ka Kuru kɛtɔŋane ka kɛlane.

¹⁰Kaŋka gbo i gbɛli tɔrɔ kɔ yi aŋfɔsɔ ŋa kakal yokane kɔŋ ka rafi, tɛ kɛyerane ɔŋsɔmpaneŋ ŋɔŋ, ɔwa sɔ-e, kɔmɔ i fi hali mɔ kɔnɔ ɔ fi.

¹¹Tɛ kɛyi, bepi pɛ yi ɔfɔy tay-e, i gbɛli sɔthɔ kɛkal yokane kɛwur ka rafi.



¹²Pə yi hē kəpa i po thəŋ berəkə-e, thaləm i po thəŋ yi ugbenthis-e, kere i bāsər kə kədi kāmā i gbəli wop mabotəs mati ta ama Yisəs ɔ kəl wop mi.

¹³Awənt, i nanē hē kəpa i po thəŋ wop ma ɔgbenthis-e, kere átáy tin tá mē yə, i pəne táy o táy átá yi rodarəŋ, ka i bāsər asəbe tə kəberəkə-e,

¹⁴ka i lomanē toloŋ ka ɔber wa aŋrām ŋa katela kəbəli rəkəm áke Kuru ɔ səŋ rokor ka Yisəs Kraystəŋ.

¹⁵Tiyəŋ saŋ aŋa po tēja rə kəlānē, maŋ ba nu ámerá awunəŋ, ɔwa bepi nə ba enanē ɛgbaske ta táy o tay-e, Kuru ɔ tə tōri nu áte sə.

¹⁶Kere ta mātáy ama sə po thəŋ sɔthə-e, maŋ bāsər nu kəyi aboθhi lanē.

¹⁷Awənt, yi nu átānsānē mi, ɔwa lomar ŋaŋ aŋa kəθh kətāŋānē ka aŋməl aŋa sə səŋ nu.

¹⁸kotáy-e agbāθhi aŋ kəθh mə mə i la tōri nu, ka i kəl pa yi ka-ake rə kəbok-e, kəpa aŋ yi atheranē ŋa akənt kəpəŋkinē ka Krayst.

¹⁹Ɔthalnē ka ŋaŋ kəno yi kədine-e, ɔkuru ka ŋaŋ kəno yi akor-e, ɔwa aŋ kori korinē ka málap ma ŋaŋ, kotáy-e aŋ tāmámne gbo ka matanstans ma ádāru are.

²⁰Kere radure ra su rə yi ro riyana, ka sə kəli sə ta ɔKisis ɔwe ba tə kəwur ri, pə yi mə-e ɔMarki Yisəs Krayst,

²¹ɔwe yi tə kəsɪŋkar máder ma su ma málap kāmā mə səke mə aŋder ŋa aŋyiki ŋəŋ, kətāŋānē ka aŋfəsə aŋa mə yə mātáy be məyi ro ratha kəŋ.

Aŋfilipai 4

¹Tiyəŋ, aŋwənt a mi aboθhər, ta aŋa i bosinē, naŋ mabəne de yi aŋniyə a mi, təmá nu kəŋkəŋ ka ɔMarki, aboθhər.

²I nemthene Iyodiya yi Sintiki kāmā aŋ ba ámerá ŋin ka ɔMarki.

³I nemthene mu sə, ɔmar kāmī uboθhi lanē, kāmā mə mar afəm abom aŋa po mar mi ka ákera kəfinə ka Kuru-e, yi Klement sə, de yi aŋmar a mi aləm aŋa ba ames maŋ ka ákáfā ka aŋesəm.

⁴Ba nu məbəne ka ɔMarki ləkə o ləkə; ɔwa i kəl pa yi sə, ba nu məbəne.

⁵Yə kāmā wuni o wuni ɔ tārā mathəfəl ma kamuyu ka nu. ƆMariki ɔ yi ufati.

⁶Te nu ba asoli ta koko, kere rə táy o táy-e, kətāŋānē ka kəramnē yi kənemthene de yi kəmuti məmə-e, yə kāmā Kuru Məsaba ɔ tārā máyif ma nu.

⁷Ɔwa kaŋka mathəfəl ma Kuru ama mə thas kəsəθhne be mə kəte emerá yi enanē ɛ nu rokor ka Yisəs Kraystəŋ.

⁸Ka kaləpsə, awənt, koko ara yi tətəŋ, ara yi rə alambe, ara yi rəlompi, ara yi rəgbəraŋ, ara yi rəboθhi kəli de yi ara yi rəboθhi təl; bepi ɔfinə ɔ yi, ɔwa sə-e, kəθəkəs táy kə yi, botnē nu mātáy ame rə ámerá.



- ⁹Ɔwa mātáy ama mine i poŋ thəksa nu, de yi ama nə poŋ təl de yi nə po nənk do rəmi, wop ma nu ɔbaksər. Ɔwa ɔKuru ka məthəfəl ɔ tə yi yi naŋ.
- ¹⁰Kere pə bəne mi ɔthasər rokor ka ɔMarki, pəkasife nə kəl nane mi; tə tentene nə la nane mi kere nə sɔthəsne he afere.
- ¹¹I fəf he áte salata raməne ra mi, kotáy-e i po thəkəs kəpa rəka o rəka ara i ba rə beki mi gbo.
- ¹²I tārà tə kəyira rə mone, ɔwa i tārà sɔ tə kəyira ka rəyola; i tārà tə kənámrà, de yi i tārà dor; i tārà sɔ kəba agbáthi yi kəpəŋ rəka o rəka.
- ¹³I gbəli yɔ tày o tày be asabu ŋa Krayst ɔwe mə sɔŋ mi afəsɔ.
- ¹⁴Kere nə po yɔ ɔfino tə kəgbasi ágbáp ŋa esəmpane ε mi.
- ¹⁵Naŋ ro Filipay nə tārà sɔ kəpa kábi ka katəp ka kawandi ákera kəfino ka Kuru ma i wur ro Masidonia-e, áchəch o chəch aŋ pantne he mi rə kəsəŋ de yi kəsəthə, thambe naŋ gbo son.
- ¹⁶Hali ma i yi ro Thesalonika-e, nə po somra tə kəmar mi katkat.
- ¹⁷Pə yi he kəpa i thens aboya, kere i thens kámà nə wurə məkomi məgbathi.
- ¹⁸Kere i ba koko be thəŋ, rəgbathi gbo, ma i po səthə ka káta ka Epafroditəs aboya afino aŋa nə po somra mi mə abənt afəlfəl, sathka təbəthi malane átá mə bənes Kuru Məsaba.
- ¹⁹Kere ɔKuru kámi ɔ tə yer nu ara nə yema be, mələ ma rayola ra aŋyiki ŋəŋ rə yi ka Yisəs Krayst.
- ²⁰Ɔwa ka-ake ta ayiki aŋ yi ka Kuru ɔKas kásu thánkəŋ o thánkəŋ. Amina.
- ²¹I kori aŋsəm rokor ka Krayst Yisəs be. Aŋwənt aŋa yi yi mineŋ aŋ kori nu sɔ.
- ²²Aŋsəm be aŋ kori nu, pə tha gbethi aŋfəm ro seth ka Sisar.
- ²³Ta aŋboŋa ŋa ɔMarki kásu Yisəs Krayst aŋ yi do rənu be. Amina.



Aṅkɔlɔsi

Aṅkɔlɔsi 1

- ¹Pɔl usom ka Yisɔs Krayst ka māsɛlɔ ma Kuru, yi Timoṭhi ɔwɔnt su,
- ²ka aṅsɛm ŋa Kuru yi aṅwɔnt aboṭhi lanɛ ka Krayst ro Kɔlɔsi. Ta aboṅa aṅ yi rɔnu yi mɛthɔfɛl kɛwɔr ka Kuru ɔKas kásu yi ɔMarki Yisɔs Kraystaṅ.
- ³Sɛ mɔmɔ Kuru ɔKas ka ɔMarki kásu Yisɔs Krayst, ma sɛ ramnɛ lɔkɔ o lɔkɔ ta átá nu,
- ⁴ma sɛ po tɛl ta kálanɛ ka nu ka Yisɔs Krayst, dɛ yi mabɔthɛr ama nɛ ba ta aṅsɛm bɛ,
- ⁵asabu ŋa kagbak ámerá ákɛ a bɛnɛ ta átá nu ro riyana, ákɛ nɛ po tɛl kɛtáṅáɛ ka árim ra táteṅ ta ákɛra kɛfínɔ ka Kuru.
- ⁶Árim rati rɛ bek do rɔnu mɔ má rɛ po yɔ ka ádárú rɛlɔlɔk bɛ. Ɔwa rɛ kál wurɔ ŋani mɔ mɔ rɛ yɔ do rɔnu kábi ka áṅrɛy ma nɛ mɔtha tɛl, ɔwa nɛ mɔtha tárá áṅboṅa ŋa Kuru tɛteṅ;
- ⁷mɔ má nɛ po thɛkɛs ka Ɔpafra, ábɔy ukos a su ubɔthɛr. Kɔnɔ yi uyɔ mɛpanth ubɔthi lanɛ ka ɔMarki ta átá su.
- ⁸Ɔwa ɔ po tɛri su mabɔthɛr ma nu rɛ ɔYina mɛsɛm.
- ⁹Átesoma-e saṅ sɔ, kábi ka áṅrɛy aṅa sɛ po tɛl ti-e, sɛ tɛy hɛ bɛ tɔ kɛramnɛ dɛ yi kɛnɛmthɛnɛ ta átá nu, kaṅka nɛ la yi kátára ka māsɛlɔ mɔṅ, rɛ kɛtemp dɛ yi kɛtara táy bɛ rɛ ɔYina.
- ¹⁰Kama nɛ kɔth ɔbeki ka ɔMarki yi kɛbɔnɛs táy bɛ, dɛ yi kámá nɛ wurɔ mɛkomi rɛ mɛyɔs o mɛyɔs mɛfínɔ, kámá nɛ bárnɛ sɔ-e ka kátára ka Kuru.
- ¹¹Kaṅka a báksɛr nu rɛ afɔsɔ bɛ kɛtáṅáɛ ka ɔnini wa aṅfɔsɔ ŋa aṅyiki ŋɔṅ, kɛkɔ ka kámuyú kɛlɛlɛ rɛ mɛbɔnɛ.
- ¹²Kama nɛ sɔṅ mɔmɔ ka ɔKas ɔwɛ po yɔ su sɛ yi saṅ abeki tɔ kɛkasa ka akɛṅ ka aṅsɛm ka ɔwan;
- ¹³ɔwɛ po wurɔ su ka aṅfɔsɔ ŋa asum, kɔ po wɔṅá su ka rábáy ra ɔWan ka mabɔthɛr mɔṅ.
- ¹⁴Do rɔṅṅ sɔ sɛ ba kɛbani salata mátir mɔṅ, pɛ yi mɔ-e, katerɔ ka ɛhake ɛ su;
- ¹⁵ɔwɛ yi mábalánɛ ma Kuru ɔwɛ sɛ te tha nɛṅka rɛfɔr, ɔWan utɔtɔkɔ ka ɛyɛt ɛtɛpi bɛ.
- ¹⁶kotáy-e, ka aṅyɛthɛ ŋɔṅ ɔ tɛpi ɛyɛt bɛ, ɛyɛt ya ro riyana, yi nɔru, ɛyɛ má sɛ nɛṅka rɛfɔr dɛ yi ɛyɛ má sɛ te nɛnk, pɛ yi tɛbáy-o, tɛthɔf-o, ɛbomp-o, thalɔm agbɛka-o; a tɛpi ɛyɛt bɛ do rɔṅṅ dɛ yi kɛtáṅáɛ kɔṅ.
- ¹⁷Kɔnɔ yi rodi ka koko bɛ, dɛ yi ka aṅfɔsɔ ŋɔṅ koko rɛ yi.



- ¹⁸Kɔnɔ yi rɔbɔmp ra ɔ̀nder, pɛ yi mɔ aɔchɔch. Kɔnɔ yi ɔ̀tɛpɛr sɔ, dɛ yi ɔ̀Wan utɔ̀tɔkɔ kɛwur kɛtɔŋ ka aɔfi, kɔmɔ pɛ gbɛli yi rɛ tɔy o tɔy ɔ ba matɛma mɛtɔ̀tɔkɔ.
- ¹⁹kɔtɔy-e, pɛ bɔnɛ ɔ̀Kas kɔmɔ ɔ̀lasɛr ɔ̀lolok wa rawuni ra Kuru ɔ gbɛli yiane do rɔŋɔŋ.
- ²⁰ɔ̀wa sɔ-e, kɛtɔŋ do rɔŋɔŋ-e, ɔ̀Kas ɔ botɛs kɔmɔ rɛka o rɛka rɛ kɔl manɛ dɛ yi kɔn, ma ɔ po kɔrɔ mɛthɔfɛl ka mɔtir ma akɛnt kɛpɛŋkine kɔŋ; yao, kɛtɔŋɔnɛ do rɔŋɔŋ, pɛ yi ɛyɛt ya ɔ̀dɔru-e, thalɔm ɛyɛt ya ro riyana.
- ²¹ɔ̀wa naŋ, ma nɛ la ba ɛmerɔ ɛbɔlanɛ dɛ yi ɛgbɛŋanɛ salata mɔyɔs ma nu mɛlɛs-e,
- ²²halisa ka-ake ka ɔ̀nder ŋɔŋ ŋa rawuni kɛpɛt, ɔ po yɔ kɔmɔ nɛ kɔl manɛ kɛtɔŋɔnɛ ka rafi rɔŋ, kɔmɔ ɔ tɛmɛr nu asɛm dɛ yi agbɛraŋ kɛtɛ ba mɛthɛkɛ rodi kɔŋ.
- ²³Bɛpi pɛ yi gbo-e nɛ bɔkɛr asɔbɛ ka kɔlanɛ, ɔwa nɛ tɛmɔ kɛŋkɛŋ abɔki gbaŋ, nɛ gbapɛ hɛ kagbak ɔ̀merɔ ka nu ka ɔ̀kɛra kɛfinɔ ɔ̀kɛ nɛ po tɛl, dɛ yi ɔ̀kɛ a po kawandi ka wuni o wuni nɔru. ɔ̀wa mineŋ, Pɔl, a sɛki mi ukɔtha ka ɔ̀kɛra kati.
- ²⁴Ka-ake i ba mɛbɔnɛ asabu ŋa ɛsɔmpɔnɛ ɛ mi ta ɔ̀tɔ nu, ka i lasɛr ɔ̀ŋsɔmpɔnɛŋ ŋa Krayst ka ɔ̀nder a mi salata ɔ̀nder ŋɔŋ, pɛ yi mɔ-e, aɔchɔch.
- ²⁵Di kati a sɛki mi usɔm kɛtɔŋɔnɛ ka aɔgbɛthɛŋ aŋa Kuru ɔ maŋkɛr mi ta ɔ̀tɔ nu, tɛ kɛtɔri ɔ̀lasɛr wa ɔ̀rim ra Kuru Mɛsaba;
- ²⁶hali aɔgbundu aŋa a la maŋk kɛwur ka ɛyamana ya tɛkomra bɛ ɔ̀tɔ po thas, kɛrɛ ka-ake a ŋaibi ŋi gbafɛth ka afɛm ŋɔŋ asɛm.
- ²⁷Pɛ bɔnɛs Kuru sɔ tɛ kɛtɔri ŋa rayola ra aɔyiki ŋa aɔgbundu aŋɛ kɛtɔŋ ka tɔbona tɛlɔm; aŋa mɔ yi Krayst rokor ka nu, kagbak ɔ̀merɔ ka ayiki.
- ²⁸ɔ̀wa sɛ tamɛs rɛ kɛmaŋ wuni o wuni dɛ yi kɛthɛksa wuni o wuni rɛ kɛtemp bɛ; kɔmɔ sɛ gbɛli lɔnki wuni o wuni ugbenthis rokor ka Krayst Yisɔs.
- ²⁹Ka ɔ̀thalnɛ wati i wɔpɛr sɔ mapanth, ka i tɛlnɛ sɔbɛ kɛtɔŋ ka mapanth mɛninis ama kɔnɔ mɔ yɔ rokor kɔmi.

Aɔkɔlɔsi 2

- ¹I yema kɔmɔ nɛ tɔrɔ ko kɛtim kɛbana i ba ta ɔ̀tɔ nu, yi ta ɔ̀tɔ ŋaŋ aŋa yi ro Lawodishya, dɛ yi ta ɔ̀tɔ ŋaŋ bɛ aŋa te tha nɛŋka mi rɛfɔr.
- ²Kama ɛmerɔ yaŋ ɛ gbɛli ba kɛbɛfɛth, maŋ yi asekɛranɛ yi mɛbɔthɛr, tɛ kɛtara rayola ra kasɔthnɛ aɔgbundu ŋa Kuru, hali Kraystɔŋ,
- ³ma pɛ yi a maŋk do rɔŋɔŋ atɛŋ ta kɛtemp dɛ yi kɛtara tɔy bɛ.
- ⁴ɔ̀wa i pa ɔ̀tɛ, kɔmɔ wuni o wuni ɔ te tons nu yi tɛfɔf tɛbɔthi tɛl.
- ⁵kɔtɔy-e hali ma i te bɔpɛr ka mɔdɛr-e, i yi dɛ yi naŋ ka ɔ̀ŋmerɔ a mi, ka pɛ bɔnɛ mi ma i nɛnk mabɔtɛs dɛ yi kabɔtɛrnɛ ka nu ɔ̀merɔ ka kɔlanɛ ka Krayst.
- ⁶Tiyɔŋ mɔ mɔ nɛ po malanɛ Krayst Yisɔs ɔ̀Marki, yaŋ nɛ yi tɛ kɛkɔth sɔ do rɔŋɔŋ.



- ⁷Ta a tømər nu rə kəba ethəŋk ε nu do rəŋŋ, ɔwa ta nə yi sɔ əbaksər ka kəlānɛ ka nu, mɔlɔ ma a po thəksa nu rɛ mɔmɔ mɛgbathi.
- ⁸Bumne nu kāmá wuni o wuni ɔ te ləsər nu rə mətamtamne yi ayaŋfa ayay yay, kətaŋ ka enane ya afəm a kəpet dɛ yi ka mayi ma ádāru are-e, pə yi hɛ kətaŋ ka Krayst.
- ⁹kotáy-e do rəŋŋ ɔlasər wa Kuru Məsaba bɛ ɔ bākər.
- ¹⁰ɔwa naŋ nə yi agbenthis do rəŋŋ, ɔwe yi ɔgbəka ka agbəka dɛ yi ɔbáy ka abáy bɛ.
- ¹¹A bironɔ nu do rəŋŋ sɔ yi kabironɔ áke te yi rə mɛta, ma nə bus mayi mələs ma mader ka kabironɔ ka Krayst.
- ¹²Ka a po maŋk nu yi kɔn ka aŋbaftisəm, ro pə yi ka-ake a yokas nu sɔ yi kɔn kətāŋānɛ ka kəlānɛ ka mapanth ma Kuru ɔwe po yokas kɔ ka rafi.
- ¹³ɔwa naŋ, ma nə yi ras afi asabu ŋa əhake ε nu dɛ yi kate bironɔ ka mader ma nu-e, a po kəlɔs nu, (i kál pa ti), yi Kraystāŋ, kɔ tera su makəná ma su bɛ.
- ¹⁴kɔ nasi maseri ma aŋthɔ ama tɔmá kəŋamne su dɛ yi kələsər su, kɔ tɔŋa ma, ɔwa ɔ tāŋ tāŋ ma ka akənt kəŋ kəpəŋkine;
- ¹⁵kɔ ləsər aŋfɔsɔ ŋa agbəka dɛ yi abáy bɛ, ɔwa ɔ tɔri gbafəth kəpa ɔ po tham ŋa ka akənt kəŋ kəpəŋkine.
- ¹⁶Tiyāŋ ta wuni o wuni ɔ te nu thonkas salata kədi-o, kəmun-o, emet-o, thalɔm ŋof afu-o, ta a pa ras aŋsabath.
- ¹⁷Mátáy ame mə yi gbo amumpəl ŋa mátáy ama ba kəder, kɛrɛ aŋdɛr gbɛŋ aŋ yi ka Kraystāŋ.
- ¹⁸Te selɔ wuni o wuni ɔ keyr nu aŋrám a nu rə kəyɔ nu nə ba kəthorane kəyɔr, thalɔm rə kəbatho amaleka; pə yi wuni ɔwe mə kori korine ka manəŋk ama ɔ po nənɔk, kɔ ŋatanɛ rə ámerá afoth kətāŋānɛ ka mafela ma mader.
- ¹⁹Wuni wunəŋ ɔ wop hɛ gbaŋ ka Kraystāŋ rábomp, ro pə yi aŋdɛr alolok bɛ aŋ sɔthɔ aŋfɔsɔ ŋati, kāmá pə re yi ɔ ɔkətir o kətir dɛ yi nəbəntha o bəntha ε sekəranɛ dɛr ɔkin, tɔ kətɛŋa yi kətɛŋa ka Kuru Məsaba.
- ²⁰Tiyāŋ bepi nə po fi yi Krayst ka matanstans ma raru-e to pə som nə yɔ ras mə má pə yi ádāru rə ba nu-e, tɔ kəyi nə taŋanɛ ɛsiraŋ mɔ-e,
- ²¹Te gbasi, Te tham, Te gboŋ, (ma pə yi mátáy ame bɛ mə tɔ poŋ ka kakiyanɛ kati), kətāŋānɛ ka aŋyamari yi máthəksá ma wuni kəpet-e?
- ²³Tentene mátáy ame mə ba mábálānɛ ma kátəmp áke mə mar rə kəbatho, yi kəthorane dɛ yi kəwopne aŋdɛr, kɛrɛ mə mar hɛ wuni tɔ kətham ɛfela ya mader hali.

Aŋkəlɔsi 3



- ¹Tiyān bepi a po yokas nu yi Kraystān, thens mātāy ama yi rokōm, ro Krayst ɔ yirā ka kādiyō ka Kuru.
- ²Bot emerā ε nu ka mātāy ama yi rokōm, pə yi hε ka mātāy ma nōru.
- ³kotāy-e nañ nə po thōñ fī, ka eñesəm ε nu ε po mañkne rokor ka Krayst ka Kurōñ.
- ⁴Ma Krayst ɔwe yi añesəm a su ɔ tōrine, ka añlōkō ηati nañ sō nə tē tōrine de yi kōn ka ayiki.
- ⁵Tiyān dif nu mafela ma ādāru, pə yi mō-e kārəp-o, mānōkō-o, enane eyifas-o, mǎfela mǎlēs-o, de yi efər emara eyē yi mō kābatho erōñ.
- ⁶Salata mǎyōs mǎwunōñ, rabañ ra Kuru rə fumpər añwuth āthānthone.
- ⁷Ɔwa nañ sō nə sa kōth kəyō ma, ma nə la yirā kətōñ ka mātāy mati ame;
- ⁸kere ka-ake gbape nu mǎyōs ame be; rābañ-o, kābansa-o, enane elēs-o, kāfōf añes ηa Kuru yā yay-o, yi efōf enōkō kəwur ka tasōñ ta nu.
- ⁹Te nu yemsane, ma nə po bus ɔwuni kur yi mǎyōs mōñ,
- ¹⁰Ɔwa nə po wōñ ɔwuni fu, ɔwe a səki ufū rə kətara tǎy kətāñāne ka mābālāne ma ɔTəpi;
- ¹¹ro Akrik thalōm uYuda ɔ yi hε, ta a pa ras kābironis yi kəte birons, wuni tel-o, ɔwe te tārā teko-o, utar thalōm uwankom; kere Krayst ɔ yi koko be, ɔwa ɔ kāl yi rokor ka koko be.
- ¹²Te ba ti, mō anthith ηa Kuru, asəm de yi abōthər-e, wōñ nu añmerā ηa āney, mēthōth, āmerā athorane, athōfəl, de yi kəmuyu kəwoni.
- ¹³Muyusane nu, ɔwa bepi wuni o wuni ɔ ba apa yi ulōm, tera kō nu, mō mē Krayst ɔ po tera nu.
- ¹⁴Ɔwa rokōm ka mātāy ame be, wōñ mēbōthər ama yi mōlō ma rasekəranε ra āmerā agbenthis.
- ¹⁵Yō nu kāmā mathōfəl ma Kuru mē gbəka ka emerā ε nu, ta ama a po tela nu rokor ka añder ηōñ; ɔwa sōñ nu mōmō.
- ¹⁶Yō nu kāmā ārim ra Krayst rə bākər ka emerā ε nu, mō rəka rəkēñ. Thəksane nu, ɔwa mañane nu ka añSams yi mələñ ma ro Yina mēgbaske gbaske, ɔwa lensir nu ɔMarki rə aboñja ka emerā ε nu.
- ¹⁷Ɔwa koko be mā nə yō, pə yi rə mēpa thalōm rə mǎyōs, yō ti nu ka añes ηa ɔMarki Yisōs, de yi kəsōñ mōmō ka Kuru ɔKas kətāñ do rōñōñ.
- ¹⁸Nañ arani, sane nu ka añwos a nu, mō mē pə mar ηañ aña lane ɔMarki.
- ¹⁹Nia awos, bōthər nu añrani a nu, ɔwa te nu ba āmerā arōñkōth kəñamne ηa.
- ²⁰Nia afeth, sane nu ka ηañ aña kom nu rə tǎy o tǎy; kotāy-e āte tē bōnes ɔMarki.



- ²¹Akas, te nu bansəs aŋwuth a nu, ta thani nə rantəs emerà yaŋ.
- ²²Naŋ ebɔy, wop nu àrim o rim ra ŋaŋ aŋa ba nu ka àdàru are; ta pə te yi rə kəyər gbo mɔ ŋaŋ aŋa yema gbo thesanɛ afəm, kere rə àmerà àferà, ka ranes ra Kuru.
- ²³Pə yi nə yɔ táy o táy, yɔ ti nu asɔbe sɔbe, mɔ mɔ nə yɔ ti salata ɔMarki, pə yi he ta afəm a kəpet.
- ²⁴Pəkəsifɛ nə tārà kəyi nə tə sɔthɔ akeŋ ro riyana, mɔ àram kəwur ka ɔMarki; kotáy-e nə yɔna ɔMarki Yisɔs.
- ²⁵Kere ɔwe po yɔ tələs-e, a tə kala kɔ ta taləs tati, ɔwa Kuru ɔ ba he agbáy hali.

Aŋkɔlɔsi 4

- ¹Nia amarki, sɔŋ ebɔy ɛ nu ara yi rəlɔmpi de yi rəbeki, ma nə tārà kəpa naŋ sɔ nə ba uMarki ro riyana.
- ²Bàsɛr nu ka kəramnɛ, ɔwa bumnɛ nu rə kəmuti mɔmɔ.
- ³Ramnɛ nu sɔ ta àtà su, kámá Kuru ɔ kanthe su roŋ ta àrim, kámá sɔ gbəli taməs aŋgbundu ŋa Kraystaŋ, ta aŋa mine i yi ka tɔrentha.
- ⁴Kama i tɔri ti gbafəth mɔ me yi tə kəyɔ.
- ⁵Kɔth nu rə kətemp rodi ka ŋaŋ aŋa te lanɛ, ɔwa botnɛ nu to mɔ nə kianɛ aŋlɔkɔ.
- ⁶Yɔ kámá mafɔf ma nu mɔ yi rə aboŋa mɔ mɔ a bɔthəs rəka rɛ mɛr lɔkɔ o lɔkɔ, kámá nə tārà to mɔ nə yi tə kəgbaki wuni o wuni.
- ⁷Tikikɔs ɔwe yi ɔwɔnt ubɔthər yi ɔkawandi ubɔthi lanɛ, de yi ɔkos a su ubɔy ka ɔMarki, kɔnɔ mɔ ba tə kətɔri nu mātáy ma mi be,
- ⁸àtesoma-e i po som kɔ ro rɔnu ta aŋsabu ŋati gbeŋ, kámá nə gbəli tārà to pə yi do rɔsu, de yi kámá ɔ befəth emerà ɛ nu.
- ⁹ɔwa i som sɔ Onesimus yi kɔn, ɔwe yi ɔwɔnt ubɔthi lanɛ, ubɔthər, ɔwa ukin ka nu sɔ. Aŋ tə tɔri nu to pə yi anɔ.
- ¹⁰Aristarkɔs ɔkas kámi ka tɔrentha ɔ kori nu, de yi Mak-əŋ, ɔwan ka ɔwɔnt bera ka Banabasəŋ, kɔnɔ kori nu sɔ. (Nə po sɔthɔ akanɛ ta atəŋ, ɔwa bepi ɔ der do rɔnu-e, malanɛ kɔ nu).
- ¹¹Yisɔs ɔwe a bont Yustɔs, ɔ kori nu sɔ; aŋe, ŋa yi ka aŋbironɔs. ɔaŋ sɔ aŋ yi amar a mi ka mapanthe ma rábáy ra Kuru, afəm ŋaŋ aŋa poŋ mi befəth.
- ¹²Epafraɔs ɔwe yi ukin ka nu-e, ábɔy ŋa Yisɔs Krayst, ɔ kori nu; lɔkɔ o lɔkɔ ɔ sulnɛ ka taramnɛ tɔŋ ta àtà nu, kámá nə təmá agbenthis de yi apəlɔnɛ ka mäsəlɔ ma Kuru.
- ¹³Mine i gbəli seri kəpa ɔ yɔ məpanthe məbaki məder ta àtà nu, de yi ta àtà ŋaŋ ro Lawodishya, de yi ro Hirapɔlis.



14Luk, ɔbolomba uboθhər, yi Dimas, aŋ kori nu.

15Kori nu aŋwənt aŋa yi ro Lawodishya, yi Nimfas, de yi aŋchəch aŋa gbanɛ ro seth kəŋ.

16Ma nə po karaŋ aŋreka aŋe-e, yɔ kāmá aŋchəch ro Lawodishya aŋ karaŋ ŋi sɔ; ɔwa naŋ, nə yi sɔ tɛ kəkaraŋ aŋreka ŋa Lawodishya.

17Kanɛ Arkipɔs kāmá ɔ bot ámerá tɛ kəlasər mapanth ama ɔ sɔthɔ ka ɔMarki.

18Aŋkori ŋa mine Pɔl, ŋiyāŋ, ka káta kámi gbeŋ. Nanɛ atɔrentha ta mi. Aboŋa aŋ yi do rɔnu. Amina.



1 Anthesalonika

1 Anthesalonika 1

¹Pɔl, Silfenɔs yi Timoθhi-əŋ, ka aŋchɔch ro Thesalonika aŋa yi ka Kuru ɔKas yi ka ɔMarki kásu Yisɔs Kraystán; ta aboŋa aŋ yi nu kəwur ka Kuru ɔKas kásu, yi ka ɔMarki de yi ka Yisɔs Kraystán.

²Sə mómɔ Kuru lɔkɔ o lɔkɔ ta átá nu be ka taramne ta su.

³Sə kala ámerá alɔkɔ be ta mapanth ma kálane ka nu de yi máyɔs ma məboθhər-e, de yi kamuyu ka kagbak ka nu ámerá ka ɔMarki kásu Yisɔs Krayst, rodi ka Kuru ɔKas kásu;

⁴ma sə poŋ tárá, awɔnt aboθhər, kəpa Kuru ɔ po thith nu.

⁵kotáy-e ákera kəfínɔ kásu kə derər he nu rə sim gbo, kere ka aŋfɔsɔ sɔ-e, de yi ka ɔYina məsəm, kəte ba asikɛ be. Fɔtha ma sə yi de yi naŋ-e, nə tárá ko afəm sə yi ka aŋgbáp a nu.

⁶ɔwa nə tɔp kəsane su de yi ɔMarki, ma nə po malane árim ra ákera rə asəmpane ábana, re mabɔne ma ɔYina məsəm;

⁷haŋ nə səke amɔl ta átá haŋ be aŋa lane ro Masidonia yi ro Akaya.

⁸kotáy-e pə yi he gbo ro Masidonia yi ro Akaya nə taməs árim ra ɔMarki, kere kálane ka nu ka Kuru kə poŋ gbanthane der o der; tiyáŋ sə ba he sɔ kəfɔf koko.

⁹kotáy-e haŋ gbeŋ aŋ seri ta átá su-e, kaŋ tɔri to naŋ nə malane su-e, ɔwa to nə lafthe ka Kuru kəwur ka erɔŋ tɔ kəbatho ɔKuru ukəli utətɛŋ,

¹⁰de yi tɔ kəkar ɔWan kəŋ kəwur ro riana-e, ɔwe ɔ po yokas ka rafi, pə yi mə-e Yisɔs ɔwe po kisis su ka rabaŋ ara ba kəder.

1 Anthesalonika 2

¹kotáy-e, naŋ awɔnt, nə tárá kəpa káder kásu do rɔnu kə yi he kətɛŋ;

²kere kədarəŋ ka ma a po sɔmpar de yi a sambos su ro Filipay-e, nə tárá kəpa halisa sɔ bák kəbuth ka ɔKuru kásu tɔ kətɔri nu ákera kəfínɔ ka Kuru kətɔŋ ka kəpensá kəbana.

³kotáy-e aŋmáŋ a su aŋ wur he rə kəyethá, thalɔm məpulke, ta a pa ras məsɔth;

⁴kere mə mə Kuru ɔ nənɔ su aboθhi lane tɔ kətɔri ákera kəfínɔ kəŋ, yaŋ mə sə fɔf; pə yi he tɔ kəbɔnes wuni kəpet, kere tɔ kəbɔnes Kuru ɔwe mem emera ε su.

⁵Naŋ nə tárá kəpa sə la he ba təsəŋ təboθhi, thalɔm efər emara; Kuru ɔ yi aŋseri a su.

⁶Saŋ sə thens he ayiki ka afəm a kəpet, ta a pa ras kəwur do rɔnu ama afəm alɔm, hali mə asom ŋa Kraystán, sə ba naŋ mamari mati.

⁷Kere sə yi athɔfəl bəm kətɔŋ ka nu, mə ukomra mə kəlɔne aŋwuth ŋɔŋ.



⁸Tiyán, pəkasiŋe sə bothər nu haŋ-e, pə bəne su fiŋə tə kəsəŋ nu, pə yi he gbo àkera kəfiŋə ka Kuru-e, kere hali emerà ε su sə, ma pə yi ti nə po səke aŋwuth a su abothər.

⁹Kala nu emerà awənt, ka mapanth ma su məbana de yi mǎyəs ma su. Sə la piara pali, sə la səkə gbəs kámá sə te səke kothe do rənu, ma sə bə tərī nu àkera kəfiŋə ka Kuru.

¹⁰Naŋ nə yi məseri, de yi Kuru sə, to sə la kəth rə məsəm, yi rə mələmpi, de yi rə kəte ba mətheke kətəŋ ka naŋ aŋa lane.

¹¹Ma pə yi nə tǎrà to sə la yə nu, mə ukas əwe thənthə aŋwuth ŋəŋ tə kəmaŋ nu, yi kəbaksər nu, de yi kəsəŋ məseri.

¹²Kama pə re yi nə gbəli kəth mə pə bekāne ka Kuru, əwe po tela nu ka rǎbáy rəŋ ra ayiki.

¹³Ta átáy áte sə sə mómə Kuru ləkə ə ləkə, pəkasiŋe ma nə malane árim ra àkera ka Kuru áke sə tərī nu-e, nə malane he ri mə árim ra wuni kəpet-e, kere mə mə rə yi yathi árim ra Kuru tə tentene, ara mə yə məpanth ka emerà ε nu aŋa po lane.

¹⁴kotáy-e awənt, nə tansane echəch ya Kuru aŋa yi ka Krayst Yisəs ro Yuda; pəkasiŋe nə po səmpane ka máta ma aŋfəm a nu, mələ min mə ŋaŋ aŋa po səmpane ka aŋYuda;

¹⁵aŋa po dif əMarki Yisəs yi Aŋnǎbi sə, kaŋ kál bál su. Aŋ bənes he Kuru, de yi aŋ ŋamne afəm a kəpet.

¹⁶Aŋ yema bent su kəfəfane təbona tələm kámá aŋ gbəli kisi. Yaŋ aŋ lasər maləs maŋ; kere rabaŋ ra Kuru rə fumpər ŋa selbentheŋ.

¹⁷Kere saŋ, awənt, ma sə po bəlāne nu ka mader, ta aləkə agbut, (pə yi he ka ámerà), sə bāsər thəŋ mem əthasər tə kəre nəŋka nu rəfər rə məfela məbana.

¹⁸kotáy-e sə yema naŋ der do rənu, yao, mine Pəl, i fela tə kəkál yə ti sə; kere Sethani ə bent su.

¹⁹kotáy-e ko yi kagbak kásu ámerà thələm məbəne-e, thələm ko yi aŋniyə ŋa kagbək kásu eyonka-e? Naŋ thahə-i, rodi ka əMarki Yisəs Krayst ka káder kəŋ-i?

²⁰Átesoma-e naŋ nə yi aŋyiki yi məbəne ma su.

1 Aŋthesalonika 3

¹Tiyán, ma sə te sə gbəli muyu-e, sə nəŋ ŋi əfiŋə bepi mine son i tiyá ro Athens;

²kámá i som Timəthi, əwənt su yi usom ka Kuru ka mapanth ma àkera kəfiŋə ka Kraystaŋ; tə kəbaksər nu, yi tə kəbəfəth nu salata kálane ka nu.

³Kama wuni o wuni ə te bora borāne asabu ŋa emem eye; pəkasiŋe naŋ gbeŋ nə tǎrà kəpa a thith su ta mǎtáy mati.

⁴Əwa tə tentene ma sə yi de yi naŋ sə yeŋka tərī nu kəpa sə tə bəp əsəmpane. Əwa, ya mə pə yəne, mə mə nə tǎrà thəŋ.



⁵Te ba ti sɔ-e, ma i te sɔ gbɛli muyu-e, i som kámá i gbɛli tǎrà ta kálane ka nu, ta thani rɛ rɔŋ o rɔŋ ɔgbɔns ɔ gbɔns nu haŋ pɛ yi mapanth ma su mɛ tiyá fu.

⁶Kɛrɛ ka-ake ma Timóthi ɔ po kál der do rɔsu-e, ɔ kárá su akanɛ afinɔ salata kálane de yi mabóthɛr ma nu, de yi kɛpa nɛ nanɛ su finɔ lɔkɔ o lɔkɔ, rɛ kɛfela tɛ kɛnɛŋk su, mɛ mɛ saŋ sɛ fela tɛ kɛnɛŋk nu.

⁷Ta áŋsabu ŋati awɔnt, ka amɔnɛ de yi áŋsɔmpanɛŋ a su bɛ-e, sɛ po sɔthɔ kɛbɛfɛth kɛtáŋáne ka kálane ka nu.

⁸kotáy-e ka-ake sɛ ba ŋɛsɛm bepi naŋ nɛ tɛmá kɛŋkɛŋ ka ɔMarki.

⁹Pɛkasifɛ, ko mɔmɔ sɛ gbɛli sɔŋ Kuru sɛ ta átá nu salata mabɔnɛ bɛ ama yɔ su sɛ yanthɛnɛ ta átá nu rodi ka ɔKuru ka su-e?

¹⁰Ma pɛ yi-e i ramnɛ sɔbɛ gbes pali-ɛŋ kámá sɛ gbɛli nɛnk aser ta nu, kámá sɛ gbɛli gbenthis ara nɛ te ba ka kálane ka nu.

¹¹ɔwa, kaŋka Kuru ɔKas kásu kɔn kɔnɔnɛ, yi ɔMarki kásu Yisɔs Kraystáŋ, ɔ kɔthane su do rɔnu.

¹²Kaŋka ɔMarki ɔ yɔ mabóthɛr ma nu mɛ bárnɛ de yi mɛ thɛrme ɔkin ka ulɔm, kɛkɔ ka afɛm bɛ, hali mɛ mɛ saŋ sɛ bóthɛr nu.

¹³Kama ɔ báksɛr ɛmerá ɛ nu kɛtɛ ba mɛthɛkɛ ka rásɛm rodi ka Kuru ɔKas kásu, ka káder ka ɔMarki kásu Yisɔs Krayst de yi aŋfɛm ŋɔŋ asɛm bɛ.

1 Anthesalonika 4

¹Ka kalɛpsɔ sɛ nɛmthɛnɛ nu awɔnt, ɔwa sɛ maŋ nu ka ɔMarki Yisɔs, kɛpa mɛ mɛ sɛ po tɔri nu to nɛ yi tɛ kɛkɔth de yi tɛ kɛbɔnɛs Kuru-e, mɛlɔ min mɛ mɛ nɛ kɔth thɔŋ ka-ake, ɔwa básɛr nu kɔ kɛdi.

²kotáy-e nɛ tǎrà ko ayamari sɛ sɔŋ nu kɛtáŋáne ka ɔMarki Yisɔsáŋ.

³kotáy-e mǎselɔ ma Kuru, miyáŋ, hali kasɛmɛs ka nu, kámá nɛ te yɔ kɛrɛp.

⁴Kama runi o runi ɔ tǎrà tɛ kɛgbasi urani ɔwe yi ɔkɔŋ gbɛŋ, ka rɛsɛm de yi ayiki;

⁵pɛ yi hɛ ka mafela mɛlɛs ma mader mɛ akafri aŋa te tǎrà Kuru.

⁶Kama wuni o wuni ɔ te yɔ ɔwɔnt kɔŋ ɔlɛs rɛ táy o táy, pɛkasifɛ ɔMarki ɔ yi ukala ka mǎtáy amɛ bɛ, mɛ ma sɛ po maŋ nu rɛ kɛbóthi lanɛ.

⁷kotáy-e Kuru ɔ tela hɛ su salata mɛnɔkɔ, kɛrɛ ta rɛsɛm.

⁸Tiyáŋ ɔwe mɛ farki áŋmáŋ aŋɛ ɔ farki hɛ wuni kɛpɛt, thambe Kurɔŋ ɔwe po sɔŋ nu ɔYina kɔŋ umɛsɛm.

⁹Kɛrɛ ka áŋpa ŋa mɛbóthɛr ma rɛwɔnt, i ba hɛ tɛ kɛgbalɛr nu, kotáy-e Kuru kɔnɔ po thɛksa nu tɛ kɛbóthɛrane.



- ¹⁰Tə tentene nə bəthər aŋwənt be aŋa yi ro Masidoniya; kere sə nemthene nu, awənt, kāmā nə bār gbo yə yi.
- ¹¹Ta nə thens məthəfəl, əwa wuni o wuni ə yi tə kəkəliane aŋgbethəŋ ɲəŋ gbeŋ rə kəyɔ məpanth yi māta məŋ mə mə sə yamari nu,
- ¹²kāmā nə gbəli kəth əlompɪ kətəŋ ka ɲaŋ aŋa te lane, kāmā pə re yi nə te paŋ rəka o rəka.
- ¹³Kere awənt, i yema kāmā nə tārā ta ɲaŋ aŋa po thas, kāmā nə te bok mə mə ɲaŋ aŋa te ba kəgbak əmerā,
- ¹⁴kotáy-e bepi sə lane kəpa Yisəs ə fi, kə kəl yokane ka rafi-e, ya pə yi sə ɲaŋ aŋa fi ka Yisəs-e, Kuru ə tə kəl kārā ɲa de yi kən.
- ¹⁵Sə pa ate do rənu ka arim ra əMarki, kəpa saŋ aŋa yi ras nɔru haŋ əMarki ə der-e, sə gbəli he mətha ɲaŋ aŋa po thas.
- ¹⁶kotáy-e əMarki gbeŋ ə tə thor kəwur ro riyana rə kəgbelegbele kəbana, de yi arim ra wurə ubana, de yi kathema ka Kuru; əwa aŋfi rokor ka Krayst aŋ tə mətha yokane.
- ¹⁷Rodarəŋ kati saŋ aŋa yi nɔru a tə səmpi su yi ɲaŋ leə ka kəriyana tə kəbəp əMarki ka kafena; əwa tiyāŋ sə tə yi yi əMarki thəbana.
- ¹⁸Te ba ti befəthane emerā ε nu rə əsim ate.

1 Aŋthesalonika 5

- ¹Kere sə ba he tə kəgbalər nu awənt, ta marey yi eləkə ya karen.
- ²Pəkasife ɲaŋ nə tārā fiŋə kəpa aŋrey ɲa əMarki aŋ tə der mə ukei tətək.
- ³kotáy-e maŋ pa, Məthəfəl de yi kəpantay; ka ələmp wati kədine kəsembu kə tə bəp ɲa, mə əbaŋ wa kəkəŋ, kaŋ ba he roŋ o roŋ tə kəkisi kəwur ka masibo mati.
- ⁴Kere awənt, nə yi he ka asum, kāmā aŋrey ɲati aŋ bəp nu ɲaŋ mə ukei.
- ⁵Naŋ be nə yi aŋwuth ɲa aŋmothā de yi aŋwuth ɲa rəyaŋ; sə yi he ka rətətək, thaləm ka aŋsum.
- ⁶Tiyāŋ maŋ te nu dirā, mə aŋfəm aləm nɔru, kere maŋ bum nu; maŋ yi nu atempi.
- ⁷kotáy-e ɲaŋ aŋa dirā aŋ dirā tətək, əwa ɲaŋ aŋa tis aŋ tis tətək.
- ⁸Kere saŋ, ma sə yi ka rəyaŋ, ta sə yi saŋ agbet, maŋ wəŋ nu efāt ya aŋkəpəth ya kəlāne de yi məbəthər; əwa ta esənder ε su-e, kəgbak əmerā ka kəkisi.
- ⁹kotáy-e Kuru ə thith he su ta rəbaŋ, kere tə kəsəthə kəkisi kətāŋəne ka əMarki kəsə Yisəs Kraystāŋ;
- ¹⁰əwe po fi ta atā su, kāmā bepi pə yi sə thəme kəyi akəli-e, thaləm sə dirā rə kəfi-e, sə tə ba aŋesəm de yi kən.



- 11 Tiyàŋ maŋane nu, ɔwa bákəsáne nu mɔ mɛ nə tɛntɛ kəyɔ.
- 12 Sə nɛmthɛnɛ nu awɔnt, kámá nə yíkís ɲa aŋa yɔ məpanth kətɔŋ ka nu, pə yi mɔ ɲaŋ aŋa yi rokɔm ka nu ka ɔMarki, aŋa mə maŋ nu.
- 13 ɔwa nə yi tɔ kəlambe ɲa fínɔ ka məbɔthɛr salata mapanth maŋ. Kal ba nu məthɔfɛl kətɔŋ ka nu.
- 14 Sə nɛmthɛnɛ nu awɔnt, maŋ ɲaŋ aŋa yi áthánthɔnɛ, ɔwa thɔnthɔ nu aŋyay rɛ amera-e, mar ɲa nu aŋa te ba afɔsɔ-e, muyu nu afəm bɛ.
- 15 Kəli ti nu kámá wuni o wuni ɔ te kala tɔlɔs ta tɔlɔs; kɛrɛ tɔŋ nu mátáy məfínɔ lɔkɔ o lɔkɔ ukin ka ulɔm, dɛ yi ka afəm bɛ.
- 16 Ba nu məbɔnɛ lɔkɔ o lɔkɔ.
- 17 Te nu tey kɛramnɛ.
- 18 Sɔŋ mɔmɔ rɛ táy o táy, kotáy-e məsɛlɔ ma Kuru kətáŋáne ka Krayst Yisɔs ta átá nu miəŋ.
- 19 Te nu dimsí ɔ Yina məsəm.
- 20 Te nu farki ásim ta Aŋnábí.
- 21 Mɛm nu táy o táy; gbápsá nu táfínɔ fáp.
- 22 Gbapɛ nu tɔlɔs yi məbalanɛ o məbalanɛ mati.
- 23 Kaŋka ɔKuru ka məthɔfɛl gbɛŋ ɔ sɛmɛs nu ɔlɔlɔk; aŋko, ɔ bɛnɛ ɛyina, yi ɛŋɛsəm, dɛ yi mader ma nu ɛgbenthis, kɛtɛ ba məthɛkɛ haŋ káder ka ɔMarki kásu Yisɔs Krayst.
- 24 Kɔn ɔwe tela nu ɔ yi ubɔthi lanɛ, ɔwa ɔ tɔ yɔ ti.
- 25 Awɔnt, ramnɛ nu ta átá su.
- 26 Kori nu aŋwɔnt bɛ rɛ kɛmuməl kəsəm.
- 27 I yamari nu ka áŋɛs ɲa ɔMarki kámá a karaŋ áŋrɛka aŋɛ ka aŋwɔnt bɛ.
- 28 Ta áŋbɔŋa ɲa ɔMarki kásu Yisɔs Krayst yi dɛ yi nu bɛ. Amina.



2 Anthesalonika

2 Anthesalonika 1

¹Pəl, Silfenos de yi Timothi, ka anchoch ro Thesalonika aña yi ka Kuru oKas kásu oMarki Yisos Kraystañ.

²Ta aboña añ yi de yi nu, yi mæthofel kæwur ka Kuru oKas kásu yi oMarki Yisos Kraystañ.

³Sə yi tæ kæmomo Kuru loko o loko ta ata nu awont, pekasife kalane ka nu kə bærne gbo othasər, owa mæbøthər ama nə ba okin ta ulom be mæ yi mæbana;

⁴hañ sañ gbeñ sə kori kori nu kætəñ ka echoch be asabu ña kamuyu yi kalane ka nu ka esompane yi ethorone be eye nə muyusne.

⁵Amisali ñañ tæ kətəri mathonkas mælompi ma Kuru, kāmā nə gbəli yi abeki salata rābáy ra Kuru, ta ara nə sompane sə.

⁶Kābi Kuru o nänk ti olompi tæ kəsəñ asompane ka ñañ aña sompar nu-e.

⁷Owa sə-e, ñañ aña ba thəñ asompane-e, o səñ nu kəfothane de yi sañ, ma oMarki Yisos o ñaibine kæwur ro riyana yi anmaleka ña añfoso ñəñ,

⁸rə nant nemara, tæ kəsəñ kəkalə ka ñañ aña pensa Kuru, de yi aña te wop akera kəfino ka oMarki kásu Yisos Kraystañ.

⁹Owa añ tæ sotho kəthalər, hali kədine kæwur ka kəbəprane ka Kuru, de yi ka anyiki ña añfoso ñəñ.

¹⁰Ka añloko ma o der tæ kəsətho ayiki ka ansem ñəñ, yi kāmā ña be aña lane añ kabane ta atəñ-e, ka anrey ñati, (pekasife nə po malane maseri ma su do ronu).

¹¹Tiyāñ sañ sə sə ramne ta ata nu katkat, kāmā oKuru kásu o gbəli nänk nu kəyi abeki ta katela ka nu, owa kāmā o kəl gbenthis rə afoso mæfela o mæfela mæfino, de yi mæpanth o mæpanth ma kəlane,

¹²kāmā anes ña oMarki kásu Yisos Krayst añ sotho yiki do ronu, yi ñañ sə do rəñəñ, kətəñane ka anboña ña oKuru kásu yi oMarki Yisos Kraystañ.

2 Anthesalonika 2

¹Owa sə nemthene nu awont, salata käder ka oMarki kásu Yisos Krayst, de yi kagbane kásu yi kən,

²kāmā nə te yenk ba amerā ayinkthane thalom ayagbane, pə yi a yethas nu yi ayina thalom rim, ta a pa ras areka aña a pa ho añ wur do rəsu, kəpa anrey ña oMarki añ poñ thəñ yi ka-ake.



³Te selo wuni o wuni o tons nu hali; kotay-e anrey nati an gbali he bek thambe kakal medaroh ka motha der, owa owuni kati ka ahake, pa yi mo-e, owan ka kadine, o motha torine.

⁴Owe ma tim, ko natane kengamne kuru o kuru, thalom raka o raka ma a batho; han thoh konoh gbeh o te yira ka anseth na Kuru asem, ko pa kon konone o yi Kuru Mesaban.

⁵Nə kala he amerā kopa ka anloko ma i yi ras de yi nan, i la tori nu matay ame-i?

⁶Owa ne tara ara ma bent ko ka-ake kama o te torine han anloko ohoh gbeh an bek.

⁷kotay-e ka-ake thoh, anfosoh amankne na makhone an yo mepanth soy; kere kon owe me woper ni ka-ake, o te yo yi han a tona ko.

⁸Ka anloko nati owuni thanthone owe o te wur gbafeth, owe oMarki o te dif yi kanesem ka kasoh kon, owa o te kal lesor ko ketanane ka kaboprane kon koninis ka kader kon.

⁹Owa katorine ka owuni thanthone owe ketan ka mayos ma Sethani ko te yi de yi afoso be-e, re emisali eyem, de yi re temende,

¹⁰de yi so re eyanfa o yanfa elos salata nan ana me dine; pakasife an malane he mabother ma taten, kama an gbali kisi.

¹¹Te ba ti Kuru o somra na metons mabaki meder kama an lane reyem.

¹²Kama a gbali thonkas na be ana pensa taten de yi ana ba mabone ka makhone.

¹³Kere san se yi kason momo loko o loko ka Kuru ta ata nu, awont abother na oMarki, pakasife Kuru o po thith nu kabi otoper te kesotho kekisi re kesemes ko Yina mesem de yi kalane ka taten.

¹⁴Tasom Kuru o pon tela nu ka akera kefino kasu, kama ne sotho anyiki na oMarki kasu Yisos Krayst.

¹⁵Tiyah awont, tama nu obaksar, owa wop nu mathaksa makur ama se po tori nu, pa yi re sim, thalom ka areka a su.

¹⁶Owa ka-ake, oMarki kasu Yisos Krayst kon konone, yi Kuru oKas kasu owe po bother su, de yi owe soh su kabefeth de yi kgbak amerā kethabana ketanane anbona ohoh,

¹⁷kanka o befeth emerā e nu te kabaksar nu re rim o rim de yi mepanth o mepanth mefino.

2 Anthesalonika 3

¹Ka kalapso awont, ramne nu ta ata su kama arim ra oMarki re gbali gbuke rodi, re kesotho yiki me me re pon thoh sotho do ronu,



- ²de yi kámá sɛ fisá kɔwɔr ka afɛm abáki rɛfɔr de yi afɛm alɛs; kotáy-e pɛ yi hɛ afɛm bɛ aŋa ba kɛlanɛ.
- ³Kɛrɛ ɔMarki ɔ yi ubɔthi lanɛ, ɔ tɛ yɔ nu nɛ tɛmá kɛŋkɛŋ, ɔwa ɔ tɛ kál bumɛr nu sɔ ka mátáy mɛlɛs.
- ⁴Sɛ ba kɛpɛlɔnɛ ka ɔMarki ta átá nu, kɛpa ya nɛ po yɔ, ɔwa ya mɛ nɛ kɔ kɛyɔ sɔ.
- ⁵Kaŋka ɔMarki ɔ kɔtha emerà ɛ nu ka mabɔthɛr ma Kuru, de yi rɛ kɛmuyɔ haŋ káder ka Krayst.
- ⁶Sɛ yamari nu, awɔnt, ka áŋɛs ŋa ɔMarki kásu Yisɔs Krayst, kámá nɛ gbaskinɛ kɔwɔr ka uwɔnt o wɔnt ɔwe mɛ kɔth rɛ kɔthanthonɛ, thalɔm ɔ wop hɛ mathɛksa ama sɛ po sɔŋ.
- ⁷kotáy-e naŋ nɛ tárá kɛpa nɛ yi tɛ kɛtansanɛ su; pɛkasifɛ sɛ kɔth hɛ ɔlɛs kɛtɔŋ ka nu.
- ⁸Sɛ sɛkɛ hɛ kothɛ ta wuni o wuni; kɛrɛ sɛ básɛr kɛyɔ mɛpánth gbɛs pali-ɔŋ, kámá sɛ tɛ kɛthas wuni o wuni kɛtɔŋ ka nu.
- ⁹Pɛ yi hɛ kɛpa sɛ ba hɛ mamari mati, kɛrɛ sɛ fɛla tɛ kɛsɔŋ nu amɔl kámá nɛ tansanɛ su.
- ¹⁰Hali ka áŋlɔkɔ sɛ yi de yi naŋ-e, sɛ yamari nu kɛpa bepɛ wuni o wuni ɔ tesɛlɔ yɔ mɛpánth-e, ta ɔ tɛ di.
- ¹¹kotáy-e sɛ tɛl kɛpa alɔm aŋ yi kɛtɔŋ ka nu aŋa tɛ kɔth ɔfinɔ, maŋ yi ayay, ɔwa aŋ kɔtha gbo ɛfɔf.
- ¹²Sɛ yamari de yi sɛ maŋ afɛm awunɔŋ ka ɔMarki kásu Yisɔs Kraystáŋ, kámá aŋ yɔ mɛpánth maŋ ka mɛthɔfɛl, ɔwa ta aŋ kál bulɔ tɛ kɛsɔthɔ ara mɛ aŋ gbɛli di.
- ¹³Kɛrɛ naŋ, awɔnt, ta pɛ tɛ lɛla nu tɛ kɛyɔ tɛfinɔ.
- ¹⁴ɔwa bepɛ wuni o wuni ɔ bɛnɛ hɛ átá sɛ po pa ka áŋrɛka aŋe-e, lomɛr nu ɔwuni kati, ɔwa gbaskinɛ nu kɔwɔr do rɔŋɔŋ, kámá ɔ lap.
- ¹⁵ɔwa tɛ nu nɛnk kɔ mɔ uthɛranɛ, kɛrɛ maŋ kɔ mɔ uwɔnt.
- ¹⁶Kaŋka ɔMarki gbɛŋ ka mɛthɔfɛl ɔ sɔŋ nu mɛthɔfɛl lɔkɔ o lɔkɔ rɛ táy o táy. Ta ɔMarki ɔ yi de yi naŋ bɛ.
- ¹⁷Aŋkɔri ŋa káta kámi Pɔl, aŋa yi aŋlomɛr a mi rɛ areka o areka ŋi aŋɛ.
- ¹⁸aŋboŋa ŋa ɔMarki kásu Yisɔs Krayst aŋ yi de yi naŋ bɛ. Amina.



1 Timothi

1 Timothi 1

- ¹Pɔlɔŋ ɔsom ka Yisɔs Krayst asabu ŋa aŋyamari ŋa Kuru ɔKisis kɔsu, yi ɔMarki Yisɔs Krayst, ɔwe yi ɔgbak ɔmerɔ kɔsu;
- ²ka Timothi ɔwan kɔmi gbeŋ ka kɔlane. Ta aboŋa, yi ɔney, yi mɔthɔfɔl ɛ yi ro rɔmu, kɔwur ka Kuru ɔKas kɔsu yi ka Yisɔs Krayst ɔMarki kɔsu.
- ³Ma i yi ka aŋbiyas aŋe ro Masidonya-e, i poŋ pɔr mu kɔmɔ mɔ tiyɔ ro ɛfisɔs tɔ kɔmaŋ afɔm alɔm kɔmɔ aŋ te thɔksa tɔpa o pa tɔlɔm tɔfu.
- ⁴Thalɔm kɔmɔ aŋ te sua ɛlɔns ka ɛmump yi ɛbarki ɛte ba ɔthalne salata tɔkomra tɔbana, ɛye mɔ kɔrɔ gbo mɔsɔkanɛ; beta ti, ta aŋ rusɛm aŋfɔm ka tɔteŋ yi ka ɛpa ya kɔlane. Yaŋ mɔ yi tɔ kɔyɔ.
- ⁵kɔtɔy-e ɔgbanthir wa aŋgbethɛŋ a su ɔ yi mɔbɔthɔr kɔwur rɔ ɔmerɔ ɔferɔ, yi rɔ asɔŋ agbɔraŋ, yi rɔ kɔlane rɔ tɔteŋ.
- ⁶ɔwa alɔm, maŋ pɔne ɔte-e, aŋ po yethɔ ka aroŋ rɔ kɔtɔŋane sim tɔfoth.
- ⁷ɔtesoma-e aŋ yema sɔke akarmɔkɔ ŋa aŋthɔ, hali ma pɔ yi-e aŋ te he ɔtɔ maŋ pa, thalɔm ɔtɔ mɔ aŋ fɔf.
- ⁸Kere sɔ tɔrɔ kɔpa aŋthɔ aŋ yi afino bepi wuni ɔ tɔŋ ŋi ɔlompi.
- ⁹Ma sɔ tɔrɔ kɔpa aŋthɔ aŋ yi he ta wuni lompi, kere ta ɔtɔ ŋaŋ aŋa te sane-e, ta ante lane, yi ta afɔm ŋa ahake-e, ta aŋlɔsɔr mɔsɔm-e, yi ta ŋaŋ aŋa mɔ dif akas yi akara-e, de yi ta adif afɔm kɔsias-e,
- ¹⁰ta arɔpi, ta ŋaŋ aŋa yɔ aŋhake ŋa aŋSɔdom-e, ta anthila afɔm-e, ta ayem de ta aŋa mɔ sɔŋ mɔseri ma rɔyem-e, yi ta tɔy o tɔy ɔtɔ mɔ pɛnsa tɔteŋ;
- ¹¹ɔtɔ yi mɔlɔ min yi ɔkera kɔfino ka ɔKuru ka aruba, ɔke a po maŋkɔr ro rɔmi.
- ¹²ɔwa i mɔmɔ Yisɔs Krayst ɔMarki kɔsu ɔwe bɔksɔr mi, pɔkasife ɔ nɔnk mi ubothi lane, yi ubeki, kɔ wɔŋɔ mi ka mapanth mɔŋ;
- ¹³mine ɔwe la yi wuni ŋamne Kurɔŋ de yi wuni thalɔr aŋchɔch, ka i la lɔsɔr ɛpa yɔŋ be. Kere i po sɔthɔ ɔney pɔkasife i yɔ ti ka kɔte tɔrɔ yi kɔte lane.
- ¹⁴ɔwa aŋboŋa ŋa ɔMarki kɔsu aŋ yi abana athesɔr ta ɔtɔ mi, kaŋ sɔŋ mi kɔlane yi mabɔthɔr ka Krayst Yisɔsɔŋ.
- ¹⁵Aŋpa aŋe aŋ yi abothi malane be, ɔbeki ta afɔm be tɔ kɔlane, kɔpa ye Krayst Yisɔs ɔ der ka ɔdɔru tɔ kɔkisis afɔm ŋa ahake; ɔwa mine yi ɔbɔy ka ŋaŋ.
- ¹⁶Kere a nɔŋka mi ɔney, mine ɔwe tha yi ulɔs be, kɔmɔ Yisɔs Krayst ɔ gbɔli tɔri kamuyu kɔŋ kɔwoni, mɔ amɔl ta ɔtɔ ŋaŋ aŋa ba kɔlane kɔ kɔdarɔŋ kati, salata aŋesɔm thɔbana.



¹⁷Ɔwa ka-ake, ta ɔBây ka thɛbana, ɔwe te fi, ɔwe sɛ te nɛŋka rɛfɔr, ɔKuru utempi son, ta ɔ sɔthɔ yiki yi kɛkolo thɛnkɛŋ thɛbana, Amina.

¹⁸Aŋyamari aŋe i po maŋkɛr mu, Timɔthi ɔwan kɛmi, pɛ yi mɔ-e, dim din ɛtɛ Aŋnɛbi aŋ po thɔŋ tɔri mu; kɛmɛ mɛ gbɛli tim kɛtim kɛfinɔ salata ɛpa ɛye.

¹⁹bɛkɛr ka kɛlanɛ, yi asɔŋ agbɛraŋ; ma alɔm aŋ gbapɛ aŋe-e, aŋ po lɛsɛr kɛlanɛ ka ŋaŋ.

²⁰Haminiyɔsɛŋ yi Aleksandaŋ ŋa yi awunɔŋ, aŋa i po lɛnki ka Sethani, kɛmɛ aŋ thɛkɛs tɛ kɛte fɔf Kuru ɔlɛs.

1 Timɔthi 2

¹Tiyɛŋ kɛ tɔtɔkɔ bɛ, i maŋ kɛmɛ kɛnɛmthɛnɛ, yi tɛramnɛ, yi tɛmuti mɔmɔ ɛ gbɛli yi ta wuni o wuni;

²ta abɛy, yi ta ɛtɛ ŋaŋ bɛ aŋa ba afɔsɔ, kɛmɛ sɛ gbɛli yirɛ rɛ mɛthɔfɛl bɛm rɛ kɛnesa Kuru Mɛsaba ka tɛtɛŋ bɛ.

³kɔtɛy-e ɛtɛ tɛ yi tɛfinɔ yi tɛlɔmpi ka kakɛli ka Kuru ɔKisis kɛsu;

⁴ɔwe yema kɛmɛ afɛm bɛ aŋ kisi, yi kɛmɛ aŋ sɔthɔ kɛtɛrɛ ka tɛtɛŋ.

⁵kɔtɛy-e ɔKuru ukɛn ɔ yi, yi uKasa ukɛn kɛtɛŋ ka Kuru yi afɛm. Ɔwuni ɔwe kɛn ɔ yi Yisɔs Krayst,

⁶ɔwe sɔndnɛ tɛ kɛbani afɛm bɛ, ka a seri ti ma ɛŋlɔkɔ ŋati aŋ bek.

⁷ɛtesoma-e a po thith mi tɛ kɛyi ukawandi yi usom, (i fɔf tɛtɛŋ ka Krayst, rɛyem thahɔ); dɛ yi ukarmɔkɔ ka tɛbɔna tɛlɔm ka kɛlanɛ yi tɛtɛŋ.

⁸Tiyɛŋ i yema kɛmɛ afɛm aruni dɛr o dɛr aŋ ramnɛ, kɛmɛ aŋ ŋata mɛta mɛsɛm ka Kuru, kɛte ba rɛbaŋ thalɔm asikɛ.

⁹Bom-ŋaŋ sɔ, i yema kɛmɛ aŋ lopra gbɛt, tɛ kɛyi ŋa kɛthɛgbɛ yi kɛtemp; kɛmɛ aŋ te yesi aŋfon ŋaŋ tɛ kɛlafthɛ ɛfɔr ya afɛm, ta a pa ras aŋ yesinɛ yi mɛbɔŋɔ thalɔm mɛsar mɛkɛŋ, thalɔm ɛlopra ɛbaki mɔlɔ;

¹⁰kɛrɛ ta aŋ yesinɛ yi mɛyɔs mɛfinɔ ama mar afɛm abom aŋa nɛsa Kuru Mɛsaba.

¹¹Ɔwuni bom ɔ yi tɛ kɛthɛkɛs rɛ mɛthɔfɛl yi kɛsanɛ bɛ.

¹²Kɛrɛ minɛŋ i selɔ hɛ ɔwuni bom ɔ thɛksa thalɔm ɔ ba afɔsɔ rokɔm ka ɔruni, kɛrɛ ɔ yi tɛ kɛtaŋk.

¹³kɔtɛy-e a mɛtha bɛmpa Adɛm, rodarɛŋ kati a bɛmpa Ma Hawa.

¹⁴A tɛns hɛ Adɛm, kɛrɛ a tɛns ɔrani kɛŋ, kɔ fumpɔ ka ahakɛ.

¹⁵Kɛrɛ ɔwuni bom ɔ tɛ kom ka kɛpantay, bɛpi aŋ bɛkɛr ka kɛlanɛ, yi mɛbɔthɛr dɛ yi ka mɛsɛm rɛ kɛtemp.



1 Timōthi 3

- ¹Mapa ame mə yi tətəŋ, Bepi wuni ɔ fela yi ugbəka-e, ɔ fela məpanth məfɪnɔ.
- ²Ugbəka ɔ yi tə kəyi wuni paŋitáy ka mayi mən, ɔwos ka urani ukin, uyɔ kəthegbe, utempi, ɔwe ba asən afɪnɔ, ɔwe bəthər kəfantha atik-e, yi ɔwe gbəli thəksa.
- ³Ta ɔ te yi wuni mun məber, thaləm wuni sənko sənko, ta ɔ te ba rədir ta akala-e; kərə ta ɔ yi umuyu, uthəfəl, ɔwe te fela rəka ra wuni ləm;
- ⁴ɔwe mə gbəka kabər kən gbeŋ ɔlompi, kə rusəm rəkomra rən finɔ.
- ⁵kotáy-e bepi wuni ɔ te he tə kəgbəka aŋseth nən gbeŋ-e, to mə gbəli kəlɪanɛ aŋchəch n̄a Kuru Məsaba-e?
- ⁶Ɔ yi he tə kəyi ufəth ka kəlɪanɛ ta thani ɔ wən kəbone táy, kə fumpɔ ka matheri ma Sethani.
- ⁷Pəthas ri, thambe ɔ ba n̄es afɪnɔ ka ante lanɛ; ta thani ɔ wən ka mathəkɛ yi magbət ma Sethani.
- ⁸Akeliya sɔ aŋ yi tə kəyi atempi, aŋ yi he tə kəba təmer tərən, aŋ yi he tə kəmun məber məgbathi, ɔwa aŋ yi he tə kəba rədir ta akala áferá,
- ⁹kaŋ yi tə kəwop aŋgbundu n̄a kəlɪanɛ rə ámerá áferá.
- ¹⁰Ɔwa ta a mətha məmər n̄a sɔ, tiyán, ma a po fir n̄a kəte ba məthəkɛ-e, aŋ gbəli tən yo mapanth ma rəkálɪa.
- ¹¹Arani n̄aŋ sɔ aŋ tə yi atempi, aŋa mə te ləsər n̄es n̄a wuni, aŋ bəthər he kəyo məgbati, ka aŋ yi abəthi lanɛ ta táy o táy.
- ¹²Ukálɪa ɔ tə yi ɔwos ka urani kin, ɔ yi tə kərusəm aŋwuth n̄aŋ yi kabər kən finɔ.
- ¹³Tiyán n̄aŋ aŋa pən wop mapanth ma rəkɪɪa finɔ-e, aŋ tə səthənɛ ɔtəma wa ayiki, yi təbuth təbaki ka kəlɪanɛ áke yi ka Krayst Yisəsən.
- ¹⁴I gbalər mu mətáy ame, ma pə yi-e i gbak ámerá i ti der ro rəmu ləmp.
- ¹⁵Kərə bepi táy o táy tə kali kali mi-e, i yema kámá mə gbəli tārá to mə ba n̄aŋ tə kəkəth kətən ka kabər ka Kuru, pə yi mə-e, aŋchəch n̄a ɔKuru ukəli aŋa yi məkər yi ɔtəmər wa tətəŋ.
- ¹⁶Ɔwa tentənɛ kəte ba áthonka, aŋgbundu abələn n̄a andina a su n̄e yi abana; Kuru ɔ tərɪnɛ ka aŋder n̄a wuni kəpet, ka ɔYina məsəm ɔ sən kə məmari, ka amaleka aŋ nən kə, ka a kawandi ákera kən ka tábona tələm, ka a lanɛ kə ka ádaru, ka a kəl malanɛ kə rokəm rə ayiki abana.

1 Timōthi 4

- ¹ƆYina məsəm ɔ tərɪ ti finɔ kəpa ka marey mələpsɔ-e, afəm aləm aŋ tə bārá kəmuth ka kəlɪanɛ, rə kəsɪ eləns ka eyina eyem, yi mapa ma məkərəfi,



- ²ta salata tàyem ta aṅfəm abañ dəbuth, aṅa pəyi a ləsər aṅsəṅ ṅaṅ yi afat asànk.
- ³Aṅ gbinda afəm tə kənantà, kaṅ kithine afəm tə kətey edi elòm eye Kuru ɔ bempa kāmà aṅlane aṅa mə tàrà tàteṅ aṅ di yi rə kəmuti mómó.
- ⁴kotáy-e koko bə ara Kuru ɔ bempa rə yi rəfínó, ɔwa a ba hɛ tə kəpensa koko bepi a malane ri yi kəsəṅ mómó.
- ⁵Àtesoma-e a səməs ri yi àrim ra Kuru de yi kəramne.
- ⁶Bepi mə tərì mātáy ame ka aṅwənt-e, mə tə yi àbɔy ṅa Yisəs Krayst uboṅhi lane, urusəm ka àsim ta kàlane yi ka mathəksa ma àkera kəfínó àke mə pəṅ thəṅ wop.
- ⁷ɔwa gbape emump eləs ya aṅya abàki; kere rusəmne ka ranes ra Kuru Məsaba.
- ⁸kotáy-e káthanthəsne ka mader kə naṅfas ɔthan gbo, kere marusəmne ame ka Kuru Məsaba-e mə mar rə táy o táy, ma pə yi mə ba alahiri ṅa aṅesəm ṅa ka-ake, de yi ṅa aṅa mə der.
- ⁹Apa aboṅhi lane ṅaṅ, ɔwa aṅ yi amari malane bə.
- ¹⁰Àtesoma-e ta àte sə bəsər buló, sə bəsər sulne, pəkasife sə pəṅ gbak emerà ε su ka ɔKuru ukəli, ɔwe yi ɔKisis ka afəm bə, pə tha gbethi ka ṅaṅ aṅa yi ka kàlane.
- ¹¹Tərì mātáy ame, ɔwa thəksa ma.
- ¹²Te yó kāmà afəm aṅ farki rafəth ra mu; kere yi aməl ta aṅlane salata káfəf, yi màyəs, yi mábəthər, yi kàlane, yi kába àmerà àferà.
- ¹³Səṅ aṅmerà a mu ɔbaksər tə kəkaraṅ, yi tə kəmaṅ, de yi tə kəthəksa haṅ i der.
- ¹⁴Te pəne aṅboya aṅa yi mu, ama mə pəṅ sətho salata maseri ma Aṅnàbi, ma aṅbàki ṅa aṅchəch aṅ reṅ mu mātá maṅ.
- ¹⁵Səndne ka mātáy ame, ɔwa támtámne ma səbɛ, kāmà afəm bə aṅ gbəli nənk ma mǎ mə kó kədi.
- ¹⁶Bumne mun munəne yi mathəksa ma mu; bəsər ka mātáy ame, kotáy-e bepi mə yó ti, mə tə kisis aṅyethe mu, de yi ṅaṅ aṅa mə təlǎ mu.

1 Timóthi 5

- ¹Te ṅal ubaki, kere nəmthene kó mǎ ukas; yi aṅlaṅgba sǎ mǎ awənt.
- ²Aṅfəm abom abàki mǎ akara, de yi aborkó mǎ awənt afəth rə àmerà àferà bə.
- ³Yíkis abora aṅa yi abora tə tentene.
- ⁴Kere bepi ubora ɔ ba awuth thalòm arok-e, ta ṅaṅ aṅ mǎtha thəkəs aṅgbethəṅ ṅa adina salata kabər ka ṅaṅ, kāmà aṅ səṅ ka aṅa kom ṅa; àtesoma-e àte tə yi təfínó de yi təmari rodi ka Kuru Məsaba.



- ⁵Ma pə yi-e ubora tə tentene owe tiyà fu, ɔ gbak àmerà ka Kuru, kɔ bāsər nēmthene yi kəramne gbəs pali-əŋ,
- ⁶kere ubora owe bəthər mabəne ma raru-e ɔ yi ufi hali ma ɔ yi ras ukəli.
- ⁷Tiyāŋ maŋ ŋa ta mātáy ame kámá mətheke mə te ba kəyi.
- ⁸Kere bepi wuni ɔ then he ta aŋfəm ŋəŋ aŋa kəliane kɔ, pə tha gbethi aŋbənsho ŋəŋ gbeŋ-e ɔ po pensa kálane owa ɔ yi uləs pəthasi ŋaŋ aŋa te lane.
- ⁹Te selo tə kəwəŋa ubora owe te ba tərən təgba təsas, owe la yi ɔrani ka uwos ukin,
- ¹⁰owe ba ŋes afinɔ ta máyəs məŋ məfinɔ, bepi ɔ po rusəm awuth-e, bepi ɔ po fantha atik-e, bepi ɔ po yak átátək ta aŋfəm ŋa Kuru-e, bepi ɔ po mar aŋmənne-e, bepi ɔ po pantne rá məpanth o məpanth ama yi məfinɔ.
- ¹¹Kere pensa aŋbora afeth, kotáy-e maŋ təp tə kəba efela kəŋamne Kraystəŋ-e aŋ tə kál balá.
- ¹²kaŋ ba mətheri, pəkasife aŋ po ləsər aŋsekərne ŋaŋ átótəkɔ.
- ¹³Ka pə re yi aŋ thəkəs tə kəyi ayay, maŋ kəth kəth rə seth o seth; aŋ yi he gbo ayay, kere aŋ tə səkə amunafaki yi akətha efɔf eye aŋ te yi tə kəfɔf.
- ¹⁴Tiyāŋ i yema kámá aŋbora afeth aŋ balá, aŋ kom awuth, aŋ bene aŋseth kámá aŋ te səŋ ɔtherane məmari tə kətheke,
- ¹⁵kotáy-e alóm aŋ thayəŋ tə kətaŋ Sethani.
- ¹⁶Bepi wuni o wuni owe lane ɔ ba abora aŋa mə kəliane kɔ tə kəsətho kəmar-e, ɔ yi tə kəmar ŋa kámá aŋchəch aŋ te ba aŋgbethəŋ ŋati. Kama aŋchəch aŋ gbəli mar ŋaŋ aŋa yi abora atiya fu tə tentene.
- ¹⁷Ta aŋbáki aŋa yə mapanth maŋ finɔ aŋ sətho yiki mārəŋ mārəŋ, pə tha gbethi ŋaŋ aŋa mə kawandi yi aŋa mə thəkəsa,
- ¹⁸kotáy-e mágbal məsəm mə pa hɔ, Te fəkər kəsəŋ ka anthura owe mə sap ápəla, de yi hɔ, ɔbulɔ ɔ mar sətho aŋrám ŋəŋ.
- ¹⁹Te gbək kətək kəŋamne ubaki ka aŋseth ŋa Kuru thambe ka kabəpər ka məseri mārəŋ thalóm asas.
- ²⁰Ɖal ŋaŋ aŋa mə yə ehake ka kabəpráne ka aŋfəm, kámá aŋlóm aŋ nesa.
- ²¹I yamari nu rodi ka Kuru yi ɔMarki Yisəs Krayst, yi ka aŋmáleka athith, kámá mə yə átáy áte rə kəte wop ŋin pəthasi alóm, yi kəte yə agbáy.
- ²²Te yeŋk reŋ wuni mətə tə kəyɔ kɔ ubaki ka aŋchəch; owa te kulune ka maləs ma afəm alóm. Bene aŋmerà a mu áferà pər.
- ²³Te sɔ mun mánt, kere mun məwain məthan salata kate ka mu yeŋk məder.



²⁴Ehake ya afəm aləm ε wur gbafəth ka ádàru are, ε təmá ñaŋ kədi ka karək epa; kere ehake ya aləm ε ləpsə tǎŋ ña.

²⁵Ya pə yi sə-e, máyos məfinə ma afəm aləm mə wur gbafəth ka-ake; əwa mátáy mələm ama te ñaibine ka-ake mə gbəli he tiyá ro maŋkne haŋ thánkàŋ.

1 Timóthi 6

¹Ta ña be aña yi ka rátar aŋ yikis aŋmarki ka ñaŋ kámá aŋ te fəf áŋes ña Kuru yi epa yəŋ ələs.

²Daŋ aña ba amarki aponŋ lane, ña yi he tə kəfəŋfsir ña, kotáy-e ña yi rəwənt; kere ta aŋ bār gbo yəna ña rə ámerá áferá, átesoma-e aña mə səthə kayəna kati ña yi alane yi ayathki. Əwa maŋ de yi thəkisa mátáy ame.

³Bepi wuni o wuni ə thəkisa táy tələm, əwa ə pənsa sim tələmpi, hali ásim ta əMarki kásu Yisəs Kraystəŋ, yi mathəkisa ma tətəŋ salata ranes ra Kuru.

⁴Okati ə yi ubone táy, ə te he koko, ə nane gbo tə kəthəŋka thəŋka áke kərə məputhane, yi kəgbal, kətut, kənal de yi anane ələs, de yi

⁵kapensane ka afəm aña ba enane ələs, aña te tǎrá tətəŋ, əwa aŋ nane kəpa kəfatər Kuru kə yi aroŋ da kəsəthə.

⁶Kere kəfatər Kuru yi kəwasa, kəsəthə kəbana kaŋ.

⁷kotáy-e sə kərə he rəka o rəka ka ádàru are, əwa tə tentene sə gbəli he kera rəka o rəka kəwur ri.

⁸Əwa, bepi sə ba da rədi yi elopra, ta pə bek su.

⁹Kere afəm aña fela rəyola aŋ tə fumpə ka agbəns yi məgbət, yi ka efela ələs egbathi eyə mə kera afəm ka kadine.

¹⁰kotáy-e məbəthər ma akala má yi anthəŋk ña máləs tətəp tətəp be; ta salata mafela ame-e, aləm aŋ po bəlane kálane, kaŋ po səthəne epa ebaŋ dəbuth egbathi.

¹¹Kere munə, mun wuni ka Kuru-e, gbukə mátáy ame; tǎŋ mələmpi de yi məsəm ama yi tətəŋ rodi ka Kurəŋ, yi kəlane, yi məbəthər, yi kəmuɣu, yi kəthorane.

¹²Tim katim kəfinə ka kalane, wopne aŋesəm thəbana ta átá a po tela mu, yi ta átá mə po səŋ məseri məfinə rodi ka məseri məgbathi.

¹³I maŋ mu ka kábəpráne ka Kuru, əwe mə səŋ ñesəm ka koko be ara ə bəmpa, de yi rodi ka Yisəs Kraystəŋ, əwe po səŋ məseri məfinə rodi ka Pəntiəs Pailat-e.

¹⁴Əwa bene aŋyamari aŋe finə, kəte ba apora thələm mətheke, haŋ əMarki kásu Yisəs Krayst ə kál der.

¹⁵Əwa a ba kətəri ti ka aŋləkə ñati kətəŋáne ka əwe yi əGbəka uruba son, əBáy ka abáy yi əMarki ka amarki;



16 ɔwe pə yi kɔn son ɔ ba aɲesəm thəbana ka aɲyɛthe ɲɔɲ, rə kəyira ka aɲmothà aɲa wuni o wuni ɔ gbəli he fatər; ɔwe wuni o wuni ɔ te tha nən̄k, ta a pa ras ɔ gbəli he nən̄k; ɔwe ba yiki yi afɔsɔ thänkəɲ thəbana, Amina.

17 Maɲ ɲaɲ aɲa ba rəyola ka àdàru are kàmà aɲ te ba kəbone tày, ɔwa kàmà aɲ te gbak àmerà ka rayola ara ba kəpɔɲ, kere ka ɔKuru ukəli, ɔwe po sɔɲ su tày o tày təfɪnɔ ta mabone ma su.

18 Maɲ ɲa kàmà aɲ yɔ təfɪnɔ, de yi kàmà aɲ yi ayola ka màyɔs məfɪnɔ de yi tɛmp tɛmp tə kəsɔɲ eboya.

19 Kama aɲ bənɛnɛ ɔtəmər ɔfɪnɔ ta aɲlɔkɔ aɲa mə deràɲ, kàmà aɲ wopnɛ aɲesəm thəbana.

20 Timothi, bumər tətɛɲ àtá a po maɲkər mu, gbukɛ táfɔf tələs yi təyay yi epensanɛ ya kàte tārà tətɛɲ.

21 Ta àte-e, aləm aɲ po kolonɛ, ɔwa aɲ po yethà ta salata kàwur ka kàlanɛ. Ta aboɲa aɲ yi romu. Amina.



2 Timothi

2 Timothi 1

- ¹Pəl usom ka Yisəs Krayst asabu ɲa məselo ma Kuru salata aɲlahiri ɲa aɲesəm aɲa yi ka Krayst Yisəs.
- ²Ka Timothi, ɔwan kámi uboθhər; aboɲa yi áney, yi məθhofəl ε yi ro rɔmu kəwur ka Kuru ɔKas yi Yisəs Krayst ɔMarki.
- ³I mómɔ Kuru ɔwe mə batho re ámerá agbɛraɲ, mɔ aɲbemba a mi aɲ po yɔ, ɔwa gbɛs pali-əɲ i nane mu ka taramne ta mi.
- ⁴I fela tɔ kəɲəɲk mu, ma i nane ámántər a mu, kámá mabɔne ma mi mə la.
- ⁵Ma i nane ka kálane tətəɲ áke yi ro rɔmu-e, áke mɔtha yi ka ɔkárábom ka mu Lois, yi áke ɔya kámu Yunis ɔ ba, ka i lane kəpa munɔ mə ba ki sɔ.
- ⁶Te ba ti i ti yɔ mu mə kál nane tɔ kəgboɲkthis aɲboya ɲa Kuru aɲa mə ba-e, aɲa mə soθhɔ ma i reɲ mu máta ma mi.
- ⁷Átesoma-e Kuru ɔ sɔɲ he su aɲmerá ɲa rənes, kere aɲmerá ɲa afɔsɔ, yi ɲa məboθhər, yi ɲa ámerá ayenki.
- ⁸Tiyáɲ te ba mələp tɔ kəsəɲ məseri ta ɔMarki kásu, thaləm ta áta mi, ɔkendɛbira kəɲ; kere yi uyerane ka asəmpane salata ákera kəfínɔ ka Kuru mɔlo ma Kuru ɔ sɔɲ mu afɔsɔ,
- ⁹ɔwe po kisis su, ɔwa ɔ po tela su yi kətela kəsəm, pə yi he mɔlo ma mapanth ma su mə yi, kere salata məselo yi aɲboɲa ɲəɲ, aɲa ɔ po sɔɲ su ka Yisəs Kraystáɲ yɛɲka ádaru rə təpɛ,
- ¹⁰kere ka-ake kə poɲ ɲaibe ka katɔrine ka ɔKisis kásu Yisəs Kraystáɲ, ɔwe po tham ráfi, kɔ wurɔ gbafəθ aɲesəm yi káte fi kətəɲ ka ákera kəfínɔ ka Kuru.
- ¹¹Ka a səkɪ mi ugɔay kawandi salata ákera kəfínɔ ka Kuru, yi usom, yi ukarməkɔ ka tábona təlɔm.
- ¹²ɔwa ta áte sɔ i səmpane mátáy ame; kere i lap he, pəkasife i tārá ɔwe i po lane, ɔwa i lane kəpa tentene ɔ gbəli bene ara i po maɲkər kɔ haɲ ka aɲrey ɲati.
- ¹³Wop ɔbaksər aɲmɔl ɲa sim tətəɲ áta mə poɲ təl kəwur ro rɔmi ka kəlane yi maboθhər ama yi ka Krayst Yisəs.
- ¹⁴Bene arəka rəfínɔ ara a maɲkər mu ka ɔYina məsəm, ɔwe yirá ka emerá ε su.
- ¹⁵ɔwa mə tārá kəpa ɲa be aɲa yi ro Asia aɲ bār mi thəɲ kəmuth. ɔwa Fikəliyəs yi Həmɔyenis ɲa yi kətəɲ ka ɲaɲ.
- ¹⁶Kaɲka ɔMarki ɔ sɔɲ áney ka kabər ka Onisifɔrɔs, pəkasife ɔ bákəs mi məder katkat, kɔ lap he ta akərənthá kámi,



¹⁷Kere ma o yi ro Rom, o bora te kethens han o nenk mi.

¹⁸Kanka o sotho aney ka oMarki ka anrey nati. Owa munu mo tara fino kamar ake o yona mi ro Efisos.

2 Timothy 2

¹Tiyang, munu owan kami, yi ubaki mader ka anbona ana yi ka Krayst Yisos.

²Matay ama mo po tel kewur ro romi keton ka meseri melai, kal tori afem abothi lane kamá an gbali kal thaksa afem alom so.

³Te ba ti, muyu esompane mo ukurba ufinu ka Yisos Kraystan.

⁴Wuni o wuni owe yi ukurba o kulune he ka matay ma adaru are, kamá o gbali thesis anmerá na owe po thith ko te kayi ukurba.

⁵Owa bepi wuni o wuni o gbakane kasonka-e, o sotho he aram, thambe o wop antho na angbakane.

⁶Ubaf owe mo bulo ro kor-e, konu yi te kemotha sotho anram nati.

⁷Tamtamne fino ta ata i pa; owa oMarki o te son mu katempe ra tay o tay.

⁸Te pone kopa Yisos Kraystan ka rakomra ra Debid, o kal yokane ka rafi mo akera kafino ka Kuru ko pa ake i po tori mu.

⁹Salata akera ake-e, i nakasi, owa a tand mi ka torentha mo ukaranka. Kere a gbali he tand arim ra Kuru yi torentha.

¹⁰Tiyang i muyu tay o tay salata anfam na Kuru kamá na so an gbali sotho kakisi ake yi ka Krayst yi ayiki thobana.

¹¹Anje, na yi apa abothi lane; ka pa yi bepi sa pon thon fi yi kon, sa te kal kali yi kon.

¹²Bepi sa sompane-e sa te gboka so yi kon; bepi sa pensa ko, konu so o te pensa su.

¹³Bepi sa lane he, konu o tiya gbo ubothi lane. O gbali he pensane.

¹⁴Yo kamá an kal nane matay ame be, owa man na rodi ka Kuru kamá an te thonka ka sim toyay yay, ata mo yethas ana tel ti.

¹⁵Thakos te kethesis Kuru mo aboy owe te ba kelap, owe mo gbay asim ta teten olompi.

¹⁶Kere bolane kafof toyay yi tefonf; pokasife ko te bar gbo yo afem an namne Kuru.

¹⁷Owa arim ran re te gbanthene mo kasam kethey. Haimineyos yi Faylitos na yi afem mo anje.

¹⁸An po yetha salata teten, kan pa kakal yokane ka anfi ko pon thon thas. Kan lesar kalane ka afem alom.



¹⁹Halisa otəmər wa Kuru o tēmà kəŋkəŋ, owa aŋmáthle ŋati ŋi aŋe, kəpa, oMariki o tārà aŋfəm ŋəŋ gbeŋ. Owa sə-e, Ta wuni o wuni owe bont aŋes ŋa Kraystāŋ o gbape mākəŋə.

²⁰Kere ka aseth abana pə yi he gbo eyet ebempa ya mabəŋə yi akala áferà e yi-e, kere ya ebeŋ yi ethof sə; elom ta məpanth məkolo, elom ta məpanth məyay.

²¹Tiyāŋ bepi wuni o wasərne məyay-e, a tə kiane kə ta məpanth məkolo, rəka rəsəm, rəbeki ka mapanth ma oMarki, rəbenene ta tày o tày təfinə.

²²Gbukə sə efela eləs ya ráfeth, kere tāŋ məlompi, yi kəlane, yi məbothər, yi məthofəl re ŋaŋ aŋa tela ka oMarki rə emerà efera.

²³Kere boláne áthonka ayay ŋa afəm aŋa te tārà, pəkasife mə tārà kəpa ŋə mə kārà məputhanə.

²⁴Owa aŋbəy ŋa oMarki o yi he tə kətim, kere o yi tə kəyi uthofəl bəm yi afəm be, ukarməkə utara tày, umuyu;

²⁵o tə fəf othofəl ma o mem tə kəlompəs ŋaŋ aŋa pensa kə, ma pə yi-e, sothlom Kuru o tə səŋ ŋa kəthupi kāmà aŋ gbithanə tātəŋ;

²⁶kāmà aŋ gbəli fisə kəwur ka magbət ma Sethani, rodarəŋ kaŋ la sap tə kəyə məselə məŋ.

2 Timothi 3

¹Tara kəpa tentene ka marey mələpsə-e, məsibo mə tə der.

²kotáy-e afəm aŋ tə yi abothərne, aŋa ba efər emara, aŋa mə gbək eyonka, afəm akabane, aŋa mə fəf Kuru oləs, aŋa mə te sane ka ŋaŋ aŋa kom ŋa, afisrəwali, aba he məsəm,

³abāki rəfər, aləsər alemrane, afəm Sethani, afəm arəpi, aŋ pensa he efela yaŋ, aŋ yi afəm abāŋ, aŋa mə farki aŋlompi,

⁴aŋa ba ayaŋfa, yi kənapı, afəm abone tày ŋaŋ, aŋa mə bothər mabəne ma ádaru pəthasi Kuru Məsaba.

⁵Aŋ yər mə mə aŋ bothər Kuru-e, kere aŋ pensa aŋfəsə ŋati. Mə yi tə kəbār aŋfəm aŋe kəmuth.

⁶kotáy-e awunəŋ ŋa mə wəŋ ka eseth səy, aŋ sapərane emerà ya afəm abom ŋa məfəŋf aŋa ba akothe kələl ka ehake yaŋ, aŋa yi atar ŋa məfela məgbanthe tətəp.

⁷Ləkə o ləkə aŋ thəkəs tày təfu, kere thānkāŋ aŋ gbəli he sothəsne kátārà ka tātəŋ.

⁸Mə Yanes yi Yambres aŋ pensa Mosisāŋ, ya pə yi sə aŋkarməkə ayem aŋe mə aŋ pensa tātəŋ. Aŋ yi afəm aŋa ba enane enəkə; de yi emerà ethayon kəwur ka kəlāne.



⁹Kere aŋ gbəli hɛ kɔ kədi, pəkasiɛ aŋpənɔk ŋaŋ aŋ tɔ tɔriɛ ka afəm bɛ, mɔ mɔ aŋpənɔk ŋa aŋa pɛnsa Mosis aŋ tɔriɛ.

¹⁰Kere munɔ mɔ po tɔrɔ finɔ mathəksa ma mi dɛ yi mayi, yi mabotəs, yi kálanɛ, yi kamuyu, yi mabothər, yi katəma kámi kəŋkəŋ,

¹¹yi esəmpanɛ, yi ámɔnɛ mɔ mi bɛ áme derər mi ro Antiok, yi ro Ikonioɔm, yi ro Listra; munɔ mɔ tɔrɔ esəmpanɛ eyɛ i po muyu; kere ɔMarki ɔ po wurɔ mi ri bɛ.

¹²Ya pɛ yi, wuni o wuni ɔwe mɔ tɔŋ Krayst Yisəs ka ɔlompi, ɔ tɔ ba asəmpanɛ.

¹³Kere afəm aləs yi afəm ayaŋfa aŋ tɔ bɔr gbo yi aləs, aŋ tɔ tɔns aləm, ɔwa aŋ tɔ tɔnsnɛ.

¹⁴Kere básər kɔ rodi ka átá mɔ po thəkəs, yi átá mɔ po lanɛ, átesoma-e mɔ poŋ tɔrɔ ɔkarməkɔ ka mu,

¹⁵tɔ kəyi munɔ mɔ po tɔrɔ mágbal məsəm kəwur ka rafeth ra mu, ama gbəli sɔŋ mu kətemp tɔ kəsɔthɔ kəkisi ta salata kálanɛ áke yi ka Krayst Yisəs.

¹⁶Kuru ɔ tempəs emerá yaŋ aŋa gbal mágbal məsəm bɛ, ama yi məbeki tɔ kəthəksa, yi tɔ kəmaŋ, yi tɔ kəlompəs, dɛ yi tɔ kərusəm salata məlompi,

¹⁷kámá ɔwuni ka Kuru ɔ gbəli yi ulompi dɛ yi ubeki ta məpanth o məpanth.

2 Timothi 4

¹Tiyáŋ i maŋ mu ka kábəpráne ka Kuru, yi ka ɔMarki Yisəs Krayst ɔwe yi tɔ kəthoŋkas aŋkəli yi aŋfi ka káder kəŋ yi rábáy rəŋ.

²Taməs árim ra Kuru. Básər tɔri ri ləkɔ o ləkɔ. Dəl ɔwa maŋ, ɔwa báksər rə kəmuɔy kəte thamrɔ,

³átesoma-e aŋlɔkɔ aŋ tɔ bek maŋ te sɔ gbəli muyu kəthəksa ka táteŋ, kere aŋ tɔ yema gbo təl átá yi təbɔthi təl, ɔwa aŋ tɔ fir akarməkɔ agbáthi aŋa yi abeki ŋa.

⁴Aŋ tɔ bɔr táteŋ kəmutɔ, ɔwa aŋ tɔ fəle ka táyem.

⁵Kere munɔ mɔ yi tɔ kəbum ka táy o táy, ɔwa muyu esəmpanɛ, yɔ mapanth ma ukawandi, sɔŋ məseri məfinɔ salata mapanth ma mu.

⁶kotáy-e minɛ i təmá mɔ sathka təfak, ɔwa aŋlɔkɔ ŋa kakɔnɛ kámi aŋ po fat.

⁷I po tim katim kəfinɔ, i po gbanthi aŋbara a mi, i po bɛnɛ kálanɛ.

⁸Tiyáŋ ániyɔ ŋa málompi aŋ yi ta átá mi, aŋa ɔMarki, ɔThoŋkas ulompi, ɔ tɔ sɔŋ mi ka aŋrey ŋati; ɔwa pɛ yi hɛ ta átá mi gbo son-e, kere ta átá ŋaŋ bɛ aŋa bəthər káder kəŋ.

⁹Básər kámá mɔ yeŋk der ro rəmi,

¹⁰kotáy-e Dimas ɔ po tey mi ma ɔ bəthər ádáru are, ɔ poŋ thəŋ kɔnɛ ro Thesalonika, Kresens ro Kaletia, Taytɔs ro Dalmetiya.



- ¹¹Luk son ɔ yi yi mineŋ. Ma nə der-e, tela Mak-əŋ kāmá ɔ der yi munɔ, pəkasiŋe ɔ yi umar ufinɔ ta átá mi ka mapanth.
- ¹²I po somra Tikikɔs ro Efisɔs.
- ¹³Ma mə der-e, kárá aruma ra mi ara i tey ro Troas ka ʔŋseth ʔa Kapɔs, yi átáfá sɔ, de yi pə tha gbethi ereka.
- ¹⁴Aleksanda ɔkabi ɔ bora yɔ mi ɔlɔs; ɔMarki ɔ tə ram kɔ mɔlɔ ma máyɔs mɔŋ mə yi.
- ¹⁵ɔwa munɔ sɔ bumne kɔ, pəkasiŋe ɔ bora kətim akawandi kásu.
- ¹⁶Ka kathonka kámi kətɔtɔkɔ i ba he wuni o wuni tə kətəma mi rayer; ʔa be ʔŋ poŋ tey mi. I nemthene Kuru kāmá ʔŋ te sotho ti mətheke.
- ¹⁷Kere ɔMarki ɔ tɔmá mi rayer, kɔ bəksər mi, kāmá pə yi ʔŋsabú a mi, tábona təlɔm be ʔŋ tə təl ákera kəfinɔ ka Kuru; kɔ kathi mi ka kásəŋ ka ʔŋsoyila.
- ¹⁸ɔMarki kɔnəŋ ɔ tə kisis mi ka máləs be, ɔwa ɔ tə bene mi ka rábáy rəŋ rəsəm. Ta kɔn yi ayiki haŋ thánkəŋ thəbana. Amina.
- ¹⁹Kori Prisila yi Akwila, yi kabər ka Onisifɔrɔs.
- ²⁰Irastɔs ɔ yi ro Kɔrinth, kere i tey Trofimɔs ro Melita, ɔ tu.
- ²¹Básər kāmá mə der yeŋka ɔtaŋk ɔ wəŋ. Yubulɔs ɔ kori mu yi Pudens, yi Linɔs, yi Klodiya de yi ʔŋwənt be.
- ²²Ta ɔMarki ɔ yi ka ʔŋyina a mu. Ta aboŋa ʔŋ yi ro rɔmu. Amina.



Taytɔs

Taytɔs 1

- ¹Pɔl ɔbɔy ɲa Kuru, de yi usom ka Yisɔs Kraystɔŋ tɔ kɔbaksɔr kɔlanɛ ka anthith ɲa Kuru, de yi tɔ kɔtɔri tɔtɛŋ ɔtɔ yi ka ranes ra Kuru.
- ²Ka kagbak ɔmerɔ ka aɲesɔm thɔbana, ɔke Kuru-e, ɔwe gbɔli he yema, ɔ po lahiri kɔbi ka ɔtɔpɛr wa ɔdɔru;
- ³ɔwa-e, ka ɔɲlɔkɔ ɲɔŋ abeki ɔ tɔri ɔrim rɔŋ kɔtɔɲɔnɛ ka kakawandi ɔke a maɲkɔr mi ka aɲyamari ɲa Kuru ɔKisis kɔsu;
- ⁴ka Taytɔs ɔwan kɔmi utɔtɛŋ ka kɔlanɛ kin; aboɲa-e, ɔney-e de yi mɔthɔfɔl mɔ yi do rɔmu kɔwur ka Kuru ɔKas yi ɔMarki Yisɔs Krayst ɔKisis kɔsu.
- ⁵Tɔsom i pɔŋ tey mu ro Krit kɔmɔ mɔ pons mɔtɔy ama tiyɔ tɔ kɔlompɔs-e, de yi kɔmɔ mɔ thith abɔki ka kɔpet ɔ kɔpet mɔ mɔ i po tɔri mu.
- ⁶Thith ɔwuni ɔwe te ba mɔtheke, ɔwe ba urani ukin, ɔwe ba awuth abɔthi lanɛ ɔɲa a te bont tɔ kɔyi ɔsɔnkɔ sɔɲkɔ thalɔm ɔthɔnthɔnɛ.
- ⁷kɔtɔy-e ugbɔka ka aɲchɔch-e, ta ɔ yi upaɲi tɔy mɔ ɔɲbɔy ɲa Kuru, ɔwa ɔ yi he tɔ kɔyi ubaki rɔbomp thalɔm ulɛmp rɔ rɔbaɲ-e, ta ɔ te bɔthɔr mɔber, thalɔm kɔtim thalɔm mɔfela mɔbaɲ ta akala.
- ⁸Kɛrɛ ta ɔ yi wuni fantha afɔm, ta ɔ bɔthɔr tɔfɔnɔ, ta ɔ yi utempi, ubotnɛ rɔ ɔmerɔ, ulompi, usɔm de yi ubeki gbɛt.
- ⁹Ta ɔ wɔp ɔbaksɔr ɔsim tɔbɔthi lanɛ ɔtɔ a po thɔksa kɔ, kama-e, kɔtɔɲɔnɛ ka ɔkɛra ka tɔtɛŋ-e, ɔ gbɔli maɲ tɔ kɔbaksɔr ɔlɔm de yi tɔ kɔgbakia aɲfɔm ɔɲa ba ɛpɛnsa.
- ¹⁰kɔtɔy-e afɔm agbɔthi aɲ yi ri ɔɲa yɔ kɔrɔfu kɔrɔfu, afu fa fu rɔ kɔfɔf ɲaɲ, ɔwa aɲ pɔɲis afɔm, pɔ tha gbɛthi ɲaɲ ka ɔɲbironɔs.
- ¹¹Mɔ yi tɔ kɔyɔ ɲa aɲ tɔɲk, pɔkasifɛ aɲ lɔsɔr kɔlanɛ ka tɔkomra tɔlay, kaɲ thɔksa ɔtɔ aɲ yi he naɲ tɔ kɔthɔksa, salata akala.
- ¹²Ukin ka ɲaɲ, hali unabi ka ɔɲbona ɲaɲ gbɛɲ, ɔ pa hɔ, AɲKrit aɲ yi ayem lɔkɔ ɔ lɔkɔ, aɲ yi mɔ-e tɔsɛm tɔbaɲ, afɔm awɔnthi ayay ɲaɲ.
- ¹³Maseri amɛ mɔ yi tɔtɛŋ. Tiyaɲ ɲal ɲa fɔnɔ kɔmɔ aɲ gbɔli bɔkɔr ka kɔlanɛ,
- ¹⁴beta aɲ su ɛlɔns ka amump ma aɲYuda, yi ka ɛyamari ya afɔm ɔɲa farki tɔtɛŋ.
- ¹⁵Ka anthɔth rɔ ɔmerɔ, koko rɔ yi rɔthɔth; kɛrɛ ka aɲnɔkɔ de yi ante lanɛ koko rɔ yi he rɔthɔth, kɛrɛ hali ɛmerɔ de yi ɛnanɛ yaɲ gbɛɲ ɛ yi ɛthey.
- ¹⁶Aɲ tɔ pa aɲ tɔrɔ Kuru, kɛrɛ mɔyɔs maɲ mɔ pɛnsa kɔ, kɔbi aɲ yi afɔm agbɛɲa, ɔthɔnthɔnɛ, aɲ mar he yɔ mɔpanth ɔ mɔpanth mɔfɔnɔ hali.

Taytɔs 2



- ¹Kere munɔ mə yi tɔ kɔtamɔs mātáy ama mar kathɔksa ka tãteŋ.
- ²Yɔ kámá máthem aŋ yi agbet, atempi, akɔthegbe rɔ ámerá, abáki mɔder ka kálane yi ka mábɔthɔr de yi ka kámuyu.
- ³Ya pɔyi sɔ yi ŋaŋáŋ, kámá máyɔs maŋ mə yi mɔ afɔm asɔm, kámá aŋ te yi afɔm anafiki-e, ɔwa aŋ yi he tɔ kɔmun mɔber mɔgbathi, kere ta aŋ thɔksa mātáy mɔfinɔ,
- ⁴kámá aŋ gbɔli sɔ thɔksá aŋbɔrko tɔ kɔyi agbet, tɔ kɔbɔthɔr aŋwos de yi aŋwuth ŋaŋ;
- ⁵tɔ kɔyi afɔm asobine, athɔth rɔ ámerá, tɔ kɔbene eseth yaŋ nɔknɔk, athɔfɔl, de yi tɔ kɔsane ka aŋwos ŋaŋ kámá a te gbɔli fɔf kɔŋamne árim ra Kuru.
- ⁶Maŋ sɔ aŋlaŋgba kámá aŋ yi afɔm akɔthegbe.
- ⁷Rɔ táy o táy tɔri amɔl ŋa mɔyɔs mɔfinɔ; thɔksa rɔ ámerá áferá yi rim rɔsɔbe, de yi tãteŋ,
- ⁸de yi sim tɔbeki lane átá wuni o wuni ɔ gbɔli he theke; kámá kɔn ɔwe tɔmá kɔŋamne-e, ɔ tɔ lap mɔ mɔ te ba táy tɔlɔs tɔ kɔfofiya mu.
- ⁹Maŋ atar kámá aŋ wop árim ra aŋa ba ŋa, tɔ kɔthesane ŋa finɔ rɔ táy o táy; ɔwa aŋ yi he tɔ kɔpensane,
- ¹⁰thalɔm keya, kere ta aŋ yi abɔthi lane rɔ ámerá áferá, kámá rɔ táy o táy aŋ gbɔli sɔŋ aseri afinɔ ta mathɔksa ma Kuru ɔKisis kásu.
- ¹¹kotáy-e aŋboŋa ŋa Kuru aŋ ŋaibine salata kakisi ka afɔm be,
- ¹²aŋa rusɔm su tɔ kɔpensa táy o táy átá ŋamne Kuru-e, de yi mafela ma ádaru, kámá sɔ yi atempi, alompi de yi asɔm ka ádaru are;
- ¹³ma sɔ kar ta kagbak ámerá ka aruba, pɔ yi mɔ-e katɔrine ka aŋyiki ŋa ɔKuru ubana yi ɔKisis kásu Yisɔs Kraystáŋ;
- ¹⁴ɔwe sɔndne ta átá su kámá ɔ gbɔli bani su kɔwur ka mákɔná be-e, de yi tɔ kɔfethɔr aŋfɔm ŋɔŋ gbɛŋ aŋa yi ayasyas tɔ kɔyɔ mɔyɔs mɔfinɔ.
- ¹⁵Tɔri mātáy ame-e, ɔwa maŋ de yi ŋal rɔ afɔsɔ be. Te selɔ wuni o wuni ɔ farki mu.

Taytɔs 3

- ¹Yɔ kámá aŋfɔm aŋ sane ka aŋbáy de yi aŋgbɔka rokɔm ka ŋaŋ, de yi kámá aŋ yi abenene ta mɔpanth o mɔpanth mɔfinɔ.
- ²Ta aŋ te fɔfiya wuni o wuni, ta aŋ te gbal, ta aŋ yi athɔfɔl, de yi ta aŋ yi athorane ka wuni o wuni,
- ³kotáy-e alɔkɔ alɔm saŋ sɔ sɔ sa yi apɔnk, áthánthone, atɔns, atar ŋa mɔfela o mɔfela mɔlɔs-e; sɔ sa yirá gbo ka mábaŋ de yi kátut. Sɔ gbɛŋa afɔm, ɔwa sɔ kál gbɛŋane.



- ⁴Kere ma mafino ma Kuru oKisis kasu de yi mabother mon ta afem a kəpet mə torine-e,
- ⁵o kisis su, pə yi he salata mayos melompi ama sə pon yə, kere o kisis su asabu ɲa aɲney ɲon, ka kafethər ake kəl kom ofu, de yi ka kafusəs ka oYina məsəm,
- ⁶owe o lond do rəsu ogbathi kətanane ka Yisos Krayst oKisis kasu;
- ⁷kama ma sə po sotho memari ka aɲbona ɲon-e, sə tə səke aɲa mə ba akeɲ kətanane ka kagbak amerə ka aɲesəm thəbana.
- ⁸Arim are rə yi tateɲ, owa i yema kama mə thiɲkər matay ame katkat kama ɲaɲ aɲa po lanə Kuru-e aɲ gbəli yi afem asobe tə kəyɔ məyos məfino. Matay ame mə yi məfino, owa mə mar sə afem be.
- ⁹Kere gbape ebarki epəɲk yi təpa təkur, yi egbal, yi ethonka thonka salata aɲtho, pəkasife e mar he, e yi gbo fu fa fu.
- ¹⁰Maɲ owuni thayon marəɲ gbo; kədarəɲ kati, pensa kə.
- ¹¹Pəkasife mə tarə kəpa wuni wunon o po yetha kəwur ka tateɲ, owa o yə ahake, kə sone mətheri.
- ¹²Ma i somra Artimos thalom Tikikos ro romu-e, mem tə kəder ro romi ro Nikapolis, kotay-e i po botəs tə kəyira ri ka aɲləkə ɲa otaɲk.
- ¹³Bəsər tə kəmar Sinas oləya, de yi Apələs ka aɲbiyas ɲaɲ kama aɲ te paɲ koko.
- ¹⁴Owa yə kama aɲfəm a su aɲ thəkəs tə kəyɔ məpanth məfino ta egbetheɲ yaɲ kama aɲ te yi akonfereɲ.
- ¹⁵Da be aɲa yi yi mineɲ aɲ kori mu. Kori ɲaɲ aɲa bother su ka kəlane. Ta abona aɲ yi do rənu be. Amina.



Faylimɔn

Faylimɔn 1

- ¹Pɔl ukendɛbira salata Yisɔs Kraystɔn, yi Timoθhi ɔwɔnt su, ka Faylimɔn, ɔkos su uboθhɛr ka mapanth,
- ²dɛ yi ka Afiya, ɔwɔnt bɛra, yi Arkipɔs, ɔkos su ka katim dɛ yi ka aɲfɛm ɲa Kuru ɲa gbanɛ ka ɲɲseth a mu;
- ³ta aboɲa ɲɲ yi do rɔmu, yi mɛθɔfɛl, kɛwɔr ka Kuru ɔKas yi ɔMarki Yisɔs Krayst.
- ⁴I bont ɲɲɛs a mu lɔkɔ o lɔkɔ ka taramnɛ ta mi, rɛ kɛsɔɲ Kuru mɔmɔ.
- ⁵Pɛkasifɛ i tɛl ta mɛboθhɛr yi kɛlanɛ ɛkɛ mɛ ba ta ɔMarki Yisɔs dɛ yi ka ɲɲfɛm ɲɔɲ bɛ.
- ⁶Kaɲka kayeranɛ ka ɲɲlanɛ a mu kɛ gbɛli yɔ kɛmɛ alɔm ɲɲ tɛrɛ ta tɛy o tɛy ta su tɛfɛno ɛtɛ yi rokor ka Yisɔs Kraystɔn.
- ⁷kotɛy-e sɛ ba mɛbɔnɛ mɛbana dɛ yi kɛbɛfɛθ asabu ɲa mɛboθhɛr ma mu, pɛkasifɛ mɛ po bɛkɛs tabuth ta ɲɲfɛm ɲa Yisɔs, ɔwɔnt mi.
- ⁸Tiyɔn, hali ma i ba ɲɲ kɛbak kɛbuth ka Krayst kɛyamari mu tɛ kɛyɔ ɛtɛ yi tɛlɔmpɛ-e,
- ⁹kɛrɛ salata mɛboθhɛr-e, i tha yema nɛmθhɛnɛ mu, hali minɛ Pɔlɔn, ɔthem ubaki, yi ukendɛbira ta Yisɔs Krayst sɔ;
- ¹⁰i nɛmθhɛnɛ mu ta ɔwan kɛmi Onisimɔs ɔwɛ i po kom ka atɔrɛnthɛ ta mi,
- ¹¹ɔwɛ tɛ la munɲɲfas mu-e, kɛrɛ ka-akɛ ɔ munɲɲfas mu yi minɛɲ.
- ¹²I kala kɔ do rɔmu, hali pɛ yi mɔ i somra kabuth kɛmi gbɛɲ.
- ¹³I fɛla ɲɲ tɛ kɛbɛnɛ kɔ ɲɔ kɛmɛ ɔ yɔna mi salata mu ma i yi rɛ tɛrɛɲka-e salata ɛkɛra kɛfɛno ka Kuru;
- ¹⁴kɛrɛ i yema hɛ yɔ koko thambe i tɛrɛ ɲɲmɛrɛ a mu, kɛmɛ kamar ka mu kɛ tɛ yi pɛkasifɛ mɛyɔ mɛ yi hɛ, kɛrɛ mɛ sɛlɔ tɛ kɛyɔ ti.
- ¹⁵kotɛy-e sɔθhlɔm ɔ wur rɔ rɔmu ta alɔkɔ agbut, kɛmɛ mɛ gbɛli kɛl malanɛ kɔ ta thɛbana;
- ¹⁶pɛ yi hɛ mɔ utar sɔ-e, kɛrɛ pɛθhasi utar, mɔ uwɔnt uboθhɛr ta ɛtɛ mi gbɛɲ, kɛrɛ pɛ tha gbɛθhi ta ɛtɛ mu, uwɔnt wɔɲ ka rawuni kɛpɛt dɛ yi ka ɔMarki.
- ¹⁷Tiyɔn bɛpi mɛ nɛnk mi mɔ uyeranɛ ka mu, malanɛ kɔ mɔ to maɲ malanɛ mi.
- ¹⁸Bɛpi ɔ po yɔ mu tɛlɛs-e, θahlɔm ɔ ba rɛbɛy do rɔmu-e, bot amɔlɔ mati ka ɲɲɛs a mi.
- ¹⁹Mɛnɛ Pɔl i gbɛl ti yi kɛtɛ kɛmi gbɛɲ, ɔwa minɛ i ti ram ti. (I pa hɛ ta munɔ mɔ mɛ ba rɛbɛi do rɔmi dɛ yi hali ɲɲɛsɛm a mu gbɛɲ).



²⁰Yao, ɔwɔnt yɔna mi kamar ake kāmà i ba mɛbɔnɛ ka ɔMarki; bākɛs kabuth kāmì ka Kraystàŋ.

²¹I gbalɛr mu pɛkasifɛ i pɛlɔnɛ mu kɛpa munɔ mɛ tɛ yɔ pɛthasi àtá i pa.

²²Ɔwa benɛnɛ mi ɔyia, pɛkasifɛ salata taramnɛ ta mu i gbak ámerà tɛ kɛder sɔ do rɔmu.

²³Ɔpafras ɔkos mi ka àŋseth àtɛrɛnká salata Yisɔs Krayst, ɔ kori mu.

²⁴Ya hɔ sɔ Markɔs, Aristarkɔs, Dimas dɛ yi Lukɔs, aŋkos mi ka mapanth.

²⁵Kaŋka àŋboŋa ŋa ɔMarki Yisɔs Krayst aŋ yi ka àŋmerà a mu. Amina.



Aḡhibru

Aḡhibru 1

- ¹Kuru ɔ sa thəpaŋ fɔfāne aḡbemba a su ka Aḡnābi kətaŋjāne ka tɔpa təgbáthi de yi ka soŋ təgbanthə gbanthe,
- ²kere ka marey mələpsɔ ame ɔ fɔfāne su ka ɔWan kəŋ, ɔwe Kuru ɔ thith tə kəsɔtho mātáy be kəŋ, ɔwa kətaŋ do rəŋəŋ sɔ ɔ la po bempa ádāru be;
- ³ɔWan ɔwe kəno yi ɔgbentha wa aḡyiki ŋa Kuru-e, de yi mábálāne gbeŋ ma rawuni ra Kuru rəŋ, ɔwa kəno mə baksər táy o táy ka árim ra aḡfəsɔ ŋəŋ. ɔWan ɔwe, ma ɔ po fethər su kəwur ka ehake ε su-e, ɔ yirá ka káta kədio ka aḡyiki ŋa Kuru rokəm.
- ⁴Ya pə re yi ɔ thasi aḡmáleka mārəŋ mārəŋ, mə mə po sɔtho áŋes sɔ aḡa thasi ŋa be.
- ⁵kotáy-e ka wurɔ ureke Kuru ɔ fɔf thánkəŋ sim təwunəŋ kəpa, Munɔ mə yi ɔWan kámi, thonəŋ i po kom mu-e? Thaləm, I ti yi ro rəŋəŋ uKas, ɔwa kəno ɔ tə yi ɔWan ka mi-e?
- ⁶ɔwa sɔ-e, ma ɔ kərə ɔWan kəŋ utɔtɔkɔ ka ádāru, ɔ pa, Ta aḡmáleka ŋa Kuru be aḡ bátho kɔ.
- ⁷ɔwa ta aḡmáleka ɔ pa ɔ səki aḡmáleka ŋəŋ áfɛf de yi aḡsom ŋəŋ-e, nánt nəmará.
- ⁸Kere ta ɔWan ɔ pa, ɔKuru, kawaŋ ka mu ka rábáy kə yi thánkəŋ thəbana; Aḡpɔse ŋa málompi ŋə yi ampɔse ŋa rábáy ra mu.
- ⁹Mə bóthər málompi, ɔwa mə gbeŋa mələs, Tiyáŋ Kuru, hali ɔKuru ka mu, ɔ po sop mu ámaro ma məbɔne pəthasi aḡkos mu.
- ¹⁰ɔwa sɔ-e, Munɔ ɔMarki ka ɔtəpər mə po bot ɔtəmər wa áŋthɔf; Káriyana sɔ kə yi mapanth ma máta ma mu.
- ¹¹Eye ε tə poŋ, kere munɔ mə tiyá, ɔwa eye be ε tə bák mə ruma rəkur,
- ¹²Munɔ mə tə kump yi mə kotha-e, ɔwa ε tə siŋkar; Kere munɔ mə siŋkar he, ɔwa taren ta mu tə poŋ he thánkəŋ.
- ¹³Kere ta umáleka ureke ɔ la thánkəŋ pa hɔ; Yirá ka kádiyɔ kámi, haŋ i bot antherane a mu Ka átátək ta mu roratha-e?
- ¹⁴Aḡmáleka be aḡ yi he gbo eyina eye yɔna Kuru-i, eye ɔ som tə kəmar ŋaŋ aḡa mə re sɔtho kəkisi-i?

Aḡhibru 2

- ¹Tásom sə yi tə kəbot emerá ε su ɔbaksər ka tapa átá sə po təl ta thani tə kathe su.
- ²kotáy-e bepi a baksər ákera áke aḡmáleka aḡ təri kámá pə re yi wuni o wuni ɔwe mə ləsər ki thaləm ɔ pensa ki ɔ sɔtho aḡrám alompi ŋati-e,



- ³to saŋ mə sə gbəli kisi bepi sə say kakisi kəbana mə ake-e? kotáy-e ɔMarki kɔnɔ mɔtha tɔri ki ɔwa ŋaŋ aŋa po tɔlɔ kɔ aŋ baksɛr ki do rɔsu.
- ⁴ɔwa Kuru sɔ ɔ seri ti rɛ emisali, yi rɛ mătáy məkabane tətɔp, de yi rɛ ɛboya ya ɔYina məsəm ɛye ɔ sɔŋ kətánàne ka mäselo mɔŋ.
- ⁵kotáy-e Kuru ɔ sɔŋ he amaleka kagbəka rokɔm ka ádaru ara ba tɛ kəder, ta átá mə sə fɔf.
- ⁶Kere wuni ɔ pa ka ɔder ɔlɔm, To wuni kəpet ɔ yi ma mə nane kɔ-e? Thalɔm ɔwan ka wuni ma mə ranke kɔ-e?
- ⁷Munɔ mə po bempa kɔ-e roratha ka aŋmáleka ta alɔkɔ agbut, Mə po pɔlɔ kɔ yi ayiki de yi alambe, ɔwa mə təmər kɔ rokɔm ka mapanth ma mătá ma mu be.
- ⁸ɔwa mə po bot koko be ka átátək tɔŋ roratha. Ma ɔ bot koko roratha kɔŋ-e, pə yi mɔ ɔ tey he koko ara te ba kəsane do rɔŋɔŋ. Kere ka-ake sə tha nɔnk he mătáy be mə sane do rɔŋɔŋ.
- ⁹Kere sə nɔnk kɔn ɔwe a bempa roratha ka aŋmáleka ta alɔkɔ agbut, hali Yisɔs, ɔwa a pɔlɔ kɔ ka-ake rɛ ayiki abana asabu ŋa anakasi ŋa rəfi, kámá pə re yi ka aŋboŋa ŋa Kuru-e, ɔ gbəli tham rəfi ta wuni ɔ wuni.
- ¹⁰ɔwa kɔnɔ ta ɔwe ɛyɛt be ɛ yi, de ɔwe mə baksɛr mătáy be-e, ma ɔ kárá awuth agbáthi ka ayiki-e, pə yi ɔlɔmpi kama-e ɔ gbenthis ɔTɔpi wa kakisi ka ŋaŋ kətánàne ka kənakasi.
- ¹¹kotáy-e ɔwe sɔmɔs yi ŋaŋ aŋa ɔ sɔmɔs-e, aŋ ba ɔKas kin; tiyán ɔ lap he tɛ kəbont ŋa awɔnt,
- ¹²kɔ pa, Mine i ti tamɔs áŋes a mu kətɔŋ ka aŋwɔnt a mi, I ti thəkɔs mu kətɔŋ ka aŋfɛm ŋa Kuru.
- ¹³ɔwa, I ti bot aŋlane a mi ro rɔŋɔŋ. ɔwa sɔ-e, Kəli mineŋ de yi aŋwuth aŋa Kuru ɔ po sɔŋ mi.
- ¹⁴Tiyán ma aŋwuth aŋ ba mader yi mătir ma rawuni kəpet-e, kɔn kɔnɔne sɔ ɔ gbasi mayi mati kámá kətánàne ka ráfi ɔ gbəli ləsɛr kɔn ɔwe ba aŋfɔsɔ ŋa rəfi, kɔnɔ yi mɔ Sethani.
- ¹⁵ɔwa sɔ-e, kámá ɔ bani ŋaŋ aŋa yi atar ka marey maŋ be asabu ŋa ranes ra rəfi.
- ¹⁶Tɛ tentene Yisɔs ɔ de he kámá ɔ sɔŋ kəmar ka amaleka, kere ka aŋwuth ŋa Ebrahim.
- ¹⁷Tiyán pə yi ɔlɔmpi kámá a yɔ kɔ mɔ aŋwɔnt ŋɔŋ rɛ koko be, kámá ɔ gbəli yi ufode ɔwe ba áney, ubɔthi lane ka mătáy ma Kuru, kámá ɔ gbəli nemthene ta ehake ya aŋfɛm.
- ¹⁸kotáy-e ma kɔn kɔnɔne ɔ po nakasi rɛ ɛgbɔnsane, ɔ gbəli sɔ mar ŋaŋ aŋa mə a gbɔns ka-ake.



Aŋhibru 3

- ¹Te ba ti, awont asəm, ayeranɛ ka katela ka ro riana-e, kala ámerá ka Yisós Krayst, ɔwe yi mó ɔSom de yi ɔFode ubana ka kálane kásu.
- ²Kóno yi ubothi lane ka kón ɔwe təmər kó, mó Mosis ɔ yi ubothi lane ka áŋseth ɲa Kuru bɛ.
- ³kotáy-e a po lóm kəpa Yisós ɔ yi ubeki tə kəsótho ayiki pəthasi Mosisán, móló min ma ɔwe bɛmpa aseth ɔ ba ayiki pəthasi áŋseth.
- ⁴kotáy-e aseth o seth aŋ ba ɔwe bɛmpa ɲi; kere ɔwe bɛmpa mátáy bɛ kóno yi Kuru Məsaba-əŋ.
- ⁵Ɔwa Mosis ɔ yi ubothi lane ka áŋseth ɲa Kuru, mó ábɔy, tə kəsəŋ məseri ta mátáy ama ma re fəf kədarəŋ kati;
- ⁶kere Krayst ɔ yi ubothi lane ka áŋseth ɲa Kuru mó uwan. Ɔwa saŋ sə yi áŋseth ɲəŋ, bepi sə wop kapələnɛ de yi mabónɛ ma kagbak ámerá kásu ɔbaksər haŋ ka ɔləpsɔ.
- ⁷Tiyán ɔYina məsəm ɔ pa; Thonəŋ bepi mə təlá árim rəŋ,
- ⁸Te gbolɲas emerá ε nu mó pə yónɛ ka áŋlókó ɲa aŋgbóns ka aŋwula.
- ⁹Ro aŋbɛmba a nu aŋ mɛm mi, Ɔwa aŋ nənək máyos ma mi ta tərən tɛgba tərəŋ.
- ¹⁰Tásom i bora kəbansəs aŋyamana ɲati, ka i pa, Lókó o lókó aŋ yethá ka emerá yaŋ; Aŋ la hɛ tără asəŋ ta mi.
- ¹¹Tiyán i gbiŋ ka rabaŋ ra mi kəpa, Aŋ ba hɛ kəwəŋ ka ɔfothane ɔ mi.
- ¹²Bumne nu finó, awont, ta thani ámerá aləs ɲa kəte lane aŋ tə yi kətəŋ ka nu, ɔwa aŋ tə yó nu nə bərə kəmuth ka ɔKuru ukəli.
- ¹³Kere maŋanɛ nu alókó bɛ, ma pə yi ras thonəŋ, kámá aŋyaŋfa ɲa ahake aŋ te yó emerá ε nu ε gbolɲa.
- ¹⁴kotáy-e saŋ sə yi ayeranɛ ka Krayst, bepi sə wop ɔbaksər kapələnɛ kásu kətótókó haŋ ka ɔləpsɔ.
- ¹⁵Ma a pa, Thonəŋ bepi nə təlá árim rəŋ-e, Te gbolɲas emerá ε nu, mó mó aŋbɛmba aŋ yó thəpaŋ.
- ¹⁶Ɔwa kanɛ po bansəs Kuru kədarəŋ kaŋ po təl-e? Pə yi hɛ ɲa bɛ aŋa wur ro Iyipt ka káta ka Mosis-i?
- ¹⁷Ɔwa, kanɛ ləsər áŋmerá ɲa Kuru ta tərən tɛgba tərəŋ-e? Pə yi hɛ ɲaŋ aŋa yó ahake aŋa fi ro wula-i?
- ¹⁸Ɔwa ka kanɛ, ɔ gbiŋ kəpa aŋ ba hɛ kəwəŋ ka ɔfothane wəŋ, thambe ka ɲaŋ gbo aŋa te lanɛ-e?
- ¹⁹Tiyán sə nənək kəpa aŋ gbəli hɛ naŋ wəŋ salata kate lane.



Aḡhibru 4

- ¹Tiyāḡ, ma sə ba ras aḡlahiri ḡa kəwəḡ ka əfothane wəḡ-e, maḡ nesa nu ta thani ukin ka nu ə thāpi kəsəthə ri.
- ²Ātesoma-e a təri su sə ākera kəfino ka Kuru mələ min mə ḡaḡ; kere ākera āke aḡ po təl kə mar he ḡa, pəkasife aḡ lane he maḡ təl ki.
- ³kotāy-e saḡ aḡa po lane sə wəḡ ka əfothane wati, mə mə pa, I gbiḡ ka rābaḡ da mi, kəpa, Aḡ gbəli he wəḡ ka əfothane ə mi; hali ma Kuru ə pons thəḡ māpanth mati kābi ka ətəper wa ādāru.
- ⁴kotāy-e ka əder ələm ə fəf ta aḡrey aḡa bekā tāmthəderəḡ, ə pa yaḡ, Əwa Kuru ə fothane ka mapanth məḡ be ka aḡrey aḡa bekā tāmthəderəḡ.
- ⁵Əwa ə pa sə, Aḡ gbəli he wəḡ ka əfothane ə mi.
- ⁶Ma sə nənk kəpa ələm aḡ tə wəḡ ri-e, kere ḡaḡ aḡa mətha təl ākera kəfino aḡ wəḡ he ri salata kate ka ḡaḡ lane-e,
- ⁷kədarəḡ kati Kuru ə kəl sə bont ərey ələm, ma ə pa kətāḡāne ka Debid, (mə mə poḡ thəḡ pa ti thəpaḡ), Thonəḡ, bepi nə təl ārim rəḡ-e, Te gbəḡas emerā ε nu.
- ⁸kotāy-e bepi Yəsua ə po səḡ ḡa kəfothane tentene-e, sə ba he sə kətəl Kuru ə fəf ta ərey ələm.
- ⁹Tiyāḡ kəfothane kə yi ta aḡfəm ḡa Kuru.
- ¹⁰kotāy-e əwe poḡ thəḡ wəḡ ka əfothane wa Kuru-e, ə po fothane ka mapanth məḡ, mə mə Kuru ə po fothane ka aməḡ.
- ¹¹Tiyāḡ maḡ bāsər nu kəwəḡ ka əfothane wati, kāmā wuni ə wuni ə te fumpə salata kate sane kin kati.
- ¹²kotāy-e ārim ra Kuru rə yi rəkəli de yi rəyasyas, rəwəḡi sə pəthasi agbathə ḡa ran narəḡ, əwa rə gbəli gbai kətəḡ ka aḡmerā yi aḡyina, de yi əkətir yi mäfith, əwa rə gbəli tārā enane yi mafela ma aḡmerā.
- ¹³Əwa rəka ə rəka rəbempa rə yi he ara ə te nəḡka rəfər; kere koko rə yi rətḡ de yi rəgbafəth ka kakəli ka əwe sə ba tə kəgbakia.
- ¹⁴Əwa, ma sə ba ufode ubana əwe po gbəkinə aḡriyana gbəḡ, pə yi mə Yisəsāḡ, əWan ka Kuru-e, maḡ wop nu maseri ma su gbəḡ,
- ¹⁵pəkasife sə ba he ufode ubana əwe te gbəli təlne mārānt ma su; kere a la memər kə yi egbəns rə roḡ ə roḡ mələ min mə saḡ, kere ə tha yə he ahake be.
- ¹⁶Tiyāḡ maḡ der nu yi təbuth təbaki ka kawaḡ ka rābāy ra aḡboḡa-e, kāmā sə gbəli səthə āney, de yi kəmar ka aḡləkə ḡa kapaḡ kāsū.

Aḡhibru 5



- ¹Kotáy-e ufode o fode be owe a thith kətɔŋ ka aŋfəm-e, a bot kɔ tɔ kətɔma ta aŋfəm ka mātáy ma Kuru, kámá ɔ sɔŋ eboya de yi kámá ɔ wurɔ esathka ta ehake.
- ²Ɔwa, ma kɔnɔ gbeŋ ɔ tɔlne māránt ma mader-e, ɔ gbɔli sɔ muyu ante tárá táy de yi aŋsɔkar.
- ³Kere ta aŋsabu aŋe gbeŋ ɔ ba tɔ kɔwura asathka ta ehake yɔŋ sɔ, hali mɔ mɔ yɔ ta eya aŋfəm.
- ⁴Ɔwa wuni o wuni ɔ gbɔli he thithane matɔma ame, thambe Kuru ɔ thith kɔ mɔ po thith Erɔn.
- ⁵Ɔwa ya pɔ yi sɔ-e, Kraystán kɔnɔ thithane he matɔma ma kasɔki ufode ubana; kere owe kanɛ kɔ, Munɔ mɔ yi ɔWan kámi, Thonɔŋ i po kom mu. Kɔnɔ thith kɔ.
- ⁶Mɔ mɔ pa sɔ ka ɔder ɔlɔm, Munɔ mɔ yi ufode ta thɔbana mɔ Mɛlkisidɛk.
- ⁷Ɔwa Yisɔsán, áke ɔ yi nɔru-e, ɔ sel erɔŋ de yi ɔ wur mantɔr ma mɔ ramne kɔramne yi kɔnemthene kɔsɔbe, ka kɔn owe ba afɔsɔ tɔ kɔkisis kɔ ka rɛfi. Ɔwa a tɔl taramne tɔŋ asabu ŋa ranes ara ɔ ba ka Kuru Məsaba.
- ⁸Kere hali mɔ yi ɔWan-e, ɔ thɔksa kɔsane kətánáne ka mātáy ama ɔ po nakasi;
- ⁹Ɔwa ma a po gbenthis kɔ-e, ɔ sɔke ɔTɔpi ka ŋaŋ be aŋa mɔ sane do rɔŋɔŋ.
- ¹⁰Kotáy-e Kuru gbeŋ ɔ tela kɔ ufode ubana kətánáne ka rafode ra Mɛlkisidɛk.
- ¹¹Sɔ ba táy tɔgbáthi tɔ kɔpa ta sala tɔŋ, kere mātáy mati mɔ yi mətuy lokthe nu-e, ma pɔ yi ti-e, nɔ ba emerá egbolŋane.
- ¹²Kotáy-e thambe wuni ɔ kál thɔksa nu ekolo etɔtɔkɔ ya árim ra Kuru-e, kɔdarɔŋ ka ka áŋlɔkɔ awoni aŋe nɔ yi naŋ tɔ kɔyi akarmɔkɔ. Nɔ sɔke mɔ ŋaŋ aŋa yema manɔnɔ beta ádarɔdi rɔbaki mɔ ɔsem.
- ¹³Kotáy-e kɔnɔ owe yema gbo mɔnɔnɔ-e, ɔ ba he kɔtara ka árim ra mɔlompi, pɔkasife ɔ yi ras kɔlenth.
- ¹⁴Kere ara rɔdi rɔbaki rɔ yi ta ŋaŋ aŋa po tɔŋa, hali ŋaŋ aŋa tárá rɔ ámerá tɔ kɔgbaski tɔlompi yi tɔlɔs.

Aŋhibru 6

- ¹Tiyán maŋ kɔne nu rodi haŋ sɔ po tɔŋa. Maŋ tey nu mathɔksa mɔtɔtɔkɔ ma Kraystán; maŋ te nu kál bot ɔtɔmɔr wa kálane kásu owe yi mɔ kɔthupi kɔwur ka mɔpanth mɔfi, de yi kɔlane Kuru,
- ²yi ta máthɔksa ma kɔbaptais, yi ta kɔreŋ mɔta, yi ta káyokane ka aŋfi, de yi ta kathonkas kɔlɔpsɔ.
- ³Yao, ka kamar ka Kuru-e, maŋ kɔne nu rodi.



- ⁴kotáy-e bepi sə fəf ta ɲaɲ aɲa po sɔthɔ aɲmothà, aɲa po tham ɔboθhi wa aɲboya ɲa ro riana-e, aɲa po sɔthɔ ani ka ɔYina məsəm,
- ⁵dɛ yi aɲa po thàm ɔfɪnɔ wa árim ra Kuru, dɛ yi ɛfɔsɔ ya ádàru ara ba kàder-e;
- ⁶bepi afəm awunɔɲ aɲ kala kəmuth-e, aɲ gbəli hɛ sɔ sɔthɔ kəthupi, kotáy-e pə yi mɔ aɲ kál tɔɲ ɔWan ka Kuru ka akənt kəpəɲkinɛ ɔfu, ɔwa aɲ kál sambos kɔ gbafəth.
- ⁷kotáy-e aɲthɔf aɲa po sɔthɔ atəm katkat, bepi aɲ kom mākomi ama mə yi məfɪnɔ ta aɲbáf-e, aɲ tɔ sɔthɔ aɲruba ɲa Kuru.
- ⁸Kɛrɛ bepi aɲ kom təbaɲk yi təsənduku, aɲ wur hɛ ɲani, ɔwa a won hɛ raɲka ɲi; ɔwa a tɔ ləpsɔ thɔy ɲi.
- ⁹Kɛrɛ, aboθhər, hali ma sə fəf yaɲ-e, sə ba ananɛ afisa ta átà nu, pə yi mɔ ananɛ ta mātáy ama mə kɔ ka kakisi ka nu.
- ¹⁰kotáy-e, Kuru ɔ ba hɛ məkənə tɔ kəpənɛ mapanth ma nu ma mábɔthər ama nə pɔɲ tɔri salata aɲɛs ɲɔɲ, ma nə po mar aɲfəm ɲɔɲ, ɔwa nə kál mar ɲa sɔ haɲ ka-ake.
- ¹¹Sə fela kámà ukin o kin ka nu ɔ bəsər tɔri kayasyas kin kati kəkɔ ka ɔlasər wa kagbak ámerà haɲ ka ɔthalnɛ.
- ¹²Kama nə te yi ayay, kɛrɛ nə tansanɛ ɲaɲ aɲa sɔthɔ elahiri asabu ɲa kálanɛ dɛ yi kamuyu ka ɲaɲ.
- ¹³kotáy-e, ma Kuru ɔ sɔɲ aɲlahiri ka Ebrahim-e, ɔ gbɪɲ ka aɲyethɛ ɲɔɲ, pəkəsifɛ ulɔm ɔ yi hɛ ɔwe yi ubana uthasi kɔ,
- ¹⁴kɔ pa, Tɛntɛnɛ i ti ruba mu yi aruba, ɔwa i ti bərə mu yi kəbar.
- ¹⁵ɔwa ma Ebrahim ɔ po muyu haɲ-e, ɔ sɔthɔ ten aɲlahiri.
- ¹⁶Afəm a kəpet aɲ tɔ gbɪɲ ka ara thasi ɲa; ɔwa kəgbɪɲ kəbaksər kə tɔ pons apa o pa.
- ¹⁷Tiyáɲ ma Kuru ɔ yema tɔri ɲaɲ aɲa ba kəsɔthɔ aɲlahiri ɲɔɲ to mäsəlɔ mɔɲ mə gbəli hɛ sɪɲkar-e, ɔ bəksər ɲi yi agbɪɲ,
- ¹⁸kámà ka mātay mārɔɲ ama te gbəli sɪɲkar, ro pə yi ɔfɔy hɛ táy ta Kuru tɔ kəyema-e, saɲ aɲa po thɔɲ gbukɛ ka ɔdɛr ɔmaɲkɛnɛ tɔ kəwɔp kagbak ámerà ákɛ a bot rodi ka su-e, sə gbəli ba kəbəkəs kəbuth kəfɪnɔ.
- ¹⁹ɔwa sə ba kagbak ámerà ákɛ, ákɛ yi mɔ rəka rəpələnɛ rəbaki mədɛr, pə yi mɔ kagbak ámerà ka tətɛɲ ákɛ gbəli wɔɲ ka ɔdɛr ɔsəm thɔɲ bɛ rodarɔɲ ka aɲkunkla.
- ²⁰Ro Yisɔs ɔ po thas mɔ ɔTəma kədi ta átà su, ma ɔ səkɛ ufode ubana ka kagbanth ka Mɛlkisidɛk thànkáɲ thəbana.

Aɲhibru 7

- ¹kotáy-e, ɔMɛlkisidɛk ɔwe, ɔwe yi mɔ-e ɔbáy ka ro Salem dɛ yi ɔfode ka Kuru Məsaba-e, ɔ gbanɛ Ebrahim ma ɔ wur kəwur ka kədifəth aɲbáy, kɔ ruba kɔ,



- ²ka Ebrahim ɔ sɔŋ kɔ ayaka ka mayet be; (ma pɛ yi ka ɔtɔtɔkɔ ka katepa ka aŋes ŋɔŋ ɔ yi ɔbɔy ka mɔlɔmpi, ɔwa ɔ yi sɔ ɔbɔy ka ro Salem, pɛ yi mɔ-e ɔbɔy ka mɔthɔfɛl.
- ³Ɔ ba he ukas, ɔ ba he ukara, ɔ ba he abemba; ɔ ba he ɔtɔpɛr thalɔm ɔgbanthir; ta aŋsabu aŋe ɔ balɔne mɔ ɔWan ka Kuru) kɔ tiyɔ ufode ta thɔbana.
- ⁴Kal nane aŋfɔsɔ abana aŋa ɔwuni ɔwe ɔ ba, tɛ kɛsɔthɔ ayaka ka eyet eluk ya Ebrahim ɔbemba.
- ⁵Tɛ tentene aŋwuth ŋa Libay aŋa ba mapanth ma rafode, aŋ ba mɛmari tɛ kɛgbasi eyaka kɛwur ka aŋfɛm kɛtɔŋɔne ka aŋthɔ, pɛ yi mɔ-e, kɛwur ka aŋwɔnt ŋaŋ hali aŋ yi ka rɔkomra ra Ebrahim.
- ⁶Kere Melkasidek ɔwe te yi ka rɔkomra ra ŋaŋ ɔ malane eyaka ka Ebrahim, ɔwa ɔ ruba kɔn ɔwe ba elahiri.
- ⁷Ɔwa wuni ɔ gbɛli he pɛnsa kɛpa ɔbana ɔ tɛ ruba ɔlɔl.
- ⁸Anɔ, afɛm aŋa ba tɛ kɛfi aŋ sɔthɔ eyaka; kere ri-e, a seri kɛpa kɔn ɔwe sɔthɔ yi ɔ yi ukɛli.
- ⁹Ɔwa pɛ balɔne mɔ-e, Libay sɔ, ɔwe sɔthɔ eyaka-e, ɔ sɔŋ eyaka kɛtaŋ ka Ebrahim.
- ¹⁰kotɔy-e ɔ yi ras rokor ka ɔkas kɔŋ ma Melkasidek ɔ gbane yi Ebrahim.
- ¹¹Tiyɔŋ bepi pɛ yi kɛgbenthis kɛ la yi naŋ ka rafode ra Libay-e, ro pɛ yi aŋfɛm aŋ sɔthɔ aŋthɔ, to pɛ som ufode ulɔm ɔ ba tɛ kɛder ka kagbanth ka Melkasidek beta ka kagbanth ka Erɔn-e?
- ¹²Pɛkasife ma rafode rɛ siŋkar-e, a ba sɔ kɛsiŋkar aŋthɔ.
- ¹³kotɔy-e a fɔf mɔtɔy ame salata wuni ɔwe yi rɛ ɔbɔnshɔ ɔlɔm. Ɔwa ka ɔbɔnshɔ ŋati hali wuni kin ɔ la he yɔ mapanth ma ɔgbese.
- ¹⁴Sɛ tɔrɔ kɛpa ɔMarki kɔsu ɔ wur ka ɔbɔnshɔ ŋa Yuda, ɔwa ta ɔbɔnshɔ ŋati Mosis ɔ pa he koko salata rafode.
- ¹⁵Ɔwa pɛ tha thɔŋ sɔk su gbɛraŋ bepi pɛ yi ti-e, ufode ulɔm ɔ yi tɛ kɛder ka mɔbalɔne ma Melkasidek-e,
- ¹⁶ɔwe sɔthɔ rafode rɔŋ, pɛ yi he kɛtɔŋɔne ka aŋsiraŋ ŋa aŋthɔ, kere ka aŋfɔsɔ ŋa aŋesɛm thɔbana.
- ¹⁷kotɔy-e a seri ta atɔŋ kɛpa, Munɔ mɛ yi ufode ta thɔbana, Kɛtaŋ ka kagbanth ka Melkasidek.
- ¹⁸Ka ɔngbɔp ŋin a nasi aŋthɔ ɔtɔtɔkɔ, pɛkasife aŋ yi ayay, ɔwa aŋ mar he.
- ¹⁹(kotɔy-e aŋthɔ aŋ sɛki he koko rɛgbenthis). Kere ka ɔngbɔp alɔm a sɔŋ su kɛgbak ɔmerɔ kɛfisa, ɔwa kɛtɔŋɔne kati sɛ gbɛli fatɛr Kuru.
- ²⁰Ɔwa a bɔksɛr rafode rɛfu rati rɛ agbiŋ,



²¹kotáy-e ñaṅ aña la yi afode thəpaṅ-e, aṅ gbasi matəma maṅ kəte ba agbiṅ, kere ɔwe-e a baksər kə rə agbiṅ kəpa ye, ɔMariki ɔ poṅ gbiṅ, ɔwa ɔ siṅkar he mabotəs məṅ, Munə mə yi ufode ta thənkəṅ thəbana.

²²Te ba ti Yisəs ɔ yi aṅseri ṅa alemrane afisa.

²³ɔwa tentene aṅfode átətəkə aṅ yi agbathi, pəkasife rəfi rə bent ṅa tə kətia ka rafode.

²⁴Kere ɔwuni ɔwe-e, ɔ wop rafode rəṅ thənkəṅ thəbana, pəkasife ɔ yi ta thənkəṅ thəbana.

²⁵Tiyəṅ ɔ gbəli kisis ṅaṅ fewu aña der ka Kuru kətəṅəne ro ṅəṅ ma ɔ yi ukəli thənkəṅ tə kənəmthene ta átə ṅaṅ.

²⁶kotáy-e, ɔbeki su tə kəba ufode ubana mə ɔwe-e, ɔwe yi usəm-e, upaṅi yaṅfa-e, ugbəraṅ-e; ɔwe yi ugbaske ka afəm ka ahake, de yi ɔwe a ṅata ɔbəli rəkəm pəthas kəriyana.

²⁷ɔwe tə ba kəwura sathka arey ɔ rei mə afode aləm, ka ɔtətəkə ta ehake yəṅ, ɔwa rodarəṅ kati ta ehake ya aṅfəm. Kotáy-e ɔ po yə ti win, ma ɔ səndne.

²⁸Tə tentene aṅthə aṅ tə thith wuni kəpet ka rayay rəṅ tə kəyi ɔfode ubana-e, kere arim ra aṅgbiṅ, ara der rodarəṅ ka aṅthə rə thith ɔWan ɔwe yi ugbenthis thənkəṅ thəbana.

Aṅhibru 8

¹ɔwa aṅkolo ṅa matáy ama sə po fəfəne, ṅi aṅe; sə ba ufode ubana ɔwe po yirə ka kadiyə ka kawaṅ ka rəbáy ra ɔKuru ka ayiki ro riyana.

²Kənə yi uFode ka ɔder ɔsəm, de yi ka aṅseth ṅa akotha atətəṅ ṅa Kuru, aña ɔMarki ɔ bempa, pə yi he wuni kəpet.

³kotáy-e a thith ufode ɔ fode ubana tə kəsəṅ eboya de yi sathka; tiyəṅ ɔfode ubana ɔwe, thambe kənə sə ɔ ba ara ɔ gbəli səṅ.

⁴Bepi ɔ yi ras nərə-e, ɔ gbəli he yi naṅ ufode be-e, pəkasife afode aləm aṅ yi aña səṅ eboya kətəṅəne ka aṅthə;

⁵aña bəthə kətəṅəne ka məbəlāne de yi anthunthərane ṅa ɔder ɔsəm wa ro riyana, kotáy-e ma Kuru ɔ təri Mosis ma ɔ yema bempa aṅseth ṅa akotha-e, ɔ pa, Kəli kámá mə bempa koko be kətəṅəne ka məbəlāne ama i po təri mu ka kateṅ.

⁶Kere ka-ake kayəna áke Krayst ɔ po səthə kia tha yi kəfinə, kotáy-e ɔ yi ukasa ka aṅlemrane afisa-e, aña təmə rokəm ka elahiri efisa.

⁷kotáy-e bepi aṅlemrane átətəkə aṅ ba he kere, aṅ ba he mən naṅ tə kəthens aləm.

⁸Kere ɔ theke ṅa kotáy-e ɔ pa, Kəla, marey mə tə der, ɔMarki ɔ pa, Ma i ti təmsər alemrane afu yi rəkomra ra Isrel, De yi rəkomra ra Yuda:



⁹Pə yi he mə anlemrane aña i təmsər yi anjbemba ɲaɲ, Ka anjrey ma i wop ɲa ka kàta tə kəwura ɲa ka anjthəf ɲa Iyipt, Pəkasiɛ aɲ bākər he ka anlemrane a mi, Tesom i bār ɲa kəmuth, yaɲ ɔMarki ɔ pa.

¹⁰Kere anlemrane ɲi aɲe aña me re sek yi rākomra ra Isrel, Kədarəɲ ka marey mati, ɔMarki ɔ pa. I ti bot ethə ɛ mi ka enane yaɲ, I ti gbal yi ka emerà yaɲ. Ɔwa i ti yi ɔKuru ka ɲaɲ, ɔwa ɲaɲ aɲ tə yi anjəm a mi.

¹¹Aɲ ba he sɔ kəthəksa wuni o wuni ɔfatane kəɲ, De yi wuni o wuni ɔwont kəɲ, tə kəpa, Tara ɔMarki; kotây-e ɲaɲ be aɲ tə tārà mi, Kətəp ka ɔlɔl haɲ kəkɔ ka ɔbana.

¹²kotây-e i ti ba aney ka makənə maɲ, Ɔwa i ba he sɔ kəkala àmerà ka ehake yaɲ.

¹³Ma ɔ pa, Alemrane afu, pə yi kəpa ɔ po səki antətəkɔ akur. Ɔwa rəka o rəka ara mə bāk de yi ara mə kura rə won he thas.

Aɲhibru 9

¹Hali anlemrane àtətəkɔ aɲ ba esiraɲ ya kabātho kati, de yi ɔder ɔsəm wa àdàru are.

²kotây-e a po bempa aseth ɲa akotha; ka anjkonko àtətəkɔ aña a tela ɔder ɔsəm, ro a bene kamule, yi anjthebul de yi kabo kəsəm.

³Ɔwa rodarəɲ ka anjkonko aləm aɲ yi aña a tela ɔder ɔsəm thə be,

⁴ro a bene ampəthi ɲa mábəɲɔ ta anjbonjbo, de yi akuma kəsəm ka anlemrane àke a bempa rə məbəɲɔ rəmaɲ. Rokor kati a bene anjbol ɲa mábəɲɔ ta anjmana, de yi kàtək ka Eron àke poɲ pəs, de yi ewalka ya anlemrane.

⁵Ɔwa rokəm kati eterubim ɛ gbakərne rokəm ka kawaɲ ka aney; kere i gbəli he təri ta mayet məgbaske ame ka-ake.

⁶Ma a po botəs mātáy ame yaɲ-e, anjode aɲ wəɲ ləkɔ o ləkɔ ka anjkonko àtətəkɔ tə kəyɔ mapanɲ məsəm ma Kuru.

⁷Kere ka anjkonko aña bekà yerəɲ-e, ɔfode ubana son kəɲɔ wəɲ di win kəren o kəren, kere ɔ wəɲ he thambe ɔ ba mətir ama mə səɲ ta anjyethe ɲəɲ, de yi ta ehake ya anjəm.

⁸Yaɲ ɔYina məsəm ɔ təri kəpa aroɲ da wəɲ ka ɔder ɔsəm thə be-e rə tha tərine he ras, fanama anjkonko àtətəkɔ aɲ təmà.

⁹Atáy àte tə yi aməl ta anjlokɔ aɲe. Kətaɲane kati a səɲ eboya yi sathka, eyɛ te gbəli yə ɔwuni ɔwe bātho ɔ yi ugbenthis.

¹⁰Mayəs mati be mə təmà gbo ta edi yi emun, de yi káfethər kəgbanthe gbanthe ama yi masəm ma rawuni kəpet, ama yi gbo haɲ ka anjlokɔ ɲa kálompəs táy aɲ bek.

¹¹Kere ma Krayst ɔ ɲaibine mə ufode ubana ka mātáy məfina ama mə der-e, ka anjlokɔ ɲati kətəɲane ka anjseth ɲa akotha abana afisa, (aɲa a te bempa re məta mə rəka ra àdàru are),



- 12** ɔ wɔŋ win haŋ thɔbana ka ɔder ɔsɛm thɔ bɛ, kɔ gbasi mɔtir mɔŋ gbɛŋ, pɛ yi hɛ mɔtir ma atir dɛ yi tɔna tɔfɛth. Yaŋ ɔ sɔthɔ kakisi kɔthɔbana ta ɔtɔ su.
- 13** Pɛkasifɛ bepi mɔtir ma atir yi ɛthura, dɛ yi ɔros ra una ubera ara a wɔnsir aŋfɛm ayifas-e ɛ gbɛli sɛmɔs tɔ kɛfɛthɔr andɛr-e,
- 14** pɛ tha gbɛthi mɔtir ma Kraystɔŋ ɔwe sɔndnɛ ugbɛraŋ ka Kuru kɔtɔŋɔnɛ ka ɔYina uthɔbana-e, mɔ gbɛli fɛthɔr ɛmerɔ ɛ nu kɔwɔr ka mɔyɔs mɔfi kɔkɔ ka kɔbathɔ ɔKuru ukɔli.
- 15** Te ba ti ɔ yi ukasa ka aŋlemrane afu, kɔbi ɔ po fi tɔ kɔbani ɛhake yaŋ aŋa la yi roratha ka aŋlemrane ɔtɔtɔkɔ, kɔmɔ ŋaŋ aŋa a po tela aŋ gbɛli sɔthɔ aŋlahiri ŋa akɛŋ ka thɔbana.
- 16** kotɔy-e ro areka ŋa alemnɛ aŋ yi-e, rafi ra ɔwe bɛmpa ŋi rɔ ba kɔyi sɔ.
- 17** Pɛkasifɛ areka ŋa alemnɛ aŋ ba gbo afɔsɔ rodarɔŋ ka rafi; aŋ ba hɛ afɔsɔ bepi ɔwe bɛmpa ŋi ɔ yi ras ukɔli.
- 18** Tiyɔŋ a bɔksɔr hɛ hali aŋlemrane ɔtɔtɔkɔ kɔtɛ loŋ mɔtir.
- 19** kotɔy-e ma Mosis ɔ po tɔri aŋfɛm sɛŋk aŋyamari ŋa ɔŋthɔ bɛ-e, ɔ gbasi mɔtir ma tɔna tɔfɛth yi atir, yi mɔnt yi amulfu mɔyim, yi ɛbuma ɛronkɔth ɛyɛ mɔ a lei ahisɔp, ɔwa ɔ wɔnsir wɔnsir ɔkɔfɔ ka ɔŋthɔ, dɛ yi sɔ aŋfɛm bɛ,
- 20** kɔ pa, Ame-e, mɔ yi mɔtir ma aŋlemrane aŋa Kuru ɔ sek do rɔnu.
- 21** Yaŋ ɔ kɔl sɔ wɔnsir mɔtir ka ɔŋseth ŋa akɔtha yi ka mayɛt bɛ ama a yɔna mapanth mɔsɛm.
- 22** ɔwa ka ɔŋthɔ pɛ bun yi a fɛthɔr koko bɛ rɔ mɔtir; kɔbi rɔ kɔtɛ loŋ mɔtir-e, katerɔ ka ɛhake kɔ yi hɛ.
- 23** Tiyɔŋ pɛ yi ɔlɔmpi kɔmɔ a gbɛrɔns mɔbɔlɔnɛ ma mɔtɔy ma ro riyana rɛ ɛyɛt ɛyɛ; kɛrɛ mɔtɔy ro riyana gbɛŋ mɔ yi tɔ kɔba sathka tɔbaki mɔlɔ tɔthasi ɔtɛ.
- 24** kotɔy-e Krayst ɔ wɔŋ hɛ rɔ ɔder ɔsɛm thɔ bɛ ɔwe wuni ɔ bɛmpa, ɔwe yi gbo mɔbɔlɔnɛ ma tɔtɛŋ; kɛrɛ ɔ po wɔŋ ro riyana gbɛŋ tɔ kɔtɔrɛnɛ ka kɔbɔprɔnɛ ka Kuru ta ɔtɔ su.
- 25** ɔwa ɔ wɔŋ hɛ ri kɔmɔ ɔ sɔndnɛ katkat, mɔ mɔ ɔfode ubana mɔ wɔŋ ka ɔder ɔsɛm thɔ bɛ kɛrɛn ɔ kɛrɛn yi mɔtir ama te yi amɔŋ.
- 26** kotɔy-e bepi pɛ yi yaŋ Krayst ɔ ba naŋ tɔ kɔsɔndnɛ ɛlɔkɔ ɛlai kɔbi ka ɔtɔpɛr wa ɔdɔru; kɛrɛ ka-ake ka ɔthalnɛ wa aŋyamana ɔ po tɔrɛnɛ win haŋ thɔbana tɔ kɔpɔns ɛhake kɔtɔŋɔnɛ ka kɔsɔndnɛ kɔŋ.
- 27** ɔwa ma pɛ yi ti-e, wuni ɔ wuni ɔ ba tɔ kɔfi win, kɛrɛ rodarɔŋ ka rɔfi-e, kɔthɔŋkas kɔ yi.



²⁸Ya pə yi sɔ-e, Krayst ɔ po sɔndne win tɔ kəsara ɛhake ya afəm agbáthi; ɔwa ɔ tɔ kál tɔrine kábeka mārɛŋ, pə yi ɛ salata ɛhake, kere tɔ kəkisis ŋaŋ aŋa mə kəlīane ta atɔŋ.

Aŋhibru 10

¹Te ba ti kábi áŋthɔ aŋ ba gbo áŋmumpəl ŋa mātáy məfínɔ ama ba kəder-e, beta aŋ ba mātáy mati məgbenthis-e, aŋ gbəli ɛ yɔ kámá thánkəŋ asathka átá a sɔŋ kəren o kəren tɔ gbenthis ŋaŋ aŋa fatər.

²Bepi pə yi ɛ ti-e, a gbəli ɛ naŋ tey kəwura ti-i? Pəkasife bepi a po thɔŋ fethər ŋaŋ aŋa fatər win-e, enane yaŋ ɛ ba ɛ sɔ kəkara ŋa mātəlne ma ɛhake.

³Kere asabu ŋa asathka tati aŋ kala ámerá ta ɛhake kəren o kəren.

⁴Pəkasife mātir ma ɛthura de yi atir mə ba ɛ afɔsɔ tɔ kənɔi ɛhake hali.

⁵Tiyəŋ ma ɔ der ka ádaru, ɔ pa, Sathka de yi aboya mə fela ɛ, Kere mə benene ader ta átá mi.

⁶Mə ba ɛ məbɔne salata sathka təthɔy thalɔm sathka ta ɛhake

⁷Ka áŋlɔkɔ ŋati i pa, Kəla i po der Tə kəyɔ məselɔ ma mu ɔKuru, Mə mə a po gbal ta salata mineŋ ka ákáfá kəsəm.

⁸Ma ɔ pa, Mə fela ɛ, ɔwa mə ba ɛ məbɔne ka sathka yi ɛboya, yi sathka təthɔy, de yi sathka ta ɛhake átá a sɔŋ kətəŋáne ka anthɔ-e;

⁹ɔ pa sɔ, I der tɔ kəyɔ məselɔ ma mu ɔKuru. ɔ nɔy antɔtɔkɔ kámá ɔ gbəli təmsər áŋbeká yerəŋ.

¹⁰ɔwa kətəŋáne ka məselɔ mati a po sɔməs su asabu ŋa kasɔndne ka áŋder ŋa Yisɔs Krayst win haŋ thəbana.

¹¹Ufode o fode ɔ tɔmá tɔ kəyɔna árey o rey, rə kəsɔŋ katkat sathka tin átá te gbəli nɔy ɛhake ɛ su thánkəŋ.

¹²Kere ɔfode ɔwe-e, ma ɔ po sɔŋ sathka ta ɛhake win haŋ thəbana, ɔ yirá ka káta kədiɔ ka Kuru.

¹³ɔ kar haŋ a bot atherane ŋəŋ ka átátək tɔŋ ratha,

¹⁴kotáy-e asabu ŋa sathka tin ɔ poŋ gbenthis ŋaŋ aŋa yi asɔməs-e thánkəŋ thəbana.

¹⁵Sə ba sɔ maseri ma ɔYina ma ɔ po pa,

¹⁶Aŋlemrane ŋi aŋe aŋa mine mə sek de yi ŋaŋ Rodarəŋ ka marey mati, ɔMarki ɔ pa, I ti bot ethɔ ɛ mi ka ɛmerá yaŋ, ɔwa i ti gbal yi ka enane yaŋ,

¹⁷ɔ pa sɔ, I gbəli ɛ sɔ kala ámerá ka ɛhake yi makəná maŋ.

¹⁸Tiyəŋ ro káterɔ ka ɛhake mə ake kə yi-e, kəwurɔ sathka təlɔm kə yi ɛ sɔ.



- 19Te ba ti awont, ma sə ba tɔbuth tɔbaki tɔ kɔwɔŋ ka ɔder ɔsɛm thɔ bɛ asabu ŋa mɔtir ma Yisɔs-e,
- 20ka arɔŋ dɛfu dɛ yi rɛkɛli ara ɔ po kanthe su, tɔ kɔthas ka aŋkunkla, pɛ yi mɔ-e, kɔtaŋ ka aŋder ŋɔŋ;
- 21ɔwa ma sə ba sɔ uFode ubana rokɔm ka aŋseth ŋa Kurɔŋ,
- 22maŋ fatɛr kɔ nu gbɛpti yi ɔmerɔ atɔtɛŋ ka ɔlasɛr wa kɔlanɛ-e, rɔ kɔba ɛmerɔ ɛ su ɛyak kɔwur ka ɛnanɛ ɛlɔs, dɛ yi mader ma su mɛfethɛr rɛ mɔnt mɔgbɔraŋ.
- 23Maŋ wop nu gbɔŋ kɔlanɛ kɔsu kɔmɔ kɔ te yɔŋkthanɛ; kɔtɔy-e kɔn ɔwe sɔŋ su aŋlahiri ɔ yi ubɔthi lanɛ.
- 24Maŋ gbonkthasɛ nu ukin dɛ yi ulɔm kɔkɔ ka mɔbɔthɛr yi mɔyɔs mɛfɔnɔ.
- 25ɔwa maŋ te nu pɔnɛ tɔ kɔgbanɛ rɔkin, mɔ mɔ afɛm alɔm mɔ aŋ pɔnɛ; kɛrɛ maŋ bɔksɛranɛ nu tɔbuth, pɛ tha gbethi ma nɔ nɔnk kɔpa aŋrɛy ŋa Krayst aŋ po fat.
- 26kɔtɔy-e bepɛ sɔ yɔ ɛhake kɔsias kɔdarɔŋ ka ma sə po sɔthɔ kɔtɔrɔ kɔ tatenɛ-e, sathka tɔlɔm tɔ yi hɛ ta ɛhake,
- 27koko rɔ tiyɔ hɛ sɔ thambe kɔkɔliane rɔ rɔnɛs ta kathɔŋkas, dɛ yi rɔbaŋ mɔ nɔnt ara yi tɔ kɔlɔsɛr antheranɛ ŋa tɔtɛŋ.
- 28Wuni o wuni ɔwe farki aŋthɔ ŋa Mosis a dif kɔ kɔtɛ ba ɔney ka maseri ma afɛm ŋarɔŋ thalɔm asas.
- 29Kɛrɛ kɔn ɔwe mɔ nas nas ɔWan ka Kuru-e, dɛ yi ɔwe nɔnk ɔyai mɔtir ma aŋlemranɛ aŋa po sɔmɔs kɔ-e, ɔwa ɔwe say sɔ ɔYina ka abɔŋa-e, nɔ nanɛ hɛ kɔpa kɔnɔ yi ubeki tɔ kɔsɔthɔ athalɛr athasɛr-i?
- 30kɔtɔy-e sɔ tɔrɔ kɔn ɔwe po pa, Mine ba kɔkalɔ, mine i ti ram. ɔwa sɔ-e, ɔMariki ɔ tɔ thonkas aŋfɛm ŋɔŋ.
- 31Tɔy tɔninis tɔŋ tɔ kɔfumpɔ ka mɔta ma ɔKuru ukɛli.
- 32Kɛrɛ kala ɔmerɔ ka marey ma thɔpaŋ. Rodarɔŋ ka ma nɔ po sɔthɔ aŋmothɔ-e, nɔ po muyu kɔtim kɔbaki mɔdɛr, rɛ ɛsɔmpanɛ.
- 33Ka aŋgbɔp ŋin-e, a sambos nu ka ɔgbaif rɔ tɔnal dɛ yi ɛsɔmpanɛ; ka aŋgbɔp alɔm nɔ yi ayɛranɛ dɛ yi ŋaŋ aŋa ba ɛsɔmpanɛ ɛwunɔŋ.
- 34ɔtesoma-e nɔ ba ɔney ka atendɛbira, ɔwa nɔ kɔl selɔ rɔ mɔbɔnɛ ma a luk ɛyɛt ɛ nu, kɔbi nɔ tɔrɔ kɔpa nɔ ba kɛŋ kɔfisa ɔke ba kɔtia thɔnkɔŋ.
- 35Te ba ti te nu gbapɛ kapɔlɔnɛ ka nu ɔke mɔ ba ɔrɔm abana.
- 36kɔtɔy-e nɔ ba tɔ kɔmuyu, kɔmɔ ma nɔ po yɔ mɔselɔ ma Kuru-e, nɔ tɔ sɔthɔ aŋlahiri:
- 37Pɔkasifɛ pɛ tiyɔ gbo ɔthan kɔmɔ ɔwe yi tɔ kɔdɛr ɔ tɔ der. ɔ kali kali hɛ sɔ.



³⁸Kere aṅboy a mi ulompi ɔ tɔ ba aṅesəm kɔtaŋ ka kɔlane, ɔwa bepi ɔ kɔl mɔdarɛŋ-e, aṅmerà a mi aṅ ba he sɔ mɔbɔne ro ŋɔŋ.

³⁹Kere saŋ sɔ yi he mɔ ŋaŋ aṅa kɔl mɔdarɛŋ, sɔ yi mɔ ŋaŋ aṅa lane haŋ kɔkɔ ka kakisi ka eṅesəm yaŋ.

Aṅhibru 11

¹Tiyàŋ kɔlane kɔ yi kapɔlɔne ka mɔtáy ta ama mɔ sɔ gbakɔr àmerà, ɔwa kɔ yi sɔ maseri ma mɔtáy ama mɔ sɔ te tha nɔŋka rɔfɔr.

²Kɔtaŋane kati aṅbàki thɔpaŋ aṅ sɔthɔ mes mɔfinɔ.

³Asabu ŋa kɔlane sɔ tɔrà kɔpa a bɛmpa àdàru ka àrim ra Kuru, te ba ti sɔ tɔrà kɔpa eyet eyet sɔ nɔŋka rɔfɔr-e, a bɛmpa yi kɔwur ka eyet eyet sɔ te gbɔli nɔnk.

⁴Rɔ kɔlane-e, Ebel ɔ sɔŋ Kuru sathka tɔbeki tɔthasi Ken, ɔwa di kati a seri ta atɔŋ kɔpa ɔ yi ulompi; ka Kuru ɔ sɔŋ maseri mati sɔ ma a malane eboya yɔŋ, kɔ fi kere salata kɔlane kɔŋ-e, ɔ fɔf ras.

⁵Rɔ kɔlane a sempɔ Inɔk ka àdàru kàmà ɔ te nɔnk rɔfi; ɔwa a nɔnk he kɔ sɔ pɔkasife Kuru kɔnɔ pɔŋ gbasi kɔ; ɔwa yeŋka ɔ gbasi kɔ-e, ɔ ba maseri kɔpa ɔ bɔnes Kuru finɔ.

⁶Kere rɔ kɔte ba kɔlane sɔ gbɔli he bɔnes Kuru, kɔtáy-e ɔwuni ɔwe fatɔr Kuru-e, thambe ɔ lane kɔpa Kuru ɔ yi-e, ɔwa sɔ-e, ɔ tɔ kɔl ràm ŋaŋ aṅa thens kɔ tɔ tentene.

⁷Rɔ kɔlane Now, ma Kuru ɔ maŋ kɔ salata mɔtáy ama ɔ te tha nɔŋk-e, ɔ su elɔns, kɔ bɛmpa abil tɔ kɔkisis rɔkomra rɔŋ; ɔwa di kati ɔ sɔŋ àdàru mɔtheri, kɔ sɔthɔ mɔlompi ama yi ka kɔlane.

⁸Rɔ kɔlane Ebrahim ma a tela kɔ tɔ kɔwur ka aṅfɛm ŋɔŋ kàmà ɔ kɔne ka aṅthɔf aṅa ɔ yi tɔ kɔsɔthɔ mɔ keŋ-e, ɔ kɔne, hali ma ɔ te tɔrà ro mɔ kɔ-e.

⁹Rɔ kɔlane ɔ yirà ka aṅthɔf ŋa aṅlahiri mɔ ka athɔf àtel, kɔ yirà ka eseth ya atotha yi Aysak de yi Yekɔb, aṅwuth ŋɔŋ aṅa ba táy tin de yi kɔn ka aṅlahiri.

¹⁰kɔtáy-e ɔ kɔliane ta kàpet àke ba mɔtɔmɔr mɔbaksɔr, àke pɔ yi Kuru kɔnɔ yi ɔtɔpi de yi ɔbɛmpa.

¹¹Rɔ kɔlane Sara kɔn kɔnɔne ɔ sɔthɔ afɔsɔ tɔ kɔkom hali ma ɔ pɔ thas aṅlɔkɔ ŋati-e, pɔkasife ɔ lane kɔpa kɔn ɔwe sɔŋ kɔ aṅlahiri ɔ yi ubɔthi lane.

¹²Tiyàŋ, ka wuni kin ɔwe bálàne mɔ wuni fi-e, a kom awuth agbàthi mɔlɔ ma atɔs ta kàriyana, de yi mɔlɔ ma kasɛnt àke yi ro baŋ rayer àke wuni ɔ te gbɔli lɔm.

¹³Aṅe be-e aṅ fi ka kɔlane, aṅ sɔthɔ he elahiri, kere aṅ nɔnk yi gbo abɔli pɔŋ, ɔwa aṅ malane yi kaŋ seri kɔpa aṅ yi atik de yi afɛm ŋa ebiyas ka àdàru are.

¹⁴kɔtáy-e afɛm aṅa mɔ pa sim tɔwunɔŋ aṅ tɔri gbɔraŋ kɔpa aṅ thens aṅthɔf ŋaŋ gbɛŋ.



- 15 Ɔwa tentene bepi aŋ kala ámerà ka àŋthof ro aŋ wur-e, aŋ tɔ ba naŋ aŋfere tɔ kəkalanɛ ri.
- 16 Kɛrɛ ka-ake aŋ fela athof afisa aŋa yi mɔ ro riyana; tiyàŋ Kuru ɔ lap hɛ maŋ tela kɔ ɔKuru ka ŋaŋ, pəkasifɛ ɔ po bɛnɛnɛ kɔpɛt ta átà ŋaŋ.
- 17 Rə kəlɛnɛ Ebrahim ma a memər kɔ-e, ɔ wurɔ Aysak sathka; yao kɔn ɔwe po sɔtho elahiri ɔ selɔ tɔ kəsɔnd ɔwan kɔŋ ukin,
- 18 ta ɔwe a po pa, Ka Aysak takomra ta mu tɔ tɔ wur;
- 19 kɔ nane kɔpa Kuru ɔ gbɛli yokas wuni hali ka ráfi; ɔwa pə bálɛnɛ mɔ ɔ kál sɔtho Aysak yathi kəwur ka ráfi rati.
- 20 Rə kəlɛnɛ Aysak ɔ ruba Yekɔb-əŋ yi Iso ta salata mātáy ama ba tɔ kəder.
- 21 Rə kəlɛnɛ Yekɔb-əŋ, ma ɔ yema fi-e, ɔ ruba aŋwuth ŋarəŋ ŋa Yosef; ɔwa ɔ sanɛ ka kátək kɔŋ rə kəbatho Kuru.
- 22 Rə kəlɛnɛ, Yosef ma ɔ yema fi-e, ɔ tɔri aŋwuth ŋa Isrɛl to maŋ ba kəwur ro Iyipt, kɔ yamari ŋa sɔ ta tabanth tɔŋ.
- 23 Rə kəlɛnɛ aŋkomra ŋa Mosis aŋ maŋk kɔ yof ɛsas, pəkasifɛ aŋ nɛnk kɔpa ɔ yi wath ubɔthi kəli uthasər; aŋ nesa hɛ aŋyamari ŋa ɔbáy.
- 24 Rə kəlɛnɛ Mosisàŋ, ma ɔ po tɛŋa-e, ɔ selɔ hɛ a tela kɔ ɔwan ka ɔwan bera ka Fero;
- 25 kɛrɛ ɔ thith tɔ kəsɔmpɛnɛ dɛ aŋfəm ŋa Kuru pəthas tɔ kəba mabɔnɛ mɛgbut ma ehake.
- 26 Ɔ nane kɔpa kənakasi salata Krayst kə yi rəyola pəthasi atɛŋ bɛ ta ro Iyipt, átesoma-e ɔ kəlɛnɛ ta àŋrám aŋa yi ro kəri.
- 27 Rə kəlɛnɛ ɔ wur ro Iyipt, ɔ nesa hɛ rabaŋ ra ɔbáy, kotáy-e ɔ muyu mɔ nɛnk ro ámerà ɔwe sɔ tɛ nɛŋka rəfɔr.
- 28 Rə kəlɛnɛ ɔ wop amet ma kapainɛ dɛ yi kawənsir mātir, kámá ɔwe po ləsər aŋwuth átɔtɔkɔ ɔ tɛ gboŋ sɔ aŋIsrɛl.
- 29 Rə kəlɛnɛ aŋ fəsi kábàŋ kəyim mɔ roŋ dəwosi, kɛrɛ ma aŋfəm ŋa ro Iyipt aŋ mem tɔ kəyɔ ti sɔ-e, aŋ dinɛ ro baŋ.
- 30 Rə kəlɛnɛ ɛthatha ya ro Yeriko ɛ fumpɔ bəm ma a gbətɔsnɛ yi mərəy tàmthəderəŋ.
- 31 Rə kəlɛnɛ Rehab, ɔbera urəpi ɔ fi hɛ kətɔŋ ka ante lanɛ pəkasifɛ ɔ malanɛ aŋtombəla yi məthofəl.
- 32 Ɔwa to mɛ gbɛli sɔ pa-e? kotáy-e alɔkɔ aŋ tɔ pond mi tɔ kətəri ta Kidiyɔnàŋ, yi Barakàŋ, yi Samsin-əŋ, yi Yɛfthəŋ; ta Debid sɔ yi Samuəlàŋ, dɛ yi Aŋnàbi;
- 33 rə kəlɛnɛ aŋfəm aŋɛ aŋ tham təbáy, aŋ yɔ məlɔmpi, aŋ sɔtho elahiri, aŋ kantha tasəŋ ta təsoyila,



³⁴añ dimsí òbàñ wà nànt, añ fisə kəwúr kà rəfi rā agbathə, añ səkə abàki mədər kəwúr kà rəyái, añ yi abàki təbuth tə kətim, añ bál asəfà ta añfəm àthánthone.

³⁵Afəm abom añ sòthə añfi a ñañ añ kál yokanə kà káboma; alóm-e, a gbàñar ña rə anakasi athasər, añ malanə hē kakisi ákə a taka ñañ, kañka gbo añ gbəli sòthə ñesəm afisa kà kakal yokanə kà añfi.

³⁶Òwa a memər alóm rə məsəl mələs, kà a sap ña yi rəkət, yao a tand ña rə tərəntha kà àñseth àtərənkà;

³⁷a ləməs ña yi məsar, a sera ña ratəñ, a gbəns ña, a difà ña yi əgbathə, añ thasəsne gbo kà àñthəf kà ereka ya təlómə yi atir. Añ tiyá rə aməne, kà a bār səmpar ña tə kəyə ña òbàñ.

³⁸Ta añfəm añe àdàru rə yi hē rəbeki. Añ lunə lunə ro wula yi tətəñ; añ mañkne kà təyañka yi kà təbi ro thəf.

³⁹Kerə añfəm añe bē hali mañ po sòthə mes məfinə asabu ña kəlanə-e, añ nənk hē òlasər wà añałahiri gbəñ.

⁴⁰Pəkəsifə Kuru ò po nanə tày təfisa ta àtá su-e, kámá pə te yi nañ a səkí ña agbenthis kətei su rodarəñ.

Añhibru 12

¹Tiyáñ ma ayama abana ña məsəri añ kampər su yañ-e, mañ gbapə nu koko ara mə bent su, de yi añaake aña mə thínkər su katkat, òwa mañ gbukə nu rə kəmuju kəgbákəne ákə mə a bot rodi kásu.

²Mañ kəli nu Yisəs təñ, òTəpi yi òPons wà kəlanə kásu; òwe muyu akənt kəpəñkinə ta salata mabəne ama yi kə rodi, kə farki málap, òwa ò poñ yirá kà kádiyə kà kawañ kà rábáy kà Kuru.

³kotáy-e támtámne nu finə ta kən òwe muyu epensanə ya afəm ña ahake kəñamne kə-e, kámá pə te lela nu hañ nə thamrə rə ámerá.

⁴Nə tha tim hē ras hañ a loñ mətir, tə kəñamne ahake.

⁵Nə po pəne añañ aña fəfəne nu mə awuth-i? Kəpa hə, Wan kámi, te farki añañ ña òMarki, Òwa te thamrə ma ò thalər mu;

⁶Pəkəsifə òwe òMarki ò bəthər-e, kənə mə sirans, Òwa ò sap wan o wan òwe ò po malanə.

⁷Bepi nə muyu kámá a lompəs nu-e, Kuru ò gbasi nu mə awuth ñəñ; kotáy-e uwan ureke ò yi òwe òkas kəñ ò te sirans-e?

⁸Kerə bepi a sirans hē nu mə mə a yə wath o wath-e, añałəkə ñati nə yi gbo awuth ña apure, òwa nə yi hē awuth atətəñ.



- ⁹Ma pə thas ri sɔ-e, sɔ po ba akas a su ka rawuni kəpet tɔ kəlompəs su-e, ɔwa sɔ poŋ sɔŋ ŋa ayiki; sɔ gbəli hɛ nu bəsɛr sanɛ ka ɔKas ka ɔYina kámá sɔ kisi-i?
- ¹⁰kotáy-e tɛntɛnɛ aŋ sirans su ka alɔkɔ agbut mɔ mɔ aŋ nɛnk ti ɔfinɔ; kɛrɛ Kurɔŋ ɔ yo ti tɔ kɛmar su-e, kámá sɔ gbəli ba ágbáp ka masəm mɔŋ.
- ¹¹Ka ɔgbut wuni mɔ sɔthɔ asiraŋ pə bɔnɛ hɛ kɔ, kɛrɛ ɔ baŋ kɔ; halisa ka ɔgbanthir ŋaŋ aŋa sɔthɔ karusəm kati-e, aŋ tɔ wurɔ mákomi mɛthɔfɛl ma mɛlompi.
- ¹²Tiyáŋ ŋata nu máta mɛgbɔgbɔth dɛ yi tawu tɛrakɔth.
- ¹³Bɛmpa nu sɔŋ tɛlompi ta átátɛk ta nu, kámá aŋgbɛthkɛ aŋ te yɛthá; kɛrɛ kámá aŋ sɔthɔ kɛdamɛr.
- ¹⁴Táŋ nu mɛthɔfɛl rɛ afəm bɛ, yi masəm ama pə yi-e, thambe wuni ɔ ba ma-e, ɔ gbəli hɛ nɛnk ɔMarki.
- ¹⁵Kəli nu finɔ kámá wuni ɔ wuni ɔ te bun áŋboŋa ŋa Kuru; ta thani rɛka rɛrɔŋkɔth rɛ te lɔkɔ kɛtɔŋ ka nu-e, tɔ kəkɛthas nu, haŋ agbáthi aŋ nɔkɔsnɛ.
- ¹⁶Kəli nu finɔ kámá wuni rɛpi thalɔm wuni lɛs mɔ Isɔŋ, ɔwe thila rabáki rɔŋ ta da rɛdi ɔ te yi kɛtɔŋ ka nu.
- ¹⁷kotáy-e nɔ tárá kɛpa rodarɔŋ kati-e, ma ɔ yema naŋ sɔthɔ aruba-e, a pɛnsa kɔ pəkasiɛ ɔ gbəli hɛ fir aŋfɛrɛ tɔ kɛthupi hali ma ɔ thɛns ŋi asɔbɛ rɛ mantɛr.
- ¹⁸kotáy-e naŋ nɔ der hɛ ka kateŋ ákɛ nɔ gbəli gbɔŋ rɛ mɛta-e, ákɛ mara dɛ yi nánt, thalɔm ka kábi, yi asum, yi kɛŋkɛl kɛbana,
- ¹⁹dɛ yi kɛtɔŋa ka kathema, dɛ yi sim ta tɛfɔf-e, sim táŋ átá yo ŋaŋ aŋa tɛl ti-e aŋ nɛmthɛnɛ kámá a te sɔ sɔŋ ŋa kɛra kɛwunɔŋ.
- ²⁰kotáy-e aŋ gbəli hɛ muyu átá a yamari, kɛpa hali bepi usɛm ɔ gbɔŋ kateŋ-e, a yi tɔ kɛlɛmɛs kɔ yi mɛsar haŋ ɔ fi;
- ²¹ɔwa kakəli kati kɔ yi kəninis haŋ Mosis ɔ pa, Minɛ i yɛr yɛr yi rɛnɛs.
- ²²Kɛrɛ naŋ nɔ po der ka kateŋ ka Sayɔn-e, kápet ka ɔKuru ukəli, yi ka Yerusalem ákɛ yi rokɔm, dɛ yi ka akobali kɛbana ka amaleka agbáthi,
- ²³dɛ yi ka aŋgbane ŋa aŋchɔch, pə yi mɔ aŋwuth átɔtɔkɔ ŋa Krayst aŋa ba mes mɛgbal ro riyana, dɛ yi ka Kuru ɔthonkas kásu bɛ, dɛ yi sɔ aŋyina ŋa aŋlompi aŋa poŋ yi agbenthis;
- ²⁴dɛ yi ka Yisɔsáŋ, ɔKasa ka aŋlemrane afu, dɛ yi ka mátir ma kɛwɔnsir ama tɔri kɛra kɛfisa pɛthas mátir ma Ebel.
- ²⁵Bumne nu kámá nɔ te pɛnsa ɔwe mɔ fɔf. Kotáy-e bepi aŋbáki a su aŋ pamp hɛ kɛwur ka anthalɛr maŋ pɛnsa kɔn ɔwe fɔf nɔru-e, to saŋ mɔ sɔ gbəli kisi bepi sɔ su hɛ kɔ elɛns ɔwe fɔf kɛwur ro riyana-e?



²⁶Áŋlòkò ñati árim rəŋ rə yíŋktha ádàru; kere ka-ake ɔ po lahiri kəpa, Win gbo ras ti kál yíŋktha, pə yi he ádàru gbo son-e, kere áriyana sə.

²⁷Ɔwa árim are kəpa, Win gbo ras, rə tɔri kəpa a tə tɔŋa eyet eye a gbəli yíŋktha, mɔ eyet ebempa, kámá eyet eye a te gbəli yíŋktha ε tə tiyá.

²⁸Tiyán ma sə sɔthə rábáy ara mə a te gbəli yíŋktha-e, maŋ sɔŋ nu mómó kámá sə yóna Kuru məpanth məbeki rə kəbátho de yi rənes.

²⁹kotáy-e ɔKuru kásu ɔ yi mɔ nánt nəthɔy.

Aŋhibru 13

¹Básər nu bothəráne mɔ awont.

²Te nu pəne kəyiya atik, kotáy-e di kati alóm aŋ po yia amaleka kəte tára ti.

³Kala nu ámerá ka ŋaŋ aŋa yi ka aseth átərənká, mɔ a tand nu de yi ŋaŋ; nane ŋa sɔ aŋa ba asəmpane kotáy-e naŋ nə yi ras ka mader ma rawuni kəpet.

⁴Wop kánantá rə ayiki kətɔŋ ka nu be, ɔwa yɔ nu kámá a te yifas kəfənt kati; kotáy-e Kuru ɔ tə thonkas aŋrəpi be.

⁵Yi nu kəyaŋkaŋ kəwur ka mafela ma akala-e; ɔwa ta ara nə ba rə yi rəbeki nu; kotáy-e Kuru kən kənɔne ɔ po pa, I gbəli he thánkəŋ tey nu, thalóm i gbape nu.

⁶Tiyán sə gbəli pa rə kəpələne, ƆMariki ɔ yi ɔmar kámi, I ba he asoli ta átá wuni kəpet mɔ gbəli yɔ mi.

⁷Nane nu ŋaŋ aŋa yi aŋkərbomp a nu aŋa po tɔri nu ásim ta Kuru; kala ámerá ka mayi maŋ, ɔwa tansane kálane ka naŋ.

⁸Yisəs Krayst ɔ yi móló min dis, yi thonɔŋ haŋ thánkəŋ thəbana.

⁹Te nu lafthe ka máthəksa mətəl məgbanthe tətəp, kotáy-e pə yi ɔfínɔ bepi a bákəs emerá ε nu rə aboŋa-e, beta rə masəm ma eyet edi ama te gbəli mar ŋaŋ aŋa wop ma.

¹⁰Saŋ sə ba abese ro ŋaŋ aŋa yɔ mapanth ma aŋseth ŋa akotha ŋa aŋYuda aŋ te ba mamari tə kədi.

¹¹kotáy-e ma ɔfode ubana ɔ po kárá mətir ka ɔder ɔsəm thə be-e mɔ sathka ta ahake-e, a thɔy tabel ta təsəm tati rokaŋ ka ɔgbaif wa aŋgbane ŋa aŋfəm.

¹²Tiyán Yisəs sə ɔ səmpane roləŋken ka aŋkobe kámá ɔ gbəli səməs aŋfəm de yi mətir mɔŋ gbeŋ.

¹³Tiyán maŋ tán kɔ nu ka aŋkobe rokaŋ, kámá sə sara málap mɔŋ.

¹⁴Pəkasife anɔ sə ba he kəpet kəthəbana, kere sə thens kápet áke yi tə kəder.

¹⁵Tiyán kətánáne kəŋ maŋ thəkəs nu Kuru rə sathka alókó ɔ lókó, pə yi mɔ-e, eboya ya ásim ta su eye seri ta aŋes ŋɔŋ.



- 16** Kere te nu pãne tã kãyo tãfinã de yi tã kãyerãs ara nã ba kotã-y-e sathka tãwunã tã bõnes Kuru finã.
- 17** Wop nu árim ra aŋkãrbomp, òwa sanẽ ka aŋbãki rokõm ka nu; kotã-y-e aŋ bumãr eŋesãm ẽ nu mã afẽm aŋa ba kãson akanẽ, kãmã aŋ gbãli sãŋ ñi yi mãbõnẽ, pã yi hẽ yi ònõsine, kotã-y-e áte tã gbãli hẽ mar nu.
- 18** Ramne nu ta átã su; kotã-y-e sã tãrà kãpa sã ba ámerã áferã, òwa sã fela tã kãyo òlompã rã tãy o tãy.
- 19** I nemthene nu tã kãyo áte kãmã i gbãli yeŋk kãlane do rõnu.
- 20** Òwa ka-ake kaŋka òKuru ka mãthõfãl òwe põŋ yokas òMarki kãsu Yisõs ka rãfi-e, òTãl talõme ubana; kãtãŋãne ka mãtir ma aŋlemrane athãbana-e,
- 21** Ò yõ nu nã yi agbenthis rã tãy o tãy tãfinã, tã kãyo mãselõ mõŋ, kãmã ò yõ mapanth rokor ka nu ama mã mar nu tã kãbõnes kã, kãtãŋãne ka Yisõs Krayst; òwe ba ayiki thãnkãŋ o thãnkãŋ. Amina.
- 22** I nemthene nu awõnt, muyu nu aŋmãŋ aŋe, átesoma-e i po gbalãr nu gbo areka agbut.
- 23** Tara ti nu kãpa a po ter Timõthi, òwõnt su-e, òwa bepi ò yeŋk der-e, mine i ti nãnk nu de yi kãn.
- 24** Kori ñãŋ aŋa yi rokõm ka nu, de yi aŋsãm bẽ. Ñãŋ ro Itali aŋ kori nu.
- 25** Ta abõŋa aŋ yi yi ñãŋ bẽ. Amina.



Yeməs

Yeməs 1

- ¹Yeməs åbøy ña Kuru yi ka ɔMarki Yisəs Krayst ka ebənsəŋ tɔfɔt yerəŋ aña po sakane ka ádáru bɛ; i kori nu sɛŋk.
- ²Añwənt a mi, ba ti nu məbɔne bepi emem egbanthe tətəp ɛ bəp nu,
- ³ma nə tără kəpa kamemər ka kálane ka nu kə tə səŋ nu kəmuyu.
- ⁴Kere yɔ nu kámá kámuyu kə yɔ mapanth məpons mati kámá naŋ sɔ nə yi agbenthis, alolok, de yi kámá nə te paŋ rəka o rəka.
- ⁵Kere bepi ukin ka nu ɔ ba he kətemp ka rəbaki-e, ta ɔ tholir Kuru ɔwe yi ufonsiri, ɔwe mə yer rə mətheke tha, ɔwa a tə səŋ kə ki.
- ⁶Kere ta ɔ yif rə kəlanə áke te ba asike. Kotáy-e ɔwe ba asike ɔ yi mə amun̄kəl ña ro baŋ aña aŋfəf maŋ gbasi, aŋ láfthi láfthi.
- ⁷Ta ɔwuni wunəŋ ɔ te bot ámerá kəpa ye ɔ tə sɔthə koko kəwur ka ɔMarki.
- ⁸ɔwuni ɔwe ba ámerá afələ fələ ɔ pəkək ka máyɔs məŋ bɛ.
- ⁹Ta pə bəne ɔwənt uməne bepi a ñata kə,
- ¹⁰kere ɔyola, bepi a thora kə; pəkasife ɔ tə thas mə maləŋi ma akereŋ.
- ¹¹Átesoma-e áney nə bansá gbo-e, nə welas ákereŋ, yi maləŋi mati mə tə fumpɔ, yi ɔbothi kəli wati ɔ tə dine. Yaŋ hɔ sɔ ɔwuni yola mə thas ka asəŋ təŋ bɛ.
- ¹²Wuni ka aruba wəŋ ɔwe mə muyu egbənsane, kotáy-e bepi a po gbəns kə-e, ɔ tə sɔthə ániyɔ ña aŋesəm, aña ɔMarki ɔ po lahiri ñaŋ aña bothər kə.
- ¹³Ta wuni o wuni ɔ te pa bepi a gbəns kə-e, A gbəns mi kəwur ka Kuru; kotáy-e a gbəli he gbəns Kuru ka máləs, ɔwa kən kənəne ɔ gbəns he wuni o wuni;
- ¹⁴kere a gbəns wuni o wuni ma mafela məŋ gbeŋ mə lijanə kə, ɔwa mə sapərane kə.
- ¹⁵ɔwa máfela-e, ma mə kora-e, mə tə kom ahake; ɔwa ahake-e, ma mə aŋ bák-e, aŋ tə kom rəfi.
- ¹⁶Ta a te pəŋis nu, abothər.
- ¹⁷Aboya o boya afinɔ, yi aboya o boya agbenthis aŋ wur rokəm, aŋ thor kəwur ka ɔKas ka aŋmothá, ɔwe te ba məfələ fələ, thaləm amumpəl ña kəsɪŋkar.
- ¹⁸Ka mäsəlɔ məŋ gbeŋ ɔ kom su ka árim ra tətəŋ, kámá sə yi mākomi mətətəkə ma mabempa məŋ.
- ¹⁹Tiyáŋ awənt abothər, ta wuni o wuni ɔ yi tɛmp tɛmp tə kətəl, ta ɔ te yeŋk fɔf, ta ɔ te yeŋk bansá.



²⁰kotáy-e rabaŋ da wuni kəpet rə yə he málompi ma Kuru Məsaba.

²¹Tiyáŋ gbape nu mánokó yi məthasərne ma mələs bə, əwa rə ámerà athoranə malane nu árim ara a tərər nu-e, ara gbəli kisis rafəm ra nu.

²²Kere yi nu ayə árim, pə yi he atəl gbo son aŋa pəŋisnə.

²³kotáy-e bepi wuni ə təl gbo, kere ə yə he, ə yi mə wuni əwe mə kəli ader rəŋ ka aməmne.

²⁴kotáy-e ə nənə gbo-e, kə kálane, əwa ka ələmp wati ə pənə to mábáláne məŋ mə yi.

²⁵Kere kən əwe mə kəli ka áŋthə ŋa ráwankom rəgbenthis-e, əwa ə bəkər ri-e, əwe-e, ma ə te yi utəl əwe mə pənə, kere ə yi uyə árim, əkati ə tə sothə aruba ka kayə kəŋ.

²⁶Bepi wuni ə wuni kətəŋ ka nu ə nanə kəpa ə yi ka aroŋ da Kuru, kere ə wop he ramer rəŋ-e ə təns áŋmerà ŋəŋ, əwa kakəth kəŋ ka aroŋ da Kuru kə yi kətəŋ.

²⁷Kakəth ka aroŋ da Kuru kətətəŋ áke te ba apora ro der kəri ka əKuru de yi əKas kásu ki ake, tə kənane ante ba kas yi áŋbora ka áŋsəmpane a ŋaŋ, yi tə kəbene áŋmerà ŋəŋ kəte ba apora ka ádaru.

Yeməs 2

¹Aŋwənt a mi, te nu wop kálane ka əMarki kásu Yisəs Kraystəŋ, əMarki ka ayiki, yi kəbot agbáy kətəŋ ka afəm.

²kotáy-e bepi wuni ə wəŋ ka aŋgbane a nu əwe lopra finə-e, əwe ba asu ŋa məbəŋə, əwa wuni mənə sə ə wəŋ rə ruma rənəthe,

³ka nə yikis əwe ba suma təfinə, nə pa ro rəŋəŋ, Pa, yirə nə ka əder əfinə, kere ka əmənə nə pa, Təmà ri, thaləm yirə ka átətək ta mi ratha;

⁴nə ba he agbáy kətəŋ ka nu ma nə po səke áthonkas ka mənane mələs-i?

⁵Su aləns aŋwənt a mi abəthər, ŋaŋ aŋa ádaru rə bont amənə-e, Kuru ə thith he ŋa tə kəyi ayola ka kálane-i, yi tə kəsəthə rábáy ara ə po lahiri ŋaŋ aŋa bəthər kə-i?

⁶Kere nə po say əmənə. Aŋyola tha mə thɪŋkər nu-i, ŋa tha mə kera nu ro bare-i?

⁷Da tha mə fəf ələs ta áŋes asəm ŋati rə a tela nu-i?

⁸Bepi nə wop áŋthə ŋa rábáy mələ ma ákáfə kə pa-e, Mə yi tə kəbəthər əfatane ka mu mə má mə bəthərne-e, nə yə finə,

⁹kere bepi nə bot agbáy ka afəm-e, nə yə ahake, əwa áŋthə aŋ tə ŋap nu kəyi nə sim áŋsirəŋ.

¹⁰Tiyáŋ bepi wuni ə wop áŋthə bə, kere ə pənthne ŋin-e, ə po ba mətheri ka áŋthə alolok,



- ¹¹kotáy-e kòn owe pa, Te yò kərəp, ɔ pa sɔ, Te dif. Ɔwa bepi munɔ mə yò he kərəp-e, kere mə dif-e, mə po səkə usim àŋthɔ.
- ¹²Fɔf nu, ɔwa yò nu mə ŋaŋ aŋa mə a ba kəthoŋkas kətəŋàne ka àŋthɔ ŋa ráwankom.
- ¹³kotáy-e owe mə te tɔri àney ɔ tə sɔthɔ mətheri ama te ba àney; kere àney aŋ tə tham kəthoŋkas.
- ¹⁴Ko kə naŋfas-e, aŋwont a mi, bepi wuni ɔ pa ɔ ba kəlane, kere m̀ayɔs m̀oŋ mə tɔri he ki-e? Kəlane kati kə tə gbəli kisis kɔ-i?
- ¹⁵Bepi ɔwont uruni thalɔm ɔwont ubera owe lane ɔ təmá kətɪŋ-e, ɔwa ɔ ba he da rədi,
- ¹⁶ɔwa bepi ukin ka nu ɔ kanɛ ŋa, Kɔne yi məbɔne kámá a lonsir nu, kámá a namsir nu, rodarəŋ kati ɔ sɔŋ he ŋa koko ara aŋ paŋ-e, ko kə naŋfas-e?
- ¹⁷Ya pə yi sɔ-e, kəlane, bepi kə tɔri he m̀ayɔs, kə yi kəfi.
- ¹⁸Yao, wuni lɔm ɔ tə pa, Munɔ mə ba kəlane, ɔwa mine i ba m̀ayɔs; tɔri mi kəlane ka mu áke te ba m̀ayɔs, ɔwa mine i ti tɔri nu kəlane kámi kətəŋ ka m̀ayɔs ma mi.
- ¹⁹Munɔ mə lane kəpa Kuru ukin kɔnɔ yi; mə yò finɔ, aŋkərəfi sɔ aŋ lane ti, ɔwa aŋ yerne.
- ²⁰Kere ɔwuni yay, mə yi tə kətara kəpa kəlane áke te ba m̀ayɔs kə yi kəfi.
- ²¹A sɔŋ he Ebrahim, ɔkas kásu, məmari salata m̀ayɔs m̀oŋ, ma ɔ sɔŋ Aysak ɔwan kəŋ ka àŋbesɛ-i?
- ²²Mə nənɔ he to kəlane kəŋ yi m̀ayɔs m̀oŋ mə pantne rəkin, ɔwa kətəŋàne ka m̀ayɔs m̀oŋ-e, kəlane kəŋ kə po gbenthis-e?
- ²³Ka m̀agbal m̀əsəm mə lasər ama pa, Ka Ebrahim ɔ lane Kuru-e, ɔwa a lɔma kɔ ti m̀əlɔmpi. Ka a bont kɔ, Ɔyathki ka Kuru.
- ²⁴Nə nənɔ thəŋ kəpa a tə sɔŋ wuni məmari kətəŋàne ka m̀ayɔs, pə yi he gbo kətəŋàne ka kəlane son.
- ²⁵Yi tha pə yi sɔ-e, Rehab ɔbera urəpi ɔ sɔthɔ he məmari kətəŋàne ka m̀ayɔs m̀oŋ ma ɔ malane aŋtombəla-i, kə somra ŋa rə roŋ dəlɔm-i?
- ²⁶kotáy-e mə mə àŋder aŋ fi bepi aŋ ba he ŋesəm-e, ya pə yi sɔ kəlane kə fi bepi kə ba he m̀ayɔs.

Yeməs 3

- ¹Aŋwont a mi, naŋ agbáthi, te nu səkine akarməkɔ, ma nə t́ará kəpa saŋ mə tha sɔthɔ məthekə m̀ələl.
- ²kotáy-e rə m̀atáy m̀əgbathi saŋ be sɔ pənthbəla. Kɔnɔ owe te pənthbəla ka ásim təŋ, ɔkin kati, wuni gbenthis wəŋ, ɔwa ɔ gbəli wop mafela ma àŋder be.



- ³Ɔwa bepi sə bot átáráfi ka tasəŋ ta təsəy kámá aŋ tɛlá su-e, sə gbəli láfthi aŋdər ŋaŋ bɛ.
- ⁴Kəli ba tabil sɔ, hali ma tɔ yi tɔbana-e, ɔwa efef ɛbana ɛ kera ti, halisa, ákorá álɔl aŋ tɔ láfthi ti dɛr o dɛr ro ɔkorá ɔ yema.
- ⁵Yá pə yi sɔ rámer rə yi rɔlɔl ka aŋdər, kɛrɛ rə tɔ gbək ayonka ta atáy tɔbana. Kəli ko nánt nɔthán nə gbəli láp ɛthək ɛgbáthi-e?
- ⁶Ɔwa rámer rə yi nánt, rə yi mɔ ádáru rəkəná ka mádɛr ma su; ɔwa rə mɔ nəkɔs aŋdər bɛ; rə mɔ bot nánt ka máyi mɔlɔlɔk, ɔwa rə sɔthɔ sɔ nánt kəwɔr ro yahanama.
- ⁷Kotáy-e a tɔ tɔl ɛsɛm tətɔp bɛ, yi ɛbámp-o, yi ɛyɛt ɛwɔrká-o, yi ɛyɛt ya ro baŋ; ɔwa wuni kəpɛt ɔ pɔ tɔl ŋa thɔŋ.
- ⁸Kɛrɛ wuni o wuni ɔ gbəli hɛ tɔl rámer, ɔwa rə yi rɔlɔs-o, rəkasi sanɛ-o, rə la yi atɔl adif.
- ⁹Ka ramer sɔ ruba Kuru ɔKas; ka ramer sɔ sɔ raŋka wuni kəpɛt, ɔwe a bɛmpa ka mábálánɛ ma Kuru.
- ¹⁰Ka kəsəŋ kin aruba yi áranka aŋ wur. Aŋwɔnt a mi, átáy áte aŋ yi hɛ naŋ tɔ kəyi.
- ¹¹Rəfɔr ra mánt rə gbəli wur mánt məbɔthi yi mánt məronkəth ka ɔdɛr kin-i?
- ¹²Aŋwɔnt a mi, aŋənt ŋa agbɔnɔ gbɔnɔ aŋ gbəli kom məgboli-i, thalɔm rɔlek rə gbəli kom məgbɔnɔ-i? Ya pə yi sɔ, rəfɔr ra mánt rə gbəli hɛ wur mánt məmer yi mánt məbɔthi.
- ¹³Kanɛ yi utempi yi utara táy kətɔŋ ka nu-e? Ta ɔ tɔri ti ka ŋesəm alompi, yi ka məyɔs mətɛmpi rə ámerá athoranɛ.
- ¹⁴Kɛrɛ bepi nə ba kətut kəronkəth yi kəgbal ka ɛmerá ɛ nu-e, te kolonɛ, ɔwa te yemsa tətɛŋ.
- ¹⁵Kɛrɛ kátɛmp ake kə yi hɛ kátɛmp ka rəbaki áke wur rokɔm, kə yi gbo áka ádáru, kə taŋanɛ ɔlɔs, kə yi ka Sethani.
- ¹⁶kotáy-e ro kətut yi kəgbal kə yi-e, məsɔkanɛ yi táy tɔlɔs bɛ tɔ yi.
- ¹⁷Kɛrɛ kátɛmp ka rəbaki áke wur rokɔm kətɔtɔkɔ bɛ kə yi kəfɛra, kədarəŋ kati kə yi kəthɔfəl, kərusəma finɔ, kətuy hɛ nɛmthɛnɛ, kəla áney, kəba məkomi məfinɔ, kəte ba agbáy, kəte ba ayaŋfa.
- ¹⁸Ɔwa ŋaŋ aŋa mɔ yɔ məthɔfəl-e, aŋ sak kərək ka məlompi yi məthɔfəl.

Yeməs 4

- ¹Reke tátim yi máputhanɛ kətɔŋ ka nu ɛ wur-e? Ɛ wur hɛ ka ɛfela ɛ nu ɛyɛ mɔ tim rokɔr ka mádɛr ma nu-i?



²Nə fela eyet, ɔwa nə sotho he; nə dif, nə fela ɔbaŋ, kere nə gbəli he sotho átà nə yema; nə gbal, nə tim, kere nə ba he, pəkasiŋe nə yif he.

³Nə yif, ɔwa nə sotho he pəkasiŋe nə yif ɔkənà kámà nə ləsər ŋi salata mafela ma nu.

⁴Na afəm arəpi nə tārà he kəpa mamane ma ádàru mə yi kəgbəŋà Kuru-i? Tiyàŋ wuni o wuni ɔwe yema yi uyathki ka ádàru ɔ səkə utherane ka Kuru.

⁵Nə nanə kəpa mǎgbal məsəm mə pa kətiŋ-i, ɔYina məsəm ɔwe yi su rokor ɔ kəliane su de yi kətut kəbaŋ-i?

⁶Kere ɔ bār səŋ aboŋa. Tiyàŋ ɔ pa, Kuru ɔ bārà aŋbone táy kəmuth, kere ɔ səŋ aboŋa ka anthorane.

⁷Tiyàŋ, sane nu ka Kuru, pensa Sethani, ɔwa ɔ tə gbape nu.

⁸Fátər Kuru, ɔwa ɔ tə fatər nu, gbərans máta ma nu naŋ afəm ŋa ahake; fethər emerà e nu naŋ aŋa ba emerà efəle fəle.

⁹Thalərne nu, saŋ aməl, ɔwa bok; ta thani másel ma nu mə səkə ɔnəsine, de yi mabone ma nu mə səkə amone.

¹⁰Thorane nu rodi ka Kuru, ɔwa kəno ɔ tə ŋata nu.

¹¹Awənt, te nu fofiya aŋwənt a nu; kən ɔwe mə fofiya ɔwənt kəŋ-e, thaləm ɔ thonkas ɔwənt kəŋ-e, ɔ fofiya aŋtho, ɔ thonkas aŋtho; ɔwa bepi mə thonkas antho-e, mə yi he sɔ ɔwe mə wop ŋi, mə yi uthonkas.

¹²Usəŋ aŋtho de yi uthonkas ukin ɔ yi, kəno ɔ gbəli kisis; kəno ɔ gbəli ləsər. Kere munə, kanə mə yi-e ɔwe mə thonkas ɔkos ka mu-e?

¹³Su eləns ŋaŋ aŋa mə pa, Thonəŋ, thaləm ninaŋ si kə ka kəpet kəwunəŋ, si yirà ri haŋ kəren kin, sə tə səkine ri, ɔwa sə tə sotho məkəŋya.

¹⁴Naŋ gbeŋ, nə tə he átà mə re yi ka ninaŋ. Kotáy-e ko yi aŋesəm a nu-e? Aŋ yi gbo mə kəfira áke sə nənk ta aləkə agbut, kədarəŋ kati sə nənk he ki sɔ.

¹⁵Tiyàŋ nə yi naŋ tə kəpa, Bepi ɔMarki ɔ selə, sə tə yi, ɔwa sə tə yə áte de yi átəŋ.

¹⁶Kere ka-ake, nə ba məbone ka kəgbək ka nu eyonka; kəyasane kəwunəŋ kə yi kələs.

¹⁷Tiyàŋ kən ɔwe tārà tə kəyɔ təfina kere ɔ yə he ti, ahake do rəŋəŋ.

Yeməs 5

¹ɔwa, naŋ ayola, bok nu, ɔwa sel erəŋ salata masibo ma nu ama mə derər nu.

²Rayola ra nu rə poŋ they, yi mǎgbak mə po səm səm ásuma tà nu.

³Mábəŋɔ yi aŋkala a nu áferà aŋ po wəŋ mǎgbak; ɔwa mǎgbak mati mə seri tə kəsəŋ nu mətheri, ɔwa mə tə səm mader ma nu mə nánt. Nə po thonkla akeŋ ka nu ka marey mələpsə.



- ⁴Kəli ba ɔ̀nɔ̀rɔ̀m ɔ̀ ɛ nu ɛyɛ naɔ̀ nɔ̀ po kansɔ̀n, aɔ̀ kulɔ̀; ɔ̀wa kakulɔ̀ kati kɔ̀ po wɔ̀n ka ɛlɔ̀ns ya ɔ̀Marki ka ɛsɔ̀fɔ̀.
- ⁵Nɔ̀ po yirɔ̀ ka mɔ̀bɔ̀nɛ nɔ̀ru, nɔ̀ po yɔ̀ ɔ̀tɔ̀ nɔ̀ yema, nɔ̀ po namsir emerà ɛ nu ka ɔ̀nɔ̀yɛ ɔ̀ kɔ̀fai.
- ⁶Nɔ̀ po sɔ̀n mɔ̀theri ka nɔ̀ po dif ɔ̀lompi; kɛrɛ ɔ̀ kasi hɛ nu.
- ⁷Tiyɔ̀n naɔ̀ awɔ̀nt, muyu nu haɔ̀n ka kɔ̀der ka ɔ̀Marki. Kɔ̀la, ɔ̀baf ɔ̀ kar haɔ̀n ɔ̀nɔ̀kɔ̀ aɔ̀ bek tɔ̀ kɛrɔ̀k mɔ̀komi mɔ̀baki ma ɔ̀nɔ̀hɔ̀f, ɔ̀ muyu haɔ̀n mɔ̀ sɔ̀thɔ̀ akɔ̀m kɔ̀tɔ̀tɔ̀kɔ̀ yi kɔ̀lɔ̀psɔ̀.
- ⁸Naɔ̀n sɔ̀ muyu nu; bɔ̀k nu tɔ̀buth, kotɔ̀y-e kɔ̀der ka ɔ̀Marki kɔ̀ po fat.
- ⁹Awɔ̀nt, te nu fɔ̀fɔ̀thane ukin de yi ulɔ̀m, ta thani naɔ̀n sɔ̀ nɔ̀ sɔ̀thɔ̀ mɔ̀theri. Kɔ̀la ɔ̀Thɔ̀nkas ɔ̀ tɔ̀mɔ̀ ka kadare.
- ¹⁰Aɔ̀nɔ̀nt a mi gbasi nu ɔ̀nɔ̀mɔ̀l ɔ̀ kanakasi yi kamuyu ka Aɔ̀nɔ̀bi aɔ̀na po fɔ̀f ka ɔ̀nɔ̀yɛ ɔ̀ ɔ̀Marki.
- ¹¹Kɔ̀la sɔ̀ bont ɔ̀ aruba aɔ̀na muyu. Nɔ̀ po tɔ̀l ta kamuyu ka Yob, yi ɔ̀te ɔ̀Marki ɔ̀ yɔ̀na kɔ̀; kotɔ̀y-e ɔ̀Marki ɔ̀ yi ɔ̀la mɔ̀thɔ̀th yi ɔ̀ney.
- ¹²Kɛrɛ pɔ̀thas tɔ̀y ɔ̀ tɔ̀y, aɔ̀nɔ̀nt a mi, te nu gbɔ̀n, pɔ̀ yi ka kɔ̀riyana, thalɔ̀m ka ɔ̀dɔ̀ru, thalɔ̀m rɔ̀ agbɔ̀n ɔ̀ gbɔ̀n; bepi nɔ̀ pa, Yao, ta pɔ̀ yi gbo Yao; bepi Ade, ta pɔ̀ yi gbo Ade; kɔ̀mɔ̀ nɔ̀ te ba mɔ̀theri.
- ¹³Bepi ukin kɔ̀tɔ̀n ka nu ɔ̀ nakasi-e, ta ɔ̀ ramnɛ. Bepi ukin ɔ̀ ba mɔ̀bɔ̀nɛ, ta ɔ̀ lensir Kuru.
- ¹⁴Bepi ukin kɔ̀tɔ̀n ka nu ɔ̀ tu-e, ta ɔ̀ muti aɔ̀baki ɔ̀ aɔ̀nɔ̀ch, ɔ̀wa kɔ̀mɔ̀ aɔ̀n ramnɛ ta atɔ̀n, aɔ̀n sop kɔ̀ mɔ̀ro ka ɔ̀nɔ̀yɛ ɔ̀ ɔ̀Marki.
- ¹⁵ɔ̀wa karamnɛ ka kɔ̀lane kɔ̀ tɔ̀ kisis ɔ̀boma, yi ɔ̀Marki ɔ̀ tɔ̀ yokas kɔ̀; ɔ̀wa bepi ɔ̀ po yɔ̀ ɛhake-e, a tɔ̀ tera kɔ̀ yi.
- ¹⁶Gbithane nu ɛhake ɛ nu, ukin ka ulɔ̀m, ɔ̀wa ramnɛ nu ukin ta ulɔ̀m, kɔ̀mɔ̀ a damɔ̀r nu. Kɔ̀ramnɛ kɔ̀fey fey ka wuni lompi kɔ̀ gbɔ̀li tɔ̀y.
- ¹⁷Ilaya ɔ̀ yi wuni kɔ̀pet mɔ̀ saɔ̀n, kɔ̀ ramnɛ ɔ̀lel kɔ̀mɔ̀ kɔ̀m kɔ̀ te thuf; ɔ̀wa ta tɔ̀ren tɔ̀sas yi yof tamthɔ̀rukin, kɔ̀m kɔ̀ thuf hɛ.
- ¹⁸ɔ̀wa ɔ̀ ramnɛ sɔ̀, ka ɔ̀kuru kɔ̀ sɔ̀n atɔ̀m yi ɛyɛt ɛtɛp ɛ kɔ̀l lɔ̀kɔ̀.
- ¹⁹Aɔ̀nɔ̀nt a mi bepi ukin ka nu ɔ̀ yethɔ̀ kɔ̀wɔ̀r ka tɔ̀ten, ɔ̀wa ukin ɔ̀ lɔ̀fthi kɔ̀-e,
- ²⁰ta ɔ̀ tɔ̀rɔ̀ kɔ̀pa ɔ̀we mɔ̀ lɔ̀fthi uwuni ka ahake kɔ̀wɔ̀r ka makɔ̀nɔ̀ ma aroɔ̀n dɔ̀n, ɔ̀ tɔ̀ kisis ɔ̀wuni kɔ̀wɔ̀r ka rɔ̀fi, ɔ̀wa ɔ̀ tɔ̀ gbɔ̀pɔ̀r ɛhake ɛgbɔ̀thi.



1 Pitar

1 Pitar 1

- ¹Pita usom ka Yisós Krayst, ka anthith aña po sakane ro Póntos, ro Kaletia, ro Kapadosia, ro Asia yi ro Bithiniya,
- ²aña pə yi Kuru óKas ó thith tə kəsəməs kətánáne ka óYina kámá aň sané ka Yisós Krayst de yi a wənsir ɲa ka mătir məɲ. Ta aboña yi məthəfəl é bārne ro rónu.
- ³Ta aruba aň yi ka Kuru óKas ka óMarki kásu Yisós Kraystánɲ. Ka aňney ɲəɲ abana ó po kom su ófu tə kəba kəgbak ámerá áke yi kəkəli salata kakal yokané ka Yisós Krayst ka aňfi,
- ⁴de yi tə kəsótho kəɲ kəthəbana, kəgbəraɲ áke mə te gbəɲke, áke a bene ro riyana ta átá nu,
- ⁵aña a po bene ka aňfósó ɲa Kuru asabu ɲa kəláne kəkó ka kakisi áke a yi tə kəɲaibi ka marey mələpsó.
- ⁶Te ba ti nə ba məbóné məbana, hali pə yi ka-ake ta alókó agbut emerá é nu é lela salata egbóns tətəp tətəp.
- ⁷Soma aɲlane a nu-e, aña yi abáki móló pəthasi məbónɲ, (ama pə yi-e, hali mə tə dine, a memər ma ka anant), a tə thekthek ɲi kámá aň gbəli wuró kəthəkəs, yi kəkolo, de yi kəyikis ka kaɲaibine ka Yisós Kraystánɲ.
- ⁸Hali ma nə te tha nənk kə-e, nə bəthər kə, ówa hali ma nə te tha gbenthas kə-e, nə lane yi məbóné ama nə gbəli hē lóm, yi ayiki alasər,
- ⁹kəsótho ótand wa aɲlane a nu, ówe yi kakisi ka rafəm ra nu.
- ¹⁰Aňnábí aña seri ta aňboña aña nə yi tə kəsótho-e, aň gbəɲgbəɲ, ówa aň thekthek salata kakisi ake;
- ¹¹kaɲ thens ko wuni, thalóm ko alókó óYina ka Krayst rokor ka ɲaɲ ó təri ma ó ɲaibi esəmpane ya Krayst de yi aňyiki aña mə tanda.
- ¹²Ka a təri ɲa kəpa pə yi hē aň yónane, kere aň yóna su salata mătáy mati ama a po loma nu ka-ake, kətánáne ka ɲaɲ aña kawandi nu ákera kəfínó ka óYina məsəm kəwur ro riyana. Ówa aňmáleka aň fela tə kəsóthne mătáy ame.
- ¹³Tiyán báksər nu emerá é nu, ówa yi nu kəthegbe; kál gbakər ámerá ógbenthis ka aňboña aña yi ta átá nu ka kaɲaibine ka Yisós Kraystánɲ.
- ¹⁴Mó awuth arusəma, te nu taɲane mafela ma nu məbaɲ ama nə la taɲane ka aňlókó ɲa kate tárá ka nu thəpaɲ.
- ¹⁵Kere mə kən ówe tela nu ó yi usəm-e, naɲ sɔ nə yi tə kəyi asəm ka mayi ma nu bē;
- ¹⁶kábi a gbal hɔ kəpa, Yi nu asəm, átesoma-e mine i yi usəm.



- ¹⁷Ɔwa bepi nə tela ka ɔKas ɔwe thonkas máyɔs ma wuni o wuni kɔte ba agbáy-e, kɔth nu ɔ̀nbiyas a nu nɔru yi rɛnes.
- ¹⁸Átesoma-e nə tárá kɔpa a bani hɛ nu yi ɛyɛt ɛyɛ ba kɛlɛsá, mɔ akala áferá dɛ yi mɛbɔ̀nɔ, kɔwɔr ka mayi ma nu mɔyay ama nə sɔthɔ kɔwɔr ka ɔ̀nbemba-a nu;
- ¹⁹kɛrɛ salata mátir mɛkɛɲ ma Kraystáɲ, mɔ kɛlɔmɛ kɛfɛth ɔwe te ba apora bɛ.
- ²⁰Tɛntɛnɛ a thith kɔ yɛɲka ɔtɛmsɛr wa ádàru, kɛrɛ a ɲaibi kɔ ka marey mɛlɔpsɔ amɛ ta átá nu.
- ²¹Ro rɔ̀nɔ̀n nə lanɛ Kuru Mɛsaba ɔwe yokas kɔ ka ráfí, ɔwe sɔɲ kɔ yiki, soma kálanɛ yi kagbak ámerá ka nu kɔ gbɛli yi ka ɔ̀ngbáp ɲa Kuru.
- ²²Ɔwa ma nə pɔɲ thɔɲ gbɛrɛnsnɛ rɔ kɛsanɛ ka táteɲ kɛkɔ rɔ mɛbɔthɛr mɛgbenthis má ráwɔnt, kɛtáɲ ka ɔYina mɛsɛm, kɛli nu kámá nə bɔthɛránɛ asɔbɛ rɔ ámerá áferá,
- ²³ma pɛ yi ti-e a kom nu ɔfu, pɛ yi hɛ ka mater ama ba kɛthey, kɛrɛ ka mater ama te ba kɛthey thánkáɲ, salata árim ra Kuru ara ba kɛyi haɲ thánkáɲ thɛbana.
- ²⁴kotáy-e, Mader bɛ mɔ yi mɔ kɛrɛɲ, Ɔwa ɔ̀nyiki ɲa wuni kɛpɛt bɛ ɔ̀n yi mɔ malɛɲi ma akɛrɛɲ. Akɛrɛɲ kɔ tɔ wɛla, yi malɛɲi mati mɔ tɔ pɔɲ.
- ²⁵Kɛrɛ árim ra ɔMarki rɔ yi thɛbana. Ɔwa árim arɛ rɔ yi ákɛra kɛfínɔ ákɛ a tamɛsa nu.

1 Pitar 2

- ¹Tiyáɲ gbapɛ nu mɛgbɛɲanɛ, yi akansonɲ, yi ɛpa ɛkáráfu káráfu, yi kɛtut, dɛ yi kɛforthánɛ bɛ;
- ²mɔ tɛlɛnth, fɛla nu ámasá mɛtɔtɛɲ ma árim ra Kuru, kámá ri kati-e, nə tɛɲa.
- ³Átesoma-e nə po thɔɲ tham ɔ̀nboɲa ɲa ɔMarki,
- ⁴ɔwa nə der do rɔ̀nɔ̀n, ɔwe mɔ yi ásar akɛli ɔ̀nɔ́ afɛm a kɛpɛt ɔ̀n farki, kɛrɛ ɔ̀n re yi athith dɛ yi abáki mɔlɔ rodi ka Kuru.
- ⁵Ɔwa naɲ gbɛɲ mɔ mɛsar mɛkɛli, a kianɛ nu tɔ kɛsɛth asɛth ɲa ɔYina, tɔ kɛyi rɛfode rɛsɛm, kámá nə wurɔ sathka tɛsɛm átá Kuru mɔ malanɛ kɛtáɲ ka Yisɔs Kraystáɲ.
- ⁶kotáy-e mágbal mɛsɛm mɔ pa hɔ, Kɛla, i bot ro Sayɔn ɔ̀nsar abana ɲa ɔ̀nkoɲ, Athith dɛ yi abáki mɔlɔ, Ɔwa kɔn ɔwe mɔ lanɛ kɔ-e, ɔ ba hɛ kɛlap.
- ⁷Tiyáɲ ro rɔnu ɔ̀nɔ́ lanɛ ɔ yi ukɛɲ, kɛrɛ ka ɲaɲ ɔ̀nɔ́ te sanɛ, ɔ̀nsar gbɛɲ ɔ̀nɔ́ ɔ̀nseth ɔ̀n farki-e, Apo sɛkɛ ɔ̀nsar abana ɲa ɔ̀nkoɲ.
- ⁸Dɛ yi sɔ-e, Asar ɲa kɛpɛnthɔ́la yi agbalaɲ ɲa kɛthɛn. Ɔwa ɔ̀n pɛnthɔ́la ka árim kotáy-e ɔ̀n wop hɛ ri mɔ mɔ ɔ̀n yi tɔ kɛyi kábi ka ɔtɛpɛr.
- ⁹Kɛrɛ naɲ nə yi ábɔnshɔ áthith, rɛfode ra rábáy, abona asɛm, afɛm agbasɛ; kámá nə tamɛs akori kori ɲa ɔKuru ɔwe po tela nu tɔ kɔwɔr ka ɔ̀nsum kɛkɔ ka kawalɛ kɔɲ kɛkabanɛ.



- ¹⁰Ka ɔtɔtɔkɔ nɔ la he yi afɛm, kere ka-ake nɔ yi thɔŋ aŋfɛm ŋa Kuru; ka ɔtɔtɔkɔ-e, nɔ la he sɔthɔ ɔney, kere ka-ake nɔ po thɔŋ sɔthɔ ɔney.
- ¹¹Na abɔthɛr, i nɛmthene nu-e, mɔ atik de yi mɔ afɛm ŋa ɔbiyas, gbapɛ nu emile ya mader eye mɔ tim kɔŋamne rafɛm.
- ¹²Kɔth nu ɔlompi kɛtɔŋ ka tɔbona tɛlɔm kɔmɔ pɛ yi, hali aŋ tentɛ bont nu afɛm alɛs-e, maŋ nɛnk mɔyɔs ma nu mɛfinɔ, ka aŋrey ŋa asɔmpane aŋ tɛ yikis Kuru Mɛsaba.
- ¹³Sane nu asiraŋ o siraŋ ŋa wuni kɛpet ta salata ɔMarki. Pɛ yi ka ɔbay-o, mɔ ɔbɔli rɛkɔm thɔŋ be,
- ¹⁴pɛ yi ka agbɛka-o, aŋa ɔ som tɛ kɛthalɛr aŋyɔ alɛs, de yi tɛ kɛyikis aŋyɔ ɔlompi.
- ¹⁵ɔtesoma-e mɔselɔ ma Kuru miɔŋ, kɛpa ye nɔ yi tɛ kɛkantha tasɔŋ ta ante tɔrɔ rɛ kɛyɔ mɛfinɔ,
- ¹⁶mɔ afɛm a kɛyɔŋkaŋ; kere te nu yɔ rɔwankom ra nu rɛ sɛkɛ mɔ kibari tɛ kɛyɔ mɛkɛnɛ, kere yɔ nu mɔ ebɔy ya Kuru Mɛsaba.
- ¹⁷Yikis nu afɛm be. Bɔthɛr nu rawɔnt. Nesa nu Kuru Mɛsaba. Sane nu ka ɔbɔy.
- ¹⁸Naŋ ebɔy, sane ka aŋa ba nu rɛ kɛsɔŋ yiki, pɛ yi he gbo ka aŋfinɔ yi anthɔfɛl-e, kere ka aŋbɔki rɛfɔr sɔ.
- ¹⁹kɔtɔy-e tɔy tɛkolo tɔŋ bepi wuni ɔ muyu ka kɛthalɛr ɔke te ba asabu ta salata Kuru Mɛsaba.
- ²⁰ɔtesoma-e ko ɔmɔmɔ mɔ nɔ ba-e, bepi nɔ muyu ma a sap nu ta salata malɛs ama nɔ yɔ-e? Kere bepi ma nɔ yɔ mɛfinɔ-e, a thalɛr nu ta ti, ɔwa nɔ muyu ti, ɔte mɔ bɔnes Kuru.
- ²¹ɔtesoma-e ta ɔte tɛ a po nu tela, kɔtɔy-e Kraystɔŋ ɔ sɔmpane ta ɔtɔ su, kɛtia su amɔl kɔmɔ nɔ tɔŋ ka mani mɔŋ.
- ²²ɔwe yɔhe ahake be, ta a pa ras, ɔ fɔf rɛyem.
- ²³Kɔnɔ, ma a nal kɔ-e ɔ kala he kɔnal; ma ɔ sɔmpane ɔ gbɛnd he wuni, kere ɔ lɔnkline ka ɔwe mɔ thonkas ɔlompi.
- ²⁴Kɔnɔ kati gbɛŋ ɔ sara ehake e su ka aŋder ŋɔŋ ka aŋpɛnki kɔmɔ saŋ ma sɛ yi sa afi ka ehake-e, sɛ gbɛli yi sa akɛli ka mɔlompi, ɔwa a yenkɛs nu ka tɔsam tɔŋ.
- ²⁵Pɛkasife nɔ la yi mɔ tɛlɔmɛ tɛthayɔŋ, kere ka-ake nɔ kɔlane thɔŋ ka ɔTɔl yi ka ɔGbɛka ka rafɛm ra nu.

1 Pitar 3

- ¹Ya pɛ yi sɔ naŋ arani sane nu ka aŋwos a nu gbɛŋ, kɔmɔ pɛ yi-e, bepi alɔm aŋ wop he ɔrim ra Kuru-e, aŋ tɛ lafthe, kɛte ba ɔrim salata mɛfinɔ ma aŋrani ŋaŋ;
- ²maŋ nɛnk mɔyɔs ma nu mɔlompi mɔ kulɔpane rɛnes.



- ³Ta eyesine ε nu ε te yi gbo tē kēthesis mader ma nu, mō-e mārūsā ma aṅfon, yi kagbaksāne mēbōṅ, thalōm kēwōṅ eloprā ewenkwenk.
- ⁴Kere ta pē yi aṅesēm afu rokor ka nu, aṅa te ba tē kēlēsē thānkāṅ, dē yi eyesine ya āmerā athōfēl eyē yi rēka rēkēṅ rodi ka Kuru.
- ⁵Ya afēm abom asēm thēpaṅ aṅ yesine, aṅa bot āmerā ka Kuru; kaṅ sanē ka aṅwos ṅaṅ gbēṅ;
- ⁶hali mō Sara o wop ārim ra Ebrahamāṅ, kō tela kō marki; owa nē yi awuth ṅōṅ abera bepi nē yō olompi, owa nē selō hē koko rē ninisne nu.
- ⁷Owa naṅ awos, ka āṅgbāp a nu, yiranē yi aṅrani a nu rē kētaranē kēfinō, mō ṅa yi arānt athasi nu. Owa sōṅ ṅa ayiki ma nē yi akos ka kēsōthō āṅbōṅa ṅa aṅesēm. Yō nu āte kāmā a te bent taramne ta nu.
- ⁸Tiyāṅ ba nu āmerā ṅin, ba nu āney, bōthērāne nu mō awōnt, tōri āmerā athoranē.
- ⁹Te nu kala oles ta oles, thalōm kēnal ta kēnal; kere kala aruba, pēkasifē nē tārā kēpa a pō muti nu tē kēsōthō aruba.
- ¹⁰Pēkasifē, Kōn owe bōthēr ṅesēm, yi owe yema nēnk mōrey mēfinō, Ta o bum ramer rōṅ kēwur ka mēlēs, Dē yi kāsēṅ kōṅ kēte fōf ayaṅfa.
- ¹¹Ta o pensa tēlēs, ta o yō tēfinō; Ta o thens mēthōfēl kāmā o bākērā ma.
- ¹²Ātesoma-e efōr ya oMarki ε yi rokōm ka aṅlompi, kō su elēns ka taramne taṅ. Kere ader ra oMarki rē yi kēṅamne ṅaṅ aṅa mē yō tēlēs.
- ¹³Owa kanē mē gbēli yō nu tēlēs bepi nē tāṅ ātā yi tēlompi-e?
- ¹⁴Kere halisa bepi nē nakasi ta salata mēlompi-e, ta pē bōnē nu; te nu nesa maninisane maṅ, owa ta pē te kētha nu.
- ¹⁵Kere pōlō nu Krayst kāmā o yi oMarki ka ēmerā ε nu; owa yi nu abenene alōkō o lōkō tē kēgbakia wuni o wuni owe mē yif salata kagbakēr āmerā āke yi nu rokor, rē rēnes yi mēthōfēl;
- ¹⁶kāmā nē bene aṅyiko a nu āferā pēr, kāmā pē yi ma a fofiya nu mō afēm aṅa yō alēs-e, aṅ tē wōṅ mēlap maṅ nēnk māyōs ma nu mēfinō rokor ka Kraystāṅ.
- ¹⁷Pēkasifē o fisa-e, bepi māsēlō ma Kuru mē yi yaṅ-e, kāmā nē nakasi salata mēyōs mēlompi, pēthas māyōs mēlēs.
- ¹⁸kotāy-e Kraystāṅ o pō thōṅ nakasi win haṅ thēbana ta ēhake, olompi o sōmpanē ta aṅkēnā, kāmā o gbēli kārā su ka Kuru. A dif kō ka mader, kere a kēlis kō ka oYina.
- ¹⁹Owa kētaṅ ka oYina o kō kawandi ka eyina rō kērēfi,
- ²⁰aṅa te wop ārim thēpaṅ, ma kamuyu kēlele ka Kuru kō kar ka aṅyamana ṅa Noa, ma o bēmpa abil, rō afēm athān, aṅ yi tamthēresas gbo, aṅ kisi ka āmānt mēgbonthoni.



²¹Ya pə baláne sɔ ka-ake, kəbaptais kə mə kisis su, ɔwa pə yi hɛ rə kəyak anɔkɔ ɲa mader, kɛrɛ pə yi aɲseri ɲa ámerá áferá ka Kuru kətaɲ ka kakal yokanɛ ka rafi ka Yisɔs Krayst,

²²ɔwe po kɔnɛ ro riyana, kɔ yi ka kádiyɔ ka Kuru; ɔwa amaleka-o, ɛfɔsɔ-o, yi təbomp bɛ aɲ sanɛ thɔɲ ro rɔɲɔɲ.

1 Pitar 4

¹Mɔ mə Krayst ɔ po nakasi ta átá su ka mader-e, gbasi nu aɲmerá ɲin ɲati; kotáy-e ɔwe po nakasi ka mader, ɔ terne kəyɔ ahake,

²kámá ɔ te sɔ yirá ka marey ma aɲesəm ɲɔɲ bɛ tə kəthənsər mafela ma mader, kɛrɛ tə kəyɔ mäsəlɔ ma Kuru.

³Pəkasifɛ sɔ poɲ thɔɲ ləsər alɔkɔ abeki ka kəyɔ átá tábona təlɔm aɲ bəthər, ma sɔ la kəth ka kərɛp, məfela mələs, kəmun, ɛmet ɛgbaske gbaske, dɛ yi kəbatho ɛyɛt ɛbumərne.

⁴Ka pə sɔkanɛ ɲa ma nə te sɔ yɔ máyɔs ama ɲaɲ aɲ yɔ, ɔwa aɲ kál fɔf nu ɔləs.

⁵Kɛrɛ aɲ ba tə kəgbaki ka kɔn ɔwe tɔmá tə kəthɔɲkas ɛpa ya aɲkəli yi aɲfi.

⁶Átesoma-e a tam ákera kəfínɔ ka Kuru ka ɲaɲ aɲa po fi, tə kəyi a gbəli thonkas ɲa mə mə a yi tə kəthɔɲkas afəm bɛ ka mader, kámá aɲ gbəli ba aɲesəm ka aɲyina mə mə Kuru ɔ yema.

⁷Kɛrɛ ɔthalne wa mátáy bɛ ɔ po fat; tiyáɲ yi nu atempi, ɔwa bumne nu rə kəramne.

⁸ɔwa pəthas koko bɛ bəthəráne nu kirin̄kirin̄, kotáy-e məbəthər mə tə gbəpsər ɛhake elai.

⁹Fantha nu aɲkos a nu, kəte ba ámerá aləs;

¹⁰mə mə wuni o wuni ɔ po sɔthɔ aɲboya, ya nə yi tə kəkíyanɛ ɲi rə kəmar ukin dɛ yi ulɔm mə ábɔy ufínɔ ɲa aɲboɲa ɲa Kuru.

¹¹Bepi wuni o wuni ɔ kawandi-e, ta pə yi mə ɔ fɔf táteɲ ta Kuru; bepi wuni o wuni ɔ yɔna ulɔm-e, ta ɔ yɔ ti ka kəgbəli ka Kuru, kámá Kuru ɔ sɔthɔ ayiki salata táy o táy kətaɲ ka Yisɔs Krayst ɔwe ba kəthəkəs yi afɔsɔ haɲ thánkəɲ thəbana, Amina.

¹²Ambəthər a mi, ta pə te kətha nu ta amem abaɲ aɲa ba tə kəderər nu, mə átáy átá nə te nanɛ tə gbəli bəp nu.

¹³Kɛrɛ ba ti məbɔnɛ ma nə ba ágbáp ka aɲnákási ɲa Krayst, kámá ma aɲyiki ɲɔɲ aɲ ɲaibinɛ-e, nə tə yasane yi məbɔnɛ məbana.

¹⁴Bepi nə sɔthɔ məsambo salata aɲes ɲa Kraist-e, ta pə bɔnɛ nu; kotáy-e ɔ Yina ka ayiki, pə yi mə-e, ɔ Yina ka Kuru, ɔ rensa nu; ka aɲgbáp ɲaɲ a fɔf kɔ ɔləs, kɛrɛ ka aɲgbáp a nu ɔ sɔthɔ ayiki.



¹⁵Kere te selo wuni o wuni ketonj ka nu o sompane mo udif, thalom ukei, thalom mo wuni owe yo olas-e, thalom mo wuni Sethani.

¹⁶Kere bepi wuni o wuni o sompane pekasife o yi wuni ka Kraist-e, ta o te ti lap; kere ta o yikis Kuru salata anes nati.

¹⁷kotay-e angloko an bek kamã kegbeƙ epa kã tã tãp ka anseth na Kuru. Owa bepi kã tãp ro rãsu-e, to mælõpsõ mati mã yi ta atã nan ana pensa akera kafino ka Kuru-e?

¹⁸Bepi pã yi obaki ta atã nan ana tãn mælõmpi tã kækisi-e, reke õte lane yi õyo ahake an gbãli tãma-e?

¹⁹Tiyãnj nan ana sompane ketãnjãne ka mãselõ ma Kuru-e, ta an lãnki egesãm yanj ka õBempa ubõthi lane, rã kãyo tãfino.

1 Pitar 5

¹I manj anbãki ana yi ketonj ka nu, minej min yi sã ubaki de yi useri ka annakãsi na Kraystãnj, mine ba sã ani ka anyiki ana mã a re nãibi.

²Wõnthõr nu akuthi ka Kuru ake a po lanjlia nu, pã yi he rã kãte ba mãyo, kere ka mãselõ ma nu gbej; pã yi he sã ta mãkãnya mãnõkõ, kere rã amerã na mãbõne.

³Te nu gbasi afõsõ rokõm ka ana a kãte ro rõnu, kere yi nu emõl ta akuthi.

⁴Owa ma õTõl ubana mõ tõrine-e, nã tã sõthõ aniyõ na ayiki ana te ba kãferãr.

⁵Yanj sã na afeth, sanẽ ka anbãki. Yao, na be nã yi tã kãsane ukin ka ulõm, owa ba nu sã amerã athorane; kotay-e Kuru o tã pensa anbone tãy, kere o sõnj abõna ka anthorane.

⁶Tiyãnj thorane nu ka kãta kãninis ka Kuru, kamã o njata nu ma angloko an bek.

⁷Lãnkli esoli e nu be ro rõnjõnj, pekãsife kãn kãnõne o kãlianẽ nu.

⁸Yi nu na agbet, na abumne; kotay-e õtherane ka nu, Sethani, o yanthõne mõ asoyla ubanj, kamã o thens owe mõ gbãri gbãri.

⁹Kasi kã nu ka anlane; owa tãrã kãpa anjwõnt a nu alõm ka adãru be na yi sã ka anjam njin nati.

¹⁰Kere õKuru ka abõna be, owe po tela su tã kãwõnj ka anyiki njõnj athõbana-e, ketanj ka Krayst Yisõsãnj, ma nã po nakasi õthan-e, kãn kãnõne o tã gbenthis nu, o tã baksõr nu, o tã lompõs nu.

¹¹Ta kõnõ ba ayiki, de yi afõsõ na rãbãy thãnkãnj thõbana. Amina.

¹²I somra anreka agbut ane ka kãta ka Silfẽnõs, õwõnt su ubõthi lane, tã kãbaksõr tabuth ta nu, yi tã kãseri kãpa atã i po tõri nu tã yi anjõna atõtej na Kuru. Tãmã ri õbaksõr.

¹³Anjchõch na kãpet ake bãlanẽ mõ Babilõn, ana a po thith yi nanj, anj kori nu; Markõs, õwan kãmi, o kori nu sã.



¹⁴Koriane nu yi kəmmuməl ka mabəthər. Ta məthəfəl mə yi nu bə aŋa yi ka Yisəs Krayst. Amina.



2 Pitar

2 Pitar 1

¹Saymɔn Pita, ɔbɔy usom ka Yisɔs Kraystɔŋ, ka ŋaŋ aŋa po sɔthɔ kɔlanɛ kɛkɛŋ kin de yi saŋ kɛtɔŋɔnɛ ka mɔlompi ma Kuru yi ɔKisis kɔsu Yisɔs Kraystɔŋ.

²Ta pɛ yi aboŋa yi mɛthɔfɛl ɛ bɔrɔnɛ nu kɛtɔŋ ka kɛtɔrɔ ka Kuru, yi ka Yisɔs ɔMarki kɔsu.

³Mɔlɔ ma aŋfɔsɔ ŋɔŋ asɛm aŋ po sɔŋ su tɔy o tɔy ɔtɔ sɛ yema ta aŋɛsɛm yi ta kakɔth ka aroŋ da Kuru, kɛtɔŋɔnɛ ka kɛtɔrɔ ka ɔwe po tela su ta aŋyiki de yi mafinɔ mɔŋ mɛthɔth.

⁴Ta ɔtɛ ɔ po sɔŋ su elahiri yɔŋ ɛbana ɛkɛŋ, kɔmɔ pɛ yi di kati nɛ gbɛli ba ani ka mayi ma Kuru, ma nɛ po fisɔsne kɛwɔr ka mɔnɔkɔ ma ɔdɔru salata ɛmilɛ ɛlɛs.

⁵ɔwa ma pɛ thas ɔtɛ bɛ-e, bɔsɛr nu kɔmɔ nɛ bɔr ka kɔlanɛ ka nu, kɛthɔth; de yi ka kɛthɔth-e, kɛtara tɔy;

⁶yi ka kɛtara tai-e, kɔyi gbɛt; de yi ka kɔyi gbɛt-e, kɛmuyɔ; de yi ka kɛmuyɔ-e, kɛnesa Kuru;

⁷de yi ka kɛnesa Kuru-e, mɛbɔthɛr ma rɛwɔnt; yi ka mɛbɔthɛr ma rɛwɔnt-e, mɛbɔthɛranɛ.

⁸kɔtɔy-e bepɛ mɔtɔy amɛ mɔ yi nu, ɔwa mɛ bɔrnɛ sɔ-e, mɛ tɛ yɔ nu nɛ tɔrɔ ɔMarki kɔsu Yisɔs Kraystɔŋ kɛtɛ yi na ayay thalɔm na akɔŋferɛŋ ka kɛtɔrɔ kati.

⁹kɔtɔy-e ɔwe mɛ paŋ mɔtɔy amɛ ɔ yi ufith, ɔ gbɛli hɛ nɛnk ɔbɔli, ɔ pɛnɛ kɛpa a po nasi kɔ kɛwɔr ka ɛhake yɔŋ ɛkur.

¹⁰Tiyɔŋ, awɔnt, bɔsɛr nu tɛ kɔyɔ kɔmɔ katela yi kathith ka nu kɛ yi tɛ tentɛnɛ. Kɔtɔy-e bepɛ nɛ yɔ mɔtɔy amɛ nɛ ba hɛ kɛfumpɔ thɔnkɔŋ.

¹¹ɔwa nɛ tɛ sɔthɔ kɛdare kɛgbenthis ka rɔbɔy rɛthɔbana ra ɔMarki ɔKisis kɔsu Yisɔs Kraystɔŋ.

¹²Tiyɔŋ i ba hɛ kɛthamrɔ tɛ kɛgbɛlɛŋ ɛmerɔ ɛ nu ta mɔtɔy amɛ lɔkɔ o lɔkɔ, hali ma nɛ tɔrɔ thɔŋ, ɔwa nɛ poŋ thɔŋ bɔksɛr ka tɔtɛŋ ɔtɔ nɛ ba ka-ake.

¹³Yao i nanɛ ti ɔlompi fani mɔ Kuru ɔ yep mi ras aŋɛsɛm-e, tɛ kɛgbukthis nu ta ɔtɛ, kɔmɔ nɛ kɔl tɔmtɔmnɛ ti.

¹⁴Pɛkasifɛ i tɔrɔ kɛpa ɔŋlɔkɔ ŋa kabus ɔŋdɛr a mi aŋɛ aŋ yema bek, mɔ mɛ ɔMarki kɔsu Yisɔs Krayst ɔ po tɔri mi.

¹⁵ɔwa i ti mem kɔmɔ pɛ yi ma i po thas-e, nɛ gbɛli botɛrnɛ mɔtɔy amɛ rɔ ɔmerɔ.

¹⁶kɔtɔy-e saŋ sɛ taŋanɛ hɛ mump mɛtempɛ ma sɛ po tɔri nu ka aŋfɔsɔ de yi ka kɔdɛr ka ɔMarki kɔsu Yisɔs Krayst, kɛrɛ saŋ sɛ seri ta aŋyiki ŋɔŋ ŋa rɔbɔy yi ɛfɔr ɛ su gbɛŋ.



¹⁷kotáy-e ɔ sɔthɔ afɔsɔ yi ayiki ka Kuru ɔKas, ma árim rə derər kɔ kəwur ka aɲyiki ɲa áriyana, rə pa hɔ, Munɔ mə yi ɔWan kámi ubóthər, ɔwe mə thesis aɲmerá a mi.

¹⁸ɔwa sə po tɔlá árim are ara wur ka ákáriyana, ma sə yi de yi kɔn ka kateɲ kəsəm.

¹⁹Sə ba sə árim ra tətəɲ gbeɲ ara a tɔri su ka mágbal məsəm; ɔwa nə tə yɔ fino bepi nə malanə ri rə ámerá, mə aɲmothá aɲa mə gbentha ka aɲsum haɲ pə re sək, ɔwa akɔs ka rabəth kə put ka tabuth ta nu.

²⁰Kere tára nu ras áte-e, rim o rim ara a gbal ka mágbal məsəm rə wur he ka enanə ya Aɲnabi;

²¹kotáy-e mágbal mə der he thəpaɲ ka máselo ma wuni kəpet, kere afəm aruni asəm ɲa Kuru aɲ gbal átá ɔYina məsəm ɔ tɔri ɲa.

2 Pitar 2

¹Kere mə mə anábi ayem aɲ la yi kətɔɲ ka aɲfəm, ya mə pə re yi sɔ-e, akarmɔkɔ ayem aɲ tə der kətɔɲ ka nu, ɔwa rə məsɔth aɲ tə tɔri nu kəthəksá kəyaɲfa, haɲ kəpensanə ɔMarki ɔwe bani ɲa; ɔwa lemp aɲ tə karanə kəkasara.

²Agbathi aɲ tə tansanə mātáy maɲ mənɔkɔ; ɔwa salata ɲaɲ a say say aroɲ da tətəɲ.

³ɔwa kətáɲanə ka radir ra ɲaɲ aɲ tə pəɲis nu yi tøyem salata akala: kere kábi ka thəpaɲ kathonkas ka ɲaɲ kə linsa he, mba, aɲranka ɲaɲ aɲ dirá dirá he.

⁴kotáy-e bepi Kuru ɔ ter he aɲmáleka maɲ po yɔ ahake-e, kere ɔ fitha ɲa ro yahanama, tə kətand ɲa ka tɔrentha ka asum, kámá a bene ɲa haɲ ka aɲlɔkɔ ɲa karək epa.

⁵kɔ ter he ádaru thəpaɲ, kere ɔ kisis Nowa, ɔkawandi ka məlompi, yi afəm alóm támthəderəɲ ma ɔ kára mánt məgbonthoni rokóm ka ante lanə.

⁶Bepi pə re yonə ma ɔ səki tapet ta ro Sədom yi ro Kómɔra ros-e, ɔ dim ɲa kámá aɲ gbəli yi aməl ta alóm aɲa mə pənə Kuru sɔ mə ɲaɲ.

⁷ɔwa bepi Lot ɔlompi, ma mə sɔmpanə salata máyos ma aɲfəm aləs-e, ɔ tafi kɔ;

⁸(kotáy-e maləs maɲ mə sɔmpa aɲmerá ɲa ɔwuni lompi ɔwɔɲ, ma ɔ yirá kətɔɲ ka ɲaɲ, kɔ nənɔ maləs maɲ árey o rey).

⁹Bepi áte be tə yi-e, ɔMarki ɔ tára tə kərəkri aɲfəm alompi ka agbɔnsanə, ɔwa ɔ tára tə kəbene aɲfəm aləs ta aɲrey ɲa karək epa tə kəthalər ɲa.

¹⁰Kere pə tha gbethi thaɲka ɲaɲ aɲa kəth ka mafela ma máder yi mánɔkɔ mati, ɔwa aɲ farki təbáy. Da mə yi abáki rəfər-e, aɲ nesa he tə kəfofiya aɲyiki ɲa rəbáy ra Kuru.

¹¹Kere hali aɲmáleka aɲa ba afɔsɔ yi mətəma pəthasi ɲa, aɲ mintha he nal ɲa maɲ gbanthir ɲa rodi ka ɔMarki.

¹²Kere aɲfəm aɲe, mə tasem ro kanth, aɲa a bempa tə kəgbip yi tə kədif, aɲ fɔf ɔləs ta átá aɲ te tára. Tə tentenə aɲ tə kasara ka mánɔkɔ ma ɲaɲ;



¹³ɔwa aŋ ba kəsɔthɔ aŋrām ŋa maləs maŋ, mɔ mə pə yi aŋ ba məbɔnɛ tɔ kəsap ɛhake hali rəyaŋ. Ɗa yi ɛpora yi məgbipɔr kətɔŋ ka nu, aŋa mə wolane matɔns maŋ, hali ma mə aŋ di dɛ yi naŋ ka ɛseth ɛ nu.

¹⁴Ɛfɔr yaŋ gbeŋ ɛ la kərəp, ɛye te gbəli tey kəyɔ ɔlɛs, kaŋ pəŋis ŋaŋ aŋa ba emerá ɛlafthe láfthe; a rusəm emerá yaŋ ta salata emile. Ɗa awuth ŋa áranka ŋaŋ.

¹⁵Aŋ poŋ terne aroŋ dəlɔmpi, kaŋ po thayoŋ tɔ kətáŋáne aroŋ da Belam ɔwan ka Bosor, ɔwe bɔthər naŋ aŋrām ŋa təlɛs;

¹⁶kere a ŋal kɔ salata makənə mɔŋ, asofali akəbobo ɔ fɔf rə rim ra wuni kəpet tɔ kəbent mabotəs məpəŋk ma ɔnəbi.

¹⁷Aŋfəm aŋe ŋa yi təlɔmp təwosi gbet, ákuru kábi áke akənkəl kə falira; ta aŋfəm aŋe a bene aŋsum abana thánkəŋ thəbana.

¹⁸kotáy-e ka kafɔf kəkɔlonɛ ka ŋaŋ aŋ gbɔns ka mafela ma mader, yi ka maləs maŋ tɔ kəsapərane ŋaŋ aŋa yema po wur ka aŋfɔsɔ ŋa afəm ayethá.

¹⁹Hali maŋ po lahiri ŋa rəwəŋkom-e, ŋaŋ gbeŋ aŋ yi atar ŋa mənəkɔ; kotáy-e ɔwuni ɔ yi utar ka átá po tham kɔ.

²⁰Átesoma-e kədarəŋ ka maŋ po wur ka məkɔsɔ ma ádaru ta salata kátára ka ɔMarki ɔKisis Yisɔs Kraystəŋ, bepi aŋ kál sɔ rəfthane ri-e, mətəmá maŋ mələpsɔ mə tɔ yi mələs pəthasi mətɔtɔkɔ.

²¹kotáy-e pə tɔ yi naŋ fisa bepi aŋ la hɛ tára aroŋ da mələmpi pəthas ma mə aŋ po tára ri-e, a kál kala kamuth ka aŋyamari asəm aŋa a po sɔŋ ŋa.

²²Kere pə yɔnɛ ŋa mə mə aŋlomɔ atətəŋ aŋ pa, Antən ɔ kál ka maŋant mɔŋ; yi kasɔp ɔwe a po bukɔ-e, ɔ kál bəlmanɛ ka ɛpath.

2 Pitar 3

¹Aŋreka aŋa beká yerəŋ ŋi aŋe abothər, ɔwa i gbalər ye yerəŋ kámá i gbukthis nu tɔ kəkál támtámne.

²Dɛ yi kámá nə kala ámerá ta ásim átá Aŋnəbi asəm aŋ poŋ seri thəpaŋ, yi ta aŋyamari ŋa ɔMarki kásu, ɔKisis, aŋa saŋ, aŋsom, sə po təri nu.

³Kere tára nu áte, kəpa ye afəm asel táy aŋ tɔ der ka marey mələpsɔ aŋa mə kɔth gbo ka mafela mələs maŋ gbeŋ.

⁴Aŋ tɔ pa hɔ, Reke aŋlahiri ŋa káder kəŋ aŋ yi-e? kotáy-e kábi ma aŋbembə a su aŋ po fi-e, mətáy be mə yi gbo məthənanɛ mə ka ɔtəpɛr.

⁵Kere a siyasne kəte tára áte, kəpa ye, ka árim ra Kuru kəriyana kə yi thəpaŋ, kə gbaski ádaru kətəŋ ka ámántəŋ.

⁶Ka ádaru ara yi thəpaŋ rə dine ka mánt məgbonthoni.



- ⁷Kere káriyana de yi ádàru eye yi ka-ake, a bene yi salata árim rin rati tã kãthoi yi ka áhrey ña kãthõkas de yi kadine ka ante lane Kuru.
- ⁸Kere abõthër, te pãne átáy tin áte kãpa ye árey ñin de yi òMarki añ yi mò tãren awul ñin, yi tãren awul ñin tã yi mò árey ñin.
- ⁹ÒMariki ò yi he uyai tã kãbene añlahiri ñõñ mò afõm alõm mã añ pa rãyai, kere ò ba kãmuyu kãwoni ta átá su, ma pã yi ò yema he wuni o wuni ò dine kere kãmá ña be añ re thupi.
- ¹⁰Kere áhrey ña òMarki añ tã der mò ukei ka táták. Ówa ka áhrey ñati tãriyana tã tã thas yi esõnkõ ebana, yi mayet be mã tã thãñke yi òfey õninis, ka ádàru de yi mãpanth ma afõm a kãpet be mã tã fey mãr.
- ¹¹Ma sã nãnk kãpa eyet eye be e tã dine-e, ko afõm ñañ nã yi ñañ tã kãyi ka mãyi mãsõm, de yi ka ranes ra Kuru-e?
- ¹²Ma pã yi ti-e, nã kãli, ka nã bosine ta kãder ka áhrey ña Kuru, ma tãriyana tã tã põñ tef ka nãnt nãmara-e, ówa mayet sãñk mã tã thãñke ka òfei õninis wati.
- ¹³Halisa sañ, kãtãñãne ka añlahiri ñõñ sã kãliane ta kãriyana kãfu de yi ádàru rãfu ro mëlõmpi mã yiane.
- ¹⁴Tiyãñ abõthër, ma pã yi nã kãliane ta mãtáy ame-e, bãsãr nu kãmá ò bõp nu ka mãthõfãl kãte ba apora thalõm mãtheke.
- ¹⁵Ówa tãrà nu kãpa kamuyu kãwoni ka òMarki kã yi kãkisi; hali mò mã Põlãñ, ówõnt ubõthër ò po gbalãr nu ka kãtemp áke a po sõñ kã.
- ¹⁶Ya ò pa ka mãgbal mãñ be, ma ò fõf ta mãtáy ame. Di kati mãtáy mëlõm mã yi mãtui sõthne, ama afõm aña te tãrà, yi aña ba emerã esakane añ lafthe lafthe ma mã mã añ lafthe mãgbal mãsõm mëlõm hañ añ kãrà kãdine ka eyethe yañ.
- ¹⁷Tiyãñ abõthër, ma nã po tãrà mãtáy ame, bumne nu kãmá nã te sapãra ka kayetha ka añfõm alõs, yi kãmá nã te fumpõ kãwur ka mãtõma ma nu mãfĩnõ.
- ¹⁸Kere bãk nu ka áñboña yi ka kãtãrà ka òMarki kãsu yi òKisis Yisõs Krayst. Ta kõnõ yi añyiki kãtãp ka ka-ake hañ thãnkãñ thõbana. Amina.



1 Yɔn

1 Yɔn 1

- ¹Ara yi kábi ka ɔtɔper, ara sə po tɛl, ara sə po nɛŋka rɛfɔr, ara sə po gbenthas ɔwa mɔta ma su mə po wop, ta árim ra aɲesəm;
- ²a tɔri aɲesəm, ɔwa saɲ sə po nɛŋka ŋi rɛfɔr, ɔwa sə seri ta ŋi, ka sə tɔri nu aɲesəm thɛbana aɲa yi ka ɔKas, yi aɲa a po tɔri su;
- ³ɔwa saɲ sə tɔri nu ara sə po nɛnk, yi ara sə po tɛl, kámá naɲ nə gbɛli ba mɛmanɛ yi saɲ; ɔwa tentɛnɛ mamane ma su mə yi yi ɔKas, de yi ɔWan kɔɲ Yisɔs Kraystáɲ.
- ⁴Sɛ gbal mátáy ame ro rɔnu kámá mabɔnɛ ma su mə gbenthis.
- ⁵ɔwa ákera áke sə po tɛl ro ŋɔɲ sə tɔri nu kɛpa Kuru ɔ yi amotha, ɔwa hali asum aɲ yi hɛ ro ŋɔɲ.
- ⁶Bepi sə pa sə ba mɛmanɛ yi kɔnɔ, kɛrɛ sə kɔth ka asum, sə yema, ɔwa sə yɔ hɛ táteɲ;
- ⁷kɛrɛ bepi sə kɔth ka áɲmothá mɔ kɔnɔ ɔ yi ka áɲmothá sə ba mɛmanɛ ukin yi ulɔm, ɔwa mátir ma Yisɔs ɔWan kɔɲ mə gbɛrans su kɔwur ka ehake bɛ.
- ⁸Bepi sə pa sə ba hɛ ahake, sə pɛɲsɛnɛ, ɔwa táteɲ tɔ yi hɛ ro su.
- ⁹Bepi sə gbithanɛ ehake ɛ su, ɔ yi ubɔthi lanɛ de ɔ yi ulɔmpi tɔ kɛtera ehake ɛ su, yi tɔ kɛfɛthɛr su kɔwur ka mɛkɛnɔ bɛ.
- ¹⁰Bepi sə pa sə tha yɔ hɛ ahake sə sɛki kɔ uyem, ɔwa árim rɔɲ rɔ yi hɛ ka ɛmerá ɛ su.

1 Yɔn 2

- ¹Awuth a mi alɔl, i gbalɛr nu mátáy ame kámá nə te yɔ ahake. Kɛrɛ bepi wuni o wuni ɔ yɔ ahake, sə ba ukasa yi ɔKas, ɔ yi Yisɔs Krayst ɔlɔmpi:
- ²ɔwa kɔnɔ yi asathka tɔ kɛsɔɲ anɛmthɛnɛ ta ehake ɛ su: ɔwa pɛ yi hɛ gbo ta ɛye su, kɛrɛ ta ehake ya ádárú bɛ.
- ³Ka áte sə tárá kɛpa sə tárá kɔ, bepi sə wop ɛyamari yɔɲ.
- ⁴ɔwe mə pa, i tárá kɔ, kɛrɛ ɔ wop hɛ ɛyamari yɔɲ, uyem wɔɲ, ɔwa ɔ ba hɛ táteɲ.
- ⁵Kɛrɛ ɔwe mə wop árim rɔɲ-e, tentɛnɛ mabɔthɛr ma Kuru mə po gbenthis ro ŋɔɲ: ka áte sə tárá kɛpa sə yi ro ŋɔɲ.
- ⁶Kɔn ɔwe mə pa ɔ yi ro ŋɔɲ, ɔ yi sɔ tɔ kɛkɔth mɔ kɔnɔ ɔ kɔth.
- ⁷Awɔnt a mi, i gbalɛr hɛ nu ayamari afu, kɛrɛ ayamari akur aɲa nə la ba kábi ka ɔtɔper. Aɲyamari akur ŋa yi árim ara nə po tɛl kábi ka ɔtɔper.
- ⁸Halisa I gbalɛr nu sɔ ayamari afu, aɲa yi táteɲ ro ŋɔɲ yi ro nu; pɛkasife áɲsum aɲ thas, ɔwa áɲmothá átɛteɲ aɲ gbentha ka-ake.



- ⁹Kɔn ɔwe mə pa ɔ yi ka ɔ̀nmothà, kɛrɛ ɔ gbɛ̀ɲa ɔwɔnt kɔ̀ɲ, ɔ yi ras ka ɔ̀nsum.
- ¹⁰Ɔwe mə bɔ̀thɛr ɔwɔnt kɔ̀ɲ ɔ tiyà ka ɔ̀nmothà, ɔwa ɔ ba hɛ asabu ɲa kɛ̀pɛnthbɛla.
- ¹¹Kɛrɛ ɔwe mə gbɛ̀ɲa ɔwɔnt kɔ̀ɲ ɔ yi ka ɔ̀nsum, ɔ kɔ̀th ka ɔ̀nsum, ɔwa ɔ tɛ hɛ rɔ mə kɔ̀-
e, kɔ̀tày-e ɔ̀nsum aɲ po fithɛs kɔ̀.
- ¹²I gbalɛr nu, awuth a mi alɔl, pɛkasifɛ a po tera nu ɛhake ɛ nu salata ɔ̀ɲɛs ɲɔ̀ɲ.
- ¹³I gbalɛr nu, naɲ akas, pɛkasifɛ nə po tàrà kɔ̀ ɔwe yi kàbi ka ɔ̀tɛpɛr. I gbalɛr nu, naɲ
alaɲgba, pɛkasifɛ nə po tham Sethani. I po gbalɛr nu, awuth alɔl, pɛkasifɛ nə po tàrà
ɔ̀Kas.
- ¹⁴I po gbalɛr nu, naɲ akas, pɛkasifɛ nə po tàrà kɔ̀ ɔwe yi kàbi ka ɔ̀tɛpɛr. I po gbalɛr nu,
naɲ alaɲgba, pɛkasifɛ nə yi abàki mɛdɛr, ɔwa ɔ̀rim ra Kuru rɛ tiyà ro nu, ɔwa nə po
tham Sethani.
- ¹⁵Te nu bɔ̀thɛr ɔ̀dàru, thalɔm ɛyɛt ɛyɛ yi ka ɔ̀dàru. Bepi wuni o wuni ɔ bɔ̀thɛr ɔ̀dàru,
mabɔ̀thɛr ma ɔ̀Kas mə yi hɛ ro ɲɔ̀ɲ.
- ¹⁶kɔ̀tày-e ɛyɛt bɛ ya ɔ̀dàru, mafela ma mɛdɛr-o, mafela ma ɛfɔ̀r-o, yi kabɔ̀nɛ tày ka
ɔ̀ɲɛsɛm, ɛ yi hɛ ka ɔ̀Kas, kɛrɛ ɛ yi ka ɔ̀dàru.
- ¹⁷Raru rɛ tɛ thas yi mafela mati, kɛrɛ kɔ̀n ɔwe mə yɔ̀ mɛsɛlɔ̀ ma Kuru ɔ tɛ yi haɲ
thànkàɲ thɛbana.
- ¹⁸Awuth alɔl, marey mɛlɛpsɔ̀ mi amɛ: ɔwa ma nə po tɛl kɛ̀pa ukraist uyem ɔ tɛ der,
hali ka-ake akraist ayem agbàthi aɲ yi: tesom sɛ tàrà kɛ̀pa marey mɛlɛpsɔ̀ mə po bek.
- ¹⁹Ɖaɲ aɲ po wur ro su, kɛrɛ aɲ yi hɛ ta ɔ̀tá su; kɔ̀tày-e, bepɛ aɲ yi naɲ ta ɔ̀tá su, aɲ tɛ
tiyà naɲ ro su: kɛrɛ aɲ wur ro su, kámá pɛ̀ tɔ̀rinɛ kɛ̀pa ɲa bɛ, aɲ yi hɛ ta ɔ̀tá su.
- ²⁰Kɛrɛ naɲ nə po sɔ̀thɔ̀ kafɛthɛr ka ɔ̀Kin usɛm, ɔwa nə tàrà mátáy bɛ.
- ²¹I gbalɛr hɛ nu ta ma nə tɛ tàrà tátɛɲ, kɛrɛ pɛkasifɛ nə tàrà ti, ɔwa nə tàrà kɛ̀pa rɛyem
o rɛyem rɛ wur hɛ ka tátɛɲ.
- ²²Kanɛ yi ɔyem pɛthas kɔ̀n ɔwe mə pɛnsa, kɛ̀pa Yisɔ̀s kɔ̀nɔ̀ yi hɛ ɔ̀Krayst-e? Ɔwe mə
pɛnsa ɔ̀Kas yi ɔ̀Wan kɔ̀nɔ̀ yi ɔ̀krayst uyem.
- ²³Wuni o wuni ɔwe mə pɛnsa ɔ̀Wan ɔ ba hɛ ɔ̀Kas; kɛrɛ ɔwe mə gbithanɛ ɔ̀Wan ɔ ba sɔ̀
ɔ̀Kas.
- ²⁴Tiyàɲ wop ɔ̀tá nə tɛl kàbi ka ɔ̀tɛpɛr. Bepi ɔ̀tá nə tɛl kàbi ka ɔ̀tɛpɛr tɛ tiyà ro nu, nə tɛ
tiyà ka ɔ̀Wan, yi ka ɔ̀Kas.
- ²⁵Ɔwa aɲlahiri aɲa ɔ lahiri su ɲa yi ɔ̀ɲɛsɛm thɛbana.
- ²⁶I gbalɛr nu mátáy amɛ ta ɲaɲ aɲa yɛthas nu.



²⁷Kere bepi kafethər ake nə po sotho ro ɲɔŋ kə tiyá ro nu, nə ba he sɔ kámá wuni o wuni ɔ thəksa nu: ɔwa mə kafethər kɔŋ kə thəksa nu ka matáy be, ɔwa kə yi táten, rəyem thahɔ, tiyá nu ro ɲɔŋ mə mə kə po thəksa nu.

²⁸ɔwa, awuth alɔl tiyá nu ro ɲɔŋ: kámá ma ɔ tɔrine, sə tə ba kəmintha, kámá sə te lap tə kəbəp kɔ ma ɔ der-e.

²⁹Bepi nə tără kəpa ɔ yi ulompi, tără nu sɔ kəpa wuni o wuni ɔwe mə yɔ ɔlompi kɔnɔ kom kɔ.

1 Ƴɔn 3

¹Kəla, ko məbɔthər məbana ɔKas ɔ ba ta átá su, kəpa a tela su awuth ɲa Kuru; ɔwa ya sə yi mən. Tàsom ádàru rə te su tără, pəkasife rə te he kɔ.

²Abɔthər, ka-ake sə yi awuth ɲa Kuru, ɔwa a tha tɔri he su to sə ba kə re yi: kere sə tără kəpa ma Krayst ɔ kál der, sə tə yi mə kɔnɔ; pəkasife sə tə nənɔ kɔ mə mə yi.

³ɔwa wuni o wuni ɔwe ba kabot ámerá ake ɔ tə gbəransne, mə mə Krayst ɔ yi ugbəraŋ.

⁴Wuni o wuni ɔwe mə yɔ ahake ɔ ləsər aŋthɔ: kotáy-e aŋhake ɲə yi kaləsər aŋthɔ.

⁵Ka nə tără kəpa Krayst ɔ tɔrine tə kənɔy ehake ε su; ɔwa ahake aŋ yi he ro ɲɔŋ.

⁶Wuni o wuni ɔwe mə tiyá ro ɲɔŋ ɔ yɔ he ahake: wuni o wuni ɔwe mə yɔ ahake ɔ tha nənɔ he kɔ, thaləm ɔ tără kɔ.

⁷Awuth alɔl, te nu selɔ wuni o wuni ɔ yethas nu; kɔn ɔwe mə yɔ ɔlompi ɔ yi ulompi, hali mə kɔnɔ ɔ yi ulompi.

⁸ɔwe mə yɔ ahake ɔ yi ka Sethani; kotáy-e Sethani ɔ po yɔ ahake kábi ka ɔtəper. ɔwa ta áte tə ɔWan ka Kuru ɔ der, kámá ɔ dim mapanth ma Sethani.

⁹Wuni o wuni ɔwe Kuru ɔ po kom ɔ yɔ he ahake; kotáy-e mayi ma Kuru mə yi ro ɲɔŋ ɔwa ɔ gbəli he yɔ ahake pəkasife Kurɔŋ kɔnɔ kom kɔ.

¹⁰Ka áte sə gbəli tără awuth ɲa Kuru, yi awuth ɲa Sethani: wuni o wuni ɔwe te yɔ ɔlompi ɔ yi he ka Kuru, thaləm ɔwe te bɔthər ɔwɔnt kɔŋ.

¹¹kotáy-e ákera ki ake áke nə po təl kábi ka ɔtəper, kəpa sə yi tə kəbɔthərane.

¹²Pə yi he mə Ken, ɔwe yi ka Sethani, ɔwa ɔ dif ɔwɔnt kɔŋ. ɔwa to pə som ɔ dif kɔ-e? Pəkasife máyɔs mɔŋ mə yi mələs, ɔwa ama ɔwɔnt kɔŋ mə yi mələmpi.

¹³Tiyáŋ awɔnt te nu kabanɛ, bepi ádàru rə gbəŋa nu.

¹⁴Saŋ sə tără kəpa sə po wur ka rəfi sə po wɔŋ ka aŋesəm, pəkasife sə bɔthər aŋwɔnt. ɔwe mə te bɔthər ɔwɔnt kɔŋ ɔ tiyá ka rəfi.

¹⁵Wuni o wuni ɔwe mə gbəŋa ɔwɔnt kɔŋ udif wɔŋ: ɔwa nə tără kəpa udif o udif ɔ ba he aŋesəm thəbana.



¹⁶Ka áte sə tǎrà mabóthər, kəpa kóno ɔ sɔnd aɲesəm ɲɔɲ ta átá su: ɔwa saɲ sə yi tɔ kəsɔndnɛ ta aɲwɔnt.

¹⁷Kɛrɛ bepi wuni o wuni ɔ nənɔk ɔwɔnt kɔɲ ɔ paɲi ɔwa ɔ báksər aɲmerá ɲɔɲ, ɔ sɔɲ hɛ kɔ, kɔdarɔɲ ka kóno ɔ ba ɛyɛt ya ádǎru are, tɔ mabóthər ma Kuru mə tiyá ro ɲɔɲ-e?

¹⁸Awuth alɔl, maɲ te nu bóthər ka sim, thalɔm ka məfɔf: kɛrɛ ka məyɔs yi ka táteɲ.

¹⁹Ka áte sə tɔ tǎrà kəpa sə yi ka táteɲ, ɔwa sə tɔ bák kəbuth roder kɔɲ kədi

²⁰bepi ɛmerá ɛ su ɛ thekɛ su; kotáy-e Kuru ɔ yi ubana uthasi ɛmerá ɛ su, ɔwa ɔ tǎrà táy o táy.

²¹Abóthər, bepi ɛmerá ɛ su ɛ thekɛ hɛ su, sə ba kəsɛline ka Kuru.

²²ɔwa koko sə yif sə sɔthɔ ro ɲɔɲ, pəkəsifɛ sə wop ɛyamari yɔɲ, ɔwa sə yɔ átá mə thesanɛ kɔ.

²³Aɲyamari ɲɔɲ ɲi aɲɛ, kámá sə lanɛ ka aɲɛs ɲa ɔWan kɔɲ Yisɔs Krayst, yi kámá sə bóthəránɛ mə mə yamari su.

²⁴ɔwe mə wop ɛyamari yɔɲ ɔ tiyá ka Kuru, yi Kuru ɔ tiyá ro ɲɔɲ. Ka áte sə tǎrà ɔ tiyá ro su, ka ɔYina ɔwe ɔ po sɔɲ su.

1 Yɔn 4

¹Abóthər, te nu lanɛ ɛyina bɛ, kɛrɛ məm yi bepi ɛ yi ka Kuru: pəkəsifɛ anábi ayem agbáthi aɲ yi ka ádǎru.

²Ka áte sə tǎrà ɔYina ka Kuru: ayina o yina aɲa mə gbithanɛ kəpa Yisɔs Krayst ɔ po der ka mader aɲ yi ka Kuru:

³ɔwa ayina o yina aɲa te gbithanɛ kəpa Yisɔs Krayst ɔ po der ka mader aɲ yi hɛ ka Kuru: aɲɛ aɲ yi aɲyina ɲa ɔkrayst uyem, ta ɔwe nə la tɔl kəpa ɔ yi tɔ kəder; ɔwa hali ka-ake ɔ yi ka ádǎru.

⁴Naɲ nə yi ka Kuru, awuth a mi alɔl, ɔwa nə po tham ɲa: pəkəsifɛ kɔn ɔwe yi ro nu ɔ yi ubana pəthasi kɔn ɔwe yi ka ádǎru.

⁵Daɲ aɲ yi ta ádǎru: tiyáɲ aɲ fɔf məfɔf ma ádǎru, ɔwa ádǎru rɔ tɔlá ɲa.

⁶Saɲ sə yi ta Kuru: ɔwe tǎrà kɔ ɔ tɔlá su; kɛrɛ kɔn ɔwe te yi ta Kuru ɔ tɔlá hɛ su. Ka áte sə tǎrà ɔgbaske wa aɲyina ka tɔteɲ, yi aɲyina ɲa rɛyem.

⁷Ambóthər a mi, maɲ bóthəránɛ nu: kotáy-e məbóthər mə yi ka Kuru; ɔwa wuni o wuni ɔwe mə bóthər a po kom kɔ ka Kuru, ɔwa ɔ tǎrà Kuru.

⁸Kɔn ɔwe mə te bóthər ɔ tɛ hɛ Kuru; kotáy-e, Kuru ɔ yi məbóthər.

⁹Ka áte mabóthər ma Kuru mə tɔrinɛ ro rɔsu, ma ɔ somra ɔWan kɔɲ ɔ kom gbo son ka ádǎru, kámá sə ɲesəm ro ɲɔɲ.



- ¹⁰Mabòthər mi ame, pə yi hɛ kəpa saŋ sə po bəthər Kuru, kɛrɛ kɔnɔ ɔ po bəthər su, kɔ somra ɔWan kɔŋ tɛ kəyi asathka ta kənɛmthɛnɛ ta ɛhake ɛ su.
- ¹¹Abòthər, bepi Kuru ɔ bəthər su yaŋ, saŋ sə sə yi tɛ kəbòthəranɛ.
- ¹²Wuni o wuni ɔ tha nənɔ hɛ Kuru hali. Bepi sə bəthəránɛ, Kuru ɔ tiyá ro su, yi mabòthər mənɔ mə gbenthis ro su.
- ¹³Ka áte sə tǎrà sə tiyá ro ŋɔŋ, ɔwa kɔnɔ ro su, pəkasiɛ ɔ po sɔŋ su ani ka ɔYina kɔŋ.
- ¹⁴ɔwa saŋ sə po nənɔ ka sə seri ti kəpa ɔKas ɔ po somra ɔWan tɛ kəyi ɔKisis ka ádǎru.
- ¹⁵Wuni o wuni ɔwe mə gbithanɛ kəpa Yisɔs ɔ yi ɔWan ka Kuru, Kuru ɔ tiyá ro ŋɔŋ, ɔwa kɔn ɔ tiyá ka Kuru.
- ¹⁶Saŋ sə po tǎrà, ka sə lanɛ mabòthər ama Kuru ɔ ba ta áta su. Kuru ɔ yi mabòthər; kɔnɔ ɔwe mə tiyá ka mabòthər ɔ tiyá ka Kuru, ɔwa Kuru ɔ tiyá ro ŋɔŋ.
- ¹⁷Mabòthər ma su mə tɛ gbenthis ka áte, kámá sə ba kəmintha ka ǎŋrey ŋa kathɔŋkas: pəkasiɛ mə kɔnɔ ɔ yi, ya saŋ sə yi sɔ ka ádǎru are.
- ¹⁸Məbòthər mə ba hɛ rənɛs; kɛrɛ mabòthər məgbenthis mə tɛ bál rənɛs; pəkasiɛ rənɛs rɛ ba athalər. Kɔn ɔwe ba rənɛs ɔ ba hɛ məbòthər məgbenthis.
- ¹⁹Sə bəthər kɔ, pəkasiɛ kɔnɔ mɔtha bəthər su.
- ²⁰Bepi wuni o wuni ɔ pa ɔ bəthər Kuru, kɛrɛ ɔ gbɛŋa ɔwɔnt kɔŋ-e, ɔ yi uyem; kotáy-e ɔwe tɛ bəthər ɔwɔnt kɔŋ ɔwe ɔ po nənɔ, to mə gbəli bəthər Kuru ɔwe ɔ tɛ tha nənɔk-e?
- ²¹ɔwa ǎnyamari ǎŋɛ sə po sɔthɔ ro ŋɔŋ, kəpa ɔwe mə bəthər Kuru ta ɔ bəthər sɔ ɔwɔnt kɔŋ.

1 Yɔn 5

- ¹Wuni o wuni ɔwe mə lanɛ kəpa Yisɔs ɔ yi ɔKrayst a kom kɔ ka Kuru: ɔwa wuni o wuni ɔwe mə bəthər ɔkomra ɔ bəthər sɔ kɔn ɔwe ɔ po kom.
- ²Ka áte sə tǎrà kəpa sə bəthər ǎŋwuth ŋa Kuru, ma sə bəthər Kuru, ɔwa sə wop ɛyamari yɔŋ.
- ³Mabòthər ma Kuru mi ame, kámá sə wop ɛyamari yɔŋ: ɔwa ɛyamari yɔŋ ɛ yi hɛ ɛtui wop.
- ⁴kotáy-e wuni o wuni ɔwe a po kom ka Kuru ɔ tham ádǎru: ɔwa katham áke mə tham ádǎru ki ake, kə yi kálane kásu.
- ⁵Kanɛ mə tham ádǎru, thambe kɔnɔ ɔwe mə lanɛ kəpa Yisɔs ɔ yi ɔWan ka Kuru-e?
- ⁶ɔwa Yisɔs Kraystǎŋ kɔnɔ der rɛ mǎnt yi mətir; pə yi hɛ rɛ mǎnt gbo son, kɛrɛ rɛ mǎnt yi mətir.



- ⁷Ka ɔYina ɔ sɔŋ məseri, pəkasiɛ ɔYina ɔ yi tətɛŋ.
- ⁸kotáy-e asas aŋ yi aŋa mə sɔŋ məseri, ɔYina-o, àmánt-o, yi mătir-əŋ, ŋa asas aŋ yi dim din.
- ⁹Bepi sə malanɛ maseri ma wuni kəpet, maseri ma Kuru mə thas: kotáy-e maseri ma Kuru mə yi àtà ɔ seri ta ɔWan kəŋ.
- ¹⁰Ɔwe po lanɛ ka ɔWan ka Kuru ɔ ba maseri ka aŋmerà ŋəŋ: kɛrɛ ɔwe te lanɛ Kuru ɔ sɔki kɔ uyem; pəkasiɛ ɔ lanɛ hɛ maseri ama Kuru ɔ sɔŋ ta ɔWan kəŋ.
- ¹¹Maseri meme, kəpa Kuru ɔ po sɔŋ su aŋesəm thəbana, ɔwa aŋesəm aŋe aŋ yi ka ɔWan kəŋ.
- ¹²Kɔnɔ ɔwe ba ɔWan ɔ ba aŋesəm; ɔwa kɔnɔ ɔwe te ba ɔWan ka Kuru ɔ ba hɛ aŋesəm.
- ¹³Mătáy ame i po gbalɛr nu na alanɛ ka aŋes ŋa ɔWan ka Kuru kámá nə tără kəpa nə ba aŋesəm thəbana.
- ¹⁴Ɔwa kamintha áke sə ba ro ŋəŋ ki ake, kəpa, bepi sə yif táy o táy ka măsɛlɔ məŋ, ɔ tɛlá su.
- ¹⁵Ɔwa bepi sə tără kəpa ɔ tɛlá su, táy o táy sə yif, sə tără kəpa sə sɔthɔ ara sə yif kɔ.
- ¹⁶Bepi wuni o wuni ɔ nənk ɔwɔnt kəŋ ɔ yɔ ahake aŋa te yi ka rəfi, ta ɔ yif, ɔwa Kuru ɔ tɛ sɔŋ kɔ aŋesəm ta ŋaŋ aŋa te yɔ ahake ka rəfi. Ahake aŋ yi ka rəfi: i pa hɛ kámá ɔ nemthɛnɛ ta ŋi.
- ¹⁷Táy o táy àtà te yi tɛlɔmpi tɛ yi ahake: kɛrɛ ahake aŋ yi aŋa te yi ta rəfi.
- ¹⁸Sə tără kəpa wuni o wuni ɔwe a po kom ka Kuru ɔ yɔ hɛ ahake; kɛrɛ ɔwe a po kom ka Kuru ɔ bumərɛ, ɔwa Sethani ɔ gbɔŋ hɛ kɔ.
- ¹⁹Saŋ sə tără kəpa sə yi ka Kuru, yi ádàru bɛ rə yi ka aŋfɔsɔ ŋa Sethani.
- ²⁰Ɔwa sə tără kəpa ɔWan ka Kuru ɔ po der, kɔ po sɔŋ su kəsɔthɛ, kámá sə gbɔli tără kɔ ɔwe yi tətɛŋ, ɔwa saŋ sə yi ka kɔn ɔwe yi tətɛŋ, hali ka ɔWan kəŋ Yisɔs Kraystəŋ. Kɔnɔ yi ɔKuru utətɛŋ, yi aŋesəm thəbana.
- ²¹Awuth alɔl, bumɛ nu ka ɛyɛt ɛbumərɛ.



2 Yɔn

2 Yɔn 1

- ¹Ɔbaki ka ɔwuni bom uthith yi awuth ηɔη, aηa i bɔthɛr ka tɔtɛη; ɔwa pɛ yi hɛ gbo minɛ son, kɛrɛ ηa bɛ aηa po tɔrɔ tɔtɛη;
- ²salata tɔtɛη ɔtɔ yianɛ ro rɔsu, ɔwa ɔtɔ yi yi saη thɔbana.
- ³Ta aboηa, yi ɔney, yi mɔthɔfɛl mɛ yi ro rɔnu kɔwur ka Kuru ɔKas, yi ka Yisɔs Krayst, ɔWan ka ɔKas, ka tɔtɛη yi ka mɛbɔthɛr.
- ⁴I ba mɛbɔnɛ mɛbana ma i fir kɛpa awuth a mu alɔm aη kɔth ka tɔtɛη, mɔ mɛ sɛ po sɔthɔ ayamari kɔwur ka ɔKas.
- ⁵Ɔwa ka-ake i nɛmthɛnɛ mu, yɔη, pɛ yi hɛ mɔ i gbalɛr mu ayamari afu, kɛrɛ aηa sɛ po sɔthɔ kɔbi ka ɔtɛpɛr, kɔmɔ sɛ bɔthɛrɔnɛ.
- ⁶Mabɔthɛr mi amɛ, kɔmɔ sɛ kɔth kɛtɔnɔnɛ ka ɛyamari yɔη. Ɔwa aηyamari ηi aηɛ, hali mɔ nɛ po tɛl kɔbi ka ɔtɛpɛr, kɔmɔ nɛ kɔth ri.
- ⁷kɔtɔy-e afɛm ayaηfa agbɔthi aη po wɔη ka ɔdɔru, hali ηaη aηa tɛ gbithanɛ kɛpa Yisɔs Krayst ɔ po der ka mader. Ɔwɛ ɔ yi uyaηfa yi ukraist uyem.
- ⁸Bumɛ nu, kɔmɔ nɛ tɛ dim ɔtɔ nɛ po yɔ kɛrɛ kɔmɔ nɛ sɔthɔ ɔrɔm agbɛnthi.
- ⁹Wuni o wuni ɔwɛ mɛ tɛmɔ kɛri, ɔwa ɔ bɔkɛr hɛ ka mathɛksa ma Kraist-e ɔ ba hɛ Kuru. Kɛrɛ kɔn ɔwɛ bɔkɛr ka mathɛksa ma Krayst, ɔkati ɔ ba ɔKas yi ɔWan sɔ.
- ¹⁰Bɛpi wuni o wuni ɔ der ro mu ɔwɛ tɛ kɔrɔ mathɛksa amɛ, tɛ malanɛ kɔ;
- ¹¹kɔtɔy-e kɔn ɔwɛ mɛ kori kɔ ɔ ba ani ka mapanth mɔη malɔs.
- ¹²Ma i ba tɔy tɛgbɔthi tɛ kɛgbalɛr mu, i yema hɛ gbal ti rɔ areka yi ruba, kɛrɛ i bot ɔmɛrɔ tɛ kɛdɛr ro mu, kɔmɔ sɛ gbɛli fɔf der yi derɔη, kɔmɔ mabɔnɛ ma su mɛ yi mɛgbɛnthi.
- ¹³Aηwuth ηa ɔwɔnt mu ubɛra uthith, aη kori mu. Amina.



3 Yɔn

3 Yɔn 1

- ¹Ɔbaki ka Kayəs, ɔwe i bothər ka tātɛɲ.
- ²Ɔyathki kāmɪ ufinɔ, i fela kāmà mə sabathi ka kəyɛŋk mədɛr, mə mə aɲesəm a mu aɲ sabathi.
- ³kotáy-e i ba məbɔnɛ məbana ma aɲwɔnt aɲ der aɲ seri ta tātɛɲ ta mu, mə má mə kɔth ka tātɛɲ.
- ⁴I ba hɛ məbɔnɛ ama mə thas amɛ tɔ kətəl kəpa aɲwuth a mi aɲ kɔth ka tātɛɲ.
- ⁵Ɔyathki ufinɔ, táy o táy átà má mə yɔna aɲwɔnt atik, mə yɔ ri məpantɔ məfinɔ:
- ⁶aɲa po seri rodi ka aɲchɔch ta mabothər ma mu: ɔwa mə yɔ ɔfinɔ bepi mə mar ɲa ka aɲbiyas ɲaɲ mə mə mamane ma mu mə yi ka Kuru.
- ⁷Pəkasifɛ aɲ po kɔnɛ salata aɲes ɲɔɲ, kətɛ nɔy koko ka tábɔna təlɔm.
- ⁸Tiyáɲ sə yi tɔ kəmar afəm mə aɲɛ kāmà sə yi akump amar ka tātɛɲ.
- ⁹I po gbalər aɲchɔch kɛrɛ Diotrefes, ɔwe bothər tɔ kətəma kədi kətɔɲ ka ɲaɲ, ɔ malane hɛ su.
- ¹⁰Tiyáɲ, bepi i der-e, i ti kala ámerá ka máyɔs mɔɲ yi mafɔf mɔɲ məyáɪ kəɲamɛ su: ɔwa áte tɔ be hɛ kɔ, kɛrɛ kɔnɔ ɔ selɔ hɛ tɔ kəmalane aɲwɔnt, ɔwa aɲa yema yɔ yi ɔ bent ɲa, ɔ wurɔ ɲa ka aɲchɔch.
- ¹¹Ɔbothər kāmɪ, tɛ tansane mələs, kɛrɛ tansane məfinɔ. Ɔwe mə yɔ ɔfinɔ ɔ yi ka Kuru: kɛrɛ ɔwe mə yɔ ɔlɔs ɔ tha nɔnk hɛ Kuru.
- ¹²Demetriɔs ɔ ba aɲes afinɔ kətɔɲ ka aɲfəm bɛ, yi ka tātɛɲ sɔ: saɲ sɔ sə seri ti; ɔwa mə tārà kəpa maseri ma su mə yi tətɛɲ.
- ¹³I ba táy tɔgbáthi tɔ kəpa ro rɔmu, kɛrɛ i yema hɛ gbalər mu rə ruba yi rə kəthəɲkɛ.
- ¹⁴Kɛrɛ i bot ámerá kəpa sə tɔ yɛɲk nɔɲkane, ɔwa sə tɔ fɔf der yi deráɲ.
- ¹⁵Ta məthɔfəl mə yi ro rɔmu. Aɲyathki a su aɲ kori mu. Kori aɲyathki bɛ kin o kin.



Yud

Yud 1

- ¹Yud, aṅbɔy ɲa Yisɔs Krayst, yi ɔwɔnt ka Yeməs, ka ɲaɲ aɲa a muti, aṅbɔthɛr ɲa Kuru ɔKas, yi aɲa a bene ta Yisɔs Krayst;
- ²ta aney, mɛthɔfɛl, yi mɛbɔthɛr mɛ bārne ro nu.
- ³Ambɔthɛr a mi, ma i bot aṅmerá a mi tɔ kɛgbalɛr nu ta kakisi kásu bɛ, aṅmerá a mi aɲ yagba mi tɔ kɛgbalɛr nu yi kɛmaɲ nu kámá nɛ bumɛr ɔfinɔ kálane áke a po lánki win haɲ thɛbana ka aɲfɛm asɛm.
- ⁴koṭáy-e afɛm alɔm aɲ po wɔɲ sɔy, aɲfɛm aɲa a po gbɛka matheri maɲ ɔwoni thɔɲ, afɛm aɲa te tárá Kuru aɲa láfthi aṅbɔɲa ɲa ɔKuru kásu ka mafela maɲ malɛs, ɔwa aɲ pensane Yisɔs Krayst ɔMarki kásu gbo son.
- ⁵Ka-ake, hali ma nɛ la po tárá mátáy bɛ, i yema gbukthis nu kɛpa, ɔMarki ma ɔ po kisis aɲfɛm kɛwɛr ka aṅthɔf ɲa ro Iyipt, ɔ kál dim ɲaɲ aɲa te lane.
- ⁶ɔwa aɲmáleka aɲa te bene mayi maɲ thɛpaɲ, kɛrɛ aɲ tey mayira maɲ mɛlompi, ɔ bene ɲa rɛ tɔrɛntha ka aɲsum abana haɲ ka kathonkas ka aɲrey abana.
- ⁷Hali ro Sɔdɔm yi Kɔmɔra, yi tapet átá fatɛr ri, maɲ po sɔndne rɛ kɛyɔ kɛrɛp, yi táy tɛlɛs bɛ, a tɛmɛr ɲa ta amɔl, a thalɛr ɲa yi ansɔmpane ka anant na thánkáɲ thɛbana.
- ⁸Halisa yaɲ afɛm alɛs aɲe aɲ nɔkɔs mader, aɲ farki ɛfɔsɔ, aɲ sambos ɛyiki.
- ⁹Kɛrɛ Maikɛl ɔmaleka ubana, maɲ pensane yi Sethani ta kabel ka Mosis ɔ mintha he fɛɲfsɛr kɔ, kɛrɛ ɔ pa, Ta ɔMarki ɔ ɲal mu.
- ¹⁰Kɛrɛ aɲfɛm aɲe aɲ fɛɲfsɛr átá aɲ te tárá: ɔwa ka átá aɲ tárá ka kátemp áke a koma ɲa, mɔ ɛsem apɛnk, ka mátáy ame rɛ aɲ lɛsɛrne.
- ¹¹Mɔne ro rɔɲaɲ! koṭáy-e aɲ po tán ka aroɲ ra Ken, ɔwa ta mɛkanya aɲ bārne ka malɛs ma Belam kaɲ dine ka káthánthone ka Kɔra.
- ¹²Aɲe ɲɔ yi ɛpora ka amet ma nu ma mɛbɔthɛr, ma aɲ di yi ɲaɲ aɲ wɔnthne kɛte ba rɛnes: aɲ yi mɔ ákuru kábi áke te ba kɔm, áke aɲfɛf mɛ aɲ kera; aɲ yi mɔ yint ɛte ba ɛbɔpɛr thalɔm mɛkomi, ɛ fi mārɔɲ, a po tusi yi.
- ¹³Aɲ yi mɔ ɛmunkɛl ɛbaɲ ya ro baɲ, ɛ wurɔ kafoth ka málap maɲ: aɲ yi mɔ atɔs tɛkɔthne, ta aɲa a bene rabi ra aɲsum thánkáɲ thɛbana.
- ¹⁴Inɔk sɔ, ɔwe beká támthɛdɛrɔɲ ka rálek ra Adám, ɔ nábi ta aɲfɛm aɲe, ɔ pa, Kɛla, ɔMarki ɔ der yi aɲfɛm ɲɔɲ asɛm ɛwul ɛwul,
- ¹⁵tɔ kathonkas aɲfɛm bɛ, yi tɔ kɛɲap ɲa bɛ aɲa te nesa Kuru ta máyɔs maɲ ama aɲ po yɔ bɛ rɛ kɛte nesa Kuru, yi ta ásim tɛlɛs átá aɲfɛm alɛs aɲ po fɔf tɔ kɛɲamne kɔ.



16Añe ña yi añafofethane, antompne, aña koth ka mafela ma emerà yañ: tasəñ tañ tə gbək eyoñka, aña yikis afəm kāmà aña ba kəsəthə.

17Kere añañthər a mi, tāmāmne nu tafəf átà añañsom ña əMarki kásu Yisəs Krayst aña pa thəpañ.

18Mañ po tərì nu kəpa ka añałkə aləpsə afəm asel tày aña tə der, aña mə koth ka mafela mələs ma emerà yañ.

19Añe ña mə kārà məpeskine, ña yi afəm ña ádaru, aña ba he əYina məsəm.

20Kere nañ, añañthər a mi, bəkəsne nu ka kálane ka nu kəsəm, əwa ramne nu ka əYina məsəm.

21bəkər nu ka mañothər ma Kuru, nə kəliane añañey ña əMarki kásu Yisəs Krayst aña mə səñ su añañsəm thəbana.

22Əwa ba añañey ka aña ba asike:

23añałom nə kisis, nə tafi ña ka anant; ba añañey ka añałom yi rənes, hali ma nə gbəña ásuma təñ ta epəra átà añañder aña po nəkəs.

24Əwa əwe gbəli bene nu kəte yethà, əwa ə təmər nu kəte ba apora rodi ka ayiki ñəñ yi məbəne məbana;

25ta kəñə əKuru son əKisis kásu ə səthə ayiki, kəthəkəs, rábáy yi efəsə kətəñəne ka Yisəs Krayst əMarki kásu katəp yəñka eləkə e yi de ka-ake de hañ thənkəñ thəbana. Amina.



Kaŋaibine

Kaŋaibine 1

- ¹Kaŋaibine ka Yisós Krayst áke Kuru ó sòŋ kó, tó kətóri ébóy yòŋ mātáy ama ba kəder ka óthan ówe; ówa ó som umáleka kòŋ tó kətóri ti ka àŋbóy ñòŋ Yónàŋ.
- ²Ówe seri ta árim ra Kuru, yi ta aŋkané ña Yisós Krayst, yi ta mātáy be ama ó nònk.
- ³Aruba aŋ yi ta ówe mọ karaŋ ásim ta kanabi ake, de yi ta ñaŋ aŋa mọ təl ti-e, re aŋ kál bene átà a gbal ri, átesoma-e àŋlòkò aŋ fat tó kəlasər ti.
- ⁴Yón, ka echòch tàmthəderəŋ ya ro Asia. Ta aboŋa aŋ yi do rónu, yi məthəfəl kəwur ka kón ówe yi, de yi ówe la yi, de yi ówe yi tó kəder; yi ka eyina tàmthəderəŋ eyé yi rodi ka kawaŋ ka rábáy rəŋ;
- ⁵de yi kəwur ka Yisós Kraystàŋ, ówe yi óSeri ubóthi lané, óWan utótókò kəwur kətəŋ ka aŋfi; de yi óGbəka ka aŋbáy be nòru. Ta kón ówe bəthər su-e, ówe po bani su ka ehake é su kətəŋàné ka mātir məŋ gbəŋ-e,
- ⁶ówe po səki su rəbáy, pə yi mə-e, afode ña mapanth ma Kuru óKas kəŋ. Ta ayiki de yi afósó é yi do rəŋəŋ thànkàŋ thəbana. Amina.
- ⁷Kəla, kónó mọ derəŋ yi turu təfera, ówa rəfər ó rəfər rə tó nònk kó, de yi ña sò aŋa raf kó; ówa tábona be ta ádàru tó tó bok ta atəŋ. Ta pə yi ti yaŋ, Amina.
- ⁸Mine yi Alfa yi Omeka, óMarki ó pa, ówe yi, de yi ówe la yi, de yi ówe yi tó kəder, óKuru ka afósó be, kón kónóné.
- ⁹Mineŋ, Yón, ówont yi ókas ka nu ka asəmpané, yi ka rábáy de yi kamuyu ka Yisós Kraystàŋ, i yi ka aŋyel aŋa mọ a bont Patmós salata árim ra Kuru, yi ta maseri ma Yisós Kraystàŋ.
- ¹⁰Ówa i po lasərné óYina ka àŋrey ña óMarki, ka i təl rodarəŋ kámi rim rəbana mọ kəthema,
- ¹¹rə pa hó, Mine yi Alfa yi Omeka, óTótókò yi óLəpsó; gbal átà mọ nònk ka areka, ówa somra ñi ka echòch tàmthəderəŋ, ka ro Éfisós, ro Smayna, ro Pakamóm, ro Thayatira, ro Sadis, ro Filadelfiya, de yi ro La-odishiya.
- ¹²Ka i lafthe tó kənəŋk árim ara fəfáne mi, ówa ma i po lafthe-e, i nònk təmule ta məbəŋó tàmthəderəŋ;
- ¹³ówa ukin ó yi kətəŋ ka tamule tàmthəderəŋ ówe báláne mọ óWan ka wuni, kó lopra ruma rəbóli ara bek ka átátək təŋ, de yi ó sekne áthəbəŋ ña məbəŋó ka aŋkəpət ñòŋ.
- ¹⁴Aŋfon de yi rábomp rəŋ é yi éfera pər mọ epómpos; éfər yòŋ é yi mọ nánt nəmara;
- ¹⁵tatək təŋ tó yi mọ akem akelkel, mọ mọ a po thaŋki ñi rə nánt nəsəŋk; ówa árim rəŋ rə yi mọ katəŋa ka kəthənthə.



¹⁶Ɔ wop atos támthəderəŋ ka káta kəŋ kədiyo, ka agbatho ŋa ran narəŋ nəwəŋi nə wur ka kásəŋ kəŋ; owa ader rəŋ rə yi mə mə aret rə gbentha rəyaŋ kenten.

¹⁷Ma i nən̄k kə-e, i fumpo ka tatək təŋ mə i po fi. Kə rəŋ káta kəŋ kədiyo ka rábomp ra mi, o pa, Te nesa, mine yi oTətəkə yi oLəpsə.

¹⁸Mine yi oKəli thəbana; i po fi, kere kəla i kál po ba aŋesəm haŋ thəbana, Amina. Mine i ba masapo ma ro kərəfi de yi ráfi.

¹⁹Tiyəŋ gbal átá mə po nən̄k, yi átá mə yəne ka-ake, yi mátáy áma ba tə kəyone rodi.

²⁰Aŋgbundu ŋa atos támthəderəŋ átá mə po nən̄k ka káta kámi kədiyo, yi tamule ta mabəŋo támthəderəŋ, ŋi aŋe. Atos támthəderəŋ tə yi aŋkəlāne ŋa echəch támthəderəŋ, yi tamule támthəderəŋ tə yi echəch támthəderəŋ.

Kaŋaibine 2

¹Gbal ka okəliane ka aŋchəch ŋa ro Efisos kəpa ye, Kən owe wop atos támthəderəŋ ka káta kəŋ kədiyo, owe kəth kətəŋ ka tamule ta mabəŋo támthəderəŋ-e, o pa ho,

²I tārā máyos yi mapanth de yi kamuyu ka mu. I kál tārā kəpa mə gbəli he selo afəm akəná, de yi mə po mem ŋaŋ aŋa pa aŋ yi asom, maŋ te yi asom, owa mə po fir kəpa aŋ yi afəm ayem;

³mə po muyu, mə po sara oled salata aŋes a mi, owa pə bák he mu,

⁴kere i ba átáy áte tə kətheke mu, kotáy-e mə po gbape mabəthər ma mu mətətəkə.

⁵Tiyəŋ kala ámerá ka oder ro mə wur, mə fumpo-e, owa thupi, yo thəŋ mə mə la yo ka otətəkə. Bepi pə yi he ti-e, i ti der do romu lemp, owa i ti təŋa kamule ka mu, thambe mə thupi.

⁶Kere mə ba átáy təfino áte-e, tə kəyi mə gbəŋa máyos ma aŋNikəletan, ama mine so i gbəŋa.

⁷Owe ba eləns ta o təl átá oYina o pa ka echəch. Owe mə tham-e, i ti səŋ kə tə kədi ka aŋənt ŋa aŋesəm aŋa yi ka aŋParadays ŋa Kuru Məsaba.

⁸Gbal ka okəliane ka aŋchəch ŋa ro Smayna kəpa ye, Ásim ta oTətəkə yi oLəpsə-e, kən owe po fi kere o kál po ba aŋesəm, ti áte.

⁹I tārā ansəmpane yi aŋmone ma mu, (kere mun yola). I tārā so kafəf kələs ka ŋaŋ aŋa pa ho aŋ yi aYuda, kere aŋ yi he, aŋ yi gbo ka aŋseth agbanə ŋa Sethani.

¹⁰Te nesa táy o táy átá mə mə ba kənakasi. Sethani o tə fak aləm kətəŋ ka mu ka aŋseth átərəká kámá a mem mu, owa mə tə sompane mərey təfət. Ta mə yi ubəthi lanə haŋ ka ráfi, owa mine i ti səŋ mu ániyo ŋa aŋesəm.

¹¹Owe ba eləns ta o təl átá oYina o pa ka echəch. Owe mə tham o ba he tə kəsəmpane ka rafi ara beká mərəŋ.



- 12**Gbal ka ɔkɔliane ka aŋchoch ŋa ro Pakamom kɔpa ye, Kon ɔwe ba aŋgbatho awɔŋi aŋa ba ran narɔŋ ɔ pa ho.
- 13**I tɔrɔ ro mɔ yirɔ, hali ro kawaŋ ka rɔbɔy ra Sethani kɔ yi. ɔwa mɔ wop aŋes a mi gbaŋ-e, mɔ pɛnsa he kɔlane ka mu do rɔmi, hali ka marey ma Antipas, ɔseri kɔmi ubothi lane, ɔwe aŋ dif kɔtɔŋ ka mu, ro Sethani ɔ yirɔ.
- 14**Kere i ba kɔtheke mu ta tɔy tɔlom, pɔkasife mɔ ba ŋaŋ kɔtɔŋ ka mu aŋa wop mathɔksa ma Belam, ɔwe thɔksa Belak tɔ kɔgbɔns aŋwuth ŋa Isrel kɔmɔ aŋ di eyet eye a po wurɔ sathka ka erɔŋ-e, de yi tɔ kɔyɔ kɔrɔp.
- 15**Mɔlo min sɔ-e, ŋaŋ aŋa wop mathɔksa ma aŋNikɔletɔn.
- 16**Thupi thɔŋ, bepi pɔ yi he ti-e, i ti der ro rɔmu lemp, ɔwa i ti tim aŋfɔm ŋati yi aŋgbatho ŋa kɔsɔŋ kɔmi.
- 17**ɔwe ba elɛns ta ɔ tɔl atɔ ɔYina ɔ pa ka echoch. ɔwe mɔ tham-e, i ti sɔŋ kɔ aŋmana amɔnkɛ, de yi i ti sɔŋ kɔ asar aferɔ; ɔwa ka aŋsar a tɔ gbal aŋes afu aŋa wuni o wuni ɔ te gbɔli tɔrɔ thambe kɔn ɔwe sɔtho ŋi.
- 18**Gbal ka ɔkɔliane ka aŋchoch ŋa ro Thayatira kɔpa ye, Asim ta ɔWan ka Kuru ɔwe ba efɔr mɔ nɔnt nɔmara, yi tatɔk mɔ akem akelkel, ti ate,
- 19**I tɔrɔ mɔyɔs, yi mabɔthɔr, yi kɔlane, yi mapanth, de yi kamuyu ka mu; ɔwa i tɔrɔ sɔ kɔpa mɔyɔs ma mu mɔlɔpsɔ mɔ thasi mɔtɔtɔkɔ.
- 20**Kere i ba kɔtheke mu ta tɔy tɔlom, pɔkasife mɔ malane ɔwuni bom kati Yesibel, ɔwe telane unabi ubera. ɔwa ɔ thɔksa, kɔ kɔl yethas ebɔy e mi tɔ kɔyɔ kɔrɔp, de yi tɔ kɔdi eyet eye a po wurɔ sathka ka erɔŋ.
- 21**I po sɔŋ kɔ aferɔ tɔ kɔthupi, kere ɔ thupi he ka kɔrɔp kɔŋ.
- 22**Tiyɔŋ i ti fak kɔ ka aŋgbatha ŋa rɔtu, ɔwa ŋaŋ sɔ aŋa mɔ yɔ kɔrɔp re kɔnɔŋaŋ, i ti sɔmpar ŋa rɔ kɔsɔmpa kɔbana, thambe aŋ thupi ka mɔyɔs maŋ.
- 23**ɔwa i ti dif aŋwuth ŋɔŋ, kɔmɔ echoch be aŋ tɔrɔ kɔpa mineŋ, mine mɔ thekthek enane de yi emerɔ ya afɔm; ɔwa i ti sɔŋ kin o kin kɔtɔŋ ka mu mɔlo ma mapanth mɔŋ mɔ yi.
- 24**Kere i pa do rɔmu, yi ka aŋlom ro Thayatira aŋa te malane mathɔksa ame-e, pɔ yi mɔ-e ka ŋaŋ aŋa te tha thɔkɔs mɔtɔy ama mɔ a tela egbundu ya Sethani. I ba he sɔ kɔrɔŋ mu kɔthe kɔlom.
- 25**Kere ara mɔ po thɔ ba-e, wop ri ɔbaksɔr haŋ i der.
- 26**ɔwe mɔ tham-e, ɔwe mɔ wop eyamari e mi haŋ ka ɔthalne, i ti sɔŋ kɔ afɔsɔ rokɔm ka tɔbona be.
- 27**ɔwa ɔ tɔ gbɔka ŋa ɔbaki mɔder rɔ kɔtɔk ka rɔfat, mɔ ma gbɔyis ebɔl rɔ mɔbenkila; hali mɔ mɔ aŋfɔsɔ a mi aŋ yi aŋa i po sɔtho kɔwur ka ɔKas kɔmi.



²⁸Ɔwa i ti soŋ kɔ akɔs ka rɛbɛth.

²⁹Ɔwe ba elɛns ta ɔ tɛl átá ɔYina ɔ pa ka echɔch.

Kaŋaibine 3

¹Gbal ka ɔkɛliane ka aŋchɔch ŋa ro Sadis kɔpa ye. Kɔn ɔwe ba ɛYina tãnthɛderɛŋ ka Kuru dɛ yi atos tãnthɛderɛŋ ɔ pa, I tãrà mãyɔs ma mu tɔ kɛyi mɛ ba ŋes kɔpa mɛ yi ukɛli, kɛrɛ mɛ yi ufi.

²Bumne, ɔwa baksɛr mătáy ama tiyá, ama yema tɔ kɛfi; kotáy-e i fir hɛ mapanth ma mu mɛgbenthis rodi ka ɔKuru kãmi.

³Tiyãŋ nanɛ to mɛ po sothɔ dɛ yi to mɛ po tɛl. Ba ti ro mera, ɔwa thupi thɔŋ. Bepi mɛ bumne hɛ-e, i ti der do rɔmu mɛ ukey, ɔwa mɛ gbɛli hɛ tãrà aŋlɔkɔ mɛ i der tɔ kɛthoŋkas mu.

⁴Kɛrɛ mɛ ba afɛm athãn hali ro Sadis aŋa te tha nɔkɔs ásuma taŋ; ɔwa aŋ tɔ koth yi minɛŋ rɔ suma tɛfera, kotáy-e aŋ yi abeki.

⁵Ɔwe mɛ tham-e a tɔ lonsir kɔ suma tɛfera, ɔwa i ba hɛ kɛnasi áŋes ŋɔŋ kɛwur ka ákáfá ka áŋesɛm, kɛrɛ i ti gbithane áŋes ŋɔŋ rodi ka ɔKas kãmi dɛ yi ka aŋmáleka ŋɔŋ.

⁶Ɔwe ba elɛns ta ɔ tɛl átá ɔYina ɔ pa ka echɔch.

⁷Gbal ka ɔkɛliane ka aŋchɔch ŋa ro Filadelfiya kɔpa ye, Ɔwe yi usɛm yi utɛtɛŋ, ɔwe ba masapɔ ma Debid, ɔwe mɛ kanthi, ɔwa wuni o wuni ɔ gbɛli hɛ kantha, kɔ kál kantha, ɔwa wuni o wuni ɔ gbɛli hɛ kanthi; ɔkati ɔ pa,

⁸I tãrà mãyɔs ma mu. Kɛla i po tɛmɛr kɛdare kɛkanthe rodi ka mu, áke wuni o wuni ɔ gbɛli hɛ kantha; kotáy-e mɛ ba afɔsɔ athãn, ɔwa mɛ po thɔŋ wop árim ra mi, mɛ pɛnsa hɛ áŋes a mi.

⁹I ti yɔ ŋaŋ aŋa yi ka áŋseth agbane ŋa Sethani, aŋa telane a Yuda, kɛrɛ aŋ yi hɛ, aŋ yema gbo; i ti yɔ kãmá aŋ der sanɛ ka átatɛk ta mu, kãmá aŋ tãrà kɔpa i po bothɛr mu.

¹⁰Kãbi munɔ mɛ po bene árim ra mi-e, tãsom mine sɔ i ti bene mu ka aŋlɔkɔ ŋa kamemɛr aŋa mɛ der ka ádãru bɛ tɔ kɛmɛm aŋfɛm nɔru.

¹¹Ɔwa i ti der lɛmp; wop ɔbaksɛr ara mɛ ba, kãmá wuni o wuni ɔ te nɔy áŋniyɔ a mu.

¹²Kɔn ɔwe mɛ tham-e, i ti yɔ kãmá ɔ yi akɛr ka áŋseth ŋa ɔKuru kãmi, ɔ ba hɛ sɔ tɔ kɛwur ri. Ɔwa i ti gbal áŋes ŋa ɔKuru kãmi rokɔm kɔŋ, dɛ yi áŋes ŋa kãpet ka ɔKuru kãmi, áke yi mɔ Yerusalem kɛfu, áke thor kɛwur ro riyana kɛwur ka ɔKuru kãmi; ɔwa i ti kál gbal áŋes a mi afu ri.

¹³Ɔwe ba elɛns ta ɔ tɛl átá ɔYina ɔ pa ka echɔch.

¹⁴Gbal ka ɔkɛliane ka aŋchɔch ŋa ro La-odishiya kɔpa ye, Ásim ta ɔwe yi ɔSeri utɛtɛŋ, ɔTɛpi ka eyet ɛbɛmpa ya Kuru, ti áte.



- ¹⁵I tārà máyos ma mu kəpa ye, mə yi hē utāŋk, mə yi hē ufey. I yema naŋ mə yi utāŋk yel thaləm ufey tuk.
- ¹⁶Tiyāŋ pəkasiŋe mə yi gbo mun pəmla-e, mə yi hē ufey thaləm utāŋk-e, i ti thuf mu kəwur ka kāsəŋ kāmī.
- ¹⁷kotāy-e mə pa, Min yola, i ba emunafa-e, əwa i paŋ hē rəka o rəka; kere mə tē hē ti kəpa mun mənə-o, mun fith-o, mun nəsine-o, mun tiŋ tal.
- ¹⁸Tiyāŋ i maŋ mu tē kəwair mi mábəŋə ama a po mem ka anant kāmá mə yi uyola, de yi suma təfera tē kəwəŋ, kāmá málap ma ratiŋ ra mu rə te tərine; əwa sop sə efər ε mu yi atəl asop, kāmá mə gbəli nənk.
- ¹⁹I ŋal ŋa be aŋa i bəthər, əwa i sirans ŋa sə; tiyāŋ ta mə yi uyasyas, əwa thupi thəŋ.
- ²⁰Kəla i təmá ka kadare, i gbátgbát. Bepi wuni o wuni ə təl árim ra mi, əwa ə kanthi kadare, i ti wəŋ, i ti di yi kən, de yi kən ə tē di yi mineŋ.
- ²¹Əwe mə tham i ti səŋ kə mamari tē kəyira yi mineŋ ka kawaŋ ka rábáy ra mi, mə mə mine sə i po tham, ka i yirá yi əKas kāmī ka kawaŋ ka rábáy rəŋ.
- ²²Kən əwe ba eləns ta ə təl átá əYina ə pa ka echəch.

Kaŋaibine 4

- ¹Kədarəŋ kati i kəli, ka i nənk kədare kə kanthe ro riyana, əwa árim ara i mətha təl rə báláne mə kəthema áke bə fəfáne mi, kəpa ye, Der ŋat anə, i ti təri mu mātáy ama ba tē kəder.
- ²Ka əlomp wati i lasərne əYina, ka i nənk kawaŋ ka rábáy ro riyana, əwa Wuni kin ə yirá ka kawaŋ kati,
- ³əwa, kən əwe yirá ri-e, ə báláne mə masar ama a tela yaspa de yi asardius; ka abənt afarma aŋ gbətə kawaŋ ka rábáy aŋa báláne mə aŋsar mə a lei emerald.
- ⁴əwa təwaŋ kəgba tanle tē gbətə kawaŋ ka rábáy, ka i nənk abáki kəgba ŋanle aŋ yirá ri-e, aŋ lopra suma təfera, kaŋ sara eniə ya məbəŋə.
- ⁵əwa ənakthine, de yi səŋ, de yi sim tē wur ka kawaŋ ka rábáy, ka təmule tāmthəderəŋ tē mara rodi ka kawaŋ ka rábáy, átá yi mə eyina tāmthəderəŋ ya Kuru Məsaba.
- ⁶əwa kəbaŋ ka ememne mə kristal kə yi rodi ka kawaŋ ka rábáy. əwa əwuka akəli ŋanle aŋ yi kətəŋ ka kawaŋ, de yi ágbáp o gbap ŋa kawaŋ-e, kaŋ la yi efər rodi yi rodarəŋ.
- ⁷əwuka utətəkə ə yi mə ásoyila, əwe beká ŋarəŋ ə yi mə athura, əwe beká asas ə ba der mə wuni, əwa əwe beká ŋanle ə yi mə agboyo ufəl.
- ⁸Ka əwuka ŋanle aŋe aŋ ba kin o kin ekufna tāmthərugin, kaŋ la sə efər rokor-e, əwa pali gbes aŋ fothane hē tē kəpa, Əsəm, əsəm, əsəm, əMarki Kuru ka aŋfəsə be, əwe la yi, əwe yi, de yi əwe ba tē kəder.



⁹Ma ewuka ñanle aŋ sɔŋ ayiki-e, yi kəthəkəs, yi mómó ka ɔwe yirá ka kawaŋ ka rabáy-e, ɔwe yi haŋ thánkàŋ thəbana-e,

¹⁰aŋbáki kəgba ñanle aŋ fumpɔ rodi ka kɔn ɔwe yirá ka kawaŋ ka rabáy-e, ɔwa aŋ thəkəs kɔn ɔwe yi thánkàŋ thəbana, kaŋ fitha eniɔ yaŋ rodi ka kawaŋ-e, kaŋ pa,

¹¹Munɔ ɔMarki Kuru mə yi ubeki tə kəsɔthɔ ayiki, yi kəthəkəs, de yi afɔsɔ; kotáy-e munɔ mə po bempa eyet be, ɔwa salata mabɔne ma mu eyet be e yi, tásom a la bempa yi.

Kaŋaibine 5

¹Ka i nɔnk ka káta kədiɔ ka kɔn ɔwe yirá ka kawaŋ ka rabáy kafa áke a po gbal rokor yi romuth, ka a po mathle ki rə emáthle támthəderəŋ.

²Ka i nɔnk umáleka ubaki məder ɔ tam rə rim rəbana, Kane yi ubeki tə kəkənthe akafa-e, de yi tə kəsım emáthle-e?

³Ka wuni o wuni ɔ yi he ro riyana, thalɔm ka ádàru, thalɔm ka ádàru ratha, ɔwe yi ubeki tə kəkənthe ákáfá, thalɔm tə kəkəli rokor kati.

⁴ɔwa mineŋ i bok kəbok kəbana pəkasife wuni o wuni ɔ yi he ɔwe yi ubeki tə kəkənthe ákáfá thalɔm tə kəkəli ki.

⁵Kere ukin ka aŋbáki ɔ kane mi, Te bok; aŋSoyila ña aŋbɔnshɔ ña Yuda, aŋThəŋk ña Debid, ɔ po tham tə kəkənthe ákáfá, de yi tə kəsım emáthle támthəderəŋ.

⁶Ka i kəli, ɔwa kəlo, kətəŋ ka kawaŋ ka rabáy yi ewuka akəli ñanle, de yi aŋbáki-e, i nɔnk kaLɔme kəfeth ɔ tɔmá, ka pə báláne mə a po fai kə sathka. ɔwa ɔ ba elen támthəderəŋ, de yi efɔr támthəderəŋ, ɔwa eye yi eyina támthəderəŋ ya Kuru eye a po somra ka ádàru be.

⁷kə der, ɔ gbasi ákáfá ka káta kədiɔ ka kɔn ɔwe yirá ka kawaŋ ka rabáy-e,

⁸ɔwa ma ɔ po gbasi akafa-e, ewuka ñanle yi aŋbáki kəgba ñanle aŋ fumpɔ rodi ka káLɔme kəfeth, ukin o kin ɔ ba agbulu, de yi elanka ya mábɔŋɔ el a egbɔŋgbo eye yi mə taramne ta aŋsəm.

⁹kaŋ leŋ aleŋ afu, kəpa, Munɔ mə yi ubeki tə kəgbasi ákáfá, yi tə kəsım emáthle; kotáy-e a po fai mu sathka, ɔwa mə po bani afəm ka Kuru kətəŋáne ka mətir ma mu, pə yi mə-e afəm kəwur kətəŋ ka təkómra, yi tənt, yi afəm, yi təbɔna be.

¹⁰Mə po səki ña rəbáy de yi afode ka ɔKuru kásu; ɔwa aŋ tə gbəka ka ádàru.

¹¹Ka i kəli, ɔwa i təl ásim ta amaleka agbáthi aŋa gbətɔ kawaŋ ka rabáy, yi ewuka akəli ñanle de yi aŋbáki. Amólɔ maŋ mə yi ewul tɔfɔt tətəp ewul tɔfɔt de yi ewul ewul.

¹²kaŋ pa rə rim rəbana, KaLɔme kəfeth ɔwe a fay sathka ɔ yi ubeki tə kəsɔthɔ afɔsɔ, yi rəyola, yi kətemp, yi kətham, yi ayiki, yi kəthəkəs, de yi aruba.



¹³Ka rəka o rəka bε ro riyana, yi ka adaru, yi ratha ka adaru, yi ro ban, de yi koko be ara yi ri, i tel ma an pa-e, Aruba-o, ayiki-o, kathokos-o, de yi anfaso ε yi do rəŋŋ ɔwe yira ka kawaŋ ka rabay, yi ka kaLome kafeth thankan o thankan.

¹⁴Ka ewuka njanle an pa, Amina. Owa anbaki kegba njanle an sane kabatho kon ɔwe ba anesem han thabana.

Kaŋaibine 6

¹Owa i nenk ma kaLome kafeth o sim anmathle atotoko, ka i tela ukin ka ewuka akeli njanle o pa re rim mo reŋ, Der keli.

²Owa i keli, ka i nenk asoy ufera per, ka ɔwe rensa ko o ba abenta; ka a soŋ ko aniyɔ, owa o wur re katham te koko tham.

³Ma o sim anmathle anja beka yerəŋ-e, i tela ɔwuka ukeli ɔwe beka narəŋ o pa, Der keli.

⁴Owa asoy ulom o wur ɔwe yi uyim, ka a soŋ ɔwe rensa ko afoso te kenci methofel ka adaru, kamā afem an difthane; ka a soŋ ko agbatho abana.

⁵Ma o sim anmathle anja beka esas-e, i tela ɔwuka ukeli ɔwe beka asas o pa, Der keli. Owa ma i keli i nenk asoy ubi, owa ɔwe rensa ko-e o ba athuntha ka kata koŋ.

⁶Ka i tel rim ketəŋ ka ewuka njanle re pa, Athunth nin na awit ta asiliŋ-e, de yi kethunth masas ka pabali ta asiliŋ. Owa te leser amaro thalom mowain.

⁷Owa ma o sim anmathle anja beka yanle-e, i tel arim ra ɔwuka ukeli ɔwe beka njanle o pa, Der keli.

⁸Ka i keli, owa i nenk asoy afera per; anes na ɔwe rensa ko an yi Rəfi, de yi Kərəfi ke tan ko. Owa a soŋ na afoso rokom ka agbap nin na egbap yanle ya adaru te kadif re agbatho yi dor, de yi rəfi, re tasem aban an ro kanth.

⁹Ma o sim anmathle anja beka tamath-e, i nenk roratha ka anbase enesem ya nan anja a po dif salata arim ra Kuru, yi ta maseri ama an po soŋ.

¹⁰kaŋ gbelegbele an pa, OMariki usəm, de yi utəteŋ, to pe ba te kawon so-e yenka me thonkas te kekala matir ma su ka nan anja yi ka adaru-e?

¹¹Owa a soŋ kin o kin ka nan ruma refera, ka a kanε na kamā an muyu ras ta aloko agbut, han a dif ankas re yi anwont nan mo me a po dif na gben-e, kamā a laser amolo man.

¹²Ka i keli ma o sim anmathle anja beka tamtherukin, owa kela, ketən kabana ka anthof ke yi; aret re biya thi mo aforo akur, de yi anof afera an yimera mo matir.

¹³Owa atos ta kariyana te fumpo ka anthof mo me makomi mafeth ma angbono gbono ma me konā ma kenkel kabana ke yinktha ma.



¹⁴Ka ákariyana kə thas mə mə a kump areka; ɔwa kəteŋ o kəteŋ de yi ayel o yel ε tɔne ka ɔder wati.

¹⁵Ka áŋlɔkɔ ŋati aŋbáy ŋa ádáru-o, yi aŋfəm abana-o, aŋyola-o, aŋkɛlfa abana-o, aŋfəm ŋa afɔsɔ-o, antar-o yi aŋwuth a kom-o, ŋa be aŋ maŋkne ka tayaŋka de yi ka egbalaŋ ya táteŋ.

¹⁶kaŋ pa ka táteŋ de yi ka egbalaŋ-e, Fumpər su kámá nə maŋk su ka efɔr ya kɔn ɔwe yirá ka kawaŋ ka rábáy, de yi ka rabaŋ da kaLɔme kəfeth.

¹⁷kotáy-e aŋrey abana ŋa rabaŋ dɔŋ aŋ bek; ɔwa kanε gbəli tɔmá rodi kati-e?

Kaŋaibine 7

¹Kɔdarəŋ ka mātáy ame-e, i nənk amaleka ŋanle aŋ bɔ tɔmá ka ekɔŋ yanle ya ádáru, tɔ kəwop efef yanle ya ádáru, kámá afef o fef aŋ te feŋ ka áŋthɔf thalɔm ro bány, ta a pa ras ka ŋənt o ŋənt.

²ɔwa i nənk umáleka ulɔm ɔ ŋat kəwur rothɔrəŋ, kɔ ba áŋmáthle ŋa ɔKuru ukəli; ɔ tela rɔ rim rəbana ka aŋmáleka ŋanle aŋa po sɔthɔ afɔsɔ tɔ kələsər áŋthɔf yi kábány.

³Kɔ pa, Te nu ləsər áŋthɔf, thalɔm kábány, thalɔm eyint haŋ sɔ po mathle ebɔy ya ɔKuru kásu ka mabuŋ maŋ.

⁴ɔwa i təl amɔlɔ ma kagbath ka ŋaŋ aŋa a po mathle; aŋ mathle ewul keme kin ewul tɔgba tərəŋ yi ewul yanle ka ebɔnsəŋ be ya Isrəl.

⁵Ka áŋbɔnshɔ ŋa Yuda aŋ mathle ewul tɔfɔt yerəŋ. Ka áŋbɔnshɔ ŋa Ruben aŋ máthle ewul tɔfɔt yerəŋ. Ka áŋbɔnshɔ ŋa Kad aŋ mathle ewul tɔfɔt yerəŋ.

⁶Ka áŋbɔnshɔ ŋa Asar aŋ mathle ewul tɔfɔt yerəŋ. Ka áŋbɔnshɔ ŋa Nafthali aŋ mathle ewul tɔfɔt yerəŋ. Ka áŋbɔnshɔ ŋa Menasi aŋ mathle ewul tɔfɔt yerəŋ.

⁷Ka áŋbɔnshɔ ŋa Simiyɔn aŋ mathle ewul tɔfɔt yerəŋ. Ka áŋbɔnshɔ ŋa Libay aŋ mathle ewul tɔfɔt yerəŋ. Ka áŋbɔnshɔ ŋa Isakar aŋ mathle ewul tɔfɔt yerəŋ.

⁸Ka áŋbɔnshɔ ŋa Sebulɔn aŋ mathle ewul tɔfɔt yerəŋ. Ka áŋbɔnshɔ ŋa Yosef aŋ mathle ewul tɔfɔt yerəŋ. Ka áŋbɔnshɔ ŋa Benyamin aŋ mathle ewul tɔfɔt yerəŋ.

⁹Kɔdarəŋ kati, i nənk runiya rəbana ara wuni ɔ gbəli he lɔm kəwur ka tɔbona be, yi ka ebɔnsəŋ be, yi ka afəm o afəm, de yi kənt o kənt, aŋ tɔmá rodi ka kawaŋ ka rábáy, de yi rodi ka kaLɔme kəfeth, kaŋ lopra suma tɔfera, kaŋ wop erəŋkɔ ka máta maŋ.

¹⁰kaŋ ŋata sim gbaŋkəlo, aŋ pa, Kakisi kə yi ka ɔKuru kásu ɔwe yirá ka kawaŋ ka rábáy, de yi ka kaLɔme kəfeth.

¹¹Ka aŋmáleka be aŋ tɔmá kəgbɔtɔ kawaŋ ka rábáy, yi aŋbáki de yi ewuka akəli ŋanle; ɔwa aŋ fumpɔ ka aser taŋ rodi ka kawaŋ ka rábáy, kaŋ thəkəs Kuru Məsaba.

¹²Kaŋ pa, Amina; aruba, yi kəthəkəs, yi kətemp, yi mɔmɔ, yi ayiki, yi afɔsɔ, yi kəgbəli táy ε yi ka ɔKuru kásu thánkəŋ thəbana. Amina.



¹³Ɔwa ubaki ukin ɔ yif mi, Kanɛ yi aɲfɛm aɲɛ aɲa lopra suma tɛfɛra-e, ɔwa reke aɲ wur-e?

¹⁴Ka i pa do rɔɲɔɲ, “Pa, munɔ tɔrɔ.” Kɔ kɔl kanɛ mi hɔ, “Aɲɛ-e, aɲ wur ka ansɔmpɛnɛ abana, kaɲ po yak ɔsuma taɲ, ɔwa aɲ po fɛthɛr ti ka mɔtir ma kaLɔmɛ kɛfɛth.

¹⁵Tiyɔɲ aɲ yi rodi ka kawaɲ ka rɔbɔy ra Kuru, kaɲ bɔtho kɔ pali gbɛs-ɔɲ ka ɲɲseth ɲa Kuru; ɔwa kɔn ɔwe yirɔ ka kawaɲ-e, ɔ tɔ fɔlnɛ ɲa.

¹⁶Dor yi rɛmun rɔ wop hɛ ɲa sɔ thɔnkɔɲ, ɔwa aret, thalɔm ɔfey usɔnk ɛ sɔmpa hɛ ɲa.

¹⁷Kotɔy-e kaLɔmɛ kɛfɛth ɔwe tɔmɔ rodi ka kawaɲ ka rɔbɔy ɔ tɔ yi utɔl ka ɲaɲ, ɔ tɔ kɔtha ɲa ka tɔfɔr ta mɔnt ma aɲɛsɔm; ɔwa Kuru ɔ tɔ nasi ɔmɔntɛr bɛ ka ɛfɔr yaɲ.”

Kaɲaibine 8

¹Ma kaLɔmɛ kɛfɛth ɔ po kanthi ɲɲmɔthlɛ aɲa bekɔ tamthɛdɛrɔɲ-e, pɔ taɲk yɛɲ ro riyana ta ahawa ratɔɲ.

²Ɔwa i nɔnk ɲɲmɔleka tɔmthɛdɛrɔɲ aɲa tɔmɔ rodi ka Kuru, ka a sɔɲ ɲa tɔthɛma tɔmthɛdɛrɔɲ.

³Ka umɔleka ulɔm ɔ der kɔ tɔmɔ ka ɲɲbɛsɛ, ɔ wop alaɲka ɲa mɔbɔɲɔ; ɔwa a sɔɲ kɔ agbɔɲgbɔ afɔlfɔl agbɔthi kɔmɔ ɔ kulunɛ ɲi yi taramnɛ ta aɲfɛm asɔm bɛ rokɔm ka ɲɲbɛsɛ ɲa mɔbɔɲɔ aɲa yi rodi ka kawaɲ ka rɔbɔy.

⁴Ɔwa akimɔ ka ɲɲgbɔɲgbɔ kɔ ɲat rodi ka Kuru rɛ yi taramnɛ ta aɲfɛm ɲɔɲ asɔm kɔwɛr ka kɔta ka umɔleka.

⁵Ka ɔmaleka ɔwe ɔ gbasi ɲɲlaka, kɔ lasɔr ɲi yi nɔnt na ɲɲbɛsɛ, kɔ kus ni ka ɔdɔru. Ɔwa sim tɔ wur, yi sɛɲ, yi ɔnakthine ɔbana, ka ɲɲthɔf aɲ tɔn gbɔr.

⁶Ka ɲɲmɔleka tɔmthɛdɛrɔɲ aɲa ba tɔthɛma tɔmthɛdɛrɔɲ aɲ bɛnɛnɛ tɔ kɛfɛɲ.

⁷Ɔmaleka utɔtɔkɔ ɔ fɛɲ, ka kɔm kɔtɔs yi nɔnt nɔkulunɛ yi mɔtir, ɛ thɔr ka ɔdɔru, ka ɔgbɔp ɲin ɲa ɛgbɔp ɛsas ya ɔdɔru, dɛ yi ɔgbɔp ɲin ɲa ɛgbɔp ɛsas ya yint ɛ fey, ɔwa akɛrɛɲ kɔɲɛsɛɲ bɛ kɔ fey.

⁸Ɔmaleka ɔwe bekɔ ɲarɔɲ ɔ fɛɲ; ka pɔ bɔlɔnɛ mɔ-e kɔtɛɲ kɔbana, ɔkɛ mara rɛ yi nɔnt, a fitha ki ro bɔɲ ratɔɲ; ka ɔgbɔp ɲin ɲa ɛgbɔp ɛsas ya kɔbɔɲ kɔbana aɲ sɔkɛ mɔtir.

⁹Ka ɔgbɔp ɲin ɲa ɛgbɔp ɛsas ya ɛyɛt ɛtɔpi ɛyɛ ba aɲɛsɔm ro bɔɲ, aɲ fi. Ɔwa sɔ-e, ɔgbɔp ɲin ɲa ɛgbɔp ɛsas ya tɔbil aɲ dine.

¹⁰Ɔmaleka ɔwe bekɔ asas ɔ fɛɲ; ka akɔs kɔbana kɔ fumpɔ kɔwɛr ka kɔriyana, kɔ mara mɔ kule, ɔwa kɔ fumpɔ ka ɔgbɔp ɲin ɲa ɛgbɔp ɛsas ya tabɔɲ dɛ yi tafɔr ta mɔnt.

¹¹Aɲɛs ɲa akɔs aɲ yi Rɔɲkɔth; ka ɔgbɔp ɲin ɲa ɛgbɔp ɛsas ya ɔmɔnt mɔ sɔkɛ mɔrɔɲkɔth; ɔwa afɛm alai aɲ fi maɲ mun ɔmɔnt mati, pɔkasifɛ a po rɔɲkɔthɔs ma.



¹²Omaleka owe bekà ñanle ɔ feŋ, ka aranka aŋ fumpɔ ka ágbáp ñin ña egbap esas ya aret, yi ágbáp ñin ña egbap esas ya aŋof, de yi ágbáp ñin ña egbap esas ya atɔs; kámá ágbáp ñin ña egbap esas yati ε biyá, pə yi rəyaŋ-o, thalɔm táták.

¹³Ka áŋlɔkɔ ñati i kəli, ka i nənɔk agboyo ɔ fal ka kəriyana kɔ fɔf rə rim rəbana, Mɔnɛ-o, mɔnɛ-o, mɔnɛ-o ta aŋfəm aŋa yi ka ádàru asabu ña ásim ta tathema ta aŋmáleka asas aŋa ba ras tɔ kəfeŋ!

Kaŋaibine 9

¹Ka omaleka owe bekà tamath ɔ feŋ; ɔwa i nənɔk kɔs kɔwur ka kəriyana kɔ fumpɔ ka ádàru; ka a sɔŋ kɔ aŋsapɔ ña áŋbi aŋa te ba ɔthalnɛ.

²ɔwa ɔ kanthi áŋbi aŋa te ba ɔthalnɛ, ka kima kɔ wur ka áŋbi mɔ akimɔ ka nánt nəsank nə bana; ɔwa aret de yi aŋfena ε suma salata akimɔ áke wur ka áŋbi.

³Ka elama aŋ wur ka akimɔ ka áŋthɔf, ka a sɔŋ ña afɔsɔ mɔ aŋfɔsɔ ña tulis ta ádàru.

⁴Ka a yamari ña kámá aŋ te ləsər akereŋ ka áŋthɔf thalɔm eyet etep, thalɔm ñənt ɔ ñənt; thambe aŋfəm son aŋa te ba áŋmáthle ña Kuru ka mabuŋ maŋ.

⁵Aŋ yi hɛ tɔ kədif ña, kere aŋ yi tɔ kəgbaŋar ña rə kəsɔmpa kəbana ta yof tamath; ɔwa ɔbaŋ wati ɔ yi mɔ ɔbaŋ wa kulis ma ɔ ta wuni.

⁶Ka marei ame afəm aŋ tɔ thens rəfi, kere aŋ ba hɛ kəfir ri; aŋ tɔ fela tɔ kəfi, kere rəfi rə tɔ gbuke ña.

⁷ɔwa elama aŋ báláne mɔ təsoy aŋa yi abenene tɔ kətim rəfa; ka tabomp taŋ aŋ ba eye báláne mɔ eniɔ ya məbɔŋɔ, ɔwa aser taŋ tɔ yi mɔ aser ta afəm.

⁸Aŋ ba afon mɔ aŋfon ña afəm abom, ɔwa esek yaŋ ε yi mɔ esek ya tásɔyila.

⁹kaŋ ba suma ta ro kəpəth-e, mɔ suma ta rəfat. Áŋsɔnkɔ ña ekufna yaŋ aŋ yi mɔ áŋsɔnkɔ ña etariyɔt eye təsoy təgbáthi maŋ gbukene rə kəgbaŋ tɔ kətim rəfa.

¹⁰Aŋ ba tələŋa mɔ tulis, yi esos sɔ; ɔwa aŋfɔsɔ a ñaŋ tɔ kəsɔmpar afəm ta yof tamath aŋ yi ka taləŋa taŋ.

¹¹Elama aŋe aŋ ba ubáy owe yi mɔ-e omaleka ka áŋbi aŋa te ba ɔthalnɛ, ɔwa áŋes ñəŋ ka kəHibru aŋ yi Abadɔn, kere ka kəKrik a tela kɔ Apɔliyɔn.

¹²Áŋthəlɔr átɔtɔkɔ aŋ po thas; kəla, yerəŋ ras yá mɔ derəŋ sɔ.

¹³Ka omaleka owe bekà tamthərugin ɔ feŋ, ɔwa i tɔlá rim rə wur ka talen tanle ta áŋbese ña məbɔŋɔ rodi ka Kuru,

¹⁴rə pa ka omaleka owe bekà tamthərugin owe ba kathema, Səli aŋmáleka ñanle aŋa a po sek rayer ka kábəŋ kəbana mɔ a tela Ufretis.

¹⁵ɔwa aŋ səli aŋmáleka ñanle aŋa a po bene ta aŋwakathi yi ta áŋrey, yi ta aŋof, yi ta kären kati gbəŋ, kámá aŋ dif ágbáp ñin ña egbap esas ya afəm a kəpet.



¹⁶Amóló ma atobali ta tásoy mə yi ewul tófót tətəp ewul tófót haŋ kətəma mārəŋ. I təl amóló maŋ.

¹⁷Yaŋ i nənk tasoy ka mánənk mámi. Đaŋ aŋa rensa ŋa-e, aŋ ba suma ta rəfát ka ekəpət yaŋ áte báláne mə nánt yi asafayir, yi ásólfó. Ówa tabomp ta tasoy tə yi mə tabomp ta tásóyila, ówa nánt yi kimó-e, de yi ásólfó ε wur ka tásəŋ taŋ.

¹⁸Ka eyet ethálər esas eye a dif ágbáp ŋin ŋa egbap esas ya afəm, pə yi mə-e ka nant-e, ka akimó-e, de yi ka ásólfó eye wur ka tasəŋ taŋ.

¹⁹Átesoma-e, aŋfósó ŋa tasoy aŋ yi ka tasəŋ, de yi ka taleŋa taŋ, kotáy-e taleŋa taŋ tə yi mə ebok, ówa aŋ yó óbaŋ re tabomp taŋ.

²⁰Aŋfəm a kəpet alóm aŋa te fi ka efithina eye, aŋ thupi he ka eyet eye aŋ po bəmpane ka máta maŋ, ówa aŋ gbape he kabátho ka aŋkərəfi, yi erəŋ ya məbəŋó, yi akala áferá, yi akem, yi ásar, de yi kənt, eye te gbəli nənk thalóm ε təl, thalóm ε koth.

²¹Aŋ thupi he ras ta mádif maŋ, thalóm ta máthupəs maŋ, thalóm ta marəp maŋ, ta a pa ras ta takey taŋ.

Kaŋaibine 10

¹Ka i nənk umáleka ulóm ubaki məder ó thor kəwur ro riyana, kə lopra kuru kəfera; abənta afarma aŋ rensa rábomp rəŋ, ka ader rəŋ rə yi mə aret, ówa átátək təŋ tə yi mə məkər ma nánt.

²Ó ba kafa kəlól kəkanthe ka káta kəŋ, ówa ó təmər kátək kəŋ kədiyó ka kabaŋ-e, yi kátək kəŋ kəmeró ka aŋgbaŋ,

³kə tela rə rim rəninis, mə má aŋsəyila mə ŋəra, ówa ma ó gbelegbele-e, səŋ támthəderəŋ tə gbəŋ.

⁴Ówa ma asəŋ támthəderəŋ tə po gbəŋ-e, i bun gbal, kere i təl rim rə wur ro riyana rə pa do rəmi, Máthle tápa átá asəŋ támthəderəŋ tə po lóm-e, te gbal ti.

⁵Ka ómaleka ówe i nənk ó təmá ka kábəŋ yi ka aŋgbaŋ-e, ó ŋata káta kəŋ kədió ka kəriyana,

⁶kə gbíŋ ka kəŋ ówe yi thánkəŋ thəbana, ówe təpi ákəriyana yi eyet be eye yi ri, de yi ádáru yi eyet be eye yi ri, de yi kábəŋ yi eyet be eye yi ri, kəpa hó, kəkar kə ba he sə kə yi.

⁷Kere ka marey mati ma ómaleka ówe beká támthəderəŋ ó təp kəfəŋ-e, aŋgbundu ŋa Kuru aŋ tə lasər móló ma ó po təri ebóy yóŋ Aŋnəbi thəpaŋ.

⁸Ka árim ara i la təl kəwur ro riyana rə kál sə fəfáne mi, rə pa, Kə gbasi ákáfá kəlól kəkanthe áke yi ka káta ka ómaleka ówe təmá ka kábəŋ de yi ka aŋgbaŋ.



⁹Tiyān i kōne ka ɔmaleka, ka i kanɛ kɔ kɔpa, Sɔn mi akāfā kəlɔl. Ɔ kanɛ mi, Gbasi ki, ɔwa di ki bɛ; kɔ tɔ yɔ akor ka mu kɔ yi kəronkəth, kere ka kəsəŋ ka mu kɔ tɔ yi kəbɔthi mɔ rəmay.

¹⁰Ka i gbasi akāfā kəlɔl ka kاتا ka ɔmaleka, ka i di ki tɛf; ɔwa kɔ yi ka kəsəŋ kāmī mɔ rəmay, kere ma i po mer ki-e, kɔ yi kəronkəth rokor kāmī.

¹¹Ɔwa ɔ kanɛ mi, Munɔ mɔ ba tɔ kənabi salata afəm agbāthi, yi ta tabona-e, ta tənt-e, yi ta abāy agbāthi.

Kaŋaibine 11

¹Ɔwa a sɔn mi kənt kəthuntha; ka ɔmaleka ɔ tɔmā, kɔ pa, Yokanɛ mɔ thunth aŋseth ŋa Kuru, dɛ yi aŋbɛsɛ, ɔwa lɔm aŋfəm aŋa ramnɛ ri.

²Kere te thunth aŋkunk rokaŋ ka aŋseth ŋa Kuru, pəkasife a po sɔn ŋi ka tábona təlɔm; ɔwa aŋ tɔ nas nas kápet kəsəm ta yof tɔgba tərəŋ yerəŋ.

³Ɔwa i ti sɔn afɔsɔ ka maseri ma mi ŋarəŋ, kāmā aŋ nābi mərəy awul ŋin tɛmɛ tərəŋ dɛ yi tɔgba tɔsas, dɛ yi aŋ tɔ lopra kotha kənethɛ.

⁴Maseri aŋe aŋ yi mɔ-e yint ya aŋ ɔlif yerəŋ, dɛ yi tamulɛ tərəŋ eyɛ tɔmā rodi ka ɔKuru ka ádāru.

⁵Ɔwa bepi wuni o wuni ɔ yema yɔ ŋa ɔbaŋ-e, nānt nɔ tɔ wur ka tasəŋ taŋ tɔ kələsər antheranɛ ŋaŋ; tiyān bepi wuni o wuni ɔ yema yɔ ŋa ɔbaŋ-e, ya ɔ ba tɔ kəfi.

⁶Aŋfəm ŋarəŋ aŋe aŋ ba afɔsɔ tɔ kəkantha ákuru kāmā kɔm kɔ te thuf ka marei ma kanabi ka ŋaŋ; ka aŋ ba afɔsɔ sɔ tɔ kəsəki mánt mətir, dɛ yi tɔ kəsɔmpar ádāru rɔ efithina egbanthɛ gbanthɛ mɔ mɔ aŋ yema.

⁷Maŋ pons maseri maŋ-e, ɔsem ubaŋ ɔwe wur ka aŋbi aŋa te ba ɔthalnɛ-e, ɔ tɔ tim ŋa, ɔwa ɔ tɔ tham ŋa, kɔ tɔ kál dif ŋa.

⁸Ɔwa tabel taŋ tɔ tɔ fənthá ka aroŋ ka kápet kəbana (áke yi ro Yina mɔ Sɔdɔm dɛ yi Iyipt), ro a táŋ sɔ ɔMarki ka ŋaŋ ka akənt kəpəŋkinɛ.

⁹Ɔwa kəwur ka aŋfəm, yi ebɔnsəŋ, yi tənt, dɛ yi tábona bɛ, aŋ tɔ kəli tabel taŋ ta mərəy məsas ratəŋ, ɔwa aŋ selɔ hɛ a maŋk ŋa.

¹⁰Ɔwa aŋfəm nɔru aŋ tɔ yasanɛ məbɔnɛ, aŋ tɔ kál sel, ɔwa aŋ tɔ somra eboya ukin ka ulɔm, pəkasife Aŋnābi ŋarəŋ aŋe aŋ la sɔmpar ŋaŋ aŋa yi nɔru.

¹¹Kere kədarəŋ ka mərəy məsas ratəŋ-e, ɔYina ka aŋesəm ŋa Kuru ɔ wəŋ ŋa, kaŋ tɔmā ka tatək taŋ; ɔwa rənes rəbana rɔ wop ŋa aŋa nənk ŋa.

¹²kaŋ tɔlā rim rəbana rɔ wur ro riyana rɔ kanɛ ŋa, Der gbep nu nɔ-əŋ. Kaŋ ŋat rokɔm ka kuru kəfɛra, ka antheranɛ a ŋaŋ aŋ nənk ŋa maŋ kɔnɛ.



¹³Ka ànlòkò ñati gbeṅ-e, àṅthof an tən kətən kəbana, ɔwa àgbàp ñin ka egbap tɔfɔt ya kàpet kə ləsà, ka afəm ewul tàmthəderəṅ aṅ fi ka katən kati; ka aṅdònke aṅa tiyà aṅ nesa, ɔwa aṅ sɔṅ ayiki ka Kuru ka àriyana.

¹⁴Anthalər aṅa bekà yerəṅ aṅ po thas. Kəla aṅa bekà esas ṅə mə derəṅ ləmp.

¹⁵ɔmaleka ɔwe bekà tàmthəderəṅ ɔ fəṅ, ka sim təbana tə yi ro riyana àtə pa, Tabày ta àdàru are tə po səkə rābày ra ɔMarki kàsú, de yi ɔKrayst kəṅ. ɔwa kənɔ ba kəgbəka thànkàṅ o thànkàṅ.

¹⁶Ka aṅbàki kəgba ṅanlɛ aṅa yirà ka tawaṅ taṅ rodi ka Kuru-e, aṅ fumpɔ ka aser taṅ, kaṅ thəkəs Kuru,

¹⁷aṅ pa, Sə mómɔ mu, ɔMarki Kuru ka afɔsɔ bɛ, ɔwe yi, ɔwe la yi, de yi ɔwe yi tə kəder; pəkasi fɛ mə po gbasi aṅfɔsɔ a mu abana, ɔwa mə po gbəka.

¹⁸ɔwa tábona tə bansà, kərə rabaṅ da mu rə der; de yi ànlòkò tə kəthoṅkas aṅfi-e, tə kəsəṅ àṅrām ka ɛbɔy ɛ mu Aṅnàbi, yi ka aṅfəm ṅa Kraystàṅ, yi ka ṅaṅ aṅa nesa àṅes a mu-e, aṅlɔl de yi aṅbana. ɔwa ànlòkò aṅ der sɔ tə kələsər ṅaṅ aṅa ləsər àdàru.

¹⁹Ka a kanthi àṅseth ṅa Kuru ro riyana, ka a nənki ri akuma kəsəm ka aṅlemrane ṅoṅ; ɔwa ɔnakthine ɔ yi ri de yi sim, yi seṅ, yi kətən, de yi kəm kətəs kəbana.

Kaṅaibine 12

¹Ka a nənki àtày təkabane təbana ka àkàriyana, mə wuni bom ɔ lopra aret, ɔwa aṅof aṅ yi ka tatək təṅ ratha, kə sara àniyɔ ṅa təs tɔfɔt tərəṅ.

²Mə mə yi ka akənt ka kəkom-e, ɔ kulɔ ka ɔbaṅ wati.

³Ka àtày təkabane təlóm tə tərine ka àkàriyana; kəla aninṅinanka ubana uyim, ɔwe ba təbomp tàmthəderəṅ yi tələn tɔfɔt, de yi eniɔ tàmthəderəṅ ka tábomp təṅ.

⁴Ka aṅleṅa ṅoṅ aṅ liṅ àgbàp ñin ka egbap esas ya atəs ta kàriyana, kə fitha ti ka àdàru. ɔwa àṅninkinanka ɔ təmà rodi ka ɔwuni bom ma ɔ yi ka kəkom-e, tə kəsəm ɔwan kəṅ ka ɔlemp ma a po kom kə-e.

⁵kə kom wath runi ɔwe yi tə kəgbəka tábona seṅk rɛ kətək ka rəfat, ka a səmpi ɔwan kəṅ ləɔ, kəṅata kə rokəm kəkò ka Kuru de yi ka kawaṅ kəṅ ka rābày.

⁶Ka ɔwuni bom ɔ gbukɛ ro wula ro Kuru ɔ bəmpane kə der, kāmà a wənthər kə ri mərey awul ṅin tɛmɛ tərəṅ de yi mərey təgba təsas.

⁷ɔwa rəfà rə wəṅ ka àkàriyana; Maykəl yi aṅmàleka ṅoṅ aṅ tim àṅninkinanka; ka àṅninkinanka de yi aṅmàleka ṅoṅ aṅ tim sɔ.

⁸Kərə aṅ thamrɔ, ɔwa aṅ ba hɛ sɔ məyira ro riyana.

⁹Ka a wurɔ àṅninkinanka ubana, pə yi mə aṅbok ukur ɔwe a tela ɔkərəfi de yi Sethani, ɔwe təns àdàru bɛ. Ka a fitha kə ka àdàru de yi aṅmàleka ṅoṅ sɔ.



¹⁰Ka i tɛlɛ rim rɛbana ro riyana rɛ pa, Kakisi, yi aɲfɔsɔ, yi rɛbɔy ra ɔKuru kɛsu rɛ po der, yi aɲfɔsɔ ɲa kagbɛka ka ɔKrayst kɔɲ; kotɔy-e a po wurɔ ɔkanɛ ɔwe mɛ kanɛne aɲwɔnt su pali gbɛs rodi ka ɔKuru kɛsu.

¹¹Kɛrɛ aɲ tham kɔ ka mɛtir ma kaLɔmɛ kɛfɛth, yi ka ɛrim ra maseri maɲ; ɔwa aɲ sɔnd ɛɲɛsɛm yaɲ haɲ ka rɛfi.

¹²Tiyɔɲ ba mɛbɔnɛ munɔ kɛriyana, dɛ yi naɲ sɔ aɲa yirɛ ri. Sɛkɛ nu-o, naɲ aɲa yi ka ɛdɛru, dɛ yi ka kɛbɔɲ kɛbana; pɛkasifɛ Sethani ɔ po thor do rɔnu, ɔwa ɔ ba rɛbɔɲ rɛbana, kotɔy-e ɔ tɛrɛ kɛpa ɔ ba gbo alɔkɔ agbut.

¹³ɔwa ma ɛɲɲinkinanka ɔ nɛnk kɛpa a thora kɔ ka ɛdɛru-e ɔ sɔmpar ɔwuni bom ɔwe kom ɔwath runi.

¹⁴Ka a sɔɲ ɔwuni bom ɛkufna yerɛɲ ya aɲgboyɔ ubana kɛmɛ ɔ gbɛli fal ka ɔder wɔɲ ro wula, ro a kɛliane kɔ ta alɔkɔ, rɛ ɛlɔkɔ, rɛ ɛlɔkɔ ɛkɛthɛɲ kɛwur ka kɛbɛpɛranɛ ka ɛɲbok ubana.

¹⁵Ka ɛɲbok ɔ thuf mɛnt kɛwur ka kɛsɛɲ kɔɲ mɔ mɛnt mɛfɔl kɛtaɲ ɔwuni bom kɛmɛ ɔ dim kɔ ka mɛgbonthoni mati.

¹⁶Kɛrɛ ɛɲthɔf aɲ dɛ mar ɔwuni bom, ka ɛɲthɔf aɲ kanthɛ, aɲ mer kɛbɔɲ ka ɛmɛnt ɛkɛ ɛɲɲinkinanka ɔ thuf kɛwur ka kɛsɛɲ kɔɲ.

¹⁷Ka ɛɲɲinkinanka ɔ ba rɛbɔɲ rɛbana kɛɲamɲɛ ɔwuni bom, kɔ bɔnɛ tɛ kɛtim aɲwuth ɲɔɲ alɔm, aɲa bɛnɛ ɛyamari ya Kuru, dɛ yi aɲa wop maseri ma Yisɔs Krayst.

Kaɲaibinɛ 13

¹Ka i tɛmɛ ka kasɛnt ka ro bɔɲ dayɛr, ka i nɛnk usɛm utuy tɛy, ɔ wur ka kɛbɔɲ, ɔ ba tɛbomp tɛmthɛdɛrɛɲ yi ɛlɛn tɛfɔt, ka ɛniyɔ tɛfɔt ɛ yi ka ɛlɛn yɔɲ, ɔwa ka tabomp tɔɲ a gbal mes ma kɛfofiya Kuru.

²ɔsɛm ɔwe i nɛnk ɔ yi mɔ usip, ka tatɛk tɔɲ tɛ yi mɔ tatɛk ta kɛthɔlu, ɔwa kɛsɛɲ kɔɲ kɛ yi mɔ kɛsɛɲ ka ɛsɔyila; ka ɛɲɲinkinanka ɔ sɔɲ kɔ aɲfɔsɔ ɲɔɲ gbɛɲ, yi kawaɲ kɔɲ, dɛ yi kagbɛka kɔɲ kɛbana.

³Ka i nɛnk pɛ yi mɔ-e rɛbomp din kɛba kɛbur ro a bun dif kɔ, kɛrɛ kasam kati kɛ la po yɛɲk; ka ɛdɛru sɛɲk rɛ tɔɲ kɔ rɛ kɛkabanɛ.

⁴ɔwa aɲ bɛtho ɛɲɲinkinanka pɛkasifɛ ɔ sɔɲ aɲfɔsɔ ɲɔɲ ka ɔsɛm; kaɲ bɛtho ɔsɛm sɔ, kaɲ pa, Kanɛ yi mɔ ɔsɛm utuy tɛy ɔwe-e? ɔwa kanɛ gbɛli tim kɔ-e?

⁵Ka a sɔɲ kɔ kɛsɛɲ tɛ kɛfɔf sim tɛbana yi sim tɛlɛs kɛɲamɲɛ Kurɔɲ; ka a kɛl sɔɲ afɔsɔ tɛ kɛyɔ ɛtɛ ɔ yema ta yof tɛgba tɛrɛɲ yerɛɲ.

⁶ɔwa ɔ kanthi kɛsɛɲ kɔɲ kɛɲamɲɛ Kuru Mɛsaba, tɛ kɛfarki ɛɲɛs ɲɔɲ, dɛ yi ɔyirɛ wɔɲ ɔsɛm, dɛ yi ɲaɲ sɔ aɲa yirɛ ro riyana.



⁷Ka a sɔŋ kɔ afɔsɔ tɔ kɛtim aɳfɛm ɳa Yisɔs-e, yi tɔ kɛtham ɳa; ka a sɔŋ kɔ kɛgbɛka rokɔm ka afɛm bɛ, yi tɛnt bɛ, dɛ yi tɛbona bɛ.

⁸Ɔwa ɳa bɛ aɳa yirɔ ka ɔdɔru aɳ tɔ bɔtho kɔ, pɔ yi mɔ-e, ɳa bɛ aɳa tɛ ba amɛs maɳ ka ɔkɔfɔ ka aɳɛsɔm ka kaLɔmɛ kɛfɛth, ɔwɛ a fai sathka kɔbi ka ɔtɔpɛr wa ɔdɔru.

⁹Ɔwɛ ba elɛns ta ɔ tɛl.

¹⁰Ɔwɛ yema wɔɳɔ wuni rɔ kɛndɛbira-e, kɔnɔ ɔ tɔ wɔɳ rɔ kɛndɛbira. Ɔwɛ yema dif rɔ aɳgbathɔ-e, a tɔ dif kɔ rɛ aɳgbathɔ. Ɔɳlɔkɔ ɳi aɳɛ ta aɳfɛm ɳa Yisɔs tɔ kɛtɔri kamuyu yi kɔlɛnɛ ka ɳaɳ.

¹¹Ka i nɛnk usɛm ulɔm ɔ wur ka ɔɳthɔf; ɔ ba elɛn yɛrɔɳ mɔ kɛlɔmɛ kɛfɛth, kɔ fɔf mɔ aɳiɳkinaɳka.

¹²Ɔwa ɔ kiane aɳfɔsɔ bɛ ɳa ɔsɛm utɔtɔkɔ ka kɔbɛprɔnɛ kɔɳ-e, kɔ yɔ kɔmɔ ɔdɔru yi afɛm bɛ aɳ bɔtho ɔsɛm utɔtɔkɔ ɔwɛ ba kasam ɔkɛ po yɛɳk.

¹³Ɔwa ɔ yɔ mɔtɔy mɛkabanɛ sɔ, hali kɔyɔ kɔmɔ nɔnt nɔ thor kɔwɛr ka kɔriyana ka ɔɳthɔf roder kɔri ka aɳfɛm.

¹⁴kɔ pɛɳis aɳfɛm ka ɔdɔru kɔtɔɳɔnɛ ka mɔtɔy mɛkabanɛ ama ɔ ba afɔsɔ tɔ kɔyɔ ka kɔbɛprɔnɛ ka ɔsɛm; kɔ kanɛ aɳfɛm ka ɔdɔru tɔ kɔbɛmpa arɔɳ ka mɔbɔlɛnɛ ma ɔsɛm utuy tɔy ɔwɛ a la yɔ ɔbaɳ rɛ aɳgbathɔ, kɛrɛ ɔ yi ukɛli halisa.

¹⁵Ka a sɔŋ kɔ afɔsɔ tɔ kɔsɔɳ aɳɛsɔm ka mɔbɔlɛnɛ ma ɔsɛm kɔmɔ mɔbɔlɛnɛ ma ɔsɛm mɔ gbɛli fɔf, ka a kɔl yɔ kɔmɔ a dif ɳaɳ aɳa kasi tɔ kɔbatho mɔbɔlɛnɛ mati.

¹⁶kɔ yɔ kɔmɔ afɛm bɛ, aɳlɔl dɛ yi ɔɳbana-e, aɳyola dɛ yi ɔɳmɔnɛ, aɳwuth a kom yi antar, a ba kɔbot alomar ka tɔmthɛdɛrɔɳ maɳ mɛdiyɔ, thalɔm ka mɔbuɳ maɳ;

¹⁷kɔmɔ wuni ɔ wuni ɔ tɛ gbɛli way thalɔm thila thambe kɔn ɔwɛ ba aɳlomar, thalɔm ɔɳɛs ɳa ɔsɛm, thalɔm aɳyirka ɳa ɔɳɛs ɳɔɳ.

¹⁸Thambe sɔ ba nu kɔtemp. Ta kɔn ɔwɛ ba kɔtara tay-e, ɔ yirka aɳyirka ɳa ɔsɛm; kɔtɔy-e aɳ tɛmɔ ta ɔɳɛs ɳa wan duni. Ɔwa aɳyirka ɳati aɳ yi tɛmɛ tamthɛrukin tɛgba tɔsas tamthɛrukin.

Kaɳaibinɛ 14

¹Ka i kɛli, ɔwa kɛlo, kɛLɔmɛ kɛfɛth ɔ tɛmɔ ka kateɳ ka Sayɔɳ, dɛ yi afɛm ɛwul kɛmɛ kin tɛgba tɔrɔɳ yanlɛ aɳ tɛmɔ yi kɔn, afɛm ɳaɳ aɳa ba ɔɳɛs ɳɔɳ yi ɔɳɛs ɳa ɔKas kɔɳ ka mabuɳ maɳ.

²Ka i tɛlɔ rim kɔwɛr ka kɔriyana, mɔ kɔtɔɳa ka kɔthɛnthɔ, yi mɔ kagbɛɳ ka rɛɳ; ɔwa ɔrim ara i tɛlɔ rɔ yi mɔ afɛm aɳ fɛr ɛgbulu yaɳ.

³Ɔwa aɳ lɛɳ alɛɳ afu rodi ka kawɔɳ ka rɔbɔy, yi rodi ka ɛwuka akɛli ɳanlɛ, dɛ yi aɳbɔki; ɔwa wuni ɔ wuni ɔ gbɛli hɛ thɔkɔs aɳlɛɳ ɳati thambe aɳfɛm ɛwul kɛmɛ kin tɛgba tɔrɔɳ yanlɛ aɳa a po bani ka ɔdɔru.



- ⁴Añe, ña yi añfəm aña te pulkinε rε afəm abom; átesoma-e añ yi agbërañ mε afanε. Añe-e, ña tãñ kaLómε kəfəth ðer o ðer rε o kónε. Añe-e añ yi abani kətəñ ka afəm a kəpet mε mákomi mətətókó ta Kuru ðe yi ta kaLómε kəfəth.
- ⁵Ɔwa a fir he rəyem o rəyem ka tasəñ tañ hali rodi ka kawañ ka rábáy ra Kuru, átesoma-e añ yi agbenthis.
- ⁶Ka i nən̄k umáleka ulóm o fal ka káriyana, kó ba ákera kəfínó ka Kuru kəthəbana tə kətaməs ka ñañ aña yi ka áðáru, ðe yi ka tábona təlóm be-e, ka ebənsəñ be, ka tənt be, ðe yi ka afəm be;
- ⁷kó kál pa rə rim rəbana, Nesa nu Kuru-e, ɔwa səñ kó nu yiki, pəkasifε añlókó ña karək epa yəñ añ po bek. Ɔwa bátho kó nu ɔwe po bəmpa ákəriyana yi áðáru, ðe yi kábàñ kəbana, ðe yi tabath.
- ⁸Ka umáleka ulóm ɔwe beká ñarəñ o pa, Babilón, kəpet kəbana kati kə po simtha, kə po simtha, áke po yó kámá təbona be tə mun maber ma rabañ da karəp kəñ.
- ⁹Ɔwa ɔmaleka ɔwe beká asas-e, o tãñ, kó pa rə rim rəbana, Bepi wuni o wuni o bátho ɔsem ðe yi mábaláne məñ-e, thalóm o malanε añlomar ñəñ ka añbuñ ñəñ-e, ama ka káta kəñ-e,
- ¹⁰Ɔkati a tə kál ba kəmun mawayn ma rabañ da Kuru-e, ara a po kus ka ampəthi ña rabañ ðəñ kəte kuluñ; ɔwa a tə səmpar kó rə nánt ðe yi sɔlfó rodi ka añmáleka asəm, ðe yi ka kábəpráne ka kaLómε kəfəth.
- ¹¹Ka akimó ka ansəmpanε ñañ kə tə ñat rokóm thánkəñ thəbana. Ɔwa ñañ aña bátho ɔsem utuy táy yi mábaláne məñ, thalóm wuni o wuni ɔwe ba añlomar ña áñes ñəñ-e, o ba he kəfothane pali gbəs-əñ.
- ¹²Áñlókó ñi añe ta añfəm ña Yisós tə kətəri kamuyu ka ñañ, pə yi mə-e, ñañ aña wop eyamari ya Kuru yi kálanε ka Yisós.
- ¹³Ka i təlá rim kəwur ro riyana rə pa, Gbal áte, Aruba ñañ aña fi ka ɔMarki kətəp kake. Ya pə yi ɔYina o pa, kámá añ fothanε ka mapanth mañ; átesoma-e máyós mañ mə tãñ ña nɛp nɛp.
- ¹⁴Ɔwa i kəli, ka i nən̄k abunth áferá, ɔwa wuni o yirá ka añbunth ñati ɔwe báláne ɔWan ka wuni, kó ba ániyó ña məbəñó ka rábomp rəñ, ðe yi awəthó awəñi ka káta kəñ.
- ¹⁵Ka umáleka ulóm o wur ka añseth ña Kuru kətela rə rim rəbana ka ɔwe yirá ka añbunth áferá, kó pa, Wuró añwəthó a mu, ɔwa rək thəñ; kotáy-e añlókó añ bek tə kərək, pəkasifε karək ka áðáru kə po yakane.
- ¹⁶Ɔwa kón ɔwe yirá ka añbunth áferá o wəñá añwəthó ñəñ ka áðáru; ka a rək áðáru.
- ¹⁷Ka umáleka ulóm o wur ka añseth ña Kuru ro riyana, ɔwa kónó sɔ o ba awəthó awəñi,



¹⁸ka umáleka ulóm ɔ wur ka ɔ̀nbese ɔwe ba afɔsɔ rokɔm ka nánt; kɔ pa rə rim rəbana ka ɔwe ba aɔ̀wɔrthɔ awɔ̀ɔji-e, Wɔ̀ɔ̀ɔ̀ aɔ̀wɔrthɔ a mu awɔ̀ɔ̀ɔ̀, ɔwa thonkla mākomi ma nalek na ádàru, kotáy-e mākomi mati mə po ləl tɛrɛɔ̀.

¹⁹ɔwa ɔmaleka ɔ wɔ̀ɔ̀ aɔ̀wɔrthɔ ɔ̀ɔ̀ɔ̀ ka ádàru, kɔ rɔk mākomi ma nalek na ádàru, kɔ fitha ma ka ɔder ro mə a wɛkəs mawayn ma rabaɔ̀ da Kuru,

²⁰ka a nas nas mākomi ka ɔder ɔwɛkəs ro pet lenken, ɔwa mətir mə wur ri, mə kál ɔat haɔ̀ mə bek ka átarafilo ta tasoy, mə gboɔ̀gbəli email tɛmɛ tɛrɛɔ̀.

Kaɔ̀aibine 15

¹Ka i nɛnk emisali ebana elóm ro riyana, emisali ekabane yáɔ̀, pə yi mə-e amaleka támthəderɔ̀ɔ̀ aɔ̀ ba efithina eləpsɔ̀ támthəderɔ̀ɔ̀; kotáy-e ka eye rabaɔ̀ da Kuru rə lasɔ̀r thɔ̀ɔ̀.

²ɔwa i nɛnk ara báláne mə kəbaɔ̀ ka amɛmne kə kulune yi nánt; ka ɔ̀ɔ̀ aɔ̀ po tham ɔsem-e, yi mábáláne mɔ̀ɔ̀-e, yi aɔ̀lomar ɔ̀ɔ̀-e, de yi aɔ̀yirka ɔ̀ aɔ̀es ɔ̀ɔ̀-e, aɔ̀ tɛmá ro báɔ̀ dayɛr, kaɔ̀ bət ɛgbulu ya Kuru.

³kaɔ̀ len aɔ̀lɛɔ̀ ɔ̀ Mosis aɔ̀bɔ̀y ɔ̀ Kuru, de yi aɔ̀lɛɔ̀ ɔ̀ kaLɔ̀mɛ kəfɛth, kaɔ̀ pa, Mayɔ̀s ma mu mə yi məbana de yi məkabane ɔ̀Marki Kuru ka afɔsɔ̀ bɛ; aɔ̀ɔ̀ ta mu tɔ̀ yi tɔ̀lɔ̀mpi yi tɔ̀tɛɔ̀, munɔ̀ ɔ̀Báɔ̀ ka eyamana.

⁴Kane te ba kənesa de yi kəyikis aɔ̀es a mu-e, ɔ̀Mariki-e? Pəkasife munɔ̀ son mə yi ɔ̀sɛm; kotáy-e tábona bɛ tɔ̀ tɔ̀ der kəbatho mu, pəkasife máyɔ̀s ma mu məlɔ̀mpi mə po ɔ̀aibine.

⁵Rodarɔ̀ɔ̀ kati i kəli, ka a kanthi kadare ka aɔ̀sɛth ɔ̀ aɔ̀der ɔ̀sɛm wa maseri ro riyana.

⁶Ka aɔ̀máleka támthəderɔ̀ɔ̀ aɔ̀ ba efithina támthəderɔ̀ɔ̀ aɔ̀ wur ri, kaɔ̀ lopra kotha kənɔ̀fthɔ̀ kəfɛra pər, ɔwa aɔ̀ sekne ɛthɛbɛɔ̀ ya məbɔ̀ɔ̀.

⁷ɔwa ukin ka ɛwuka akəli ɔ̀anle ɔ̀ sɔ̀ɔ̀ aɔ̀máleka támthəderɔ̀ɔ̀ ɛbɔ̀l ɛ məbɔ̀ɔ̀ támthəderɔ̀ɔ̀ eye la pay yi rabaɔ̀ da Kuru, ɔwe yi ta thánkáɔ̀ thəbana.

⁸Ka aɔ̀sɛth ɔ̀ Kuru aɔ̀ la yi kima kəwur ka aɔ̀yiki yi aɔ̀fɔsɔ̀ ɔ̀ Kuru; ɔwa wuni ɔ̀ wuni ɔ̀ gbəli he wɔ̀ɔ̀ ka aɔ̀sɛth ɔ̀ Kuru haɔ̀ efithina támthəderɔ̀ɔ̀ ya aɔ̀máleka támthəderɔ̀ɔ̀ ɛ po thas.

Kaɔ̀aibine 16

¹Ka i tɔ̀lá rim rəbana rə wur ka aɔ̀sɛth ɔ̀ Kuru rə kane aɔ̀máleka támthəderɔ̀ɔ̀, Kɔne nu kus rabaɔ̀ da Kuru ka ɛbɔ̀l támthəderɔ̀ɔ̀ ka ádàru.

²Ka ɔ̀tɔ̀tɔ̀kɔ̀ ɔ̀ kɔne kɔ kus aɔ̀bɔ̀l ɔ̀ɔ̀ ka ádàru; ɔwa tɔ̀sam tɔ̀lɛs tabaɔ̀ tɔ̀ wur ka aɔ̀fɛm aɔ̀ ba aɔ̀lomar ɔ̀ aɔ̀sem utuy táy, de yi ka ɔ̀ɔ̀ aɔ̀ ba bátho mábáláne mɔ̀ɔ̀.

³Ka ɔmaleka ɔwe beká ɔ̀arɔ̀ɔ̀ ɔ̀ kus aɔ̀bɔ̀l ɔ̀ɔ̀ ka kábáɔ̀; ka kə səkɛ mə mətir ma wuni fi, ɔwa ɛyɛt ɛkəli bɛ ro báɔ̀ aɔ̀ fi.



- ⁴Ka ɔmaleka ɔwe beká asas ɔ kus áɲbɔl ɲɔɲ ka taboɲ yi ka tabath; ɔwa tɔ sɔkɛ mətir.
- ⁵Ka i tɛlɔ ɔmaleka ka ámant ame ɔ pa, Munɔ yi ɔlompi ɔMarki ɔwe yi, de yi ɔwe la yi, de yi ɔwe ba tɔ kɛyi, pɛkasife mɛ po thonkas yaɲ.
- ⁶Átesoma-e afɛm aɲ po loɲ mətir ma aɲfɛm asɛm, de yi Aɲnɔbi, ɔwa munɔ po sɔɲ ɲa mətir tɔ kɛmun; kotáy-e aɲ yi abeki ta ti.
- ⁷I tɛlɔ sɔ árim ra áɲbesɛ rɔ pa, Yao, ɔMarki Kuru ka afɔsɔ bɛ, mathoɲkas ma mu mɛ yi mɛlompi rɛ tɛtɛɲ.
- ⁸Ka ɔmaleka ɔwe beká ɲanle ɔ kus áɲbɔl ɲɔɲ ka aret; kɔ selɔ kámá rɔ kál aɲfɛm.
- ⁹Ka a kál aɲfɛm rɔ ɔfey ɔbana wati, ɔwa aɲ fɔf ɔlɔs kɔɲamɲɛ Kuru ɔwe ba afɔsɔ rokɔm ka efithina eye, kɛrɛ aɲ thupi hɛ tɔ kɛsɔɲ kɔ yiki.
- ¹⁰ɔwa ɔmaleka ɔwe beká tamath ɔ kus áɲbɔl ɲɔɲ ka kawaɲ ka ɔsem utuy táy; ka rábáy rɔɲ rɔ la ásum. Aɲfɛm aɲ ɲans tamer taɲ asabu ɲa ɔbaɲ.
- ¹¹kaɲ fofiya ɔKuru ka ro riyana ta ɔbaɲ, de yi ta tásam taɲ, kɛrɛ aɲ thupi hɛ ka malɔs maɲ.
- ¹²ɔwa ɔmaleka ɔwe beká tamthɔrukin ɔ kus áɲbɔl ɲɔɲ ka kábáɲ kɔbana áke a tela Ufretis; ka ámant mati mɛ wosɔr gbet, kámá a bɛmpa rɔɲ ta aɲbáy aɲa mɛ der kɔwɔr rothɔrɔɲ.
- ¹³Ka i nɔɲk eyina esas ɛnɔkɔ mɔ ɛtal, ɛ wur ka kásɔɲ ka áɲninkinanka, ka kásɔɲ ka ɔsem utuy táy, de yi ka kásɔɲ ka ɔnɔbi uyem.
- ¹⁴ɔwa aɲ yi eyina ya akɔrɔfi aɲa yɔ ɛmisali, ka aɲ kɔ ka aɲbáy ɲa ádárɔ bɛ, tɔ kɔthoɲkla ɲa rɔkin ta árfá ra áɲrey abana ɲa ɔKuru ka aɲfɔsɔ.
- ¹⁵(Kɔla-a, mine mɛ deráɲ mɔ ukey. Wuni ka aruba wɔɲ ɔwe mɛ bumɔr-e, de yi ɔwe mɛ bɛnɛ elopra yɔɲ ta thani ɔ kɔth kɔtiɲ tal, ɔwa aɲ nɔnk málap mɔɲ).
- ¹⁶kaɲ thoɲkla ɲa ka ɔder ma tela ka kɔHibru, Amakɛdɔn.
- ¹⁷Ka ɔmaleka ɔwe beká támthɔdɛrɔɲ ɔ kus áɲbɔl ɲɔɲ ka aɲfɛna; ɔwa rim rɔbana rɔ wur ka kawaɲ ka rábáy ka áɲseth ɲa Kuru, rɔ pa ye, Koko bɛ rɔ poɲ thɔɲ.
- ¹⁸Kɔdarɔɲ kati a ba ri ɔnakthine, yi sim, de yi sɛɲ. Ka áɲthɔf aɲ tɛn sɔbɛ, pɔthasi áta afɛm aɲ sa nɔnk ka ádárɔ bɛ, ma katɛn kati kɔ yi kɔbana haɲ-e.
- ¹⁹Ka kápet kɔbana kɔ yeranɛ ra egbap esas, ɔwa tapet taɲ tɔbana tɔ simtha. Ka Kuru ɔ nanɛ ta káBabilɔn kɔbana, tɔ kɔyɔ kɔ ɔ mun ampɔthi ɲa mawayn ma rabaɲ dɔɲ rɔbana, haɲ aɲ poɲ.
- ²⁰ɔwa ayel o yel aɲ gbukɛ, ka táteɲ tɔ maɲkɲɛ sɔ.
- ²¹Ka kɔm kɔtɔs kɔbana kɔ fumpɔ ka aɲfɛm kɔwɔr ka káriyana, ɔwa kɔm o kɔm kɔtɔs kɔ lela mɔ apaɲ kɛmɛ kin, haɲ aɲfɛm aɲ nal Kuru ta aɲfithina ɲa atɔs, átesoma-e aɲfithina ɲati a ninis.



Kaŋaibine 17

- ¹Ka aŋlɔkɔ ŋati ukin ka aŋmáleka tàmthəderəŋ aŋa ba ebɔl tàmthəderəŋ ɔ der ro rɔmi, kɔ pa, "Der, ɔwa i ti tɔri mu aŋthonkas ŋa ɔbera urəpi ubana ɔwe yirá rokɔm ka ámant məgbathi-e,
- ²ɔwe aŋbáy ŋa ádaru aŋ tɔŋ rə kəyɔ kərəp, ɔwe yɔ sɔ kámá aŋfəm ŋa ádaru aŋ tis maber ma karəp kɔŋ.
- ³Kɔ kera mi ro Yina ka aŋwula; ka i nənɔk wuni bom ɔ rensa ka ɔsem ubaŋ uyim tereŋ, ɔwe la yi ames mələs kəŋamne Kuru Məsaba, ɔ ba təbomp tamthəderəŋ de yi elen tɔfɔt.
- ⁴Ɔwuni bom ɔwe ɔ lopra kotha kəkulər, de yi kəyim tereŋ, kɔ yesine məbɔŋɔ yi məsar məbaki məlɔ de yi məlulu, ɔwa ɔ bət arɔthi ŋa məbɔŋɔ ka káta kɔŋ, aŋa la yi mápulke, de yi aŋnɔkɔ ŋa karəp kɔŋ.
- ⁵Ɔwa a po gbal ŋes ka aŋbuŋ ŋɔŋ aŋa yi, MURARI, pə yi mə-e, KÁBABILON KƏBANA ƆKARA KA AƆBERA ARƏPI YI MÁPULKE MA ÁDÁRU.
- ⁶Ɔwa i nənɔk ɔwuni bom ɔwe ɔ tis yi mətir ma aŋfəm ŋa Yisɔs de yi mətir ma maseri ma Yisɔs. Ma i nənɔk kɔ i kabane sɔbe,
- ⁷ka ɔmaleka ɔ pa do rɔmi, To pə som mə kabane-e? ti tɔri mu aŋmurari ŋa ɔwuni bom ɔwe-e, de yi ŋa ɔsem ubaŋ ɔwe ɔ rensa, ɔwe ba təbomp tàmthəderəŋ de yi elen tɔfɔt.
- ⁸Ɔsem ubaŋ ɔwe mə po nənɔk ɔ la yi, kere ɔ yi he sɔ, kere pə tiyá gbo ɔthan ɔ tə kál wur ka aŋbi aŋa te ba ɔthalne, kəkone ka kadine; ɔwa aŋfəm ŋa ádaru aŋ tə kabane, ŋa be aŋa te la ba ames maŋ ka ákáfá ka aŋesəm kábi ka ɔtəper wa ádaru, maŋ nənɔk ɔsem ubaŋ ɔwe la yi, ɔwa ɔ yi he sɔ, kere ɔ yi tə kəder.
- ⁹Ta sɔ ba nu emerá etempi ka aŋpa aŋe. Tabomp tàmthəderəŋ tə yi tətəŋ tàmthəderəŋ, ro ɔwuni bom ɔwe ɔ yirá.
- ¹⁰Tə yi sɔ abáy tàmthəderəŋ; tamath aŋ po thas, ɔwa ukin ɔ yi ras-e, kere ɔlɔm ɔ tha der he. Ma ɔ po der-e, ɔ tə won ta alɔkɔ agbut.
- ¹¹Ɔsem ubaŋ ɔwe la yi kere ɔ yi he ka-ake, kɔnɔ beka tamthəresas, kere ɔ yi ukasa ka antamthəderəŋ, ɔwa kɔnɔ sɔ ɔ tə kone ka kadine.
- ¹²Ɔwa elen tɔfɔt eye mə po nənɔk ɛ yi abáy tɔfɔt aŋa te tha ba tabáy taŋ, kere aŋ tə sɔthɔ aŋfɔsɔ ŋati ta ahawa ŋin re ɔsem ubaŋ.
- ¹³Ɔwa aŋe be aŋ bɔ ba ámerá ŋin, ɔwa aŋ lánkəli efɔsɔ yi māmari maŋ ka ɔsem ubaŋ.
- ¹⁴Aŋ tə tim kaLɔme kəfeth, kere kaLɔme kəfeth ɔ tə tham ŋa; kotáy-e kɔnɔ yi ɔMarki ka amarki, de yi ɔBáy ka abáy; ɔwa ŋaŋ sɔ aŋa tɔŋ kɔ, aŋ tə tham de yi kɔn, átesoma-e aŋ yi atela, yi athith, de yi abɔthi lane.
- ¹⁵Kɔ pa do rɔmi sɔ, Ámant ama mə po nənɔk ro ɔbera urəpi ɔ yirá-e, mə tɔmá ta aŋfəm, yi ta tábona, de yi tənt.



¹⁶Ɔwa elen tɔfɔt eyɛ mɛ po nɛnk, dɛ yi ɔsem ubaŋ, aŋ tɛ gbɛŋa ɔbera urɛpi, ɔwa aŋ tɛ lɔsɛr kɔ kɔmɔ ɔ yi kɛtiŋ tal, ɔwa aŋ tɛ sɔm aŋdɛr ŋɔŋ tɛf, aŋ tɛ thɔy kɔ mɛr rɛ nɔnt.

¹⁷Pɛkasifɛ Kuru ɔ po bot ti ka emerɔ yaŋ tɛ kɛyɔ mɔselɔ mɔŋ, maŋ ba ɔmerɔ ŋin tɛ kɛsɔŋ tabɔy taŋ ka ɔsem ubaŋ haŋ ɔsim ta Kuru tɛ po lasɛr.

¹⁸Ɔwa ɔwuni bom ɔwe mɛ po nɛnk ɔ yi kɔpet kɛbana ɔke gbɛka aŋbɔy ŋa ɔdɔru.

Kaŋaibine 18

¹Kɔdarɛŋ ka mɔtɔy amɛ. i nɛnk umɔleka ulɔm ɔ thor kɛwur ro riyana, kɔ ba afɔsɔ abana; ɔwa kawalɛ ka aŋyiki ŋɔŋ kɔ gbɛnthar ɔdɔru.

²kɔ lak dim rɛbana gbɛŋkɛlo, ɔ pa, Babilɔn kɔpet kɛbana kɔ po simtha, kɔ po simtha, ɔwa kɔ po sɛke mayira ma akɛrɛfi dɛ yi ɔdɛr ɔmaŋkɛ wa aronsonɔ o ronsonɔ, yi ɔbɔmp o bɔmp unɔkɔ,

³pɛkasifɛ tɔbona bɛ tɛ po mun maber ma rabaŋ da karɛp kɔŋ, ka aŋbɔy ŋa ɔdɔru aŋ po yɔ karɛp dɛ yi kɔn, ɔwa anthila ŋa ɔdɔru aŋ po munanfa kɛtɔŋɔnɛ ka rayola ra katayane kɔŋ.

⁴Ka i tɛlɔ rim rɛlɔm rɛ wur ro riyana, ara pa, Aŋfɛm a mi, wur nu ri kɔmɔ nɛ te yi ayɛrane ka ɛhake yɔŋ, ɔwa kɔmɔ nɛ te ba ɔgbɔp ka ɛfithina yɔŋ.

⁵kɔtɔy-e ɛhake yɔŋ ɛ po gbompane ɔmap haŋ ɛ bek ka kɔriyana-e, ɔwa Kuru ɔ po kɔlɔ ɔmerɔ ka mɔkɛnɔ mɔŋ.

⁶Rɔm kɔ nu mɔ mɔ la ram nu, ɔwa kala kɔ mɔlɔ mɔrɛŋ mɔ mɔ mɔyɔs mɔŋ mɔ yi. Ka ampɔthi aŋa kɔnɔ ɔ po mun-e, kɔl lasɛr ŋi nu kalo kalo.

⁷Ka ɔgbɔthi ɔ la kori korine rɛ kɛtayane-e, kala kɔ nu anthunth ŋin ŋati ŋa athalɛr rɛ kɛbok; kɔtɔy-e ɔ pa ka aŋmerɔ ŋɔŋ, Mineŋ i yi ubɔy ubɛra, i yi hɛ ubora, i gbɛli hɛ nɛnk kɛbok.

⁸Tiyɔŋ ɛnambara yɔŋ ɛ tɛ bɛp kɔ rɛ ɔrɛy ŋin-e, rɛfi-o, kɛbok-o, yi dor rɛbana; ɔwa a tɛ thɔy kɔ mɛr rɛ nɔnt, kɔtɔy-e ɔMarki Kuru ɔwe thonkas kɔ ɔ yi ɔbaki mɛdɛr.

⁹Ɔwa aŋbɔy ŋa ɔdɔru aŋa po yɔ karɛp yi kɔn, dɛ yi aŋa po yi atayane yi kɔn-e, aŋ tɛ bok-o, aŋ tɛ kulɔ ta atɔŋ, maŋ nɛnk akimɔ ka kathɔy kɔŋ.

¹⁰Maŋ tɛmɔ ɔbɔli poŋ ta ranes ra anthalɛr ŋɔŋ-e, aŋ tɛpa, Mɔnɛ-o, mɔnɛ-o, mɔnɛ-o, kɔpet kɛbana, Babilɔn kɛninis; kɔtɔy-e kathɔŋkas ka mu kɔ po bek ka alɔkɔ agbut.

¹¹Ɔwa anthila ŋa ɔdɔru aŋ tɛ bok dɛ yi aŋ tɛ bosine ta atɔŋ, pɛkasifɛ wuni o wuni ɔ way hɛ sɔ ɛyɛt yaŋ,

¹²mɔ-e tothe ta mɛbɔŋɔ yi akala ɔferɔ-o, mɔsar mɛbaki mɔlɔ-o, mɔlulu-o, ɔtotha tɛnɔfthɔ-o, ɔtotha tɛkuler-o, tɔsɛlik-o, ɔtotha tɛyim-o, ɔtɛnt tɛtuy sɔthɔ-o, ɛyɛt bɛ ya rɔtɔŋka-o, ɛyɛt bɛ ya ɔtɛnt tɛbaki mɔlɔ-o, aŋkɛm-o, rafat-o, dɛ yi mɔsar mɛmɔrmɔr;



- ¹³māpos yi eyet efɔlfɔl tətəp tətəp-o, āmāro māsopa-o, egboŋgbo ta káthoy-o, māber-o, āmaro-o, etariyɔt-o, atar-o, de yi sɔ eŋesəm ya afəm.
- ¹⁴Mákomi mēfínɔ ama emerá ε nu ε mile, ε po nɔyne nu, ɔwa eyet ε nu ebɔthi de yi ethasərne ε kɔne haŋ nə gbəli he sɔthɔ yi sɔ thánkàŋ.
- ¹⁵Anthila ŋa eyet eye aŋa po munanfa kətaŋ do rɔŋɔŋ-e, aŋ tɔ tɔmá ɔbɔli ta ranes ra anthalər ŋɔŋ, ɔwa aŋ tɔ bok, aŋ tɔ kál kulɔ,
- ¹⁶kəpa, Mɔne-o, mone-o, kápet kəbana kati áke po lopra kotha kənɔfthɔ yi kotha kəyim tereŋ-e, áke sa yesine rə məbɔŋɔ yi məsar məbaki mɔlɔ-e, de yi məlulu.
- ¹⁷kotáy-e rə alɔkɔ agbut rayola rənini are rə po dine. Ka ŋa be aŋa ba tɔbil, yi aŋfəm be aŋa yɔ mapanth ma tɔbil məgbaske gbaske, aŋ tɔmá ɔbɔli poŋ,
- ¹⁸kaŋ sel erɔŋ maŋ nɔnk akimɔ ka kafey kɔŋ, kaŋ pa, kápet kəreke kə yi mɔ kápet kəbana ake-e?
- ¹⁹kaŋ lond kəbof ka tabomp taŋ, aŋ sel erɔŋ rə kəkulo, de yi kəbok, kaŋ pa, Mɔne-o, mone-o, kápet kəbana kati, ro pə yi ŋaŋ be aŋa ba tɔbil ro bāŋ aŋ munanfa salata rayola rɔŋ; rə alɔkɔ agbut kə tiyá kəfoth fo.
- ²⁰Sel məbɔne ta ti, munɔ kəriyana re na asəm, yi na asom, de yi anábi; pəkasife Kuru ɔ po thonkas kəŋamne kɔ ta átá nu.
- ²¹Ka umáleka ubaki məder ɔ gbasi ásar mɔ ásar ágbɔlá abana, kɔ ləm ŋi ro bāŋ, ɔ pa, Ya a ba kə fitha káBabilɔn kápet kəbana kati yi áfɔsɔ, ɔwa a ba he sɔ kənəŋk ki thánkàŋ.
- ²²Ka a tɔlá he sɔ do rɔmu máleŋ ma aŋyeli, thalɔm ŋaŋ aŋa fer egbulu, ta a pa ras ŋaŋ aŋa feŋ tuleŋ de yi təthema thánkàŋ thəbana; ɔwa a ba he sɔ kəfir wuni o wuni ɔwe tārà rətɔl o rətɔl do rɔmu. A ba he sɔ kətɔlá ri mākil ma kadir hali.
- ²³āŋmothá ŋa amule aŋ ba he sɔ kəgbentha do rɔmu, ɔwa a ba he sɔ kətɔla ri árim ra ɔruni ufath de yi ɔbera ufath hali. Kotáy-e anthila a mu aŋ la yi afəm abana ŋa ádāru; ɔwa ramen ra mu rə po tɔns təbona be.
- ²⁴Ka a fir do rɔŋɔŋ mātir ma anábi-e, yi áma aŋfəm asəm, de yi ŋa be aŋa a po dif ka ádāru.

Kaŋaibine 19

- ¹Kədarəŋ ka mātáy ame-e, i tɔlá sim təbana ta afəm agbáthi ro riyana, kaŋ pa, Aleluya; kəkisi, yi ayiki, de yi afɔsɔ ε yi ka ɔMarki ɔKuru kásu;
- ²pəkasife kathonkas kɔŋ kə yi kəlɔmpi de yi tɔteŋ, kotáy-e ɔ po thonkas ɔbera urəpi ubana ɔwe po ləsər ádāru be ka karəp kɔŋ, kɔ po kala kɔ ta mātir ma ebɔy yɔŋ ama ɔ po loŋ.
- ³kaŋ kál pa sɔ-e, Aleluya. ɔwa akimɔ kɔŋ kə ŋat rokɔm thánkàŋ o thánkàŋ.



- ⁴Ka aḡbàkì kəgba ḡanlɛ dɛ yi ɛwuka akəli ḡanlɛ aḡ sanɛ ro thɔf, kaḡ bātho Kuru ɔwe yirà ka kawaḡ ka rābāy, kaḡ pa, Amina, Aleluya.
- ⁵Ka rim rə wur ka kawaḡ ka rābāy, rə pa, Thəkəs nu ɔKuru kāsɔ, naḡ ɛbɔy yɔḡ bɛ, aḡa nesa kɔ, aḡlɔl dɛ yi aḡbana.
- ⁶Ka i tɛlā mɔ àsim ta runiya rəbana, dɛ yi mɔ katɔḡa ka kəthənthə, dɛ yi mɔ sɛḡ təbana, kaḡ pa, Aleluya; pəkəsifɛ ɔMarki ɔKuru kāsɔ ka afɔsɔ bɛ ɔ po sɔthɔ rābāy.
- ⁷Maḡ yasanɛ nu rə kəsɛl məbɔnɛ məthasər. ɔwa maḡ sɔḡ kɔ nu ayiki, àtesoma-e kanantə ka kaLɔmɛ kəfəth kə po bek, ka ɔbera ufath ɔ po benenɛ.
- ⁸Ka a sɔḡ kɔ mamari tə kəlopra kotha kənɔfthɔ kəfɛra laf laf; kotāy-e akotha kəfɛno kati kə yi māyɔs məlɔmpi ma aḡfəm asəm.
- ⁹kɔ kanɛ mi, Gbal àtɛ, Afəm ḡa aruba ḡaḡ, aḡa a tela ka àmet ma kánántánɛ ka kàLɔmɛ kəfəth. Kɔ pa sɔ do rəmi, hɔ, Àsim atətɛḡ ta Kuru, ti àtɛ.
- ¹⁰Ka i sanɛ ka àtatək tɔḡ tə kəbatho kɔ, kɛrɛ ɔ pa, Te yɔ yi, minɛḡ sɔ i yi ukos mu àbɔy, dɛ yi ukos ka aḡwɔnt mu aḡa ba maseri ma Yisɔs. Bātho Kuru, kotāy-e maseri ma Yisɔs mɔ yi aḡyina ḡa kanabi.
- ¹¹Ka i nənək kəriyana kə kanthɛ, ɔwa kəlo, àsoy àfɛrà ɔ wur, ka a tela ɔwe rensa kɔ-e, ɔBɔthi lanɛ dɛ yi utətɛḡ, ɔwa kənɔ mə thonkas, ɔ kəl tim ka məlɔmpi.
- ¹²ɛfɔr yɔḡ ɛ yi mɔ nánt nəmara, dɛ yi ka rābomp rɔḡ ɔ ba ɛniɔ ɛgbathi; kɔ ba thɔḡ ḡɛs aḡa a gbal-e, kɛrɛ wuni ɔ wuni ɔ tɛ hɛ ḡi thambe kən son.
- ¹³kɔ lopra ruma ara a po wənsir mətir; ɔwa àḡɛs ḡḡḡ nɔ yi àRim ra Kuru.
- ¹⁴ɔwa tobali àtā yi ro riyana tə tāj kɔ ka təsoy afɛra, tə lopra totha tənɔfthɔ təfɛra laf laf.
- ¹⁵ɔwa aḡbathɔ awɔḡi aḡ wur ka kāsɔḡ kɔḡ kāmā ɔ gbɛli gbasi ḡi tə kəgbantha təbona. ɔwa ɔ tə gbəka ḡa rə kətək ka rəfat; ɔwa ɔ nas nas ɔdɛr ɔwəkəs wa mawayn ma rabaḡ dəbana ra ɔKuru ka afɔsɔ bɛ.
- ¹⁶ɔwa ka ɛlopra yɔḡ dɛ yi ka aḡlənək ḡḡḡ a gbal àḡɛs aḡɛ, ɔBĀY KA AḡBĀY, YI ɔMARKI KA AḡMARKI.
- ¹⁷Ka i nənək umāleka ɔ təmā ka aret, ɔ tela rə rim rəbana ka ɛbāmp bɛ aḡa fal ka aḡfɛna, Der nu-e, gbənɛ nu rəkin ta aḡfantha abana ḡa Kuru;
- ¹⁸kāmā nɔ di tabel ta aḡbāy yi aḡkɛlfa, yi tabel ta aḡfəm ḡa afɔsɔ, yi ta tāsɔy, yi ta ḡaḡ aḡa rensa ḡa, dɛ yi tabel ta aḡfəm bɛ, ɔwaḡkom-o, ɔtar-o, ɔbana-o, dɛ yi ɔlɔl.
- ¹⁹Ka i nənək ɔsɛm ubaḡ, yi aḡbāy ḡa àdāru, dɛ yi atobali taḡ, ḡa bɛ aḡ po thonḡklanɛ rəkin tə kətɛm kən ɔwe rensa ka àḡsoy, dɛ yi atobali tɔḡ.



²⁰Ɔwa a gbip ɔsem ubaŋ, de yi ɔnabi uyem ɔwe la yo mayɔs məkabane rodi kɔŋ, pɛ yi mɔ-e mayɔs ama la tɔns ŋaŋ aŋa la sɔthɔ aŋlomar ŋa ɔsem ubaŋ, de yi ŋaŋ aŋa la bɔthɔ mɔbɔlɔne mɔŋ. Kaŋ fitha ŋa ŋarɔŋ akɔli ka aŋbonka ŋa nɔnt ana mara re ɔsɔlfɔ.

²¹kaŋ dif aŋlom aŋa tiyɔ rɔ aŋgbathɔ ŋa ɔwe rensa aŋsoy, pɛ yi mɔ-e aŋgbathɔ aŋa wur ka kɔsɔŋ kɔŋ. Ka ebamp be-e, aŋ namra yi tabel taŋ.

Kaŋaibine 20

¹Ka i nɔnk umɔleka ɔ thor kɔwur ro riyana, kɔ ba aŋsapɔ ŋa aŋbi aŋa te ba ɔthalne, yi kɔrentha kɔbana ka kɔta kɔŋ.

²Ɔwa ɔ wop aŋninkinanka, aŋbok ubaki kati, ɔwe yi ɔkɔrɔfi de yi Sethani, kɔ tand kɔ ta tɔren awul ŋin.

³kɔ fitha kɔ ka aŋbi aŋa te ba ɔthalne, kɔ kantha ŋi, ɔ kɔl mathle ŋi kɔmɔ ɔ te sɔ gbɔli tɔns tɔbona haŋ tɔren awul ŋin tɔ poŋ; rodarɔŋ kati a tɔ ter kɔ ta alɔkɔ agbut.

⁴Ka i nɔnk tɔwaŋ ta rɔbɔy, ɔwa a sɔŋ ŋaŋ aŋa yirɔ ri afɔsɔ tɔ kɔthɔŋkas; ka i nɔnk eŋesɔm ya ŋaŋ aŋa a la gbetha tɔbomp salata maseri ma Yisɔs yi ta ɔrim ra Kuru, pɔkasife aŋ la kasi tɔ kɔbathɔ ɔsem utuy tɔy thalɔm mɔbɔlɔne mɔŋ, kaŋ la pɔnsa sɔ aŋlomar ŋɔŋ ka mabuŋ maŋ, ɔwa aŋ kɔl yi akɔli sɔ, kaŋ gbɔka de yi Kraystaŋ tɔren awul ŋin.

⁵Kayokane ka aŋfi kɔtɔtɔkɔ ki ake. Kere aŋfi alɔm aŋ yokane he haŋ tɔren awul ŋin tɔ poŋ.

⁶Afɔm aruba de yi asɔm ŋaŋ aŋa bɔpɔr ka kɔyokane ka aŋfi kɔtɔtɔkɔ; rafi ara bekɔ mɔrɔŋ rɔ ba he afɔsɔ rokɔm ka ŋaŋ, kere aŋ tɔ yi afode ŋa Kuru de yi Kraystaŋ, ɔwa aŋ tɔ gbɔka re kɔn tɔren awul ŋin.

⁷Ma tɔren awul ŋin tɔ poŋ-e, a tɔ ter Sethani kɔwur ka ɔfɔndɔne wɔŋ.

⁸Ɔwa ɔ tɔ kɔne tɔ kɔyethas tɔbona ka egbap yanle ya ɔdɔru, pɛ yi mɔ-e, Kɔk yi Mekɔk, tɔ kɔthɔŋkla ŋa der rɔkin tɔ kɔtim; amɔlɔ maŋ mɔ yi mɔ kasɔnt ka kɔbɔŋ.

⁹Ɔwa aŋ gbanthe aŋthɔf be, kaŋ gbɔtɔ aŋkɔbe ŋa aŋfɔm asɔm, de yi kɔpet kɔbɔthɔr. Kere nɔnt nɔ wur ka kɔriyana, nɔ thɔy ŋa.

¹⁰Ka a fitha Sethani ɔwe yethas ŋa-e ka aŋbonka ŋa nɔnt de yi ɔsɔlfɔ, ro ɔsem utuy tɔy de yi ɔnabi uyem aŋ yi; ɔwa a tɔ gbaŋar ŋa ri pali gbɔs-ɔŋ haŋ thɔnkɔŋ thɔbana.

¹¹Rodarɔŋ kati i nɔnk kɔwaŋ ka rɔbɔy kɔbana kɔfera pɔr de yi kɔn ɔwe yirɔ ri; ɔwa ɔdɔru de yi kɔriyana e gbuke kɔwur ka kɔbɔprɔne kɔŋ. Ɔwa der rɔ yi he sɔ ta yi.

¹²Ka i nɔnk aŋfi alɔl de yi abana, aŋ tɔmɔ rodi ka Kuru-e, ka a kanthi tafa; ka a kanthi sɔ kafa kɔlɔm ɔke yi ɔkɔfɔ ka aŋesɔm. Ɔwa a thonkas aŋfi kɔtɔŋane ka mɔtɔy ama a po gbal ka ɔtɔfɔ, mɔlɔ ma mayɔs maŋ mɔ yi.



¹³Ɔwa kábàŋ kəbana kə sɔŋ aŋfi aŋa yi ri, ka rəfi de yi Kərəfi aŋ sɔŋ aŋfi aŋa yi ri sɔ; ka a thonkas wuni o wuni mɔlɔ ma mǎyɔs mɔŋ mə yi.

¹⁴Ka a fitha rəfi yi Kərəfi ka aŋbonka ŋa nǎnt. Ɔwa rafi ara beká mǎrəŋ riyáŋ.

¹⁵Ɔwa wuni o wuni ɔwe te ba aŋes ŋɔŋ ka ákáfá ka aŋesəm-e, a tə fitha kɔ ka aŋbonka ŋa nǎnt.

Kaŋaibine 21

¹Ka i nɔnk kəriyana kəfu de yi ádǎru rəfu; kotáy-e ákəriyana de yi ádǎru rətótókɔ rə po thas. Ɔwa kábàŋ kəbana kə yi he sɔ.

²Ka i nɔnk kápet kəsəm áke yi mǎ-e Yerusalem kəfu, kə thor kəwur ro riyana ka Kuru, kəbenene mɔ ubera ufath ɔwe yesine ta ɔwos kɔŋ.

³Ka i tɔlǎ sɔ rim rəbana ara wur ka kawaŋ ka rábáy, rə pa, Kəla, ɔyirá wa Kuru ɔ yi re afəm a kəpet, ɔwa ɔ tə yirá kətɔŋ ka ŋaŋ-e, ɔwa aŋ tə yi aŋfəm ŋɔŋ, ka Kuru kɔn kɔnɔne ɔ tə yi re ŋaŋ, ɔwa ɔ tə yi ɔKuru ka ŋaŋ gbeŋ.

⁴Ɔwa Kuru ɔ tə nasi ámántər be ka efər yaŋ. Rəfi rə ba he sɔ kəyi. Ɔwa ɔnɔsine-o, kəbok-o, ta a pa ras ɔbaŋ-o, e ba he sɔ kəyi hali. Kotáy-e mǎtáy mətótókɔ mə po thas.

⁵Ɔwa kɔn ɔwe yirá ka kawaŋ ka rábáy ɔ pa, Kəla, i tɔpi mǎtáy be ɔfu. Kɔ pa do rəmi, Gbal ásim áte, kotáy-e tə yi tətəŋ de yi təbɔthi lane.

⁶kə kanɛ mi, Tə pɔŋ thɔŋ lasər. Mine i yi Alfa de yi Omeka, ɔTɔpi de yi ɔGbanthir; ɔwa i ti sɔŋ ka ɔwe ba rəmun-e, ámánt ma kabath kəsəm kəyaŋkaŋ.

⁷Ɔwe tham ɔ tə sɔthɔ mǎtáy ame be kɔŋ. Ɔwa mineŋ i ti yi ɔKuru kɔŋ-e, ɔwa kɔnɔ ɔ tə yi ɔwan kámi.

⁸Kere ŋaŋ aŋa ba rənes yi ante lane, de yi aŋlɔs-e, yi ŋaŋ aŋa dif kəsias-e, yi aŋfəm arəpi, de yi anthupəs-e, yi ŋaŋ aŋa ramne eyet ebumərne, de yi afəm ayem be-e, aŋ tə ba egbaŋ yaŋ ka aŋbonka ŋa nǎnt de yi salfər. Rafi ara beká mǎrəŋ, riyáŋ.

⁹Ka ukin ka aŋmáleka tǎmthəderəŋ aŋa ba ebɔl tǎmthəderəŋ ya efithina tǎmthəderəŋ eləpsɔ-e, ɔ kanɛ mi hɔ, Der anɔ kámá i tɔri mu ɔbera ufath ɔwe yi mǎ-e ɔrani ka kaLɔme kəfəth.

¹⁰kə kerá mi pɔŋ ro Yina ka kətəŋ kəbana kəbɔli rəkɔm, kə tɔri mi kápet kəbana kati; Yerusalem kəsəm, kə thor kəwur ro riyana ka Kuru,

¹¹kə ba aŋyiki ŋa Kuru; ɔwa kawale kɔŋ kə gbentha mɔ ásar abáki mɔlɔ sɔbe-e, ásar mɔ ayaspa, agbərəŋ weŋkweŋk.

¹²Ɔwa kə ba athatha abana abɔli rəkɔm, de yi tədare tɔfɔt tərəŋ, ka amaleka tɔfɔt ŋarəŋ aŋ bum ri, ka a gbal ames ma ebɔnsɔŋ tɔfɔt yerəŋ ya aŋwuth ŋa Isrəl rokɔm ka tadare.

¹³Rothɔrəŋ kə ba tədare təsas-e, ka kámərə təsas-e, ka kádiyɔ təsas-e, de yi təsas ropil.



¹⁴Ka anthatha ña kápet aŋ ba mətəmər tɔfɔt mārəŋ ro a gbal ames ma aŋsom tɔfɔt ñarəŋ ña kaLɔmɛ kəfɛth ka Kuru.

¹⁵Ka ɔwe fɔfáne mi ɔ ba kənt kəthuntha ka məbɔŋɔ tɔ kəthunth kápet, yi tadare, de yi ethatha yati.

¹⁶Ɔwa kápet kə ba ɛkoŋ yanle ethənáne; kabɔl-o, ɔware-o, mɔlɔ min. Kɔ thunth kápet rɛ akənt kəthunthá-e, ɔwa kə yi mɔ-e ɛmayl awul ñin tɛmɛ tamath. Ka kábɔl yi ɔware kati ɔ yi ɔthənáne bɛ.

¹⁷kɔ thunth anthatha ñati, ɔwa aŋyirka ñati aŋ yi ethuntha kɛmɛ kin tɛgba tərəŋ yanle, kətánáne ka kəthuntha ka wuni kəpet ɔwe yi mɔ umáleka.

¹⁸Ka a bɛmpa anthatha ñati rɔ məsar məbaki mɔlɔ mə a tela ayaspa; ɔwa kápet kə yi ka məbɔŋɔ, məgbərəŋ mɔ amɛmne akelkel.

¹⁹Ka a yesi mətəmər ma anthatha yi məsar məbaki mɔlɔ məgbaske gbaskɛ; antɔtɔkɔ aŋ yi ayaspa; aŋa beká marəŋ-e, asafayir; aŋa beká məsas-e, akalsedoni; aŋa beká manle, ɛmerald;

²⁰aŋa beká tamath-e, sardóniks; aŋa beká tamthərúkin-e, asardis; aŋa beká tamthəderəŋ-e, akrisolit; aŋa beká tamthərəsas-e, aberil; aŋa beká tamthərəŋanle-e, atopas; aŋa beká tɔfɔt-e, akrisopras; aŋa beká tɔfɔt ñin-e, ayasinth; aŋa beká tɔfɔt marəŋ-e, amethist.

²¹Ɔwa tadare tɔfɔt tərəŋ tɔ yi mɔlulu tɔfɔt mārəŋ; kədare o kədare alulu ñin. Ɔwa aroŋ dɔbana rɔ kápet rɔ yi məbɔŋɔ rəmaŋ, mɔ amɛmne akelkel.

²²Kɛrɛ i nənk hɛ aseth abátho ri-e, kotáy-e ɔMarki ɔKuru ka aŋfɔsɔ bɛ de yi kaLɔmɛ kəfɛth aŋ yi aŋseth abátho ñati.

²³Ka kápet kə yema hɛ aret, thalɔm aŋof tɔ kəgbentha ri, pəkasifɛ aŋyiki ña Kuru aŋ gbenthar ki, ɔwa kaLɔmɛ kəfɛth kɔnɔ yi aŋmothá ñati.

²⁴Ɔwa tábona ta aŋkisi tɔ kɔth ka kawalɛ kati; ka aŋbáy ña ádaru aŋ kárá ri ɛyiki yaŋ, de yi ɛkori kori yaŋ.

²⁵A ba hɛ kəkantha tadare ta kápet pali; ɔwa rətatak rɔ ba hɛ kəyi ri sɔ.

²⁶Ɔwa aŋ tɔ kárá ri aŋyiki de yi ɛkori kori ya tábona.

²⁷Kɛrɛ táy tɔlɔs tɔ gbɛli hɛ wɔŋ di thəbana, thalɔm ɔwe yi unəkɔ, thalɔm uyem; kɛrɛ ñaŋ gbo son aŋa ba ames maŋ ka ákáfá ka aŋesəm ka kaLɔmɛ kəfɛth.

Kaŋaibine 22

¹Kɔ tɔri mi kábəŋ ka ámant ma aŋesəm, mətɛmpi yerəŋ, mə wur ka kawaŋ ka rábáy ra Kuru yi ka kaLɔmɛ kəfɛth;



- ²Ɔwa kə thas ka aron dɛbana ra kɛpet, ka i nɛnk sɔ ka tamɔri tɛrɛn ta kabaŋ-e, aŋɛnt ɛa aŋesɛm nɛ yi, aŋa kom mɛkomi tɛtɛp tɛfɔt tɛrɛn, pɛ yi mɔ-e, aŋ kom ɔfu ɛof o ɛof. Ɔwa ɛbɔpɛr yati ɛ yi ta kadamɛr ka tɛbona.
- ³Ɔwa ɛranka o raŋka aŋ yi hɛ ri sɔ; kɛrɛ kawaŋ ka rɛbɔy ra Kuru dɛ yi ka kaLɔmɛ kɛfɛth kɛ yi ka kɛpet, ɔwa ɛbɔy yɔŋ aŋ tɛ yɔna kɔ.
- ⁴Ɔwa aŋ tɛ nɛnk ader rɔŋ, dɛ yi ɛŋes ɛŋɛ aŋ tɛ yi ka mabuŋ maŋ.
- ⁵Ɔwa rɛtɛtɛk rɛ ba hɛ kɔyi ri sɔ; aŋ fela hɛ amotha thalɔm arɛt tɛ kɛgbɛnthɛ-e, kotɔy-e ɔMarki Kuru ɔ tɛ gbɛnthɛr ɛa; ɔwa aŋ tɛ gbɛka haŋ thɛnkɛŋ thɛbana.
- ⁶Kɔ pa do rɔmi, ɔsim ɛtɛ tɛ yi tɛbɔthi lanɛ yi tɛtɛn. Ɔwa ɔMarki ɔKuru ka Aŋnɛbi asɛm, ɔ somra ɔmaleka kɔŋ tɛ kɛtɔri ɛbɔy yɔŋ mɛtɔy ama ba tɛ kɛyɛŋk der.
- ⁷Ɔwa kɛla, i ti der lɛmp. Ɔwe mɛ wop ɛsim ta kanabi ka ɛkɛfɛ ake, kɔn ɔ ba aruba.
- ⁸Mineŋ Yɔn, i tɛl, ka i nɛnk mɛtɔy amɛ. Ɔwa ma i po tɛl, dɛ yi i po nɛnk ma-e, i fumpɔ ka tatɛk ta ɔmaleka ɔwe po tɛri mi mɛtɔy amɛ tɛ kɛbatho kɔ.
- ⁹Kɛrɛ ɔ pa do rɔmi, Tɛ yɔ ti pɛkasifɛ mine i yi ɔkos mu ubɔy, yi ɔkos ka aŋwɔnt a mu Aŋnɛbi dɛ yi ka ɛa bɛ aŋa wop ɛsim ta ɛkɛfɛ ake; bɛtho gbo Kuru Mɛsaba.
- ¹⁰Kɔ pa do rɔmi, Tɛ mathlɛ mapa ma kaŋaibine ka ɛkɛfɛ ake; kotɔy-e ɛŋlɔkɔ aŋ po fat tɛ kɛlasɛr ma.
- ¹¹Kɔn ɔwe yi ukɛnɛ-e, ta ɔ tiya ka mɛkɛnɛ mɔŋ thuŋ; ɔwa kɔn ɔwe yi unɔkɔ, ta ɔ tiya unɔkɔ thuŋ; kɔn ɔwe yi ulompi, ta ɔ yi ulompi thuŋ; ɔwa kɔn ɔwe yi usɛm-e, ta o yi usɛm thuŋ.
- ¹²Kɛla, mine i ti der lɛmp; ɔwa ɛŋrɛm a mi aŋ yi yi mineŋ tɛ kɛram wuni o wuni mɛ mɛ mɛyɔs mɔŋ mɛ yi.
- ¹³Mine yi Alfa dɛ yi Omeka, ɔTɛtɛkɔ yi ɔLɛpsɔ, ɔTɛpi yi ɔGbanthir.
- ¹⁴Afɛm aruba ɛaŋ aŋa po yak ɛsuma taŋ kɛmɛ aŋ gbɛli ba mamari tɛ kɛder ka aŋɛnt ɛa aŋesɛm, dɛ yi kɛmɛ aŋ gbɛli wɔŋ ka tadare ta kɛpet.
- ¹⁵ɔtesoma-e, maɛɛn-o, aŋmɛn-o, aŋfɛm arɛpi-o, aŋfɛm adif-o, ɛaŋ aŋa ramnɛ ɛyɛt ɛbumɛrnɛ-o, dɛ yi wuni o wuni ɔwe bɔthɛr rɛyem-o, ama ɔwe fɔf rɛyem, ɛa bɛ aŋ yi rokɛŋ ka kɛpet.
- ¹⁶Mine Yisɔs, i po som ɔmaleka kɛmi tɛ kɛlɔma mu mɛtɔy amɛ salata ɛchɔch. Mine yi aŋThɛŋk dɛ yi ɔWan ka Debid, dɛ yi ɔKɔs kɛgbɛnthɛ kelkel ka rabɛth.
- ¹⁷ƆYina mɛsɛm yi ɔbera ufath aŋ pa, Der. Ɔwa ta kɔn ɔwe tɛl ɔ pa, Der. Dɛ yi kɔn ɔwe ba rɛmun-e, ta ɔ der. Wuni o wuni ɔwe selɔ, ta ɔ gbasi ɛmɛnt ma aŋesɛm kɛyɛŋkaŋ.
- ¹⁸Tɛ tentɛnɛ i maŋ wuni o wuni ɔwe tɛlɛ ɛsim ta kanabi ka ɛkɛfɛ ake, Bɛpi wuni o wuni ɔ bɛr ka ɛkɛra ake-e, Kuru ɔ tɛ bɛrɛ kɔ ɛnakasi ɛyɛ a po gbal ka ɛkɛfɛ ake;



¹⁹ɔwa bepi wuni o wuni ɔ gbɛŋki ʔsim ta ʔkera ka ʔkafʔ ake-e, Kuru ɔ tɔ nɔy ʔŋni ŋɔŋ ka ʔŋɔnt ŋa ʔŋesɔm, de yi ka kʔpet kəsɔm, yi ka mʔtʔy ama a po gbal ka ʔkafʔ ake.

²⁰Kɔn ɔwe sɔŋ mɔseri ta mʔtʔy ame, ɔ pa, Tɔ tentɛnɛ i ti der lɛmp. Yao, der ɔMarki Yisɔs.

²¹ʔŋboŋa ŋa ɔMarki kʔsu Yisɔs Krayst ʔŋ yi yi ʔŋsɔm bɛ. Amina.



Esclarecimento

Trata-se de iniciativa particular, com os seguintes objetivos: (i) colaborar para divulgação dos diversos textos bíblicos disponíveis, e, (ii) facilitar o acesso a esses textos, inclusive por meio de download.

Todo esforço em tornar a Palavra de Deus acessível a todos, em quaisquer localidades e falantes das mais diversas línguas, precisa ser um objetivo de todos os que são guiados pelo Espírito Santo. Ele inspirou o profeta Jeremias a dizer “não ensinará jamais cada um ao seu próximo, nem cada um ao seu irmão, dizendo: Conhece ao SENHOR, porque todos me conhecerão, desde o menor até ao maior deles, diz o SENHOR” (Jer. 31:34).

Jesus, também, falou assim: “e será pregado este evangelho do reino por todo o mundo, para testemunho a todas as nações” (Mat. 24:14).

Muitas organizações foram constituídas com o propósito de fazer a Bíblia disponível nas diversas línguas. Não é uma tarefa simples. Anos de trabalho, dedicação e entrega são necessários para esta tão extraordinária missão.

O texto deste trabalho está disponível na internet, em páginas eletrônicas de organizações que produzem ou divulgam bíblias, sem acréscimos de notas ou comentários. Assim, reconhecendo e respeitando os direitos que possuem sobre seus trabalhos, incumbe a todos os que amam a Palavra de Deus, o esforço em contribuir para amplificar sua divulgação.

Se possível, faça download do texto, para que sejamos, também, guardiões da Bíblia, e, com isso, preservando-a para as futuras gerações.

Divulga a Palavra de Deus, ela mostra o Caminho e permite a todos, que se conheça Sua vontade, em todos os lugares e épocas.

Marcel da Glória Pereira
2021, Vitória/ES - Brasil